

sc. sup. 1. p. 1. 3.









IOANNIS IO

VIANI PONTANI, LIBRORVM
omnium, quos soluta oratione com
posuit

IN QVO

Centum PTOLEMAEI sententiae, à PONTA
NO è Græco in Latinum tralatae, atq; expositae.

Eiusdem PONTANI de rebus cœlestibus Li
bri XIII.

De Luna, Liber imperfectus.

*Hic est tomus tertius operum
Ioannis Ioviani Pontani*



BASILEAE,

M. D. XL. CB



CAPITVM LIBRO

RVM QVI IN HOC TER

tio Tomo continentur,

INDEX.

SENTENTIARUM PTOLEMAEI LIB. I.

PROOEM		XXXIIII.	63
I.		XXXV.	65
II.			66
III.			68
IIII.	10	XXXVIII.	70
V.	12	XXXIX.	72
VI.	13	XL.	74
VII.	17	XLI.	75
VIII.	19	XLII.	76
IX.	20	XLIII.	77
X.	23	XLIIII.	78
XI.	25	XLV.	80
XII.	26	XLVI.	81
XIII.	29	XLVII.	82
XIIII.	29	XLVIII.	ibid.
XV.	30	XLIX.	85
XVI.	32 <i>Sent</i>	L.	86
XVII.	33 <i>ten</i>	LIBER SECVN-	
XVIII.	34 <i>ten</i>	DVS.	
XIX.	35	PROOEMIUM, Pag.	89
XX.	36	LI.	92
XXI.	ibid.	LII.	97
XXII.	37	LIII.	99
XXIII.	38	LIIII.	100
XXIIII.	42	LV.	102
XXV.	44	LVI.	104
XXVI.	45	LVII.	105
XXVII.	46	LVIII.	106
XXVIII.	49	LIX.	107
XXIX.	50	LX.	109
XXX.	57	LXI.	110
XXXI.	59	LXII.	111
XXXII.	61	LXIII.	113
XXXIII.	61	LXIIII.	114

CAPITVM III. TOMI INDEX.

	LXV.	115		LXXXIII.	142
	LXVI.	117		LXXXIII.	142
	LXVII.	118		LXXXV.	144
	LXVIII.	119		LXXXVI.	ibid.
	LXIX.	120		LXXXVII.	146
	LXX.	121		LXXXVIII.	147
	LXXI.	124		LXXXIX.	149
Sen	LXXII.	125	Sen	XC.	150
ten	LXXIII.	126	ten	XCI.	153
tia	LXXIII.	129	tia	XCII.	ibid.
	LXXXV.	ibid.		XCIII.	155
	LXXXVI.	130		XCIII.	157
	LXXXVII.	131		XCV.	158
	LXXXVIII.	133		XCVI.	159
	LXXXIX.	136		XCVII.	160
	LXXX.	ibid.		XCVIII.	161
	LXXXI.	137		XCIX.	162
	LXXXII.	140		C.	164

DE REBUS COELESTIBVS LIB. I.

PROOEMIUM.	Pag.	173
Cur a b Ariete sit principium Zodiaci.	Cap. I.	178
De duodecim Signis in triginta gradus singillatim distributis.	II.	ibid.
De qualitatibus duodecim signorum.	III.	179
De signis masculinis seu femininis.	IIII.	182
De signis Aequinoctialibus, Cardinalibus, & Solstitialibus.	V.	183
De signis mobilibus, fixis, & communibus.	VI.	184
De Planetarum domibus.	VII.	185
De domibus Veneris.	VIII.	187
De domibus Iouis.	IX.	190
De domibus Martis & Saturni.	X.	ibid.
De Mercurij domibus.	XI.	192
Quòd domorum constitutio sibi maxime consentiat.	XII.	193
De altitudinibus Planetarum.	XIII.	194
De Aspectibus & configurationibus.	XIIII.	197
De Aspectibus beneficis & maleficis.	XV.	199
De signis auersis & disiunctis.	XVI.	200
De inequalitate dierum & noctium secundum climata.	XVII.	201
De signis obliquis aut rectis.	XVIII.	202
De signis præcipientibus & obediens.	XIX.	204

CAPITVM TERTII TOMI

De Antiscijs & gradibus sibi respondentibus, & signis euidentibus.

XX.		205
De signis alienis & inconiunctis.	XXI.	209
De decurijs seu decanis.	XXII.	ibid.
De finibus signorum.	XXIII.	211
Ratio de numero & ordine finium.	XXIII.	213
De finibus Tauri.	XXV.	215
De finibus Geminarum.	XXVI.	ibid.
De finibus Cancr.	XXVII.	216
De finibus Leonis.	XXVIII.	217
De finibus Virginis.	XXIX.	ibid.
De finibus Libræ.	XXX.	218
De finibus Scorpij.	XXXI.	ibid.
De finibus Sagittarij.	XXXII.	ibid.
De finibus Capricorni.	XXXIII.	219
De finibus Aquarij.	XXXIII.	ibid.
De finibus Piscium.	XXXV.	220
De dominis Triangulorum seu Triplicitatum.	XXXVI.	221
De Signis & Ventis.	XXXVII.	223
De Simulacris, quæ cum signis ipsis oriuntur.	XXXVIII.	225
De aspectibus dextris ac sinistris.	XXXIX.	227
De triplici genere aspectuum & configurationum.	XL.	228
De Duodenarijs signorum.	XLI.	230
De Duodenarijs Planetarum.	XLII.	231

LIBER SECVNDVS.

PROOEMIUM.	Pag.	231
De quatuor cœli quadraturis.	Cap. I.	236
De distributione ætatis ac uitæ hominum.	II.	237
De quatuor Cardinibus, eorumq; distributionibus.	III.	241
De duodecim signiferi locis.	III.	243
De locis peculiaribus planetarum.	V.	251
De conditione stellarum diurna seu nocturna.	VI.	255
Mutari qualitates planetarum pro cœli regione.	VII.	257
De Erraticarum qualitibus.	VIII.	ibid.

LIBER TERTIVS.

PROOEMIUM.	Pag.	262
De parte fortune.	Cap. I.	276
De stellis quando masculas vires suscipiunt, quando foemineas.	II.	277
De collo-		

I N D E X.

De collocacione Planetarum in angulis.	III.	278
LIBER QVARTVS.		
PROOEMIUM.	Pag.	280
De Sole.	Cap. I.	282
De Luna.	II.	286
De quatuor elementis, & quinq; Planetis.	III.	289
De duodecim signis, & corporis nostri membris.	IIII.	292
De Saturno.	V.	292
De Atra bile.	VI.	294
De Ioue.	VII.	298
De Marte.	VIII.	301
De Venere.	IX.	303
De Mercurio.	X.	306
LIBER QVINTVS.		
PROOEMIUM.	Pag.	310
De Ariete.	Cap. I.	312
De Tauro.	II.	310
De Geminis.	III.	319
De Cancro.	IIII.	324
De Leone.	V.	327
De Virgine.	VI.	341
De Libra.	VII.	345
De Scorpio.	VIII.	348
De Sagittario.	IX.	352
De Capricorno.	X.	356
De Aquario.	XI.	360
De Piscibus.	XII.	363
LIBER SEXTVS.		
PROOEMIUM.	Pag.	366
De Saturno & Ioue simul geniturae imperantibus.	Cap. I.	369
De Saturno & Marte simul.	II.	371
De Saturno & Venere.	III.	373
De Saturno & Mercurio.	IIII.	375
De Ioue & Marte.	V.	376
De Ioue & Venere.	VI.	378
De Ioue & Mercurio.	VII.	380
De Bili.	VIII.	381
De Marte & Venere.	IX.	382

CAPITVM. TERTII TOMI

De Marte cum Mercurio.	X.	383
De Venere cum Mercurio.	XI.	384

LIBER SEPTIMVS.

PROOEMIUM.		Pag. 386
De Marte datore artis ac magisterij.	Cap. I.	392
De Venere quando erit domina magisterij.	II.	394
De Mercurio magisterij & artium datore.	III.	395
Quando uel duo, uel tres fuerint datores magisterij.	IIII.	398
De magisterijs ipsis, & eorum qualitatibus.	V.	399
De Mercurij commixtione cum alijs Planetis.	VI.	402
De collatione signorum in dandis magisterijs.	VII.	405

LIBER OCTAVVS.

PROOEMIUM		Pag. 407
De domino genituræ.	Cap. I.	410
De Saturno genituræ domino.	II.	411
De Ioue genituræ domino.	III.	414
De Marte genituræ domino.	IIII.	416
De Venere cum fuerit genituræ domina.	V.	418
De Mercurio genituræ domino.	VI.	420
De Sole & Luna circa dominatum genituræ.	VII.	421
De quadam generali præceptione.	VIII.	422

LIBER NONVS.

PROOEMIUM.		Pag. 423
De constitutione humani corporis.	Cap. I.	426
Diuersitatem corporum proficisci è commixtione stellarum.	II.	427
De capillis.	III.	432
De oculis.	IIII.	436
De opinione Aristotelis.	V.	437
Præcepta cognoscendæ corporeæ constitutionis.	VI.	438
De Saturno circa corporaturam.	VII.	ibid.
De Ioue circa corporaturam.	VIII.	440
De Marte circa corporaturam.	IX.	441
De Venere circa corporaturam.	X.	442
De Mercurio circa corporaturam.	XI.	ibid.
De luminaribus circa corporaturam.	XII.	443
De maturatione stellarum circa corporaturam.	XIII.	444
De quadrantibus circa corporaturam.	XIIII.	445
De stellis fixis, & signis circa corporaturam.	XV.	446

INDEX,

LIBER DECIMVS.

PROOEMIUM.	Pag.	
De locis inferentibus uitia aut ægitudines.	Cap. I.	448
De uitijs seu ægitudinibus, & primo de oculis.	II.	450
De sterilitate & abortu, deq; uitijs circa pudenda.	III.	453
De causis sterilitatis.	IIII.	460
De cõfigurationibus facientibus sterilitatem, & hermaphroditos.	v. ibid.	463
Opiniones Physicorum de hermaphroditis & geminis.	VI.	466
De lingue uitijs.	VII.	468
De alijs quibusdam uitijs.	VIII.	469
De utiligine, scabie, & alijs uitijs compluribus, siue ægitudinibus.		473
IX.		475
De claudicatione pedum, & alijs quibusdam morbis.	X.	477
De neruorum uitijs ac morbis <i>apoplexia paralyti.</i>		480
De morbo comitali.	XII.	
De infania.	XIII.	

LIBER VNDECIMVS.

PROOEMIUM.	Pag.	
De utiligine siue morphea.	Cap. I.	482
De impetigine.	II.	484
De scabie.	III.	485
De elephantia.	IIII.	486
De calculis.	V.	487
De quibusdam siue uitijs, siue ægitudinibus in generali.	VI.	488
De uitijs, siue morbis in locis pudendis.	VII.	489
De hydropisi.	VIII.	492
De cardiaco.	IX.	ibid.
De torminibus.	X.	493
De mutilatis.	XI.	494
De tabe, siue phthisi.	XII.	ibid.
De podagra.	XIII.	496
De hernia.	XIIII.	498
De difficultate partus.	XV.	499
De præcipationibus & casibus.	XVI.	500
De frigidis & glutinatis.	XVII.	501
De foetidis.	XVIII.	503
De caluitio.	XIX.	506
De canitie & surditate.	XX.	507

CAPITVM III. TOMI INDEX.

LIBER DVODECIMVS.

PROOEMIUM.	Pag.	21
LIBER DECIMVSTERTIVS.		
PROOEMIUM.	Pag.	21
De infania ex morbo comitiali.	Cap. I.	24
De configurationibus facientibus morbum comitalem.	II.	28
Alia configuratio faciens comitalem.	III.	34
De statu & conditione planetarum cum Sole considerandis.	IIII.	35
De uitijis, siue aegritudinibus intemperantiae.	V.	39
LIBER DECIMVSQVARTVS.		
PROOEMIUM.	Pag.	46
De septem Climatibus.	Cap. I.	49
DE LVNA, FRAGMENTVM.		52
FINIS.		

LECTORI.

NE mirere Lector, si aliter Ptolemæi initium hoc in libro uideris, quàm in alijs ueteris translationis & uideris, & legeris. Nam PONTANVS sententiam uerborum Ptolemæi in sua Præfatione ad Federicũ Urbini principem *παραφραστικῶς* exprimit: & ne illa desyderares, hic Græca apposuimus. Sed tamen ea aliter hic scripta inuenies, quàm PONTANVS legisse uideatur.

Προεικθήμενοι ὡς σύρε τὰς γνώσεις τῶν ἀστρον. ἀς γὰρ τῶν σωθέντων διενήργουν λόσμων, καὶ τὸ πρὸν ἀνεβήμεθα πόνημα, ὁποῦ λαμπρὸς ὄσι τῶν βιβλίων κένων γενωδὲν εἰς αἰρέας. διὰ τὸν μέλλοντα ὅσον μετρίαι, πρὸ τῶν τὰς εἰς αὐτὴν μεθόδους διελθεῖν. εἴτα πρὸς ἀναγνώσειν τούτου χωρεῖν ἀπὸ τῆς αὐτῆς.

1

IOANNIS IOVIANI
PONTANI COMMENTATIONVM
IN CENTVM CLAVDII PTOLEMAEI

sententias, ad FEDERICVM
Vrbini Ducem,
Liber Primus,



AMETSI publicarum rerum administratio, belliq; gerendi cura deterre-
re me iure possunt, FEDERICE dux fortissime, ne te
maximis difficilimisq; occupatum rebus, et
bellicis et urbanis, intemptius ad eam: per-
specta tamen mihi facilitas tua, et rerum plu-
rimarum studium atq; cognitio, in eam opinio-
nem fiduciamq; adduxere, uti existimem, ni-
hil te importunum aut inemptium ducere, quod ad naturae cognitio-
nem, et ad eam quae scientia dicitur, facere intelligeres. Quam opinionem
mirum etiam in modum auxere Romae Neapoliq; sermones inter nos se-
pius habiti, tum alijs de rebus, tum de caelo, et illis sempiternis ignibus;
quas erraticas, aut fixas stellas uocamus: quum earum inuestigationem
rem admirabilem esse diceret, et homine maxime dignam, tum propter
diuinitatis communicationem, tum ob rei difficultatem, nobilitatemq; ma-
teriae. Quid enim caelo nobilius? aut eius inquisitione praestantius? quid
item admirabilius, quam hominem in remotissimis a caelo constitutum lo-
cis, ad caeli ipsius, et stellarum quae caelo feruntur, secreta penetrare? Illud
uerò supra quam dici posset, molestum tibi esse intellexi, quod diuinam rem
ab illis qui eam tractarent, indignius haberi cerneret. Aut enim nimis fa-
cile quae sitis de rebus pronunciare, aut quaedam in pronunciando sequi,
quae ab obscuris tradita autoribus, aut male intellectis ueterum sententijs,
in usum recepta essent: quibus est rebus maximi errores inoleuissent et in
docendo, et in pronunciando. Quos prouirili extirpare conatus, Clau-
dij Ptolemaei libellum, centum enunciata, id est sententias, continentem, olim
male in latinum conuersum, denuo tibi transtuli: cuius sola translatione nequa-
quam contentus, singulis sententijs commentariolum, quod sententiae ipsae
clariiores essent, subiici stellarum significationes, decretaq; quantum res
ipsa passa est, naturalis ad causas rationesq; accommodans. Ipsa autem co-

mentatio nostra est tota, in qua laborasse iure fortasse gloriabimur, quando quod Græcorū Latinorumq; nullus adhuc præstitit, ipsi primi præstitimus, ut stellarū naturas actionesq; ad naturæ causas effectionesq; accommodaremus: quod in alijs quoq; libris, quos nondum emisimus, uberius atq; expressius facimus. Sed de labore, studio, industriaq; nostra hactenus. Claudius Ptolemæus libellum hunc ad Syriū fratrem scripsit, quem ait fructum esse librorum, quos antè de stellarū decretis scripserat, unde *læpæ* Græcè inscribitur: in quo quæcunq; tradūtur, usu experientiaq; probata esse dicit, ueritatiq; maximè consentire. Monet autē, ne quis prius ad eum legendum accedat, quàm omnes scientiæ coelestis partis attigerit. Atque ille quidem hæc Syro cum fratre agit. Nos uerò te et hortari, et rogare non desinemus, uti commentationes has nostras sic legas, ut qui existimes magis iudicium à nobis tuum, propter singularem, quæ in te est, peritiam postulari, quàm laborum studiūq; huius nostri laudem inde quæri.

P T O L E M A E V S.

I.

* **A T E** & à scientia. Fieri enim nequit, ut qui sciens est, particulares rerum formas pronunciet: sicuti nec sensus particularem, sed generalem quandam suscipit sensibilis rei formam: oportetq; tractantem hæc rerum coniectura uti, Soli autem numine afflati prædicunt particularia.

P O N T A N V S.



Nec medici, nec moralis philosophi sola est cognitio, sed quædam etiam operatio: et medici quidem curatio, moralis autem philosophi actio, eaq; et honesta, et secundum uirtutem reclamq; uidetur rationem esse. Idē etiam de astrologo dicimus: siquidem non modò coelestium corporum cognitio, sed eorū quoq; quæ ab illis portēdantur, prædictio ad eū pertinet. Sed ipsam futurorum cognitionem, quam antiquis placuit appellare diuinationem, alij naturali quodam instinctu assequi uidentur, studio et disciplina alij. Quocirca duplex uidetur esse futurorum prædictio: altera ad uim quandam homini insitam, atque ad naturalem quosdam eius motus solutos ac liberos, omni carentes arte, referenda: altera ad disciplinam, quæ ratione constet atque obseruatione. Et prior illa uidetur à stellis excitari, nulla eorum quæ dicantur, quæ quæ coelestibus motibus indicentur, habita ratione aut consilio. Hos motus ut incon-

sul-

sultos, ac nulla humana arte ratione que temperatos, appellare solemus fanaticos: & eos ipsos qui sic moueantur, tum fanaticos, tum lymphatos dicimus: quidam etiā dæmoniacos, uulgus spiritatos appellat. Quorū omnis, ut dixi, prædictio statim refratur ad stellas. Quamquam Prophetas diuino quodam afflatu uaticinatos credimus: quorū prædictiones atque uaticinia Dei ipsius habeantur oracula. Posterior arte, id est, ratione, atque obseruatione constat. Ac sub priori genere, atque in uaticinantium ordine collocari solent Sibyllæ, quas maiores nostri, ut pote numine quodam afflatas, tantopere uenerati sunt. Quin hodie quoque Mathometani, furentis homines, tanquam diuinū aliquod familiare numen habeāt, & beatos, & Deo charos dicunt, maximāq; ueneratione prosequuntur. In hoc uerò posteriori & haruspices, & augures, & coniectores collocabantur à ueteribus. Sed uetera sint ista: nos autem omnem diuinationem bifariam partimur, & alteram furentium esse, alteram mathematicorum dicimus. Et furentes quidem quid ipsi dicant aut nō intelligunt, aut quam ex causa prædicant, prorsus ignorant. At mathematicus quid tum ratione, tum obseruatione nititur, quæ dicit intelligit, & quemodo prædicat nequaquam ignorat: cuius prædicta ab astrorum cognitione proficiantur, hoc est, ab actionibus passionibusq; quæ ab illis excitari solent, ut longa obseruatione compertum est. quarum omnium causa est motus, ad quem generatio refratur atque corruptio, itemq; ea quæ generatis ipsis accidere soleant. Ad hanc autem cognitionem, cuius magistra fuit experientia, quando ab antiquis obseruatoribus mandata est literarum monumentis, plurimū quoque lectio cōferret, præsertim doctissimi cuiusque. Sed ut bonos poëtas ars sola non efficit, plurimumq; in ijs natura ualeat, sic neque sola disciplina mathematicum perficit: in quo, quum celestium significationum interpres sit, multò etiam magis quàm poëta necesse est, uti natura ipsa uires suas exerceat, quando medicum quoq; & imperatorem asseuerent fortunatum esse oportere, quod natalium stellarum beneficio illis tribuitur. Hoc est igitur quod ait Ptolemæus, à te & à scientia, hoc est, ab insita ui, & à syderum cognitione prædictio est: ut intelligamus eorum quæ futura sunt, quæq; ab astris significantur, prædictione proficisci: tum ab instinctu naturali, atq; à facultate à stellis tradita: tum ab arte atq; cognitione stellarum ipsarum, & à diuturna obseruatione illorum quæ à stellis significari sunt solita. Quod etiam Manilius in carmine suo confirmat, quum ait:

Hoc quoq; fatorum est, leges edicere fati.

Etenim, ut Cicero ait, nihil est faciendum inuita Minerva, hoc est, na-

tura repugnante. Quamobrem excellentem mathematicum duplici oportet præsidio uti, naturæ atque eruditionis. Quum autem omnis futurorum prædictio sit aut de singularibus, aut de generalibus, uidendum est, in uniuersum ne, an singillatim prædicere mathematicus debeat. At qui scientia, ut naturales asseuerant, de singularibus non est, nec de ijs quæ indiuidua dicuntur, sed de uniuersalibus potius. Ergo cum astrologia scientia quædam sit, oportet mathematicum ab enuncian- dis singularibus abstinere. Quocirca rectè Ptolemæus subiunxit, impossibile esse, scientem, id est, sola disciplina præditum, particulares rerum formas prædicere, ut qui procul rem aliquam uideat: neque enim quum hominem à remotissimo uidemus loco, aut Lucium, aut Marcum, sed quia moueatur, quia re- clus incedat, hominem esse sentimus. Et uocis quidem remotissimæ sonum tantum percipimus: cuius autem ea uox sit, aures minimè distinguunt. Age consideremus hac etiam in parte medicos: quum multa ab ijs præcipiuntur in curandis febribus ac morbis alijs, rectè quidem, atque appositè, sed in indiuiduis quibusdam, ut etiam ipsi dicunt, eorū præcepta manca sæpi- sime reperiuntur: quod euenire necesse est propter multa, quæ aut natura ipsa obstrusa sunt, aut quod raro ac repente accidant, incerta. Morales item philosophi licet omnia mediocritate metiantur, interrogati tamè medium illud quod sit, ad quod mediocritas ipsa referatur, respondere solent, illud à sapiente definiri, ac tale esse, quale recta dicet ratio: adeo de quibusdam particulariter loqui recusant. Quoniam autè medici propter diuturnum usum, multamque obseruationem, signa quædam sequuntur, ex quibus euen- turum quid sit in ægritudinibus iudicent, idcirco Ptolemæus ait, mathe- maticum conijcere res oportere, hoc est sequentem signa, atque ea quæ diutur- no sunt studio obseruata, de futuris dicere. Quod si medicorum sepe nu- mero ingenia hæsitant, propter corpora ipsa nostra, quæ cælestes motus sequuntur, atque ob occultas morborum causas, quanto magis æquum est in prædicendis futuris titubare mathematicum? tū propter rerum ipsarum quæ contingunt uarietatem inconstantiāque: tū propter stellas ipsas, qua- rum naturas incognitas habeat: ex illo enim infinito stellarū numero pau- carum admodū uires naturæque, etque non usquequaque humana solertia cō- prehense sunt. Ad hæc satis compertū est, pro subiecta eas materia, proque locis ac regionibus agere, quædamque homini aut libera permissa esse, aut ea moderari ratione ac modo posse. Postquam autem Ptolemæus dixit im- possibile esse, rerū cœli peritum particularis res prædicere, duplicemque diuinationem fecit, quum omnis aut de uniuersalibus, aut de singularibus rebus prædictio esset, subiecit numine afflatus, id est, diuino quodam spiri-
tu

tu concitatos, particulares rerum formas solos prædicere: ut uideatur disciplinam, id est, stellarum scientiam, à prædictione particularium omnino sciungere, eamque solis illis relinquere, qui à stellis ipsis, id est, diuino afflatu concitati uaticinantur. Sed queramus ista etiam diligentius: nam si de nullis particularibus mathematicus pronuntiabit, uix pauca quædam ei pronuntianda relinquentur: quando etiam rustici ex lunæ solisque; prognosticis diutius obseruatis prædicunt pluuias crastinas, futuros item uetos, atque à qua sint cœli regione flaturi. Qui si de particularibus his certa pronunciant, cur non Astrologus et ipse dicere de futuris quibusdam particularibus audeat? quorum iudicium non tam sit à secundarijs, quam à stellis ijs à quibus secundaria ipsa moueantur. Et medici quanquam multa in uniuersum de febribus ac morbis differunt, tamen de singulis etiam febribus subtilissime minutissimeque præcipiunt. Idem prædicunt, quo die, qua etiam hora periculosa futura sint accessiones, quibus antequam ueniant, remedia quoque adhibent. Iubent etiam aliter iuuenem curari, aliter senem: aliter æstate, aliter hyeme: aliter eum qui calefiat multo sanguine, quam qui atra bili sit arefactus. Quæ nisi particularia sint, nescio quid sit quod dici iure possit particulare. Sed tamen, ut dictum est, in indiuiduis quibusdam hæsitant. Mathematicus quoque ubi intellexit, ex stellis id significantibus, bellum excitatum iri in Italia: si urbium teneat genituras, hoc est, signa ascendentia, et significatores planetas: item quæ faueant, quæ ue minitentur stellæ, cõpertum habeat, nimirum prædicere poterit, his quam illis urbibus magis bellum imminere. Idem de pestilentia, de caritate annonæ. Sed nec attentabit, ut etiam quærat quanti uenire habeat aut uini cadus, aut frumenti sextarium, aut quot sint homines prole interituri: quamuis pronuntiare poterit, aut uinum, quam triticum futurum carius: aut ex biliosis plures quam ex pituitosis, id est, phlegmaticis interituros, propter naturas stellarum, quas plane cognitus habeat. Idem quum nati alicuius genituram cõpertam habuerit, ferre poterit sententiam, an futurus sit adulter, inque rebus Veneris intemperatus. Quot autem sit cogniturus mulieres, et Clodiamne an Albinam, Gaditanamne an Syracusanam, ut nominatim etiam patriam ac parentes explicet, prædicere mathematicus nec potest, nec debet: est enim aut omnino impossibile, aut maxime omnium difficile. Tomafutius, qui patrum nostrorum memoria in Umbria clarus habitus est uates, Fulgineæ quum esset, et uatum more multa prædiceret, ciuibz quibusdam consulentibus, quando Trincij, qui in ea ciuitate principatum obtinebant, diem essent obituri, respondit, qua hora campana prætoria effringeretur: quod non multo post contigit. Nam quum Fulgimates aduersus Trincios coniurassent,

conuenissetq; inter cōiuratos de die, & item loco, signum autem adorium di, prætoria illius campanæ sonus constitutus esset, demandatumq; id ex coniuatoribus uni: is quum signum daret, & illi facinus signo accepto aggressi iam essent, inter primos pulsatus campana fracta est, ut eodem penè momento ipsi etiam domini cæsi fuerint. Paucis antè annis in Aegypto, in urbe quam Cairum hodie uocant, quum equites duo, quos Mamalucos dicunt, simul equos ad fontem appulissent, uatem ferūt quendam exclamare cœpisse: ad eius autem clamores frequentem populum conuenisse: quosdam etiam percontatos esse clamoris causam: tum uatem respondisse, uidere sese duos simul Soltanos (sic enim reges appellant) equis insidere. Quod uaticinium non multò post comprobatum re ipsa fuit: nam qui tunc regnabat diē quū obijisset, duo illi de regno inter se digladiati dicuntur. Quæ Martius uates Romanis olim uaticinatus fuerit, tum alijs de rebus, tū Cannensi de clade, apud Liliū est uidere. Hi sunt igitur quos Ptolemæus ait particulares rerum formas prædicere, diuino quasi numine concitados: quorum omnis siue furor, siue concitatio ab astris est, quorum ipsi nec significationes teneant, nec illorū naturas aut motus intelligant: estq; ut Ouidius inquit, deus in illis, quo agitante calecant: quoniā sedibus ætherijs spiritus ille uenit. Ex his quæ dicta sunt, planè ostensum uidetur, quot sint prædicendi genera, & quibus de rebus sit tū mathematicorum, tum furentium prædictio. Quare ad reliqua transeamus.

PTOLEMÆVS. II.

Quum is qui consultat, ipsum melius scrutabitur, inter id & eius formam nulla rerum differentia erit.

PONTANVS.

Hæc sententia ad auspicationes, consultationes, & rerum incepta, atque ad animorum motus, ubi quid primum decernimus, aut aliquid aggredimur, maxime pertinet. Inquit enim: quo tempore quis facere aliquid decernit, hoc est, qua hora aut agere, aut facere quippiam proponit, capitq; consilium aut cogitationem rei cuiuspiam aggrediundæ, si cœli figuratio, & cœlestium corporum status inspicitur, planè intelligetur, eius propositum consiliumq; ac deliberationē, cœli ipsius informationem sequi, talemq; formam esse rei quæ agenda suscipitur, eamq; in animo decernentis factam impressionem, qualem & cœlum, & cœlestis figuratio informauit. Sed euagmur aliquanto liberius. Si cœlestis motus causa est eorum quæ hic fiunt, atque inferiora hæc corpora superiorum corporum agitationes sequuntur, necesse est, ut inquirenti rerum inferiorum causas appareat ipsum melius, hoc est id quod præstat, quod

primum

primum est, & ut ita dicam, principale, & à quo, tanquam à meliori, id est, ab agente causa, hæc ipsa inferiora moueantur: id autem est coelum, & quæ coelo feruntur corpora, à quibus inferiora formantur: siquidem causæ sunt, cur hæc ipsa fiant: græcè est τὸ ἀρσένιον, quod nos non inconuenienter fortasse cæli numen diceremus. Quoniam autem generatio non est à casu, & quæ genita sunt, materia cōstant ac forma, oportet materiam adesse idoneam, appositam, formæ ipsius aduentantis susceptibilem: parare autem materiam, ac postea informare, quod utrunq; sit suo tempore, & cœlesti, & cœlestium corporum. Quocirca quum nec actio, nec passio, quæ est à stellis, sit à casu, sed pro natura tum suscipientis, tum informantis: qui rimatus hæc fuerit, planè compertum habebit, talia hic fieri, qualium cœlestes causæ fuerint institutrices. Quamobrem serenitates, pluuie, tempestates, frugum proventus, inopia, salubritas, pestilentia, quæq; alia in terra, aqua, aëre fiunt, cœli naturam, ac cœlestium corporum agitatus sequuntur. Quin etiam ipsæ quoque hominū mentes ab imaginaria ui pro natura planetæ imaginariā ipsam mouentis afficiuntur: talisq; est hominis corporatura, qualem coelum ipsum in generatione concinnat, habita etiam ratione parentum ac patriæ. Ex quo fit, ut in genituris, in consultationibus, in rebus incipiendis, cœli figura, cœlestiumq; corporum constitutio nihil prorsus differre habeat à formis ijs, quæ ab ipso statuuntur: imò illis similem euentum indicat, effectumq; promittit. Nec uerò audiendi sunt, qui opinantur, sentire hic Ptolemæum de orbibus cœlestibus, utpote animatis, aduersus eos qui aliter crederent: hæc enim uerba nihil omnino eiusmodi præ se ferūt. Quin Ptolemæus, ut prudens & cautus autor, quum de stellarum significationibus, deq; prædicendis earum effectibus præcepturus esset, in ipso statim initio docuit, qualia à cœlo decernerentur in terris fieri: quod nisi esset, uana omnis uideri poterat mathematicorū prædictio. At uide quā appositè: quod quum superiori uerbo de mathematici dixisset officio, & quod esset ostendisset, docuissetq; cum in generalibus prædictionibus uersari, statim subdidit, talia in cōposito hoc mundo fieri, qualia decernantur à stellis: ut ostenderet materiam, in qua mathematicus uersaretur, nec uanam esse, nec fallacem. Non solū autē in genituris & inchoandis rebus, ut dixi, cœlum diligenter inspectum, ac stellarum figurationes, locorumq; naturæ probè examinatæ, quid & quale futurum sit indicabunt, sed in consultando quoque, & in ijs quæ Interrogationibus à recentioribus dicuntur: quamuis Interrogationibus ipsis fides non tam certa sit adhibenda, quod nōnunquā ea quæ naturalis cōmotio putatur, uoluntas est,

- mentisq; cogitatio, à consilio rationeq; proficiscens. Quamobrem sententia hæc non ad animi solum commotiones, rerumq; incepta accommodanda est, sed ad alia quoq;, quæ in ipsis elementis fiunt: & tanto quidē magis, quod elementa coelestes cōmotiones propensius sequuntur, quibus humana mens nec statim accedere, & aliqua ex parte obsistere queat. Qui tamen græcè hæc Ptolemæi dicta explanat, de genituris & quæstionibus
- solum intelligit: cuius uerba sunt hæc: In interrogationibus geniturisq;
 - iuxtafigurationes stellarum ipsum melius id est coeli informans corpus,
 - nullam prorsus in aliquibus sui rerumq; informatarum differentiam habet, uerum sui similem eis efficaciam indicat.

P T O L E M A E V S . III.

Qui ad rem quampiam aptus est, habebit profectò & huiusmodi significationis stellam admodum potentem in sua genitura.

P O N T A N V S .

Superiori uerbo quum esset dictum, species rerum earum quæ hic fierent agerentur uel, coeli ac stellarū decreta sequi, conuenienter subiicitur, naturalem ad rem aliquā hominis aptitudinem, eiusq; propensiorum applicationem cum facilitate & excellentia ab eisdem stellis id ipsum significantibus tribui, quum optimè fuerint in natiuitatibus collocatæ. Neque enim sine maximo sit coeli fauore aut hostilitate, ut ille in disciplinis aut in re bellica, alius in facultatibus alijs admirabiliter exerceat, hic uerò abiecta quadā torpescat ignauia, utpote naturali beneficio destitutus. Etenim quum sit à Marte uirilitas, si uirilis hominis inspecta sit genitura, planè apparebit Martem in primarijs coeli locis, atq; in signis cōuenientibus, siue in altitudine sua cum aliqua etiam fauorabili coniunctione, aut affectu esse collocatum. Item, si intelligentes sunt à Mercurio, inspecta intelligentis hominis natiuitate, ipsa nobis natalitiæ figuræ cōstitutio indicabit à signis locisq; propitijs, Mercurij adesse præsidium, quibus ipse in locis cum maiestate quadam potestatis suæ præsit. Experti prodimus, qui Mercurium in Geminis in domo tertia collocatum habuit, atq; à Sole remotū, euasisse clarissimū in literis ac ingenij sui uiribus, assiduamq; lectione absq; multa præceptorum opera consequutum, ut & philosophiam, & astrologiam optimè terneret. Etenim Mercurius in tertia genituræ domo positus, in suis præsertim signis, si à nullo impugnetur, sitq; à Sole remotior, admirandum præbet nato ingenium: ut quas ad artes cum naturaliter impellit, illas non modò faciliè discat, sed multa quoq; per se natus ipse inueniat, cunctaq; quæ ad eas quas sequitur artes pertineant, ingenij sui felicitate

citate & citò, & facile consequatur. Idem & de stellis reliquis dicendum.
 Sed quod de singulis dicimus hominibus, affirmari etiam de populis rectè
 potest. Siquidem Athenienses mirum in modum fuisse literarum studiosi,
 Lacedæmonij uerò contrà. Syros auaros effecit frigida Saturni stella: at
 uolentius Martis ardor Gallos stolidos atq; inconsultos reddit: ut hæc
 ipsa coeli ac stellarum uis etiam nationibus imperare uideatur: quod cur
 ita sit, uideamus. Mens hominis, quicq; intellectus dicitur, sensibus perinde
 ac ministris utitur: & quicquid agit, per illorum ministeriū ac famulatum
 agit. Is ea quæ oculis cernuntur, auribus concipiuntur, naribus, lingua,
 tactioneq; sentiuntur, sibi oblata distinguit: quorum etiam causas quærit,
 quibus inuentis de ijs rectè iudicat. Quocirca uis ea, quæ phantasia dici-
 tur, quæ receptaculū est, & tanquam penu eorum omnium quæ sensus cōci-
 piunt, ad intellectū quæ concepit transfert, ea tum uisa, tum simulacra di-
 cuntur à nostris, Græci uocāt *phantasmata*. Sed quū sensus ad phantasiā,
 hoc est, ad imaginariā uisū (sic enim appellare placet) imaginaria ad in-
 tellectum atq; ad animū concepta transmittat, ipsa quidem imaginaria ab
 humoribus mouetur, celerius tamen aut tardius, acutius aut hebetius, pro
 humorum qualitate ac natura: qui licet quatuor sint, infinitas tamen atq;
 incomprehensas mixturas habent. Porro humores ipsi elementorū natu-
 ras, è quibus constant, sequuntur, quæ cœlesti à motu, corporibusq; quæ
 cœlo feruntur, affici manifestum est. Tales itaq; cuiusq; instinctus atque
 commotiones sunt, quales ab humoribus, è quibus compactus est, excitan-
 tur. Igitur quū frigus metū, calor fiduciam gignat, Mars calorem impel-
 lens, animos facit: Saturnus frigus cohibens, & animū cohibebit. Et illum
 quidem imaginaria excitabit ad uiriliter, ad liberalitatem, ad elationem,
 ad libertatem, quæ caloris sunt: hunc uerò ad ignauiam, ad auaritiā, ad
 humilitatem, ad simulationem, quæ frigoris sunt. Atq; hoc quidem pacto,
 & uia hæc, planetæ uires in nobis suas exercent. Hæc naturæ cōmotiones,
 & planetarū, ut ita dixerim, influentias, motus quoq; uoluntarij plerumq;
 sequuntur: & qui instinctus erat, applicatioq; naturalis, actio aut electio
 efficitur uoluntaria. Atq; uti stellarum temperamenta multiplicia sunt,
 sic ipsorum quoq; humorū multiplices mixturæ. Quibus è rebus hæc tan-
 ta existit ingeniorum diuersitas, totq; uarias ad res animorum applicatio-
 nes, ut quod in singulis uidemus hominibus, uideamus & in nationibus.
 Namq; ut uis hæc Mariū bellicæ, Ciceronem oratoriæ studiosum fecit:
 sic Athenienses ad literas, Romanos magis ad armorum exercitationem
 excitauit. Quas ad res patrij mores, leges institutaq; multum etiam con-
 ferunt. In omni autem hoc libro planetas nūquam, sed asteres semper Pto-

tem.eus nominauit: quanquam asteres solū planetas intelligi uult, quem nos in his cōuertendis sequuti sumus. Quod præmonuisse forsitā alienum non est: ut quū stellam legeris, nisi fixam addiderimus, planetā intelligas.

P T O L E M A E V S.

III.

Anima ad cognitionē apta, ueri plus assequitur, quā qui supremū in modū se in scientia exercuit.

P O N T A N V S.

Et à stellarum munere, & à rerum cœli peritia prædictionem esse superius est ostensum. Quando autē imitatrix naturæ est ars, dubitandū nō est, quin naturæ ipsius primæ sint partes ad prædicendi ueritatē, & quod à natura insit, uirium plerunq; esse maiorum, quā quod ab arte. Itaque si in questione sit, naturalis ne uis, an studium cognitionis atq; doctrinæ plus ad prædicendum conferat, primæ partes cōcedendæ sunt naturæ. Siquidem anima à stellis concitata ea sentit ex se, quæ ab ipsis stellis significata, ars quodammodo mendicare uideatur: & quod superius de poetis est dictum, prima in mathematico ut in poetā ingenij uis est, naturalisq; aptitudo, qua deficiente ars ipsa manca uideatur. Quum enim quæ à natura insunt, perficere ars soleat, frustra studio nitimur, ubi nullū nobis adiumentum à natura tributū est. Quarta hac Ptolemæi sententia, licet ipsa è superiore sententiā enascatur, confirmantur tamē etiam illa quæ in primo uerbo dicta sunt à nobis, de instinctu et concitatione naturali. Illud etiam inspicendum, quod uehemens uis ingenij, & insita à stellis aptitudo, etiam leuibus adminiculis adiuta, magnos ex sese conatus habet, celereq; cōmotiones & ad cernendum, & ad iudicandū. uerbi gratia: Quæ dicuntur secundaria, dubium non est quin significationes suas habeant: nam quū sint à stellis excitata, propter proprias actiones in primis corporibus futuras indicant tum pestes, tū siccitates, tū alia permulta, quorū quidem effectus est posterior, ipsa uerò quasi quædam sunt eorum signa. Hæc igitur sequuta ingenij uis, ac naturalis illa, de qua dictum est, aptitudo, & tanquam uestigijs quibusdam inherens ea sentit, præuidetq; suo illo instinctu, insitaq; à natura sagacitate impulsæ, quæ ars ipsa aut minimè, aut certè quā difficilimè assequatur: siquidem natura paucioribus, ars pluribus indiget. Quamobrem fateamur oportet, ingeniosum hominem, & à natura bene institutum, ueri plus, hoc est maiorem rerum cognitionem, ingenio, dum illud exerceat, assequi, quā qui multo studio ad summam peruenerit disciplinam. Quæ sententia quoniam artes quoq; ac disciplinas planè omnes complecti uideatur, sic quidem sentiendum est, qui philosophiæ, qui iuriciui, qui poeticiæ dant operam, qui deniq; facultatibus alijs student, eos &

facilius

facilius et citius omnia consecuturos, quæ artis suæ fuerint, si naturali beneficio adiuentur, quam qui repugnante quodammodo natura, licet multo studio ad illa peruenire conantur. In illis enim exiguus etiam usus, exercitatioque mediocri maiores profectus adducit, quam in ijs maior eruditio, summis etiam uigilijs comparata. Neque tamen hoc ita intelligendum est, ut natura non sit usu atque exercitatione etiam multa confirmanda. sed ut sterilis ager licet sæpius subactus, nunquam uberis agri, si is quoque solertem colonum habuerit, felicitatem assequetur: sic hebetis hominis quamuis diligens studium ac cura, nunquam ingeniosi hominis, si is sibi non defuerit, laudes atque excellentiam adæquabit. Illi enim euadere solent quamclariissimi, quibus à natura quum excellens ingenium datum sit, illud hebescere non patiuntur: confitendumque est, naturam in plerisque arte potentior esse, quod facile apparet res humanas consideranti. Namque, ut de poetis exempla tradamus, adolescentulos quosdam uidemus tenui doctrina præditos, maximis tamen ingenij uiribus adiutos, uersus egregios facere, quum ij qui in ea facultate cōseruere, uix assecuti sint ut uersificentur. Et quum in Italia etiam sponte sua nascantur uites, eas quamuis magno cultu operaque adhibita alere Cimbrius ager nequit. Hoc est igitur quod Horatius præcipit:

Tu nihil inuita dices, faciesque Minerva. Atque ut Virgilius inquit: "

Nec uerò terræ ferre omnes omnia possunt. Quamquam autem in omnibus tum artibus, tum disciplinis insita à natura uis sanè multum potest, plurimum tamen in futuris prædicendis uis hæc pollet, quod in artibus consiliū ratioque, et ipsa exercitatio maximum adiuuentum afferunt. At in futuris diuinandis, quod ea uis à cælo magis, quam ab arte proficitur, naturalis cœli cōstitutio plurimum ualeat. Quando consiliū diuturniorque cogitatio, ac rerū pensitatio, quod in futuris ac fanaticis secus est, naturales impedire cōmotiones solet. Quod autem ad translationem ipsam attinet, ne à græco uerbo discederem, animam dixi: quod accipi sic uolo, ut animæ uis intelligatur ea per quam sentimus, intelligimus, cogitamus, atque ad rerū cognitionem scientiamque pedetentim progrediendo peruenimus. Animam maiores nostri dixerunt. Et quum animam habere etiam pecudes dicerent, solis hominibus animam, dei munere atque cōcessu datum arbitrabatur. Illa inquam uis potestasque per quam sentimus intelligimusque, atque cogitamus, et mens, et intellectus dicitur, quo quæ acutior acriorque præditus est, ingeniosus dicitur: ut licet hic dicere, animam ad cognitionem aptam, id est, ingeniosum hominem, atque à natura ad cognitionem, atque ad rationem, ut græcè dicitur, aptum natumque, longe uerius per se futura sentire atque uaticinari, quam qui arte longaque exercitatione, ac doctrina etiam summa fretus futura prædicat. Inde enim ingenium

dictum est, quod à natura ingenitum insit : *quantum tum agri, tum loci ingenium, id est, naturam, licentia quadam loquendi dicimus.*

P T O L E M A E V S.

V.

Potest qui sciens est, multos stellarum effectus auertere, quando naturam earū nouerit, ac seipsū ante illorum euentum præparare.

P O N T A N V S.

Quum elementa ipsa inuicem conuertantur, necesse est ut corpora quoq; nostra, quæ ex illis cōstant, alternas immutationes suscipiāt. Quod si terra in aërem transit, quanto erit facilius, adhibita diligenti opera, corporum nostrorum qualitates, hoc est calidum frigido, frigidum calido temperare, quod medicorum opus et studium est. Quum itaq; compactio nes corporum, quæq; hodie dicuntur complexionēs, incrementum ac detrimentum suscipere aptæ sint, et quod calidum est transire ad frigidum queat, nimirum poterit calida natura adhibitis frigidis temperari, ac sicca humidis, humida item siccis : quod ars, cura diligenti adhibita, procul dubio præstabit, ipsa rerum non repugnante natura. Quocirca si ob minima Martis aspectum cognitum sit astrologo, ex sua ipsius genitura, atq; ex anni conuersione fore, ut in ardentiores febres incidat, poterit solerti medicorum opera, antè prouisa, febris uel omnino auerti, uel magna saltem è parte leniri. nam quum febrem illam excitatū iri è nimio calore intellexerit, solers medicus, cibis potionibusq; frigidioribus diutius adhibitis calorem illi moderabitur: quo modificato, urens illa Martis uis, quū in humeflo incendi nequeat, uel omnino extingatur, uel magna ex parte sedetur oportet. Item, si hosticus Saturni aspectus perniciosos humores excitaturus intelligatur, idq; per atram bilem, hoc est, melancholiam, euenturum appareat, poterit prudens medicus aridū frigidumq; humorem, humeflis calidisq; modo mensuraq; adhibita, temperare. Atq; hæc quidem auersio non in ijs solum, quæ ad morbos pertinet, uerū in euitandis quoque aut leniendis humanis casibus momenti multum habet. Nam si prouisum sit naufragium, poterit a mari fluminibusq; si uulnus, à contentioni- bus ac pugna continere: si Mars uulnus pectori minitetur, thorace loricaq; tectus incedere: qua ratione in conscrendis cum hoste manibus uulnera cui tari sepiissime solcant. Etenim in casibus quibusdam, licet periculum euitari omnino nequeat, damnum certè prohiberi aut omnino, aut magna è parte solet: siquidem mucro thorace prohibitus pectus rarò penetrat. Quoniam autem nō omnia uinci prudentia possunt, idcirco Ptolemæus dixit multos stellarū effectus auerti posse. Non posse uerò omnia superari quæ à stellis

à stellis significentur, tum aliàs sæpiſſimè, tum nuper docuit tanta in ora Tarentina & Crotonienſi cœli ſiccitas, ut non armenta ſolum ſit inecta dicantur, ſed coloni iam cœperint aliò immigrare, quum putei, fontesq; exaruerint, et pabula ſegetesq; deſecerint, ac re decimū iam menſem nulloſ imbres mittente. Quamobrem quando auerti prudentia cuncta nequeunt, rectè Ptolemæus ſubiunxit, poſſe inſtituere ſeſe ad ea toleranda, quæ euentura ſint acerbæ et grauiæ. quæ enim prouiſa ſunt, minus lædūt: repentina uerò afficere grauius ſolent. Ergo cœli minæ, ut fames, id eſt, annonæ caritas, ac uictus egeſtas, ut bellū, ut alia per multa diligenter prouiſa & cautæ, neceſſe eſt multò minus offendāt. Atq; hic quidē eſt fructus, qui ex cœleſtium ſignificationū cognitione, cū maxima etiā utilitate percipitur. Illud hoc loco monuiſſe lectorem uolumus, quæ græcè eſt *ἡμετέρα*, nos & effectum, & uiam, & operationem, actionemq; ſolere dicere: expreſſius tamen efficacia dicitur: quo uerbo uſum ſæpiſſimè uidemus Iulium Maternum, rerū cœleſtium ſcriptorem planè accuratum ac diligentem.

P T O L E M A E V S.

VI.

Tunc dierum prodeſt & horarum electio, quum tempus à genitura bene conſtitutū eſt. Si enim contrarium eſt, nequaquam profecerit: quamuis bonū fortaſſe exitum reſpexerit.

P O N T A N V S.

Ea cœli pars quæ hora natiuitatis ſupra terras aſcendit, unde à noſtris appellatur Aſcendens, Græci *ἡ ἀνατολή* uocant: ea inquam cœli pars, id eſt, primus cœleſtis conſtitutionis ac figuræ locus, principiū & tanquā radix eſt omniū quæ nato uolendis annis ſint euentura, ut ſi quis completum ſinem explicet: omnis enim illa ad ſinem uſq; explicatio, ab ipſo explicandi principio ortū, & conſequendi ſeriem ducit: quæcumq; autem ad ſinē contendunt, ea ſuis profecta principijs, per media, quibus eſt ad ſinem uia, cōtendunt: nihil uerò huiusmodi fit à caſu, ſed ordine cōſtat ſuo. Quum itaq; nihil ſit cœlo magis ordinatum, generatio autem atq; corruptio, ut phyſici conſentiunt, ſit à cœli motu, ſatis conſtat, quæ generata ſunt, ſua per media ad corruptionem, id eſt, ad exitum ſinemq; contendere. Quum autē corruptio non uno fiat modo, nec ex cauſa una, neceſſe eſt media ipſa talia quidē eſſe, quæ fini, id eſt, corruptioni, cōueniant: quæ ſi cum ſine conueniunt, quum eadē ipſa media ſint, per quæ ad ſinem eatur, nō erunt ab ipſo principio diſſidentia, quando ab eo ſeriem ac progreſſionem trahunt: quod eſſe neceſſe eſt, ſiquidem ordine conſtant ac tempore. Quamobrem futurorum ſeries in hominis uitæ, quod cum hora natiuitatis

tiuitatis connexionem ac cōplicationem habeat, atq; ab illa explicari incipiat, recte dicitur, electiones dierum horarumq; utiles esse, ubi cum genitur a conuenierint: recte reprehenduntur, qui nulla genitura ratione habita, solam sequantur electionem. Etenim in arboribus inferendis quanq; arbo rem ex quaq; arbore insitionis periti minimè inferunt, sed quæ naturalem inter se conuenientiã habeant: nec omnibus corporibus omnia alimenta conueniunt, aut idem morbis omnibus remediũ est. Quocirca qui gerendis rebus initium à dierũ atq; horarum electione auspicantur, inspicere ante omnia debent, quæ fuerit in hora natiuitatis stellarũ figuratio, qui situs atq; significatio, quæ series decernendi per loca singula, qui significatores et quales, quomodo etiam collocati, quid portendant triangula, id est, triplicitates, atq; carũ domini, quis morũ dator, quis artis, dignitatis, honoris magister ijq; quis item genitura dominus, et quàm sit cõmō de collocatus in figura. Fortunæ etiã pars cum primis consideranda, et dominus loci eius, aspectusq; planetarum. Quibus postea in unum collatis, et tanquam temperatis, ferendum est de natiuita fortunisq; iudiciũ, uidendumq; non solum à quibus stellis, atq; à quo cœli loco quid aut quantum sit sperandum, sed quo etiam tempore, annuarũ quoq; conuersionum diligens ratio habenda. Quæ omnia ubi constituerim, eritq; stellarũ ac cœli fauor perspectus, tum electiones ipsæ nimirum profuturæ uidentur. Sin natiuitas ipsa nil eiusmodi sperandũ suaserit, inanis erit electio: ut si quis homini in ultima senectute constituto, ac uiribus defecto, arma ad pugnam affabrefacta paret, quæ iuueni conueniant. Quid autè inanius quàm cui nulla in religione dignitas à genitura promissa sit, cum diei horarq; eligere suscipiendi ad Pontificis itineris pro sacerdotio impetrãdo? Quin etiam quũ à cœlo tempora ipsa decernantur, quibus quid sit euenturum, et hæc quæq; expectanda sunt: poma nanq; tum iuuant, quũ sunt maturæ: atq; ut tẽpora ipsa constent, anni planetarũ obseruandi sunt. Et ad quem planetã annus ille, in quo sit electio, iam peruenerit. Nuper familiaris quidam meus annuæ suæ reuolutionis figuram ad mathematicũ dei ulit, quæ Solem ascendenti dominũ habebat in cœli medio, partemq; fortunæ bene collocatam: is mathematicus fore asseuerauit, uti natus ille eo anno maximo aliquo bono à principe afficeretur: eam enim reuolutionem magnificam et regalem esse, ac nato illi excellentem aliquam dignitatem portendere. Hoc ego cognito, uix risum tenui, quippe qui scirem nihil ei huiusmodi à genitura decerni, sed pauca quædã eaq; exilia à sole promitti. Vide quò res redijt. Vendiderat rex castellũ quoddam homini pecunioso, ad cuius possessionẽ tradendam familiaris ille missus est meus. Is eò quum uenisset,

nisbet, sed ita regio more pro tribunali, iussitq; castellanos iurare in regis
 primò, deinde in domini illius uerbis, quum interim ad eius pedes populus
 procumberet, qui honos regibus habetur: atq; hoc facto domũ redijt. Hæc
 itaq; fuit eorum omnium summa, quæ à mathematico illo tam constanter
 promissa fuerant. Quocirca in electione faciendâ natalitiæ stellæ si bene
 se habuerint, omni oppressione obstaculoq; liberæ nimirum bonæ accumu-
 labunt. oportet tamen prudentem mathematicũ natiuitatis significatio-
 nes cum electionis significationibus comparare, et tempus quærere à na-
 tiuitate decretũ, ut omnia simul conueniant. Quòd si hæc ipsa ita quidẽ se
 habuerint, ut nec cõueniant, quinimmo ut natalitiæ stellæ oppresse, atq;
 impeditæ languant, nihil electio ipsa profuerit, licet felices stellarum ap-
 plicationes, earumq; progressiones ad dominantia cœli loca, suasq; in do-
 mos ingressus sequuti fuerimus: ut si quis nuptijs diem, horamq; auspice-
 tur, quæ Venus idoneum cœli locum teneat, quæ Luna ad Iouem feratur,
 idq; etiam obseruet, ut Venus aut domũ suam, aut signũ in quo exaltatur
 ingressa sit. quod et si commendari potest, tamen uidendum prius est,
 quales nuptias natalis cœli constitutio promiserit. Fieri enim potest, ut lo-
 cus qui hac in electione septimus est, fuerit in natiuitate duodecimus aut se-
 xtus, aut male etiã fortunatus: quod ubi contigerit, auspicio quantum-
 uis prospera infelicitate uertet. Quin potius auspiciandis nuptijs natale si-
 gnũ bene feliciterq; collocandum est, ut benignis radijs à Ioue Venereq;
 illustretur, ut nuptiarũ significator sit bene constitutus, ut Luna præsiditũ
 suũ conferat. Sin hæc omnia conuenire simul nequeunt, illud certè uiden-
 dum, ne aduersus infelicitium planetarũ radijs feratur. Illud tibi ex Ptole-
 mæi sententiâ affirmare nõ dubitem, si turpes atq; infelices nuptias nata-
 lis cœli cõstitutio portenderit, frustra horam et diem eligi, frustra felices
 stellarũ aspectus quæri, frustra planetarum amicas coniunctiones expe-
 ctari. Neq; enim arbor retorrída, quamuis uiridem ac ualentem gemmam
 inferas, aut recipit, aut receptã diutius alit. At ubi honestas felicesq; nu-
 ptias genitura promiserit, boniq; electio auspicij fuerit, credibile est non
 paruum inde adiumentum natali bono accessurum. Sin secus, ut dixi, licet
 eiusmodi auspicio subblandiri uideatur, parui tamẽ futura est momenti:
 ut languenti corpori, et in mortẽ iam inclinanti, adhibita fõmenta quam-
 uis aliquantulum iuuent, quamuis nõnihil spei afferant, nihil tandem pro-
 ficiunt. Quòd si genitura ipsa infelix infæstaq; nequaquam fuerit, imbe-
 cillior tamen confrendis bonis uideatur, sperandũ est firmitatis ac præsi-
 dij aliquid felici ex auspicatione collatũ iri. Nam et corpora imbecillio-
 ra sumptis melioribus cibis confirmantur, non tamen ut uires maiores su-
 praq;

praq; corporis ipsius naturam accipiant. Sed ad ipsorum uerborum Ptolemaei interpretationē redeamus, quae quidem est huiusmodi. Electio dierum et horarum tunc utilis futura est, quum aduenit tempus, ipsaq; temporis opportunitas, quam geniturae cōfiguratio, stellarumq; genitilium efficacia promittebat, ut figura quidem geniturae cū electionis figura conueniat. Fecit autem mentionem primò de dierum electione, post etiam horarum: quoniam in quibusdam electionibus satis est diem eligere, quo Luna coniungitur planetae accommodato negocijs, pro quibus electio fit, aut planeta ipse domicilium suum, aut altitudinis suae signum ingreditur, aut ad felicem aliquem aspectum peruenit. Alibi uerò satis non est diem solum eligere, nisi horam quoq; eligas, ac coeli totius figuram constituas, primarijsq; in locis planetas, et cardines statuas: ad haec cardinū, ac rerum significatores bene feliciterq; colloques. In qua tamen electionis figura statuenda, stellisq; atq; cardinibus feliciter collocandis, illud in primis uidendum est, ut perspecta natali cōfiguratione, inspicias non solum si à genitura nato illi promissum est illud, pro quo electio suscipitur, uerum etiā si tempus ipsum praestandi promissi iam aduenit: si quidem alijs statim in ipsa iuuenta bona promittuntur à caelo, alijs ad ultimā senectutem. Quocirca temporis à caelo constituti ratio in primis habenda est. Mendicariū multi in adolescentia, quos postea senectus locupletissimos reddidit: quin etiam obscurissimis quibusdam homuncionibus contigit in Pontifices maximos euadere. Itaque si tempus à caelo praestitutum nondum aduenit, nihil profuerit felicem electionem fecisse. Quamobrem duo haec attendenda uidentur: alterum, si à caelo eiusmodi res promittitur: alterum, si praestandi promissi tempus aduenerit: et si tempus promissi ipsius aduenire nequit, si à caelo bonum ipsum initio promissum nō fuerit. Quòd si contrarium fuerit, hoc est, ut tempus illud, temporisq; opportunitas à caelo decreta nondum aduenerit, electio ipsa quamuis benigna, nihil omnino profecerit. Etenim stirpem quantumuis ualentem, si tempore nō suo pangas, haud multò post arescet: et semen nō sua tempestate sulcis ac terrae, etiā diligentissimè cultae, cōmissum, nullum colono profectū afferet: adeò in rebus ipsis tempus expectandū atq; obseruandum est. quod ubi obseruatū nō fuerit in electione suscipienda iuxta geniturae cōstitutionē, frustra quis eliget, quumuis bonū exitum respexerit, coelumq; ac planetas ipsos ita in electione statuerit, ut stellae totaq; ipsa cōfiguratio benignū ac felicem exitum rei suscipienda polliceantur. Quòd autē dicit, fortasse, uult innuere, nō putare se aliquem facturū figuram electionis praeter geniturae cōstitutionem: tamen si fortasse fecerit, affirmat cum frustra omnino fecisse.

Non potest quispiam stellarum mixturas percipere, nisi naturaleis prius differentias mixturasq; cognouerit.

P O N T A N V S .

Primo nobis uerbo declarauit Ptolemaeus, uersari mathematicū in futuris praedicendis, & quidē generaliter, duplicemq; esse diuinationē docuit. Secundo, inferiora corpora coeli & stellarū motus, ac naturas sequi, ne quis uanā opinaretur mathematicorū praedictionem, quae à coelo stellisq; deduceretur. Tertio tradidit, uehementes animorū applicationes, et insitam à natura ad res aliquas propensione proficisci à stellis, atq; à magna alicuius earum in natiuitatibus autoritate ac uiribus, ut non solum in rebus alijs compositis mixtisq; sed in homine etiā ipso ostenderet & cœlum, & stellas uires suas exercere. Ad hæc quā queri posset, ars ne atq; eruditio, an uis naturalis atq; à stellis insita, plus ad diuinationē, ad scientias, atque ad facultates alias polleret, in quarto hæc explicauit. Et quia queri item poterat, quae foret utilitas hominū generi ex praedictione, futurorumq; cognitione, docuit in quinto, multa mala quae à stellis portendantur, ubi cognita prius sint, auerti posse. Quoniam uerò rerum futurarum series quaedam esset atq; cōnexio, auspicationesq; quas nunc uocant electiones, à natiuitate defluerent, uerbo superiori aperuit, quando utilis futura esset electio. In hoc autē de quo nunc agitur uerbo, quia difficile uideretur, quā stellae tam sint à nobis remotae, quauia actiones moresq; hominū, qui ratione praediti essent, temperarent, docet astrologū ea quae de stellis tradat, ad physicas debere rationes accommodare, nec posse aliter recte iudicare. Ex quo palam fit, quae stellae in nobis agant, ea naturaliter agere: quando earū est augere, imminuere, incendere, sedare, acuire, obtundere humores qualitatesq; ex quibus constamus: ex quarū motu, atq; effectione excitentur in nobis irae, cupiditates, uisae, quae dicuntur phantasmata, quos motus, mentis nostrae cogitationes, ipsaeq; etiā intellectus postea sequatur. Ad rem itaq; ueniamus. Satis constat triplicem animae uim esse, eiq; tres inesse, ut hodie uocant, potētiās, irascendi, appetendi, ratione utendi, id est, uim irascibilem, appetibilem, rationalem. Iram appetitionemq; uirtutes quae dicuntur morales, & cōtrariae uitia sequuntur. Ratio uerò quanquā est omnium magistra et moderatrix, tamē eae quae intellectu dicuntur uirtutes, ad rationale solā referuntur. Singulis his potentijs singuli praesunt planetae: nō quod aliorū radij ipsi non multū etiam conferant. Mars praest irascibili: siquidem ira existit à sanguine ad cor

et

effruescente. Martis enim est rubra bilis, quæ græcè dicitur χολή. hodie tamen in ore omnium est cholera, quæ apud Celsum est morbi genus: et sanguis quidem ubi est effruescentior, in cholera acuitur. Quocirca prudens mathematicus nati genitura inspecta, potest dum de illius moribus effusionibusq; quæ ad iram referantur, ex Martis collocacone iudicare: tum de morbis qui excitantur à cholera. uerbi gratia: Si natus quispiam ascendente Leonem habuerit, et in eo Martem aut suos, aut Mercurij fines tenentem, nimirum iracundus erit, et ad rixas contentionesq; procliuor: tum propter signum quod pectori nostro præest, ubi sedes est iræ, cuius etiã signi natura feruentior est: tum propter naturalem Martis ardorem: quam ad rem finium quoq; natura plurimum conferet, siue sint Martis ipsius, siue Mercurij, qui et ipse retorridus est, motusq; concitatoris. Quod si quadrata Martem radiatione Sol ipse respexerit, magna hinc fiet ad iracundiã accessio, ut si arida igni fomenta adicias, unde natus ipse futurus est iracundus, et seditiosus, et turbulentus, et uiolens. qualis est natura cholerae. At si Martem, ut dictum est, in Leone constitutum, de tertio Iupiter signo amicis radijs temperauerit, nimirum et ira nati temperabitur, inquit: nato illi animi quædam magnitudo, uisq; naturalis ad res gerendas, magnas illas quidem et claras. Sed uideamus quàm hæc phisicis rationibus consentiant. Sanguinem affirmant cholerae temperamentum et tanquam frenum esse, cuius naturæ quum sit Iupiter, temperabit Martis uehementiores impetus et tanquam coercerebit. Ad hæc talidi et sicci sursum quum sit ferri, qualis est cholera, animum Mars ad alta excitabit: ne autem cholera ipsa effratur, et longius à modo recedat, sanguis, id est, Iupiter efficiet. Idem modus, eademq; erit querendi uia de Venere ac Mercurio, et planetis alijs uel nocentibus, uel iuuantibus, de quibus post suo loco dicemus. Ut igitur de nati moribus uerã possit mathematicus proferre sententiã, oportet rerum naturæ causas teneat, animæq; ipsius uires ac potestates cognitās habeat: proprietates ite, differentias, coniugationes contrarietatesq; qualitatum, ipsarumq; temperamenta et mixturas, ad quas tum stellarum aspectus, tum cuiusq; signi singularumq; stellarum qualitates proprietatesq; et comparabit, et referet. Mixturas uocamus eas, quas Græci τειρομας dicunt, indifferenter etiã temperamenta, temperationesq; uocamus: Iulius maternus ubiq; mixturas appellat: recentiores philosophi complexionēs uocant: quod uerbum quomodo in hunc sensum receptum sit, ignoro. Et quoniam qualitates, ex quibus constat, ut phisici tradunt, et plus, et minus suscipiunt, atq; alteram altera moderatur, hoc quoq; ad stellas transferens, Saturni tristitiam cum Venere hilaritate temperabit: ex qua temperatione moderatio existet in

stet in nato, eiusdem frigiditatē ariditatemq; cum humecta & calida lo-
uis natura mulcebit, feruorem Martis et rabie cōtraria Veneris potestate
sedabit, imminutiū Luna lumen Marti familiariter copulebit: tunc enim
Luna plurimū & humecto abundat & frigido. quā ē re Martis cholera
Luna pituita, id est plegmate temperatur: contra pubescentis aut plenae
Luna radijs torporē Saturni recreabit: siquidē tunc de Sole calefacta, &
toto corpore ab eo illustrata, humentis ac calefactos à Sole radios suos Sa-
turno refundens, semlem illius hebetudinē ita refocillat, & tanquā fouet,
ut excreta a Saturno siccu frigidumq; humorē humenti & calido tem-
peret, ac melancholiā sanguine moderetur. Quae omnia rerum harū peri-
tus cōmiscens & temperans, corporis etiā nati fabrica qualis futura sit,
probe intelliget, ad hilaritatem ne an ad tristitiam, ad temperantiam an
intemperantiam, ad mansuetudinem an asperitatem, ad liberalitatem an ad
auaritiam, ad taciturnitatem an loquacitatem, ad celeritatem an cuncta-
tionem nati anima pro corporis qualitatibus propensior sit futura.

P T O L E M A E V S .

VIII.

Sapiens anima confert cōlesti operationi, quem-
admodum optimus agricola arando, expurgandoq;
confert naturae.

P O N T A N V S .

Quantum generi animalū est omni naturaliter insita tum mali de-
clinatio, tum boni appetitio: homo tamen propter rationem, cuius est par-
ticips, multo quā cetera animalia & mala ipsa cautius declinare, et bo-
na quae uidentur, sibi adiungere cōmodius potest: duplici auxilio fretus,
& cōmunis naturae, & propriae rationis. In exquirendis autem utilibus,
in cōmodisq; repellendis uersatur ea uirtus, quae à prouidendis illis pru-
dentia nominata est: eius est enim utilis et inutilis, recti ac prauī, uerī item
falsiq; cognitio atq; distinctio. Sed exquisita prudentia nisi multo diutur-
noq; cōparari usu nequit: cuius ea laus est, ut ceterarum uirtutum dux ha-
beat ac magistra. Quod si tanta est prudentiae autoritas ac uis, quantō
maior debet esse sapientiae: qua nihil est in homine diuinius: siquidem hu-
manarum diuinarumq; rerū cognitionem habet. Quocirca si, ut antē di-
ctū est, multa quae à stellis portenduntur mala, auerti atq; euitari possūt,
ubi antē prouisa & cognita fuerint, cur non et bona quae ab illis decernan-
tur, antē etiā cognita, industria cōsilioq; poterunt tanquā alleclari prius
quā cuciant: & postquā cucnere, sapienti arte cōsilioq; magis ac ma-
gis confirmari? Etenim ut prouenturus ē terra satisq; seminibus fructus
plenior atq; uberior esse solet, si agricolae diligentia cultusq; pro natura
d 2 cuiusq;

cuiusq; accefferit: sic conferenda quoq; à stellis bona, si sapiens consilium, prudensq; adiuncta sit opera, ea tanquã procliuiore defluent riuo. Ac ne à medicis recedamus, hi non modò morbos curant, sed bonum quoq; habitum corporis adiuuant, sanitatem confirmant, plurimumq; opera sua naturali adiungunt robori: ad hæc et horũ præcepta sunt de sinitate tuenda, et agricolarũ de annonã in horreis conseruanda. Quamobrẽ sapiens uir, qui rerum naturalium cognitionem habeat, qui cœli stellarumq; proprias uires teneat, qui norit quid stelle ipsæ decernant, et quomodo, quum intelligat quibus à stellis, et à quo cœli loco, qua etiam ratione bona ipsa sint aduentura, si deesse sibi noluerit, uiam aduentantibus illis aperiet: et postquam peruenierint, firmitatem quoq; afferet: ut si quis aquam è superiore sit cliui in hortos deriuaturus, potest sulcum dirigere, obstantis lapides remouere, purgamenta emundare, quò fluentiore alueo decurrat in plantas: quin ad illarũ radices fossam altiore[m] facere, quò aqua tum abundantius influat, tum diutius ibidem immoretur. Idem sapiens mathematicus felicibus stellarum promissis multum conferre poterit, prudenter agendo, rectè consulendo, et largam foecundamq; animi spem arte consilioque intendendo. Quocirca ad insitam à natura tum mali fugam, tum boni appetitionem, multum in utranque partem adiumenti habet rerum cœlestium prospectio, et cognitio futurorum: ut quemadmodum medicina sanitatem procurat, alimentum agricultura, sic astrologia utilitatem hanc hominibus sui studiosis procuret et afferat. Quia uerò auertendi mali studium prius esset, boni adipiscendi posterius: siquidem medici perniciosos antè humores eiiciunt, quibus postea eiectis sanitatem conciliant: idcirco Ptolemæus quum antè de auertendis malis monitos nos fecisset, nunc docet, posse bonis artibus, prudentiq; consilio adiumentum plurimum promissis à cœlo bonis afferri: siquidem solertes agricolæ expurgatis prius noxijs herbis, ac terræ ipsius uitij edomitæ, ad frugum ubertatem plurimum conferunt, ut non solùm ubcriores, uerum etiam pleniores, ut dictum est, foetus proueniant. nam et ars naturalibus etiam bonis magno præsidio esse solet: quæ quum defuerit, poma degenerant, armenta in annos hebetiora sunt, bonisq; homini à natura datis, nisi diligens adiuncta sit institutio, non est cur perfectum aliquid suo in genere possis dicere.


PTOLEMÆVS.

IX.

In generatione atq; corruptione formæ afficiuntur à cœlestibus formis. Idcirco qui imagines faciunt, ijs utuntur, quũ eò stellæ ingressæ fuerint obseruantes.

PON-

Ut supra est dictum, utq; inter physicos constat, generationis corrup-
 tionisq; causa est motus, & hic primū quidem ipse sibi materiam con-
 ciliat, quam conciliatam postea informet. Deinde (quia motus ipse nun-
 quam consistit, ac nunc ad sex angula quadrangulaq; nūc ad triangula atq;
 opposita pergit, ac demum in seipsum, id est, unde coepit, redit) necesse est
 qualitates, quæ insunt materiæ, nunc exrescere atq; impleri, nunc immi-
 nuui, donec in excessum atq; exuperantiam abeant aliquam, ex qua interi-
 tus ipse sequatur. Quare si cœlū est quod materiam informationi appa-
 rat, erit profectio materia ipsa rudis atq; informis: secus enim nequaquam
 apta esset aliam atq; aliam formam suscipere, sicuti quod graue est, uti su-
 perna petat, institui nūquam potest: neq; enim lingua si certū à natura in-
 ditum haberet saporem, aliū quā quem haberet, suscipere ipsa posset, quā
 tamen ob insitam sibi uim nullū sit saporis genus, quod nō etiam distinge-
 sentiat. Eodem modo & materia quā sit informis, ad motus formas indue-
 re apta est. Est igitur cœli cœlestiumq; corporū informare: nam si elemen-
 talis materiæ primaria informatio non est, & est alicunde, ut quidem est,
 erit profectio à cœlo, à quo elementa ipsa cidentur & ad agendum, & ad pa-
 tiendum. Atq; ut in ipsa materia uis inest aptitudoq; uarias à cœlo formas
 accipiendi, sic uicissim cœlo stellisq; uis inest illas imprimendi. Utq; hæc
 quā illa materia magis apta est, hanc quā illam formam admittere, sic
 hæc quā illa cœli pars stellisq; hanc quā illam formam aptior est effi-
 giare: quod ni esset, species ipsæ rerum confusæ essent. At in cœlo statuta
 sunt omnia: secus enim homocœri nascerentur & equipasseres. Eadem
 rursus est corrumpendi uia ratioq;. Quocirca naturalissimè dictum est à
 Ptolemæo, & in generando, & in corrumpendo rerū inferiorum formas
 cœlestibus à formis affici. Nec uerò quæ fabulosè tradita sunt à poetis, na-
 turali ratione careant, Arietem, Taurum, Geminos, Aquilam, Canem, Leo-
 nem, Cygnum in cœlū translatis, quando ea quæ sunt generis eius apud
 nos, ad sua cœli signa referantur. Paucis ante annis Saturni Martisq; con-
 iunctio in Tauri, horridissima hyeme frigora quā excitasset, magnam bu-
 bus calamitatem attulit: & quæ uiam ouis tolerando frigori est imbecil-
 lior, in boues tamen uehementius pestis illa desēuit, propter signū cœle-
 ste, ad quod terrestris bos referretur. Quæ coniunctio si fuisset in Ariete,
 nimirum in oues senius grassata esset. In hominū natiuitatibus quum pe-
 ricula exquiruntur, si nocens stella minuetur è Geminis, nimirum malum
 id pro signi natura inferretur ab homine, quum signū illud humanum sit.
 Qui iulius in capite minaci à planeta infligitur, is Arietem habuit malè



fortunatum in genitura: præst enim Aries capiti. Membrorū quoq; ceterorum mala à signis, quibus hæc ipsa membra simulantur, si parū fortuna ta fuerint in natiuitate, demanare solent. Quos curius obtinet, quos quadripedes dilaniant, et hos infelicia genitura et sydera insectantur, quorum formis animales hæc formæ naturaliter subiectæ sint. Rerū agriscriptores tradunt, non edi à muribus uitis eius uuas, quæ noctu putata fuerit, Luna plena Leonem peragrans. Refert Alexandrinus quidam scriptor, uidisse se hominem grauiter à scorpio percussum, statim fuisse liberatum ubi bito thure contrito, in quo scorpionis cælaturū signum fuerat: ac sciscitanti sibi, in thure ne an alio commisto aromate tam præsentanea uis inesset, responsum fuisse ab eo, qui remedium id attulerat, in scorpionis signo, quod in anulo secum ferret, tam præsentis uim inesse remedij. Impressam uero eam scorpionis figuram fuisse in lapide illo anulari, ascendente Scorpio, quā Luna ibidem esset cardinaliter collocata. Ad sanandos itaq; scorpionis nocentes morsus imprimenda esse eo signo aromatica, qua hora Luna in Scorpio cardinalis inueniretur, quæ postea contrita in aqua potanda præberentur. Auctor est Hermes prohiberi calculos, si quis in auro Leonis figuræ uenibus illigatam detulerit, quæ cælata sit Sole Leonem tenente: dicitur autem nec Luna sextam domū afficiat, nec ascendentis signi dominus intueatur Saturnum, aut à Saturni coniunctione recedat: sanari etiam morbum hunc sumpto thure, quod eo sigillo esset impressum. Laurentius Miniatus, familiaris meus, amico suo doloribus capitis penè quotidie laboranti, impressa Arietis imagine remedium attulit, quam cælari in auro fecit, primo Arietis gradū ascendente, Ioue ibi constituto, nullisq; infeliciū stellarum radijs percusso, imò Luna Venereq; amicis inuentibus. Quocirca qui signa facere aut imagines uolunt, dies horasq; idoneas eligere debent, cœliq; inspicere ac cœli signa, quibus subiecta sunt animalia, quorū figuras exprimant: habendaq; cum primis diligens ratio membri eius, de quo solliciti sumus, cui sit cœli signum dedicatum, expectandusq; auxiliatoris planeta in id signum ingressus, nec non salutare noxiæ uel configurationes, aut ipsæ quoq; expectandæ dum fiant, aut donec præterierint. Dicere autem de imaginibus ac sigillis non est loci huius: de quibus non ignoramus multa etiam inaniter ac superstitiose tradita esse. Quod uero ad traductionē ipsam atinet, ubi nos conuertrimus, qui imagines faciunt, græcè unum uerbum est *εἰκονιστής*, quod est ac si diceremus, elementarij: sed hoc uerbum latine quidem neq; id quod græcè, neq; aliud quippiam, quod ad rem hanc faciat, significat. Sin conuerterimus, imaginarij, uerendum est, ne non ad imagines ac simulastra, sed ad mentis imagines ac sensa perperam quis referat. Sunt autem

hoc in

hoc in loco *σεῖχιμυτικοί*, qui sigilla atq; imagines ex mixturis ad stellarum cursus faciunt, tum ad sanandos morbos, tum ad affectus alios uel corporis, uel animi procurandos: Et *σεῖχιον* quidem quanquam græcè sit ele-
mentum, astrologi tamen pro imagine, forma, ac signo utuntur, ut quum dicunt *ὁπ δὲ σεῖχια*, hoc est cœlestes imagines, siue cœlestia signa: in qua significatione hac in parte accipiendum est *σεῖχιον*, Et quod ab eo dedu-
citur *σεῖχιμυτικόν*.

PTOLEMÆVS.

X.

In dierum horarumq; electionibus utere malefi-
cis, perinde ut optimus medicus ad curationem ue-
nenis utitur moderate.

PONTANVS.

Nec omnes morbi eisdem curantur remedijs, nec eadē medicamento-
rum omnium est natura. Etenim scamonē uehementer aliu citat, quam
sistūt mālā cydonia: et quibus leuiore sunt morbi, leuiora adhiberi reme-
dia solent: acriora, qui grauius affecti iacent: his leuia si admoueris, nihil
aut parum omnino profeceris: illis si attuleris ualentiora, morbum magis
exacuas. Quamobrem solertes medici in curanda egritudine tum egroti
ipsius, tum morbi natura prius inspecta, medicamentis utuntur accomo-
dati: quin ubi opus fuerit, etiam uenena miscent, quod illa salutare ali-
quando uim habere intelligant: quandoquidē pestilentes humores nisi po-
tionibus quamacerimis, quæ aut calidissimis, aut e frigidissimis tempera-
te sunt, e corpore non educuntur. Atqui quæ frigida calidæ uel exupe-
rant, quamuis humanis corporibus noxia sint, pro morbi tamen natura,
ubi solertis medici accessit opera, salutaria efficiuntur. Quod in morali
quoq; philosophia præcipi solet: siquidem ipse aliquando excessus mediū
est, quod nonnunquam inde queritur, ubi aliās extremum constitutum ui-
debitur. Itaq; nō herbis modò radicibusq; salutaribus, sed ijs nonnunquā
medici utuntur, quæ per se sunt pernicioſa, letalemq; uim habent: quam
etiā rationem sequentur Et mathematici in electionibus capiēdis. Namq;
ut illi morborum naturam scrutantur, quæ comperta, remedia quæ condu-
cant adhibent: sic hi rei naturam, quæ de agitur, ante perspicient, ea de in-
de perspecta stellæ eligent, Et signa, Et donus, et affectus ipsam ad rem
conducentes. Vt si quis serendis arboribus tempus auspicietur, Saturnum
Lunamq; cū primis debet inspicere, quamuis maleficā Saturnus uim ha-
beat. Itaq; inspecta prius agri atq; arboris natura, tempus auspiciabitur,
quo Saturnus in bona coeli parte collocatus sit, aspiciatq; horoscopū, quē
Aquarium aut Taurum eliget, in quorum altero sit etiam Luna cōstitutā,
quando

quando Taurus est exaltatio Lunæ, Aquarius uero Saturni domicilium. Idcirco autem Saturnū Lunamq; eligi serēdas ad arbores iubemus, quod Luna maxime corporibus ijs, quæ uegetabilia dicuntur, dominatur, Saturnus uero sationi ac seminibus præest. Qui hostem aggredi parat, in prius debet Martem aspicere, eumq; in ascendente collocare: uidebit etiam ut aut Mars ipse sit ascendentis dominus, aut à salutarī stellā, quæ sit ascendentis domina, familiariter aspiciatur. Videndum etiā, ut dominus secundæ domus aut sit in domo ipsa positus, aut Marti feliciter copulatus, sintq; potentes ambo, et oppressionibus planè libri, quo alter atrocibus radijs septimā impugnet domū, alter octauam, quæ loca sunt aduersarij. Eunti in uenationem statuendus est Mars in septimā, uidendumq; ut benefica stella tueatur ascendens. Qui cauere uult testamento, ne sit irritū, eligat Saturnum, quum crescentis Lunæ radijs irroratur. Igitur ut ea quæ per se letalia sunt, pro morbi natura efficiuntur mediocrum ope salutaria: sic et stellæ quæ maleficæ dicuntur atq; infortunantes, fiunt sepe numero felices pro rei natura, mathematiciq; prudentia. Atq; ut medicus uenenoſa salutaribus temperat, sic nocentes stellæ salutarium stellarum aspectibus cōiunctionibusq; sunt à mathematico temperandæ. In primis autem nati genitura, coelestiumq; decretorū series consideranda est, quod superius in capiendis electionibus est præceptum: multos enim natalitiæ stellæ, quæ alioquin maleficæ iudicantur, adiuuant. Eorum etiam quæ agenda proponuntur, natura diligenter inspicienda est. Videndæ item stellæ quæ illis dominentur: siquidem bellis Mars præest, ædificationibus Saturnus, rebus alijs alij. Si incerta genitura fuerit, poterit patris natiuitas inspicī, atq; inde quantū ars disciplināq; tulerit, sumi. Ad hæc nati ipsius mores actiones, artesq; considerandæ, eaq; suos ad planetas referendæ. Stellæ etiam ipsas commiscere oportet. Etenim qui bellicis in rebus clari sunt, eorū actiones Mars bene collocatus, bonisq; adiutus aspectibus decernit: qui si malè constitutus in genitura fuerit, atq; in deiectis cœli locis positus, artes dære solet quæ ferro igniq; exerceantur. Quocirca si fabri Ferrarij, si centurionis cuiuspiam sit ignota natiuitas, pro quo auspiciatio queritur, Mars erit considerandus: siquidem ars ipsa indicio est, in illius natiuitate Martem plurimum ualuisse. Merito igitur accusandi sunt, qui nullorum delectu habito, nullæ geniturarum obseruatione adhibita, ubiq; stellæ beneficas sequuntur, maleficas negligunt: atq; illas quidem in bonis ac primarijs locis statuunt, has uero in abiectis, in quibus languescant, ac tanquam torpentes laceant. Ptolemæus quos hodie nostri fortunantes aut infortunantes planetas dicūt, uadentes atq; uolentes

22. 1. 40 uocat: nos cum in interpretatione sequuti, ut uerbum uerbo reddamus, beneficas atq; maleficas, id est, salutareis ac nocentes stellas dicimus. Et benefici quidem planetæ sunt Iupiter ac Venus, malefici uero Mars atq; Saturnus.

P T O L E M A E V S.

XI.

Diem horamq; non antè eligas quàm propositæ rei noueris qualitatem.

P O N T A N V S.

In ijs quæ ad electiones pertinent, primū hoc præceptum traditū est, ut electio ipsa natiuitati cōueniat. Secundum, ut malefici etiam stellis adhibita, salutarium temperatione utamur. Tertium est, ut antequam diem aut horam auspiceris, rei ipsius quam tibi agendā proponis, naturam optime noscas: qua ignorata, eligere nequaquam rectè ualeas. Siquidem pro rei natura tum planetæ ipsi, tum cœli loca signaq; aut fugitanda, aut capienda sunt. E quibus efficitur, ut in diebus horisq; auspiciandis duo in primis considerata sint, agendæ rei qualitas, et eius qui agere uult natiuitas: quorum alterum si malè fuerit obseruatum, utilis esse suscepta electio uix poterit. Quandoquidem et agricola prius quàm serit, tum agri ipsius naturam, tum etiam seminis qualitatem considerat. Neq; enim, ut Virgilius ait, terræ ferre omnes omnia possunt. Itaq; quando non omnibus sunt omnia à cœlo stellis quæ promissa, nec omnes planetæ in rebus omnibus quæ influunt, nō solum genesis ipsa inspicienda est, sed rei quam quis agendam sibi proposuit, qualitas naturaq; pensitanda, qua pensitata et cognita, poterit in electionibus cōmodas stellas admittere, illisq; pro rei ipsius, suaq; ipsarum natura uti, quo simul omnia conueniant. Siquidem citharædi ubi quam modulari cantionem uolunt, antè cantionis ipsius numeros expendunt, chordas inde prætrahant, et ijs quidem in locis, quæ cantici numeris consentire habeant: medici quoq; non antè remedium ægroto adhibent, quàm morbi naturam probe teneant. Idem itaq; eueniet astrologo quod et medico, ut uterq; plurimum peccet: ille si morbi curandi, hic si rei pro qua fit electio, naturam ignorauerit. Neq; enim artifex ignorata materię qualitate, cōmodè apparare illam operi suscepto potest. Conuenienter itaq; Ptolemæus sententiam hanc superiori statim subiecit, docens signis ac planetis pro subiectæ rei qualitate utendum esse. Etenim qui diem questibus concursionibus statuit, uidere debet uti Luna Martem minaciter aspiciat, sitq; si fieri poterit, in Martis domicilio collocata, atq; in Ariete præsertim: nam Scorpius insidijs aptior est. Qui ad concurrendum egreditur, horam eliget, qua Mars ipse uel ab orientis cardine exurgat, uel

ad coeli medium progrediatur: qui si Venerem ijs in locis elegerit, nihil dignum ea concursione geret. Qui iter suscepturus est, domum nonam, & item septimam atq; octauam fortunabit: siquidem nona eorum quae in itinere euentura sint, significationem habet: septima locum indicat, ad quem iter suscipitur: octaua uero index est eorum, quae illo sint in loco euentura. Contra qui peregre domum reuertitur, primam et secundam, et tertiam fortunabit domum: quando altera locum, ad quem regressio fit, indicat: altera, quae illic post reditum: tertia, quid in ipsa reuersione sit euenturum.

P T O L E M A E V S.

XII.

Amor odiumque ne uera eueniant iudicia prohibent, siquidem minuunt maxima, augent minima.

P O N T A N V S.

Amor odiumque: siue animae sint affectus, siue hominis ipsius, qui ex anima constat & corpore, mentem à uero deflectere, rationemque ipsam labefactare, ubi maiores uires habuerint, solent. Nam & in eos quos amamus indulgentiores sumus: siquidem pro magno peccato paululum supplicij satis est patri: & quos odio habemus, eorum supplicij ac malis exatari uix possumus. Has passiones & in consulendo, & in iudicando plurimum obesse non est qui dubitet. Nam & qui res publicas administrant, si amicitia similitudine ut uincantur, fieri non potest, uti in commune consulant. Et qui de hominum capitibus sententias dicit, si affectus hos sequatur, illi quamuis grauiore poena dignum, propter amorem aut absolutum dimittet, aut longè minori, quam quod à lege statutum est, supplicio afficiet: ab hoc uero, quod odio praecipit, pro leui peccato etiam grauissimas poenas exigit. Nam in ijs quos amamus & grauiora errata praeterimus, & uirtutes quamquam leuiiores, magnificis tamen laudibus prosequimur: contra in aduersarijs leuissima peccata conuiciosissime incesimus, moresque licet spectatissimos despicienter abijcimus, atque obscuramus. Iure igitur Ptolemaeus cauendos affectus hos praecipit & in natiuitatibus, & in electionibus iudicandis, ne si ex felici stellarum constitutione ocium, pecunia, suppellexque multa promittatur: rursus si ex infelici radiatione labores, paupertas, grauiaque pericula portendantur, odio aut amore uicti impediamur, quo minus ueras sententias proferamus. Quemadmodum itaque praetor, ac iudex aequus, legum ipsarum personam in iudicando induit, sic uerus mathematicus stellas ipsas, ac coeli statum decretaque sequetur, à cuius significationibus, atque ab artis disciplinæque institutis, ob beneuolentiam, maleuolentiam uel nullo modo recedet aut demendo aliquid, aut addendo. Quamobrem in ferendis sententijs, futuris quae praedicendis, non solum regulas

regulas, quæ suprà positiæ sunt, seruare mathematicus debet, sed in primis cauebit, ne affectibus his uictus, bona malæ à stellis decreta aut significata, maiora minoraue futura pronūciat, siue de amico, seu de inimico iudiciū sit laturus. Iudicium ac sententiā indifferenter dicimus, quod græcè est ἀνταλλομε: nam & hodie astrologi iudicare dicuntur, & eorū prædictiones iudicia uocantur. alibi quum de stellis loquimur, & effectus, & decreta, & significationes, nec non euenta pro arbitrio dicimus.

P T O L E M A E V S.

XIII.

Quum coelestis constitutio quippiam significauerit, adiutricibus etiam corruptiuis stellis, hoc est secundarijs utere.

P O N T A N V S.

Dicūm est in primo uerbo, oportere mathematicum signa sequi atque coniecturas, quod etiam apud Ciceronem in primo libro de diuinatione Quintus frater confirmat, quum ait augurum, astrologorum, quinetiam medicorum artem opinabilem esse, cōiecturaq; contineri: & iure quidem, quando & medici, & agricolæ, & nautæ signa sequuntur, ex quibus futura coniiciunt: in urina enim quæ cernuntur signa, magna ex parte morbum indicant. His accedunt uigiliæ, horrores, pallor, suspiria: per multa in oculis, in naribus, in lingua, in uoce, in alijs etiam corporis partibus signa sentiuntur. Et uespertina, matutinæque coeli siue serenitas, siue obscuritas, aut rutila innubilitatio, futuras tempestates decernunt. Ad hæc pluuia solstitialis, hyems serena, uer pluuium, & alia multa (est enim prognosticorum magna uis) futurum segetis prouentum indicant: nec uerò diuturna obseruatio ratione caret. Atq; ut ad mathematicos ueniamus, signa, quæ ipsi persequuntur, sunt ea quæ secundaria dicuntur, quæ in elementis ipsis cernuntur, ut cometæ, ut motus terræ, ut uehementiores tum pluuie, tum siccitates, ut uenti, & eius generis alia. Motus igitur, progressionēsque coelestium corporum, qualitates elementorum, quæ illis subiecta sunt, cient, quorum postea mutationes corpora & ipsa nostra sequantur. Neque enim pestes, frigora, annonæ inopia, diluiones, exustiones fiunt, nisi à causis antegressis. Etenim quæcunq; fiunt, ut ab aliqua fiant causa, necesse est. Quocirca mathematicus, qui ab aliqua eclipsi, aut stellarum coniunctione, quæ in aliquo cœli cardine facta est, aut pestilentiam, aut aliud morbi genus indicari sentit, si hyeme plurimos Austros, si uere continuas pluias, eas quæ ab eisdem Austris fundi uiderit, nactus hæc signa, quum intelligat futurum, ut aduentantibus caloribus humida illa uis corrumpatur,

nimirum affirmare poterit, multas astate futuras aegritudines, quod et
 sagax quoque medicus sentiet. Itaque sequutus signa haec, ex ijsque coniectu-
 ram capiens, quum a secundarijs sese adiuuari intellexerit, ueras nimi-
 rum sententias proferet: intellectus enim causis, habitisque causarum ipsa-
 rum signis, a futuris rerum euentis non decipietur. Ex quibus efficitur,
 ut quemadmodum prudentes medici non statim inspecto egroto de illius
 morbo iudicant, sed signa prius uidere uolunt, prognosticaque expectant,
 sic diligens cautusque mathematicus, in ijs maxime quae in uniuersum spe-
 ctant, ubi minaces eclipses, aut coniunctione uidetur, ut praedicere certio-
 ra ualeat, secundaria considerabit: quae ubi una consenserint, uix illi relin-
 quitur, an quod praesenserat, de illo habeat dubitare. Quod idcirco dici-
 mus, quod non semper actiuis passiuam consentiunt. Vbi uero secundaria ui-
 sa fuerint, certum est, patientium naturam suscipiendis agentium stellarum
 qualitatibus aptam esse. Stellae autem corruptivae, quaeque coelestium stella-
rum decreta adiuuant, sunt ea quae in elementis cum exuperantia, et ui-
quadam maiore fiunt, ut siccitates, aut pluuiae nimiae, ut uenti diuini ab
eadem mundi parte flantes, ut cometae, ut frequetes traiectiones ignium,
qui per aërem feruntur, ut serenitates asiduae, diuturnae uel innubila-
tionem, quaeque alia confirmandis stellarum decretis plurimum momenti habent.
 Nam in reuoluendis mundi annis, hoc est Sole Ariete ingrediente, si coeli
 constitutio morbos pestilentiamque indicauerit, propter iniquam Martis
 Saturnique collocactionem, et hyems humida calidaque praecesserit, hac tanquam
 secunda causa mathematicus ad praedicendum utitur. Siquidem ubi cali-
 dum humidumque hyeme exuperauerit, propter eam quam habent corrup-
 pendi naturam, coelesti constitutioni plurimum conferent. quae idcirco se-
 cundaria Ptolemaeus appellauit, quod secundas uires habeat: quando pri-
 ma uis in coelo stellisque coelestibus inest, secunda in elementis quae ab illis
 cientur. Vocauit et corruptiua, quod omnis elementorum exuperantia cor-
 ruptionem adducat. Conferre autem atque opitulari propterea dixit, quod
 ubi elementorum qualitates accidentiaque cum stellis ipsis consenserint, longe
 ualentius atque acrius coelestia influant corpora: quocirca secundas stellas
 nominauit, propter secundam uim illis insitam. Secundae uero hae causae pri-
 mis non semper conueniunt causis, ob praeteritas stellarum constitutiones.
 Nam ubi planetarum configuratio praegressa est, huic de qua dixi, Saturni,
 Martisque constitutioni contraria, quod illa prius elementa pro natura sua
 affecerit, nequaquam poterit subsequuta Martis Saturnique constitutio, mate-
 riamque sibi aduersantem nata, tantam ad nocendum potestatem uendicare. Sunt
 tamen quae stellas has, id est, secundaria, intelligi uelimus stellas, quae extra
 zodiac-

zodiacum à septentrione meridièq; ferantur, quòd uires impares uiribus stellarum, quæ signifero feruntur, habeant: ac si quæ in ipso signifero collocatæ sunt, pares uires, paresq; omnium irradiationes sint. Quocirca falso uidentur opinari: quin Ptolemæus quum ad prædictiones faciendas à signis coniecturisq; uehementer adiuuari mathematicum iudicet, de ijs potius stellis præcipit, in quibus signa et tanquam notæ futurorum cernantur, quas à uirium potestatisq; similitudine stellas uocauit, quòd cœlestes stellæ primæ causæ quum sint, elementa ipsa secundæ stellæ, id est, secundæ causæ essent. Atque hæc quidem regula superiori regulæ rectè subijcitur à mathematicis obseruanda.

P T O L E M A E V S.

XIIII.

Quantis in erroribus uersatur astrologus, quū locus septimus, atq; eius dominus afflictī erunt.

P O N T A N V S.

Quum multa præcepisset, quæ mathematicis seruanda censeret, illud etiā addit, quod inspicere ante omnia in quæstionibus, hoc est interrogationibus debeat. Etenim si est aliqua cœli pars quæ detur interroganti, et mathematico sua dabitur. Datur autē interrogatī ascendens, et iure quidem, quando ea cœli pars quū moueri supra terras incipiat, uidetur esse causa cur aliquis ad consulendū, id est interrogandum moueatur: eius autē qui querit interrogatio, et querendi finis cōspectat, ut id de quo incertus est, sciat. Accedit is itaq; ut ignorans ad scientē: ignorantia uerò et scientia e regione sibi aduersantur. Dabitur itaq; mathematico, ut pote scienti, locus qui sit ignoratī loco oppositus: opponitur autē ascendenti occidens. itaq; occidens, id est septima cœli domus in figura constituenda danda est mathematico, ut consultoris sit prima domus, consulti septima. Scio quantos hinc mihi concitē aduersarios, sed ueritas præferenda est. quis est enim nostrorū Astrologorum, uiuentiū dico, qui nullo mathematicis loco attributo, occidentē cœli cardinem, id est septimam domū non attribuat rei quæ sit? Omnes hoc sentiunt, sequuti Arabes, seu Syros quosdam scriptores, à quorum libris, in linguam nostram malè translatis, utinam hic solus diuinus error esset. Sed ne solus ipse hoc sentire uidear: quanquam hoc ipsum sentire Ptolemæum ex suis ipsius uerbis manifestum est: ne solus inquam sentire hoc uidear, audiat et græcus quidam interpres: Ascendens eiusq; dominus, ubi quis de re aliqua mathematicum consulit, pro consultore accipiendus est: pro ipso autem consulto septima domus, atq; eius dominus: qui si malè affecti fuerint, astrologo damnum portendunt: damnum autem erit, ipsum ad quod quæsitū est, uerā nullo modo responsurū. Quam-

obrem Indi mathematici, quū septimum locū, eiusq; dominum malē se habentes inueniebant, ad ea de quibus cōsulebantur, nihil rēspōdebant, ueriti ne falsa pronūciarent. Hęc Græcus autor. Accidet autē mathematico, quū domus septima, et eius signi dominus malē se habuerint, quod accidere solet, quū offusæ oculis nebula prospectū eripiunt: quodq; et philosophis, et usu etiam probatis uiris sæpenumero accidit, ut ad propositas de rebus etiā leuioribus quæstiones aliquando caligent, quod acumen eorum quodā quasi situ obducto intorpuerit, propter crassos hebetesq; humores, qui spiritus ipsos obtundūt. Græcè ubi à nobis astrologus dicitur, est ἰσχυρὸς, hoc est sciens, uti in primo et quinto enunciato. Placuit autē hoc in loco magis astrologū dicere: quoniam particulare nomen quū sit astrologus, sciens uerò generale, rem expressiorem reddimus, astrologū quā scientem conuertendo. Ad hęc ubi græcè est ἀστρολογία, à nobis traductum est, afflicti: quanquam etiam posset non minus propriè dici, malē affecti. Alibi quoq; ἀστρολογία afflictionem conuertimus. Quid autem sit afflictio, malaq; affectio, seu malus loci aut planetæ habitus, declaratur à nobis trigésimo nono, et quadragésimoprimo enunciatio. Sunt qui hodie dicant loci impedimentum, et planetam impeditum, et quod à nobis dictum est, malē affecti, aut afflicti, ab ipsis dicitur impediti.

P T O L E M A E V S.

XLV.

Ascendentia inimicorū regni, sunt signa ab ipsius regni ascendente, declinantiā. Amicorum uerò ascendentia, sunt cardines, locaq; succedentia. Idem & in dogmatibus.

P O N T A N V S.

In natiuitatibus, in electionibus, in regnis auspicandis, in magistratibus incundis, in inceptis deniq; omnibus, primæ ac potissimæ significationes, quatuor sunt cardinū, secundæ succedentium illis locorū. Cardines uoco ortum, occasum, mediū cœli, id est, culmen et imū: eosdem etiam angulos cuspidesq; cœli uocari à recentioribus uideo. Græci appellant λιμένα, loca uerò eis succedentia ἰσχυροτάτα. Primo cardini, id est ascendenti, succedit secunda domus: cardini huic opposito, id est septimæ domus, succedit octaua: culmini, id est domui decimæ, succedit undecima: imò cœlo, quæ est quarta domus, quinta succedit. Signa itaq; cardinalia in regno auspicando, illisq; succedentia, indicant regni proceres, amicos, consiliarios, fautores, defensoresq; illos fore, in quorū natiuitatibus ascendenti ipsa fuerint. uerbi gratia: Cui regno Aries ascenderit, signa ascendenti amicorum fautorumq; eius erunt Libra, Capricornus, Cancer, et idē ipse Aries, quæ sunt signa

signa cardinalia in ea figura: itē Taurus, Leo, Scorpius, Aquarius, qui succedūt illis. Contrā uerō signa ab ipsis angulis, id est cardinibus declinātia, aduersantiū inimicorumq; ascendētia sunt, Pisces qui cadūt ab Ariete, Sagittarius qui declinat à Capricorno, et Virgo quæ Libræ cardinē tenente descendit. In tertio autē signo licet illud à cardine imo cadat, alia ratio sequenda est, quod ascendēs ipsum amicis radijs intueatur, atq; ad illud festinet, ex infimo ad superna progrediēs. quæ ratio diuersa est, in domo nona: quamuis enim ē triangulo domū primā aspiciat, præcepta tamen dei iicitur, et ab alto deorsum ad occasum rapitur. Nec uerō hæc sine ratione dicuntur, quādo nec Virgo Libræ, nec Sagittarius Capricornū, nec Pisces Arietē intuentur, quibus in signis regni, de quo loquimur, cardines positi sunt. Quāquā autē Taurus non intueatur Arietē, succedit tamen illi tanquā auxiliū allaturus, locumq; eius subiturus. eodē modo Aquarius succedit Capricorno, Leo itē Cancro, et Scorpius Libræ: quū signa præcedentia et deiecta nō solūm nō aspiciāt subsequētia, sed illa deserat, ab eisq; tanquā præcipitentur, appareatq; aliō ea tendere atq; inclinare: contrā signa succedētia ad angulos quæq; suos proficiantur, eoq; contendat. Quocirca priscos Aegypti reges tradunt instituisse, ut eorū qui nascerentur genituris inspectis, si quorū genitura inuēta fuissent horoscopantes in signis à regni horoscopo decidētib; quæ potentes beneq; collocatos in figura dominatores habuissent, ut i; statim occiderentur, ne quādo aduersum se mouere arma possent. In cultus uerō natiuitate ascenderit signum ex regni cardinibus, aut ex succedentibus, is erit ex regni primoribus, atq; ē regis ipsius familiaribus, pro stellarum benignitate atq; præsidio. Quod aut ait Ptolemæus, idē et in dogmatibus, nōnulli etiam ad initia religionū ac secularum transferunt: sed quum Cicero dogma decretum interpretetur, ut de ciuilibus factionibus, decretis, edictisq; sentiamus, factionis cuiusq; sectatores amiciq;, rursus cōtemptores aduersarij; eadem ratione cognoscuntur. Ciuilibus item constitutionibus, decretisq; publicis ferendis dissuadendisq;, qui aut suffragatores, aut dissuasores futuri sint, eadem uia intelligitur. Urbis etiam cuiusq; horoscopus, signum est illud quod ab oriente cardine in primis eius fundamentis iaciendis ascenderit, à quo significatur quæcunq; seu bona, seu mala ciuib; euentura sint, pro figuræ ipsius cōstitutione. Vbi quispiam ciuitatis alicuius dominatū adeptus est, ab ascendente adoptionis eius intelligitur, imbecillā ne an ualida futura sit in populo domini potentia. Horoscopus dogmatis, siue edictum, siue decretum, seu factionem sectam ue interpretari uelis, est signū quod ascendit, ubi uel decretū fuit, uel edictum publicē edicitur, uel factio præualere in ciuitate incipit.

Quum in octauo loco beneficae dominabuntur, damnum à uiris bonis afferunt: quæ si bene affectæ fuerint, illud dimouebunt.

P O N T A N V S .

Maleficæ stellæ, quas & maleuolæ, & nocentes, & infortunatrices uocamus, Ptolemæus *κακοποιός*: appellat, si mutare naturam pro locis in quibus reperiuntur, proq; natura rerū, quæ ab ipsis significantur, solent, ut antè autor ipse docuit, profectò consequens erit, uti beneficae fortunatriciq; pro rerū locorumq; natura & ipsæ potestatis suæ naturam mutant: quod nunc docet, inquit, beneficam, si octauo loco præfuerit, damnum inferre. Sunt in figura loca quedam pigra, ~~deuota~~, minacia, quippe quæ nulla cum horoscopo radiatione iungantur: qualis est octauus et duodecimus locus eorum quæ sunt in parte cœli superiore, & huic oppositus sextus locus in cœli parte inferiore. Quocirca Græci ueteres sextum locum malam fortunam, duodecimum uerò malum dæmonem, à nocendi potestate uocauerunt. Nostri autem alterum aegritudinis, alterum mœroris & carceris dicunt locum: at octauum, quod eius natura sit perniciosior, mortis locum nominant. Octauo itaq; loco, quam *ἡνέστερον* Græci uocant, unde damna malaq; proficisci Ptolemæus innuit, benigna stella si præfuerit, propter loci ipsius maliciam, detrimentum afferet, quod probi & honesti uiri causa operaq; afferetur: quæ quidem opera honesta & recta per se sit, cæterum quæ nato illi uertat male: ut si quis arcesitus in iudicium abnegatæ pecuniæ gratia, integri alicuius uiri ad iusurandum adacti testimonio conuincatur. An non uides damnum hoc dari pecuniam abneganti, ob uiri boni testificationem perperam iurare nolentis? Ex quo fit, ut benefica stellæ pro loci rei; natura uim potestatemq; aliquando mutant. Quando autem insita stellæ benignitas non facîle uincitur à loci malicia, si felicibus stellæ alterius radijs benefica in octauo posita illustrabitur, damnum illud felici hac illustratione prohibebitur. Atq; hæc quidem ad Ptolemæi sententiam explanandam satis sint. Sed conuertamus, si placet, hanc tam oppositam naturalemq; iudicandi regulam, quod & quidam ante nos fecere: dicamusq; si bono rursus loco malefica stella dominetur, euenturum nato bonum improbi cuiuspiam uiri opera & beneficio: ut si uiliemamus à raptore prædam, quam postea carissimò uendamus alijs, quod quidem luerum oblatum nobis est raptoris ac nefarij hominis beneficio. Sed quæ cœli loca suapte natura sint aut minacia, aut fauorabilia, & planetarij alij benefici, alij malefici esse cernantur, efficitur ut alijs bonis locis planetæ salutem

lutares præfint, aliàs noxij: rursus ut locis malis nunc beneficæ stellæ, nunc maleficæ dominantur: quæ erc quatuor mixturæ, quædamq; quasi temperationes stellarum ac locorū fiunt. De quibus singulis hæc præcepta traduntur, ut bonis locis si bonæ stellæ præfuerint, bonum, lucrum, fauorem, per bonos et claros uiros, ac bonorum uiroꝝ opera, aut ex bonis artibus promittant. quæ si felicibus stellarum aliarum testimonij adiuuata fuerint, promissa bona duplicabuntur: contra minuentur, si noxij planetæ infelicitibus radijs easdem percusserint. Sin maleficæ stellæ fauorabilibus locis præfuerint, improbi et nefarii uiroi opera, aut per flagitiū futurum bonum decernitur: quod acunulabitur, si beneuolæ fuerint stellæ radijs illustratæ: sin hostiliter à nocente planeta feriantur, decreti boni magna fiet imminutio. Rursus ubi minacibus locis planeta infelix dominabitur, damnum ac malum à uiris malis sceleratisq; aut per impuritatem ac turpe facinus futurum obnunciatur: quod augebitur, si maleficæ alterius uiolentia accesserit. Sin bonus planeta malo loco præfuerit, boni et incorrupti uiroi opera aut benefaciendo recteq; agendo malum damnumq; obucniat: quod erit maius ac nocentius, si nocens illum radius percusserit: contra prohibebitur, si, ut Ptolemæus ait, benefica ipsa stella bene affecta, bonisq; irradiationibus illustrata fuerit. Hæ sunt igitur stellarum ac locorū mixturæ, ex quibus potissimum tam multæ uariæq; bonorum malorumq; uicissitudines, tantaq; rerū uarietas contingit, ut alios maleficia inuuent, alios benefacta condemnent: hos male artes effrent, illi ob uirtutem deprimantur: huic prosint scelera, illi noceant recte facta: huius bonæ actiones ob inuidiam ingratitudeq; nullum præmium cõsequantur, illius locupletetur ignauia: hic dite scat per rapinas, ille dum continenter uiuit, omnia aduersa patiat: quorum exemplorum uita mortalium plena est.

PTOLEMÆVS.

XVII.

Quum de lenis cuiuspiam uita iudicas, non ante iudicium feres, quàm dimensus fueris, quot ille possit annos uiuere.

PONTANVS.

Hoc Ptolemæi dictum pleriq; sic interpretantur, ut putent non debere de nati uita, deq; eius euentis ante iudicari, quàm compertum fuerit, an ea genitura sit hominis: ne quando beluæ cuiuspiam genitura proposita, fortassis affirmaretur, diutius illā quàm à natura tributū est uicturam. Quam nos opinionem minimè condemnandam ducimus, potius tamen cum ipso Ptolemæo sentimus, qui in libris Apotelesmatū ait, ridiculos esse mathematicos eos, qui de nati moribus, felicitate, euentisq; alijs ante iudicant quàm

f uideant

uideant, an ille tandiu sit uiuaturus, dum ad felicitatē infelicitatē uē à cœlo decretam uiuendo perueniat: quod ipsum Ptolemæi uerba satis aperte dicant, quando ait: quum de senis alicuius uita iudicas, id est de ijs quæ illi obuentura sunt in uita, dum senescat, nolis prius iudicare quàm uideris, quot eum annos à cœlo permissum sit uiuere: hoc est, quàm probè noueris, an decretum boni malī uē tempus possit attingere: quod idem ait in tertio Apotelesmatū libro, ut paulò antè testatus sum. Et profectò prima mathematici perscrutatio de constituto uitæ termino esse debet, quando ad uiuentis euentarum, non ad mortuos pertinent. Ac ne fortè in hoc pertinaces uideamur, licet græca uerba hoc non innuant, utrunq; tamen præceptū mathematico seruandum statuimus in genituris inspiciendis, ut et uideat ne fallatur beluæ fortè genitura propofita, et diligenter annos nati dimetiatur, quos exactè colliget: ut antequàm de ijs, quæ inter uiuendum euentura sunt, sententiam suam ferat, probè nouerit, quod illi uiuendi spatium sit ab astris tributū. Etenim sicut in auspicationibus faciendis seruandum supra præcepit, uti propositæ rei qualitas ante diem horamq; capiendam inspicretur: sic in genituris explicandis, antequàm mala bonæ obuentura pronuncientur, inspiciendum hic præcipit, an ad bona malæ à cœlo promissa natus ille peruenturus sit. Nam si ad promissam à stellis felicitatem infelicitatē uē peruenturus non est, frustra opera infumitur ad ea prædicenda, quæ incassum cessura sunt.

PTOLEMÆVS.

XVIII.

Quū ambo luminaria in eodem minuto fuerint, si ascendit benefica, natus æquè sanè in omnibus quæ inciderint, benè fortunatus erit. Simili modo, si & inuicem opponentur ab ortu atq; occasu. Sin malefica est in ascendente, contrarium sentias.

PONTANVS.

Post generales hæc regulas paulatim ad explicandas planetarū uires Ptolemæus progreditur: et quia Solis ac Lunæ maximæ potestas est non in ijs solū quæ corporis sunt, sed quæ ad animū quoq; atq; æterna etiā bona pertinet, de Lunæ Solisq; Apotelesmatibus primò præcipit. Ac primò quidē de bonis malisq; externis sententia traditur, ut quū tanta utriusque uis in externis sit, manifestior fiat eorum in corporibus dominatus. Pars fortunæ in natiuitatibus explicandis summa diligentia est uidenda: ea enim malè cognita, quæ potest esse de fato hominis uera certaq; prædictior hæc ab intercarpedine, hoc est distantia Solis Lunæq; inter se capi-

etur, deduciturq; ab ascendente gradu, per signa locaq; subsequētia. Quocirca qui Solem Lunamq; in eodē minuto nascens habuit, saluari stella horoscopi tenente, is quū locū fortunæ in ipso ascendente, id est in prima cardine, ac præcipua cœli parte cū stella fortunatrice sortitus sit, in omnibus mirifice fortunabitur, rerumq; illi copia plurimarum affluet, ut propter ascendens, partemq; fortunæ, et beneficam illic præsentē, in bonis tum corporis, tum fortunæ quam fortunatissimus futurus sit, et (ut græcus textus habet) in omnibus quæ ad ipsius peruentura manus sunt, quæq; ab ipso tractabuntur. Quod si cōtingat duo hæc cœli lumina Solem Lunamq; ab ortu atq; occasu in eodē opponi minuto, salutaremq; stellā in orienti cardine collocari, qui geniturā hanc habuerit, erit etiā abundē felix fortunatusq;: quippe qui sortitus fortunæ partē in cardine occidenti habeat fortunatricem stellam cū altero luminari in ascendente. Contra uerō multis ille malis undiq; uexabitur, in cuius natiuitate Solis hæc Lunaq; coniunctio oppositionē cōtingerit, noxia stella ex horoscopo minutate: siquidē fortunæ pars in ortu aut in occasu posita, hostilibus maleficæ stelle radijs, quæ in primo ac potissimo cœli loco principatum habet, infelicitè impugnatur.

PTOLEMÆVS.

XIX.

Vis purgationis hebetatur, quum Luna fuerit Ioui coniuncta,

PONTANVS.

Corpora nostra Luna motū sequuntur, unde et dominari Lunam corporibus dicunt, idq; tum aliās, tum maxime ægrotantibus nobis cernitur. quod physicorū nemo est qui neget. Etenim si corpora inferiora superiorum corporū motus sequuntur, quum sit Luna stellarum citima, terrisq; finitima, necesse est ab eius progressionibus corpora nostratū uehementius affici propter uicinitatē, tum sæpius propter celeritatem. nam quum uelocissimo cursu diebus septem et uiginti cœlum omne circumcat, interim à planetis quibus cum diuersis modis rationibusq; coniungitur, diuersas potestates mutuatur, mixturasq; multiplicis suscipit, quas corporibus nostris refundit. Itaq; ut inferius dicemus, quum incrementa nostri corporis ad Iouem referuntur, ac uita ipsa nostra calido humidoq; potissimum constet, cuius qualitatis Iupiter est dominus, quoties Luna Ioui copulatur, mirificum corpora ipsa nostra uigore inde suscipiunt. Quæ ubi uegetiora facta sunt, uiresq; maiores sumpserē, uim pharmacorum superant, et medicamenta ipsa cōcoquant: ex quo fit, ut ea noxios eicere humores nequeant. Hæc igitur ratio est, cur medici providere debeant atque cauere, ne potiores ægrotis dentur, quum Luna Ioui coniungitur: ex qua coniunctione

inunctione tantum corpori roboris adijcitur, ut uis potionis hebetata, corpore fortiter reluctante succumbat. Quotopere autem Luna cursus sit à medicis in curationibus obseruandus, docent tum septimi quique dies, tum alia etiam multa, in primisq; quòd misceri egrotis potiones, quum Luna Soli cohaeret, prohibitum est.

P T O L E M A E V S.

XX.

Membrum ferro ne percutito, quū Luna signum tenuerit, quod membro illi dominatur.

P O N T A N V S.

Quum duplex sit medicina, et altera potionibus curet, altera manu, unde et χερουργία dicta est à Græcis: de utraq; Ptolemæus præcepta tradit. Quumq; uerbos superiore Luna cursum in purgandis corporibus obseruandū præcepisset, cauendamq; Luna ac Iouis coniunctionē dixisset, hoc quod statim sequitur enunciato docet, in feriēdis uenis, tuberculisq; cedendis, cauendum etiā esse, ne Luna id cœli signum perimet, cui membrum feriendum sit attributū. Etenim quum Luna totū corpus humectet, id tamen membrū humoribus affluentius implet, quod signo illi subiectum est, per quod tūc ipsa discurrit, ex cuius nimia humectatione magnū membrum nocuentiū offeratur, si ferro tunc iclū fuerit: ex quo non modò difficilis, uerum etiam periculosa curatio sequatur, siquidem ulcera, ueruorū distentiones, aliāq; item mala cōsequi soleant. Atq; ut quod signū cui membrum præsit exponamus, Caput attributū est Arieti, collū ac ceruix Tauro, humeri et brachia Geminis, Cancro pectus, latera et stomachus Leoni, uenter Virgini, Libra uendicat sibi renes ac uertebras, Scorpius pudenda, coxas Sagittarius, gēua Capricornus, Aquarius crura, Piscibus, quum sit ultimum cœli signū, pedes, hoc est postrema corporis pars, cēsit in sortē. Est itaq; prudentis et cauti medici, Luna cursum optimē tenere, ne sortē aliquam corporis partem scalpello feriat, quo tempore præter cæteras humectatur à Luna. Periculosiora sunt etiam uulnera illata, Luna peragran te signum quod parti uulneratæ dominatur, difficulter enim ac uix absq; magno membrū eius sanantur incommodo.

P T O L E M A E V S.

XXI.

Quum Luna fuerit in Scorpio aut Piscibus, domusq; ascendētis stellæ sub terram positæ copulabitur, bonum est purgationibus uti. Si uerò copulatur stellæ supra terram cōstitutæ, potionem qui sum pserit euomet.

PON.

PONTANVS.

Rerum coeli peritia, et eorum quae Luna in corporibus nostris agi cognitio, ad medicos uel in primis pertinet, ut salutaris remedij mixtura cum stellarum signorumque; mixturis ac temperationibus conueniat, coelestisque; actio rerum terrestrium actionibus consentiat. In signifero tria signa humentia esse perhibentur, unde et humida triplicitas, hoc est triangularitas à nostris dicitur, Cancer, Scorpius, Pisces. Quum itaque similia similibus uires addant, contraria demant, humida signa uidentur plurimum adiuuenti purgando corpori conferre, ubi Luna corporum ipsorum domina ijs in signis collocabitur: quod solertem medicum, nisi maiora cogant pericula, expectare oportet, ut Luna signique; auxilio addito, maiores uires educendis humoribus potius ipsa capiat. Quonia autem medicus eo respectat, ut pestilentes sordes alio subducatur, eligendum est tempus quo Luna ijs signis feratur, quae tum humida sint, tum inferioribus nostri corporis membris praesint, quales sunt Scorpius ac Pisces: ut non modo propter conuenientem signi qualitate Luna magis ac magis sordes atque; alium citet, sed quod citatum fuerit, ut ad loca inferiora praesidentis signi beneficio cielet. Quod uero ad Cancrum attinet, licet Luna domus, licet humidum signum sit, citandis tamen deorsum humoribus non est aptus, siquidem ei praest corpus parati, quae uomitu potius moueat. Quando autem, ut dictum est, maxima est ascendentis uis, inspicere medicum oportet, ut qua hora purgatio datur aegrotos ascendentis signi dominus sit planeta subterraneo aut aspectu, aut coniunctione copulatus, quo duplicatis uiribus noxiae sordes trudentur inferius. Nam si stella ascendentis domina coniungatur stellae, quae caelo superiori feratur, excitata nauis mouebitur stomachus, quem motu subsequens uomitus purgatione ipsam impedit. Quamobrem non modo potiones ipse temperandae sunt, ut salutaris actio consequatur, sed coeli quoque; ac stellarum uires miscendae, quando, ut in secundo uerbo dicitur, tales effectus, talesque; actiones aut passionis hinc proueniunt, quales caelum stellaeque; moliantur.

PTOLEMAEVS.

XXII.

Vestem nec primum induas, nec incidas, ubi Luna fuerit in Leone collocata. Est autem peius, si eadem male affecta fuerit.

PONTANVS.

Nec in caelo quicquam est superuacuum, quum ex omni parte tantopere constet sibi, tantoque; feratur ordine: nec eorum quae ad generationem interitumque; conueniunt, est aliquid quod causa careat sua, quum nec generatio, nec interitus fiat à casu. Sed quum sit aliud alio diuturnius, longiusque; per-

ennet, diuturnitas autem constet è spatio, quod medium inter principium exitumq; interlabitur, quemadmodum nec generatio, nec corruptio, sic nec medium illud erit absq; ratione: nam cuius & principij & finis causa existit, existet etiam & medij interfluentis. Constat autem fieri hæc à motu, motusq; principium à cælo esse: erit ergo & cælestis motus diuturnitatis ac breuitatis causa. Ex quo factum est, ut obseruatione usûque monstrante dixerint, in cælo, id est in regione signiferi, unde generandi & moriendi causæ præcipuè deducuntur, esse signa quædam fixa, à stabilitate uidelicet eorum quæ ipsis aut ascendentibus inchoarentur, aut à planetis significarentur ibidem collocatis. Omnium autem planetarum manifestissima in rebus mortalibus est Luna & Solisq; significatio ac potestas: & Sol quidem uitalis potentie fons, Luna naturalis esse perhibetur. Quod si est, ut quidem est, corporum dominatus ad Lunam maxime referendus uidetur: quæ quum, ut dictum est, pro signi quod præagrat qualitate temperamentum suscipiat, aliisq; atque alias vires ac potestates adipiscatur, nimirum ea quæ in signis fixis collocata decruevit, firmiora erunt. Res autem quæ corporis usus gratia fiunt, eiusmodi esse debet, ut corpori famulentur. Quod enim alterius gratia sit, imperfectius est eo ad cuius usum sit, quocirca quæ præstantius sit, imperare debet. Igitur pallia, uestes, aliæque indumenta, quæ uestiendi atque ornandi corporis gratia fiunt, corpori, ad cuius parantur usum, subiecta esse debent, uidendumq; ne aut quum inciduntur, aut consutis illis quum primum induimur, Luna sit in signis stabilibus collocata, ac præsertim in Leone: quod signum cæteris fixis signis efficacius est, quando terris nostris quàm cætera fixa magis imminet, easq; directionibus radijs fert. Quod ubi contigerit, uestes ipsæ quum diutius perennaturæ appareant, sit significatio, aut morbos, aut alia mala, causam futuram, ne illis uti possimus, aut saltem ut sepositæ atq; in arca conseruentur ad nullum corporis domini usus comparatæ sint: ac tanto magis, si ab infelicibus radijs Luna percutitur: ex qua percussione, seu ex alio Lunæ ipsius malo habitu obnuncientur carcer, morbi, aut mala alia pro natura planetæ percutientis, ac pro loci signiq; & habitus ipsius malitia. Quocirca in faciendis uestimentis inspiciendum illud est, ut ea tanquam fluxa fragiliaq; ueterascant, corpus permaneat incolume, atq; ut his consumptis noui compareantur ornatus.

P T O L E M A E V S.

XXIII.

Lunæ ad stellas figuratio, natum bene agilem facit: quæ si potètes fuerint, effectiuam: sin imbecillæ, inertem ad agendum commotionem indicant.

PONTA

Quanta in corporibus nostris, etiā in ijs quæ cōtingunt extrinsecus, Lunæ potestas sit, licet ex ijs quæ dicta sunt patere satis posset, tamen ut & in ijs quæ ad animū quoque pertinerēt, uis eius manifestior fieret, docet nos Ptolemæus, & secordiā ingenij; hebetudinem, & dexteritatē agilitatemque; à Luna nobis tribui, pro aspectibus coniunctionibusque; planetarum. nam quum sit corporum domina, corpora ipsa nostra afficit, perinde ut ab alijs ipsa stellis afficitur quotidianis discursibus, applicationibus, cōiunctionibus, defluxionibusque; proprias illarū qualitates uiresque; pro signorum ac locorum natura sibi mutuata. Et quoniam satis etiam cōstat, Solem generationis parentem esse, uitalemque; ab eo spiritum, ueluti à fonte quodam fluere, idcirco in inspiciendis natiuitatibus luminaria ipsa in primis consideranda sunt, quum alterum corporibus præsit, alterum uitali substantiæ. Videndumque; quibus ipsa cœli partibus ferantur, & quæ etiam radiatione, & à stellis quibus, et à quo cœli loco afficiantur, ut corporis ac spiritus nati qualitates, mixturasque; temperare possimus. Atque ut de Luna loquamur, quemadmodum ipsa lumine proprio caret, accipitque; à Sole ipso lumen, sic corpus cui Luna dominatur, uitalem à Sole spiritum haurit. Quumque; Luna ipsa, utpote infima, ceterorumque; planetarum radijs subiecta, propter celeritatem suæ orbiculationis uarias ab illis qualitates temperationesque; suscipiat, eius naturam affectionesque; nati corpus secuti, ueluti materia quædam suscipiendis impressionibus apta refusa à Luna qualitates suscipit, proque; illarū susceptione afficitur: à qua etiā affectione et anima corpori iuncta mouetur, secuta motiones concursationesque; quæ in corde fiunt, atque in diuersis cerebri locis: siquidem sentimus appetimusque; prius quàm aut intelligimus, aut agimus. Atque ut de singulis planetis singillatim aliquid naturæ cuiusque; proprium tradamus, Saturnus dat cunctationem, grauitatem, patientiam, taciturnitatem, parsimoniam, cautelam. Iupiter benignitatem, modestiam, maturitatem, probitatem, rectitudinem. Mars uirilitatem, fiduciam, perfidiam, iracundiam, crudelitatem, proteruitatem. Sol nobilitatem, elationem, religionem, superbiam. Venus splendorem, uenustatem, hilaritatem, simplicitatem, luxum. Mercurius astutiam, cōputationem, calliditatem, mobilitatem, concitationem, turbulentiam. Luna ipsa dat acumen, elegantias, nec non splendorem, gratiamque; popularem. In cuius itaque; natiuitate Luna felici fuerit radiatione à Ioue conspecta, bonitatem, moderationem, ac rectitudinem, quam à Iouis stella sibi mutuatur, nato refundet: quod conueniet propter sanguinis temperamentum: siquidem ut dictum est, Iouis stella sanguini domina;

dominatur: sanguinis autem moderatio plurimum ad animi ipsius moderationem confert propter motus ipsius temperantiā. Eadem Luna, si Veneris radios in alicuius genitura amico è loco senserit, nimirum ad proprium splendore multum de Veneris splendore, gratiaq; adiūget. Contrā si à Saturno respiciatur, diminuet de suo splendore proprijsq; elegantijs, ac propter ariditatem, frigiditatemq; ad parsimoniam declinabit. Etenim liberalitas est à calore, à quo et fiducia: at auaritia est à frigore, à quo et metus. mutuabitur tamen à Saturno gravitatem, tarditatem, patientiam propter frigus, siccitatemq;: frigida enim arida que, qualis est terra, grauias sunt et firma, atq; ad tolerandum magis apta. Adhuc quum motus sit caloris causa, quin etiam ubi uehementior est, quā ignem excitet, male aptus est ad calefaciendū Saturnus propter tarditatem. Si Lunam Mars de propitio aspexerit loco, ex hoc aspectu ad proprium Lunæ splendorem, acumenq; multum addetur: siquidem ignis penetrabilis et splendens est: quin etiam de Martis uirilitate sibi nonnihil assumet, quod tribuat nato. Quod si à fauentibus Solis radijs in nati alicuius genitura Luna conspecta fuerit, addet ad splendorem suum, addet ad fauorem popularem, calefactaq; de amico Solis igne, nati animum, quando ignis sursum contendit, ad nobilitatem, ad magnitudinem, ad honores excitabit. Quum uero Mercurij radios amico exceperit aspectu, ad proprium acumen adiūget calliditatem, mutuabiturq; ab illo concitationem et turbulentiam. Nam quum sit Mercurius retorridus ac penè exusta naturæ, qualis est cholera, quæ ubi exusta est, in melancholiam declinat, proculdubio natus et citò mouebitur, et rixas turbasq; excitabit, quod est seculentiæ melancholicæ. Has itaque stellarum proprias impressiones naturasq; miscere oportet, ijsq; Lunam ipsam temperare, pro stellarū ipsarum aspectu, potentia, aut debilitate. Si enim potentes fuerint, Lunam potenter afficient: sin imbecillæ, parū quid omnino ei conferent. Erunt autem potentes, si directæ, si in suis dignitatibus constitutæ fuerint, si in cardinibus aut in succedentibus inueniuntur locis, si alicuius stellæ fixæ, quæ eiusdem naturæ sit, coniunctionem exceperint. Fit enim pro potentia imbecillitate ue, ut nunc commotiones illæ, et animi ad agendum impulsiones, principio maiores uideantur, quā re ipsa sint in exitu, nunc uero minores: utq; natus ille sit concitator celeriorq; hic tranquillior ac tardior: et alius quidem in ipsis actionibus obscurus et tacitus, alius apertus et loquax: alius cautus simulatorq; alius temerarius. Has itaq; stellarum qualitates, affectionesq; corpora nostra referunt, à Luna dominatrice in genituris acceptas. Sed stellarum aspectus, qui plerunq; noceant, sunt aut ex oppositis cœli locis, aut ab intercape-

dinc signorum trium, qui aspectus tum quadratus, tum quadrangulus dicitur, quod tria signa quater ducta duodecim zodiaci signa compleant. Itaque planeta in Ariete constitutus, planetam in Libra positum opposito intuetur aspectu: quadrato autem cum qui perambulet uel Cancrum, uel Capricornum. Qui uero felices dicantur aspectus sunt aut sextiles hexagoni; duorum signorum interuallo interiecto: siquidem duo signa sexies multiplicata totum conficiunt zodiacum: aut trigoni triangularesq; qui sunt ab intercapedine quatuor signorum: quatuor enim ter ducta duodecim constituunt. Stella igitur in Ariete collocata uidet sextili aspectu stellam in Aquario aut Geminis positam, trigono quæ sit in Leone aut Sagittario constituta. Nec tamen ignorare nos oportet, triangularem aspectum quadranguli uim aliquando suscipere, propter signa quæ paucorum sunt temporum: contra quadrangulū aspectum æquari triangulo, quando sunt multorum temporum signa. Habenda itaq; cum primis horū aspectuum, itemq; coniunctionū ratio, et à quo planeta ad quem planetam Luna ipsa deferatur: ut possimus de uitijs et uirtutibus hominum ueras sententias dicere, qualitates, affectiones, impressionesq; stellarum miscendo et temperando pro Lunæ ipsius in nati corpus refusione. Videnda sunt etiam cœli loca, signaq; considerata, in quibus stellæ ipse reperiuntur in themate genituræ, id est, in figura constitutioneq; natiuitatis. Ad hæc diligentissimè uidendum, sint ne regredientes an progredientes planetæ, ut paulò antè dictum est: in sua ne exaltatione, an in depressione: in finibus proprijs, an planetæ alterijs positi: et cuius etiam planetæ, in domo propria an aliena: dominus etiam domus eius quomodo sit in figura constitutus, an propriam afficiat domum. Hec igitur aliq; diligentissimè sunt examinanda, ut (quod pictores faciunt in exprimendis lineamentis) possimus et nos in explicandis corporis nati qualitatibus, tanquam adumbratis coloribus uti, planetarū qualitates miscendo, et Lunæ affectiones temperando, habita etiam signorum ac locorum ratione diligenti. Quod autem ad explicandam Ptolemæi sententiam attinet, Luna nati cōmotiones ad agendum pro stellarum aspectu configurationeq; indicat: quæ si, uerbi gratia, cum Ioue coniuncta fuerit, aut felici ab eo irradiatione illustrata, Iupiterq; ipse feliciter collocatus, ac bene affectus fuerit, nati actiones effectusq; significat, ut ad quod intendit natus ipse ex sententiâ consequatur, præsertim si ab alijs quoq; planetis præsidium offerretur: contra natus frustra agendo nitetur, inanesq; conatus eius erunt, si Iupiter imbecillus, maleq; affectus, atq; infelicitè collocatus inuenietur. Qualitates autem actionū pro naturis stellarum ipsarū erunt: aliæ enim alias in animis natorum cōmo-

tiones excitant. Quis autē dubitet inertem ignauumq; atque inanem, &
ut Græci dicunt, ἀργαῖον illum fore, in cuius natiuitate Luna sine aspe-
ctu configuratione que, ut destituta ac deserta, & ut ita dixerim, uidua
per cælum feretur?

P T O L E M A E V S.

XXIIII.

Defectus luminarium in cardinibus genituræ,
 annuarum uē conuerſionum noxius est: accipiunt
 autem locum ab interuallo ascendētis ac loci defe-
 ctus. Vt autem ab hora solaris eclipsis annos, sic ab
 eclipsis lunaris horis menses capis,

P O N T A N V S.

Si Sol ac Luna spiritus & corporis imperium habent, necesse est nos
 ipsos qui e corpore spiritusq; constamus, affici perinde ut luminariis affi-
 ciuntur. Vnde quod ab Homero dicitur, ab ipsa etiā Aristotele cōprobatū,
 tales nobis mentes inesse, quales singulis diebus Sol afferat planetarū prin-
 cept ac moderator. Itaq; quū Sol Lunaq; patiuntur, & nos ipsos pati ac
 laborare necesse est: eorū uerō manifestissimæ passiones sunt, quos nos de-
 defectus & item deliquia atq; obscurationes, Græci *ἡλιεῖς* uocitant. Nec
 uerō sic aliquis accipiat, ut laborare ac pati eos in cælo credamus, quod
 corruptibile est corporum, quum ipsi perpetui sint, nullisq; incommo-
 dis obnoxij. Sed nos ita loquimur, ut passiones eas ad nos nostraq; potius
 referamus: ut quum dicimus Solem nubilum, aut Lunam rubicundam,
 quæ passiones sunt in aëre, indicantq; futuros uentos aut pluias, quæ à
 stellis ipsis excitentur. Sol autem, quū deficere eū dicimus, nihil ipse prorsus
 patitur: prohibentur tamen eius radij terras attingere obsistente Lu-
 na. At Luna fortasse patiatur, quando corpus eius, quod opacū est, Solis
 radios terre umbra impediēte non accipit. Sed hæc siue passio, siue acci-
 dens, siue quo alio nomine dici oporteat, nullum lunari corpori detrimen-
 tum, nullum incommodum affert, sed elementis atq; corporibus, quæ ex
 illis cōposita sunt. Solis igitur Lunæq; defectus nunquam nō malum ali-
 quod portendūt: tum uerō maxime nocent, quū in cardinibus fiunt. Ipsa
 uerō mala ualidiora erunt, ubi eclipses longiores fuerint, atq; à nocenti-
 bus stellarū radijs luminaria ipsa percussa. Erunt autē mala ipsa ex natu-
 ra locorū, in quibus defectus ipse contigerit, à cuius initio statim ascendens
 capiendum est, ab eoq; ad alia figuræ loca progrediendū. Eclipsiū autem
 cardinalium perniciosior est ea quæ sit in angulo genituræ, quàm quæ in
 cardine reuolutionis: quippe quæ loca natiuitatis insedit, ut si quis arbo-

rens:

rem à radicibus succidat aut euellat. Quum itaq; continget defectus in signo quod ascendebat in alicuius genitura, portenditur nato illi malum in corpore, uel aliq; substantia, critq; malū ipsum magis minus ue perniciosum pro eclipsis qualitate, constitutioneq; eorum, qui domini ac significatores fuerint in figura. Cum primis autem uidendum, quomodo se habeat ascendentis ipsius dominus. Si autem contigerit in angulo medij coeli, iuxta figurā natiuitatis, obnunciantur damna non modo in uita, uerūctiam in magisterio nati, ac detrimentum dignitatis eius, portendunturq; mala, quæ à potētibus et magnis uiris inferantur. Vbi autē in signo illo eclipsis facta fuerit, quod in natiuitate inum, id est cardinē subterraneū tenebat, damna patrimonij denunciantur, et rerum aliarum, quæ à domo quarta significantur, et sic deinceps in alijs genitura domibus. Quæ ut acutius percipiantur, repetendus est natalis coeli status, conferendusq; cum coeli statu, qui erit eclipsis tempore. Inspiciendæ fortunatrices stellæ, num quo fauore loca illa tueantur, rursus an maleficæ impugnent ē potentibus ac minacibus locis: nati etiā anni considerandi, uidendumq; cuius stellæ imperio annus ille subiiciatur, ne parte in aliqua iudicium titubet. Futuri uerò mali decretū tempus hac ratione colligitur. Quoties Luna deficit, necesse est Solē eiē regione obfistere, id est, integro ab ea hemisphærio remotum esse: quod coeli spatium centum et octoginta partium est; quos gradus hodie dicimus, qui signa sex constituunt, quod quidem coeli dimidium est. Constituamus itaq; Arietem in ortu, Libram in occasu, Capricornum in medio, et in eo Lunam deficientem, ubi genitura tempore angulus fuerat, obseruemusq; à defectus principio ad finem horæ quot interlabantur, etq; sint tres, tunc dicimus trium lunarium mensiū tempus omne periculosum et noxiū nato fore: longe tamen medium tempus periculosius, quod est mensis unius integri et alterius dimidiati, quando coeli spatium quod erat à gradu Lunæ ad ascendentis gradum, est graduum octoginta, quæ portio est totius hemisphærij prope media. Sed ut malū ipsum fiat manifestius, uidendum est eo tempore, quonam aspectu benefici planetæ locum aspiciant, et quæ sit coeli totius constitutio. Si enim cælum malè se habuerit, grauius malum erit: contrā minus, si benefici stellæ præsidium accesserit. Sin Sol eodem in loco defecerit, erit post annū et menses sex grauius malum pro natalis anguli qualitate: quod quidem perniciosius erit, si in ipso angulari gradu defectus sit. Sin pluribus ab eo gradibus aberit, malū uis aut euanesceat penitus, aut quicquid erit, periculū magis quā damnum, et metus potius quā discrimen erit. Singulæ autem horæ lunaris eclipsis singulos nates indicant, quo tempore Luna eorum sumum conficit:

Solaris uerò eclipsis horæ annos, quo spatio Sol cursum suum peragit. Sed nec prætereunda sunt horarum fractiones, & quæ minuta dicuntur, ut dierum quoque certus colligi numerus possit. Quod autem Ptolemæus dixit, accipiunt, non accipis, indicio nobis est, omnes quidem astrologos idem hoc & ante ipsum, & eius etiam tempore de horis sensisse, ac tam Aegyptios quam etiam Persas.

P T O L E M A E V S .

XXV.

Dominatoris progressionem quâ in medio cœli positus est, per sphaeræ ascensiones: quâ uerò in ascēdente cōstitutus est, per climatis ascensiones facito.

P O N T A N V S .

Quia de temporibus colligendis, computandoq; illorum numero mentionem fecit, statim subiungit docens, in percensendis temporibus nunc sphaeræ ascensiones, nunc climatis, ubi cōstituti fuerimus, attendendas esse. Quum enim singuli gradus singulos annos denunciare dicantur, hoc sic accipiendum est, ut gradus alibi plus temporis ascendendo occupent, alibi minus, idemq; in descendendo. Nam quâ Leo antequam totus ascendat, horas duas & tertiam horæ partē occupet, Aquarius uerò horam unam, & horæ alterius partes octo, ut in partes duodecim horam distribuamus, efficitur uti Leonis gradus Aquarii gradibus maiores sint: quocirca æquandi uidentur ad pares ascendendi portiones, atq; ad eos æquatos anni referendi, quando singuli Aquarii gradus singulos annos non implent: Leonis uerò unusquisq; gradus anno id plus occupet, quod supra duas æquas horas totus Leo occupat in ascensu, tertiam illam horæ partē æquis sibi portionibus assumēs, factâ æquali in triginta gradus distributione. Sed iam ad rem ipsam ueniamus. In genituris inspiciendis, ut possimus decretū à planeta tempus pronuntiare, primum uidere oportet, in qua cœli parte planeta ipse constitutus sit: qui si mediū cœli tenuerit, iuxta sphaeræ ascensiones tempora metiemur: sin in oriēte positus fuerit, iuxta climatis ascensiones tempora supputabimus. Quid autem sequendum sit, si inter duo hæc loca constituatur, hic quidem Ptolemæus nō aperuit, sed id intelligendum reliquisse uidetur, quod ipse aliàs docuerat: hoc est, ut utræq; ascensiones capiantur, simulq; misceantur inuicem tēperando: quæ de re in tertio Apotelesmaticum libro à Ptolemæo multa traduntur præcepta, & nos aliàs longius atq; expressius differemus. Præcipit igitur, ut significatoris, id est dominantis in figura stellæ progressionem, quam hodie, & sanè ineptè, directionem uocant, hac ratione faciamus, Græci dicunt *ὑπομνημα*, nos & inambulatio.

ambulationem, & permeationem, & progressionem, & peragrationem, & profectionem rectè dicimus: quæ uox tempus, id est & annos, & menses, & dies significat, quibus ad locum illum quem querimus, cui planeta minabatur, decurso spacio interiecto, progressio peruenierit. ueluti quū Mars ex primo Capricorni gradu Arietis gradus quadrangulariter ferat, sumpto graduū intervallo, gradibusq; ipsis coequatis, querimus post quot annos mensesq; malum illud portenditur: quod tum quidem portenditur, quum ad gradum illum, id est, ad annum à gradu significatum, progressio ipsa peruenierit.

P T O L E M A E V S.

XXVI.

Latet planē res, quū stella eam significans aut sub terra, aut in loco alieno Soli coniungitur: contrā patet, quum ē de depressione in altitudinem tollitur, priorq; in loco collocatur.

P O N T A N V S.

Solem si lucis fontem esse constat, omnis ab eo claritas erit. Si tenebræ de lucis amotione fiunt, erit Solis absentia tenebrarū atq; obscuritatis causa: occulta autē omnia obscura sunt, manifesta uerò clara: & hæc quidem ob præsentē lucem, illa ob lucis amotionem. Solis igitur præsentia claritatis, absentia obscuritatis prima causa est. Ad hæc si uoluntatē sensus excitant, à qua ipsi ad agendum impellimur: ipsi autē sensus corporei sunt, quum inferiora hæc corpora coelestium corporum agitationes sequantur, necesse est uti actiones ipsæ hominū à cælo ipso mouendi principium habeant. Docuit autem diuturna sapientissimorum hominum obseruatio, cui planetae, cui etiam cæli loco, quod in duodecim loca domosq; distribuerunt, quam rem actionemq; attribuamus, siue laude, siue uituperatione digna sit. In quo quidem secuti sunt tum corporum humorum qualitates, uires, naturas, effectus, tum locorum cæli ipsius, motusq; coelestis, à quorum quidem humorum commotionibus, ubi moderate ipsæ fuerint, & actiones moderate proficiuntur: ubi uerò modo mensuraq; caruerint, immodice atq; inordinate erunt. Ex quo efficitur, ut actiones hominum aut moderate sint, aut immoderate: nam aut medium retinebunt, aut in alterum extremū propendent, pro modo naturaq; commotionum. Eadem autē actiones siue turpes, ut furta, adulteria: siue honestæ, ut dicta factaq; cōmendatione digna: aut manifestæ & claræ sunt, aut occultæ & obscuræq;. quod cuenit è Solis collocatione in cælo ipso agendi tempore, atq; è coniunctione & statu planetae, qui actionis est rei; significator.

Verbi gratia: Nauauit egregiā quis operam aduersus hostem, quo tēpore Mars Soli cōiunctus erat, aut sub terra in hemisphærio inferiori, aut in loco improprio et alieno, ubi Mars eius actionis significator nullā prerogatiuam, nullū ius habebat, puta in signo nō suo, in finibus alienis, locoq; depresso, erit facinus id obscurū, et fama, id est hominū celebritate carebit. quo tempore si quis parricidū fecerit, latebit atq; ignorabitur, quod lucis autor sub terra absit, significatrixq; facinoris stella Solis radijs uicta oppressaq; ita delitecat, ut nec loci, nec signi, nec finū autoritate ulla efferre illud in lucē possit. Etenim candētissima lux minimū lumen hebetat, quod dies ipse declarat: siquidem stellæ diurno tēpore solaris lucis maiestate occultuntur, et accensus cereus si meridianis Solis radijs admoueat, nullū lumen emittit. Ex hac igitur Ptolemæi sentētia argumentari licet, hominū actiones facinorāq; manifesta aut occulta futura pro collocatione Solis stellæ que significatricis, tempore perpetrati facinoris. Erunt enim clara et nota, si planeta significator fuerit à Solis radijs remotus, liberq; uagabitur: eoq; notiora, si in cardinibus hemisphærij superioris, si in sua domo aut in altitudine inueniatur: cōtrā obscura atq; ignota, si stella significatrix radijs Solis occultatur in hemisphærio inferiori: atq; eo magis si in signo alieno, et ubi moreretur atq; deijcitur. Sed hæc ita tēperanda sunt, ut res ipsa planè latere dicatur, ubi omnia quæ dicta sunt simul conuenerint: sin non omnia, magis minusue manifesta futura res est, perinde ut plura pauciorāue cōuenerint. Fieri enim potest, ut stella sit Soli cōiuncta in loco alieno atq; in depressionē sua, tamē in medio cœli cardine: cōtrā ut in imo coniungatur, in exaltatione tamē sua, atq; in finibus suis. Græci quam nunc exaltationem dicimus, ἰσχυρία uocant, eadē à nostris altitudo et subleuatio dici solet: et quæ à nobis depressio, ab illis ταπίνωμα dicitur, quæ et humilitas, et deiectio uocatur, à quibusdam etiā casus. Exaltatur autē Saturnus in Libra, deprimitur in Ariete: tollitur Iupiter in Cancro, deijcitur in Capricorno: subleuatur Mars in Capricorno, cadit in Cancro: Sol in Ariete, Venus in Piscibus: Mercurius in Virgine, Luna in Tauro cū maiestate resident: at in signis quæ sunt his contraria, oppressi iacēt. Quanquam autem Ptolemæus de re negotioq; hic loquitur, utrūq; enim sonat πᾶντα, sunt tamen qui dicant, si quis ob patratū scelus iram magistratus fugiens delitecat, qua hora stella scelus significans Soli, ut prædicitur, cōiuncta est, fore ut is aut pereat in latebris, aut saltem grauissima patiat.

PTOLEMÆVS.

XXVII.

Venus nato uoluptatē affert in membro, cui signū in quo ipsa est, dominatur. Idem & in cæteris stellis.

PONTA

Quum triplex sit animæ uostræ uis, una ad Martem, ut dictū est, potissimū refertur: nam quum ira ē sanguinis accensione cōciteur, ob quam commotionem rubra bilis succensa effruescat, iure uis hæc Marti tribuitur, qui huic humori dominatur: unde rixarum ac bellorum deus ab antiquis dictus est. Altera, cuius propriū est oblectari et suauia querere, Veneri ab antiquis attributa est, quod eius stellæ proprium sit, in ijs quæ animalia dicuntur, uoluptatē infundere, atq; ingenerare. Etenim quæcunq; sensibus utuntur, ea necesse est oblectatione afficiantur, sequanturq; leta ac iucunda, quandoquidem hæc naturaliter appetuntur. Si enim physicis credimus, quæ sensibus prædita sunt, omnia et letantur, et dolent: letantur iucūdis, dolent tristibus: atq; ad ea quæ uoluptatis speciei præ se ferūt, ab appetitu mouentur, cuius quidē cupiditas dux est: neq; enim sine cupiditate quicquam appetitur. Iucundorum autem licet non sit una species, omne tamen iucundum oblectat: contrā quod est triste, dolore afficit: et illud quidem ut bonū et appetitur, et cupitur, et delectat: hoc ut malum et angit, et turbat, et cauetur: atq; ut ad illud naturali instinctu ferimur, sic mala fugimus, et pro uirili declinamus. Si igitur ita seres habet, sicq; à natura comparatum est, ut omne quod sentit appetat, quodq; appetit cupiat, cupianturq; iucūda, leta, et cōmoda: iure huic animæ parti quæ concupiscibilis dicitur, Venus præposita est, quū ex ea appetitione et cupiditate titillationes illæ in animalibus cieantur ad uoluptatē, cuius Venus cōciliatrix esse dicitur, ideoq; à Lucretio hominū diuinūq; uoluptas dicta est. Aptissimē igitur ut Marti uis animæ irascibilis, sic Veneri concupiscibilis attribuitur, quū eius stellæ proprium sit, iucundi cupiditatem in animalibus excitare. De tertia uerò post dicemus. Nec uerò eorum omnium quæ planetæ in nobis agunt, ubiq; sua ratio reddi potest, quæ ne in herbarum quidem actionibus semper redditur: quæ in re satis est dicere, quod ea uis à natura insit, quodq; effectus ipse sic esse demonstrat. Venus igitur ab insita ui propriaq; autoritate uoluptates excitat, id quod etiam uulgus non ambigit. Vnde et odoratus, et iecur, et caro Veneri attribuūtur, ac præsidere illis dicitur. Volunt autem ex iccinore appetitionū et cupidinum fontem emanare, ex quo fit, ut iure id Veneri membrū attribuat: et in carne quidē, quod in ea tactus collocatus est, titillationes posite sunt. Odoratus uerò quantum conferat ad delectationē, quæ humanæ naturæ præcipua quædam cōseruatrici et custos est, illud docet, quod à dolore et putore hominis natura, medicorū sententia, sic offendatur, ut ab ijs prostermi et confici eā putent, Quū autem duodecim cœli signa alia alijs corporis

membris

membris præsiunt, plurimum ipsa ad animæ concupiscentiam conferunt: quinimo uoluptas ac iucundi studium pro natura signi, in quo genituræ tempore fertur, à Venere suscitatur: quæ causæ est, cur alij alias ad uoluptates studiaq; propensiores sint. quam quidem ad rem perscrutandam, terminorum quoq; quos uetères Latini fines, Græci ὅρα uocant, qualitates attendendæ sunt, uidendumq; qui sint ipsorum terminorum domini, et quomodo in genitura collocati, quos etiam aspectus ac temperamenta habeant. Sed nec facies, id est signorū decani, quas decurias appellare Latino uerbo placet, negligendi sunt. quæ in re imitandi potissimū sunt medici, qui non solum qualitates morbi, naturamq; humoris qui morbum excitauit, inspiciunt, sed ægroti quoq; ætatem, et anni tempestates, et regionem, et uisum, quo dum sanus esset utebatur, et quas etiam artes sit secutus, aliaq; huiusmodi diligentissimè cōsiderant. Nihil enim aut in medicina, aut in astrologia artificiosius, quàm miscere ac temperare: siquidē medicis inuenta morbi natura, mathematicis cœli stellarumq; locis cōpertis, tunc magna opus est arte, quæ illi ea temperent, quibus pernicioso humore depulso sanitatem concilient: hi quæ ad indicandas corporis atq; animæ natiuitatis qualitates, moresq; conueniunt in genitura. In quo uis omnis medici quidem ad sanitatem restituendam, astrologi ad futura prædicenda uersatur. Quocirca quum appetibilem animæ uim Venus moueat, commotionesq; eas ipsa moderetur, iure uoluptates ac iucundi studium à Venere in genitura exiguntur, pro signi natura, figuræq; constitutione. Verbi gratia: Nascente aliquo Venus ascendit in Ariete constituta, quia capiti Aries dominatur, uoluptates potissimū excitabit ab oculis: cuius sensus obiecta quæ sint colores, nati eius oblectamenta erunt ex ornatus, picturis, atq; munditijs. Quod si Venus in suis posita finibus erit, natus ille ex picturis lasciuis et floridis, atq; ex genimis, uestibusq; elegantioribus uoluptatem capiet. Delectabitur item unguentis, odoribus, sertis, et suauibus sonis, alijsq; quæ nares auresq; demulceant, et comæ studiosus erit. Sin in Tauro collocabitur, natus qui Vencrem sic collocatam habuerit, amabit cantus et carmina poetica, delectabitur fabellis et cantilenis, capietq; uoluptatem ex gustu, propter Taurū, qui collum in homine possidet. Eadem Venus lididinis appetitum magis prouocat in Libra residens, quod id signum in corpore nostro renes, uertebras, et pectinem habeat. Sed aliorū planetarum boni mali ue aspectus multum in utraq; partem conferunt, et ad demendum de libidinis appetitu, uoluptatūq; aliarū, et ad illum augendum incendendumq;. Atq; hæc quidem ratio in reliquis signis sequenda est. In quibus iudicandis, ne fallamur, summo studio uidendū est.

quis

quīs planetarū animæ qualitatibus magis imperet, et quā sit Veneri planetisq; alijs familiaritate coniunctus: quibus cognitīs, animæ nati qualitates tanquam lineamenta quædam adumbrari poterunt. Quoniam autem non sola Venus, sed cæteri omnes planetæ, pro natura signi quo feruntur, vires suas exercent, idcirco Ptolemæus subiecit idem in cæteris stellis, hoc est erraticis sentiendum: siquidem signi naturam non solum in ijs quæ sunt corporis, sed quæ animæ quoq; sunt, sequuntur. Quas ad res coniiciendas cœli etiam situs et natalis constitutionis series consideranda est. In primis autem intelligere oportet, quid quisq; planeta in quoq; signo, et in quibus etiam cœli locis significet. Locum autem Veneris iure Ptolemæus inspiciendum uel in primis monet, quod appetibilem animæ uim prima omnium Venus moueat, per quā amamus, odimus, appetimus, abhorremus, letamur, dolemus. Ne autem in aliquo falleremur, imò ut omnis nati qualitas manifesta fieret, signū etiam in quo unusquisq; planeta genituræ tempore inuenitur, diligenter considerandum subiunxit: quod præceptū non modò ad uoluptates, uerū ad omnes animæ qualitates inquirendas referendum est. Quas ad res si erraticarū omnium locus inspiciendus est, uidentur Martis, Mercurijq; loca præcipuè cōsideranda, qui quā uel artem, uel disciplinam, uel facultatē natus secuturus sit, decernere dicuntur.

PTOLEMÆVS.

XXVIII.

Quum præstare non poteris, ut duabus Lunam stellis coniungas, id præsta, ut stellæ fixæ eam cōiungas illarum mixturam habenti.

PONTANVS.

In rebus inchoandis, principijsq; auspiciandis cum primis inspiciendum uidetur ascendens, ipsiusq; ascendenti dominus, et item domus et a cui agenda res attribuitur, ac dominus domus eius. Etenim si dominus ascendenti, et signi in quo negotiū suscipiendum collocatur, bene se habuerint, exitus rei eius bonus, atq; ex suscipientis sententia portenditur. Quoniam autem præceptum hoc ad electiones potissimum pertinet, meminisse debemus sententiæ illius, quæ monemur, electiones tunc utiles esse, quum tempus fuerit à genitura accommodatū. Quocirca natalis cœli cōstitutio in ijs suscipiendis ante omnia consideranda est, ad eamq; electio referenda. Nam et agricolæ in semente facienda naturam soli primum inspicunt, quæ inspecta et genus seminis solo aptū deligunt, et tempus sationi idoneum capiūt. Quum igitur Lunæ potestas ac uis tanta sit, monet in suscipiendis negotijs felicem eius configurationē obseruandam, cum domino et cum ascendenti, tum signi, cui per agenda res attribuitur. Quod autem de

b

domino

domino ascendentis dicimus, et de domino medij cœli, deq; aliorum cardinum dominis dicimus, pro natura electionis. Quod ubi præstari non poterit, ut utriq; domino Lunaiungatur, tunc ex ijs quæ fixæ dicuntur, stella perquirenda est, quæ naturæ amborum sit particeps: ex cuius coniunctione, atq; ob susceptas à fixa qualitates illis familiaris efficiatur. Verbi gratia: si quum dominus ascendentis sit Iupiter, septimæ uerò Mercurius, nec Lunam potes in opportuna utriusq; configuratione collocare, fixam inquiras stellam Iouis & Mercurij participem, cum qua Lunam amicè constituas. Idem seruabis, si dominus medij cœli Saturnus, duodecimæ uerò domus Iupiter dominus fuerit: & sic deinceps pro rei qualitate ac natura. Quod medici quoq; seruant, qui miscendis potionibus si quo uel succo, uel radice, aut semine carent, persimili aliquo utuntur, quod uires easdem habeat. Etenim Luna stellæ fixæ radijs feliciter illustrata, si non per aspectum aut coniunctionem, per similes tamen naturas planetis illis familiaris amicaq; effecta, eorum significationes adiuuabit, & quedam tanquam mediatrix, ut sic loquar, eosdem simul componet: quibus compositis, & in hanc familiaritatem adductis, de felici euentu optime promittendum erit. Similia enim similibus conferunt. Hoc etiam ciuilibus in negocijs atq; causis obseruare ciues solent, qui dum ad prætorem aut regem habere aditum ipsi nequeunt, aliquem notum atque amicum adeunt, cuius opera se insinuent, negotiaq; commendent. Ex hoc Ptolemæi præcepto facile iudicari potest, quàm solerter in rebus omnibus Lunæ cursus obseruandus sit. Quocirca in natiuitatibus quoq; animaduertendum diligenter censeo, an Luna cui Planetæ per radios coniuncta non est, sit fortasse per stellam fixam ac ratione coniuncta. Neque enim contemnenda est coniunctio hæc, quæ similibus è qualitatibus potestatibus quæ existit: quod enim possunt fines propter naturas dominorum, & stellæ fixæ poterunt propter similitudinem naturarum.

P T O L E M A E V S.

XXIX.

Stellæ fixæ irrationabileis, atque admirabileis felicitates alterunt, quas tamen plerunque calamitatibus inlignunt, nisi & planetæ ad felicitatem conueniant.

P O N T A N V S.

Maiores nostri quum res cœli non satis compertas haberent, ignes illos ætherios, tum stellas, quòd stare illas putarent, tum sidera à sidendo uocare, ut Martiano placere uideo: post uerò, quum coelestium motuum cognitio, quæ Astronomia dicitur, in lucem uenisset, septem has inferiores

vires ab errore, hoc est peregrinatione, motusque diuersitate, erraticas: ceteras uero, quod earum motus post centum annos uix cerneretur, quod humana uite spatium longissimum uidetur, fixas cognominauerunt: quanquam nulla coeli pars est, præter polos, quæ firmamenta à posterioribus dicta sunt, quæ non continuè moueatur. Erraticarum autem stellarum, quos ^{αλαντες} Græci dixere, potestates naturæq; facilius comprehense sunt, propter propinquitatem, motusq; celeritatem: nam et cursus earum, et tempora, quibus illos peragunt, et quid in coniunctionibus, quid item in aspectibus, et in singulis tum signis, tum locis annuncient, humana solertia pedetentim assequuta est. At ex infinito illo fixarum numero, paucae admodum notæ sunt, quas tamen nec frustra moueri, nec in cassum munera sua obire credendum est. Diuturna itaque obseruatio docuit, stellas quasdam maximas asferre felicitates solere, quoties nascente aliquo, in orientis, aut medij coeli cardine, aut cum ipsa parte fortunæ, aut cum Sole Lunæque partiliter reperiuntur. Sed quamuis lucide stellæ permultæ sint, et inuarijs signis, diuersisq; coeli locis positæ, quæ tamen regiæ, atque augustæ dicuntur, et per paucae sunt, et in quatuor tantum signis collocatæ, hoc est Tauro, Leone, et in ijs oppositis signis, Scorpio et Aquario. Quæ in primis, quos dixi, genituræ cardinibus partiliter inuentæ, maximas facultates discernunt, quando natum ita extollunt, ut et legionibus præficient, et moderandis populis principem ac regem statuant: licet ipse sit obscuris parentibus, atque humili loco natus. Hoc igitur illud est quod ait Ptolemæus, irrationabileis et admirabileis: Nam quod filius magni ducis in re militari à patre institutus, ac primo sub illius auspicijs, deinde suis exercitum ducat, atque ut regis filius à patre institutus, in regno paterno succedat, nec mirum uidetur, nec absque ratione, quod Græcè uerbum ἀρετορ significat, quando institutio disciplinæque, et ciuiles item leges in hominibus, atque hominum rebus tantopere ualent. At repentinum, id est sine ratione, et admirabile uisum est, Nicolaum Picininum Lanij filium, Mutium Sfortiam agricolæ etiam ignobilis, cō magnitudinis peruenisse. Sed quam repentina, et quæ sine ratione sunt, parum sint diuturna (uidetur enim quodammodo uiolenta) idcirco insigni aliqua calamitate confici consuecre. Græci quidam textus habent, Saturni calamitates, quod Ptolemæi uerbis additum iudicamus, quum etiam Martis calamitatibus multos, quibus stellæ fixæ ingentia bona contulerant, periisse sciamus. Uidem textus non habent id, quod de planetis dictum legiur, hoc est, nisi planetæ

ad felicitatem conuenerint: quod licet additum uideri possit, summa tamen cum ratione dictum est, ut eorum praesidio fixae stellas mutantur. Maximum autem praesidium Iouis uidetur, propter naturae temperantiam. Bona quae à planetis conferuntur, parca, pedetentimque, et per labores, arte industriaque adhibita, homines assequi solent: contra quae à stellis fixis dantur, obijci potius uidentur, nullo quodammodo, aut perquam exiguo merito: quocirca ea magis repente obiecta, quam ratione comparata uideri possunt. Sed quum stellae, quas dixi, tam sint remotae. Luna uero finitima, utpote omnium citima, quas ab eis qualitates accepit, terris refundens, illarum actionibus plurimum confert, quae partiliter cum illis inuenta, in primo aut medio cardine immensas facultates promittit, praesertim si lumine plena sit: quas mirum in modum Iupiter stabiliet, si salubribus Lunam radijs illustrauerit. Constituamus itaque nasci aliquem, regia stella Tauri horoscopum tenente, eius stellae uis natum cum supra paternas facultates euehet: sed uis ea nec satis stabilis, nec admodum fidelis uidetur, cum propter radiorum tam longinquam remotionem, tum quia connexione, ac uinculis caret. Quae enim nullis uinculis connexa sunt, facile soluentur. Luna igitur ut corporum domina, si radios eius exceperit, et tanquam media in natum transtulerit, praesertim in sua altitudine, atque in primo cardine posita, mirum in modum et augebit, et confirmabit bona ab regia stella promissa. Quod si Venus, Tauri domina, de Piscibus, in quibus exaltatur, et Lunam et domum suam aspexerit, plurimum addet et ad felicitatem, et ad perpetuitatem. de cuius quidam felicitatis magnitudine constantiaque, nihil omnino uerendum est, si Iupiter in Cancro, ubi exaltatur, et in domo Lunae constitutus, ascendentem cum regia stella Lunam inuebitur: praesertim si nec Saturnus, nec Mars in hac constitutione infelice collocati fuerint. Quocirca quae bona planetae largiuntur, stabiliora sunt, quoniam et propinquiores ipsi sunt, et seiplos inuicem aspiciunt, simulque congre-diuntur, et mutuis praesidijs tuentur, ac uinculis propè quibusdam innectunt, atque ultro citroque dant, accipiuntque: quum stellae fixae nec una inter se coniungantur, nec ad mutuos aspectus accedant. Itaque tametsi ex altissimis caeli culminibus in elementa influunt, ipsarum tamen influxus inconstantior est, si nullis planetarum praesidijs munitus, nec tanquam medijs quibusdam nexibus uinctus fuerit. Quare fit, ut quod extimam et supremam sedem teneant, uires quidem potissimas et admirabiles pro loci maiestate habeant: quod uero tam sint remotae, planetarum praesidijs quasi nexibus quibusdam indigeant: quibus deficientibus, tanquam praesidijs destituta, quod largita sunt, parum tuentur. Ex quo fit, ut concessae felicitatis finis calamitosus sit.

Quod

Quod nec mirū uidebitur res humanas consideranti, quæ ita natura cōparatæ sunt, ut quāto maiores sunt, atq; altiore in loco positæ, tanto et difficilius custodiantur, et periculosius cōcidant. Quoniā autem stellæ fixæ et ad septentrionem, et ad meridiē sparsim collocatæ sunt, probè inspiciendum est, ne gradus nos fallat. Linea enim à primo Arietis gradu ad polos utrosq; deducta, nobis qui in hoc clīmate habitamus, pari modo nō exoritur. siquidem ubi pars septentrionalis sese extulerit, australis depressa iacebit: ex quo fit uti Sole in primo Arietis gradu exoriente, non exoritur cum eo fixa in eadem linea ad austrū posita, sed aliquot post gradibus: contra ad septentriones posita, citius exortā Solem antecedit, ut nec cū Sole simul oriātur, nec occidant. In omni autē sermone, qui de stellis fixis habetur, ante omnia uidendū est, beneficarum ne, an maleficarū stellarum qualitates naturasq; sortitæ sint, ut certius de illis ferri iudicium possit. Atq; hæc, quæ de stellis fixis à nobis dicta sunt, sic intelligi uolumus, ut existimemus potius eas ob insitā quandam uim efficaciamq; talia efficere, atque præstare, quemadmodū de magnete ferrū ad se rapiente, deq; quarundā herbarū admirandis uiribus dicitur, atq; eo magis, quod ille nihil elementare habent, nihil caducū. Earum quū aliæ quidē beneficis, aliæ maleficis planetis similes uires naturæ sint: quin etiam sint nōnullæ, quæ nec maleficis, nec beneficis simile aliquid habeāt, sed planetis illis similiore sint, qui cōmunem quandam naturā sequuntur, nō omnibus eodē modo fidendū uidetur: nam quæ Martiæ Saturniq; qualitatis esse perhibentur, eas parum fidelets fore par est. Quod enim conferunt, propter insitā malitiam parū tuetur. Sed nec illis omnino fidendū uidetur, quæ benefici simul, maleficiq; planetæ uires tanquā è repugnantibus qualitibus cōpositas habent. De ipsarū uerò stellarū fixarū naturis qualitibusq; hæc à maioribus tradita inuenimus. Stellæ quæ in Arietis capite collocatæ sunt, Martis ac Saturni qualitibus similes qualitates habent: quæ in ore, Mercuriū imitantur, quadam etiā ex parte Saturnū: quæ in posteriore Arietis pede collocantur, Martis: quæ ad caudam, Veneris qualitatem sequuntur. Taurus ab antiquis sic in cœlo formatus est, ut pars eius posterior tanquā à reliquo corpore abscisa latere dicatur. Stellæ igitur quæ ad Tauri abscissionē positæ sunt, Venere et tēpurationis esse dicuntur, quamuis Saturninum etiam quiddam unā mixtū habeant. Stellæ autē illæ, quæ à Babylonijis dicuntur *atorage*, Græcè *ἀνιμὰς*, Latine uergiliæ, quod extremo uere, quū estas incipit, oriātur, Lune ac Iouis naturas imitatur. Has stellās qui hora genituræ cū Luna horoscopantes habuerit, magnus et clarus erit: quæ si Iupiter feliciter irradiauerit, exercitum ducet, ac terra mariq; multa ge-

ret, denum offenso principe mala morte peribit. Licet autem, ut dictum est, Iouæ naturæ sint, tamen qui eas ortus sui tempore in occiduo cardine habuerit à maleficis stellis percussas, naufragus morietur. Quod si beneficæ etiam stellæ illas feliciter intuebuntur, nihilominus repentina illi mors ex nimio coitu, aut inter uina epulasq; portenditur. Quin etiam si quis Lunam in pliadibus lumine uacuum nascens habuerit, à Marte aut Saturno hostiliter percussam, oculis capietur, quæ hoc in loco ideo attigimus, ut iuxta Ptolemæi sententiam re ipsa intelligatur, finem plerunq; calamitosum ab stellis fixis inferri. Ex hyadibus, quas Latini ueteres fulcas dixerunt, ut alij uolunt in ore, alij in fronte, alij in Tauri capite constitutis, una illa fulgens ac rutila, quæ Græcè ἀρκτική, Chaldaicè aldebaran dicitur, Martiâ efficaciam habet, reliquæ Saturninam: quamuis etiam aliquantulum Mercurij habeant. Quæ in summis cornibus posite sunt, solius Martis naturam sequuntur. Stellæ quæ ad pedes Geminorum constitutæ sunt, similes Mercurio uires habent, quadam etiam ex parte Venerem imitantur: limpide stellæ, quæ in femoribus collocantur, Saturno similes sunt. Ex ijs quæ in capite anteriori splendescunt altera, quam Chaldaei uocant anhelar, Græcè ἀνδροειδής dicitur, ea Mercurio similis est: altera quæ in capite posteriori fulget, Marti, à Græcis ἰσχυρὴ ἀνδροειδής stella cognominatur, à Chaldaeis dicitur abrachaleus. Stellæ, quæ ad Cancrī pedes sitæ sunt, easdem quas stellæ Mercurij uires habent, Martis quoq; naturam quadam ex parte sequuntur. Quæ sunt ad chelas, uocanturq; à Chaldaeis azubene, Saturni ac Mercurij qualitates retinent. Nebula quæ est in eius pectore, quod præsepe cōplures è nostris uocant, Chaldaicè est meelleph, Græcè μεγίστη νεφελοφάνης, Martis Lunaq; uires habet. Stellæ autē qui asini uocantur, ad ipsum præsepe constituti, Marti ac Soli similes esse perhibentur. Duæ stellæ quæ ad caput Leonis describuntur, Saturno similes sunt, aliquantulū etiam Martis habēt. Tres illæ quæ Leonis collum constituunt, Saturno etiam similes sunt, quadam etiam ex parte Mercurio. Lucida quæ est ad cor Leonis, uocaturq; à nostris regia, βασιλεύς à Græcis, Marti ac Ioui similis est. Hanc stellam qui hora genitura cum Luna crescente habuerit in horoscopo, aut in ipso cœli medio, ad magnas facultates magnaq; imperia promouebitur: neq; enim temerè regia uocata est, quoties tamen Mars aut Saturnus ad eam peruenierit, rixas, contentiones, & grauius illi bella concitabit. Lucidæ stellæ quæ ad lumbum caudamq; Leonis formantur, Saturno Veneriq; quæ in femoribus, itē Saturno similes sunt, quadam etiā ex parte Mercurio. Virginis signū alatum in cœlo formatū est, ad cuius caput, atq; ad apicem australis alæ stellæ consti-

constitutæ Mercurij naturam referunt, habent etiam Martis aliquantum. Reliquæ stellæ eiusdem aë, quæ quidem lucidæ sunt, similiter quæ ad pudenda figurantur, Mercurij, et quadam è parte Veneris naturam sequuntur. Stella lucida quæ est ad alam septentrionalem, qui uindemitor dicitur à nostris, à Græcis *πρωτὺν*, à Chaldæis *almucedie alaraph*, Saturni Mercurijq; qualitates habet. Quæ autem uocatur à nostris spica, à Græcis *σπίκα*, Chaldaicè est *alzimôn alazel*, Veneris qualitatem retinet, habet etiã Martis aliquantulum. Quæ est ad summos Virginis pedes, quæq; dicuntur in ipsa ueste cõstitutæ, Mercurio, et quadam è parte Martis similes esse perhibentur. Veteres Scorpiũ ita in cœlo effigiauere, ut duo illum cœli signa occupare uellent: et priorẽ quidem eius partem, quæ à nostris Libra dicitur, *χίλα* Græci uocauere. Stellæ igitur quæ sunt ad summas chelas, quæ cornua dicuntur à nonnullis Latinorum, Iouiæ Mercurialisq; qualitatibus sunt: quæ ad medias chelas, Saturninæ, quadã etiam parte Martiæ. hæc de libræ stellis. Lucidæ stellæ quæ in Scorpij fronte perlucet, Martias uires habent, Saturni etiam aliquantulum. E tribus stellis in Scorpij dorso distinctis, media illa rutila quæ lucidior est, Martia est, aliquantulum etiam Iouia: ea Græcè dicitur *μύρτις*, à recentioribus Latinis, cor Scorpij. Quæ in caudæ internodijs sitæ sunt, Saturninæ, quadamq; ex parte Mercuriales sunt: quæ in aculeo, Mercuriales, Martiæq;. Quæ sequitur nebulosa caterua, Martis Lunæq; naturam sequitur: hæc stellæ in nebula hac constitutæ Chaldæi uocant *alacha*, Græci *νεφέλη* *σφαιροειδὴς*, id est nebulosum globum. Stellæ Sagittarij, quæ sunt ad sagittæ cuspide[m] positæ, Martiam Lunaremq; efficaciam habent: quæ sunt in arcu ad capulum, hoc est ubi manus arcum capti, Iouiæ Martiasq; uires habent. Globus stellarum quæ in eius sunt corpore, Solis ac Martis naturam imitatur: quæ sunt in commissura atq; in dorso, Marti similes sunt, quadamq; è parte Mercurio: quæ in pedibus, Ioui Saturnoq;. Stellæ ad caudam positæ in figuram quadranguli, Veneris naturam sequuntur, habent et Saturninum quiddam. Stellæ in Capricorni cornibus positæ, Venerem imitantur, licet Martis nonnihil habeant: quæ in ore collocantur, Saturno similes sunt, quadamq; ex parte Veneri: quæ sunt in pedibus atq; in uentre, Martẽ Mercuriumq; imitantur: quæ ad caudam, Iouẽ atq; Saturnũ. Stellæ ad Aquarij humeros positæ, quæq; in sunt eius sinistra, atq; in ueste, Mercurio Saturnoq; similia faciunt: quæ in femoribus, magis Mercurio, minus Saturno similes sunt: quæ ad effusionem aquæ, Saturni naturam sequuntur, nonnihil etiam Iouis habent. Pisces quum Gemini sint, et alter quidem *βόρεος*, id est australis, alter uerò *βόρεος*, id est septentrionalis,

lis, stellæ quæ sunt ad Piscis australis caput, eadem quæ Mercurius efficiunt, Saturni quoq; aliquantulum habent. Quæ in dorso, eadem quæ Iupiter & Mercurius agunt. Quoniam autem Pisces hi quodam filo colligati figurantur, quod alij linum, alij lineolam, alij ligamentum uocant, stellæ quæ sunt ad Piscis australis caudam, atq; ad lineolam australem, Saturninam naturam retinent, quadam è parte Mercuriū quoq; imitantur. Quæ sunt in dorso & spina Piscis septentrionalis, Ioui similes sunt, nōnihil etiā Veneris habet: quæ sunt in lino septentrionali, Saturni ac Iouis naturas sequuntur. In hac cœli parte, id est inter Pisces atque Arietem, sunt stellæ quædam in orbem dispositæ, Græci *οὐδιστορίαι*, Latini nodum cœlestem uocant: nodi huius lucidæ stellæ Martiæ sunt, quadam etiam ex parte Mercuriales. Atq; hæc de stellis fixis zodiaci orbis, ut ab antiquis autoribus tradita sunt, prodimus. Quæ ad minorē Vrsam lucidæ sunt stellæ, Saturni qualitati similem qualitatem habent, aliquantulum etiam Veneris similitudinis. Quæ uerō ad Vrsam maiorem, Martis similitudinem referūt. Chorus stellarum qui est sub huius caudam, Lunæ Venerisq; qualitibus persimilis est. Lucidæ stellæ quæ sunt ad serpentē, quem alij draconem, alij anguem uocant, Saturninæ Martiæq; efficaciæ sunt. Stellæ Cephei, qui à Babulonijs ficares dicitur, sunt Iouiæ, itemq; Saturninæ: quæ ad Bootem sunt, Mercuriales Saturninæq;. Rutila & fulgens stella, cui nomen est arcturus, Chaldaicè dicitur *azimec aramer*, Martis ac Iouis qualitatem retinet. Quæ in septentrionali corona dispositæ sunt, quam Chaldaei uocant *malfelc. re*, eadem quæ Venus ac Mercurius agunt. Quæ ad *γυροβα* *οι*, qui Latine geniculatus dicitur, Mercurio similes sunt: quæ in Lyra, quæ Chaldaicè uocatur *a jange*, Veneri ac Mercurio. hoc signum à maioribus tum Græcis, tum Latinis lyra dicebatur, nunc uulturem cadentem nostri uocant. Eandem quoq; Veneris Mercuriq; naturam sequitur stellæ, quæ gallinam constituunt. Quæ sunt ad Cassiopiam, Saturni ac Veneris: quæ ad Perseum, Iouis & Saturni qualitates retinent. Globus stellarū qui est ad capulum gladij, Martis est. Lucidæ stellæ quæ sunt in Eniocho, quæ nostri aurigam uocāt, *αυριγας*, Mercurioq; similes sunt. Quæ in serpentario, qui græcè *εργαστηριον* dicitur, Iouis qualitatem retinet, habet & Veneris quiddam. Quæ ipso serpente collocantur, qualia Saturnus & Mars efficiunt. Quæ ad sagittam positæ sunt, Martis naturam imitamur, nōnihil etiam Veneris habent. Stellæ aquilam cōstituentes, Martiæ ac Iouiæ naturæ sunt: hoc signum à recentioribus uultur uolans dicitur. Quæ delphinum constituunt, Saturno Martiq; similia operantur. Lucidæ stellæ quæ ad equum sunt, Marti ac Mercurio similes sunt. Quæ in Andromeda,

Veneris:

Veneræ: quæ in triangulo, Mercurialis qualitatis esse perhibentur. Hæc de stellis, quæ in signis ab orbe signifero in septentrionē uergentibus constituantur, dicta sint. Earum quæ in austrum uergunt lucida stella, quæ in piscis australis ore fulget, operationes Veneris Mercurialibus similes facit. Quæ in pristice, qui cetus etiam uocatur, Saturninæ sunt. Earū quæ ad Orionem, quem recentiores fortissimū cognominant, stella quæ in humeris collocatur, Marti Mercurioq; similis est. Quæ aliæ lucidæ stellæ ibidem sunt, Iouis ac Saturni naturas imitantur. Earum quæ in flumine, quem Eridanum multi uocant, ultima quidem et fulgida Ionia est, ceteræ Saturninæ. Quæ in lepore, Saturninæ ac Mercuriales. Quæ in cane, Veneræ sunt omnes, præter eam quæ in ore lucet, quæ Iouia est, aliquantulum etiam Martis habens: ea dicitur à Chaldeis asceher. In procyone, quem nunc antecanem uocant, est lucida stella, quæ Mercurij qualitatem habet, nec non et Martis aliquantulum. Stellæ quæ ad anguem fulgent, qui et hydrus uocatur, recentiores tamē nescio qua ratione ducti magnanimum dicunt, Saturninæ sunt, atq; Veneræ. Quæ in cratere, similiter Veneræ sunt, quadam etiam è parte Mercuriales. Quæ ad coruum, Martiæ ac Saturninæ. Quæ in naui Argo perlucent, Saturni ac Iouis qualitates sequuntur. Quæ ad Centaurum, hoc est stella illæ quæ in parte humana corporis sunt, Veneris ac Martis efficaciam habent: quæ uerò in parte splendent equina, tum Iouis, tum Veneris uires affecutæ perhibentur. Quæ ad beluam, id est lupum, sunt lucidæ stellæ, Saturnum imitantur, habent et Martis quiddam. Quæ in thuribulo, Veneræ sunt, atq; ex parte aliqua Mercuriales. Stella quæ splendet in australi corona, tū Mercurij, tum Saturni qualitati similem qualitatem habet. Hæc de stellis fixis hac in parte dixisse sufficiat, aliàs fortasse uberius atq; expressius de ijs dicemus.

PTOLEMÆVS.

XXX.

Inspice primorum generis regum creationes. Si enim ascendens creationis conuenit cum ascendente genitura regis filij, is regis successor erit.

PONTANVS.

Superiori uerbo Ptolemæus docuit, eas esse fixarum uires, ut infimi loci homines aliquando in reges cueherent. Sed regno stabilito, regisq; rebus compositis, quum liberi succedere ex lege consueuerint, docet nunc ex filiorum genituris iudicari posse, quis è liberis patri sit in regno successor: atq; ubi unicus fuerit, an ille successor sit futurus. Quocirca primo inspicendum iubet cœli statum, qua hora primus regni eius rex gubernacula accepit: antiqui creationem et designationem uocabant: nunc sunt
i qui

qui coronationem uocent, alij qui thronizationem. deinde nati genituram consideranda: cuius ascendens si cū ascendente paternæ, id est primæ designationis conuenerit, is profectò regni successor erit. Signorū autem conuenientia potissimum uidetur ex triangulari et sexangulari aspectu constare: quanquam quæ maior cōuenientia esse potest, quam si idem signum utriusq; sit ascendens? Nec uerò prætereundum est quod dicit, primorum ex genere regum creationes, non primis: sit enim uti aliquando nepotis genitura cum auita designatione magis cōueniat: quando et physici consentiunt, nepotes sæpenumero auitæ corporis speciem, et animæ quoq; qualitates magis quàm paternas referre. Sunt qui alias rationes sequuti, dicāt etiā à culmine, hoc est, à loco medij cœli, regie creationis indicari aliquando successorem: nonnunquam etiam à statu cœli, atq; à primis cardinibus cōiunctionis Solis Lunæq; aut oppositionis, quæ regie creationem proxima antecessit. Memoriae proditum est à Græco quodam mathematico, Aronem in Aegypti regno successisse Achimeto patri, idq; Themimen mathematicum ab eo consultum prædixisse, ex aui eius creatione, in qua Scorpheus ascenderat, fueratq; Sol in Virgine, quū idem ascendens eundemq; Solis locum in Aronis nepotis genitura fuisse conspicaretur. Idem Græcus mathematicus, Græcū dico, quod Græcè scripserit: accusat eos, qui dicunt non successuros filios in regno paterno, ubi filiorum natiuitates stellarum orientatitate, aut angularitate caruerint, quum magis inspicere debeant ascendentium, et item culminū designationis paternæ aut auitæ, aut primi ex ea gente regis cum filij natiuitate conuenientiam: primos reges dico, qui primi in orbe et regno aliquo regnare incipiunt, ut Alexandriæ Ptolemæus, in regno Neapolitano Carolus, quamuis ipse alios ex eo pepulerit: ut non multis ante annis Franciscus Sfortia, licet ipse Mediolanensem dominatū uxori suæ Blancæ asserere uideretur: ut nuper qui à Ferdinando rege aut duces, aut barones instituti sunt. Sed hac ipsa de re, id est, de filiorum successione, qui iudicaturus est, antè gentium ac populorum leges institutaq; considerare ipsum oportet, quū uideamus apud Syros non Soltanorum, id est regum liberos, sed aliquem è seruiorum numero, qui soli apud eos militanti, succedere: tametsi tanta interdum cœli uis, tantus stellarum fauor est, ut nothus legitimo præferatur: quod cōprobatū est in Leonello Estensi, qui præteritis duobus fratribus legitimis, ipse spurius Nicolao Ferrariensi Marchioni sine ullo bello successit. Quid de Pontificu Romanorum, quid de Venetorū Ducum successionibus dicam? qui suffragijs tantū creantur. Apud Britannos non tam leges in obtinendo regno, quàm factiones bellicæq; uis possunt. Apud Gallos et Hispanos filius natus maxi-

mus, quem primogenitum uocant, in regno succedit, quo ante patrem mortuo, ex eo nepos regni heres a uo substituitur. Sed de hoc satis. Nunc id agamus, cur oriens mediumq; coeli, et regnum, et regni successorem denunciant, quum alijs in natiuitatibus ab imo patrimonium quaeratur. Ac ne phisicis semper rationibus agamus, quemadmodum in habendo senatu, atq; in capiendis de republica consilijs, locus eminentior, sedesq; augusta summo magistratui statuitur, sedetq; in suo rex solio, sic in imperijs dominatibusq; exquirendis in natorum geniturs, a coeli culmine, id est sublimiore mundi parte res exigitur, iure quidem, quando summis summa conueniunt: unde namq; in terras radius aut rectior, aut uehementior, quam a medio, ubi coeli culmen statutum est, mittitur: quo e loco apertissimus liberrimusq; in terras despectus est. Quod uero ad orientem attingit cardinem, quum motus causa sit omnium quae sub coelo fiunt, ab oriente rerum principia metienda sunt. Sicuti enim principia in actionibus seriem ex se agendarum rerum explicant, sic orientis coeli motus reliquum coeli uolumen secum trahit, qui motus quando maxime ordinatus est, necesse est ut ordinata a principio ad exitum seriem adducat. Recte itaq; Ptolemaeus iubet ascendens creationis regiae, et regij filij natale ascendens obseruandum ad cognoscendam successionem esse: haec enim si conuenerint, necesse est ut et res, quarum principia ipsa sunt, simili modo conueniant.

P T O L E M A E V S.

XXXI.

Quum regni dominator in locum dimatericum incidit, tunc aut rex, aut e regni principibus magnus quispiam morietur.

P O N T A N V S.

Graeci quidam codices etiam hoc habent: Si in reuoluendo anno regni stella in signo depressionis inuenta fuerit, magnus aliquis uir ex stelle ipsius natura morietur. Sed ad sententiae enarrationem ueniamus. Quod est ante dictum, ut generationis, sic etiam corruptionis causa motus est, futurorumq; malorum perinde ut bonorum indicia et causae in caelo constitutae sunt, quando haec est ad corruptionem uia. Etenim ut generatio interitui, sic felicitati miscetur, bono malum aduersatur: atq; ut generationis est incipere, sic interitus est desinere: utrumq; autem a motu efficitur. Coepit quispiam aliquando rex esse, desinet etiam aliquando: tunc uero desinet, qui minaces planetae ad locum nocentem atq; letalem peruenierint. Atq; ut corporis nostri fabrica ex contrarijs constat, sic et ipsa contraria, ex quibus constamus, a caelo affecta corrumpuntur. Sunt itaq; et in caelo contrariorum affectuum atq; effectuum indicia, significationes, et causae, Neq; enim tanta rerum diuersitas

i 2 incon-

inconstantiaq; esset ex sola materia, cuius tamen proprium est pati magis quàm agere, et affici potius quàm afficere. Incommodorum itaq; et morborum, et corruptionis et mortis, ceterorumq; malorum significationes ex noxijs locis aspectibusq; qui illorū causæ sunt, oriuntur. quæ quidem mala tunc euenient, quum perniciosus planeta ad locum progredietur, in quo res coepit, aut ad loca hostilia ac minacia, hoc est quadrata, uel opposita, quæ uel minacibus tunc radijs feriebat, aut ad loca quæ Græci dicuntur à πνικῶν, à nostris hodie illegalia barbaro nomine uocatur. Quæ loca quoniā Græci uocant climaterica, anni quoq; progressionis eius climaterici dicuntur: quod nomen inde ductū uidetur, quòd ex ascensionibus planetarum, secundum climatis rectum aut obliquum circulum, cognoscatur tempus quo planeta sit ad locum eum peruenturus. Nos ea loca interimentia, et letalia, et perniciosa, et noxia à loci malignitate uocamus. In creando igitur rege, ut certa et statuta coeli loca sunt, quæ tū regi, tum regno felicitatem pollicentur, sic contrā quæ infelicitatem minentur: et quia creati regis aliquando futurus est exitus, necesse est locum esse aliquem certum statutumq; in quem quū dominator inciderit, rex ipse moriatur, si aut nullum omnino beneficæ stellæ præsidium contulerint, aut beneficarum ipsarum radij hebetes atq; imbecilli erunt. Fieri tamen potest, ut periculum mortis quod à creatione portenditur, rex ipse beneficio genituræ securus euadat. Quocirca prius quàm de morte certum aliquid affirmetur, genesis inspicienda est, considerandumq; regi ne mortem, an regis dignitati finem potius uideatur asferre, ipso rege supersitite, an aliqui ex regni primoribus mortē minitetur, ut nuper in Roberto principe Salernitano uidimus cōprobari. De qualitate autē mortis consulendi sunt planetæ illā minitantes, et loca, et gradus, et signa, in quibus, atq; è quibus portenditur. Idem regni significator quū in reuoluēdis regni annis in depressione sua languere inuētus fuerit, potētis alicuius et clari uiri ex natura sua mortē denunciat. Sed hoc, ut dixi, Græci quidam codices tantū habēt: quauis nec absōnū uideatur, nec ratione carere. Regni autē dominator significatorq; is est, qui plures potioresq; prerogatiuas in medijs coeli cardine habet, quæ tamen mutari cōtingit: siquidem aliū par est fuisse Romani imperij significatorem; quum primi consules magistratum iniere, aliū quū decem Tribuni; alium quū Iulius Cæsar in sella curuli regio more sedit, alium quū imperator Constantinus imperiū, atq; imperij iura Byzantium transulit, alium quum uiginti quatuor antè annis Mahometus, Turcarum rex, Constantinopolim cepit, cæso imperatore, ac Græcorū rebus attritis: quæ obseruari summa diligentia à mathematico debent.

Concordiam inter duos facit cōueniens stellarum figuratio, speciem rei significantium, ex qua beneuolentia in utriusq; genitura constituta est.

P O N T A N V S .

De ingenij aptitudine, deq; naturali ad rem aliquam instinctu, in uerbo tertio abunde dictum est. Quia uerò in ijsdem non solum artibus, uerum etiā facultatibus disciplinisq; alij inter se inimicitias exercerent, alij singulari quodam cōsensu simul uiuerent, redditur hic à Ptolemaeo et discordiae, et consensus ratio, quam ex natalitiarum stellarū collocatione, artem et facultatem eam significantium, proficisci docet. Etenim si naturalis ad rem aliquam propensio à stellis manat, à quibus corporis est formata fabrica, si felices infelicesq; amici inimiciq; in cœlo stellarū ipsarū aspectus sunt, si earū radij nunc cōiuncti, nunc obliqui, nunc etiam aduersi irradiāt, fieri necesse est, ut inter eos qui artes facultatesq; ab illis significatas exercent, concordia discordiaue pro radiorum collocationisq; necessitudine aut hostilitate oriatur. Quocirca inspectis genituris eorū, qui ad mercaturā, qui ad easdem artes facultatesq; exercendas à cœlo applicantur, facili prudens mathematicus iudicabit, futurāne sit inter illos concordia an discordia, odium an familiaritas, cōmodatio an incommodatio, quod stellarum collocatio, ac cœli status demonstrabit. Si enim facultatis eiusdem stella significatrix, in eodem cœli loco signoq; in illorū natiuitatibus, aut in trigonis hexagonisq; signis reperta fuerit, dubitandū non est magnū inter eos uiuendi consensum fore: contra, si in signis locisq; oppositis inueniantur, lites discordiasq; ob artem facultatemq; ipsam orituras. Quas ad res certius cognoscendas multum etiā conferent in utraq; partem aliorum planetarum irradiationes atq; cōstitutiones. Quod si in figura natali nulla significatricis stellæ, nulla signorū locorumq; cōuenientia, nullus etiam planetarum aliorum bonus aspectus accesserit, quæ inter artifices illos cōuenientia familiaritasq; esse poterit? Itaq; exercebunt illi quidem artem facultatemue à cœlo promissam, familiaritatem uerò inter se nullam, quando parum à stellis conceditur, exercebunt.

P T O L E M A E V S .

XXXIII.

Amor odiumq; tum ex luminarium concordia discordiaq; tum ex utriusq; genituræ ascendentibus deprehenditur. Adaugent autem beneuolentiam obedientia signa,

Hominem natura sociabile esse constat, unde et coetus amat, et ciuitates colit. Ad hanc naturalem societatem accedit ea quæ dicitur amicitia, quæ nomen ab amore duxit. Cur autem uni quam alteri magis afficiamur, et beneuolentia iungamur maiore, Sol Lunaque efficiunt, et signa quæ grato aspectu sese intuentur. Etenim Luna quæ sit corporum domina, Sol spirituum corporibus infundat, ita corpus animumque afficiunt, ut in quo maior similitudo sit, ad eum magis magisque amandum impellant. Quocirca quia de familiaritate et conuenientia illa, quæ à planetis ob artium ac facultatum similitudinem conciliatur, abunde præceptum est, statim subditur regula, per quam inspecta nati alicuius genitura amicitias eius iudicare possimus, et qui sint quos amore intimo natus is complexurus uideatur: quod ut apertius ostendamus, unius atque alterius genitura figuram subijciamus. Natus est Marcus ascendente Ariete, Sole in Ariete ipso, Luna in Capricorno constituta, Lucius uero natus est Capricorno ascendente, Sole Capricornum, Arietem Luna peragrante. Iudicandum est futuram inter hos arctissimam familiaritatem propter commutata luminarium signa in utriusque genitura. Similiter si Marcus habuisset Solem in Tauro, Lunam in Piscibus, Lucius uero Lunam in Virgine, Solem in Cancro, quibus est signis, triangularibus se inuicem radijs Sol Lunaque intuentur: aut si in Marci genitura Sol fuisset in Aquario, Luna in Geminis: in Lucij uero natiuitate Luna in Sagittario, Sol in Leone, quibus est locis sexangulari loco luminaria se aspiciunt. Signa quoque grato lumine se afficientia amorem conciliant, ea sunt signa sexangularia et triangularia. Amabunt enim mutua se beneuolentia, in quorum genituris ascenderint Aries, Leo, aut Sagittarius, Taurus, Virgo, aut Capricornus, quæ signa triangulari, gratoque aspectu se intuentur: et item quibus ascenderint Libra, Aquarius, ac Gemini, seu Gemini, Leo, et Libra. Arctius tamen uinculum erit inter illos, quos triangularia signa coniunxerint, propter maiorem conuenientiam qualitatum ac radiorum. Illorum tamen arctissimum uinculum erit, quorum eadem signa, iidemque gradus fuerint ascendentes hora natiuitatis: quæ signa, si obedientia fuerint, mirificum inter utrosque amorem ingenerabunt, cum singulari quadam conuenientia, et paccati animi æquabilitate: ut puta si in alterius genitura Scorpius, in alterius uero genesi Pisces ascenderint, utrumque enim signum obediens est. et signa quidem obedientia natorum animos adinuicem obtemperandum impellunt, quæ re conuenientia stabilitasque amoris comparatur. At Leo Sagittariusque licet triangulares sint, tamen cui Leo ascenderit, tamen si afficiatur erga eum cui ascenderit Sagittarius, illius tamen

tamen amor erit cum quodam quasi imperio, et autoritate: at huius cum subiectione et famulatu, quum Leo signum sit imperiosum, Sagittarius uero signum obediens. Sed ne in aliquo falsi simus, inspicendum etiam, quae se planetæ; signorum domini, ratione conspiciant, num etiam signa ipsa maleficiis à stellis occupata sint, aut inimicis radijs feriantur. Quæ omnia miscenda sunt, ut de amoris magnitudine aut exiguitate, ac familiaritatis firmitate infirmitateque cerius tradi iudicium possit. De futuris uero odijs ac simulatibus facile iudicari poterit, quoties ascendētia ipsa sibi inuicem aduersabuntur, nec luminarium similitudo aut signorum comutatio accefferit: quæ odia tanto acerbiora erūt, si luminaria ipsa quadratum oppositumue alterum alterius infederit locum.

PTOLEMÆVS.

XXXIII.

Dominator seu hospirator interlunij si cardinalis fuerit, quæcunque illo mense futura sint, significat.

PONTANVS.

Hec sententia tametsi ad æris statum ex Lunæ Solisq; coniunctione cognoscendum planè pertinet, fuisse tamen qui ad hominū genituras eam referrent, rati Ptolemæum de cardinibus geniturarū omnino sentire, ut locus dominatoris nouilunij aut plenilunij uni ex angulis genituræ cōgrueret, idq; in hominum tantū genituris probatum esse, in ortu uero cæterorum animalium nequaquam cōingere. Quod cur ex hoc Ptolemæi enunciato conijcere uoluerint, nō satis intelligo, quū eius uerba manifesta sint. Dominus, inquit, loci in quo Solis Lunæq; coniunctio fit, si quem coniunctionis tempore coeli cardinē tenuerit, index erit eorum omnium quæ mense illo ad alteram usq; copulationē futura sunt, hoc est siccus ne an pluuus, an mixtum nunc pluuus, nunc serenus: item calidus ne an frigidus, an moderati temperamenti mensis futurus sit: qui etiam uenti staturi sint, et in qua mensis ipsius parte. De æris autem statu sentire Ptolemæū, declarat etiam subsequens de Sole enunciatum: more enim suo Solis Lunæq; Apotelesmata simul annectit. Quumq; sententia hac qualitatē mensis ex Lunæ Solisq; coitu cognoscendam tradidisset, pro collocatione planetæ dominatoris, aut domini signi eius in quo coniunctio ipsa contigisset, statim subdidit de Sole sententiā, quæ ait ciere ærem pro natura planetæ, ad cuius planetæ locū Solipse profectus fuerit. Ad hæc Luna quū sit mensis domina, futuri mensis indicium ab hora et puncto coniunctionis sumendum docet. De Sole uero quū sit anni totius dominus, sic præcipit, ut dicat a Solis reditu ad principium Arietis decerni posse, quas comotiones in ære Solipse intra annum factururus uideatur, quo tempore ad planetæ cuiusq; locū perueniet.

Sed

Sed sententiam iam ipsam aperiamus. Dominus signi in quo Luna cū Sole coit, siue planeta ille, qui plures ac maiores eo in loco prerogatiuas habuerit, qualis mensis ille per singulas sui partes futurus sit, declarabit, si tempore interlunij (interlunium autem ac nouilunium uoco Lunæ ac Solis copulationem, quam *οὐροσκόπος* Græci uocant) in aliquo cœli cardine dominabitur. Quo dicto monemur menstruum hoc iudicium à dominatore sumendum semper non esse, sed tunc solum, quum in aliquo cœli cardine presidere inuentus fuerit: cardinalis enim prerogatiue ratione tantum iuris atq; autoritatis illi sibi uendicare, ut ab eo tanquam prefecto quoddam iudicium exigatur. Hæc sententia ipsa per se tametsi clara atq; absoluta uideatur, uolenti tamen iudicare aliquanto difficilior ac perplexior apparebit: siquidem natura planetæ ipsius inspicienda est, item signi non solum ubi coniunctio sit, sed in quo dominator aut hospitator ille reperitur, attendendæ coniunctiones et configurationes toto mense futuræ, quæ item coniunctionum atq; aspectuum tempore signa ascensura sint, ortus quoq; atq; occasus siderum considerandi, et Lunæ ipsius defluxus atq; configurationes, et quæ mansiones dicuntur, quæq; alia multa exactissimè, diligentissimèq; pensitanda sunt, est enim res plena difficultatis. Sed nec regionis qualitas, aut anni pars prætercunda est. In primis autem scire oportet, quæ sit cuiusq; planetæ in elementis efficacia: alius enim densat, contrā alius rarefacit: alius humectat, alius rursus exiccat: hic frigus excitat, ille calorem affert: est qui cogat contrā, qui coacta soluat. Ipsorum quoq; signorum gradus quales sint, et cuius planetæ sinibus attribuantur, diligenter inspiciendum est. Cardinum quoq; ipsorum naturæ perquirendæ, ne in parte aliqua decepti labamur. His dictis aperiendū relinquitur, quem dominatorem, quæ etiam hospitatorē uocemus. Differunt enim inter se, quamuis idem ipse planeta simul et dominator, et hospitator aliquando inueniatur. Dominatorem eū dicimus, qui Græcè est *κυριαρχῶν*, inde dictus, quod epicratesim, id est dominatum inter alios planetas obtineat, sitq; in tota figura cæteris pollentior: quæ re placuit latine dominatorem nominare, quod eius autoritas alijs præferatur, sitq; penes eū dominandi licentia: quidam etiā præposita præpositione qua rem magis exprimeret, prædominatorem uocauere: hunc eundem significatorem aliquando dicimus, quod constitutionis, figuræq; totius primam maximamq; significationem habeat. Hospitatorem intelligi eū uolumus, qui Græcè uocatur *οἰκονομῶν*: ac tamen si expressius dicatur pater familiās, siue domus dominus, hoc enim Græcè sonat: maluimus tamen uno, quanquam nouo uerbo, hospitatorem, quod domo sua suoq; hospitio alium accipiat, appellare. Græci hunc ipsum

ipsum *ἡμετέριον*, aliquando *ἡμετέριον*, id est dominum genituræ uocant, quod etiā Iulius Maternus in matheſeos libris teſtatur. Sed de domino genituræ aliās. Dicitur autem planeta alterius planetæ hoſpitor et tanquam pater familiās, quum in domo ſua illum accipit, cuius etiam curam patrociniū q; hoſpitij iure ſuſceperit. Nam ſi Venus in uirgine conſtituta ſit, Mercurium Veneris hoſpitorē, quod Virgo Mercurij domus eſt, dicimus. Si Sol in Aricte inueniatur, quod Arics domicilium Martis eſt, Solis patrociniū iure hoſpitij Mars accipit, quippe qui perinde ut pater familiās propria Solem domo accipiat. Igitur qui menſis totius qualitatem prædicurus eſt, inſpicere accuratiſſimē debet, an quem coeli cardinem Lunar̄is coitus tempore teneat, aut dominator, id eſt planeta plures ac maiores prærogatiuas in loco coniunctionis habens, aut hoſpitor, hoc eſt ſigni eius dominus, in quo Luna cum Sole coiuert. Quid autem ſequendum foret, ubi neuter cardinalis eſſet, Ptolemæus non attigit, præceptum hoc ut minimē fallax tradidiſſe contentus. ex quo conijci rectē poteſt, in menſis ſtatu prædicendo non modò locum Lunar̄is cum Sole congreſſionis inſpicendum eſſe, uerū etiam cardines, cardinumq; ipſorum dominos, item planetas illic præſidentes, quiue ipſos cardines intuentur, ac quo etiam e loco et quali e ſigno aſpiciant, obſeruari oportere.

P T O L E M A E V S.

XXXV.

Sol quum in alicuius ſtellæ locum deuenierit, uim eius excitat quam in aëre habet.

P O N T A N V S.

Sol ut eſt temporum autor, ab eo enim eſt et dies, et annus, ſic frigoris atq; caloris, humidi atq; ſicci, quæ temporū anni qualitates ſunt, excitator et index eſt: mouet enim qualitates aëris pro natura erraticæ ſtellæ, quā in ſigno quod ipſe permeat reperierit: ut ſi Mars in reuolutione anni fuerit in Geminis, Sol Geminos ingreſſus, et Martis loco uicinior factus calores excitabit, et quidem ſolito maiores: contra frigora et niues, ſi Capricornum ingreſſus illic Saturnū inuenierit: rurſum ſi Geminos ingreſſus illic Saturnum inuenierit, remiſſior calor erit: ite frigoris remiſſus, ſi ad Capricornum profeſus in Martis locum deuenierit. Quam ad rem qualitates quoq; ſignorum multum conſerent: ſigni enim calor ad Martis calorem plurimum addet, demetq; de Saturni frigore: contra frigida ſigni uis, Saturni frigus augebit, Martis calorem imminuet. Quocirca partes anni eam ſequentur qualitatē, quam Sol ipſe mouebit pro natura planetæ, quem planetam ſiue locū eius in ſigno quoq; illud ingreſſus inuenierit. nam quū planeta pro natura ſua, proq; ſigni etiam qualitate aërem infeceſcit, Sol ad

h

locum

locum planetæ ipsius profectus, quod ab illo infectū erat, præsentia sua commouet, occultasq; planetæ commotiones manifestas facit. Aspectus quoq; & situs planetarum aliorum considerandi sunt, & Lunæ cursus in primis attendendus, ut tanquā in statera quadā examinari cuncta certius queant, siue in maius, siue in minus propendant. Nec uerò me præterit, opinari quosdam, dici hoc à Ptolemæo de Solis peragratione in signis quibusq;, ut Sole ipso in Ariete cōstituto, ea sit æris qualitas, ni alia obstitierint, qualem Mars ibidē positus excitaret, sic in Piscibus, sic in Tauro, sic in Geminis, ac si Iupiter in Piscibus, Venus in Tauro, Mercurius in Geminis positus esset. Cui opinioni quo minus accedam, tum alia multa, tam præcipuè hoc me mouet, quòd autor ipse non signum dicit, sed locum: est enim Græcè τόπος, id est locum, non ζώδιον, quod signum est. Nam signum est in zodiaco cuiq; planetæ suum, et semper quidem suū: ubiq; enim Aries signum & domicilium Martis est, Pisces Iouis, Aquarius Saturni, sed loca mutantur: & qui nunc locus est Veneris, paucis post diebus poterit esse Mercurij, Martis, Saturni. Singulorum enim planetarum locum cum dicimus, quem in cœli cōstitutione faciendā unusquisq; planeta tenere tunc inuentus fuerit. Sunt enim loca occupantium, signa uerò ac domicilia dominorum: & illa quidem, hoc est loca, mutantur pro tempore: hæc, id est domicilia, perpetua sunt, et uniuscuiusq; planetæ propria. Quidam textus ubi nos dicimus, in aère, habet, in stella, ut sit sensus, Solem excitare uim, quā locus habet in stella, ad cuius stellæ locū Sol profectus est. Quocirca sunt qui putent sic intelligendum esse, si stella frigida naturæ ad locum, hoc est signum (locū enim pro signo accipiunt) frigidum peruenierit, sitq; hibernum tempus, fore ut frigus magis ac magis augeatur: sin fuerit signum calidū, fore ut frigus remittatur, quòd signi calor frigide stellæ frigus imminuat, & quodammodo temperet: quòd si calidum signum fuerit, & planeta calidus, planetæ calorē signi calore intendi. idem in cæteris anni partibus qualitatibusq;. Cui opinioni nihil in hoc refragatur, in illo uerò dissentimus, quòd hi locū pro signo accipiunt, nos locū ipsum intelligendum censemus, et in anni reuolutione ut hoc inspiciatur præcipi à Ptolemæo in dicamus, ut superiori præfatio diximus. Quid enim opus erat de Sole mentionem facere, nisi hoc ad Solem pertineret? Imminui enim planetarum qualitates à contrarijs qualitatibus signorū, augeri à similibus, suapte natura cōtingit, Sole etiam longius à signis, ubi planetæ fuerint, remoto.

P T O L E M A E V S.

XXXVI.

In condendis urbibus stellis fixis, quæ conferre habeant, utere, In ædificandis uerò domibus, erratis.

Rega

Reges cuiuscunque urbis, quæ Martem culminantem habuerint, gladio plerumque pereunt.

PONTANVS.

Quanta coeli ac stellarum uis sit in corporibus, rebusque inferioribus, singulis plenè sententijs hoc libello nobis Ptolemæus ostendit, docetque non ea solùm quæ in ipsis elementis naturaliter contingunt, ad stellas referenda esse, sed hominum quoque opera non alium euentum habere, quam quem in operibus ipsis exordiendis cœli stellarumque constitutio ab initio portenderit. Quocirca quum de Solis Lunaque, et planetarum aliorum actionibus in aëre præcepisset, ut ostenderet hominum quoque opera stellarum decreta sequi, ipsosque homines plurimum conferre inceptis suis posse, felicem cœli statum eligendo, statim subiecit, quid obseruandum in condendis urbibus censeret, quarum magnitudo fortunaque, siue prospera, siue aduersa ædificationis hora, quum à stellis portendatur, docet humano fieri consilio posse, uti condendæ urbis tum firmitati, tum felicitati optimè consulatur, ubi bonum cœli statum ædificationis tempore quis elegerit. Siquidem, ut antè dictum est, ab ipso mouendi initio reliqua motus series explicatur. Quumque ab initio ad finem ipsum progressio sit, talia quidem rerum euenta futura sunt, qualia fuerant à cœlo in initio significata. In condendis igitur urbibus duo potissimum querenda uidentur, urbis diuturnitas, ac felix ciuium status: quas ad res quum planetarum uires minores essent, fixarum uerò bona quanquam locupletiora, solere tamen, ut dictum est, calamitatibus confici, nisi felicibus planetarum radijs iuuarentur: idcirco Ptolemæus iubet in condendis oppidis utrumque inspicendum, ut et planetæ ipsi bene in cœlo constituti sint, et fixarum stellarum præsidium è felicibus ac primarijs locis accedat. Quamobrè Ptolemæus quum ait utendum esse fixis, quæ cõfrant, id est simul operentur: hoc enim sonat græcū uerbum συνπρίσις, id est cooperantibus, siue cooperatricibus: innuere uidetur, ut planetæ primum bene collocentur, deinde ut illorum uires fixarum præsidijs firmentur, aut simul eas coniungendo, aut in beneuolis aspectibus, ac primarijs cœli locis collocando. Maxima uerò cardinum uis est: qui quum sint quatuor, prima autoritas ac potestas est medij cœli et horoscopi. Cū primis autem cauendum iubet, ne in primis iaciendis fundamentis Mars medium teneat, quod ea domus principi tribuatur, quodque Mars quum sit sanguinolentus et minax, uiolentam principi mortem minuetur. Ideo autem dixit, plerumque, non semper, quod felix Veneris louisque irradiatio tutari aliquando principem poterit, et à ui gladioque defendet. Si enim Mars in domo et sinibus louis repertus fuerit, ipse quæ iupiter feliciter collocatus, liberque impedimentis, Martis rabies louis

moderatione temperabitur: atq; eò magis, si Veneris quoq; aut fixæ al-
cuius, quæ Iouiæ Veneræq; naturæ sit, presidiū accesserit: atq; ut Mars
cauendus est, sic etiā fixa Martis naturā habens: quando noxiæ fixarum
effectus repentini sunt, et impetus acriores habet. Quocirca in auspican-
dis urbium fundamentis fixæ sunt eligendæ, quæ beneficorū planetarum
Iouis ac Veneris naturā sequantur, uidendumq; uti malefici planetæ, quan-
tum disciplina ipsa fert, sic collocentur, ut ab illis fauor potius expectan-
dus, quàm incommoda timenda sint. In domo autem ædificanda planetas ma-
gis sequendos iubet, quòd minimè tanta diuturnitas queratur: neq; enim
in plura secula ab eo qui domum ædificat, prospici solet.

P T O L E M A E V S.

XXXVII.

Qui Virginem aut Pisces horoscopum habent, ij
potestatis suæ causa erunt: quorum autē ascendens
erit Aries aut Libra, ij mortis suæ causa erūt. Eodem
modo in cæteris signis ratiocinaberis.

P O N T A N V S.

Cœli constitutio genituræ tempore nati uitam et artes, et facultates,
et dignitates, quæq; alia euentura sunt, indicat pro domorum qualitati-
bus, planetarum configurationibus, fixarum situ, signorumq; naturis, ha-
bita etiam parentū, regionis, et patriæ ratione. Namq; ut sepius dictum
est, omnē secum explicationis scriem motus ille natalis trahit, corporaq;
inferiora quum cœlestium corporū agitationes sequantur, etiam quæ cor-
poribus accidunt, ut candor, proceritas, breuitas, celeritas, tarditas, gra-
uitas, leuitas cœlesti à constitutione deducuntur, habita, ut dixi, paren-
tum ac patriæ ratione. Quumq; tales sint hominis cogitationes atq; affe-
ctus, quales à sensibus imaginariæq; excitantur, instinctus quoq; natura-
les, et aptitudines propensionesq; ad has atq; illas res eadem è causa pro-
ficiſcētur. Appetitiones item et cupiditates, et studia quando ab humori-
bus pro cuiusq; natura, proq; ipsorum mixtura temperationeq; cōmouen-
tur, cœli quoq; humores ipsos afficientis naturā affectionesq; imitabun-
tur. Quum autem tam uariæ multiplicesq; sint humanarū actionum di-
uersitates, et artium ac studiorum genera tam multa, aliisq; huic quàm
illi rei magis minusue aptus sit, alius assidua industria operaq; adhibita,
parum in ea quam exercet arte proficiat: alius leui, et penè nullo labore
studioq; ad magnos perueniat profectus: hoc ipsum non modò uoluntati
rationiq; sed cœlo, stellisq; natalibus magis attribuendū uidetur. Quūq;
alius, quamuis parçè uiuendo, atq; in aère salubri, et è sanis parentibus na-
tus.

tus, assiduis morbis uexetur: alius liberalius uentri indulgendo, quamuis in aëre grauiore, ex infirmis ortus parentibus, perpetuam sanitatem retineat, quod humoris natura ualidaq; corporis concretio præstat: hoc nisi à cœli constitutione, nat aliumq; stellarū contingere beneficio nequit. Quid autem hunc hilarem è tristibus ortum parentibus, aut illum tristem ex hilaribus natum, nisi corporis fabrica, quæ cœlum informauit, efficit? Quid quod hic parentibus sit suis superstes, ille in incunabulis diem obeat? ille quamuis probus, quamuis claro loco natus, et honorum studiosus, nullos assequatur magistratus, hic degener et obscurus prouincijs præsit? ille licet strenuus ac fortis, nunquam tribunus, nunquam dux euadat, at hic ignauus et fugax cohorti præficiatur, atq; exercitū ducat? Cœli in quâ constitutio, et stellarū uis, hæc cuncta efficit: et ne singula persequar, quæ, ut dixi, homini eueniūt, ea ab ipso genitura exordio, natalisq; cœli constitutione indicantur. quæ tamen, ut antè dictum est, partim adiuuari atq; ampliari cōsilio et diligentia possūt, partim minui atq; impediri. Diuturna autē obseruatio docuit, quid à prima genitura domo, quid à secunda, quid à tertia, ac deinceps portendatur: quid etiam à domorū ipsarum dominis, atq; ab aliorū planetarum aspectibus, coniunctionibus, collocationibusq; significetur. Quoties enim genitura tēpore stella ascendētis domina cum stella dominatrice medijs cœli bene collocata fuerit, nato felicitatē magistris sui et dignitatē, et honorem affert: cōtrā uerō, quum utraq; male fuerit collocata. Virq; ad rem ueniamus, cui nascenti Virgo ascenderit, is habebit in culmine Geminos: utriusq; autē domicilij idem dominus est Mercurius, cuius potestas quum utriq; signo præsit, duplicatur. Quare si bene tunc fuerit collocatus, nato illi et honores, et dignitates, et magistratus confert, et felices actiones promittit. Simili etiam modo cui genitura tēpore Pisces ascenderit, is in culmine Sagittarium habebit: quæ è re uires leuis aucte, quod domui utrique præest, nato quoq; bonum ex proprio magisterio, atq; actionibus proprijs honores auctoritatemq; præbunt, si tamen Iupiter feliciter collocabitur: eius autem boni causa sibi ipse natus erit, quando eadem stella est ascendētis domina, à quo motus orditur, et medijs cœli, à quo dignitates, magistreria, et actiones significantur. quæ res eius ingenij, industrie, cōsilijsq; fore natū indicat, uti proprijs uirtutibus suaq; opera ad honores dignitatesq; prouehatur. Cui ascenderit Capricornus, is quum in secundo loco habeat Aquarium, quæ domus est rei familiaris, et census, futurus est ipse sui peculij causa, quando Saturnus utrique signo dominatur, cū labore tamen et difficultate propter stellæ ipsius equalitatem. Sin Aquarius ascenderit, quum duodecimam Capricornus do-

num teneat, quæ est domus inimicitarum, sollicitudinis, atq; curarū, natus cuius hæc genitura fuerit, ipse sibi causa erit prouocandarum inimicitarum, sollicitudinis, & mororum. Cuius horoscopus fuerit Scorpius, is sue sibi ægritudinis causa futurus est, quum Aries sextam domum teneat, quæ domus est morborum & ægritudinis, Marsq; domui utrique dominetur. Qui natus est horoscopante Libra, quia Taurus octauum locum, qui mortis est, occupat, quod utriq; etiā signo Venus dominatur, hic sue morti causam asseret. Eodem etiam ille modo cui nascenti Aries exoritur, quoniam in domo quæ octaua est, Scorpius reperitur, præsiq; utriq; Mars signo. hoc autem euenire poterit aut propter morbos, quod infans captus ex alto se præcipitet: aut propter desperationem, quod se gladio traiciat: aut propter temeritatem, quum facere quippiam prohibitus, legi ipsi parum obtemperans in poenā capitalem quasi uolens incidat: aut quū prætorem, aut dominum peruiaciter agendo in se prouocat: aut quum monitus ut hostem fugiat, facere id recusat: aut quum euitare periculum potest, quod tamen securus negligit. Sunt enim innumerabiles uia rationesq; quibus homines & mortis, & malorum aliorum sibi causa esse possunt. Cuius horoscopus natalis fuerit Sagittarius, is comparando patrimonio sibi autor erit, propter Iouem dominum signi ascendentis, & signi in imo positi, quæ domus est patrimoni: & item ille, cuius ascendens fuerit Gemini, propter Mercurium dominum signi ascendentis & quarti, hoc est Virginis. Sed bona malaq; ex his constitutionibus significata & minuuntur, & amplificantur pro collocatione dominantium planetarum, proq; beneuolarum aut maleuolarum stellarum aspectu, quanquam alia quoq; multa uidentur inspicienda. —

P T O L E M A E V S .

XXXVII.

Quum Mercurius in altera domorum Saturni constitutus ac potens fuerit, coniecturatiuum nato dat intellectum, ac rerum scrutationem: in Martis uero domo, ac præsertim in Ariete, facundiam.

— P O N T A N V S .

Rationalis animæ uis ad Mercuriū refertur, sicuti appetiscendi ad Venerem, ad Martem irascendi, quemadmodum antè docuimus. At rationalis neq; in atra bili, id est terreo humore, collocabitur, quandoquidem obtusus est, ac nullius motus: neq; in aërio, id est humido calidoq; cuius uis tanti motus, acuminisq; non est, ut meritò collocari in eo rationalis uis debeat, quādo ad inquirendū cōtemplandumq; maxima ingenij celeritate, summoq; acuminē opus est. Ad hæc humori terreo Saturnus præest, lupi-

ter aërio, id est sanguini: Mercurius uero quū ex quatuor humoribus, quibus concretū est corpus, nulli præsitus; ad cū rationalis referatur, nullo in humore collocare rationalem uim possumus. An fuisse ut intellectus in nulla corporis parte collocatus est, sic uis rationalis in nullo certo humore sedem habuit? Quæ tamen quū in uno quā in alio homine magis nigeat, quod est corporis textura proficisci par est, huius rei causam cælum ac stellæ esse necesse est, quod subtilius inquirendum uidetur. Solem generationis principem esse non est qui neget, a quo (quū sit ipse fons luminis, atq; caloris) corpora animantur, uitalesq; illis spiritus infunduntur: animatum autem corpus ac sentientibus spiritibus præditi, quod animal uocamus, necesse est irasci, dolere, letari, appetere, abhorre, alijsq; atque alijs affectibus commoueri. Quando autē homo nō solum est animal, sed rationale etiā animal, cuius propriū est cogitare, querere, distinguere, iudicare, causas nosse, scire, necesse est hominem ipsum ad querendū, contemplandūq; moueri, celerius tamen aut tardius pro spirituum qualitate, ac spiritus item ipsos tū acui, tum obtundi. Quoniam uero nihil est in cælo superuacuum, uidentur et alij planctæ Solis munus adiungere, et quidā tamen quoniam ministri generationis ipsius principi obsequi et obtinere. Quā autem Mars, Venus ac Mercurius Soli propinquiore sint, ad uires animæ suscitandas propius auxiliū afferunt. Itaq; Mars irascibile, ut pote superiore in loco positus, cōcitauit: etenim rubra bilis quā sit ignea, sursum fertur, Venus cōcupiscibilem in loco inferiore posita, quando uis ipsa cupi ditatum suscitatrix deorsum magis cōtendit. At Mercurius rationali præfuit, quādo Soli comitatus nunquā ab ipso generationis, uitæq; autore longius abest. Ex quo efficitur, ut ratio primaria sit animæ nostræ uis, sitq; hominis proprium ratione uti. Et Venus quidē ac Mars Soli seruiunt ad animal informandū, ut qui sensus excitent: Mercurius uero, ut qui intellectum moueat, ac propter motus sui celeritatē minimē quiescere patiatur: sensus enim offerunt, quæ post intellectus perscrutatur. Etenim scire primum appetimus, deinde ad sciendum excitamur, post hanc autem cōmotionem intellectus, et ea quæ mens dicitur, inquit ac cōtemplatur. Ergo quum Sol naturæ nostræ autor et parens sit, iure Mercurio, qui Soli quāproximus est, ratio attribuitur, nec est in humore aliquo aut ulla parte corporis collocata. Famulari autē Soli Mercuriū in rationali parte hoc ipsum docet, quod quum Soli cor cerebrumq; sit attributum, ubi ueteres philosophi primariam animæ sedem statuere, Mercurio orationem, deliberationem, memoriam, linguam quoq; atq; fel rerum cæli scriptores attribuunt. Et ratio quidem animæ cogitationū interpret est. Memoria thesaurus, ut in-

quibus

quiunt, & tanquam penu eorum, quæ mente & cogitatione, sensibus de-
 niq; comprehensa sunt. Deliberatio est de utili aut inutuli, recto aut prauo,
 bono maloue, turpi item aut honesto: de his enim deliberare homines solêt
 quod est rationis officium, hoc est sequantur, nec ne, & quomodo etiam se-
 quantur. Lingua instrumentum est ad ea efferenda, quæ animus cogitan-
 do et raticionando cõcepit. Fellis natura est acris, penetrabilisq; atq; hic
 quidem humor quantas ad intelligendum cõttemplandumq; uires habeat,
 docet Aristoteles. Quoniam autem naturales operationes mixtæ sunt, ac
 sibi inuicem nunc opituluntur, nunc aduersantur, necesse est uti planetæ
 operationum ipsarum suscitatores sibi quoq; inuicem misceantur. Quocir-
 ca quum tardi motus aridæq; naturæ Saturnus sit, fixas stabilesq; cogita-
 tiones Mercurio immixtus dabit: ad cõttemplandum autem nihil tam con-
 fert, quàm assiduitas cogitandi. Ad hæc quû frigida et arida uis animû co-
 hibeat, cunctatio inde oritur, & in agendis rebus cautio, quæ prudẽtiam
 exuscitant, & qua diligentia emanat. Timentem enim & cautè administran-
 tem, necesse est multa simul circumspicere: rerum autem circumspicientia
 & contrariorum cautio prudentia est, quam Mercurius propter rationis
 inquisitionem, ueriq; perscrutationẽ, Saturnus, hoc est signum in quo ipse
 dominatur, propter cautiones & cogitandi assiduitatẽ, nato pollicentur.
 Ad hæc quum rationis, cui Mercurius præest, propriû sit, quaq; in re quid
 uerum sit cernere, addita à Saturno cogitationû assiduitate, necesse est na-
 tum cõttemplantem esse, atq; in rerû inquisitione uersari, multa simul &
 conijcientem propter signa, quorû est obseruator: & desipientem, pro-
 pter naturale acumen. Sed hæc tum coniecturatio cõtemplatioq; tũ etiam
 prudentia maior minorue futura est, pro collocatione utriusq; planetæ Sa-
 turni ac Mercurij, & aliorum planetarum aspectu. In primis autem uiden-
 dum est, ut Mercurius ipse potens sit: si enim aut repedabit, aut combure-
 tur, aut in deiecto loco erit, quia tunc imbecillus est, implere hoc non pote-
 rit. Quoniam autem eorû quæ mente concipimus, quæq; animo sentimus,
 oratio (ut dictum est) interpret est, idem Mercurius in Martis domicilijs
 inuentus natum facundum & eloquentem reddet: propter uim enim cho-
 lere quod sentit efferre audebit: quumq; humor hic motus concitatores
 habeat, uehementi quodam spiritu natus ipse pronũciabit. Quamobrem
 adiutus à Marte Mercurius, hospitioq; acceptus, subministrabit ad eloquẽ-
 dum & animi audaciam, & linguæ celeritatem, & in dicendo uehemen-
 tiam. Ideo autẽ in Ariete magis quàm in Scorpio acceptus Mercurius hoc
 præstabit, quod id signu capiti præsit, in quo lingua, & os, & pleraq; ora-
 tionis instrumenta sita sunt. quoniam etiam ignem quû sit signum, lingue uo-
 lubilitatem

*U*nobilitatem maiorem propter siccitatem, & orationis vim acriorem propter calorem dabit: nam Scorpius quum humectæ naturæ sit, ad uobilitatem largiendam nec tam idoneus est, nec ipse capiti præest.

P T O L E M A B V S.

XXXIX.

Afflictio undecimi loci in creatione regis, detrimentum significat & domesticorum eius & pecuniarum ruinam. Secundi autem loci afflictio, pecuniarum ouilis eius detrimentum significat,

P O N T A N V S.

*S*parsim iam, & ut ita dixerim, seminatim præcepta traduntur, & ad sciendum & ad iudicandū. Quumq; de regis morte, deq; eius successione dixisset, docet hic quæ sint in regis creatione obseruanda, duobus præsertim locis, undecimo & secundo: quæ ut manifestiora fiant, locorū ipsorum qualitates acutius aperiendæ sunt. Decima domus in creando rege regi ipsi attribuitur, propter loci celsitudinem ac maiestatem. Etenim locus is in tota figura domorumq; cōstitutione præminet, ab eoq; potentissimi stellarum radij iaciuntur in terras. Locus huic succedens, hoc est undecima domus, attribuitur consiliarijs & domesticis, qui regi tū consilio, tū etiam opera ministrant, et parati astant. Hic igitur locus in rege, creando, reuoluendisq; creationis annis, si à maleficis stellis inessus, aut inimicis earum radijs percussus fuerit, damnum iacturamq; portendit in domesticis & ministris regis: quin etiam rerum eius familiarium, domesticiq; census detrimenta decernit. Si enim decimum creationis locum in ascendente constituas, locus qui erat undecimus, in secundam concedet domum, quæ pecuniarum & rei familiaris est. Quocirca malus eius loci habitus, malaq; afflictio, tum regionū ministrorum, tum regie substantiæ iacturam significat. Malum habitum atq; afflictionem, & infelicem statū undecimi loci, quæ *undecimæ* Græcè dicitur, intelligi uolumus non uno modo: non solum enim is locus malè se habebit, misereq; affligetur, si à malefico planeta quadrangularibus, aut aduersis radijs atrociter ferietur, uerum etiam si domus signi ipsius in depreßione sua, atq; in deiecta cœli parte, moerens & tanquam contemptus inuenietur, atq; à nocentibus stellis hostiliter lacessitus. Hæc quæ de rege dicta sunt, etiam de proceribus ac principibus alijs & item pontificibus dicta sint. Infelix etiam status secundæ domus in rege designando, & perniciofa ad eum locū irradiatio, subiecti populi, populariumq; diuitiarū detrimenta significat. Primus enim locus, id est ascendens regie designationis, subiecto populo attribuitur. Locus illi succe-

dens, populi pecuniam et censum indicat. Subiectus autem populus, regie ipsius census et patrimonium est: si enim decimum creationis locum in ascendente statueris, primus qui in creatione ascendebat locus, quarta domus locum occupabit, quæ patrimonium indicat. Quod autem regis patrimonium accipi rectius potest, quam populi gentesque subiectæ? Quocirca secunda domus, quæ popularē substantiam et censum demonstrat, à malevolis stellis occupata, detrimenta popularium diuitiarum significat. Detrimenda uero ipsa pro signorum ac planetarum qualitatibus iudicanda sunt, quæ maiora futura sunt, si nullum illis beneficæ stellæ præsidium attulerint.

P T O L E M A E V S.

XL.

Quum ascendens à maleficis oppressum fuerit, qui tunc natus est, sordidis rebus delectatur, ac male olentis odores probat.

P O N T A N V S.

Venerem elegantiarum deam ueteres esse uoluerunt: eius enim stella natum ad cultum, ad mundicias, ad pigmenta, aliasque deliciosas res inuitat. Iupiter dat animi claritatē, nobilitatem, splendorem, magnificentiam. Animus generosus generosis ac magnificis rebus delectatur, turpia odit et sordida. Quid uero beneficentia opponitur maleficientiæ, bonitas malitiæ, quum Veneris et Iouis stellæ beneficæ sint, contra Martis ac Saturni maleficæ, ipse sibi aduersabuntur: et Iupiter quidem ac Venus natum ipsum mundiciarum, splendoris, nitidi ornatus, et rerum honestarum uoluptate afficient: contra, Saturnus ac Mars ad immunda sordidaque inuitabunt. Etenim Iouis Venerisque temperantia sensus quoque et animi motus temperat: contra, Saturni Martisque intemperantia sensus inemperatos efficit: ex qua intemperantia rerum quoque sordidarum, et male olentium, et intemperati saporis delectatio nascitur. Corrupti enim sensus amant corrupta: quod in ægris facile cernitur. Quocirca qui in genitura sua horoscopum à maleficis obfessum habuerit, sordidis rebus, et corruptis capietur odoribus, probabitque ea quæ incocti saporis erunt, aspernatus lauta atque munda: quinimo immunda et foetida cum uoluptate sequetur. Qui autem ascendens correctionem corporis et qualitates indicet, ascendens ipsius dominus eam et minuet, et amplificabit, et immutabit pro collocaione sua, et aliorum etiam planetarum communicatione. Si enim Saturnus ascendens dominus nulli immixtus fuerit, natus ipse acidis saporibus et foetidis odoribus capietur. Si Mars, acutis, amaris, et salsis saporibus, odore acri. Saturnus ad uetularum et sordentium mulierum coitus inuitabit. Mars ad incestus, adulteria, et paru legitimum Venerem. Sed hec, ut dixi, temperabuntur, perinde

ut stek.

ut stellarum aliarum mixturae temperationesque accesserint, ac nihilominus pars uoluptatis quo in signo locoque constituitur, diligenter inspicienda est. Igitur in cuius genitura horoscopus a maleficis obsecus fuerit, is probabit foetida atque immunda, abhorrebit a nitidis et suauolentibus, propter planetam in temperantia, signum id inficientis: et Saturnus quidem quum sit terrenus, ad sapores atque odores, qui est rebus melancholicae qualitatibus sunt, natum inuitabit: Mars uero quum sit igneus, ad sapores atque odores, qui cholericae naturae esse dicuntur. Quumque cholera uiolenta sit, ad uiolentos, hoc est illegitimos coitus Mars impellet: melancholia uero quum sit squalida, Saturnus ad sordidam Venerem sequendam impellet. Sed ascendentis oppressio, siue obsecus, duobus intelligi modis potest: uno, si malefica stella signum ascendens occupauerit, aut ibidem collocata, aut potentibus radijs illud percutiens, de qua oppressione hoc in loco senire Ptolemaeu in dico: altero, si ascendens ab utraque malefica interceptiatur, quae interceptio, quam obsecionem quidam uocauerunt, hac ratione fit, ut si in alicuius nativitate ascenderit Libra, Marte in Piscibus, Saturno in Tauro constituto: quorum alter quum ex opposito loco in Virgine, alter in Scorpio radios suos iaculentur, Libram hostiliter circumfident. Sed nec desunt qui obsecionem alia etiam ratione fieri dicant, ut si Virgo sit ascendens, et Mars in Ariete collocetur, quum Mars est trigono in Leone ab opposito in Libram radios suos mittat, Virgo quae inter Leonem Libramque constituta est, Martis radijs circumsessa uideatur. Ego de prior obsecione magis sentio, quod praesentis planetae corpus quum potentius inficiat, tunc potissimum hanc sensum siue corruptionem, siue intemperantiam faciat. Nam interceptiones, de quibus dictum est, magis naturalem signi uim impedire, quam inficere uidentur. Et aliud est impedire, aliud inficere. nam qui impedimentum affert, alterius uires atque conatus hebetiores reddit, eosque imbecillos aut irritos facit. At quae infecta sunt, ea ut corrupta, et tanquam naturali ui amissa, in qualitate naturamque aliam transferuntur: et impedimentum quidem obsecionis magis id efficit, ne natus suauis odores sentiat, ne laeta et opipera sequatur, quam ut foetidis capiatur, ac grauiter olentibus delectetur.

PTOLEMAEVS.

XLI.

Loci octauus, dominique eius afflictionem tempore discellus caueto: at secundus, atque eius domini, tempore reditus,

PONTANVS.

In itinere suscipiendo septima domus inspicenda est, cui locus quae ultor petit, attribuitur: octaua quae huic succedit, index est eorum, quae uiuifica-

post-

postquam destinatum ad locum peruenierit, euentura sint. Quocirca locus hic diligenter obseruandus est: si enim utraq; domus, si uterq; dominus bene se habuerint, felixq; utriusq; status fuerit, et iter feliciter susceptum perficietur, et res quarum causa uiator profectus est, e sententia consicientur: contra, si loca et locorum domini male se habuerint, eorumq; status infelix fuerit, et iter et res, quarum gratia profectio suscepta est, infelicer et contra sententiam cedent. Verum ne fallamur, perficiendi negotij qualitas probe consideranda est. Neq; enim benefice stellæ ubiq; sunt eligendæ, ut superius ostensum est: in quo mathematici prudentia sanè multa requiritur. Atq; hæc quidem ad electiones. Ceterum mathematicus ubi quempiam iter ingredi uiderit, octaua et septima inspectis, atq; illarum dominis, et item finibus, in quibus domini domorum fuerint, ac finium dominis consideratis, de itinere, deq; negotio id iudicium feret, quod domorum et finium, et dominorum status, bonaq; illorum affectio indicauerint. Quoniam autem reditus motus quidam est, se in locum a quo coepit, reflectens, in reditu faciendo prima domus obseruanda est, et secunda huic succedens. Namque ut in abeundo septima domus locum indicat, ad quem uiator proficiscitur, sic in redeundo prima domus est, ad quam uiator redit. Sunt enim contrariorum contraria. Et quia secunda domus succedit primæ, hæc ipsa domus significationem eorum faciet, quæ post reditum euentura sunt: quæ si male affectæ fuerint, mala et aduersa ex hac mala affectione portenduntur. Malus uero habitus et afflictio ipsa locorum ac dominorum, quæ Græcè λανός: à Ptolemæo dicitur, est ubi loca fuerint à maleficis aut præsentia corporis occupata, aut hostilibus radijs petita, ut supra est dictum, ubi etiam domini eorum cadentes fuerint, aut retrogradi, quos ueteres repedantes dixerunt, aut à maleficis percussi, aut cum ijs iuncti, aut in signis depreSSIONUM suarum collocati, aut in locis, unde domos eas tueri nequeant. Sed, ut dixi, negotiorum qualitates inspicendæ sunt, et afflictio malusq; habitus, qualis quantusq; sit, exactè pensitandus. Quod uero infelicem statum octauæ loci cauendum potius, quam bonum sequendum monet, non caret prudentia, cuius prima laus est cauere: quod et milites in congressionibus seruant, et medici in curandis morbis, et patres familiæ in tutanda re familiari sequuntur. Sed quum e contrarijs contraria proficiantur, locorum reliquit arbitrio iudicandam contrarij consequtionem.

PTOLEMÆVS.

XLII.

Morbus qui coepit, quum Luna fuerit in eo signo, quod malefica aliqua tenuit in genitura, siue in quadragulo, aut diametro eius, grauissimus futurus est.

Statueret

Si autem malefica respicit, periculosus. Sin in loco;
ubi geniturę tēpore benefica fuerit, sine periculo erit.

PONTANVS.

Luna casum in egritudinibus corporum maximē obseruari debere, dies qui critici uocantur docent: siquidem corporibus dominatur, cietq; humores: & quum sit omnium stellarum citima, acceptas ab illis impresiones corporibus familiariter infundit. Natalium quoq; stellarum loca, siue ea felicia, siue infelicia sint, per omne uitę spatium ex geniturę decreto uires suas & ad iuuandum, & ad nocendum retinent. Tunc enim felicia geniturę loca, bona geniturę tempore promissa largiuntur, quum in annis uertentibus aut beneficos in se planetas, aut ē beneuolis locis felices illorū radios acceperint: contrā infelicia geniturę loca, decreta mala tunc adducunt, quum a maleficis occupata, aut earū radijs infelicitur percutsa fuerint. Quę mala ut notiora fiant, uidendū est, quid quisq; planeta in anno reuoluendo, quū in natalem alterius planetę locū impeerit, portendat: quid etiam quū in anni reuolutione locū eundem beneuolo maleuolę aspectu intuetur. Agrotatio igitur, quę coepit Luna signum per me ate, quod malefica stella geniturę tēpore aut occupabat, aut ē loco quadrangulari uel opposito feriebat, difficilis admodū et grauis erit. Quod si perniciosus noxię stellę aspectus accesserit, futura est nō modō difficilis, uerum etiā periculosa: quando natale ad malum adiungitur etiā temporale. At facilis & tuta uale tudo erit, si qua hora coepit, tunc Luna eo in locō inuenta fuerit, in quo benefica stella geniturę tempore presidebat. et hoc adde, tutissimā fore, si benefica tunc stella Lunā saluari conspicietur aspectu. Sed nec facilis omnino erit, si benefica illa, quę locū hunc geniturę hora tenebat, male atq; infelicitur egritudinis hora collocata fuerit, quando presidiū eius serum atq; imbecillum est. Ac nihilominus alia quoq; multa consideranda sunt: nam et Iupiter aliquando interimit. Videre etiā oportet quos morbos quis planeta afferat, siquidem cum qui ex hume clo frigidoq; manat humore Venus adauget, Mars imminuit: quando, ut medicī tradunt, capitis distillationi, quę Græco nomine *λεπτα* sęp uocant, febriacula nonnunquam utilis est, quod suo illum feruore deficet.

PTOLEMAEVS.

XLIII.

Maleficas gentis figuras contrarię temporum figu
raciones intendunt.

PONTANVS.

Quę a Ptolemaeo dicuntur *χηματα*, nos hac in parte & figuras, & aspectus, & constitutiones appellare possumus. Hęc sententia ut clarior

l. 3. fiat.

fiat, longiore oratione tractanda est. Maleuola & infelix cœli figuratio, & hostilis stellarum aspectus in condendis urbibus fit infelicior, maliq; magnum incrementum accipit, quoties in anni reuolutione atq; progrediendi tempore perniciofa stellarum configuratio accesserit: natale nanq; malum magis magisq; augetur, ubi noua fit accessio. uerbi gratia: Quæ hora urbis cuiuspiã fundamenta iaci cœpere, ex primarijs cœli locis unus aliquis instabat, ac signi eius dominus in deicietore cœli parte languebat, quæ re malum urbi & genti, cuius urbs ea caput est, portendebatur: ubi mali eius decretum tempus aduenit, si quadrangularis oppositus uel perniciose stelle radius signum illud malè fortunatum, aut signi eius dominum percusserit, aut signum ipsum malefica stella infecerit, aut alia nocens uis alicunde eruperit, fit ei malo ex noua hac hostilitate maior accessio. Quod si à contrarijs argumentari licet, malum ipsum ualde imminuetur, si felicius stellarum felix irradiatio signum illud tuebitur: præsertim si dominus eius bene fuerit collocatus. Atque hoc quidem præceptum ad nō pauca hominum negocia, resq; gerendas accommodari rectè potest. Sed nec prætereundum quid alij quoque sentiant. adulteria, inquit, & furta, & sacrilegia, & puerorum infames coitus à natalibus stellis significati dum patrantur, si maleuolus nocentium stellarum aspectus accesserit, si malefica stelle potentes fuerint, magnum adiumentum accipiunt. Si quis enim furtū adulterium uel, aut crimen aliud, quod honestati legibusq; aduersum est, animo conceperit, quam ad turpitudinē natalibus à stellis impellatur, petere atq; expectare maleficis à stellis auxilium debet, quod beneuolarum felix irradiatio, crimina illa ne fiant prohibitura est. Beneficæ nanq; stelle pudorem, honestatem, ac leges tuentur: contrā, maleficæ ad impudentiam, turpitudinem, & legum contemptum inuitant. Quod uerò ad Græca uerba attinet, quod nos temporumfigurationes dicimus, Græcè est *ἡλικία καὶ ἡλικία*, idq; temporale dici cōmodissimè potest: hi enim aspectus temporales sunt. At qui in ipsis hominum aut urbium genituris, rerumq; inchoationibus contingunt aspectus, eos natales libenter uocamus, qui Græcè sunt *ἡλικία καὶ ἡλικία*. Infelicem igitur urbis populiq; alicuiusfigurationem ædificationis hora, id est natalem infelicitatē adaugent temporalesfigurationes, ubi contrariæ atq; aduersæ fuerint. Quæ sententia non ad urbes ac populos solum accommodari potest.

P T O L E M A E V S.

XLIII.

Noxium est, quum ægri ascēdens genituræ ipsius figuris refragatur, neq; ad beneficum aliquem tempus perueniet.

PON.

Sunt qui putent sextum, octauum, et duodecimum locum intelligi debere, quod ea loca nullo horoscopo ratione iungantur, quia pigra et abiefla sint, et in deterrimam totius figure partem recesserint. Siquidem duodecimus locus carcerem ac tristitiam, sextus morbos, mortem octauus minuetur. Alij oppositum et quadrangularem natalis horoscopi locum significari arbitrantur, quod hæc duo loca horoscopum hostilem in modum feriant: quum enim ascendens nati uitam et corporis fabricam significet, quoties loca natali horoscopo aduersantia oriuntur, qua hora languere eger incipit, uitæ nati et malum, et periculum obnuntiant. Sed consideranti uerba Ptolemæi non iniuria uideri poterit, de alijs quoque, quam de quibus dictum est, locis intelligendum esse: siquidem apud eum $\chi\eta\mu\alpha$, id est figura, totam cæli constitutionem et planetarum aspectus significat, ut malè se etiam habeat egrotus, quoties hora qua languere coepit, non modò aliquis locorum, de quibus dictum est, ascenderit, uerum si ex ijs locis unus aliquis oriatur, quæ genitura tempore aut felicibus stellis, aut domino horoscopi seu medij cæli, aut etiam fortunæ parti aduersa erant. Quamobrem quum generaliter doceret, non dixit perniciosum tunc esse, aut magno in periculo egrotum uersari, sed malè se habere, et contrarium id ac noxium esse. In generali præcepto generale uerbum posuit $\kappa\alpha\tau\alpha\tau\iota\sigma$, quod sonat contrarium et noxiū, et (ut latinius fortasse loquamur) malè est, seu malè habet. Leuabitur autem magna ex parte morbus, si tempus ad beneficam stellam peruenerit. Græcè positum uerbum est $\chi\eta\mu\alpha$, pro quo sunt qui annum intelligi uelint, ut magno præsidio sit, si in anni reuolutione beneficus planeta fuerit ascendens dominus, isque bene fuerit collocatus: aut si signum proficiens fuerit ascendens, in quo genitura tempore beneficus planeta ferebatur: quod præsidium eo maius ac præsentius erit, si tum quoque benefica stella aut ibidem fuerit, aut in primarijs cæli locis inuenietur. Sed nos non modò de reuolutione anni ægri ipsius intelligendū ducimus, uerum etiam quum anni tempora, hoc est menses et dies, ad beneficam planetam peruenerint. Etenim unusquisque planeta uitæ nati decennium sibi uendicat, et menses nouem, de quo toto tempore cæteris planetis cuique certum tempus permittit. Etenim Saturnus ex decennio suo et mensibus nouem, primos triginta menses sibi ipsi uendicat, et reliquis mensibus loci duodecim, Marti quindecim, Soli decem et nouem, Veneri octo, Mercurio uiginti, Lunæ quinq; et uiginti attribuit. Quæ quidem distributio fit secundum seriem planetarum tempore genituræ. Principium autem distribuendorum annorum fit à Sole in genitura diurna, à Luna in nocturna.

30.	faci
12.	totu
15.	men
19.	men
8.	exto
20.	Dec
25.	men

Soligitur, Lunaue ubi suos sibi menses assumpsit, si statim Mercurius subsequatur, uiginti Mercurio menses attribuit: si post Mercurium Iupiter, Ioui menses octo permittit, & sic deinceps. Quæ quidem res in omnibus uitæ nati actionibus, cunctisq; diligentissime consideranda est.

PTOLEMÆVS.

XLV.

Quisquis genituræ suæ dominatores aut ascendens in signis humanis non habet, ab humanitate alienus etiam sibi ipsi erit.

PONTANVS.

Naturalis hominum propensio ad mansuetudinē & lenitatem, aut ad passiones his contrarias natalibus à stellis tribuitur, pro signorū qualitate, in quibus ij qui genituræ dominantur, inueniuntur, proq; ascendentiæ signi natura. Et signa quidem humanitatem, sociabilitatem, mansuetudinem, hospitalitatem, ciuilemque consuetudinem conferentia sunt illa, quæ hac eadem causa de hominū nominibus uocata sunt, Gemini, Virgo, Aquarius, & Sagittarius à parte anteriore: quæ signa dicuntur à nostris humana, propter affectus quos in hominū animis ingenerant. Contrà, quæ nomina ferarum habent, inhospitalitatem, immanitatem, insolentiam, rapacitatemque adducunt, qualis est Leo. At Aries quum domesticum sit ac mansuetum animal, signum eius nominis nato mansuetudinē affert cum quadam humilitate & abiectione. Quocirca signum ascendens, ac dominus genituræ, & item ascendentiæ dominus, seu qui plures in eo prærogatiuas assequutus est, qui que in omni figura reliquis est potentior, nati animum ad facilitatem, mansuetudinem, sociabilitatemque, aut ad acerbitatem, immanitatem, inhospitalitatemque propensorem faciet, pro natura signi in quo repertus fuerit. qui si Leonem peragrabit, atrocem nati animum & uiolentum, & ad tyrannidem impotentiamque prolabantem indicat, omnia sibi iure iniuriæque uendicantem. Erit enim natus is suapte natura rapax, impotens, & ad iniurias promptus. qui tamen affectus minores erunt, magisque domabiles, si dominatorum unus alterque in signo humano constitutus fuerit. Sed nec patris ingenium, nec nationis ac familie natura prætereunda est: hæc namque omnia simul miscenda sunt. In primis autem uidendum, cuius naturæ signa sunt per quæ luminaria ferantur. ambo enim in signis feris inuenta, quæ spiritui corporique dominantur, nati animum ad asperitatem, uiolentiamque propellent, ut nullum familiaritati, nullum amicitie ius relinquat: præsertim ubi signum ferox horoscopum tenet. Idque in planetis usu uenit, quod in stirpibus ac seminibus, quæ soli naturam sequuntur, quando occultum terræ saporem reserunt. Nam quum

RECTUM

rerum semina in zodiaco maxime dispersa sint, vis inde proueniens planetarum sic ad se conuertit, ut quas à signis affectiones accepere, in gignendis atq; animandis corporibus eas reddant.

PTOLEMÆVS.

XLVI.

Magnæ in genituris felicitates conferuntur tum à stellis fixis, tum ab interluniorum cardinibus, tum à locis partis fortunæ regni, quum horoscopus in eis repertus fuerit.

PONTANVS.

De felicitatibus quas stellæ fixæ conferre soleant, satis abundè diximus: hoc in loco Ptolemæus etiam alia in hominum genituris obseruanda præcipit. ait enim ad felicitatem nati plurimū conferri, quoties ortus eius tempore gradus ille ascenderit, qui aliquem cœli cardinē præsertim orientis et medijs cœli tenebat, quo tempore Luna Soli fuit cōiuncta, ante quam matris utero prodiret infans. Gradus enim illi cardinales si ascenderint in genitura, mirum in modum nato conferunt ad diuitias, ad honores, ad magistratus consequendos. Sed hoc non admodū simpliciter intelligendum est, ut nec planetarum statusfigurationesq; nec alia cœli loca, nec matutini uespertiniq; exortus, Lunaq; de fluxiones, et alia item multa metienda ac miscenda uideantur. Cur autem ab angulis cōiunctionū interlunarium boni tantum emanet, ratio querenda est. In omni themate et cœli constitutione cardines quatuor primas ac potissimas uires habēt. Cardines uoco ortum, occasum, culmen, et imum: Ptolemæus centra uocat, sed etiam anguli, et cuspidēs à recētoribus dicuntur. Hi cardines quando primas cœli partes obtinent, iure primas sibi uires atq; autoritates uendicant, quando cœlum omne quadrare et figuram ipsam cōstituere uidentur. Quum autem cœli motus orbicularis sit, atq; ex eo series rerum constet, et quod cœpit perficiatur, perueniatq; ad exitum, in motu hoc quatuor exiguntur, unde incipiat, et quō progrediatur, quæ quidem sese habent ut principium et finis, item media duo summum et imum. Videtur enim summum, quod alio nomine culmen dicimus, medium utriusq; loci, et à quo progressio incipit, et ad quem progressio suscepta est: rursus imum medium esse reflectentiæ se progressionis ad locum unde initio cœperat, ut rerū peruenientium series sibi constet, nulloq; unquam euo desinat. Ad hæc Sol et Luna eorum quæ in mundo hoc fiunt, potissime ac manifestissime causæ quæ sint, quando altera humoribus præest, materiāq; suggerit, alter animat atque in-format, iure Solis Lunaq; cōiunctio, quæ nati genituram antecessit, à ma-

m thematico

thematico diligenter obseruanda est, uidendumq; an cœli constitutio, quæ in coniunctione luminarium natiuitatem proximè prægressa est, cū figura cœli natiuitatis hora conueniat, iudicandumq; bene ac feliciter cū nato illo actum iri, ubi cardo antegressæ coniunctionis hora ortus ascendit. In hac uerò obseruatione tametsi Ptolemæus aliàs consueuerit culmen ortui anteferre, ego tamen ortum iudico culmini præponendum, quod tempore coniunctionis pars fortunæ in ortu, atq; in ipso etiā minuto surgentis cœli statueretur, unde meritò præferendus uidetur, propter ipsam fortunæ partem, quæ tantas ad felicitatem nati uires habeat: nisi fortè cardo alius felicioribus radijs aut tum in coniunctione conspectus fuisset, aut nunc genituræ hora cōspiceretur. Et quoniam ex contrarijs contraria emanant, illud quoq; subiiciendū uidetur, ut natiuita multis sit ærumnis et grauius malis exposita, si ex locis pigris abiectisq; prægressæ coniunctionis unus aliquis horoscopetur: sitq; ascendens cardo natiuitatis hora. Quæ omnia exactissimè dimetienda sunt, ac moderatissimè cōmiscenda. Beneficariū enim stellarū beneficū fauor promissa à cardine bona uehementius auget: contrā, maleficarum malefica impugnatio minuit. Quod autē Ptolemæus nullam de oppositione mentionem fecerit, admiratione non caret: quanquā et ab ipsa cōiunctione uidetur oppositio deriuari, ac totius mensis series deduci. Tamen si quid argumentando licet afferre, illud idem de oppositionis cardinibus affirmare quis poterit? nisi occidentis cœli cardinem, in quo tunc pars fortunæ collocabatur, uelut reliquis cardinibus antepone in genitura, propter ipsius partis fortunæ auctoritatē. Sed hoc, ut dixi, etiam atq; etiā considerandū uidetur, et Ptolemæi dicta solam coniunctionē innuere uidentur. Atq; ut ad partis fortunæ locū transeamus: hic locus mirificæ potestatis est: ab eo enim uitæ qualitas censuq; ostenditur, ab eo felicitatis atq; infelicitatis, paupertatis et opulentia series indicatur: hinc amores, uoluptates, atq; ut Maternus inquit, nati educatio, patriaq; deprehenditur. Quocirca quum in regia creatione locus hic tam augustæ maiestatis sit, ut regis magnitudinē, prosperitatē, honores, regniq; firmitatem, et futurorum bonorum euentum indicare habeat, iure natus is fortunatus erit censendus, in cuius genitura cardinaliter partis fortunæ regni locus ascenderit, quando cum regia felicitate hanc cōmunicationem habet, ut qui præstantissimus regie creationis ac regni locus erat, is in genitura nati primum figuræ cardinē teneat. Atq; ea quidem felicitatis cōmunicatio eo maior erit, quo plures ad illū fauores accesserint, si Luna loci fortunæ domina bene fuerit collocata, si amicis radijs illustrata, si locum ipsum beniuolæ stellæ grato intueantur aspectu, si dominus signi eius, si dominus

dominus finium tam loci quàm Lunæ bene se habuerint. Perinde namq; ut plura paucioraq; ex his ad eam sese felicitatem adiunxerint, bonorum cumulus maior minor ue futurus est.

PTOLEMAEVS.

XLVII.

In genitura quum malefica in locum benefica in alterius genitura inciderit, is qui benefica habet, ab eo qui habet maleficam, detrimento afficietur.

PONTANVS.

De concordia discordiaq; item amore atq; odio superius explicauit, et qua ratione de alterutris iudicari posset, docuit. Nunc rationem ostendit per qua inspecta duorum genitura iudicari possit, futuri ne illi sibi inuicem finis commodi an incomodi, et damnum ne an utilitatem alter ab altero sit expectaturus. Si, inquit, Lucius quum nasceretur, Iouem in Piscibus atq; in secunda domo habuit, Marcus Saturnum, quando hæ stellæ sibi inuicem aduersantur, contrariasq; qualitates habent, Marcus Lucio nocumentum inferet. Genus autem inferendi damni à loci proprietate iudicandum est. Itaq; quum secundæ domui domestica substantia attribuitur, damnum id in pecunia futurum obnunciatur: et quidem per dolos, calumnias, fraudes, accusationes, et occulta simulataq; consilia, quorum Saturnus est significator. Quod si Mars ibi fuerit inuentus, erunt damna per vim, iram, direptiones, latrocinia, gladium, incendia, et alia mala quæ Mæ arte significantur. Idem dices et in cæteris domibus, pro cuiusq; proprietate. Rursus si Lucius et Marcus, aut uterq; Iouem in secunda domo habuerint, aut alter Iouem, alter Venerem, ipsi sibi magno inuicem usui futuri sunt, atq; ad familiarem coparandam rem alter alteri plurimum collaturus uidetur. Contrà, si alter Saturnum, Martem alter habuerit, aut eundem ipsum maleficum siue Martem, siue Saturnum, inuicem alter alterius pecuniæ incommodus erit.

PTOLEMAEVS.

XLVIII.

Quando culmen domini, hoc est principis, fuerit horoscopus subiecti, aut dominatores beneuola configurabuntur figura, diu inseparabiles permanebunt. Idem etiam quum sextus locus serui inuentus fuerit horoscopus principis.

PONTANVS.

Inspecta heri atque affecla genitura, an diutius simul, concordibusq; animis uicturi sint, hac ratione iudicandum docet, ut primò uideamus, an

NO A. DRI.

meridialis cardo genituræ herilis sit oriens cardo genituræ clientis: deinde ut inspiciamus, an planetæ dominatores in figura gravis sese aspectibus inuicem intueantur: quæ ubi omni è parte conuenerint, minister ille non solum diu, uerum etiam summa cū fide obseruantiaq; domino suo ministrabit. Etenim summus cardo domini ascendentem famuli cardinē subiens, quodammodo unus factus è duobus, mirificam uim ad diuturnam et constantem utriusq; familiaritatem pollicetur, adeo ut heri uoluntas in ministri influere animum, rursus famuli fides atq; obsequium deuincere heri animum uideatur. quod uinculum magis ac magis obstringetur, si ad hanc quam dixi, cardinum unitatem beneuolus dominorum aspectus figuratioq; accesserit, hoc est, si alter alteri coniunctus sit, aut è sex angulari seu triangulari signo se inuicē aspexerint, benignusq; beneficarum stellarum radius illos complexus fuerit, aut si idem erit utriusq; dominator. Sed nihilominus si uerba Ptolemæi rectè intelligantur, etiam si culmen domini non sit ascendens ministri, diutius in familiaritate permanebitur: quum utriusq; genituræ dominatores bene amiceq; simul conuenerint. Neque enim Ptolemæus copulauit, sed disiunxit alternationem cardinū, et configurationem dominorum. Quod si et mediū, et dominatores, ut dictum est, conuenerint, non est quod ad fidelem et constantem familiaritatem optari amplius debeat. Quum autem cœli culmen domino tribuatur, sextus uerò locus seruo ac ministro, conuertamus quod suprà dictum est, dicamusq; diuturnum ac fidele futurum erga herum famuli ministerium, heritem in famulum constantem gratiam, quoties sextus locus serui ascendens locus fuerit in natiuitate domini. Ea enim loca, quod in unum concesserint, animorum ac uoluntatum conuenientiam et stabilitatem inter dominum ministrumq; conciliabunt. Illud quoq; addendum uidetur, futuram etiam stabilem domini in seruum gratiam: rursus serui gratiam, et fidelem in dominum operam, si utriq; dominatores concorditer collocati, ac sibi inuicem conuenientes inuenti fuerint. Medium autem cœli domino propterea conceditur, quod eius sit dominari, quippe qui superior est, atq; eminentiore in loco constitutus: seruire, inferioris atq; humili in loco sit: humilis namq; et abiectus figuræ locus est, qui ab ordine sextus dicitur. Et quia inter heri seruūq; aliqua cōuenientia ex natali genitura esse debet, cœli mediū, qui locus decimus est, sextum locum triangularibus atque eminentibus radijs illustrans tueretur. Illud quoq; nō sine ratione addendum uidetur, bene cum illo populo, ac populi domino agi, quum ascendens urbis angulus ille fuerit, qui in domini creatione aut genitura, cœli medium oblinebat: præsertim si beneuola dominorum configuratio accesserit.

quibus

quibus e rebus subiectorum fidelitas, et obsequendi studiū, dominiq; ipsius erga subiectos beneuolentia, singulari cum firmitate cōciliatur. Nec uerò me fallit esse, qui ea quæ de sexta traduntur domo, ad quintam atq; ad septimam domū transferant, nec non et ad tertiam: ut inter uirum et uxorem fidelis et tranquilla cōiunctio futura sit, ubi septimus locus, qui uxor is est, fuerit ascendens uiri, et inter patrem filiumq; sincerus et cōstans amor: id etiā inter duos fratres, ubi quintus locus filij fuerit ascendens patris, et tertius fratris locus, alterius fuerit fratris ascendens: ea enim loca tanquam in unū cōiuncta et a scdm uoluntates affectionesq; exiungunt. Sed has quidem ad res, atq; ad cœli significationes humane leges, ciuiliq; instituta, et quæ cognationis iura dicuntur, plurimū adiuuenti afferunt.

P T O L E M A E V S.

XLIX.

Quum ascendēs subiecti fuerit culmen in genitura domini, tantam subiecto illi fidem dominus adhibebit, ut ei ab illo imperetur.

P O N T A N V S,

Cœli medium, ut antè dictum est, dominis ac regibus attribuitur: ab eo namq; rectissimi ualentissimiq; iaciuntur in terras radij, ac uis inde diffusa uehementissimè influit, ut ab eminentissimo loco, cœliq; totius dominatum tenente. Locus ab eo quartus, qui est orientis cœli cardo, dominorum patrimonium indicat. Regum autem dominorumq; patrimonium sunt gentes populiq; subiecti. Efficitur itaq; magna quedam amoris studiūq; reciprocatio domini in subiectum, ac rursus in dominum subiecti, quoties cardo ascendens in genitura subiecti inuenietur esse cardo meridialis in genitura domini. Quæ res efficit, ut herus ille ad clientis et ministri sui præscriptū uicturus sit, in cuius natiuitate angulus meridialis cardinis inuentus fuerit in ministri genitura cardinis ascendens angulus, uerbi gratia: Statius siue subiectus, siue minister, in genitura sue horoscopo primas Arietis partes habuit: Marcellus, Statij herus, qua hora natus est, eisdem illis Arietis gradus habuit in culmine. Ex hac cardinum cōmutatione tanta uis existit, ut Marcellus Statij uoluntatē atq; sententiā suā præferat, illius consilij mirum in modum credat, eius deniq; arbitrio suas res agat: quod propter fidelitatis atq; amoris studium euenire necesse est. Quandoquidem idem ipse planeta dominus est signi ascendens in affectu genitura, et signi quod in heri natiuitate cœli uerticem tenet. Quæ re fit, ut nonnunquam homines infimo loco nati, suis à dominis ad honores summos euehantur, ac non modo rei domesticæ cura, uerum etiam reipublicæ, ac potentatus moderatio illis credatur. Sed in huiusmodi genituris domi-

ni, subiectiq; planetarum quoq; aliorū status & cōfigurationes inspiciendae sunt, ne quid in iudicādo prātermisum uideatur. Ipse etiā Ptolemæus ex ijs quæ uerbo superiori pronunciauit, nobis innuit, magnam quoq; ministri auctoritatem apud dominum fore, quoties sextus ministri locus natale domini culmen fuerit. In quibus omnibus uidendum est, ut iisdem illi gradus, aut illis maxime proximi, sint in ipsis angulis constituti.

P T O L E M A E V S.

L.

Ne prātermittas centum & decem nouem coniunctiones. In his enim posita est cognitio eorum, quæ fiunt in mundo & generationis, & corruptionis.

P O N T A N V S.

Rerum inferiorū ortus atq; interitus prima uis, causaq; esse signifero in orbe, ut sæpius dictū est, perhibetur. Quum autē planetæ generationis atq; corruptionis ministri sint, ac sub ipso signifero diuersis ferantur spatijs, iure illorum coniunctiones obseruare iubemur: tunc enim coniunctis ac multiplicatis uiribus, ad res quas excitant cōsumandas utuntur. Nec uerō nisi ex antecedentibus illorū cōiunctionibus imperia, nouas religiones aut bella portendentū, aut regna, aut religiones, aut bella incipiūt: nec antē desinunt aut mutantur subuertuntur ue, quā tempus ab illis decretiū peruenierit. Dicere autē quid quæq; coniunctio, & in quo signo, aut in qua cœli parte significet, loci huius nō est. Quā autē hæc naturæ conueniant, uideamus. Satis profecto constat, cōplureis ac diuersas uires probē in unū coactas longē potentiores esse. Constat etiam, corpora inferiora ē pluribus ac diuersis, quin etiā contrarijs ē rebus cōponi. Nec est qui neget, planetas ipsos diuersarū uirū esse, & alios atq; alios ex se effectus pācere. Illud etiā satis manifestū est, ea ex quibus res cōstant, licet sint contraria, media quadam temperatione simul necli atq; in unū coire. Erraticæ igitur stellæ, utpote ministre, tum eorum quæ in elementis fiunt, tum etiam quæ in uita mortaliū in alterutram partē siue ortus, siue interitus eueniūt, quum simul iunguntur, quum unā effectus suos miscend, tunc maxime fiunt peragendas ad res potentes: ac licet uiribus & potestate differant, quadam tamen æquabili mixtura copulatæ, sibiq; in utraq; partem consentientes, nunc rerū exordia, nunc excidia moluntur. Quumq; omnia ē contrarijs ac medijs cōstent, planetæ quoq; ipsi partim sibi inuicem contrarij sunt, partim median quandam potestati habent, cuiusmodi etiā naturæ signa ipsa sunt. Quocirca ad ea quæ à cōiunctionibus parantur, plurimum etiam signa conferunt. Quum igitur hæc sic se habeant, iure cōiunctiones obseruande sunt à mathematico, quū ex illis manet cognitio eorū quæ,

que in mundo sunt, siue ad ortum, siue ad interitum pertineant: quando potissimæ ac primariæ causæ illorū sunt. Quod si aspectuū ipsorum tanta uis est in utraq; partem, quanto maior uehementiorq; uis coniunctionis habenda est? quā non per obliquam aduersamq; ac remotam radiorum cōmixtionem uires sibi suas partim cōmunicant, atq; inuicē augent, partim impediunt turbantq;, sed radios suos tanquā in unā massā coactos in terras simul proiciunt, et commixtis uiribus, communicatisq;, ut ita dixerim, consilijs, agendas adres feruntur. Quocirca non iniuria accusandi uidentur, qui de rebus toto anno futuris libellos emittunt, planetarium statum solummodo considerantes, quo tempore Sol Arietis primam partem ingreditur. Quum enim cōiunctionum ipsarum significationibus tempus constitutum sit: nam nec agunt nisi in tempore, et ita quidem agunt, ut non semper aut statim, aut paucis post mensibus annis ue ipsarum significationes appareant, sed aliās longiori, aliās breuiori tempore: uidendum est, an quo anno de rerum euentis sententiam ferimus, bona mala ue ab præcedente aliqua cōiunctione promissa tunc demum euentura sint. Ipsarum autem coniunctionum numerus sic colligitur. Duorum tantum planetarum coniunctiones, Solis Lunæq; cōiunctione excepta, sunt uiginti. Nam Sol Lunæq; luminaria quā sint, ac singulis mensibus cocant, ab planetis seiungere eorum coniunctiones uoluit: quarum quidem obseruatio generalissima est, quippe quum ab illis omnium iudiciorum principia sumantur. Græci namq; codices non centū uiginti, sed centum, ac decem et nouem coniunctiones habent. Qui autem ante me transiit, aut qui post secuti sunt, parū animaduertērūt excludi à Ptolemæo hoc loco luminarium coniunctionem, quam addentes centum ac uiginti dici putauerunt. Quæ quidem coniunctiones sunt Saturni et Iouis. Saturni et Martis. Saturni et Solis. Saturni et Veneris. Saturni et Mercurij. Saturni et Lune. Iouis item ac Martis. Iouis et Solis. Iouis et Veneris. Iouis et Mercurij. Iouis et Lune. Martis quoq; ac Solis. Martis et Veneris. Martis et Mercurij. Martis et Lune. Solis etiam ac Veneris. Solis et Mercurij. Nec non Veneris et Mercurij, et Veneris ac Lune, ac etiam Mercurij et Lune. Trium simul planetarum coniunctiones sunt numero trigintaquinque, Saturni, Iouis et Martis. Saturni, Iouis et Solis. Saturni, Iouis et Veneris. Saturni, Iouis et Mercurij. Saturni, Iouis et Lune. Item Saturni, Martis et Solis. Saturni, Martis et Veneris. Saturni, Martis et Mercurij. Saturni, Martis et Lune. Saturni quoq; Solis et Veneris. Saturni, Solis et Mercurij. Saturni, Solis et Lune. Adhæc Saturni, Veneris et Mercurij. Saturni, Veneris,

neris & Luna: ac Saturni, Mercurij & Luna. Dehinc coniunctiones Iouis, Martis & Solis. Iouis, Martis & Veneris. Iouis, Martis & Mercurij. Iouis, Martis & Luna: ac Iouis, Solis & Veneris. Iouis, Solis & Mercurij. Iouis, Solis & Luna. Iouis, Veneris & Mercurij. Iouis, Veneris & Luna: ac Iouis, Mercurij & Luna. Deinde coniunctiones Martis, Solis & Veneris. Martis, Solis & Mercurij. Martis, Solis & Luna. Item Martis, Veneris & Mercurij. Martis, Veneris & Luna: ac Martis, Mercurij & Luna. Deinceps coniunctiones Solis, Veneris & Mercurij. Solis, Veneris & Luna: ac Solis, Mercurij & Luna. Ultimo loco cōiunctio Veneris, Mercurij & Luna. Quatuor simul planetarū cōiunctiones sunt etiam numero quinq; & triginta. Saturni, Iouis, Martis & Solis. Saturni, Iouis, Martis & Veneris. Saturni, Iouis, Martis & Mercurij. Saturni, Iouis, Martis et Luna. Item Saturni, Iouis, Solis et Veneris. Saturni, Iouis, Solis & Mercurij. Saturni, Iouis, Solis & Luna: ac Saturni, Iouis, Veneris & Mercurij. Saturni, Iouis, Veneris & Luna. Nec nō Saturni, Iouis, Mercurij & Luna. Præterea Saturni, Martis, Solis & Veneris. Saturni, Martis, Solis et Mercurij. Saturni, Martis, Solis et Luna. Nec nō Saturni, Martis, Veneris & Mercurij. Saturni, Martis, Veneris & Luna: ac Saturni, Martis, Mercurij et Luna. Adhæc Saturni, Solis, Veneris et Mercurij. Saturni, Solis, Veneris et Luna: ac Saturni, Solis, Mercurij & Luna. Item Saturni, Veneris, Mercurij et Luna. Cōiunctiones quoq; Iouis, Martis, Solis et Veneris. Iouis, Martis, Solis et Mercurij. Iouis, Martis, Solis et Luna. Item Iouis, Martis, Veneris et Mercurij. Iouis, Martis, Veneris & Luna: ac Iouis, Martis, Mercurij et Luna. Nec nō Iouis, Solis, Veneris et Mercurij. Iouis, Solis, Veneris et Luna: ac Iouis, Solis, Mercurij et Luna. & Iouis, Veneris, Mercurij et Luna. Præterea Martis, Solis, Veneris & Mercurij. Martis, Solis, Veneris & Luna. Martis, Solis, Mercurij & Luna: ac Martis, Veneris, Mercurij & Luna: et Solis, Veneris, Mercurij & Luna. Quinq; coniunctiones simul planetarū sunt una & viginti hæc, videlicet Saturni, Iouis. Martis, Solis & Veneris. Saturni, Iouis, Martis, Solis et Mercurij. Saturni, Iouis, Martis, Solis & Luna. Saturni, Iouis, Martis, Veneris & Mercurij. Saturni, Iouis, Martis, Veneris & Luna. Saturni, Iouis, Martis, Mercurij & Luna. Saturni, Iouis, Solis, Veneris & Mercurij. Saturni, Iouis, Solis, Veneris & Luna. Saturni, Iouis, Solis, Mercurij & Luna. Saturni, Iouis, Veneris, Mercurij & Luna. Saturni, Martis, Solis, Veneris & Mercurij. Saturni, Martis, Solis, Veneris & Luna. Saturni, Martis, Solis, Mercurij & Luna. Saturni, Martis, Veneris, Mercurij & Luna. Saturni, Solis, Veneris, Mercurij & Luna. Item

Iouis,

Iouis, Martis, Solis, Veneris et Mercurij. Iouis, Martis, Solis, Veneris et Mercurij. Iouis, Martis, Solis, Veneris et Luna. Iouis, Martis, Veneris, Mercurij et Luna: ac Martis, Solis, Veneris, Mercurij et Luna. Sex simul planetarum coniunctiones sunt hæ numero septem, uidelicet Saturni, Iouis, Martis, Solis, Veneris et Mercurij. Saturni, Iouis, Martis, Solis, Veneris et Luna. Saturni, Iouis, Martis, Solis, Mercurij et Luna. Saturni, Iouis, Martis, Veneris, Mercurij et Luna. Saturni, Iouis, Solis, Veneris, Mercurij et Luna. Saturni, Martis, Solis, Veneris, Mercurij et Luna. Item Iouis, Martis, Solis, Veneris, Mercurij et Luna. Quæ omnes præter Solis et Luna coniunctionem sunt centum decem et nouem, septem simul planetarum coniunctione adiuncta.

LIBRI PRIMI FINIS.

IOAN. IOVIANI PONTA
NI COMMENTATIONVM IN
centum sententias Ptolemæi, ad
Petrum Compatrem Nea
politanum, liber I I.



VERVNTVR de natura, Petre Compatere, et quidem
nō pauci, quod ea prorsus iniusta, atq; omnino impru-
dens sit, in distribuendis tum suis, tum etiā fortune bo-
nis. Atq; utinā sola conuestione cōtenti, ac non in cœlū
modo, uerū in ipsos etiā deos inuecti, maledictis illos
atq; opprobrijs incesserēt. Qui si reputarent corporis è quo ipsi constāt
compagem, et ciuitatis in qua uiuunt cœtum, desinerent profectō tam la-
tranter obtrectare naturæ, abstinerentiq; à conuicijs tam necessarijs: quin
sorte sua contenti, beatiore fortasse, nullo tamen modo non quietiores ui-
uerent. Namq; ut de humoribus, et tanquam fermentatione corporis omni
no taceam, artus ipsi et ossa, neruique, uenæ item et quæ dicuntur arteriæ,
hæc ipsa inter se in uniuersum atq; inter partes, non solum diuersa sunt,
contrarijsq; qualitatibus prædita, uerū alia quidem aliorum ministerijs
atq; officijs sic uidentur attributa et subdita, ut ex ijs partes quædam do-
minari, contrā seruire aliæ uideantur: situsq; ipse, ac membrorum inter se
collocatio et sedes alijs dignior, alijs abiectionior ac penè seruilis sit consti-
tuta. Itaq; et uenter, et alius, et partes ipsæ obscenæ queri possunt de si-
tu, de textu, de ministerio quoq; suo, pectoriq; et humeris inuidere, pedes

n capiti

capiti atq; oculis: quum ipsi totum sufferant corpus, sintq; penè in aspi-
 dua exercitatione & motu: etiam inter ambulandum spinis scrupulisq;
 ac minutissimarum rerum offensiunculis obnoxij: caput autem sublimè,
 ac tanquam in curru spectandum ab ipsis deuehatur: oculi uerò singula
 conspiciuntur, & quasi uias animis aperiant ad intelligendum atque de-
 cernendum, quo è ministerio, & penè officina prodeant cæ artes discipli-
 næq; quibus homines cæteris animatibus, et ipsi quidem inter se alius alijs
 præsent atque excellant. Ac deinceps membra singula de seruitio, de
 positura, de onere ac munere queri possent, aliq; aduersus alia aut ob mi-
 nisterij nobilitatem, aut propter collocationis excellentiam liuore affici et
 odio. An non caput sola atq; arenti cute tegitur, quum coxæ lacertiq; car-
 ne etiã plurima succoq; perinde ac uallo quodam muniantur? Manus to-
 tæ articulatæ sunt. At collum penè uniuersum nervis consitum. Excipit
 nasus cuncta capitis excrementa, uetris anus atq; intestinorū. Pedum qui-
 dem articuli ad incessum atq; ad statum accommodati, manuum ad agen-
 dum. Deniq; quum unaquæq; corporis ferè pars famuletur, secū indigne
 iniustæq; acti succensere hac eadem ratione posset, idq; in animato quoq;
 corpore, uiuenti cuiq; succensendum atq; indignandum cōtingeret, quo in
 corpore positus ipse texturaq; & uniuersa concretio, unde uita existit, è
 contrarijs prouenit, rectè tamen accommodatq; dispositis, quod etiã in mu-
 sicaquam manifestissimè cernitur, in qua uoces ipsæ cordæq; singule qui-
 dem quū inter se dissident, simul tamen omnes consentiunt, & concentū
 illum reddunt tantopere suauem uirtute artificis ac temperatione. Nulla
 enim existeret musica, si uoces omnes neruiq; uniuersi, soni item singuli
 essent sibi perquam similes, atq; ut ita dixerim, cōuocales, perinde ut nul-
 lum existeret corporis officiū, ne motus quidem de loco ullus, si totū è car-
 ne constaret, aut è solis ossibus, siue neruis. Age in oratione ipsa, quæ solius
 est hominis, per quam etiam à cæteris animalibus differimus, quid tam cō-
 trarium, quam è quibus ea constat, uocales scilicet ac mutæ literæ? quæ ta-
 men sparsim diffusæ, affabrefactæq; inter se collocatæ, auribus ipsis illabū-
 tur tam significanter ac sonorè. Cum primis uerò ciuitates ipsæ coetuscq;
 hominū qua ratione conseruari possent, nedum augescere, si ciues ipsi unā
 omnes aut lanificio telegq; aut si malueris medicinæ agrorū colendo, aut
 nauigationi, militiæ deniq; aut cuius uni quamuis etiam necessario artifa-
 cio, à natura essent ingenioq; suo dediti? pessimè profectò, nedum inutili-
 ter cum hominū genere esset actum. Quemadmodum igitur corpus ipsum
 nostrum in uarios artus, diuersa item membra ac membrorū officia dispo-
 situm ac distributū est, quo sibi ad ea ad quæ homo natus est, omni è parte
 consens-

consentiat, eadem ratione et uia totum ut sibi ciuitatis corpus exacte conueniat atque exaratus quadrat, natura ipsa diuersa hominum studia, diuersasque animorum applicationes, ad artes etiam diuersas principio esse uoluit, ne quid quod ad uitam uitaeque commoda, humane societatisque conseruationem generisque propagationem conferret, neglexisse, aut parum omnino curasse uideretur. Etenim ut in ipso nostro corpore partes quaedam sunt sordidis etiam ministerijs appositae, illisque solis accommodatae, sine quibus corpus ipsum mancum esset atque imperfectum: sic in ipsis quoque ciuitatibus a natura nequaquam inerte profectum est, uti etiam culinae quidam patinariaeque, quin etiam cloacis nonnulli expurgandis sint ab eadem natura tanquam preparati. Ad quam tantam ministerij sorditiem artisque, ut ita dixerim, nidorem, qui electione atque consilio sese applicaret, nemo profectus esset, nemo: nisi haec ipsa natura ciuitatum consummationi, humanique conseruationi prudentissime consulens, tales eos statueret, talique ingenio praeditos uellet, quod caeli quidem stellarumque, quarum tam diuersae actiones, uariaeque adeo informationes sunt, assequitur beneficio et munere. Cur non de alpiu queratur iugis, deque illo tam uerticoso cacumine Rheticarum de tot tantisque paludibus ac syluis Germania: de importuno illo syrtiu traectu tantaque uastitate Africa: de illa caeli solique siccitate Aegyptus: de aspiduis ac feruentissimis aestibus Aethiopia, deque gelu Sarmatia? Atqui tantum terrarum spaciū neque se habere aliter pro rerum natura poterat, neque terrarum molis tam spaciōsa uastitas alia ratione consistere, aut generationi rerum tam diuersarum probe perfecteque consultum esse. Quasi non et Sol et Luna queri de deliquio, et minutissimi illi ignes de luminis exiguitate, erraticae autem stellae de motus progressionisque suae uarietate atque inconstantia, elementa denique singula de loco et qualitate sua possent. Paulus ille Christianae religionis antea impugnator, post assertor etiam quam accerrimus, monet unumquemque, et tanquam hortabundus imperat, sorte suam contentum esse debere, in eaque uti se exerceat, sequaturque officinam, ad cuius opificiū ac munus ab autore ac magistro Deo uocatus uideatur. Et Horatius humanae uitae non imprudens institutor, docet sapientis uiri officio cum fungi, qui sorte sua contentus ac letus uiixerit. Permittamus igitur naturam exercere magisterium suum, quod ignobilibus quoque artificibus etiam cum laude est permixtum. An non utitur imperator pro arbitrio suis militibus, uersisque exercitui, rex populis ac nationibus? Atqui imperat agris arator, uicibus uinitor, pastor etiam pecudibus suis pabulationem ac lanificium praescribit. Nolimus ergo naturae, caelo, et stellis, quin etiam Deo ipsi tam impudenter, ne impie dicam, praescribere, aut quod suum est illis officium eripere.

At ego, Petre compater, quum sum mortalis, immortalem me natum percreperem, frustra tamen. Hæc et eiusmodi cupiuntur. Cur non splendescere etiam noctu ut stellæ, ut Sol die radios effundere ipsi cupimus? An quia non est hæc hominum, id est nostra conditio? Componamus igitur questus tam illicitos atq; importunos, maledictisq; temperemus, uel potius nos instituamus ad ea quæ nostra sunt, quæq; à natura nobis uel sunt insita, uel ab eadem ipsa præscripto quasi quodam tradita. Quumq; intelligamus mortales nos esse, quæ erant mala nostra, et querere omnes ortum ducant, quid opus est tam indignanter atq; improbe de illis queri, in quibus nihil omnino tu te tibi querendo proficias? præterquam si te ipsum uelis è misero miseriorem reddere, et cœlo stellisq; hoc est diuinæ cōstitutioni, insolenter frustra; præscribere.

P T O L E M A E V S.

L I.

In quo signo Luna est genitura tempore, illud in cōceptu fac ascendens. Et in quo signo inuenta fuit in conceptu, illud aut eius oppositum fac ascendens in partu.

P O N T A N V S.

- Plinij Secundi ex septimo naturalis historie libro de partu hominis uerba sunt: Cæteris animantibus et pariendi et partus egerendi tempus statutū est: homo toto anno et incerto gignitur spatio, alius septimo mense, alius octauo, et usq; ad initia decimi. Ante septimū mensem haud unquā uitalis est. Septimo uero pridie posteroque plenilunij die, aut interlunio cōcepti nascuntur. Idem paulo post tradit, Cæsoniæ Caij principis uxorem octauo mense genitam: Rufum etiam, ciuem Romanum, undecimo: Lucium Papyrium sextodecimo. Ipse à grauiſſimis uiris accepi, Nicolaum Picinnium, clariſſimum ducem, duodecimo mense editum. Hec nos præfatos esse haudquaquam ab re fuerit. Hermen rerum cœlestium antiquissimum scriptorem tradunt affirmasse, illum ipsum cœli gradum horoscopare tempore genituræ, quem conceptus tempore Luna tenuisset: rursumq; gradum illum tempore conceptus horoscopasse, in quo gradu genitura tempore Luna fuisset inuenta. Ptolemæus uero, qui multis etiam seculis post Hermen scripsit, quod obseruatio tot annorum aliter docuisset, primò non gradum eundem, sed signum; deinde nō idem semper signum, sed nonnunquam signum oppositum ascendere apertissimè dicit. quamuis quod de opposito signo traditur, nō à Ptolemæo scriptum, sed à posterioribus additum, sint qui existiment. Eiusdem de signo aduerso opinionis: fuisse uideo Abrahamum, rerum cœlestium scriptorem: non illum qui-

dem antiquissimum, cuius etiam Iulius Maternus non semel meminit, sed alium quendam, qui non multis ante nos etatibus scripsit. Cuius uerba sunt: Ascendens gradus concepti utero seminis, non erit omnino Luna locus geniturae tempore, sed aut ipse, aut oppositus: neq; geniturae ascendens erit omnino Luna locus tempore concepti seminis, sed aut ipse, aut oppositus: id quod saepius à nobis obseruatum est. Tunc autē euenire uolunt, ut oppositus in genitura locus ascendat, quā Luna tempore concubitus in occiduo cardine inuenta est. Sed antequā ad haec ipsa ueniam, ratio reddenda est, cur Ptolemæus de procreatione ac genitura simul mentionem fecerit. Hominis ipsius et unū et plura sunt principia: namq; et ubi semen utero genitali conceptum est, et ubi membrorū dispositio fieri coepit, etiā quum animatur foetus ipse, et quū tandem in lucem uenit, principia plāne sunt. Nihilominus hominis principia duo potissimū cōsideranda sunt; alterum quum semen genitali loco admissum est, quod ex hoc ipso principio alia proficiuntur: alterum, quum foetus in lucem uenit. Donec enim editur, foetus est: quum primum utero egressus est, et aërem hunc hausit externum, homo uocari incipit, siue mas sit, siue foemina: tunc enim uiribus suis uti, et suapte quodāmodo sponte agere primum aggreditur. Quā igitur duo haec potissima sint hominis principia, hoc est procreatio et genitura, iure sunt à mathematicis obseruanda. De uita enim, deq; nati euentis iudicaturi, ab hoc principio, per quod in lucē atq; ad actiones uenit, necesse est, uitae totius, et eorū quae contingunt seriem iudiciorum deducant, lidem si de illis, quae ante partum considerantur, iudicare uoluerint, non alio à principio, quā à tempore coitus, quum semen uterum impleuit, deducere iudicium possunt. Quae quidem principia quā sit inuenire difficile, idem autor in libris Apotelesmatum ostendit: quibus nisi cōpertis iudicari de foetus, deq; nati euentis nequeat. Atq; ut de principio seminali hac in parte taceamus, quis nisi capto à genitura principio, quū in lucem partus editur, de ijs quae nato euentura sunt, dum luce fruetur, pronunciare generaliter poterit, aut audebit? Quia uerò duo haec principia, conceptus ac genitura, ut sibi conueniant necesse est, quum Luna corporū dominā sit, ex loco Lunae conuenientiā hanc omnino et cerni, et quari debere Ptolemæus docet: dicens signū illud, in quo Luna tempore conceptus fuerat, geniturae tempore in ascendente statuendum esse: et in quo signo Luna inuenta est editi partus tempore, illud tempore conceptus in ascendente collocandum. Quid his dici conuenientius potest? quae de re multi quid sentiant, referemus. Gestandi utero foetus triplex tempus cōstituit, minus, mediū, maius. Alij nim breuiori, alij productiori, nonnulli meo quoque

inter hæc tempore nascuntur. Vnde minorem, maiorem ac mediam foetuum mansionem, quæ ab ipsis mora dicitur, in utero esse dicunt. Nobis non placet moram dicere, quoniam foetus in utero manet, non moratur: nisi dicamus foetum morari partum, quod est in alia significatione. Mediam mansionem è ducentis septuaginta tribus diebus constare uolunt, quum Luna conceptus tempore ascendit in ortu, quippe quod orbes suos geniturae tempore perfecto cursu iam peregerit. Minorem è diebus ducentis quinquaginta octo, quum Luna concubitus tempore in occiduo cardine inuenta orbes non perferat, dum partus editur. Maiorem è diebus ducentis octoginta octo, quibus etiam hæc addit, Lunam tempore editi partus aspicendam esse: atque ubi inuenta fuerit ab occasu in ortum superiori hemisphaerio ferri, ibi capiendos esse gradus inter occasum Lunamque interiectos, eosque bis ducentes, ac bis ducentos, in partes uigintiquatuor, quot horarum dies est, diuidendos, quotque gradus inde deducti fuerint, totidem dies esse: quæ uero partes reliquæ fuerint, quæ diuisione non patiantur, horas esse: hos dies, item horas mansioni, quæ minor dicitur, adijciendos: quibus adiectis, tum denique omni simul numero capto mansionis tempus constitui. Tandem mansionem hanc subducendam esse à tempore geniturae, animaduertendumque annum intercalarem, qui bissextilis nunc dicitur, Lunamque ipsam cum eo quod reliquum est æquandam, et quo in loco tunc inuenta fuerit, eum locum horoscopus geniturae esse. Quod si Luna ab occasu ortum uersus per inferioris hemisphaerii loca pergit, capiendum esse spatium quod inter horoscopus et Lunæ locum interest, eademque ratione multiplicandum, deinde diuidendum, addendumque mediæ mansioni, post etiam subducendum, demum etiam adæquandum. Atque his in hunc modum confectis, quo in gradu Luna inuenta fuerit, eum gradum geniturae tempore horoscopare. Nos quod de gradu dicunt, affirmare non audebimus, quum Ptolemæus signum dicat, non gradum. Sed nec illud affirmauerimus, quum Lunam in occiduo cardine reperiri contigerit, signum oppositum horoscopare: quamuis Ptolemæus, et qui post eum secuti sunt, dicant etiam signum oppositum solere horoscopare. Quæ tamen si uerisimilia sunt, et à nobis ualde probantur, ut à peritissimis uiris tradita, tamē si Solis etiam uia quaeratur, à mathematici circumspeditione alienum non est. Quam uiam secuti non diffitebimur Georgium Trapezuntium, rerum cælestium studiosissimum hominem. In hominis corpore procreando finis alicuius rationem à natura haberi affirmare quis dubitet? neque enim temere tantum opus aggreditur. Procreationis autem conceptusque quis aut certior, aut magis proprius finis esse quam ipsa genitura potest? Quum enim foetus ipse manibus, pedibus, membrisque

alijs præditus sit, finisq; instrumentorū non alius esse cernatur quā ipso-
ram usus atq; officia, iure finis cōcepti foetus genitura uidebitur, per quam
ad usus officiaq; tum membrorū, hoc est instrumentorū, tum sensuum ipso-
rum, postquam editus est foetus, peruenit: quum pedum, oculorū, aurium,
manuum officium in utero foetui nullum sit, quorum tamen post partum
usus officiaq; paulatim incipiunt. Adhæc in inspicendis genituris actio-
nes à loco cœli decimo quærentur: quocirca si locus decimus nati actiones
inducat, si finis procreationis est genitura, si deniq; genitura ipsa uiam et
principium ad agendum aperit, rectè natura ipsa hominē in lucem editu-
ra non aliud cōmodius expectare tempus debet, quā quum generationis
pater Sol in decimum peruenerit locum, decimum inquam locum prog-
rediendo à loco illo, quem Sol ipse tempore conceptus peragrat, quem ad lo-
cum nisi nouē post menses non peruenit: quo tempore foetus, quē ad agen-
dum natura procreauit, nascitur, Sole generationis parente locum nactus,
qui agendas ad res maxime idoneus est. Quia uerò nunc aliquanto serius,
nunc paulò citius foetus ex utero prodeat, hinc fortasse triplex mansionis
genus commenti sunt, illi scilicet, qui Lunæ loco in genitura comperto,
mansionis tempus inde aucupati sunt. Hi enim post illius reuolutionem,
quod Lunam horoscopare inuenirent, tunc semen genitali utero conce-
ptum arbitrati sunt: parum, ut mihi uidetur, considerantes, eiusmodi Lu-
næ motum esse, ut in quouis cœli loco eam cōstitueris, ac mansionis, quam
ipsi dicunt, conuersionem feceris, tandem reuolutio illo tempore ascendere
inuenias. Quæ quidem ratio lunaris potius motus esse uidetur, quā ut
à genitura tempore necessario sit ducenda. Dicit hic aliquis, neminem ob-
rationem hanc, quæ decimo de loco dicta est, ocysus serius uel nasci, quod
Sol statim semper temporibus decimum ad locum propter motus sui con-
stantiam perueniat. Neque autem Sol, neque Luna ipsa sic dominantur
corporibus, ut non ceteri quoq; planetæ iurā in ijs sibi sua uendicent. Mo-
ratur sepenumero partum Saturnus, quod stella eius tarda sit atq; diffi-
cilis, cuius nequaquam benigna uis et in ipso procreationis initio, et in
membris corporis disponendis, et in edendo partu incommode esse po-
test. Contrā, Mars quod præcipitantiore est, propter calorem citius præ-
stat omnia, Jupiter Venusq; propter insitam moderationem cuncta mode-
rate. Mercurius suapte natura festinus et agilis, facillè tamen in aliorū sefe-
naturā uertit. An non uidemus mares partum maturare, foemellas produce-
re? alias mulieres nimio plus in enitendo laborare, alias uix partum sen-
tire? quæ cur accedant, non Luna solū causa esse potest, uerū alia quo-
que et quidem diuersæ tum cœlestes, tum etiam naturales causæ. Ad hæc

neq; soetum ædi tunc dicimus, quum ad primum decimi loci gradum Sol peruenierit: sicuti nec Ptolemæus gradum ipsum dicit, sed signum: sed tunc ædi soetum existimamus, quū ad signum illud Sol peruenierit, ubi locus decimus constitutus est. hic enim locus, ut cætera cœli loca, quæ numero duodecim sunt, pluribus è gradibus constat. Quin etiam licet uerum sit, quòd Sole constituto in imo cœli cardine, atq; in primo Arietis gradu, medius cœli cardo in primo Libræ gradu statuatur: tamen si Sol in alijs figuræ locis, quæ loca figuræ cardines non occupent, collocatus est, gradus ille in quo Sol collocatur, non semper indicat illum ipsum decimi ab eo signi gradum, decimi etiam loci principium esse: quod propter locorum inæqualitatem, et signorum reſtitutionem obliquitatemq; contingit. uerbi grãtia: In Publij procreatione fuit Sol in uigesimotertio Tauri gradu, qui gradus medij tunc cœli culmen tenebat: occasus autem fuit in uigesimonono gradu Aquarij, qui est decimus à Tauro locus. quorum duorum locorū principia inter se graduum aliquot numero dissentiant: siquidem angulus ille in quo Sol collocatur, uigesimumtertium Tauri gradum occupat: angulus uerò loci ab illo decimi, uigesimumnonum Aquarij gradum obtinet. nonnunquam etiam eorum locorum principia pluribus gradibus differunt. Sed iam ad Ptolemæum redeamus, cuius uerba manifestissimè declarant, signum illud in conceptu ascendisse, quo signo Luna partus tempore ferebatur. Rursum signū illud in quo Luna erat in conceptu, etiam ascendere in genitura, non tamen semper: quum comperitū sit, nonnunquam oppositum signū horoscopare. quibus dictis ostendit Hermæ regulam sibi omnino constare, quū Luna est in ascendente posita: ubi uerò in ascendente non est, ita quidem sibi dissentire, ut aliquando aduersum signum horoscopet, idq; contingere quū Luna est in occasu. Quod uerò ad gradū ipsum attinet, non ita quidem sentit Ptolemæus, ut gradum illum nunquam putet horoscopare, sed illud potius sentit, non illum semper, sed alium atque alium signi eius gradum ascendere, atq; ea ratione fieri, ut signum illud semper horoscopet. Oritur autem ex ijs, quæ de occasu diximus, quæstio sane difficilis, idem ne, an oppositum signum ascendat, quum in locis inter ortum atq; occasum constitutis Luna inuenta est. Sed ea quæ de Solē diximus, persuadere nobis possunt, signum illud ascendere, quod pro motu lunari concitatore aut sedatore ad nouem illos menses solaris, de quibus diximus, propius accedet. Sed ad Hermen redeamus. Si eius regula tam certa fuisset quàm ipse putabat, nunquam Ptolemæus de inueniendo horoscopo tantopere sollicitus fuisset: siquidē stante Hermæ regula, horoscopi ratio certa esset, quàm alijs quibudam uijs inuestigari oportere censet.

Domini genitura hominum procera statura in sublimitatibus sunt, & ipsorum horoscopi in signorum principijs. Eorum uerò qui sunt brevis staturæ, in humilitatibus inueniuntur. Adhæc inquirito, signa ne recta, an obliqua sint:

PONTANVS.

Accidit corporibus nostris non qualitas modò, quæ substantiæ comes est, uerum etiã quantitas: quæ tres simul iunctæ, & animal, & animalis corporaturam constituunt. Qualitatis quantitatisq; corporeæ cognitio, quòd hæc ipsa corpora cœlestium corporũ sequuntur agitur, etiam ad mathematicũ spectat: utranq; horoscopus ostendit, & ipse utriusq; significator & index est. Sed qualitatis cognitio à signo, quod tempore genituræ ascendit, magis quæritur: quantitas uerò, licet eius inspectio etiam ad horoscopum referatur, alio tamen est modo cognoscenda: cuius cognitionis triplex observatio traditur: prima docet situm genituræ domini uidendum, secunda numerum graduum ascendentium in horoscopo, tertia signi horoscopi ascensiones: quòd signa ipsa alia sunt recta, quæ dum ascendunt, plusculum temporis occupant: alia obliqua, quæ breuiori tempore sursum feruntur. Signi cuiusq; partes primæ, quod ab ipsis ut à principio productio incipit, atq; ideo maiorum sunt uirium, proceritatis causa sunt: extreme, breuitatis, quoniam quæ desinunt, impetus ac uires remissiores habent. Ex quibus cõijcere licet, medias partes, quòd mediæ potestatis sint, staturæ: mediocritatem indicare. Signu etiam rectu, quod tempus ascensionis suæ producit, nati quoq; corpus producere ac longiusculum facere uidetur: at obliquum, quòd tempus ascendendi corripit, nati quoq; corpus corripere ac breuiusculum præstare par est. Ad hæc dominus genituræ quum in parte superiore orbis sui fertur, quia longiori uagatur spatio, longiorem staturam: quum in inferiori, quòd breuiori spatio incedit, breuiorem corporis statum efficit. Itaq; tria hæc ubi simul cõuenerint, ut signu rectum, ut primæ signi partes ascendant, ut dominus genituræ superiore æ remotiorem orbis partem teneat, proculdubio natus ille longioris stature futurus est. uerbi gratia: Nascente Marco ascendit Libra, quæ plusculum temporis recte nascendo occupat, ascendit primus, secundus uel gradus eius, aut tertius, aut etiam quartus quintus uel: inuenitur etiam Venus genituræ domina, quæ tunc orbis sui culmen spatiosius uagando peragrat, profectò Marcus procerus corpore futurus est: atq; eo magis, si è parenti-

bus bonæ staturæ, atq; in regione ubi homines productiores sunt, nascitur. Quum igitur tria hæc simul cōuenerint, facile efficiunt ut ex breuius etiam parentibus proceri liberi nascantur. Contrā, ubi postremæ signi partes, et obliqui quidem signi, quod breuiori spatio ascendit, horoscopant, necesse est, ut qui tunc in lucem editur, breui corporis statura futurus sit: præsertim si genituræ dominus parte orbis cōtrāfiore ferretur. uerbi gratia: Caius quum nasceretur, ascendeat Aries, ascendeant postremæ Arietis partes, inuentus est genituræ dominus Mars, isq; inferiorem et cōtrāfiorem orbis sui partem tunc tenebat: quis dubitet breui corpore Caium futurum? atq; eo magis, si parentes quoq; et ipsi parui, ac regionis eius parui pleriq; homines sunt. Sed ad genituræ dominū redeamus: hūc multum addere ad proceritatem uolunt, si matutinus est, quod uires eius, longē tunc maiores sint: quod licet ipse minimē negem, à Ptolemæo tamen id ne inuitur quidem hæc in parte. Græcē est, si genituræ domini in ἀνατολῇ, aut ὑποχθονῇ sunt. ὑπὸ γῆς uerbum ē uerbo expressum est subterraneum, cuius oppositum est ἀνωθεν. unde Græci imum cardinem ὑπὸ γῆς dicunt, quod sit cœli cardo subterraneus, id est imus: cuius oppositum dicunt μεσσηνία, id est cœli medium. hoc tamen loco ἀνωθεν et ὑπὸ γῆς uidentur significare orbium, quibus planetæ feruntur, supremas atq; infimas partes, quarum summa pars à nobis maxime recedit: cōtrā, imā terris his maxime propinquā est. Quum autem orbis hi duo esse dicantur, eccentricus, et qui breuis cognominatur, utriusque consideratio non parum etiam conferet. Ad faciendam igitur humani corporis proceritatem breuitatem uel, hæc simul omnia conueniant necesse est. quæ ubi nō ex omni simul parte conuenierint, res ad mediocritatem quandam declinabit, perinde ut plura pauciora uel conuenierint. Sed nec hospitator, id est dominus signi, in quo signo genituræ dominus reperitur, omittendus uidetur, qui ubi in orbis sublimitate aut humilitate inuentus fuerit, non parum etiam in utranq; partem conferet. Dominus genituræ qui sit, et quibus rationibus capiendus, uideo inter autores parum constare. Alij namq; genituræ dominum planetam cum capiunt, qui pluribus prærogatiuis ornatus est, ac plus uirium in horoscopo habet: alij eum, qui in quo signo positus est, in eo maiore cum potestate autoritateq;, quam ceteri in locis, in quibus constituti sunt, resideat: alij planetam, qui latitudinis Lunæ dominus compertus fuerit. Sunt qui dicant eum genituræ dominum, in cuius finibus Sol interdiu, noctu Luna inuenietur. Quin etiam nonnulli existimant genituræ dominum illum esse, ad cuius signum Luna primum transierit, post id signū quod peragrat in genitura, præterquam si ad Leonem

aut Cancrum transeat, & planetam illum signi dominum, si diurna genitura fuerit cum Sole simul: si nocturna est genitura, cum Luna genitura ipsius dominatum suscipere ac gerere. Nos hanc rem, quod maioris disputationis est, in medio nunc relinquimus.

P T O L E M A E V S.

LIII.

Domini geniturae macilentorum hominū, latitudinem nō habent, pinguiū autem habent. Quod si latitudo australis est, agiles erunt: si borealis, inagiles.

P O N T A N V S.

Humani corporis mixtura qualis futura sit, & quem in humorem magis inclinatura, non solum quaeritur à mathematico, uerum etiam natus ne ipse crassior, an macilentior sit futurus: quanquam qui obeso sunt corpore à calido magis recessisse uidentur: cōtrā, macilenti calore plurimum abundare, qui sic alimenta & cibos decoquant, ut nullo modo patiantur quicquam minus coctū relinqui, quod in crassum et pingue humorem transeat. Quocirca quā sit ostensum, corporū proceritatem breuitatemq; à situ domini geniturae querendam esse, uidendumq; in summo, animo circuli sui feratur: ad haec quā longitudo lineae sequatur, cuius propria est protensio, recte sequitur de quaerēda latitudine, hoc est crassitudine regula. Namq; ut naturale corpus dare nō est absq; linea, id est productione, quae et longior, & breuior esse solet, sic quod latitudine careat, naturale corpus dare non est. Item quemadmodū sublimitas humilitasq; orbis planetae, longitudinē corporis, quā sursum protendendo metimur, ostendit: sic latitudo planetae in dextrū aut sinistrū æquinoctialis lineae latus digressi, amplitudinē corporis, quā quidē in sinistrā aut dextram partē progrediendo metimur. Ac de longitudine quidē, ut primo loco præciperet, ratio docuit, quod mathematicus lineā ante latū et profundū contemplatur. De latitudine quoq; ut secundo loco præciperet, eadē ratio fecit: quā secunda mathematici cōsideratio sit, de latitudine, quā superficiē uocat, quae cōstat longi ac lati dimensione, quae duo profundū antecedūt. Maior igitur corporis nostri amplitudo, quae corpus ipsum crassū atq; obesum reddit, à domino geniturae arguitur, quoties is ab æquinoctiali lineae digressus, in dextrū aut sinistrū latus declinādo in meridiē aut septentrionē uersus ascēdendo excurrit. Cōtrā, macies, quae est latitudo contractior, arguitur, quoties æquinoctiali lineae inherens geniturae dominus neutrā in partē uergit: Sed ipsa siue macies, siue crassitudo, maior minorue à propinquitate ac digressionē geniturae ipsius domini iudicabitur. Cōsueuit autē crassitudo ipsa, et obesi corporis grauis habitus, segnitie quādam suapte natura ingenerare, unde crassū inge-

miu[m] dici solet: nihilominus uidemus quosdam in magna etiam corpulentia agilitatem, & ad res gerendas comotionem etiam uehementem retinere. Cuius reiratio etiam à coeli regione proficiscitur: nam pars coeli meridialis, quæq; in austrum uergit, quum sit ob Solis præsentiam abunde calida: contra borealis, quod in septentrionem ab æquinoctio uergit, maxime frigida, frigusq; motum impedit, quem calor exagitat, quum etiam illud partes cōcretiores faciat, & catenis quasi quibusdam liget, hic relaxet et soluat, proculdubio corpulentia illa, quam genitura dominus in septentrionali regione positus adducit, erit minus ac minus agilis: siquidem frigidioribus è partibus constat, quàm quæ à domino genitura per latitudinẽ australem uadente decernitur, quod partes calidiores habeat. Quæ è ratione uidetur illud posse cōijci, ut magis etiam corpulentus futurus sit is, qui genitura dominu[m] in latitudine septentrionali gradibus duobus ab æquinoctiali digredientem habuerit, quàm qui pari spatio in latitudine australi, quod ille frigidiorẽ mixtura cōpactus sit: quæ è re futurũ est, ut cibos minus concoquat: qui ubi male concocti sunt, in alimentum membrorum non satis uertuntur, neq; facile penetrat, itaq; resident: quodq; humidi et mucosi, ut ita dixerim, sunt, simul hærent, & in crassum humorem abeunt. Parentum quoque corporatura, cœliq; ac terræ situs in uirantq; partem non parum conferent.

P T O L E M A E V S.

LIIII.

Dominatores in ædificationibus ubi copulantur
stellæ subterraneæ, ædificij erectionem impediunt.

P O N T A N V S.

Hæc obseruatio ad ædificationem pertinet, in qua sicuti ceteris in rebus quæ ab hominibus fiunt, multa in utraque partem euenire possunt. Quum igitur quis prima iacit domus, templi, ædificij publici uel priuati fundamenta, si stellam dominantẽ stellæ subterraneæ copulari uideris, copulatione ex ipsa coniecto, impeditum iri ædificium illud, quod minus citò consummetur: siquidem ex copulatione stellæ in hemisphærio inferiori cōstituta uidentur mirũ in modum hebetari atq; infringi uires stellæ, quæ fabricæ præest, quæq; hora iaciendorum fundamentorum horoscopo imperat, ex qua hebetatione id ædificiũ ad fastigium, id est operis consummationem nõ facile perducatur. Euenietq; dominatori huic quod hominũ quamuis aethoso euenire solet, ut industria eius & in agendo celeritas ualde imminuatur, multumq; agilitati eius detrahatur, si quem sociũ collegam ue hebeti ingenio & obtorpeni animo nactus fuerit. Quum enim humilia sublimibus opponantur, plerũque in infima coeli parte constitutus, fastigijs & cunctis inibi.

culminibus aduersabitur, in quibus ædificia ipsa desinent. Quamobrè in iaciendis fundamentis ad ea quæ superius dicta sunt de domibus ædificandis, hoc etiam addendū est, ut cum dominatorē eligamus, qui sit non modò superiori in hemisphærio positus, copulatusq; stellis quæ idem hemisphærium teneant, sed qui nullam omnino cum stellis, quæ inferius hemisphærium peragunt, copulationem habeat, ut neq; ab illis aspiciatur, neq; in alicuius earū domicilio colloceatur, quod etiam copulationis genus est. Dicit aliquis, nōne beneuolus affectus dominatrici stellæ præsidio suo multum conferet? Alia rerum aliarū ratio est. Planeta in imo positus nō potest adiuuare fastigiū, quod sursum tollitur, nec qui est sub terra id quod in aërē erigitur: quanquam autē uideri potest ad fundamenta substruenda, et quæ in terræ propinquo fiunt, operā suam ex bono aspectu cōferre, nihilominus ob loci naturam erectioni obest et culmini. Potest etiam natura stellæ ipsius ipsaq; copulatio eiusmodi esse, ut non solū impedimentū inferat, ne ædificium celerius erigatur consummeturq; , sed ut prorsus obset prohibeatq; ne unquā ad finem perducatur. Mihi quidē, quod omittere in animo non est, uidetur Ptolemæus, ut Syro etiā fratri affirmat, hæc quæ tradit usu ipso cōprobata tradere, eaq; ob rem singula eius uerba quam diligentissimè obseruanda esse: quoniam pluribus in locis multa ab interpretibus addita cōperio, quæ an usu comprobata sint, ignoro. Quam meam opinionē antequam ulterius progredior, decretū testatā lectori relatuq; resatq; et magis quod in enūnciatis quæ sequitur, nōn solū multa perperam translata sunt, sed plura etiam adiecta, quæ Græci codices nō habent. Quod autem ad translationem ipsam attinet, dominatorē hoc in loco cōuertere, quem duobus antecedentibus enūnciatis genituræ dominū uocaui, hac de causa quod in enūnciatio quidem, quod est de proceritate cognoscendā, scriptum Græcè sic est, *εἰς ἡλικίαν τοῦ κυρίου*, id est genituræ domini. In altero, quod est de macilentia, *εἰς ἡλικίαν* tantum: pro quo etiam, domini genituræ: quoniam si à domino genituræ queritur proceritas, per id quod summum est, quod quæ in proceritatem crescunt, in ædiū crescunt: et corpulentia à genituræ domino queritur, per latitudinē, quum in dextrū sinistrum uel amplitudo promineat. In hoc tertio Græcè legitur etiā *εἰς ἡλικίαν* tantū, pro quo nos dicimus dominatores: quoniam ineptius nobis uisum est, dominos genituræ in rebus ædificationis dicere, quū in rebus genituræ humane dici potius debeant: quanquam licentia quadam et domorum et urbium genituræ dicuntur: homines enim gignuntur et pariuntur, ædificia uerò non. Quinetiam licet tam uitæ hominum quā ædificiorum et urbium principium dicatur, homo tamen proprio uerbo gigni, illa uerò

non gigni dicuntur, sed inchoari. Quod si id quod nomen ipsum præ se fert, domus dominum, qui quidem in re familiari paterfamilias à nostris dicitur, interpretari uoluerimus, non qui maiore in ascendente iurisdictionem habet, intelligendus erit, sed ille ipse planeta qui ascendens signi domini inuenitur: nam *domus domini* à domus domum dictus est.

P T O L E M A E U S .

L V .

Martis aduersus naues noxia uis imminuitur, quum neq; in coeli medio, neq; in undecimo est loco: in his enim locis nauem corrumpit, prædonibus per uim occupantibus. Incendetur autem nauis, si ascendens ab aliqua stella fixa, quæ ex Martis mixtura sit, affligetur.

P O N T A N U S .

Observatio hæc accommodanda ne sit tempore quo edificari nauis incipit, an quum primum in mare deducitur, an quum è portu soluit, parum liquet. Verum quum earum rerum iudicium, quæ in uita hominis postquam in lucem uenit accidunt, à tempore ipso quo editus est queratur, tunc enim homo dicitur, qui ante factus erat, uidetur observatio hæc ad nauis ipsius deductionem potius accommodari debere. siquidem quum in mare primum deducitur, tunc ad nauigandi officium, quod eius est proprium, institui nauigium incipit: quemadmodum homo matris utero eductus tunc primum ad ea quæ hominis sunt iter ingreditur, quum ante parum nullius esset humane actionis particeps. Verum quum planetæ huius malitiam cauendam Ptolemæus doceat, quid obsuerit, si ubiq; noxiam hanc Martis constitutionem uitauerimus, & in edificanda naui, & in soluendo è portu quando prudentis officium est cauere. Quocirca & quum nauim deducimus, & quum è portu soluiamus, & quum illius carinam, hoc est fundamentum iacimus, cauere summo studio debemus, ut neutrum locorum horum Mars insideat, quibus è locis prædonum uim minetur. Cur autem prædones à Marte significari dicantur, & ij qui uocantur piratæ, non est ab re nouisse. Nihil est igne rapacius: ignis quam similima est rubra bilis, quæ cholera dicitur: huic humori Mars præest. est igitur eius hominis, in quo cholera efferscit, mediū mensuramq; abijcere, quam qui abijcit, ad exuperantiam excessumq; rapiatur necesse est. Rapit excessus ad iniuriam atq; iniustitiam: qui iniurij atq; iniusti sunt, ij sibi per ultimam rapinamq; quæ cupiunt, comparare student. Quocirca in quorum natiuitatibus Mars potens inuentus est, ac geniturus dominus, si nullo stellæ alius moderamento

tempe-

temperatur, eam choleram in hominum illorum pectoribus excitabit, ut
 appetitiones eorum iniustissime sint, tumultus querant, bellis gaudeant,
 cupito quacumq; ratione potiri studeant: quales sunt latrones ac piratæ.
 Mars igitur in decimo aut undecimo loco inuentus, naui, rebusq; quæ in
 naui comportantur, detrimento erit: quod ab ijs quidem qui Martiæ natu-
 ræ ac significationis sunt, inferretur. Superest, ut cur hæc potissimum loca
 obsint nauigij, ostendamus. Decimus locus, id est cœli medii, magisteria,
 negocia, operationes atq; actiones, ut toties dictum est, indicat. Quocirca
 locus hic quæ nauis aut in mare deducitur, aut soluit è portu, negociorum
 nauis eius indicium facit: quem si Mars infederit, quum maleficus abunde
 sit, nauis negocijs officijsq; perniciosissime oberit, uim afferens per arma
 latrocinia, ac prædonum rapinas, quæ Martis ipsius sunt propria. Præ-
 dones enim sunt, qui arma in mari exercent, atq; è rapinis uictit: quam-
 uis nonnunquam etiam hostes significantur, qui belli sequuntur iura. Quod
 si nauis nauisq; negocijs decimus attribuitur, consentaneum est, uti rebus quæ
 ipsa naui decuehuntur, undecimus deditur, siq; significator peculij, cen-
 susq; naualis, aliorumq; etiã quæ negocijs ipsis adiuncta et cognata sunt,
 ad quæ peragenda et nauigatio ipsa suscepta est, et nauis in mare dedu-
 cta. Peculium autem et census nauigij, et illa quæ tum nauis, tum susce-
 pte nauigationis negocijs adiuncta sunt, merces ac bona, quibus nauis
 onerata est, esse uidentur. Quocirca tum decimus, tum undecimus locus à
 Marte occupatus, et nauigij, et rebus quæ nauigij comportantur, detri-
 mentum allatum iri, aut à piratis, aut legiimis ab hostibus obnunciat.
 Quod si Marte decimum undecimum uel locum infidente, dum nauis aut
 deducitur, aut è portu soluit, Martiæ naturæ stella horoscopum infederit,
 nauem ignibus absumendam portendit. Quum enim duo primaria cœli
 loca maleficis à stellis occupata fuerint, ac due igne et stellæ simul ad ma-
 le faciendum cōuenerint, ita quidem effruescent, ut etiam per ignes incen-
 diaq; corrumpenda nauis decernatur. Eadem fortasse maleficientia Mars
 utitur in loco undecimo positus, si suæ quoque efficacie stellam fixam in
 orienti cardine sociam nactus fuerit. Videntur tamen signa diligenter con-
 sideranda, in quibus Mars erit positus, et domini signorū quæ sint ratio-
 ne collocati. Illi autem plerumq; piratæ futuri sunt, in quorum genitura
 Luna diurno tempore in horoscopo partiliter constituta, Martem ac Satur-
 num uiderit alium genituræ cardinem occupare, aut secum ascendentes ha-
 buerit. Luna enim quum in mari potissimum dominetur, ubi in ascenden-
 te posita est, et genitura est diurna, decernit cum qui tunc natus est, nau-
 ticam exercitaturum, et quidem rapinarū ac prædæ gratia, si pernicioso

Martis irradiatio coniunctio ue accesserit. Quod si Saturni quoque malignitas accesserit, ad Martis maleficentiam summa fiet accessio: qua è re futurus est natus ille peruersissimus, et generi hominum maxime incommodans, cuiusmodi piratæ sunt, qui humani generis hostes sunt. Reliquæ est, ut sciamus Martem in alijs cœli locis positum, non adeo perniciosum fore naue in mare deducenti, aut è portu soluenti, quandoquidem vires eius in terra quam in mari pollentiores sunt. Hoc enunciatum satis me angit, quod uideo Græcos quosdam codices non undecimi loci, sed duodecimi mentionem facere.

PTOLEMÆVS.

LVI.

Quum Luna est in primo quadrangulo, hoc est ex quo à Solis coniunctione recessit, corporum humiditates ad secundum usque effluunt, in reliquis autem decrescunt.

PONTANVS.

Ptolemæus ipse in primo Apotelesmatũ libro ait, Lunã ab exortu ipso, quũ increfcere incipit, quousque semiplena sit, humiditatis amplius effecturum esse; inde ad plenitudinem usque, caloris: post plenitudinem autem donec iterum semiplena fiat, siccitatis: atque inde ad coitũ usque, frigiditatis. Quocirca Luna ipsa in primo orbis sui quadrante naturam aeris, in secundo ignis, in tertio terre, in quarto naturam aque magis sequitur, hoc est ueris, æstatis, autumnii atque hyemis qualitates magis excitat, ac nihilominus humida semper est, quum sit eius qualitatis domina. Ipsa autem humiditas quoniam à calore, id est Sole excitatur, à quo Luna lumen suscipit, tandiu in Luna increfcit, quandiu Solis in eam crescit irradiatio. Ipsius uero irradiationis incrementum per primam et secundam orbis quadraturam pedetentim procedit, donec peracta secunda quadra, cõfectoque semicirculo, plena facta est. Deinceps quod decrescere in eius corpore Solis irradiatio incipit, decrescit etiam paulatim humiditas, quæ ab irradiatione calefacta excitabatur, donec Soli coniungitur. Interea Luna ipsa Solem bis quadrangulariter afficit: ac primũ quidem quadrangulum formari incipit, quũ à Sole digrediens septimo post die semiplena cernitur, abestque ab illo gradus nonaginta. Hoc igitur est quod ait, quũ est in primo quadrangulo, ex quo à Solis coniunctione recessit. Secundum uero quadrangulum post plenitudinem incipit, quo tempore semicirculo cõfecto, ad Solem regrediens rursus illi propinquat, nonaginta tantum gradibus interiectis. Non peruenit igitur ad secundũ quadrangulum, nisi post plenitudinem: cõsequenter autem corporum humiditates effluunt. Siquidem Lunæ humilitas

tem

tem sequuntur inferiora corpora, quā Luna ipsa sequatur ex crescentem Solis irradiationem: qua decrescente, quōd Luna quoq; decrescat humiditas, corporum simul humiditates decrescunt. Quæres in cædenda materia, in cancriis fluuiialibus, in cerebro, in uenis manifestissimè cernitur. Crescente enim Luna, humidum in ijs effluit, decrescente decrescit. Idq; nos carminibus testati sumus, quum de ijs loqueremur:

Aemula crescenti reparant à lumine uires,

Et multo in primis implentur corpora succo.

P T O L E M A E V S.

LVII.

Quum septimum locum atq; eius dominum in ægritudine afflictum uideris, medicum mutato:...

P O N T A N V S.

Diximus superius septimum locum in quæstione mathematicis attribuendum esse, et cur ita sentiremus, causas attulimus. Idem locus in cōstituenda ægroti figura medico attribuitur; ut quemadmodum in cōsulendo mathematico ascendens attribuitur consultori, septimus locus consulto, sic in inspiciendo cœlo quo tēpore quis ægrotare cœpit, prima domus ægroti ipsi, septima medico attribuitur. Perinde enim ad ægrotum medicus, ut ad consultorem consultus ex Ptolemæi sententia sese habet. Inquit igitur, qui mathesim proficitur de ægrotō cōsultus, aut de illius morbo sponte sua iudicium ferre uolens, quo tempore laborare æger cœpit inspecto, si septimam figuræ domum infelicitè affligi compererit, ut aut à malefico planeta infestā sit, aut quadrangularibus aduersis uel radijs ab illo impugnetur. Ad hæc si dominum quoq; domus eius malè se habere compertum habuerit, suadebit ægrotō uti dimisso primo medico, alium adhibeat. si quidem infelix loci huius atq; eius domini status curationem medici eius malè cessuram, atq; offuturam languenti significat. Quale nanq; præsidium esse potest eius uel hominis uel artificis, qui nobis laborantibus & ipse quoq; labore? miserabiliterq; affectus langueat? nam septimus locus quum sit medici, dominusq; loci ipsius quum sit medici significator, si malè se habuerint, hostilibusq; radijs feriuntur, medici qui ante adhibitus est ingenium atque operam sicuturbari atque præpediri significant, uti de illius opera nihil omnino sperandum sit, summo uenundumq; omnino esse, ne curationis eius in ægrotum malè atque infelicitè uertat. Loco enim malè se habente, quæ loci illi attribuantur, ut malè se habeant necesse est. quumq; loci dominus, id est medici significator affligitur, medici quoque opera, qui tunc ægrotō curando assistit, malè cessura uidetur. quocirca primo medico summo, alium adhibendum iudicabit.

PTOLEMÆVS.

LVIII.

Coniunctionis locum, quo in loco ab anni ascen-
dente est, inspicere: siquidem quū profectio illuc per-
uenerit, tunc euentus erit.

PONTANVS.

Quam ipsi nunc coniunctionem dicimus, Græcè est συνδος, quæ à
Ptolemæo ubiq; pro Solis Lunæq; copulatione accipitur, nisi cuius alius
planetæ fuerit addatur. Quo magis quosdam demiror, qui de Iouis Satur-
niq; coniunctione tradi hoc omnino uelint. Sed ad rem ueniamus. Si Lunæ
Solisq; potestas tam efficax in nobis non esset, nequaquā in genituris con-
templandis primæ loco quæreretur, plenilunium ne an nouilunium quam
contemplamur genituram præcesserit. Etenim quum Sol Lunæq; spiritus
atq; corporis, id est animati corporis, auctores ac domini sint, iure illorum
coniunctio primū quæritur, eaq; diligenti studio ac summa opera exa-
minanda præcipitur: idq; non solum in genituris exquirendis, sed in an-
norum quoq; conuersionibus pensitandis (ut loco hoc monemur) studio-
sius faciendum est. Etenim (ut suprà est dictum) si ex coniunctionibus pla-
netarum emanat cognitio generationis et corruptionis rerum, quæ hoc in
mundo fiunt, quò studio, quæ etiam diligētia coniunctio luminarium, quæ
antè quàm utero quis prodijt facta est, consideranda uidetur? Quandoqui-
dem Sol princeps est ac moderator planetarum ipsorum, Luna uerò con-
tinuis discursibus quinq; stellarum erraticarum radios ab alio ad alium
transfrens, in corpora inferiora infundit, et (ut ita dixerim) transmittit.
Quocirca tum in genituris contemplandis, tum in annorum conuersioni-
bus recensendis, Solis Lunæq; antegressa coniunctio diligentissimè uiden-
da est, primumq; quo in signo, et in quo cœli loco contigit considerandū:
deinde à nocentibus ne an salutaribus à stellis, an partim à salutaribus, par-
tim à noxijs irradiata fuerit: deinceps dominus signi et item finis qui sit,
et in quo cœli loco collocetur, atq; à quibus aspiciatur. Item, recto ne cursu
feratur, an retrocedat aut cōsistat: oriatur ne ante Solem, an Solem ipsum
subsequatur. Quibus atque etiam alijs inspectis, exactèq; pensitatis, facile
erit decernere, quid aut boni coniunctio illa promittat, aut minetur mali:
quo cognito uidere etiam restat, quo anno bonū malum ue ipsum euentu-
rum sit, si genituram inspicias: sin anni conuersionem, quo mense. Ac ne à
Ptolemæi ipsius uerbis discedamus, quum præceptū hoc eius ad anni con-
uersionem pertineat, si in cōuertendis geniturarum annis obuenturi mali
aut boni, quo illud euenturum portenditur, certum mensem colligere uolu-
mus, signorum profectio inspicēda est. Singulis enim annis signa singula
iuxta

iuxta signorū successionem in genitura horoscopi auctoritatem accipiunt. Nam cui ortus sui tempore Cancer ascendit, quia Leo Cancrum statim sequitur, secundo anno nati eius principatum Leo suscipit, anno tertio Virgo, & sic deinceps, ac si per manus alterum alteri signum iuxta seriem constitutionis dominandi potestatem tradat. Atq; hæc quidem signorum series, mutuaq; successio, à nostris profectio dicitur, Græcè *σπινatio* est. Eadem in conuertendis annis mensium ratio est, si enim anni profectio ad Arietem peruenerit, primus mensis Arieti, secundus Tauro, tertius Gemini attribuitur, & sic deinceps. Signo igitur locoq; inspecto, ubi in anni reuolutione Solis Lunæq; coniunctio facta est, ac loco ipso cum genitura figura pensitato, quid & quo mense portendatur intelligi poterit. Quam ad rem plurimum cōferet annorū ipsorum, ac locorū climaticorum consideratio. Locus quoq; partis fortunæ natalitiæ inspicendus est, uidendumq; ad quem planetam temporum dominatus perueniat, & quid aut tunc in genitura, aut nunc in reuolutione uel prosperū, uel aduersum planetarum status, cœliq; configuratio promittat, quæ miscendo ac temperando, qualia euentura sint, & quo etiam anno ac mense, iudicabimus. Hoc Ptolemæi præceptum tempestate nostra nō modò non seruatur, ut parum intellectum, uerū malè conuersum ad Iouis Saturniq; cōiunctionem refertur: quod ne somnari quidem Græcè ex uerbis Ptolemæi ipsius potest. Quod autem ad translationem ipsam attinet, quum Græcè dicatur *σπινatio*, quod tum calamitas, tum ruina Latine dici potest, malumus euentum, quod id uerbum communius ac generalius est, traducere.

PTOLEMÆVS.

LIX.

De absente quòd occiderit ne pronunciatò, antequam uideris, an temulentus factus sit: neque quòd uulnus acceperit, antequam exquisieris, an sanguis ei missus fuerit: neque quòd thesauros inuenerit, priusquam scrutatus fueris, ne fortè depositum acceperit, quum omnium figuræ similes sint.

PONTANVS.

Sunt quædam rerum cognationes, quod natura ipsa cōparatum est, ut difficile sit eas secernere. Nam & morbi quidam ita cognati uidentur, ut signa eadem sint: & uirtutes quædam morales adeò sibi cōiunctæ, ut penè eadem uideantur, nec nisi multa subtiliq; cogitatione secerni queāt. Quæ res tum medicorū, tum philosophorū ingenia non parum exercet. Quare mirum uideri nō debet, si astrologos quoq; similis difficultas malè habet,

quibus eo maior uenia danda est, quòd cognationes rerum quæ astrologis offeruntur, longè plures, aut certè non pauciores quàm morborum ac uirtutum sunt. Monemur igitur, si quando de peregre profecto atq; absente consulti fuerimus, ne pronūciemus, illū diem obiisse, ex cœli configuratione, primo id aspectu portendente, nisi diligentius exactiusq; perspectū sit, an is de quo cōsulti sumus, tunc temporis quo cōsulebamur, ebrius fortasse esset, et uino, ut poëtæ inquirunt, sepultus: quoniam temulenti figura mortui figure persimilis est. Temulenti namq; propter uinum, quo sensus obtorpuere, in somnos abeunt, quorū somnus et profundior est, et propter grauissimū sensuum torporem morti similior. unde à poëtis morti somnus comparatur, ut:

- 33 Dulcis et alta quies, placidæq; simillima morti. Et:
 33 Perpetuus sopor urget. Et: Ferreus urget somnus. Et:
 33 In æternam clauduntur lumina noctem.
 33 Vidimus ipsi gregariū militem uino uictum, triduum sub diuo iacuisse absq;
 ullo rerum humanarū sensu. Qua uerò ratione discernere possumus, mortuus ne sit, an uino obstupescit et dormiscat, Ptolemæus nō docet, contentus hoc in loco monitos tantū fecisse: quod nos difficilius arbitramur ex figura interrogationis discerni posse. nō solū propter mortis ac temulentie somniq; cognatione, sed quòd fieri etiam posset, ut morbo comitali esset interceptus. Monemur etiam, ne si in consulendo cœlestis constitutio portendere uideatur illū, de quo consulimur, uulnus accepisse, pronunciemus hostile ei uulnus inflictiū, antè quàm probe perspectum habeamus, num ænam eius medicus ualitudinis gratia percuti iussit: quid enim cognatus? quum utrunq; ferro fiat, atq; ex utroq; sanguis effluat. Tertio etiam loco docemur, ne antè de inuento thesauro pronunciemus, quàm perspexerimus, an apud illum de quo queritur, deposita pecunia fuit: quum depositum atque thesaurus ex pecunia constet, et depositum thesaurusq; simili modo repente obijciatur. Verū, ut dixi, alterum ab altero distinguere maioris difficultatis, atq; operæ grauioris est, quum multa suaspe natura lateant: neq; ad tam distinctam rerū cognitionem, ut in principio dictum est, perueniri scientia possit: tametsi Ptolemæus consequi hoc ipsum posse nōs nequaquam diffidit, quum uetet de absentis morte non antè pronunciari, quàm compertum sit, an is uino sopitus dormiat, ac si diligenti solertiq; inuestigatione assequi mathematicus illud possit. Memoriæ proditum est, Valentem mathematicum prædixisse, puerum qui Constantino Augusto natus esset, in sinu matris diem obiturum: quæ mortua quum esset, prædictio eius ab omnibus irridebatur. contigit autē uij puer is in oppido mor-

recretur.

reretur, quod ex Helenæ auie sue nomine dicebatur. quæ res omnium animos, quibus prædictio illa notærat, in admirationem conuertit.

PTOLEMÆVS.

LX.

Super ægrotis criticos dies inspicere, ac Lunæ peragratiorem in angulis figuræ sexdecim laterum: ubi enim eos angulos bene affectos inueneris, bene erit languenti: contra malè, si afflictos inueneris.

PONTANVS.

Qui sint critici dies non medicis solum, uerum etiā cuius aliquo ingenio prædico satis cognitum est. Dicti autem critici, quod morborum ipsorum perinde ac iudices sunt: si quidem ipsis illis diebus, morbi ne an ægroti futura uictoria sit, potissimum iudicari potest, unde Græcè *κριται*, id est iudicatiui, aut si malueris, discretiui, quod discernendi uim habeant, dicti sunt: quos esse septimum, quartumdecimum, ac uigesimum primum diem, ex quo ægritudo ipsa cœpit, generaliter quidem medici consentiunt: quippe quos maximè obseruant, quum eorum maximū esse iudicium sentiant. Cur autem eos tantopere obseruent, ratio hæc est. Luna quum nostris corporibus dominetur, ob insitam sibi uim ac potestatem, ipsos corporum humores excitat, ac pro arbitrio moderatur. Quocirca locus eius ubi ægrotare quis cœpit, diligenter inspicendus est: ac locus item hic aduersus, & utriusque medius à dextra ac sinistra. Quum enim tria hæc loca, quem locum ægritudinis hora Luna tenebat, aduersis, & ut Græci dicunt, *διαμετρικῶς*, ac quadrangulis radijs hostiliter seriant, ubi ad unumquemque locorum eorum Luna transierit, necesse est uti morbus ille maiorem quam in alijs diebus commotionem faciat, propter aduersantium locorum naturam, ad que Luna peruenerit: peruenit autem ad locum oppositum quartodecimo seu quinto decimo die: ad loca uero quadrangula, hoc est ad primum quidem quadrangulum, qui locus medius est loci lunaris atque aduersi, die septimo octauo uero: ad secundum uero uigesimo primo secundoue die: quorum dierum quod iudicia manifestiora sunt, eam ob rem hi à medicis potius obseruantur. Sed mathematico de morbis, deque ijs quæ morbis accidunt, prædicere uolenti, alij quoque dies obseruandi magna etiam diligentia sunt. Fieri enim potest tum propter coniunctiones fixarum stellarum, quæ noxiæ qualitatis sunt, tum etiam propter nocentis planetarum affectus, uti Luna in alijs etiam diebus maiores atque concitatiores commotiones humorum exciet: contra, ut diebus, quos antè diximus, propter coniunctiones aspectus sue adiuantium stellarum, motus minores atque sedatiorez fiant: quod ipse non semel

obseruauit, ea prædicere ausus, quæ res ipsa comprobauit. Vt autem prædicere mathematicus hæc possit, figurâ cœli tempore ægritudinis incipientis ita constituet, ut è singulis uiginti duobus gradibus particulisq; minutis triginta unum latus efficiat, qui numerus quater ductus quartam cœli partem implet. Quæ ratio docet, gradus duos ac uiginti cum dimidiato gradu, sexdecies multiplicatos, trecentos ac sexaginta gradus complecti, quot graduum totus cœli ambitus est. Hæc sexdecim latera è singulis duobus ac uiginti gradibus partibusq; minutis triginta constituta, figuram sexdecim laterum faciunt: qua figura constituta, & laterum angulis probe consideratis, non modò qui critici uocantur, uerumetiâ cæteros omnes dies inspicias, iudicabisq; pro statu Lunæ atq; angulorum ipsorum uel felici, uel aduerso, commotiones ipsas aut sedatiores, aut grauiores futuras. Quæ res si à medicis obseruaretur, & cum ipsis cautius, & cum ægrotis multò melius ageretur, neq; tam fallerentur quàm falluntur, ubi quo minime suspicantur die, grauiores commotiones accidunt. Ne autem fallere, morbi qualitas cum stellarum qualitate, quæ Lunæ angulisq; configurabuntur, comparanda est.

PTOLEMÆVS.

LXI.

Luna significat ea quæ corporis sunt, ut quæ ei pro motu similia sunt.

PONTANVS.

Non solum aptè, uerumetiâ necessario enunciatum hoc à Ptolemæo subijcitur, quo docemur, rationabile esse, uti Lunæ motus à medicis obseruetur, quem corpora ipsa sequantur. Luna, inquit, significatione atq; imperium habet eorum quæ corporis sunt. Dixit autem, corporis, quòd ea quæ spiritus sunt, Soli magis attribuuntur. Quòd autem Luna corporibus imperet, incrementa ac detrimenta ipsius planè docent: siquidem crescente Luna corpora implentur atq; humoribus exuperant, decrescen-
te magis ac magis euacuantur atq; arescunt: id quod in omni syluestri materia cedenda etiam à rusticis obseruatur. Namq; materia cæsa quum Luna lumine quæta est, quòd humidi fiat accessio, marcet, ac breui etiâ tempore carie cõfiscitur: siquidem humidum ipsum suapte natura & facilius, & citius corrumpitur. Contrâ, materia cæsa, quum decrescens Luna per quæ exiguo est lumine, diutius perënat: nam quòd tunc siccior atq; attenuatior est, nõ tam facile corrumpitur. Hoc ipsum etiâ in conchyliis, cancrisq; atq; in uulneribus capitis manifestissimè cernitur, estq; res clarior q̃ ut probatione multa indigeat. Non mirum igitur, si corpus febribus affectu pro motu ac statu Lunæ alios maiores, alios minores commotiones sentit: quando

etiâ

etiam ubi sanum ac firmum est, ad illius motum nunc abunde se implendo, nunc tenuiter extenuando naturaliter moueatur.

P T O L E M A E V S.

LXII.

Quum minutum cōiunctionis principium facies, potes de mutatione aëris in mense illo iudicare: erit enim iudicium iuxta dominatorem anguli figuræ cuiusq;: uincit enim hic aëris naturam, assumens in his etiam præsentis temporis qualitatem.

P O N T A N V S.

Quò maiorem atq; euidentiore probacionem afferat eorum, quæ de Lunæ obseruatione dixit in ualetudine corporū procuranda, subdit etiam aëris ipsius commotiones, Lunæ qualitatem ac temperationem sequi: ne tantopere quis miraretur, si quæ corporis sunt, Lunæ imperijs pareant: quando aër ipse, in quo uiuimus, quem spiramus, Lunæ quoq; qualitates suis in affectionibus referat. quod ni sic esset, nunquam Ptolemæus concederet astrologo, de totius mensis qualitate iudicandum. Nam cum Luna mensis domina sit, aër q; pro Lunæ affectione cōmoueatur, et aliam atq; aliam temperationē suscipiat, docet totius mensis qualitatem posse ab astrologo prædici, si Lunæ motū cœliq; cōstitutionē, quo tempore cū Sole coit, probè solerterq; inspexerit. Ratio autē motusq; prædicendi hic est: Inspecte minutam cœli partem, in qua Sol cum Luna coit: minutam partem dico, quod ^{ἡ μινύτις} Græci dicunt, nostri minutum hodie uocant. Vult autem non modo gradum, uerum etiam minutum lunaris cum Sole coniunctionis inspicere: tantam in mathematico exigit diligentiam. Inspecta igitur minuta particula, querenda est cœli pars ascendens puncto illo tēporis, quo cum Sole Luna congregitur: qua parte nurenta perquirendus est dominator, id est planeta plures ac potiores prærogatiuas habens. De dominatore autē atq; hospitatore suprā trigesimoquarto enunciato satis multa diximus. Considerandaq; tum ipsius, tum signi ascendentis, et signi in quo reperitur, qualitas, graduq; ipsius natura. Videnda etiā Lunæ cōfigurationes cum stellis tam fixis quàm etiā erraticis: quousq; Luna ipsa quartam cœli partem ab hora coniunctionis dimensa fuerit, id est, dum Solem quadrato è loco quadrangulariter aspiciat. Tunc minuta etiam particula uidenda est quadrangularis ad Solem aspectus: querendus item gradus ascendens ac dominator, et alia omnia quæ paulo antè dixi, diligenter examinanda: deinceps querenda est minuta particula, et ut hodie dicunt, minutum plenilunii, formandiq; cœli cōstitutio, ut dictum est. Hoc

utrum

item faciendum, quum Luna ad minutam particulam alterius quod anguli
 laris aspectus peruenierit, ut Luna cursu in quadrantes quatuor, quas tum
 circuli quartas, tum quadraturas hodie dicimus, diuiso, de singulis circuli
 lunaris quadraturis suum ferri iudiciū distinclius queat. Quibus omni-
 bus probè inspectis, diligenterq; pensatis, considerata etiam anni parte,
 et regionis natura, in qua mathematicus futuri mensis statum prædictu-
 rus est, poterit de toto mense, deq; singulis quadraturis certa pronuncia-
 re. Sed in singulis quadraturis illud in primis obseruabit, idem ne an alius
 dominator sit: et si idem fuerit, in qua sit quadratura potentior: sin alius,
 utrius maiores sint prærogatiue. comparandusq; totius mensis domina-
 tor cum particulari quadraturæ dominatore: configurationes quoq; ipso
 tum uidendæ, et an procedant, an regrediantur: in austrum declinent, an
 in aquilonē consurgant. Sed nec prætermittendi sunt cometæ, si qui præ-
 cessere: multò minus planetarum cōiunctiones negligendæ. Turpe nanq;
 est, præsentibus ac futuris ita intentum esse, ut præteritorum obliuiscere.
 Hec ideo monemus, ne quis quā Ptolemæi præcepta faciliora uideantur,
 incautior ad prædicendum fiat. Nunc uerba ipsa Ptolemæi planius ape-
 riamus. Poteris, inquit, si minutum, in quo Luna cum Sole coit, obserua-
 ueris, ab eoq; seriem menstrui cursus coeperis, prædicere quæ aëris cōmor-
 tiones uniuerso mense futuræ sint. Prædicendi uerò modus erit, ut probè
 inspicias dominatorem anguli, hoc est cardinis figuræ cuiusq; quibus uer-
 bis admonentur, quatuor figuras singularum quadraturarum lunaris cur-
 sus faciendas esse: considerandumq; dominatorem anguli cuiusq; quadra-
turæ, id est planetam potentiorē, quo tempore Luna nihilatam partem
quartæ ipsius ingreditur: siquidem dominator is naturam aëris uincit,
 hoc est, in aliam qualitatem pro natura sua mutat, aut etiam augeat. Si enim
 dominator anguli primæ quadraturæ pluuias cōmouerit, et qui sequitur
 dominator aut idem ipse, aut similis conditionis fuerit, aëris humida uis
 augebitur: contrā arefcet, si anguli secundæ quadraturæ dominator con-
 trariæ naturæ atque conditionis fuerit. Idem in reliquis duabus circuli
 quadraturis obseruandum, ut dominatores ipsi diligenter inspiciantur,
 qui quidem aëris naturā uincunt ac moderantur quartarū ipsarum tem-
 poribus, accipientes etiam præsentis temporis qualitatem. Præsentis au-
 tem temporis qualitatem intelligit, aut quod dominator superata natura
 quadraturæ quæ statim præcessit, nouam sumat qualitatem: aut quod con-
 siderare etiam oporteat qualitatem anni temporis. Verbi gratia. Si æstus
 fuerit, licet dominator pluuias excitaturus appareat, accipit tamen de na-
 tura temporis aliquid; hoc est demit ab humido particulam, ac temporis
 præsentis

presentis particulam suscipit. Si dominator ipse calide nature, ac tem-
pus aestiuum fuerit, mutabitur ab estate uires ad calefaciendum longe
potentiores. Illud etiam addendum est, ut regionis ratio habeatur, quum
Italie coelum pluuium sit, Aegypti uero siccum. Meminisse hac etiam in
parte debemus superioris enunciati, in quo de loci lunaris coitus domina-
tore tractat. Aut enim dominatorem hospitatoreme nouilunij in cardine
reperit, indicem esse omnium quae mense illo futura sint. Quocirca in-
spiciendis quadraturarum figuris primum studium esse debet, ut a domi-
natore hospitatoreme, si is cardini praefuerit, generale mensis iudicium
capiamus. Ceterum sententia illa locum habet, iudicio meo, solum quum
figurae cardinem dominator seu hospitor nouilunij tenuerit, quum haec
generalis sit, atq; ubiq; sequenda.

P T O L E M A E V S.

L X I I I.

Quum Saturnus Iupiterq; coniunguntur, uter-
corum sublimior sit uide, ac iuxta illius naturam pro-
nunciato. Idem etiam in ceteris stellis facito.

P O N T A N V S.

Enunciato superiori docuit, quoties futuri qualitas mensis queritur,
lunarium quadraturarum angulos, ipsorumq; angulorum dominatores
inspiciendos esse, atq; ab ipsa lunaris cum Sole congressionis minuta par-
ticula inchoandum. Quoniam autem ceteri planetae omnes inuicem con-
iunguntur, atq; ut dictum est, ex illorum coniunctionibus originem et
causam ducunt quaecunq; in mundo hoc sunt, consequenter docemur quid
in planetarum congressionibus querere debeamus, ut cuius eorum maior
nis atq; autoritas sit, plane intelligamus. Si, inquit, Iupiter Saturnusq; con-
iungantur, eius scias autoritatem maiorem, ac uires ad agendum pollen-
tiores esse, qui superiore atq; eminentiore breuioris circuli sui parte fere-
tur. Graeci dicunt *κατακρησσειν*, hoc est superare, seu malueris, superiorem
esse, atq; extolli: hodie dicunt qui est nostris rectiores, id est lingua Latinae
imperitiores sunt, eleuare: quod uerbum apud maiores nostros significabat
deprimere atq; deijcere: cuius contrarium est extollere: eleuare enim res ad-
uersarij, est eas uerbis imminuendo deprimendeq; contemptiores reddere.
Qua uero ratione in coniunctionibus ipsis alterum planetam altero superio-
rem atq; eminentiorem cognoscamus, tabula ipsa motusq; per numeros pla-
ne digestus ostendit. Quo coperto quum is, qui superior fertur, sit potior, at-
que ut ita dicam, principalior in coniunctione, ab eo significationum ratio lexq;
capienda uidetur. Eminentia quidem de superlatio sublimitasq; planeta in
coniunctione est, quum in summo circuli breuioris, qui Graeco nomine *α' α' α'*

κατακρησσειν

uocatur, planeta ipse fertur, altero planeta partes demissiores tenente: cum locū quanquā usitato, peregrino tamē nomine augem nūc uocant: à nobis tum apex, tū circuli culmen, summiq; commodissimè dici potest. Planetā igitur qui fuerit in apice, hoc est in sublimiore sui epicycli parte, aut ei parti propinquior, præferendus est in cōiunctione planetæ, qui ab epicycli apice remotior est, magisq; à rotæ summo declinat: nam qui in apice, hoc est in epicycli culmine collocatus est, uidetur illic quodāmodo regnare, sedensq; in solio ius dicere: alter uerò ad illius pedes sedere, et perinde ac superiorē uenerari. Quocirca iure primæ illi partes in significatione traduntur. Quia autem fieri possit ut par sublimitate aut declinatione ferantur, quid tunc seruandū esset, nō expressit, relinquens nobis cōsideranda per multa, quibus examinari uires utriusq; , atq; inuicem pensitari debeant.

P T O L E M A E V S.

LXIIII.

Vbi sciscitationis dominatorem inspexeris, quam hic in anni conuersione, seu in ascendente nouilunij potestatē habet inspicere, ac secundum hæc pronūcia.

P O N T A N V S.

Dixit de ægrotis, de qualitatibus anni, de cōiunctionibus planetarum, id est, quæ seruanda atq; inspicienda essent in prædicendis ijs, quæ à cœli constitutione portēderentur in ægritudinibus, in aëre, in euentis, quæ à cōiunctionibus planetarū denunciarentur: hoc in loco quid seruare debeat mathematicus, ubi de negotio aliquo suscipiēdo, aut re perscrutanda cōsultus fuerit, doceat. Si quis, inquit, aut te cōsulet de re quam facere in animum induxit, aut scire ex te querat, num res illa cōduclura sibi sit, aut sortasse de bello suscipiendo, deq; humanis alijs tū negocijs, tū rebus sciscutabatur, primum quæstionis, id est interrogationis ipsius dominatorem perquire: deinde illo inuento cōsiderabis, si quā potestatē habeat in conuersione anni, eius ipsius qui te cōsultat. Quæ res admonet uti primam conuersionē anni hominis illius uideas, eaq; inspecta etiā perscrutere qualis quantaq; dominatoris illius uis ac potestas sit in cōstitutione figuræ, annuæ illius conuersionis. Quòd si geniturā cōsultoris, id est interrogantis ignorabitur, qua ignorata cōuersionis annuæ ratio haberi nō possit, statū cœlestis cōstitutionis tempore lunaris cū Sole coitus, quæ interrogationē ipsam prægressa est, perquires, uidetbisq; si quā sciscitationis dominator in ascendente lunaris coitus prærogatiuā habuit, et iuxta regulam hanc pronuncias. Quæri hoc in loco potest, cognita genitura, dimensa q; anni natalitij reuolutione, sit ne cœli quoq; status tempore lunaris synodi, quæ sciscitationem ipsam antecessit, inquirendus. Nubi quidē nullo pacto perperā suasiff-

se uide-

se uidebitur, quisquis utrumq; seruandū suaserit. Nam si Ptolemæus ignorata sciscitatis hominis gignitura, ad statū lunaris coitus configiendū censeret, atq; ideo censeret, quod in ipsa lunaris coitus cōfiguratione magna quadam certitudo posita est, incasum ne ad annuæ cōuersionis prognosticatione lunaris etiā coitus prognosticatio addenda uidebitur? ex qua prognosticorū series euidentior fiat. Quocirca ut respondere mathematicus cōsultius possit, uires, positurā, qualitatem, conditionē, prerogatiuas, naturasq; dominatorū ipsorū siue plures, siue unus idemq; sit: conueniant ne inuicē, an aduersentur: moereant, an exultent: quo etiā aspectu, et planetis a quibus aspiciantur, quomodo etiā ferantur in cœlo, sint ne cardinales an succedentes, declinantes uē, aut pigris ac deiectis in locis positi: quibus etiam hospitatoribus utantur, quæq; alia inspicienda sunt diligentissimē considerabit. Hisq; simul mixtis ac temperatis, non temere ad firendam sententiā accedet. Vbi enim natalitiæ cōuersionis, lunarisq; cōuersionis dominatores inuicē dissenserint, ac rei quæ sit a dominatoribus aut palam aduersabuntur, aut nullo amicitie iure sociabuntur, nil causæ esse uideo cur ipse debeat iuxta interrogationis significatorem sententiā ferre: quā hæc ex illis ueluti primi ipsi atq; antecessoribus deducantur. Quid enim affirmare, aut certi tradere poterit, ubi quæstionis dominator neq; cum ipso dominatore lunaris constitutionis, neq; cum annuæ cōuersionis dominatore commune aut consensiens quicquam habuerit? neq; potestatem aliquam in cōuersione anni, aut in ascendente lunaris coitus?

PTOLEMÆVS.

LXV.

In minima cōiunctione, differentia mediæ cōiunctionis, et in media maximæ cōiunctionis differentia;

PONTANVS.

Pleriq; hoc enunciatum referri uolunt ad Saturni et Iouis coniunctiones, de quibus tamen Ptolemæus ipse nihil antè locutus est. Me uerò angit, quod in Græcis codicibus uideo Solis ac Lunæ cōiunctiones innui. siquidem cōiunctio apud Ptolemæū ubiq; luminarium intelligitur, nisi additum sit, quorū ea cōiunctio fuerit, ut puta Martis ac Mercurij, Iouis et Saturni, aut aliorum planetarū. Præterea quam Solis et Lunæ cōiunctionem uocet maximam, quam mediam, quam item minimam, mihi nō facile est intelligere. Quocirca tum sensus, tum uerba ipsa magnopere me addubitare faciunt propter obscuritatem. Deceui igitur rem ipsam in medio, imō in incerto relinquere: quum sit de ea etiam atq; etiam cogitandum. Ac nihilominus quid alij sentiant, atq; in primis hospes ac familiaris meus Paulus Præficius, sacerdos Auerfanus, disciplinæ huius, omniumq; bona-

rum artium maxime studiosus, relinquere inexpressum nolui, idque est huiusmodi. Quod triplex quum sit Saturni Iouisque coniunctio, remotissima illa, quae singulis noningenis annis contingit, maxima dicatur: quae autem post singulos uigenos annos, ex quo coniuncti iam fuerint, minima. At quae post singulos fere duceños ac quadrageños circuitus, quod inter minima hanc, ac maximam remotissimamque illam contingit, media, triplexque hoc ipsum coniunctionis genus per gradus quasi quosdam, perinde ac per filios nepotesque significationes profert suas: atque ita sibi constat, ut quarum rerum maxima coniunctio significatrix fuit, earundem certius ac distinctius indicium faciat media: ab illa enim generali, et penè ob remotionem confusa significatione, mediae coniunctionis beneficio atque indicatione (quod ea quae propius cernuntur distinctiora appareant) ad certiorè apertiorèque rerum illarum cognitionem, quae à maxima coniunctione innuebantur, progressio fit. Rursus etiā, quarum rerum significatrix est media coniunctio, earundem quoque rerum certiorè ac manifestiorè indicationem affert coniunctio minima: siquidē ea quae quamproxima sunt, singillatim distinctèque cernuntur, et tanquā digitis tractata particulatim numerantur: ut quae remotissimo è loco uidemus quippiam nos uersum progredi, quod loco mō uocatur, quodque incedat, iudicamus animal illud esse. Vbi autem proficiat, loco propius factum est, equū esse cognoscimus, aut asinum, aut bouem: post uerò ubi quamproximè ad nos accessit, etiam colorem illius, totumque eius statum cognitum ac certum habemus. Itaque minima coniunctio res nobis à maxima coniunctione per nebulam quasi quandam praesignatas, atque à media indicatas, ante oculos ipsos uidetur exponere, expositasque explicatim distinctèque notare. quod in genituris quoque usu uenit, ut quae generali quadam indicatione à natalitia cōfiguratione nati cuiuspiā portēduntur, eas post ab anni cōuersione expressius decernantur, quae post etiā singulis mensibus à profectione signi cuiusque singillatim, atque (ut ita dixerim) minutatim declarantur. Quocirca si quae à media indicantur coniunctione uidebuntur aliqua in parte differre inter se, aut ab illis fortasse quae à maxima portēduntur coniunctione, inspicienda statim ac diligētè sunt ea, quae significantur à minima: quoniā quae particulatim à minima significantur, ambiguitatem tibi omnem generalis illius indicationis eripient. Rursus si confusa ea quae à maxima portēduntur coniunctione, ambiguum te parte ex aliqua reddiderint, quod fortasse uideas significationes illas differre inter se, mediam coniunctionē inspicere: qua inspecta, nihil tibi ambiguum relinquetur. uult enim Ptolemæus mathematicum ea quae praedicat futura, particulatim sic metiri, ut prima medijs, media ultimis undique consentiant.

P T O L E M A E V S .

LXVI.

Sola profectio ne utare, sed etiam attributionibus & ademptionibus stellarum.

P O N T A N V S .

Dicere nunc de datore uitæ, deq; uitæ spatio, nec ad enūciati huius explicationem necessarium est, et res ipsa maioris est operæ, quam ut hac in parte suscipienda sit. Qua quidē de re tametsi Ptolemæus in Apotelesmatū libris multa differuit, tamen et obscurior illis explicandis fuit, et quædā minutius, ut ita dixerim, atq; enucleatius aperienda erant. Quibus in libris ostenditur, quæ loca sint aspicienda ad uitæ spatium percensendum, qui sit uitæ dator, qui etiā ademptor, quomodo etiā querendæ sint partes, ad quas ubi uitæ ademptor peruenerit, mortē mortis uel periculū afferat: quæ quidem partes letales atq; interimentes à nobis recte dicuntur. Græcè sunt ἀναιµατοι. Mathematicus igitur de natiuita morteq; prædicturus, uitæ ipsius tum datore, tum interemptore inuenit, antequam pronunciet quot annos natus ille uiicturus sit, quoniam singuli planetæ annos suos decernūt, exacte uidebit: addatur ne uitali spatio, an dematur aliquid annis à datore uitæ promissis, ex bono maloue aspectu, atq; ex collocaione benefici malefici uel planetæ. Quando autē obuentura mors sit, iudicabit ex planetæ mortem minuantis profectio ad cœli partem illam, quam letalem interimentemq; appellauimus. Ex numero etiam partium, hoc est graduum, annos computabit, secundum ascensiones signorū ac temporā, quibus signū quodq; oritur in climate ubi natus is est, de cuius morte pronuntiaturus est. Tot enim futuri sunt anni, ut idem ait, quot fuerint partis cuiusq; horalia tempora: atq; ubi dies fuerit, tempora ipsa diurna erunt: ubi nox, nocturna. Futurusq; annorum ipsorum totus atq; integer numerus est, ubi planetæ in oriente collocati inueniuntur: de quibus tamen demendum erit, iuxta portionem remotionis eorum, quousq; occidentē uersus in nihilum deuenierit: quando quidem stella in occasu posita neq; addit, neq; demit. Quamobrem uolenti mortē alicuius ac mortis tempus prædicere, profectio planetæ letalem ad locū obseruanda est: ea profectio, ut aliās dixi, Græcè ἀφαιµατῶς est: nunc ut plurima in astrologia, ineptē, imō barbarē, abscisio dicitur, et planeta ille abscisor: et quod, ut dixi, tam ineptē atque improprie nunc dicitur, abscindere, Græcè est ἀπαιµατῶς: nos et proficisci, unde profectio ducta est, et permeare et percensere commodissime dicimus: et ἀπαιµατῶς ipsam tum profectioem permeationemq;, tum etiam recensioem: ipsum etiam planetam permeatorem recensoremq; non improprie uocare possumus: siquidem proficiscendo recenset, id est dinu-

maſſe cœli ſtatum omne quod interieſtum eſt, dum in partem illa præſinitam perueniat. Iubet igitur Ptolemæus annis illis recenſendis nō modò attendendos eſſe annos à planeta promiſſos, atq; ab interieſtis gradibus cœliq; interuallo ſignificatos, utrumetiam felices inſeliceſq; beneuolarū, maleuolarūq; ſtellarum aſſeſſus. Boni namq; bonarum ſtellarū aſſeſſus etiam addūt, malorū male irradiationes auſtrunt, muliūq; de promiſſo uite tempore ſubtrahunt. In primis etiam uidendum, detrimenta ne hæc eueniura ſint ex corporum ſtellarum ipſarū coniunctione, quæ rectè dici corporalis poteſt coniunctio, an quòd quadranguli aduerſi ue radij impingantur? quanquam & hexagoni nonnunquā radij obſunt, aliquando etiā trigoni, pro naturis ſignorū, quæ multorum aut paucorum temporū ſunt. Quæ autē ſtelle annos adijciant, quæ ue adimant, Ptolemæus docuit, inſequens beneficas addere, maleficas auferre, mediæ naturæ Mercurij eſſe. Quare non modò inſpiciendum eſt, poſt quot annos proſeſſio illa locum partemq; letalem contingat, ſed ne medio interim tempore pernicioſa figuratio eueniat, quæ numerū illum impleri nullo modo patiat. Rurſus felix ne feliciū ſtellarum irradiatio configuratioq; ſit annis illis quæſpiciam adieſtura. Hoc præceptum ad morborū, ceterorumq; malorū tempora, quæ à cœlo portenduntur, ſi quis accommodet, fortæſſe improbandus non fuerit. Si enim pernicioſa figuratio acceſſerit, malis illis fiet acceſſio: ſin felix beneficaq; malū id remittetur, eaq; remiſſio pro natura configurationis erit. Hoc igitur eſt quod ait, nō ſola proſeſſione utendum, ſed quid quique planeta uel addat, uel minuat, uidendum eſſe.

PTOLEMÆVS.

LXVII.

Diminuantur anni ob accipientis imbecillitatem.

PONTANVS.

Quum dixiſſet ſola planetæ proſeſſione letalem ad locū utendum non eſſe, ſed conſiderandum, an qui planeta uel addat quid, uel demat, rectè uidebim hoc ſibi iſſe, quo docemur quid à nobis obſeruandum ſit, ut quando planeta de promiſſis annis adēpturus eſt, intelligamus. Quoties, inquit, imbecillus planeta fuerit, quique uite dator eſt, ob imbecillitatem ſuam proprium implere munus ne quibit, ſiue longius uite ſpatium, ſiue breuius, ſeu fortæſſe mediocriter polliceri uideatur, annosq; illos, id eſt tēpus promiſſum, non abſoluet, ſed tum annos, tum menſes, diesq; pro qualitate imbecillitatis demet. Ipſa autem imbecillitas manat tum a malo planetæ ſtatu, quum regreditur, aut declinat à cardine, aut deieſtus languet, aut domicilio aduerſatur ſuo, aut ab illo decidit, tum ab pernicioſa configuratione. Quoties in recenſendis uite annis, quum uite ipſius dator, in unam aliquam

aut plures ex ijs quas diximus causas, languere atq; infelicitèr sese habere mathematicus uiderit, ex tempore illo, quod largiri suapte natura posset, auferet annos, menses, diesq; perinde ut imbecillitas ipsa maior aut minor fuerit. quot autem annos singuli planetæ confrant, quòtue pro natura imbecillitatis demant, hoc loco referre necesse non fuit. Siquidem Ptolemæus centum his præceptis magis instituit mathematici, quomodo rectè prædicat, quàm quid prædicat. De accessione uerò annorum nullam fecit mentionem, ut arbitror, quòd eorū quæ contraria sunt ratio similis sit. Vbi plerumque enim numerū suum firmitas atq; potentia, et felix planetæ status, si infirmitas, infelixq; eius habitus demit: adiicietq; annos, nedum confirmet tempus à uitæ datore promissum, felix beneficæ stellæ radiatio: cōtrā infirmabit imminuetq; hostilis infelicitis stellæ aspectus atq; coniunctio.

P T O L E M A E V S.

L X V I I I.

Malefica quum matutina est, casum: uespertina uerò morbum significat.

P O N T A N V S.

Vitæ non solum exitus, id est mors, mortisq; dies ac qualitas, à mathematico queritur, uerum etiam illa queruntur quæ accidere corporibus solita sunt, siue ea uitia sunt, hoc est membri alicuius debilitas mutilatione, siue morbi aduersæq; ualitudines. quæ quidem mala quando ex infelici genitura constitutione intelligi possunt, quū nati alicuius uitam inspicimus, nūm statumq; maleficarum stellarū, signa item ac loca quibus minantur et unde etiam minantur, probè considerare debemus, uti et partem illam corporis, cui malum portenditur, et malum ipsum, cuius futuri sit generis, noscere possimus. Videbimus etiā, ab aliquo ne pernicioso aspectu maleficæ uitres ad nocendum adiuuentur, sit ne malū propterea euenturum, quòd malefica stella signum ac locum ipsum corpore insideat, an quòd hostilibus radijs feriat: quæ singula inspicere nos oportet. Malum autē ipsum maius aut minus erit, quo plura paucioraq; ad nocendum coniurauerint: etenim ubi benefica stella opem attulerit, si bene in cælo collocata fuerit, aut omnino prohibet malum atq; in melius refert, aut magna ex parte lenit. Sed utrum futurum sit damnum rei familiaris, iactura, calamitas, direptione, an febres, an quod aliud morbi genus, ex maleficæ obseruatione stellæ intelligi posse Ptolemæus docet, inquiens matutinam portendere uitia, pericula, calamitates, rixas: uespertinam morbos, aduersamq; ualitudinem. Vitium uoco perpetuum aliquod corporis malum, ut oculorum orbitalatem, ut claudicationem, ut manuum mutilationem, ut alia huiusmodi. Quum dico morbum, intelligi uolo febres, lienteriam, ophthalmiam, iecic

moris

noris capitisq; mala, item alia generis eiusdem. Inquit igitur, malefica quod malum minatur, ubi matutina fuerit, decernit uulnera, impedimenta, con-
~~ditiones~~ ^{omnes}, aut rerum iacturam familiarium. Vbi uero uespertina, languore
 aduersam ualitudinem. Qualis autem futura sit ualitudo, dominumq; il-
 lud ferro ne an igne, aut ruina infligendum sit: atq; ab homine ne an a qua-
 drupede, seu uenenosus a beluis inferendum; accipicndumq; in corpore an
 in bonis externis, an in fratribus, amicis, cognatis, parentibus, malefica
 ipsius qualitas, ac signi lociq; natura diligenter cognita indicabit. Cur au-
 tem malefica stelle, ubi uespertine fuerint, morbum potius quam uulnera,
 membrorumq; infelicem habitum decernant, illa uidetur esse causa, quod
 uespertine non tantum uirium ad nocendum habeant: matutinae autem,
 quod uiribus utantur maioribus, deteriora mala inferunt, maximisq; ac
 perpetuis incommodis afficiunt. Matutinas dico stellas, quas Græci πρω-
τοι ἀστροι: uespertinas, quas ὑσπεριον uocant.

P T O L E M A E V S.

L X I X.

Erit in uisu nati uitium, quū Luna Soli aduersa
 est, ac nebulosis stellis coniungitur. Item, quū Luna
 est in occiduo cardine, ambæq; maleficae stellæ in car-
 dine orienti, Sol quoq; cardinalis est, natus ipse ocu-
 lis capietur.

P O N T A N V S.

Quod præfuit enunciatur, generalcm quandam uitiorum ualitudi-
 numq; nati regulam demonstrat: quæ sequuntur enunciata, singularia uit-
 tia malaq; exponunt: et hoc quidem ad oculos solū pertinet. Itaq; quum
 luminaria corporis nostri oculis præfint, atq; ei sensus qui uisus dicitur, in
 cuius genitura luminaria ipsa, hoc est Sol et Luna, sibi aduersa bñtur, atq;
 ut Græco uerbo utar, diametrahuntur, malus oculorum eius habitus indi-
 catur: præsertim si hoc quoq; accesserit, ut Luna stellis fixis, quæ nebulo-
 se sunt, coniungatur: de quibus quidem nebulosis stellis supra satis dictū
 est. Arguuntur enim ex hac nebulosarum stellarum coniunctione, lumina-
 riumq; aduerso aspectu, oculorum ualitudines, et uisus ipsius caligatio,
 perniciosiq; humores uisum ipsum hebetantes: quandoquidem aduersus
 luminarium aspectus, quum sit suapte natura perniciosus, oculis ipsis per-
 niciem minatur: et fixæ illæ nebulosæ quum sint, caliginem oculis tene-
 brasq; offundūt. Quocirca natus ille lippitudines, ophthalmias, suffusio-
 nesq; oculorum patietur, aut alia oculorum mala pro natura cōfiguratio-
 nis. Quod si Luna in cardine occidentis cœli, Saturnus Marsq; in cardine
 cœli orientis inueniuntur, Sole etiam in aliquo cardine constituto, natus
 ille

u. fol. 93.

ille oculis capietur. Quum enim luminaria ipsa in hac constitutione sint cardinalia, & ambæ maleficæ cardinales, ac sibi partim opponantur, partim quadrangulentur, aut etiam coniungantur, propter maximas simul omnium ad nocendum vires, necesse est oculorum sequatur orbitas. Neque enim seruari incolumes oculi poterunt, tot simul oppugnantibus, id est causis ipsis, quæ primitivæ sunt, tantopere aduersantibus. Cæcitas autem ipsa quibus est rebus inferenda sit, an ab ignis afflatu, an ex vitiosis capitis humoribus, an ex ferro, planetæ ipsi pro natura tum sua, tum etiam signi, atque ut quis potentior erit, indicabunt.

PTOLEMAEVS.

LXX.

In furentibus Luna Mercurio non copulatur, nequeque ascendenti in daemonicis: in hac figura Saturnus quidem noctu, Mars autem interdiu cardinem tenet, maximeque in Cancro, Virgine, ac Piscibus.

PONTANVS.

Furentis hac in parte intelligi uolumus, quos in primo enunciato numine afflatos uocauimus: hi sunt qui furore concitati uaticinantur. In genitura, inquit, eius qui numine afflatus est, quem Græci dicunt ενθουσιασμεν, unde Sibylla Enthea dicta est, inuenies Lunam nulla prorsus cum Mercurio copulatione coniungi, nullo simul cognationis genere colligari. Simili etiam modo in genituris laruatorum proceritorumque, quos hodie Græco nomine daemonicos dicimus, inuenies Mercurium Lunamque, nullam cum horoscopo copulationem habere, nullo ei uinculo iungi, nulla denique ratione horoscopum completi. Quinetiam in genitura ipsa siue furentis, siue daemoniati, si nocturna fuerit, Saturnum: si diurna, Martem cardinem inuenies, critque uterque longe potentior ad furorem lymphationemque excitandam, si tunc in Cancro, aut Virgine, aut Piscibus collocatus fuerit. Si enim, uti dictum est, rationi Mercurius præest, Luna corpori, quis consilio aut rationi esse in eo homine locus potest, in cuius genitura Luna Mercuriusque nullo simul uinculo colligantur: nec horoscopum, qui corpoream nati illius fabricam significat, ullo pacto completuntur? imò quod perniciosius est, Saturnus noctu, quod tempus proprie Saturni conditioni aduersum est, Mars interdiu, cuius stella nocte gaudet, coeli cardinem tenens, in corpore nati eius perniciosos et insaniam excitaturos humores ingenerat: quum uterque planeta alter atræ bili, alter rubræ præsit: et utraq; bilis, id est cholericus melancholicusque humor, ubi uehementior fuerit, in insaniam uergat. Cur uero in Cancro, Virgine, ac Piscibus magis quam in alijs signis? an quia Mars Saturnusque pessime se habent in Cancro? in quo po-

r situs

fitus Mars altitudini suæ, Saturnus propriæ domui aduersetur: in Virgi-
 ne, quod illic constitutus Saturnus cadat ex Libra, in qua exultat: in Pisci-
 bus uero Mars positus ex Ariete, id est ex domicilio suo decidat. An for-
 tasse quodam Luna Mercuriusq; nulla inter se nec cum horoscopo colliga-
 tione iungantur, hoc etiã Saturnus noctu, Mars interdiu, quando nocentio-
 res sunt, ad malum utriusq; habitũ adiungant, ut Cancrum Lune, Virgi-
 nem Mercurij domũ insidens magis ac magis infestet? quũq; in tam per-
 nicioſa configuratione neceſſe ſit Iouem Veneremq; malè affici, ad malum
 etiã Iouis Venerisq; habitũ hoc quoq; addant, ut Pisces corpore ſuo infi-
 ciant, Iouis domũ, Veneris altitudinem, Cancrum item Iouis? An quod in
 Cancro ac Piscibus humores plurimos excitent? quũ lymphati maximè hu-
 midum cerebrum habeant: inde enim lymphati dicti mihi uidentur: in Vir-
 gine uero bilem illam maximè exultam, cuius alumna uidetur infania. An
 potius dicendũ erit, ab inſita naturaliq; quadam poteſtate hoc fieri: idq;
 ita ſe habere obſeruatione ipſa docuerit. Qui locus uti fieret aliquanto illu-
 ſtrior ac diſtinctior, placuit Ptolemæi ipſius uerba ex tertio Apotelesmatũ
 libro afferre, quæ ſunt hæc: Epileptici nãq; plerũq; ſunt, qui Luna Mer-
 curioq; nec aut inuicem colligatis, aut cum orientali finitore, Saturni qui-
 dem ſtellam interdiu, Martis uero noctu cardinalem habent, quæ ſuperio-
 re è loco figuram deſpiciat. Quum uero contrarium in his accidit, ut Sa-
 turnus noctu, Mars interdiu figuræ dominator ſit, ac maximè in Cancro,
 Virgine, aut Piscibus, inſani ſunt. Vexatos à demonibus, qui humido capi-
 te ſunt, maleficæ faciunt, quũ ita ſe habentes Lunã Soli configuratam ob-
 tinebunt, Saturnus quidẽ in nouilunio, Mars in plenilunio, præſertim in
 Sagittario ac Piscibus. Solæ itaq; maleficæ ſtellæ, quo dictũ eſt modo, figu-
 ræ ſuſcipientes dominatũ, et incurabiles et latentes, et quæ oſtentui ſint
 quas diximus paſſiones, et animæ morbos in ea parte quæ intelligit, faciũt.
 Quibus ſi beneficarum ſtellarum Iouis ac Veneris ſocietas acceſſerit, atq;
 ipſæ quidem maleficæ occiduum cardinem tenuerint, beneficæ uero orien-
 talem, quæ oſtentui ſint, paſſiones faciũt: curabiles tamen medicorũ reme-
 dijs, hoc eſt ſubductione et potionibus: hoc propter Iouem: ſortibus uero ac
 decorum ope propter Venerem. At quũ maleficæ in orientalibus cardina-
 les fuerint, beneficæ in occidentis, morbos faciũt incurabiles pariter ac diuul-
 gatiffimos, maximèq; nobilitatos. Morbũ autem comitiale cõſequuntur
 cõpreſſiones, clamores, pericula etiam letalia. Inſaniã, mentisq; externa-
 tionem motus incõpoſiti, rerum familiarũ diſſipationes, corporũ denuda-
 tionem, execrationes, et alia huiusmodi. Lymphationẽ et humidi exagita-
 tionem cõſequuntur ſurie, numinũ afflatus, uerberationes, quæq; huius-
 modi

modi ostentui sunt. Priuatim autē et continentium locorū figura confert. loca enim Solis ac Martis ad insanā maximē cōferunt, Iouis Mercurijq; ad morbiū comitiale, Veneris ad demonū uexationes, Saturni Lunaeq; ad humidi exagitationes ac lymphationes. Videamus quid de his quoq; Iulius Maternus dicat: Saturnus et Mars solidis in signis positi, si diametro se radiatione respiciant, aut unus in horoscopo sit, alter in occasu: aut unus in imo, alter in medio, epilepticos faciunt: si uerō in tropicis signis cōstituti hac se radiatione respexerint, caducos efficiūt, et qui nulla possint ratione sanari. Item, si Mercurius in Virgine aut in Piscibus cōstitutus, in horoscopo sit partiliter positus, et cū Saturnus et Mars quadrata radiatione respiciāt, insanos efficiunt. Si Mars et Saturnus ita sint collocati, ut unus ipsorū in medio coelo sit, alter in imo, ex prauis humoribus uitiosam aegritudinē faciunt: sed si hos Mercurius quadrata radiatione respexerit, decorū illis praesidio sanitas cōparatur. Si uerō his in locis positi partili sint radiatione coniuncti, ut aequas partes possideant, insanos efficiūt, et qui nunquā possint ab his criminibus insanīe liberari. Si uerō in finibus suis sint positi, aut in Saturni finibus sit Mars, et in Martis finibus Saturnus, et sint in quibus diximus locis, in initijs insanīe constituti liberantur, posteaquā Martis quintusdecimus annus, aut Saturni trigessimus cōpleti fuerint. Sed et quū Iupiter et Mars simili se radiatione respexerint, epilepticos faciūt. Si uerō sic, sicut diximus positi, in suis partibus fuerint collocati, aut Iupiter in finibus Martis, et Mars in finibus Iouis, in initijs eius ualitudinis constituti liberantur: sed quādo prima stellae tēpora transierint, id est aut Martis quintusdecimus annus, aut Iouis duodecimus: si Iupiter in horoscopo fuerit inuentus, et Mars in diametro eius collocatus Solem et Lunam qualibet radiatione respiciat, aut insanos efficiet, aut lunaticos. Sed et si Luna aut synodica, aut plena in cardinibus posita Martem quadrata radiatione respexerit, et Saturnus ei per quadratum aut per diametrum iungantur, eadem uitia decernuntur. Si in signo Saturni, uel in signo Martis horoscopus fuerit inuentus, aut certē locus fortunae, Sol uerō in horoscopo sit partiliter constitutus, et cū eo Mercurius aequis partium societatibus iungatur: Saturnus uerō et Mars in septimo sint ab horoscopo positi, epilepticos faciunt, sed biathanatos. Si Mars aut Saturnus in undecimo ab horoscopo loco fuerit inuentus, aut si unus eorū in ipso sit loco positus, alter uerō cum Luna sit collocatus, aut eam quadrata radiatione respiciat, et Saturnus aut Mars Mercurio qualibet radiatione iungatur, facit insanos, epilepticos, biathanatos. Sed hoc peius erit, si Mars in undecimo ab horoscopo loco fuerit inuentus, et Saturnus in sexto.

In marium genituris quum utrunq; luminare in signis fuerit masculinis, actiones eorum secundum naturam erunt. In genituris uero mulierum, actiones ipsae intenduntur. Idem de Marte Venereq; matutini namq; mascullescunt, uespertini foeminescunt.

PONTANVS.

Luminaria, id est Sol ac Luna, quum alterum corpori praesit, alterum spiritui, quis dubitet quum in signis masculinis, quo tempore quis in lucem uerget, inueniuntur, id praestare atq; efficere, uti actiones eius masculinae sint, hoc est, quae marium naturam sequantur: quum et corpus et animam sic afficiant, ut is mare sese intelligens, quae maris sunt, praestare atq; exercere contendat. Quod si quae nascitur foemina fuerit, quum eius animu supra muliebrem naturam offerat masculina haec luminarium uis, nimirum in agendo maribus quam foeminis similior futura est. Mars ite Venusq; matutini in maris foeminaeq; genitura inuenti, hoc idem praestant: contra, uespertini et marem, et foeminam molliorem reddunt. Eadem luminaria in signis foemininis inuenta uiri animu muliebrem reddunt, qualem scilicet esse mulieris decet. De Marte ac Venere dixit, quod Mars praesit ira, Venus cupiditati: sintq; morum datores de luminaribus, quod Sol uite, Luna corpori praesit: utrunq; autem luminare simul animato corpori quod animal constituit. Non ab re erit quid hac de re idem autor in tertio Apotelesmatici libro tradat, referre, cuius uerba sunt haec: Quum sola luminaria in masculinis fuerint signis, mares secundum naturam, foeminae contra naturam in exercendo masculi animi opere uehementiores erunt. Quum autem Martis ac Veneris stella, siue ipsarum altera, siue utraq; masculina fuerit, mares ipsi naturalem in Veneri procliuiores futuri sunt, adulteri, scortatores, turpis atq; illegitimae Veneris rebus semper dediti. Mulieres praeter sexus sui naturam coibunt, eruntq; lasciuiae, procacibus oculis, tribades, quae puellas ad turpem coitu sollicitent: clam quidem et in occulto, ubi sola Veneris stella: palam uero quum solus Mars in signo masculino fuerit: ut etiam nonnunquam perinde ac legitimis cum uxoribus rem agere sese ostendant. Rursus quum luminaria ipsa sola in foemininis constituentur signis, foeminae mollitiae ac muliebritate animi, quanquam secundum naturae leges, mares aduersus naturam ipsam mirum in modum excedent. Veneris stella quum foeminina fuerit, mulieres erunt in libidine praeae, adulterae, quaeq; naturaliter subigi gestiant, et semper, et a quibuscumq; ut quae a nullo, quam

quā turpi atq; illegitimo coitu abſineāt. Mares ipſi molles, naturalemq; ad Venerē incenſi: paſſuri etiā quæ ſœminarū ſunt, clām tamen et caute. Videm quā ſtella Martis ſœminina fuerit, utroq; libidinis genere abſq; rubore ullo, ſœdē confidenterq; laborabūt, exercentes quæ fornicis ſunt, ac promiſcua maximeq; opprobrioſa et infamis Veneris ſpecie, conſq; inquinati, ut inde infames habeantur, ac malediſtis notentur. Quin etiam orientales matutinaeq; Veneris ac Martis figuratiōes, ad agendum quod mariū eſt uehementius apertiusq; impellunt: occidua ac ueſpertina, magis magisq; molliunt, et ad patiendū inuitant. Simili etiā ratione Saturni ſtella cōſtituta, ut libidinoſius, impurius, opprobrioſiusq; exerceat, utroq; (ut dictum eſt) modo adiuvat. At Iouis ſtella, ut pudentius, modeſtius atq; cautius agat: Mercurius uerō, ut publice magis atq; cum affectu horum maiore excitatione atq; attentione, pluribusq; etiam modis. Quoniam tunc de corporis animiq; tum uitij, ſū morbis aliquot ſuperioribus enuntiatis præcepta tradidit, eſtq; inferius de uioletis moribus traditurus, reſtē quod ſequitur enuntiātū interpoſuit, quod quidem ad educationem natū atq; ad ea quæ ad uitam faciunt cognoscendam pertineret.

P T O L E M A E V S.

L X X I I.

Quæ ſunt educationis, à dominis triangularitatis aſcendentis capito: Quæ uitæ, à dominis triangularitatis luminariſ conditionarij.

P O N T A N V S.

In libris Apotelesmatum abundē multa dicuntur à Ptolemæo, quæ obſeruanda ſunt uolenti nati uitia egritudineſq; cognoscere, aliq; item per multa, quæ inter uiuendū obuenerē ſolent mala. Iſdem etiā libris præcepta cōtinentur, quibus obſeruandis cognoscatur, an qui natus eſt, educationis tempus impleturus ſit. Educationem nutritionemq; intelligi uolumus eam, quæ Græcè eſt ἀνατροφή. hoc uerō loco tantum inſtituimur, unde et plānetis à quibus capere ſignificationem debeamus tam eorum quæ ad nutritionem, quā quæ ad uniuerſam uitam à ſtellis decretam pertinent. Si uis, inquit, probe ac diſtinctē ſcire, quæ ad nati educationem pertinent, hoc eſt, an illi ſit à cœlo conſeſſum ut creſcat, quæq; ſi creuerit in illo enutriendo à primulis ſtatim annis euentura ſint, inquirendi tibi ſunt domini triangularitatis ſigni quod aſcendit in genitura, uidendūq; quomodo ſint in cœlo collocati, et quibus à ſtellis irradietur. bene enim collocati, feliciterq; irradiati, educationē, et quidem bonam, pollicentur: ſecus uerō, aut educationem difficilem, aut ante annū, poſtq; paucos meſes uitæ exitum decernunt. Quam rem collocatio ipſa naturæq; dominorū ipſorum,

I 3 illoſq;

illosq; affpicientiũ planetarũ, aut unã coniunctorũ, significabunt. Quum autem domini triangularitatis cuiusq; duo sint, accedatq; tertius quidam dominatus ipſius particeps, diligenter tum nocturnus, tum diurnus dominus, ac tertius ille particeps inſpiciendus eſt: & ubi diurna genitura fuerit, diurnus; ubi nocturna, nocturnus dominus primo loco conſiderabitur: quibus conſideratis, iuxta ipſorum colloca- tionẽ configurationemq; pronun- ciabis. Quod ſi nato illi ſtelle ipſe integrã ſalubremq; educationem, primaq; infantie tẽpora promiſerint, uti exactẽ pronunciare poſſis quæ ad reliquam illius uitã pertinent, dominos triangularitatis luminaris conditionarij diligentiffimẽ uti contempleris oportet. Luminare conditionarium dicimus illud, quod temporis conditionem ſequitur: ſiquidem quum genitura nocturna eſt, quonia Luna nocturnũ luminare eſt, domini triangularitatis ſigni per quod Luna fertur, affpiciendi ſunt: quũ diurna, quod Sol diurnum eſt luminare, domini triangularitatis eius, cuius eſt ſignum quod tunc Sol peragrat, uidendi ſunt, & iuxta illorum naturas, colloca- tionem, configurationemq; pronun- ciandum. Quam Græci aſtologi *ἡμερησία* uocant, nos Iulium Maternum ſecuti, conditionem dicimus: atq; ut illi *ἡμερησία* *ἡμερησία* ab hæreſi, ſic nos a conditione conditionarium uocamus, quod ſit eiufdem conditionis ſeu diurnæ, ſeu nocturnæ. Quocirca ſi diurna genitura fuerit, & Sol in Tauro ſit inuentus, domini taurinæ triplici- tatis inſpiciantur, & primo, ut dictum eſt, loco diurnus propter eandẽ conditionem. Quam nunc triangularitatem, alibi etiam triangulum dici- mus, Græci *τρίγωνον* dicunt: recentiores quidam è noſtris triplicitatem, propter trium ſignorum connexionem, quem nos dominum triangularita- tis. Græci uno uerbo *τρίγωνον* dixere: nec nos fortaffe inconcin- nè triangulatorem diceremus. lubemur autem quæ ſunt educationis à triangulatore aſcendentis querere: quod quum aſcendens principium uitæ noſtræ ſit, iure principium educationis ad triangularitatis eius domi- nos ſpectet. Quæ uerò ad totam uitam, ſi longior conſeratur, pertinent, à triangulatoribus ſignorum, per quæ Sol ac Luna feruntur, querere doce- mur, quum uterq; planeta uitæ hominum præcipuẽ dominetur. Siquidem Solem uitalis potentie, Lunam naturalis fontem eſſe conſtat.

P T O L E M A E V S.

LXXIII.

Sol ubi repertus fuerit cum capite Gorgonis, ſi ne- que aſpictur à benefica ſtella, neque benefica octa- uo loco præeſt, dominusq; conditionarij luminaris Marti opponitur, aut eum è quadrangulo percutit, ei quæ

ei qui natus est, caput truncabitur. Quòd si luminare culminabit, corpus eius sauciabitur. Sin copulatio à Geminis, aut à Piscibus fuerit, manus ac pedes eius amputabuntur.

PONTANVS.

Sequuntur de moribus uiolentis obseruationes quedam, et primo quidam loco de Gorgonis capite. Hoc cœli signum, quod fabulose caput Gorgonis uocatum est à Græcis, à Babylonijis Algol, infelix et perniciosum est. uideturq; fabula illa qua fertur, Medusæ caput gladio abscisum à Perso, non abre signo hinc fuisse accommodata, quòd qui nascens Solem unà cum eo sydere habuerit, securi percutiendus sit, ni beneficæ stelle obstituerint, quæ aut oculorum locum, qui martis est, corpore suo tueantur, aut malignam Solis ac Gorgonei capitis copulationem felici aspectu leniant. Hæc tam infelix mors tunc futura decernitur, quā ad Solis cum capite Gorgoneo copulationem illud etiam accesserit, ut dominus signi, in quo luminare conditionarium inuentum est, Martem hostiliter afficiat, neutra benefica Solem afficiēte, aut mortis locum tuente. Copulationē dicimus eam, quæ Græcè est $\sigma\omega\mu\alpha$: recusamus autem dicere cōiunctionem, ne quis solam coniunctionē intelligeret, quæ corporalis est: nomine enim copulationis intelligi uolumus aspectus quoscunq;. Nec me fallit, codices nonnullos, eosq; præsertim, qui è Chaldeorū lingua traducti sunt, non de Sole, sed de Marte dicere, hoc est, ut Mars cum Gorgonis capite reperiatur. Quod cur probem, efficit primum quòd Mars et Saturnus sunt uiolentariū mortium auctores: deinde quòd Ptolemæus ipse, in quarto Apotelesmatum inquit: Si stella Mercurij Marti configurabitur à piratis aut latronibus grassatoribus uel dilacerari facit in signis etiam mutilatorum membrorum atque imperfectis, siue iuxta Persei stellas, quæ sunt capitis Gorgonei, aut caput eius abscindet, aut membra mutilabit. In hac etiam genitili configuratione si luminare culminauerit, id est mediū cœli culmen tenuerit, nati eius corpus sauciabitur, multisq; uulneribus afficietur. Quum luminare tantum dicat, nec Solem aut Lunam exprimat, dubitari potest de utro sentiat, quā ante conditionarium luminare dixerit, utrunq; complectens, et genitura ipsa tum diurna, tum nocturna esse possit. Sol et Luna quū medium in nativitate cœli possident, iuxta Ptolemæi sententiam efficiuntur Græco nomine, $\alpha\gamma\alpha\tau\epsilon\varsigma$, Babylonico illeges: nostro, id est Latino nomine, radiorum emissores, seu iaculatores, aut etiam proiectores. Quocirca quum medium cœli utrumuis ipsorum luminariū occupauerit, siue Sol fuerit, siue Luna, efficitur illegis, hoc est emissor. Quodq; ascendēs è summo mūdi loco quadringu-

drangulariter ferit, uidetur nati corpus, cuius fabrica atq; compactio, uia
 etiam ipsa ab ascendente præcipue significatur, miserabiliter afficere. Sed
 esto ut Sol hoc efficiat, an Luna etiam hoc idē præstabit? quū uideri possit
 ex uitiosis potius humoribus, aut ex suffocatione mortem allatura. Mihi
 quidē uidetur tā de Luna, quā de Sole intelligi debere: siquidē hoc idē
 Lunam quoq; præstare, in eodem Apotelesmatū libro, quū de mortis qua-
 litate loqueretur, Ptolemæus docet, cuius uerba sunt hæc: Violentæ atq;
 insignes mortes decernūtur, quum ambo malefici planetae in locis letali-
 bus, hoc est interimentibus dominantur, aut cōiuncti, aut in quadrangula-
 ribus oppositis uel locis collocant, aut quū alter ipsorum, aut uterq; Solē
 Lunamue, aut utrunq; luminare affluget. Et mortis quidem iniquitas ab
 utriusq; cōiunctione statuetur, magnitudo autem à luminariū testificatio-
 ne: qualitas uerò ab aliorum planetarū aspectu, et à signis maleficos in se
 planetas habentibus. Et paulo post: Mars autem quum Soli Lunæ uel
 præter cōditionem aut ē diametro, aut ē quadrangulo aduersabitur, in hu-
 manis quidem signis cōstitutus, in ciuilibus seditionibus, aut in præliis fa-
 cit interfici. Vides mortis uiolentiā maleficis à stellis afferri, magnitudi-
 nem uerò à Solis Lunæq; aspectu. Sextum quoq; ac septuagesimum enun-
 ciatum, in quo de mortibus Saturninis fit mentio, quum utrunq; luminare
 cōplectatur, hoc ipsum confirmare uidetur. Quia uerò signa etiā ipsa qua-
 litatem mortis decernant, ut paulò antè dictum est, rectè subditur, hominis
 eius pedes manusq; præcidendas, in cuius genitura ad ea quæ scripta sunt
 illud accefferit, ut Martis copulatio, id est oppositus aut quadrangularis
 eius aspectus, ad quadrangulatorem, id est dominū signi conditionarij lu-
 minaris à Geminis, aut Piscibus proficiscatur: quum Geminorum signum
 manibus, Piscium humani corporis pedibus præsit. Atq; ut ad Martem So-
 lemq; cum capite Gorgonis inuentū redeamus, siue de Sole intelligendum
 sit, ut Græci codices, illi quidem quos ipsi uidimus, habent: siue de Marte,
 quemadmodum Ptolemæus ipse alibi tradit, et supra ostendimus: certè
 sic sentiendum est, tam mortis uiolentiam, et ut ita dixerim, carnificinam
 à Marte inferri, non à Sole: quando, ut dictum est, Mars Saturnusq; ui-
 olentarum ac truculentarum mortium autores perhibentur. Quod autem
 aliās monuimus, nunc quoque monemus, omnia diligentissimè pensitanda
 esse, quum fieri possit, ut benefica afficiat, at nihilominus imbecilla sit ac
 malè collocata: contra, ut Mars ipse sit in sinibus beneficæ stellæ positus,
 ac benefica ipsa potens sit, feliciterq; constituta: quæ res de Martis iniqui-
 tate plurimum detrahet: benefica enim integras uires retinens, beneficien-
 di naturam retinet, ac sua iura, suosq; fines strenuè tuetur.

P T O L E M A E V S .

LXXIII.

Quicumq; Martem ascendentem habet, omnino cicatricem in facie habebit.

P O N T A N V S .

Martis stella quum malefica sit, ac uulnere illatrix, ascendens uero quum sit prima natalitiae figura pars, atq; idcirco primam hominis partem, id est faciem, significet, eiq; praesit, pro natura sua, proq; ascendentis significatione, si partiliter in horoscopo inuenta fuerit, hoc est in primis exorientis signi partibus, faciem hominis eius, cuius ea genitura fuerit, uulnere scindabit, & cicatricosam reddet. Non me praeterit, in Graecis quibusdam codicibus scriptum etiam hoc esse, praeterquam si Mars signi dominus fuerit: quod siue additum fuerit, siue ita Ptolemæus scriptum reliquerit, ratione non caret: siquidem Mars domum suam tueri dicitur, quam quum tueatur, non scindabit os eius, in cuius genitura in Ariete horoscopabit. Quod quidem ab ijs quæ in sequenti enunciato dicitur, planè confirmari uidetur.

P T O L E M A E V S .

LXXV.

Quum Sol ascendentis domino coniungitur in Leone, nec Mars aliquam in ascendente prerogatiuam habet, nec benefica in octauo loco est, qui natus est, exuretur.

P O N T A N V S .

Quibusdam in codicibus non Sol, sed Mars legitur, quod magis probò propter prepositas rationes: neq; ratione hoc caret: uidetur enim Martis rabies Leonis feruore magis magisque accensa, non ad ferrum ac uulnera, sed ad ignem incendiq; se conuertere: quum Leo maxime igneum signum sit, ac Mars in eo collocatus mirum in modum incendatur, atq; ob ardorem acerrime sauiat. Sed ad Solem redeamus: hic in Leone, in domo sua atq; in flagrantissimo cæli signo positus, si ascendentis signi dominum secum coniunctum habuerit, eum sic radijs suis comburet, ut nati corpus urendum portendat. Nam quum ascendentis signi dominus uratur, nati quoq; corpus urendum significat, nisi in octauo loco benefica, ut dictum est, fuerit collocata. Mars etiam ipse si dominus ascendentis fuerit, aut in ipso ascendente prerogatiuam habuerit, quum iura rationesq; suas tueatur, ne comburatur prohibebit. Sed utrum casu aliquo, an prætoris sententia natus ille comburendus sit, aliorum etiam planetarum aspectus indicabit. Hæc enim omnia exactissime consideranda sunt.

P T O L E M A E V S .

Quum Saturnus cœli medium tenet, opponiturq; ei cōditionarium luminare, ac terrenum signum est in imo, qui natus est ædificiorum ruina interibit. Quòd si humidum signum est, aquis suffocabitur. Si uerò humanum, ab hominibus strangulabitur, aut laqueo flagellisue peribit. Verum si benefica octauo in loco est, propior his erit, non tamen morietur.

P O N T A N V S .

Hoc siue præceptum, siue obseruatio, ad uiolentam quoq; mortem pertinet, atq; ad eos qui Προβήται, ut Græci dicunt, moriuntur. Vt autē mors ex ferro ad Martem refertur, sic mors ex ruinis, naufragijsq; ad Saturnū referenda est, pro signi tamen qualitate. Post Martiales igitur mortes, quum uolentiarū mortium Mars Saturnusq; autores sint, cōsequenter Saturni e subijciuntur. Qui, inquit, nascitur Saturno cœli mediū tenente, luminari cōditionario ē diametro illum percutiente, ædificiorū ruinis obrutus interibit. si in imo, id est in cardine cœli subterraneo, signum aride qualitatis, et, ut hodie dicunt, terrenū constitutum fuerit. Quòd si aquenū, hoc est humidæ naturæ fuerit, aquis submersus exstinguetur. At ubi signū id humanū fuerit, hominū manibus occidetur: aut enim manibus laqueoue strangulabitur, aut flagris ac uerberibus ad necē cæsus interibit. Quòd si benefica stella in octauo loco bene collocata fuerit, natus hic licet uerberibus cæsus, licet ruinis obrutus, ac fluctibus iactatus, licet collo laqueū acceperit, non tamen morietur, beneficæ stellæ præsidio tutus, atq; ab ijs periculis liberatus, quæ stella primò mortis locū præsentia sua tuetur, deinde imū cœlum triangularibus, mediū sexangularibus, hoc est amicis radijs aspicit: quibus ē rebus sit, ut si periculū prohiberi nequit, mors tamen ipsa prohibeatur. Illud prætereundum nō est, luminare diurnū, id est Solem, non posse iuxta conditionē suam diurno tempore in diurna genitura opponi, Saturno in cœli medio collocato: nisi cœli mediū etiam pro imo cœlo ponatur, ut sit cœli mediū tum superius, tum inferius. Quæ ratione atq; uia Sol in diurna genitura in superioris cœli medio collocatus ex opposito loco Saturno aduersabitur, in medio inferiori, atq; in aduersa cœli parte consistit. aliter enim luminare conditionariū, id est Sol, in diurna genitura, Saturno cœli mediū tenenti opponi nō potest: ac tametsi Μαρκία plerumque pro superioris cœli medio Græcè accipitur, tamen etiā pro imo, id est inferioris cœli medio aliquando capitur: Μαρκία (ut uerbum uerbo reddamus.

damus) est cœli mediū Latine, siue cœli culmen. Et Græci quidem à uoce hac uerbū etiam formant *μεσσην* quod significat, cœli mediū tenet. Nos uerò, quū structuræ uerborum huiusmodi parū aptè in lingua cadant Latina, à uoce simplici, hoc est à culmine deduximus culminare, sicuti à fulmine ductum est fulminare, & à nomine nominare: ut sit culminare, culmen tenere, id est in cœli medio constitutū esse. Num autē benefica stella prohibere quod dictum est possit, uidendum est, etiam atq; etiam: multa enim sunt quæ stellam ipsam imbecillam & minus potentem reddere soleant.

PTOLEMÆVS.

LXXVII.

Ascendentis profectiōem pro ijs quæ corporis sunt facito, partis fortunæ pro ijs quæ sunt externa, Lunæ pro corporis animæq; connexionē, medium cœli pro actionibus.

PONTANVS.

In prædicendis ijs quæ inter uiuendū hominī euentura sunt, primum consideranda est ualeitudo, sanitas, & quæ tum mala, tum bona corpori accidunt: deinde ea quæ ad rem familiarem atq; ad diuitias pertinent, hoc est bona malaq; externa, quæ fortunæ dicuntur. post ea quæ ad corpus animæq; simul pertinet, hoc est, quales affectiones habiturus homo sit, quū contingat nunc dolore, nunc uoluptate, nunc tristitia, nūc gaudio, & aliter atq; aliter pro tempore ipsum affici: hos affectus ac passiones Aristoteles nō animæ, sed hominis potius, qui ex anima constat & corpore, iure putat esse. cui sententiæ Ptolemæus accedens ait, hæc ad corporis animæq; coniunctionem spectare, id est ad tertium quod ex ea coniunctione constituitur. Deinceps considerandæ sunt hominis ipsius actiones, et ea quæ exercitaturus atq; administraturus est in uita. Quæ omnia ut distinctè atque expressè intelligi possint, hæc à Ptolemæo seruata traduntur. Ac primum quidem, ut bona malæque corpori obuentura facilius cernantur, ascendentis gradus profectiōem faciendam iubet, per quam inspecta prius genitura, ad cognitionem eorum quæ corpori accident, & quo etiam tempore accident, peruenietur. Progressio enim gradus eiusdem ad loca perniciofa & aduersa, occursumq; atq; obuiationes maleficorum ac nocentium planetarum indicant morbos, egritudines, quæq; alia mala corpori accidunt. Nec te illud moueat, quod planetarum apheticorum, id est illegalium, projicientiumq; profectiōes, grauissimos morbos, mortem deniq; obnunciare habeant. Leuiora enim mala, morbiq; remissiores, quæq; aliæ passiones corpori clementius accidunt, etiam ab ascendente significantur. Siquidem minores etiam magistratus ex parte aliqua exercere solent iurisdictionem,

s 2 quam

quam etiā maiores magistratus exercent: licet iudiciorū ac rerum summa penes maiores magistratus sit, quorum est de uniuersa quoque republica statuere, ac pro arbitrio de rerū summa decernere. Deinde quid seu prosperi, seu aduersi externis in rebus euenturum sit, quò apertius intelligatur, proflectionem gradus partis fortunæ, id est loci in quo genituræ tempore pars fortunæ mutatur, obseruandam docet. cuius accessus ad loca felicia infeliciaue, occursum quoque fauentium aut nocentium planetarum, rerum familiarium acceptionem iacturamue, externorumq; bonorum felicitatem aut infelicitatem indicabit. Tertio loco proflectionem gradus Lunæ, quo genituræ tempore ferebatur, inspiciendam monet: ex cuius progressionē, atq; ex maleficorum beneficorumue planetarū occurrētib; atque aspectibus indicetur luctus, moerore, iræ, tristes cogitationes, curæq; grauissimæ: aut uiuendi hilaritas, gaudia, uoluptates, animi tranquillitas, ac securæ mentis cogitationes. Quarto loco, ut de actionibus atq; administrationibus certa ferri possit sententia, proflectionem gradus culminantis, id est coeli medij, genituræ tempore inspiciendam præcipit, ut ex eius qualitate, ac planetarum naturis, quales actiones futuræ sint, coniecturam capere possimus. Huiusmodi enim proflectio nobis significabit, an qui magistratus fungendi, dignitatesq; consequendæ hoc uel illo anno sint, an potius repulsa ferenda, deponendusq; magistratus antè gestus, quæq; alia sunt generis eiusdem. Quoniam autē quatuor hæc loca præcipuè in hominum genituris obseruanda sunt, ascendēs, coeli medium, pars fortunæ, ac Lunæ locus, idcirco Ptolemæus horū proflectiones inspiciendas suadet. Si qui dem ex ijs proflectionibus pronūciari poterit quicquid obuenturum sit in corpore sanitatis uel ægritudinis, in re familiari prosperi uel aduersi, in passionibus iucūdi uel acerbi, in administrationibus ac dignitatibus honoris uel inhonoratōis atq; infamiæ. Hæc enim maximè sunt in uita cōsideranda: quippe quū in ijs uita hominū præcipuè uersetur. In libris è Babylonico translatis uideo de Solis etiā loco fieri mentionē, quam in Græcis uoluminibus nullam esse intelligo. Neq; hoc tantū loco, sed cōpluribus etiam locis Babylonij mathematici ad Ptolemæi dicta nō pauca addidere, quod translationes ipsæ, quæ nunc habentur, cū Græco exemplari collatæ docent. Sed, ut dixi, quatuor illa in hominum uita præcipuè consideranda sunt. Ex loco autē Solis indicari uolūt domini uoluntatem erga hominem ipsum, cuius natiuitas inspicitur, hoc est, sit ne à domino beneficijs, an maleficijs afficiendus. Quòd si ulteriora libet querere, cur nō etiam faciendā erit proflectio partis filiorū, partis amicorum atq; inimicorū, partis uoluptatum, et aliarū quæ in uita et genituris hominū considerantur? Sed, ut dixi,

duxi, quatuor illa ut uitæ principalia inspicienda traduntur à Ptolemæo.

P T O L E M A E V S.

LXXVIII.

Exercet sæpe vires stella quo in loco nullas habet vires, lucrum inexpectatum nato afferens.

P O N T A N V S.

Julius Maternus singularis uir disciplinæ, obscuræ & maxime utilem
 uiam & cognoscendis, et pronunciandis cœlestibus decretis aperuit, quæ
 antisciorum, dodecatemiorumq; scientiam nobis aperuit, quam Ptole-
 mæum arte quadam celasse ipse autor est: de quorū cognitione & usu hæc
 tradit: Si quæ itaq; stellæ in ordinanda genitura se non uiderint, quæren-
 dum est, an sibi per antiscium sociata radiatione iungantur. Quum enim
 antiscium sic emiserint, ut trigonica per antiscium uel quadrata, uel diame-
 tra, uel hexagona radiatione iungantur, sic stellæ ipsæ decernunt, ac si sint
 simplici ordinatione constitutæ: quod quū inspexeris, omnia quæ in factis
 hominū quærentur, facile poteris inuenire. Dodecatemorijs quoq; tantā
 fidem adhibendam censet, ut Aegyptios dicat ad explicanda stellarum de-
 creta ijs potissimū usos: quippe qui existimarent ex dodecatemorijs omnē
 uitæ substantiam inueniri posse. quorum ratio sic traditur, ut inuento gra-
 du, in quo planeta collocatus est, cū gradum duodecies ducas, summamq;
 inde constitutam, ab eo signo in quo planeta positus est, incipiens, per se-
 quentia signa distribuas. In quo enim gradu summa ipsa desinet, ille ipse
 gradus dodecatemorij locus erit. quo loco inuento, è cuius planetæ fini-
 bus gradus ille sit, cuius etiam decuria à quibus planetis aspiciatur, & fi-
 niū dominus quomodo sit collocatus uidebis. Etenim si dodecatemorion
 Lunæ, præsertim crescentis, in finibus Martis inuentū fuerit, malum por-
 tendit, quod nocens Martis uis afferat. Huius supputationis non aliud
 exemplum afferemus, quàm quod ab Materno ipso allatū est. Est Sol in
 Arietis parte quinta, et minutis quinq; ipsæ quinq; partes duodecies mul-
 tiplicate sexaginta partes constituunt. Simili ratione ex quinq; minutis
 sexaginta cōstituuntur minuta, quæ partem unā, id est gradum unū im-
 plement. Vniuersa hæc summa cōstituit gradum unum & sexaginta: quos
 sic distribues, ut ab Arietis principio incipies, cui triginta gradus tribues,
 moxq; per Taurū progrediens reliquos triginta gradus Tauro annume-
 res, unus ille reliquus dodecatemorij locū ostendit, isq; Geminorum pri-
 mus gradus erit: qui gradus quū sit è Mercurij finibus, si à Mercurio ipso
 hexagona irradiatione aspiciatur, id efficiet, ut uideri possit sexangulari
 aspectu Sol Mercurio iunctus esse: ex qua copulatione ea significabuntur
 quæ significari solent, quum planetæ sexangulariter se aspiciunt. Quin

etiam ut Mercurius ipse locum eum non aspiciat, tamen ratione finium societas & familiaritas quaedam inter eos initur. ex quo fit ut si tunc Sol bene collocatus fuerit, & locus ille bene illustratus, ex eo gradu bonum aliquod ob Solem offeratur, insperatum quidem, quando nullo id aspectu portendebatur. Ac licet Aries Geminiq; hexagona radiatione coniuncti sint, tamen etiamsi nulla se radiatione aspicerent, bonum illud dodecatemorii ratione futurum esset. Mars in aduerso genituræ loco positus, etiā ex loco dodecatemorii minuitur. namq; ut feliciter collocati planetae bonū, sic infeliciter constituti malum portendunt ē dodecatemorii gradu, quod & augetur et minuitur pro qualitate irradiationis. Multum in utranq; partē confert finium dominus, in quibus dodecatemorium reperitur, quum uel bene, uel male in figura genituræ constitutus est. Nomen ipsum dodecatemorien ductum est ab eo quod est Græcè Δωδεκά, id est duodecim, & μίσις, quod pars una duodecies supputetur. Latine uno tantum ē duobus compacto nomine parum commodē exprimi potest. Quocirca fortasse nō insignificanter à nobis duodenaria uocabitur. ac de dodecatemorijs hactenus. Antisciorum ratio & difficilior & occultior est, eaq; ē graduum æqualitate proficitur. Constituamus hinc Cancrum, hinc Geminos: prima pars Geminorum in uigesimamnonam Cancri partem mittit antiscium, secunda in uigesimamoctauā, & sic deinceps. Rursum Cancri pars prima mittit antiscium in uigesimamnonam Geminorum partē, secunda in uigesimamoctauam, et deinceps eodem ordine. quod uicissim etiā faciunt Taurus ac Leo, Virgo & Aries, Libra & Pisces, Scorpius & Aquarius, Sagittarius & Capricornus. Idem etiam usu ueniet, si ab his ultimis Sagittario & Capricorno incipies, & in Cancrum Geminosq; ordine contrario regrediare. Planeta igitur in primo Geminorum gradu inuentus, magnam sibi in uigesimono Cancri gradu prerogatiuam uendicat, propter antiscij autoritatem: & quamuis gradum illum non aspiciat, tamen aliquando pro natura figurationis ac qualitatis suæ non expectatum ex eo loco bonum aut malum afferet: quod graduum æqualitas prestat propter suam ipsorum affinitatem. Siquidem Solis Lunæq; & planetarū ceterorum eadem est super terras mora, quum in alterutro graduum horum fuerit. Par enim dies est, Sole peragrante primū gradum Geminorum, et dici qui est Sole uigesimamnonam Cancri partem tenente. Idem namq; interuallum ab æstiu solstitij atque utriusq; æquinoctij punctis ad hos gradus inuenitur: nec alia diuersitas est, nisi quod dies primi Geminorū gradus etiam crescit: contrā, uigesiminoni gradus Cancri dies decrescit. Pari tamen portione & planeta in primo gradu Geminorū constitutus ad sol-

stitium

finit accedit: at uigesimo nono Cancrī positus, à solstitio recedit pari etiā
 intervallo. Hæc æqualitas et cognatio graduum ipsos simul iungit, et
 quasi quodam affinitatis uinculo obligat, ex quo fit, ut planeta in horum
 altero positus, alteri amicus efficiatur. Nam et hospes in domo nostra ac-
 ceptus hospitij iure, etiam cognatis nostris domesticus efficitur. Hæc ratio
 multos planetarum effectus significationesq; ab aspectibus non indicatas
 patet: quod ipse etiam expertus affirmauerim. Habuit aliquis quum
 nascitur in cœli medio Virginem, Iouem in Ariete. Iupiter itaq; ex Ariete
 in Virginem antisceum mittens occulto hoc præsidio natum ad magistratus
 adipiscendos adiuuat. Interturbabit autem Iouis præsidium et magi-
 stratus administrationem Mars, antisceum Iouis hostilem in modum aspi-
 ciens. Contrà, Venus ad Iouis beneficium adiumenti plurimum conferet,
 et administrationem felicem efficiet, si antisceio illi beneuolis è locis suffra-
 gium suum contulerit. Occultissimas has planetarū significationes, quæq;
 è dodecatemorijs, antisceijsq; proficiuntur, Ptolemæus innuit, quum ait
 planetas septennero bonum aliquod, et quidem non expectatum, hoc
 est ab aspectibus nō denunciaturum afferre ex locis, in quibus ius nō habent:
 nam nec uires autoritatemq; ijs in locis habere uidentur ullam, quum neq;
 loca illa intueantur, neq; in signis ijs aut altitudinē, aut dominatum ha-
 beat. nihilominus antisceiorū dodecatemiorumq; beneficijs ac meritis
 lucrum afferunt, et ubi minaces stellæ offuerint, damnum atq; incōmoda.
 apud Meroē in Æthiopiæ, quæ æquinoctiali circulo est subiecta, Sole ab ea
 ad nos progrediente, diebus nonaginta solares umbræ orbis nostri umbris
 contrariæ iaciuntur, deciduntq; in aduersum atq; in sinistram partē. Vn-
 de populos eos Antisceios ætate sua uocatos Marcellinus refert, quī regio-
 num nostrarū umbræ in dextram ubiq; decidunt. Itaq; Antiscij nomen ab
 umbræ uidetur cōtrarietate dictum. Non tamen quod in hoc ipso orbe, no-
 strisq; in regionibus, ac sub hoc tractu cœli, aut in aduerso illo tractu gra-
 dus Geminorū Cancrī gradibus contrariæ umbras iaciant, aut Sagittarij
 gradus Capricorni gradibus aduersentur. Neq; quod primus alicuius si-
 gni gradus umbrā mittat cōtrariam umbræ, quā uigesimus nonus alterius
 signi gradus mittat, sed quod alterū signū mittat umbrā ex crescedo: à Ca-
 pricornio enim dies crescunt usq; ad solstitiū Cancrī. contrà, alterā mittat
 umbram decrescendo: siquidem à Cancro usq; ad solstitiū Capricorni dies
 decrescunt: ac nihilominus idem cōtingit dierū ac noctium spatium, idem lucis
 ac tenebrarū tempus: quoniam partes ipsæ æqualiter à solstitiis pun-
 ctis absunt. Ac de antisceijs hætenus, quorū obseruationē maximarū, mani-
 festissimarumq; significationum esse ipsi se penumero experti sumus.

Mars quum in undecimo est loco, qui hunc sic habet, domino suo non dominatur.

Superius duobus in locis ante oculos Ptolemæus nobis posuit genituras eorum siue clientium, siue subiectorum, qui heris dominisq; suis non modo chari acceptiq; futuri essent, uerum tantā apud illos autoritatē habituri, ut imperare eis uiderentur, illorumq; uolūtates pro suo arbitrio moderari. Hoc uerbo quando contrariū futurum sit, nobis ostendit figura proposita, ex qua clientis studium aduersus dominū, rursusq; domini in clientem beneuolentiam, mutuamq; inter se conuenientiam, non modo nullam futuram intelligere possumus, sed rixas potius et odia contentionesq;. Atq; ut ad rem ipsam ueniamus, decimus figuræ locus, quod non semel dictum est, heris ac dominis attribuitur, undecimus ipsorum domesticis atq; clientibus. Mars igitur quum sit dissidiorum autor, ac discordiarum excitator, propter uehementissimos cholerae, cui praest, motus, uidetur id efficere, uti natus ille, in cuius genitura ipse in undecimo loco fuerit inuentus, parum fideliter concorditerq; sit cum domino suo uiicturus. Quinimo similitates, rixas ac discordias etiā manifestas Mars sic collocatus inter herum ministrumq; excitabit: ac si quando in certamen uentum fuerit, ministri partes longē imbecilliores ac deteriores reddet, quū locus undecimus decimo longē sit autoritate ac uiribus inferior. Mars enim quum rapax et incontinens, et audax sit, natū illum rapacem futurum indicat, et infidelem, et profisorem, et temerarium: quibus uitijs qui praeditus fuerit, non modo in administrandis rebus domino satisfacere nō poterit, qui nil prius maiusq; à ministro exigit, quā ut fidelis et continens, et ingenij maxime moderati sit, sed illum in adium iramq; prouocabit, quum propter audaciam temeritatemq; in certamen cum domino descendere dubitaturus non sit. Hec Mars in undecimo loco geniturae clientis positus praestat: qui locus quū domini etiā substantiam ac res familiares indicet, uidetur ob Martis praesentiam significare ministrum illum domini pecuniam infideliter administraturum, ac rebus illius familiaribus incommodo futurum, quibus e rebus ea quae dicta sunt necesse est proficiantur.

Quum Venus Saturno coniungitur, habetq; hospitatorem aliquem in loco septimo, qui natus est, sordidi coitus erit.

PONTANVS.

Appetitus libidinis, & ea uis animæ quæ hodie concupiscibilis dicitur, Veneri attribuitur, ut antè docuimus. Sed quum alij in coeundo sint elegantes mundiq; alij sordidi atq; inquinati, hoc unde proficiatur Ptolemæus ostendit, docens sordidi coitus Saturnum autorem esse, si Veneri in genitura misceatur. Non solum autem Venus Saturno cōiuncta, uerum in Saturni finibus inuenta genituræ tempore spurcæ libidinis cupiditatem mouet. Quocirca natus ille, qui Saturno Venerem cōmixtam habet in genitura, sœdissimi coitus erit, propter Saturni squalorē ac sordentem naturam: cuius cōtactu Venus ipsa licet elegantiarū habeatur dea, mirū in modum inficiatur, utpote cōtagione corrupta: quod tunc omnino continget, quū hospitator, hoc est dominus signi aut finis, in quibus Venus posita est, aut planeta, qui plures in signo eo prærogatiuas habet, in septimo collocatur, qui locus nuptiarum & rerū Veneris est. Quum enim hæc omnia simul conuenerint, fieri non poterit quin homo is sordidæ libidinis futurus sit. Ipsa uerò coeundi sordities ac turpitudine unius generis nō est: sunt enim qui puellas oderint, uetulas sequantur: alij qui relictis ingenuis, ancillas ac seruas deprecant: alij qui nisi sœdissimas atq; abiectissimas meretrices nolint cognoscere: nonnulli qui manibus obscœna patrent, aut cognationis iure uiolato, sanguini, id est filiabus neptibusq; nō parcant, aut mulieribus ipsis obscœno more utantur. Quocirca hospitatoris natura qualitasq; signorum considerata est, uidendusq; planetarum ipsorum, hoc est Veneris, Saturni, & hospitatoris status ac figuratio, ut uitia ipsa notiora fiāt: quum fieri possit, ut coeundi turpitudine sit etiam diuersi generis.

PTOLEMÆVS.

LXXXI.

Tempora modis septē deprehenduntur, ab interuallo duorum dominatorum, ab interuallo configurationum inter se, ab accessu alterius ad alterum, ab interuallo inter se alterius ipsorum, & loci rem quæritam significantis, ab occasu stellæ cum additione atque ademptione, & à mutationē dominatoris, & ab accessu planetæ in locum suum.

PONTANVS.

Qua ratione, quibusq; regulis obseruandis cognoscamus quo tempore efficiendum, aut quando euenturum sit id de quo mathematicus consulit, quod uel iam cœptum aut animo destinatū est, Ptolemæus hac in parte docet: & prima quidem regula est, uti ambos dominatores, hoc est ascen-

dentis, et loci in quo collocata est, significatio rei cōsultæ siue inceptæ, aut iam incipiendæ, antequam; destinatæ diligenter inspiciamus, et illorū configurationes statim; consideremus, hoc est, quemadmodū sint in cælo collocati, quibus etiā planetis copulentur, et ad quæ loca, quas ue stellæ ferantur, quæ habeant præsidia, sint ipsi ualidis uiribus an imbecillis, quæq; aliā multo studio uidenda sunt: quippe cū ex hac inspectione cūctus qualitas intelligatur, sit ne res ipsa facilis an difficilis factu, uentura ad finē destinatum, an in ipso principio, siue in medio cursu destituenda, et si quibus adiumentis fulcienda, aut contrā impedienda: quorū omnium ipsa cæli figuratio diligenter considerata index erit. Sed nec obliuisci debemus eorum quæ supra de Luna, deq; Solis Lunaq; cōiunctione, ac de domino reuolutionis anni præcepta sunt. Nec prætereundū est id quod de Lunæ obseruatione traditū est, id est, an si cui planeta corpore aspectū ue nō copulatur, forte per aliquas stellas fixas qualitatis eiusdē copuletur. Quibus omnibus cōsideratis, atq; in balance, ut ita dixerim, suspēsis, queritur rei ipsius tēpus, hoc est quando res incepta destinataue perficienda sit: quod quidē tempus colligetur ex dimensione graduū inter ipsos dominatores interiectionum. quam interiectionē Græci *Διάστημα* uocant: nos et interuallum, et interea pedem, et interstium dicimus: recentiores distantiam uocant. Gradus igitur interlabentes seruata lege ascensionū, tempus demonstrabunt, atq; hæc quidē prima inspectio est. Secūda cōtemplandi tēporis uia ratioq; est, uidere qui tunc inter dominatores sit aspectus, atq; ubi nullus, aut nondū perfectus fuerit, quot interiecti gradus sint, dum ad coniunctionē aut mutuum ad aspectū ueniant numerare. Quinetiā ut rei facilitas difficultasq; intelligi possit, sit ne etiā res illa cōsummanda, dum ipsi dominatores aut cōiunguntur, aut se inuicē aspiciunt, uidenda est tū configurationis huius collocationisq; planetarū aliorum, tum etiam signorum qualitas ac natura. Frustra enim tempus queritur, ubi destinatū opus incassum susceptum est. Tertia regula temporum inueniendorū, siue anni, siue menses diesq; futuri sint, hoc præcipit, ut obseruato dominatorū inter se interuallo, uideamus quo tempore alter sit ad locū alterius peruenturus, siue dominator ascendens ad locū dominatoris rei quæ sitæ aut destinatæ, siue dominator rei ad locum eius, qui est ascendens dominator, siue ambo coituri sint, quo tempore eadem illa quæ diximus cōsideranda sunt. Quartus colligendi temporis modus hic traditur, ut iuxta legem ascensionū dimetiatur spatium quod est inter locū rei quæ sitæ et alterum dominatorū, quos duos esse dictum est. Ipsum enim spatium, id est gradus interiecti, annos, menses, diesq; planē significabunt. Quinta obseruatio docet inspicere,

uter dominatorū prior ad occasum sit peruenturus: is enim cardo rerū exitum indicare cū primis creditur: quo inspecto uidendū est quanto tempore, id est post quot mensēs annos uē, ad occasum, id est ad locū occidui cardinis proficietur. Et per hunc maxime modū efficiendæ rei celeritatem tarditatē uē aut mediocritatē intelligemus: quod tempus ut exactius defini-
 ri possit, seruandū est, quod in uitæ spatio dimetiendo seruari debere à Pto-
 lemeo præceptū est. Siquidem uidendæ sunt stellarum cōfigurationes, et
 quid quisq; planeta uel addat, uel demat: quamuis fortasse nō eodem modo
 et hic, et in spatio uitæ temporū ratio habenda sit. Nequaquā etiam signo-
 rum qualitas relinquēda est inobseruata, quādo et ipsa quoq; ad tarditatē
 celeritatemq; non parū collatura uidentur: quū signa ipsa alia tarda, alia
 festina, alia mediocris motus esse perhibeantur. Sexti modi ratio est, ut
 quum dominator regrediens, et ut hodie dicunt, retrogradus fuerit, quod
 uires ad præstandum aliquid parum ualidas tunc habeat, non antè senten-
 tiā de pollicitis eius, si quid polliceri uidēbitur, feramus, quā re cēlo cursu
 progredi coeperit. Itaq; interualli eius nullam rationem habebimus, do-
 nec re cēlo cursu ferri incipiet: sed regressionis stationisq; tempore præter-
 misso, interuallum distantiamq; ex eo loco capiemus, unde reclus progredi
 coeperit. Gradus enim directionis progressionisq; interualli principū
 erit, quo interuallo cognito, temporis quoque interuallum cognoscetur.
 Idem seruandum erit, quum dominator solaribus radijs occultetur, et ut
 hodie dicunt, combustus fuerit: quid enim oppressus ac latitans præstare
 dominator potest? quocirca expectandum est dum Solis euadens radios,
 suiq; uiribus factus, atq; aliquanto longius ab illa digressus oriri incipiat, ac
matutinus appareat: tunc enim ab eo gradu, in quo matutinus efficitur,
 sumenda distantia est: qua sumpta, de tempore ipso sententia ferri poterit.
 Septimo præcepto docemur uidere, quo tempore dominator, qui signifi-
 cantior est, in locum suum peruenturus est, et domum exaltationem uē
 suam, aut locum in quo prærogatiuam obtineat, ingressurus. Ex duobus
 enim dominatoribus significantior præferendus est, siue is rei cōsummatio-
 nem promittat, siue contrā difficultatem inceptumq; ipsum frustrari ui-
 deatur. Is enim domicilium suum ingressus, uiribus auctus, tunc quid futu-
 rum sit decernet. Quod ut manifestius fiat, cœli figuratio inspicienda est,
 quum domum ipsam aut exaltationem ingreditur. Præceptis his etiam
 præcepta illa pro rei natura uidentur accommodanda, quæ suprā tradita
 huic inuestigationi utilia erunt. Quid enim aut difficilius est, aut exactio-
 re diligentia indiget, quā non solum qualis rerum euentus futurus sit
 prædicere, uerum etiam euentus ipsius certū tempus diemq; præscribere.

Quum figuræ æquales erunt nouilunij aut plenilunij, horoscopus inspicere: quæ si etiam æqualis fuerit, adferendam sententiam ne properes.

Hoc præceptum et generale uidetur, quippe quod rebus omnibus accommodari potest, de quibus mathematicus cōsultitur: et singulare, quum regulis quæ de perscrutando tempore traditæ sunt, recte annectiqueat. Atque ut generaliter traditum intelligamus, referamusq; ad ea omnia de quibus consulimur, quæq; an futura sint, et qualia futura sint ipsi perscrutamur, sic mihi uidetur obseruandū, uti figura constituta, planetarū situm, prærogatiuas, conditionem, aspectus, defluxionesq; inuestigemus, et cardines, cardinumq; ipsorū, ac rerum significatores, de quibus consulimur, quasq; agendas suscipimus, obseruemus. Quibus reliquisq; necessarijs probe inspectis, qui planetæ ad rem perficiendam conducant, qui ne fiat obstant, diligenter animaduertemus. Vbi enim et ualidiores et plures, maximeq; superiores planetæ adiumento ac præsidio esse inuenerimus, contrā, qui aduersentur pauciores imbecillioresq; sicut aliquo cum impedimento ac difficultate rei illius euentus futurus sit, incommodiq; aliquid in medio interim cursu, aut in ipso initio, aut deniq; prope exitum passura sit, ex sententia tamen eius qui rem ipsam agendam suscepit, conficiendam pronunciabimus. Quod si æquales uires auxiliantium aduersantiumq; uiderimus, eademq; utrūsq; partis autoritas fuerit, tunc ne incertū atque illuc feramur, interlunium, seu plenilunium antecedens considerandum est: ad quod ubi consergerimus, cœli figuram constituemus, et cardinum dominos, figuræq; dominatorem, et planetarum aspectus, collocationesq; contemplabimur. Qua in figura si amicos inimicosq; paribus uiribus munitos, æqualiq; potestate præditos inuenerimus, sententiam differemus. Quod autem Ptolemæus dicit festinandū non esse ad prædictionem, innuere nobis uidetur, adhuc querendum atq; expectandum esse aliquid, quod tamen pro natura rei fieri non semper poterit. Nam si res ipsa eiusmodi est, ut si nunc omittatur, fieri amplius nequeat, nescio quid ultra querendū expectandumq; relinquatur. Sin eiusmodi est quæ alio tempore suscipi, aut suscepta intermissaq; instaurari, ac rursus, ut ita dixerim, resumiqueat, non frustra expectandum esse præcipitur. Quam ob rem, in negotijs huiusmodi, ubi post æqualem figurarum librationem uiderimus non multum temporis absiaturum, dum aduersantes illi planetæ in loca depressa atq; abiecta corruant, suamq; omnem autoritatem amittant: con-

trā, ut planetis auxiliariis maiores vires, & amplior potestas accedat, in id tempus iudicium nostrum reseruabimus. Sed nec obliuisci debemus quid genitura, quid anni conuersio, quid temporum dator promittat. Si uerò præceptum hoc ut particulare superiori regule adiiciemus, hoc seruabimus, ut figuras ipsas, interualla accipiamus, ex quibus tempora colliguntur, ac si septem quas tradidit vias secuti, eadem tempora inuenerimus à pluribus atque potentioribus significari, tunc ore libero pronunciemus. Sin ea differentia fuerit, ut cernere nequeamus in quam potius sententiam eundem sit, ad figuram lunaris cū Sole coitus, aut oppositionis, ut dictū est, confugiemus: quæ ubi æqualis fuerit, ancepsq; apparebit, prudentis est mathematici nihil pronunciare. In hac uerò plenilunij seu nouilunij figura, ut in alijs, obseruandus erit numerus graduum, qui inter horoscopum & dominatores, de quibus antè dictum est, intererunt.

P T O L E M A E V S.

LXXXIII.

Tempus impetrationis inter impetrantem ac regem affectionem indicat, Cathedra autem indicat ea quæ actionis sunt.

P O N T A N V S.

Hoc enunciatō monemur quid obseruandū, imò quid iudicandum sit, quum magistratus, præfectura, sacerdotiū, potentatū ue aliquis cōfertur, ut quū à regibus dono aut uirtutis gratia conferuntur oppida, tetrarchie, & qui hodie baronatus dicuntur. Hora, inquit, qua quis à principe magistratui, muneris ue, aut baronatus præficitur, id est cœli figuratio quo tempore rex, princeps, pontifex ue sacerdotiū, administrationem, præfecturam ue confert, declarat animū atq; affectionem et eius qui cōfert, & eius in quem munus ipsum cōfertur. Fieri enim potest, ut eiusmodi collatio, aut magistratus designatio ab inimico potius quàm ab amico profisciscatur animo, aliūmq; quàm qui existimatur finē respectet. quod planetæ tū benefici, tum malefici, corūq; configurationes, cardinumq; hoc est ascendētis ac culminis qualitates, corūq; dominatores significabūt. Tempus igitur designati magistratus, aut sacerdotij, aut collati muneris diligenter à mathematico inspectum, animū, mentem atq; affectionē dantis atq; accipientis, quales inuicē tunc sint, quales etiam sperari pōst debeant, declarat. Cathedra id est tempus, quo is qui magistratui præpositus est, sedere pro tribunali aut in sella curuli primū cœpit, aut collati muneris sacerdotij, aut tetrarchie, dynastie ue possessionem adipiscitur, demonstrat quales futuri sint actiones eius, qui tetrarchiam, sacerdotium, magistratum ue gesturus atq; administraturus est: sit ne etia administratio ea futura cum laude,

quæstu, ac subiectorum populorū beneuolentia, an contrā? Sed in ipsa possessione adipiscenda illud considerandum est, quod non una est ubiq; tradendæ accipiendæq; possessionis ratio. Alibi enim insignia quædam traduntur, quibus acceptis per urbē ornatus incedit is, qui magistratui præfatus est, alibi ascenso prætorio in solio sedet, alibi alius atq; alius mos seruatur. Hoc præceptū planè declarat errare illos, qui ad prædicendum qualis administratio futura sit, horam cōcessi magistratus capiunt. neq; enim magistratus designatio gerendi eius principiū est, neq; ante rei cuiuspiam dominus quis dicitur, quam rei ipsius possessionem ceperit. Quæ Græcè καθίσταται dicitur, hodie nouo quodam & Græcanico nomine intronizatio uocatur. Cathedræ autem nomine possessionis adeptio intelligenda est, quacumq; ratione possessio capiat, dum illa sit traditæ administrationis principium. Ipsa cathedra commodissimè à nobis solum dici posset, quod solum dignitatis sedes sit. non minus commodè diceretur etiam sella curulis: quamuis sella curulis non omnium magistratuum, sed maiorū olim esset. Quæ à nobis dicta est impetratio, Græcè dicitur παραβολή, à recentioribus uocari solet obtentio. Sed de uerbo solliciti ne simus, dum res ipsa planè intelligatur. Impetratio igitur, siue obtentio, intelligatur actio illa regis principis' ue, qua subiectum, familiarem, uel amicum præfectura, tetrarchia aut dominatu aliquo donat, aut prætorem designat. Cathedra autem actio illa, quum ipse prætor designatus præturam init, aut præfecturam, aut collatæ ab rege tetrarchiæ primam & solennem illam possessionem de more patriæ capit. Sunt etiam qui παραβολή, non impetrationem obtentionemq; intelligi uelint, sed petitionem, sicq; transferendum censeant. Tempus petitionis inter rem petitā ac regem affectionem indicat. quod mihi nō placet: nam quum subdat cathedram, id est tempus captæ possessionis, indicem esse futurarum actionum, nec possessio sequatur, nisi impetratio concessioq; antecesserit, de impetratione prius mentio faciendæ erat: præsertim quū petitiones sæpenuerouariæ sint, frustra q; susceptæ. Ad hæc de affectione regis non erga rem petitam, sed erga eum cui concessa est, dubitari ac quæri magis conuenit.

P T O L E M A E V S.

LXXXIIII.

Mars quum est ascendens dominus tempore capte possessionis, præestq; secundo loco, aut copulatur domino secundi, multum damnum afferet.

P O N T A N V S.

Quum dixisset tempus cathedræ significare qualis futura esset administratio eius, qui magistratum iniret, aut gubernandæ ciuitatis habendas acciperet.

acciperet, subdit præceptum, quod arbitramur à Ptolemæo traditum tanquam re atq; usu ipso comprobatum. Quod ut clarius fiat, non ab re fuerit ea repetere quæ superius dicta sunt, quum de malitia undecimi ac secundi loci loqueremur. Dictum est autem in creandis principibus ac regibus locum decimum ipsis regibus attribuendum: quod idem fit in creandis magistratibus, præfectis, ac baronibus, quiq; ciuitatibus ac provinciis imperi-
tant. Primum uerò locū subiecto populo attribuendum. Dictum est etiam locum undecimum attribuendum censui principis ac regis, necnō præfecti, dynastæ, ac tetrarchæ qui creatur. Secundum autem subiectorum populorum censui, domesticisq; facultatibus, quod undecimus locus decimo, secundus primo succederet. Tempore igitur cathedræ decimus locus præfecto ac baroni, primus populo qui eius temperationi imperioq; cōmittitur, secundus populi censui attribuitur. Quæ re fit, ut populi cēsus, subiectorumq; facultates à præfecto ac tetrarcha illo diripiendæ ac uexandæ sint, in cuius cathedra Mars ascendens dominus fuerit, atque in secundo loco collocatus, aut saltem domino loci ipsius aliqua ratione copulatus. Si quidem malitia secundi loci rerum familiarium populi detrimentum in eiusmodi creationibus cathedrisq; decernit, quæ direptiones eō seniores erūt, quò Mars ipse ualidior fuerit. Etenim Martis qualitas, ut ignea feruensq;, quum admodum uiolenta sit, arguit præfectū, tetrarcham, et principem illum uiolentum, rapacem, et iniurium fore, cuius animus manuq; temperare à rapinis nequeant. Copulatio autem ipsa intelligenda est non modò quum Mars ac secundi loci dominus cōiuncti eodem in signo fuerint, uerum etiam quum se appexerint, aut si quo cōuenientiæ ac societatis genere mutuò se coplectentur. Inficit profectò Mars locum secundum, siue illum corpore suo insideat, siue domino eius aliqua irradiatione societateq; miscatur. Quumq; ascendenti signo imperet, cuius quidem dominus est, imperium graue, administrationemq; uiolentā portendit. Porro imperandi acerbitem atq; in administrando uiolentiam, improbitatemq; necesse est popularium diuitiarū direptio sequatur. Quòd si à contrarijs argumentari licet, facilis et æqua gubernatio futura decernitur, quoties tempore, quo præfectus primum in solio sedet, aut rex regni habenas suscipit, Iupiter ascendens dominus est, ac secundo in loco collocatus, aut secundi loci domino copulatus. Arguit enim moderatorem, iustum et temperatum, ac popularis boni studiosum, iuxta naturæ suæ benignitatem ac moderationem. In ferenda autem sententia præcipuè uidendum est, cuius naturæ sit planeta secundi loci dominus, cui Mars copulatur, atque in qua cœli parte positus, et à quibus afficiatur, et quo etiam aspectu, ut sententia ipsa undiq;

diq; sibi constet, & qui eam laturus est, sciat illam ratione temperare, ubi uidebitur ob radiationem quampiam temperanda.

P T O L E M A E V S.

LXXXV.

Quum ascendentis dominus secundi loci domino configurabitur, sponte princeps multas impensas faciet.

P O N T A N V S.

Et hæc, & quæ antecedit obseruatio, cathedris, id est magistratibus, præfectoris, regnisq; auspicandis accommodatur. Nam si configurationes huiusmodi in alicuius genitura contigerint, alia ratione contemplandæ sunt. Et superiori quidē uerbo de Marte tantū locutus est, hoc uerò quod sequitur, de planetis omnibus. In auspicando, inquit, magistratū, præfecturam, dominatū, ac regno, hoc est quo tempore quis primū inīit magistratū, præfecturam, dominatū, regnum, si ascendentis dominū secundi loci domino configuratū habuerit, is siue præfectus, siue princeps pecuniā multam sponte erogaturus est. Quid si Mars fuerit, ut est dictum, ne autem in hoc ipsi peccemus, aut Ptolemæū ut sui ipsius oblitū accusemus, sic interpretabimur, ut superior obseruatio ad populum subiectum referatur, considereturq; ut ad ciues ipsos pertinens: quippe qui sint malè, impotenterq; habendi, ac domini præfecti ue manibus diripiendi: hæc uerò non ad subiectum populum, sed ad ipsum tantū principem referatur. Fieri enim potest, ut urbium rectores rapaces sint, & nihilominus quod rapiunt ad splendorem ac munificentiam conferant: contra, ut abstinentes sint, commodorumq; publicorum studiosi, ac nihilominus propriæ pecuniæ nihil parcant, sintq; de suo liberales ac magnifici. Quoties igitur qui magistratū inīit, aut regnum, dominatū ue auspicatur, planetam ascendentis dominum secundi loci domino coniunctum, aut utruq; inuicem se aspicientem habet, quum domini locorum uires auctoritatemq; communicent, & alteri alter commisceatur, ita quidem animo afficietur, ut in sumptus magnificentiam, splendoremq; suam conferre pecuniā uelit: & sumptus quidem faciet propter dominum loci, qui est census atq; pecuniarū, ac iuxta loci ipsius proprietatem: sponte uerò propter dominum ascendentis, qui animi commotionem eam nō aliunde magis quàm à seipso excitat. Quales autem futuri sint sumptus, & quibus pro rebus, ex ipsafiguratione querendum est. Fieri enim poterit, ut futuræ sint profusiones in conuiuiis, resq; amatorias & nolutarias.

P T O L E M A E V S.

LXXXVI.

Sol est fons uitalis potentiae, Luna naturalis.

PON-

Hactenus de cathedris magistratibusq; ineundis, dominatibusq; capiendis. Quoniam autem Solem Lunamq; animato corpori præesse satis constaret, hac in parte Ptolemæus explicat nobis, cui potentie animalis ipsius, quod ex corpore et anima constat, præsit Sol, cui etiam præsit Luna. Quam ad rem aperiendam antequam uenio, placuit prius uerbū ipsum, quod potentia à nobis traducitur, quod Græcè sit, declarare: id nomen Græcè Δύναμις est: quod nomen tum potentiam, tum uim, potestatemq; significat. Sed quia nomen, uis, genitiuo singulari caret, idcirco potentie uitalis dicimus, loco uitalium uirium, quod Græcè sit genitiuus singularis, non pluralis. Sed hæc uis potentiaq; id est Δύναμις, ab his qui nunc philosophantur, etiam uirtus appellatur. Et quanquam uirtus sit animi, atq; asuescendo comparatur, sitq; eius contrarium, uitium, uolueret tamen scriptores quidam hanc quoq; uocem ab animo ad alia transferre: ut quum dicunt uirtutes herbarū, uirtutes generandi ac nutriendi, et stellarū quoq; atq; elementorum uirtutes. Quod fecisse pluribus in locis M. Vitruuium, qui Augusti temporibus scripsit, uidemus: nam et aquarum, et materie, et arborum uirtutes dicit. Quod ideo hic attigimus, ut qui agrestius philosophantur, sciant nos potentiam uitalem dicere eam, quæ ab ipsis uitalis uirtus dicitur. Virtus igitur potentiaq; ac uitalis uis siue potestas, à qua est, ut per generationem uita utamur, ad Solem referenda est: à Sole enim tanquam à fonte quodam manat, quū sit princeps ac moderator luminum reliquorum, sit dator lucis: unde et qui nascuntur, in lucem uenire dicuntur: autor etiam generationis, quippe quum calore suo et moueat, et mota uiuificet. Quid enim aliud uita est quam uiuificati corporis continuus motus? quod ita esse mors ostendit. Et quia ceteræ uires uirtutesq; atque potentie, nisi uiuificatū corpus sit, inesse corpori, ipsiq; animali nequeunt, idcirco uitalis potentie fons Sol esse dicitur, quod ab eo tanquam à fonte et uita, et cetera alia ueluti à principio manēt ac fluant. Naturalis uero uis potentiaq; per quam corpora uigent, et, ut hodie dicunt, uegetantur, ad Lunam referenda est, quod ea ipsa in frigido humefloq; dominatur, et quum à Sole illustretur, Solis ipsius ministeriū adiuuans, materiam ipsam et conciliat, et à Sole uiuificatam uegetat, illa etiam quæ uegitandis corporibus necessaria sunt subministrans. Quid autem sit uegetare, omnes intelligunt, qui arborū atq; herbarum corpora cōtemplantur, quæ quidem sine ira, cupiditateq; ipsa per se fouentur ac uigorem retinent. Vnde Sol ipse spiritus, id est uitalitatis, ut sic loquar, Luna corporis domina uocatur. Sed ad Græca nomina atq; ad translationem ipsam redeamus. Græcè

quod natura est, et quod naturale: item quod planta, seu stirps ac ger-
men, et quod uegetatiuum. Hoc propterea dicimus, quod sunt qui arbi-
trantur Ptolemaeum potius scriptum reliquisse quod per litteram τ , hoc
est uegetabile, quam quod per litteram σ naturale, ac dixisse Lunam fon-
tem esse potentiae uegetabilis potius quam naturalis. Illud etiam omitten-
dum non est, et huic enunciato et copluribus alijs Chaldaeos translatore
multa addidisse, quae Graece scripta non sunt, et ipsis quoque Ptolemaei uer-
bis à Graecis interpretibus etiam aliquid adiectum, dum nonnulla quae à prio-
ribus explanationis gratia adiecta sunt, sic à posterioribus accepta fuere,
ut ea Ptolemaei esse crederet. Adiecta sunt igitur loco huic, quod Saturnus
esset fons eius potentiae quae retentiu dicitur, quamuis sint qui rationalem
ad Saturnum referant, Iupiter eius potentiae ad quam incrementa referun-
tur, Mars potentiae irascibilis, Venus concupiscibilis, Mercurius discretivae,
quod logistica, hoc est discretivae uis ac rationalis, ad eum referatur. Mihi
uidetur Ptolemaeus de Sole Lunaque tantum enunciaſſe, ut quoniam in rebus
cunctis praedicendis, Luna Solisque coniunctionem oppositionem uel inspi-
ciendam in primis praecipisset, hac sententia mirum id uideri nequaquam
debere ostenderet, quum alter uitalis potentiae, altera uegetabilis origo sit,
ab ijsque uita et uita alimentatio fluat, et ueluti suis à fontibus deriuat.

P T O L E M A E V S. L X X X V I I.

Mensium conuersiones fiunt ex diebus uigintiocto,
horis duabus, ac minutis circiter decem et octo. Quidam
autem à peragratione Solis iudicant, quum pariliter exae-
quatus est gradui ac minuto, quod in initio obtinet.

P O N T A N V S.

Olim annus, qui nunc è duodecim constat mensibus, non eam quam ho-
die rationem habebat: propter paruam enim cognitionem rerum coelestium
diuersus erat, aliusque apud alios populos habebatur. Et Romae quidem pri-
mum decem fuit mensium, post duodecim, Numa Pompilio autore: ac ne tum
quidem ipse sibi constabat, donec Iulius Caesar eum probe constituit: unde
Iulianus annus dicitur. cuius menses ita quidem distribuit, ut alios è pluribus,
alios è paucioribus diebus statueret, adiecta post quadriennium die una. Quae
Caesaris distributio (tametsi mensis à Luna cursu uocatus putatur) solari
rationi magis conuenit, quam diebus tantum uigintiocto, horis duabus, ac mi-
nutis circiter decem et octo, cursum Luna suum conficiat: siquidem hoc tem-
pore à gradu signi, ubi cum Sole coijt, digressa, perque alia signa progre-
diens, ad eundem illum gradum reuertitur. Atque hic quidem est mensstruus Lu-
nae cursus, qui (ut dictum est) ex uigenis octonisque diebus, horis duabus et
minutis

minutis circiter denis octonis q̄, constituitur, quot diebus, horis ac minutis
 coeli duodecim signis peragrat, ad locū unde moueri coeperat Luna, par
 tiler redit. Quocirca mensis lunaris solari minor est mense, nec iuxta
 Caesaris constitutionē capiendus. Ptolemæus igitur, ne in reuoluendis mē
 sibus erraremus, dierum nos admonuit, ē quibus lunaris mensis constaret:
 siquidē mensium profectioes finito tempore (quod dictum est) incipiūt,
 neq; trigessimus aut trigessimus primus dies expectandus est, iuxta ciuili
 mensis constitutionē. Atq; hæc quidem de reuolutionibus mensium facien
 dis Ptolemæi opinio est: quanquam alij nonnulli sentire aliter uiderētur,
 qui non à Lunæ, sed à Solis cursu menscm reuoluendum putabant. Nam
 quum annus ad Solem referatur, menses quoq; ad Solis cursum referen
 dos iudicabant: tuncq; insequentem menscm incipiendum esse, quum Sol
 ad eum partiliter gradum ac minutū insequentis signi peruenisset, à quo
 gradu minutoq; antecedentis signi præteriti mensis initio discedere coepe
 rat: ut à quot partibus prioris signi antecedentis mensis initio Sol moueri
 coeperat, à tot etiam partibus signi posterioris insequentis mensis princi
 pio motus sui seriem inchoaret. Super hac re queri multa possent, & for
 tasse in ijs quæ ad Lunam maximè pertinent, lunaris mensis profectio
 nes: in ijs autem quæ ad Solem, solaris mensis profectioes seruande po
 tius sunt: quod nos in medio relinquimus. Menses autem lunares propè
 tredecim solari anno continentur: quod supputatio ipsa docebit, si dies
 trecentos ac sexagintaquinq; in dies uigintiocto, horas duas, & minuta
 decem & octo ter decies partiare.

PTOLEMÆVS. LXXXVIII.

Quum partis fortunæ profectioem in toto reuo
 lutionis anno facere uolumus, à Sole in Lunam, ac
 tantundem ab ascendente capimus.

PONTANVS.

Quum de mensibus reuoluendis sententiam suam tulisset, et ē quot die
 bus constituti essent Ptolemæus docuisset, ne in inueniendâ parte fortunæ
 titubaremus: & hoc quoq; docere nos uoluit, quod huiusmodi est, ut in
 uento gradu, quem Sol peragrat, ab eo gradu profecti, omnes gradus in se
 quentibus, dum ad Lunæ gradū peruenierimus, numeremus: quibus probè
 numeratis, ab ascendente gradu exorsitandū subsequentes gradus nume
 rabimus, donec summa illa finiatur: in quo autē gradu finita fuerit, is gra
 dus partis fortunæ locū nobis ostendet. Hæc regula superiori regulæ con
 uenienter subiicitur: illa enim mensium conuersiones facere, hæc in anno
 rum reuolutionibus partem fortunæ inuenire nos docet. In toto autem id

est uniuerso reuolutionis anno, ideo mihi dixisse uidetur, ne singulis mensibus partem fortunæ quæreremus, quòd locū illum totius anni significationem habere censeat: hoc in loco ut compluribus alijs in locis, quædam de genitura sunt adiecta. Sed qui Græcè sciunt, apertè intelligent Ptolemæi de sola anni reuolutione mentionē facere, id est de parte fortunæ in reuoluendis annis inuenienda. Inuento autē partis fortunæ loco, diligenter inspiciendū est, quibus irradiationibus ex à luminaribus, ex à planetis illustretur, qualis sit status ac natura domini signi, in quo fortunæ locus repertus est, seu dominatoris, qui plures dignioresq; in eo prærogatiuas habet: necnon hospitatoris, id est domini signi, quod dominator ac dominus signi partis fortunæ peragrat: Signorum quoq; ipsorum qualitas consideranda, uidendumq; quā profectio menstrua peruenierit ad id signū, in quo est pars fortunæ collocata, qualis sit cœli totius status. Quandoquidē bonum malumq; quod portendi uidebatur, si tunc cœli cōfiguratio permiciofior, aut fauorabilior fuerit, pro natura configurationis uel accumulabitur, uel minuetur. Sed ad opinionē Ptolemæi de fortunæ parte redeamus: præsertim quā pleriq; astrologi noctū à Luna in Solem proficiscendum arbitrentur. quod ipse in libro Apotelesmatum sic improbat: Pars quidem fortunæ die noctūq; semper à numero Solis in Lunā colligenda est, ipseq; numerus per totide gradus ab horoscopo in subsequētia signa produendus, ut quam Sol rationē figuratiōemq; ad orientē finitorem habet, eandem ad fortunæ partē habeat Luna, sitq; perinde ac lunaris horoscopus. Pari autē et eodem modo se habet, ut ab antiquis scriptū est, si quis nocturnis in genituris uoluerit à Luna in Solem per signa præcedentia numerare, quā ratione idē fortunæ locus, eademq; figuratiōis ratio inuenietur. Hæc Ptolemæus. Sed quid ueteres illi de parte fortunæ colligendā senserint, alienū non est referre: aliter enim quā nunc sentiebant. Siquidē Petosiris ac Necepsō, in quos omnis ferè astrologiæ laus referebatur, noctū à Luna in Solem numerandū censuere, nō tamen per signa progrediendo subsequētia, ut sit cū à Sole numeramus, sed per ea quæ antecedunt signa, contrario quā sit quā à Sole numeramus modo: quod quā fecerimus, nimirū idem utroq; modo partis fortunæ locus inuenietur, aut à Sole in Lunam per signa subsequētia, aut à Luna in Solem per antecedentia proficiscendo. Verbi gratia: In diurna genitura ascendit Arietis gradus primus, Luna quidem in primo Cancrī, Sole autē in uigesimo gradu Piscium collocatis, si à Sole in Lunam numerādo progressus fueris per signa quæ insequuntur, inuenies Solem à Luna gradibus centū abesse: hoc factō à primo gradu Arietis per insequentia signa proficiscere, donec summa centum

graduū:

graduum desinat: desinet autem in decimo Cancrī gradu, qui partis fortunæ locus erit. Sit rursus nocturna genitura, in qua primus etiā Arietis gradus ascendat, habeatq; Solem in uigesimo gradu Tauri, Lunam in primo Virginis cōstitutam, si tunc à Luna in Solem proficisceris per signa quæ antecedunt, à primo gradu Virginis per Leonem, Cancrum, Geminos, ac Taurū recedendo, inuenies à Sole Lunam gradibus centum abesse: quem rursus numerum inuenies, si à Sole in Lunam per signa subsequētia progredieris, tunc ab ascendente principio capto fortunæ locus in decimo gradu Cancrī eadem ratione comperietur. Quæ causa Ptolemæum adducit, ut die noctuq; in Lunam à Sole numerandum censeat. Iulius tamen Maternus, & pleriq; omnes nostri temporis, nocturnis in genituris à Luna in Solem per signa quæ subsequuntur eundem iubent. Nos tantam rem atq; inter tantos auctores, in medium relinquemus. Iudicat autem Ptolemæus, horoscopus ipsum diurnum ac solarem, locum autem partis fortunæ nocturnum ac lunarem esse, & quam Sol ad horoscopus rationens habet, eadem habere ad partem fortunæ Lunam. Quum enim Sol ac Luna uegetare ac uiuificare animantia uideantur, & horoscopus quidē, qui nati corpus, uitalemq; eius qualitatem significat, Soli adscribatur, iure pars fortunæ, cuius locus eandem ad Lunam, quam ascendētis locus ad Solem proportionem habet, Lunæ adscribenda est, ut sit quodammodo lunaris quidam horoscopus: & quemadmodum horoscopus statum qualitatemq; animati corporis, & eorum quæ corporis sunt, significat, sic pars fortunæ ueluti lunaris alter horoscopus externas res, quæ scilicet exterius accidunt, significet, unde fortunæ pars dicta est. Quum igitur Solem uitalis potentiæ, Lunam uegetabilis fontem esse dixisset, cōuenienter duæ hæc quæ præcedunt enunciata subiunxit: quorum altero ostendit, in reuolutionibus annorum, quæ quidē in hominum uita significationes ualidissimas habent, menses ad Lunam referendos esse: altero partē fortunæ, quæ ualidissima etiam potestatis est, à Sole capiendam esse.

PTOLEMÆVS.

LXXXIX.

Quæ sunt aui, septimo à loco: quæ autem patril, à sexto uide.

PONTANVS.

In constituendis geniturarum figuris quartus patri locus, fratri tertius adscribitur: atq; ut tertius locus fratris, sic quartus patris statum & qualitatem demonstrat. Quocirca si quartus genituræ locus patrem, tertius fratres indicat: pater enim unus est, fratres esse plures sepe numero contingit, interdum etiam nullos. quid mirum est, si locus septimus auum,

14 3

sextus

tur contemplaberis: cuius naturam, vires, qualitatemq; quum probè consideraueris, de qualitate rei illius, id est qualis sit, sententiam feres: siquidem res ipsa loci signiq; illius naturam sequetur. Vt autem res ipsa expressior, et magis ac magis certa appareat, quàm tot rerum similitudines atq; affinitates sint, et color quidem magnum rei indicium faciat, postquam hæc quæ dicta sunt, contemplatus fueris, rei quoq; illius color inuestigandus est, quæ horæ dominus indicabit. Singule namq; horæ singulis planetis distributæ sunt. quæ distributio incipiendâ est à planeta illo qui nomen dat diei. Si enim est dies Lunæ, hora prima Lunæ, secundâ Saturno, tertiâ Ioui, ac deinceps adscribetur in circuitum ad finem usq; diei noctisq; progrediendo. Oportet itaq; te non ignorare, quis color cui planetæ dedicatus sit. Quinetiam ubi horæ dominus, id est coloris indicator, alij planetæ commixtus erit, ipsos quoq; colores ut misceas oportet. Horæ dominum dicimus eum, qui Græcè *Αρχυρ* est. Post hæc ut quàm diu res illa latuerit, aut quâto post tempore in lucem uentura sit, cognoscas, locum Lunæ indagabis. Quod si Lunæ situs subterraneus fuerit, rei illius uetustatem: sin superterraneus, hoc est, ut Luna in superiori hemisphærio feratur, rem ipsam recentem esse testificabitur. Nonnulli tamen in his cognoscendis non Lunæ situm, sed dominatoris attendendum magis existimant, ut dominator ipse quum occidius fuerit ac uespertinus, uetustatem præseferat: quum matutinus, orientalis sue (orientalem enim hodie dicunt, qui Græcè est *ανατολὴ*) rem ipsam nouam ac recentem esse significet. quod Ptolemæus à Lunæ tantum loco iudicandum decernit. Nam Luna sub terra constituta, quod ipsa a nobis absit, ueterem rem esse indicat: uetusta enim sunt, quæ a temporis huius præsentia remota sunt. Sed uetustas illa maior minor ue iudicari poterit à collocatione Lunæ in hemisphærio inferiori: quæ quum in secundo loco posita est, propinquior nobis est quàm quum in quinto aut sexto loco. Eodem modo nouitas, et ut ita dixerim, recentia iudicabitur. in hemisphærio enim superiori constituta quum ipsa præsens sit, rem præsentem, id est recentem, portendit: eaq; recentior portenditur, quum Luna in loco undecimo, quum in octauo collocata inueniatur. Hæc eadē consideratio palam nobis faciet, si ne diutius res illa in occulto atq; abdito futura, an citius manifestanda, atq; in lucem uentura. Verum si Ptolemæi uerba probè considerentur, locus Lunæ tempus ipsum, id est rei antiquitatem, nouitatem ue magis quàm diurnitatem occultationis, aut breuitatem indicationis significabit. Nam quum ait, locus Lunæ tempus monstrat, critq; res noua, si super terram: sin sub terram, uetus: uidetur declarare tempus illud non ad diurnitatem, breuitatem ue occultationis, sed ad nouitatem aut uetustatem rei

rei referendū esse, ut si noua sit uestis aut uetus. Et quoniam rebus ipsis tū longitudo, tum breuitas accidit, quantitate enim continentur, ut ex hac inspectione res illa certius cognoscatur, patet fortunæ considerabitur: cuius locus ac signum pro qualitate sua, naturaq; configurationis, sit ne res illa longa, an contra breuis, an fortasse mediocris stature, spatij aut mensuræ, manifestò declarabit. Hoc autem à parte fortunæ quæri debere, ratione non caret. Quum enim ascendens et locus partis fortunæ præcipuæ auctoritatis sint, et in rebus considerandis qualitatis quantitatisq; præcipua ratio habeatur, et qualitas ipsa ab ascendente significationē accipiat, quæ sequitur quantitas à loco partis fortunæ iure significationem accipiet. Ac ne te substantia rei lateat: neq; enim res quæ corporea est, carere substantia potest, quū tria hæc prædicamenta (sic enim à philosophis uocantur) substantia, qualitas, quantitasq; res ipsas manifestent, ac nihil corporeū absq; ijs sit: ut substantia, inquam, ipsa rei deprehendi possit, fines inspiciedi sunt tum mediij, tum etiam imi coeli, et ipsorum quoq; finium dominus, qui à Græcis ὑπὸ πλάτωνος dicitur: ipse enim finium dominus, siue unus, siue duo fuerint (fieri enim potest, ut fines mediij coeli sint alterius planetæ, quàm imi coeli fines) rei tibi substantiam indicabunt. His præceptis, obseruationibusq; tenendis rei substantia, qualitas, quantitasq; deprehendetur. Sed uideamus quàm conuenienter, appositeq; hæc dicantur. À cardine mediij et imi coeli, hoc est à domino finium, qui cardines ipsos cum dominatu quodam tenet, substantia, à cardine ascendentis coeli qualitas, à loco partis fortunæ quantitas queritur. quæ quū sint in omni consideratione primaria, primarijs figuræ locis attribuuntur querenda. Domino enim finium mediij coeli propter cardinis prærogatiuam meritò substantia, quæ prima est, adscribitur, dominatoris loco qualitas, si ascendens non aspexerit: sin aspexerit, ascendenti. Loco partis fortunæ, qui Lunæ ascendens esse perhibetur, estq; secundus quidam horoscopus, quantitas, cuius est tertia consideratio, attribuitur. Adhæc quoniam res hominū, quæ hoc modo quæri à mathematico possunt, principium aliquod habuere, et quæ aliquando facta sunt, necesse est ut in tempore facta fuerint, ac si nuper fieri contigit, sunt noua, sin olim, uetera. hæc inquisitio magna cum ratione Lunæ delegata est: tum quia Luna propter cōtinuas deflexiones, et accessus celerrimos, ad alium atq; aliū planetam, eorū quæ fiunt excitatrix et princeps causa est: tum quia mensium domina est, ex quibus anni cōstituuntur. Ac tametsi Sol dierum atq; annorū autor est, tamen nec quod annum latuit rectè dicitur paulò antè latuisse, nec diu abditum fuisse quod diem tantum unum, aut pauculos fortè dies latuit. Quocirca rei occultæ aut abditæ uetustas

novitasq;

non ita; & an res ipsa quæ latet uetus, an recens sit, à mensurâ enumeratione rectius queritur, hæcque inuestigatio Lunæ loco iure dedicatur.

PTOLEMÆVS.

XCI.

Malum signum est, quū ægroti dominator combustus est, maxime si fortunæ pars affligitur.

PONTANVS.

Planeta sub Solis radijs constituti malè se habent, quippe qui maiore à potestate superati, perinde ut prostrati atque attriti iacent. Eos Sole xustos auctoritatem, prærogatiuamque propriam retinere non possunt. Quid enim Solis radijs flagrantius? aut eius maiestate augustius? Quocirca malè se res habet, si quo tempore ægrotare quis cepit, significator ægroti ipsius aut in radios Solis iam incidit, aut parum abest dum incidat. multo autem deterius se res habebit, si tum quoque pars fortunæ natalitiæ, seu cōuersionis anni illius, infelicitè affecta fuerit, à maleficiis maleficarum stellarum configurationibus exagitata, aut in loco abiectio reperta: est enim res hæc indicio, ægroti illius uires à morbo superatum iri. Græcè *ἡναγος* dicitur planeta sub radijs Solis positus, id est *subradiatus*: quod uerbum quia uideretur asperius, magis placuit recentioribus combustum uocare. Significator igitur, hoc est planeta, qui in figura ægrotationis possentior inuentus est, combustus à Sole, ac si in carcerem coniectus esset, nullū ægro asserre posse auxilium uidetur. ut si pater familiās, aut dux exercitus in carcerem cōiectus, catenisque uinctus sit: neque enim aut pater familiās laborantem familiam, aut dux militem ab hoste circumuentum opera sua tueri poterit, quum sui iuris nō est. Locus quoque partis fortunæ quum sit tanquam locus opis, subsidij, atque externi fauoris, hoc oppresso uidetur etiam auxiliij atque suppetiarum uia obstructa, quod signum nisi pessimum esse nequit. Idcirco autem future mortis signum non dixit, quod tempus uite à gentura promissum inspiciendum sit, quod uidenda sint loca perniciosæ, quod considerandus planeta emissor, quod item obseruandum quàm lato spatio planeta in ipse ab æquinoctiali linea feratur, & quæ sit signi obliquitas, & alia etiam nonnulla prius quàm de morte pronuncietur.

PTOLEMÆVS.

XCII.

Saturnus orientalis non adeò nocet ægro, sicut nec Mars occiduus.

PONTANVS.

Si, inquit, Saturnus in figura languētis dominator inuentus fuerit, reuocatusque à puncto, in quo Soli coheserat, non tamen ut omnino à radijs solaribus se explicauerit, non adeò nocens atque aduersus erit, nec tantum

ægro

agro periculum imminet, neq; morbus ipse usque adeo perniciosus futurus
 est. Martis uero stella minus noxia futura est, neq; morbus tantopere gra-
 uis periculosusq; si tempore incipientis morbi aliquanto remotior à Sole
 fuerit, ut nondum Soli partiliter iungatur. Mars enim occiduus, Satur-
 nus orientalis minus nocet. cuius rei ratio hæc esse uidetur, quod Saturni
 stella quâ sit frigidissima, Solis radijs calefacta, postquam ab Sole ipso sese
 explicauit, solarem illam tepescatione et quodammodo temperamentum
 aliquandiu retinet: quo temperamento quum frigida uis eius remissior fa-
 cta sit, usque adeo nocere non potest. Contrâ, Martis natura quâ sit feruen-
 tissima, Solis radijs perinde ac repressa, uimq; potentiorẽ sentiens, non-
 nihil remittitur antequam Soli iungitur: ex qua remissione, quod feruor
 eius temperationem quandam se adeptum sentiat, effruescere minus pote-
 rit, nec tam noxius erit. Cuius rei facere fidem potest, quod si quando digi-
 tum prunæ aut carboni negligentius admoimus, ex qua admotione digi-
 tum torruerimus, si cum digitũ flammis igniq; feruentiori admoerimus,
 admotumq; diutius reprimi, ac retorrem ab igne siuerimus, tostura ipsa
 sedatur, ac minus minusq; sentitur. Quinetiam si lucernam magno et per-
 flagranti igni admoeris, suam flammulam conseruare non poterit, quan-
 do, ut inquit Aristoteles, magnus ille ignis exiguum ad se rapit. Itaq; Mars
 potentissimos Solis aduentantis radios sentiens, de suo calore plurimum
 amittit. Sed Ptolemæi uerba diligenter animaduertenda sunt: non enim di-
 citur eas stellas quâ maleficæ suaspe natura sint, non nocturnas, sed minus no-
 xias fore, quod, ut dictũ est, remissiores fiant. Ex quo fit, ut Mars Soli pro-
 pinquior factus, non tamen coniunctus, Saturnus à cõiunctione recedens,
 non tamen ut omnino à Sole sit explicatus, in morbis ipsis minus graues
 inueniantur. Sunt qui alia ratione interpretentur, existimentq; tũ ob cœ-
 lestium regionum, tum ob Martis Saturniq; cõditionem, sic accipiendum
 esse, ut quum cœlum in quatuor partes distributum sit, et pars, quæ orien-
 talis dicitur, Saturno adscripta sit, Saturnus ipse minus aduersus agro fu-
 turus sit, si orientalis, hoc est in parte sua inuentus fuerit: Mars minus per-
 niciosus, si occiduus, id est in parte occidua sibi attributa incipiente morbo-
 collocatus inuenietur. Quæ opinio causa fuit, ut tametsi in codicibus Græ-
 cis de maleficis tantum, id est de Saturno Marteq; fiat mentio, additum ta-
 men à Babylonijs sit, Iouis benignitatem accumulari, quâ in parte septen-
 trionali: item Veneris, quum in parte meridiali incipientis morbi tempore
 reperiri contigerit. Ne non mediocriter reddit dubium, quod plerumque
 quos matutinos, seu uespertinos planetas nos dicimus, Ptolemæius ἀνατολί-
 κους et ὀρεσθενεὶς dicit: quos autem nostros, orientales et occidentales, ipse

ἡ ἀπὸ τοῦ ἡλίου καὶ τοῦ ἀφροδίτου, sine ἀφροδίτου vocat. Plerumq; tamen, ut dixi, non semper: quum nonnunquam promiscuè apelioticum & anatolicum capiatur. Atque hæc quidem observatio superiori rectè subijcitur, quum utraq; ad morbos pertineat.

P T O L E M A E V S.

X C I I I.

Ex figuris nō antè iudicabis, quàm cōiunctionē feceris. Principia enim in unaquaq; conijunctione transmutantur: quocirca ambas misceto, nec errabis.

P O N T A N V S.

Non semel, uerum etiam sæpius Ptolemæus nos admonet lunaris cum Sole coitus contemplandi: nec profectò absq; summa ratione: quum enim Sol mediam mundi regionem teneat, eius in ipso mundo autoritatis potestatisq; est, cuius in corpore animalium est cor: atque ut corpori uniuerso cor, sic coelo ac mundo Sol præest. Luna quoque quod terris finitima, non modò Solis, uerum etiam cæterorum planetarum radios atq; influxus ab illis acceptos terris refundat, ac cursus sui permittit singulis mensibus eisdem coniungatur, iure etiam potestas eius secundo loco habetur, iure utriusq; cōiunctio cum primis obseruanda præcipitur. Monemur igitur quum de re negotioq; quopiam suscipiendo cōsulimur, licet interrogatio- nis figuram cōstituerimus, licet planetarū configurationes collocationesq; probe inspeximus, licet etiam cōiunctionem Solis ac Lunæ, quæ præcesit questionem, cōsiderauerimus, ne antè quid cœlum promittere uideatur iudicemus, aut negociū de quo quæritur suscipiendū censeamus, quàm cōiunctionem etiam Lunæ ac Solis proximè futuram contemplati fuerimus: quod principia singulis cōiunctionibus mutari soleant, id est, quod significatio illa cœlestis, quæ ab antecedente cōiunctione portendebatur, influxusq; cœlestes in elementis, rebusq; elementaribus, à cōiunctione in cōiunctionem mensuram mutationē suscipiant. hoc autem eiusmodi est: Quærit scire ex nobis Marcus, an cōmodum futurum sit, si ipse cum familiaris migret. Nos constituta consultationis huius figuræ, quæ ab ipsa figura portendantur, primam uidebimus, deinde ne decipiamur, figuram etiam lunaris cum Sole coitus, qui proximè antecessit, inspicimus. & ipsas figurarū significationesq; conferemus. Quia uerò huiusmodi interrogatio paulò ante finem mensis facta est, & principia, ut dictum est, singulis Lunæ cum Sole cōiunctionibus mutantur, figuram etiam futuræ cōiunctionis Lunæ cum Sole constituemus, quàm cum præteritæ cōiunctionis figuræ conferemus, & secundū qualitatem collationis iudicabimus, significatione significationibus cōparando. Hoc est igitur quod Ptolemæus præcipit, ut

x a utraq;

utranq; figuram misceamus, figuram scilicet coniunctionis eius quæ antecessit, & eius quæ mox insequetur. Hoc autem propter principia, quæ singulis Lunæ cum Sole coniunctionibus iuxta naturam qualitatemq; celestis configurationis mutantur. Quibus figuris, earumq; significationibus inuicem comparatis, exacteq; pensitatis, in ferenda sententia errari non poterit. Sunt qui præceptū hoc ad principatus ac regna referant, nec Solis Lunæq; sed aliorū planetarum cōiunctiones intelligendas censeant: quia etiam ubi nos principia transfulimus, ipsi transferant intelligantq; imperia: Græcè enim ἀρχὴ utrunq; significat, principium & dominatum. Iuxta quorum opinionem uerba Ptolemæi uertenda sic erūt: ex figuris non antè iudicabis, quàm coniunctionem feceris. Imperia enim in unaquaq; coniunctione mutantur, capiendō coniunctionem non Solis Lunæq;, sed cæterorum planetarum cōiū, quod huiusmodi est. Imperia, regna, & Pontificatus maximi non antè cœperunt, quàm à potenti aliqua & maxime ualida planetarū coniunctione significarentur: quibus inceptis ac permanentibus necesse est, pōst aliæ atq; aliæ, & quidem diuersæ planetarū coniunctiones sequantur, ac pro figurarū coniunctionumq; qualitate dominatores mutantur, ac nunchi, nunc illi dominatū suscipiant. Quamobrem in rebus principatū, regnorum, ac Pontificatus maximi prædicendis, nō semper primi illi dominatores attendendi sunt, sed potius qui pro tempore fuerint, quū mutari eos contingat. Fieri enim potest, ut dominatus qui principio Saturni aut Iouis fuit, transferatur in Martem propter autoritatem coniunctionis pōst insecutæ: ex qua mutatione Saturnini aut Iouiij in Martium dominatus, necesse est, rerū regni, pontificatūq; mutatio sequatur, pro natura rerum significationumq; quæ à Marte portenduntur. Ne igitur (si de ijs iudicaturi sumus) aut sponte nostra, aut cōsulti ab rege pontificæue, inconsultius aliquid pronunciemus aut respondeamus, figuras cōstituemus tum cōiunctionis, quæ regno pontificatūq; initū peperit, tum coniunctionis, quæ pōst insecuta causam præbuit initij cum ipso dominatore mutandi. Figuræq; ipsas probè constitutas inuicem conferemus, collatasq; miscebimus, atq; alterius significationes cum alterius significationibus miscendo temperabimus. Quibus tēperatis, rebusq; de quibus prædicturi sumus pro natura sua pensitatis, uix fieri potest, ut in pronuntiando respondendoq; labamur. Hanc nos opinionē ut sanam etiam atq; etiam probamus: ueremur tamen ne nō satis huic Ptolemæi enunciato cōueniat: consuevit enim Ptolemæus, quoties ἀρχὴ, id est coniunctionem dicit, Lunæ Solisq; coniunctionem capere: quum autem planetarum aliorum coniunctionem significare uult, quorum ea cōiunctio planetarū sit, nomī-

natū

nam exprimit. Quocirca quum hoc in loco synodum tantum dicat, Solis ac Lunę synodus intelligenda uidetur, iuxta consuetudinem eius. Adhuc ubi dicit, ambas misceto, si de coniunctionibus planetarum aliorum, quā de Solis Lunęq; cōiunctionibus intelligeret, ambas non dixisset. Nam ex quo regnum principatus uel cepit, quum alias atq; alias planetarum coniunctiones fieri contingat, singulisq; coniunctionibus initia (ut ipse ait) mutantur, nō ambas, id est duas tantum diceret, sed quod fuisse contigisset. Sin duas tantum postremas intelligi uellet, non dixisset, ambas misceto, sed duas postremas. Verba ipsa Gręca sunt ἀμφοτέρων χύματα, id est ambas figuras, siue utraq; figuram. Igitur cum οὐροδωπ tantum dicat, nec cuius sit addat, sitq; mos Ptolemęi, Solis Lunęq; coniunctionem significare, quoties οὐροδωπ tantum dicit: adhuc cum ambas, non omnes, nec duas postremas dicat, et planetarum coniunctiones plures ac diuersę sint, ac regno principatūq; permanente, multas fieri contingat: contrā, quum interrogationes ipsas necessario proxima una Solis Lunęq; coniunctio antegredietur, altera itē una proximē sequatur, hęq; tantummodo sint due, iure quum ambas dicit, duas has Solis Lunęq; coniunctiones dicere uidetur: quarum altera, ut dictū est, proximē antecessit, altera proximē sequitur, ipsaq; Ptolemęi uerba sic erunt intelligenda. Ex figuris scilicet interrogationis ac nouilunij, quod nouilunium interrogationem ipsam proximē antecessit, non antē iudicium ferēs, quā figuram nouilunij mox insequentis feceris, propter principia quę in unoquoq; nouilunio mutantur: atq; ubi coniunctionis utriusq; et antegressę et futurę, constitutionem feceris, simul utraq; miscebis et conferes, significationesq; inuicem cōparabis, quibus mixtis cōparatisq; errare non poteris. Poterit autem qui hęc uiderit, suum quoq; iudicium utraq; de opinione ferre.

PTOLEMÆVS.

XCIIII.

Locus potentioris ex dominatoribus ea quę in cogitatione festitantis sunt, indicat.

PONTANVS.

Qui ad nos consulturus uenit, de re profecto aliqua, quam aut destinat facere, aut destinaturus est, ut consulat uenit, forsitan etiam tentaturus uenit. Ut ueniat, sit, non sine animi sui motu uenit ad consulendū. Qualis autem motus eius, quęq; consultoris mens sit, et quam in rem intendat, dominatorum princeps monstrabit. Quum enim interior animi motus causa sit quę illū ad interrogandū adducat, cognito atq; inspecto planeta, quod motus eius excitator est, mens uoluntasq; consultoris ipsius apparebit. Prima igitur motus illius causa ab dominatorum principe, ubi plures domi-

natores erunt, id est qui ex omnibus maxime pollens est, quaeretur. Pol-
lentissimus autem erit, qui in cardine collocatus & plures, & digniores
prærogatiuas habebit, ac felicius illustrabitur, & quacunq; parte consi-
deratus maiore autoritate præditus erit. Hoc autem inuento, loci quoq; et
signi, in quo positus est, qualitas animaduertenda est. Namq; si decimo in
loco erit, mens, cogitatio, propositum q; eius de ijs rebus erit, quæ loco de
cimo adscriptæ sunt, puta de gerendo magistratu, de dignitate, de magiste-
rio, de regno, deq; actionibus ad hæc ipsa pertinetibus. Quinetiam ut pro-
positum consultoris, & id in quod ipse intentus est, magis magisq; intro-
spiciatur, natura dominatoris illius, qui cæteris præest, probè examinan-
da est, ac uidentæ res quæ potestati significationiq; eius attributæ sunt.
Nec ab re fuerit, aspicientium qualitates considerare, ut unâ miscere, si quid
miscendum uidebitur, possis. Oportet enim mathematicum solertem esse,
cuius solertia in miscendis temperandisq; signorū ac planetarum qualita-
tibus, eorūq; significationibus potissimū perspicitur. Hoc enunciatū quum
ad interrogationes planè pertineat, sitq; superiori subiectū, uideri fortasse
poterit nōnihil opinionē nostram sustinere, ut quæ superiori tradita sunt
præcepto, de Solis Lunaq; non de aliorū planetarū coniunctionibus intelli-
gēda sint. Cōsueuit enim Ptolemæus eiusdē materiæ præcepta cōiungere.

P T O L E M A E V S .

X C V .

Quæ cum singulis oriuntur decurijs, ea natiuo-
luntatem ad artem quam tractat comprobant.

P O N T A N U S .

Quanta mathematici cura & quā intenuū studium esse debeat, singu-
la Ptolemæi nō modò præcepta, sed propè uerba nos docent: sunt enim tū
multiplices, tum maxime difficiles eius considerationes. Atq; ut ad rem,
qua de agitur, quæ quidem obstrusissima est ueniamus. Vetustissimorū ma-
thematicorum sententiæ cōuenere, ut in singulis decem gradibus signi cu-
iusq; quos decem gradus Græci Διέκοντες, ego sepius decurias uocaui, re-
centiores satis ineptè facies appellant, imagines quædam atq; simulacra
cum ipsis quidem decurijs oriuntur, ea Græcè dicuntur ὑποφαντικὰ, à
nostris hodie, ut dixi, uocantur imagines, ego libētius uocarim simulacra.
Hæc, inquam, simulacra in genituris, nataliisq; stellarū decretis cum pri-
mis sunt considerata, quod ad imaginariam uim imprimendam plurimū
conferant. Quamobrè ut intelligere possimus quas ad res natus ille, cuius
mores ac fatam querimus, propensior futurus sit, non parū profuerit per-
scrutari, quod cū ascendente nati eius simulacrū exortum sit: siquidem in
orientis cardine constitutū, ac uim suā in imaginaria illius imprimens, ma-

gñ ac magis nati phantasiā excitabit: quā excitat a, uoluntatē etiam ingenerabit, atq; à planetis signisq; ingeneratam etiā augebit, ut eas artes sequatur, atq; in ijs uersetur, illis demū ipsis delectetur, quæ à simulacro ipso significantur, ad quæ exercēda ab insit a ui simulacri cōmouetur. Auiq; affirmare, secretas quasdam appetitiones, animorūq; propensiones ab his potissimū simulacris defluere. Dicitur autē cum prima Arietis decuria nigri hominis simulacrū oriri, stantis quidē et albo induti, præcinctiq; atq; irato similis, magno quidē corpore, rufis oculis ac ualidis uiribus. In secūda decuria mulieris simulacrū, cuius uestis exterior quidē rubra, interior alba est, et ipsa pedem alterū protendere uidetur, ac si ornātū, uestē, ac filiū inquirat. In tertia simulacrū albi hominis, ceterum rufi capillo, ac uestitu rubetē, ipse inquietus atq; irato similis, aureamq; armillā manu gestans, ligneum baculū præferat, eo mentis acumine, ac nouorū artificiorū studio, ut uideatur bona multa præstare uelle, quæ tamen ut cupit implere nequeat. Hæc de Ariete attigimus, ut ex his lector intelligere apertē possit, quæ sint hæc simulacra de quibus Ptolemæus præcipit, atq; ut ex simulacri cuiusq; habitu quid nato portendatur conijciat.

PTOLEMÆVS.

XCVI.

Significantia eclipsis decreta sunt eius quæ proprius cardines. Considera etiā naturam stellarū simul consistentium tum erraticarum, tum fixarū, ac etiam simulacra coorientia, & secundum hæc pronuncia.

PONTANVS.

Lunæ Solisq; obscuratio Græcè *ἡλιος*, à maioribus nostris deliquiū & defectus indifferenter dicitur. Eius uires rebus his inferioribus afficiens dis potentiſsimæ, et ut ita dixerim, principalissimæ sunt: quandoquidem luminaria ipsa corpori spirituiq; id est uitæ dominantur, ac radijs agitationibusq; suis elementa ipsa, quæq; ex elementis cōstant, sic moderentur, ut rustici etiam id intelligant. Iure igitur à mathematicis quoties contigerit, diligentissimè obseruanda est, siue ea solaris, siue lunaris eclipsis fuerit, atq; eò magis quòd docti indoctiq; eclipses ipsas mirum in modum formidant. Quid enim horribilius, quam fulgentissima illa corpora tenebris atq; obscuritate obducta, repente oculis eripi? Ipsorum autem defectuum significationes maiores minoresue, tum pro ipsorum magnitudine aut exi-
guitate, tum etiam pro cœli locis, in quibus fieri eos contingit, esse consue-
re. Cardinales enim pollentiores sunt, ac uehementius afficiunt, quippe
quum cardines sint prima mundi loca, in quibus planeta collocati cum
maiestate præsidēt. Quocirca rectè Ptolemæus dixit, eclipsis decreta illa
quidē

quidem significantia, id est admodum potentia esse, quæ propius cardines sunt, uidelicet quæ significantur portendunturq; à defectu, qui sit in gradibus cœli angulo proximis, aut in loco cardini finitimo ea fore maioris efficacie. Verum ad significationes ipsas exactius cognoscendas duo in primis à mathematico uidenda sunt, spatium defectus, id est quantitas obscurationis, et cardinum propinquitas. Quibus uisis restat etiam cōsiderare quæ stelle siue fixæ, siue erraticæ, cū Sole Lunaque simul sint, dum ipsa luminaria deliquescunt. Simulacra quoq; quæ diximus Græcè uocari παρακλάσεις, quæ uidelicet eum horoscopo atq; ascendente decuria exurgunt, uidenda. Quibus uisis inspeculisq; pro natura loci et stellarum coniunctionarum, proq; simulacri significatione iudicium proferemus. Atq; (ut distinctius pronunciare possimus, quibus in regionibus significationes illæ casuræ sint, aut quibus minentur urbibus) mundi declinationes, quæ Græcè dicuntur λήματα, considerabimus, nec non cardines, id est ortum, occasum, medium et inum: cōuersiones etiam regnorum, et urbium, et geniturarum, ut intelligamus quibus regibus, regnis, populis, nationibus, ciuitatibus, hominibus deniq; ea quæ portenduntur immineant: quibus etiam in rebus damna sint obuentura, in domesticis ne facultatibus, an in dignitatibus, an in uxore, liberis, prædijs, rebus sue alijs: an deniq; in uita, pro natura loci, quem signum illud obtinebat in genituris hominum, in foundationibus urbium, in creationibus regum, in figura conuersionis anni, quo in signo defectus factus est. Tempus autem quo significationum effectus manifesti fient, ex præceptis quæ superiore libro tradita sunt, intelligetur. Horæ namq; et horarum minutæ partes, annos, menses, ac dies indicabunt. In primis autem cōsiderare nos oportet, an cardo eclipsi proximus, sit cardo diei noctisue, qua deliquium fit, an figuræ cōuersionis anni, an creationis regis, an foundationis urbium, an genituræ: et si est cardo diei noctisue, quem locum signū id tenebat in genitura, in foundatione, in regis creatione, ut iudiciū quod ferendum est, constare sibi possit: quū errare necesse sit, ubi hæc fuerint neglecta. Quod reliquū est, quodq; aliàs diximus, nos indifferenter pro arbitrio, atq; ut locus ipse magis suadet, nomen ἀντίληπος conuertimus nunc effectū, nunc significationem, nunc decretū, ut hoc loco, nunc iudicium, nonnunquam operationem, actionem, efficaciam.

P T O L E M A E V S.

XCVII.

Res de qua est sciscitatio, breui perficitur, quum nouilunij seu plenilunij dominus cardinalis est.

P O N T A N V S.

Hoc præceptum ad quæstiones, hoc est interrogationes tantum pertinet.

NCT.

nere, auctoris ipsius uerba declarant, et ipsum per se quidem patet. Tanta autem uis autoritasque cardinum esse perhibetur, uti negotium de quo consiliumur, non solum faciendum, sed breui etiam perficiendum decernat, si dominus nouilunij plenilunij ue in cardine sit inuentus. Licet autem dominus ipse cardinalis sit, uidendum tamen ne in deprecatione sua langueat, neue à maleficis stellis hostiliter irradietur: hæc enim negotium ipsum non parum impediunt. Quod autem ad translationem ipsam pertinet, Græcè ubi à nobis dominus dicitur, est ὁ κύριος: ne quis pro domino accipiat dominatorem, qui Græcè dicitur ὁ κατακτητής. Et dominator quidem est qui pluribus maioribusque prerogatiuis præditus est: dominus, qui signo præest. uerbi gratia, Mars est dominus Arietis, Sol Leonis, Mercurius Geminorum. Vbi etiam Græcè est ἡγεμὼν, nos res transtulimus. Nam et rem, et negotium Græcè ἡγεμὼν significat. Meminisse etiam debemus superiore libro dictum esse, ubi dominator nouilunij cardinalis esset, significare quæ toto essent mense futura. quod quidem non mediocriter confirmat hoc quod nunc de negotio consiciendo dicitur: sed illic de dominatore tantum nouilunij mentionem facit, hic de domino etiam plenilunij. In enunciato sexagesimo secundo, item sexagesimo quarto nullam de plenilunij dominatore mentionem facit, præ se ferens aliam in rebus ac negotijs alijs considerationem habendam esse: et nouilunium quidem principalius est, plenilunium secundæ cuiusdam autoritatis, quum nouilunium mensis cursusque seriem inchoet, plenilunium non ab se, sed ab nouilunio principium trahat. Dominum hunc plenilunij nouilunijque non putamus intelligendum qui signo dominetur, in quo coniunctio oppositionis facta est, nam de more suo dominum loci nouilunij aut plenilunij dixisset, sed potius signi dominum, quod coniunctionis oppositionisque tempore horoscopat. Videndus est igitur dominus plenilunij, si plenilunium antecessit interrogationem: sin nouilunium præcessit, dominus eius inspicietur. Huic enunciato adiecta etiam nonnulla sunt in libris qui ex Chaldeo conuersi sunt, quæ etsi uana non sunt, à Ptolemæo tamen hac in parte non traduntur, neque Græcis in codicibus leguntur.

PTOLEMÆVS.

XCVIII.

Traiectiones atque crinitæ secundas partes in iudicijs ferunt.

PONTANVS.

Quum dixisset maximas ac ualentissimas eclipsium significationes esse, hoc in loco docere nos uoluit, quam et cometarum, et traiectionum habere rationem debeamus. Eclipses enim in coelo fiunt, comete in aëre. Et

cometæ quidem quum stellæ non sint, ita tamen ignescunt ut stellæ putentur: contrā, Sol ac Luna quū sint stellæ, & quidem luminarēs, fulgore repente ablato ac si deficiant, obscurantur: quæ obscurationes eclipses uocantur. Eam, inquit, de crinitis traiectionibusq; quū in aëre cernuntur, rationem habere nos oportet, quæ habenda de ijs est, quæ non proprijs, sed alienis, non primis, sed secundis potestatibus nituntur, uiribusq; utuntur minoribus. Et secundaria quidem, sic enim uocari par est, ab stellis excitata, ac sursum ducta, raptaq; in corpusq; obdensata, in aëre cernuntur, quæ stellarum ipsarū opera, ut ab illis effecta merito dicuntur. At stellæ coelo feruntur, suntq; efficientes causæ. Itaq; primæ ac potissimæ illarū partes ad significandum atq; efficiendum sunt. quam ob causam prima maximaq; tribuenda ijs autoritas est, secunda uero autoritas, & ut ita dixerim, mutuatitia potestas secundarijs. Quæ autem sint quæ dicuntur secundaria, Ptolemeus docet, crinitas & traiectiones nominans, quas ipse *Αιολισσας*, et *κρηταιας* suas, id est Græca lingua uocat. Et cometæ quidem qui sint, omnes intelligunt: traiectiones uero sunt, quas transcurrentes stellas nouo nomine quidam uocant, quales sunt ignitæ trabes, & faces, & titiones, & iacula, quæ à iaciendo, sicuti traiectiones à traiciendo nomen traxere, de quibus à physicis, quū de meteoris agunt, multa dicuntur, & nos ea uersibus complexi sumus. Hoc loco memores esse debemus etiam tertijdecimi enūciati, quod est, quum coelestis affectio quippiā significauerit, adiutricibus etiam corruptiuis stellis, hoc est secundarijs utere. Nam nec propterea secundarijs utendū est, quod primæ significationes earū sint, sed quod causæ primitiue, quū non tam sint in promptu, sitq; mathematico coniectura opus, ut in ipso initio dictū est, secundaria ipsa ut effectus quidā ex causis primitiuis manantes, signa quædam sunt, quæ causas ipsas indicant. Ea signa secutus mathematicus, de causarū significationibus iudicium ferre certius poterit, quemadmodū medicus, qui et ipse quoq; signa sequitur de morbis. Sunt enim secundaria ipsa, indicia quædam coelestium causarum: sicuti signa quæ in morbis obseruātur, indicia causarū, unde morbi ipsi generantur. Igitur & hoc ipsum, & quæ sequuntur enūciata, quū traiectiones, & crinitæ secundæ quædam stellæ sint, post præcepta obseruationesq; de stellis quæ coelo feruntur, traditas, cōuenientissimè obseruanda traduntur.

P T O L E M A E V S.

XCIX.

Traiectiones aëris siccitatē indicant, quæ si ad unā partem feruntur, ab angulo illo uentū indicant: sin in diuersas feruntur partes, aquarū imminutiones, aëris turbationes, & exercituum incurSIONES indicant.

P O N T A -

Consentaneum erat, ut traiectionū crinitarumq; significationes, quas secundas esse vult in iudicando, distinctius explicaret. Quum autem Ptolemaeus ipse alias traiectionum, alias crinitarum significationes esse cerne-
ret, primo loco de traiectionibus, secundo de crinitis præcipit. Traiectiones igitur, quod à traiciendo dicantur, ipso nomine declarant cuius natu-
re sint, quodq; nunc in hanc, nunc in illam, nunc in aliam atq; aliam mundi
regionem traiciantur: siquidem ab uno cœli tractu uersus alium impetu
quodam aëre feruntur: unde etiam à quibusdam discursus uocantur. Quo-
ties itaq; ab uno cœli tractu alium uersus feruntur, uentum ab eo à quo di-
scedunt tractu flaturum denunciant. uerbi gratia: Quum ab occiduo car-
dine orientem uersus discurrunt, futurum indicant, ut ab occasu uentus
paulo post oriatur, quod tractus ille, unde traiectio ipsa labitur, uaporum
abundè plenus sit. Quod sentiens Plinius ait: Fieri uidentur et discursus
stellarum nunquam temere, ut non ex ea parte truces uenti exoriantur. Quod nos carminibus quoq; testati sumus nostris:

Quinetiam qua se incandens nocte extulit ignis,

Ille quidem claro signans liquidum aëra tractu,

Inde ruet portis quamprimum uentus apertis.

Vbi uerò diuersis è mundi regionibus, pluribusq; simul è partibus traiectiones rapiuntur, uenti quoq; plures ac diuersi erupturi sunt, ipsaq; uen-
torum uarietas aërem turbabit. Indicatur etiam aquarum penuria, ac ra-
ritas pluuiarum. Quum enim è uarijs traiectiones partibus ferantur, ne-
cesse est ut partes illæ siccis aspirationibus admodum abundant, è quibus
traiectiones ipsæ constant, cuius etiam qualitatis uenti sunt: siquidem ari-
dos halitus eos esse physici uolunt. quinetiam aëris turbationem sequi ne-
cessarium est: multitudo enim exhalationū uarijs aëris tractibus impulsæ,
quum et uenti, et ipsæ sibi inuicem exhalationes aduersentur, turbas ut
excitet oportet. Tanta hæc aridarum exhalationū copia, sine pluuiarum
raritate et aquarū penuria esse nequit. Pluiijs enim cessantibus, ac terra
ipsa exhalando exusta exiccataq; ad apertis terræ foraminibus, quū aër
inclusus exhalet, necesse est fontes quoq; ipsos arefcere: quorum generatio
est ab aëre in intimis terræ locis cōcreto, qui frigore addensatus in aquam
conuertitur, qua manante fontes scatent, ac fluuij labuntur. Atq; hæc qui-
dem in aëre terrisq; à traiectionibus significantur. Quod uero ad homi-
nes, qui in terris uiuūt, atq; ex aëre spiritu ducunt, attinet, sic se habet. Traiectiones hæc, præsertim ubi frequentiores atq; maiores fuerint, hostiū in-
cursus obnunciant. Cuius rei ratio hæc uidetur esse, quod exhalationum

harum causæ sint stellæ calidæ siccæq; temperaturæ, quæ nō aërem solum insciunt, illū arefaciendo, sed calefacto atq; exiccato humani corporis sanguine, rubram bilem, quæ cholera nunc dicitur, magis ac magis incendit: cuius proprium est, propter insitam effruescentiam, ad impetus uiolentos ac raptos ferri. Quo fit, ut homines impellente cholera, sanguinis freno abrupto, ad rixas, discordias, rapinas, demū ad arma rapiantur. quarum quidem rerum traiectiones sunt significatrices. Ceterum causæ penes stellas sunt, quarum motibus agitationibusq; elementa in diuersas qualitates ita uertuntur, ut nunc hæ, nunc illæ qualitates exuperent: de quarū exuperantia hæc ipsa, quæ quotidie uidemus, efficiuntur. Ex his traiectionibus eæ quæ trabes dicuntur à multis, emicuisse referuntur, quum Lacedæmonij classe superati Græciæ imperiū amittere: Fulxisse etiam in cœlo sanguinea quædam species, quo tempore Philippus Græciæ urbes affluxit. Generantur autem et trabes, et faces, et iacula, quæq; alia sunt eius generis, hac ratione et uia. Terra Solis radijs calefacta quum uaporū multorum plena sit, eos emittit foraminibus apertis atq; à calore dilatatis. Quod nostris etiam corporibus accidit, ut calore atq; aestu sudorem plurimum mittant. Ipsa terræ exhalatio duplex est: altera humidior, quippe quæ uaporosior est: altera siccior, quod exueto terræ humore qui exhalat spiritus fumidus est. Igitur halitus hic à calore sursum raptus, ubi ad altiores aëris partes perlatus est, assiduīs exhalationibus auctus, tandem incenditur, incensusq; emicat, et pro ipsius longitudine latitudineq; nunc in facis speciem, nunc trabis, aliās iaculi, aliās etiam draconis ignescit. Ex eadem arida aspiratione et uenti generantur. Siquidem uentus (ut Aristotelica definitione utamur) est agitata quædam circa terrā arida è solo aspirationis multitudo. Quocirca quum arida ex aspiratione et traiectiones, et uenti fiant, naturale est, ut è qua parte traiectiones impelluntur, ex eadem et uenti persilent. Fit enim significatio, regionē illam siccis halitibus refertā esse.

P T O L E M A E V S.

C.

Cometæ, quorū intercapedo est undecim signorū à Sole, si apparuerint in cardinib⁹, regni alicuius rex, aut ex principibus regni aliquis morietur. Sin in loco succedente, bene se habebunt quæ thesauri eius sunt, suū tamen gubernatorē mutabit. Quod si in loco declināte, morbi ac repētinae mortes erūt. At si ab occasu mouentur ad ortū, externus hostis regiones incurfabit: sin non mouentur, prouincialis hostis erit.

P O N T A N I

Stella crinita, quam comatam non minus rectè dicemus, quia nocturnam quidem confpici solet, ea matutino tempore in orientis cœli parte primum apparere, nisi undecim à Sole signis remota, nequit: si tamen à Sole in crinitam per signa subsequentiâ numerando progrediamur, quemadmodum fit in querendo loco partis fortunæ tempore diurno. Hac enim ratione undecim signis à Sole enumeratis, si comata stella in horoscopo fuerit, inuenietur Sol triginta sub terram gradibus, aut circiter, ab horoscopo distare: quoniam si propinquior esset, cerni cometes non posset: quippe qui solari splendore afflatus, ac tanti luminis maiestate uisus omnino delitesceret. Eadem comata stella in parte occidui cardinis uespertino tempore apparere nequit, præterquam undecim à Sole signis remota: si tamen à Sole in crinitam, quemadmodum fit, in querendo loco partis fortunæ nocturno tempore, per signa quæ antecediunt numerando pergemus, propter eandem quæ dicta est causam. Sole enim triginta gradibus à crinita remotus, ac sub terras ab occasu præcipitatus, oculere nobis illam nequaquam potest. uerbigratia: Si cometes est in ortu atque in ultimo Arietis gradu, cerni mane poterit, Sole primum gradum Geminorum in hemisphærio inferiori tenente, quum integris triginta gradibus à Sole absit. Poterit et uespere in occasu cerni, ubi in primo Libræ gradu fuerit: si tamen Sol in ultimo gradu Leonis constitutus triginta gradibus fuerit sub hemisphærio nostro præcipitatus. Eadem etiam ratione uespertino tempore crinita stella in principio octauæ loci, qui succedit occasui, uidendam sese nobis offeret, si triginta gradibus à Sole distet, hoc est, si eius intercapedo sit undecim à Sole signorum, numerando à Sole in cometen, per signa antecedentiâ, ac Sole prius sub terras delato. Neesse est igitur cometes ipse in octauo cœli loco cõspectus, priusque Cancræ partes insidens, quò uideri possit, uti Sol ultimas Tauri partes peragrans, sub terris feratur. Item in loco declinante, hoc est in duodecimo, matutino tempore cometes positus oculis se nostris subtrahet, nisi triginta saltè gradibus sit ab Sole remotus, hoc est, ut undecim ab eo signis Sol recesserit, ab ipso Sole in cometen per signa subsequentiâ facta diuino ratione. Aliter enim in ipso Sol oriente, aut propinquiore in parte splendens, uisu nostro hebetato, cometen occultet, qui ut matutino tempore atque in duodecimo loco et ultimo gradu Piscium constitutus appareat, neesse est saltè ut Sol in principio Tauri constituatur, dum tamen horoscopum non attingat. Hæc est ratio, cur dixerit undecim signorum à Sole, atque in loco succedente ac declinante, non autem succedentibus ac declinantibus. Quoniam locus succedens in parte cœli superiore præter octauum alius

nullus est. Neq; locus declinans nisi tantum duodecimus intelligi potest. In loco enim nono, qui à cardine medij coeli decidit, conspici comètes nequit, Sole undecim signis, ut antè dictum est, ab eo remoto, hoc est locum coeli undecimum tenente, siquidem necesse est meridianum penè tunc tenens esse. Cardines plurali numero protulit, quòd in occasu & in ortu hoc contingeret, qui duo sunt cardines. Hæc ita sunt accipienda, ut de matutino ac uespertino cometæ ortu dicta intelligantur, utq; in locis his comètes mane aut uesperti oriri nisi undecim, ut dictum est, signis inter Solem cometenq; interiectis, non possit. Sed iam loquendi obscuritate discussa, ad iudicia significationesq; ueniamus. Stella igitur crinita si ortum matutinum uespertinumue in cardinibus faciet, matutinum in gradibus orientis coeli, uespertinum in gradibus occidentis, mortem ob cardinum dignitatem regis regni eius, quod signo in quo apparet subiectum est, indicat: si minus magni certè alicuius principis, ex ijs principibus qui in regno illo domi-natus habent. Quæ mors citius accidet, ubi crinita matutinum ortum faciet, serius quum uespertinum. Siquidem matutini exortus ocyus agunt, uespertini tardius. Eadem crinita quum exortum uespertinum in succedente, hoc est octauo loco fecerit, mortem indicat regij administratoris, eius uidelicet qui thesaurus, ornamentis, regiæq; suppellectili præpositus est: & cuius curæ est illa gubernare. Quum enim cardo regem denunciet, qui cardinem ipsum sequitur locus, quòd is locus censum denunciet, & crinita quoq; eius qui regij census, hoc est thesauri, ornatus, suppellectilisq; curam gerit, mortem denunciabit. Matutinus crinitæ ortus in declinante, hoc est duodecimo loco, morbos mortesq; ignobilium hominum decernit. Locus enim duodecimus quum ab cardine declinet, nec horoscopum uideat, sitq; hæc ratione ignobilis, ignobilium hominum morbos, atq; ex morbis mortes, & quidem repentinas, quandoquidem eius repentinus exortus est, significat. Quum igitur crinita in cardinibus orientis aut occidentis coeli apparet, regis mortem, in octauo regionum thesaurorum ornamentorumq; præfecti, in duodecimo ignobilium hominum mortes denunciet, argumentari ex his possumus, crinitas stellas ortus matutinos uespertinosq;, quos diximus, facientes, mortes semper portendere, ac nihilominus bella, bellorumq; casus significare. Sed bella ipsa ab externo mouebuntur hoste, si crinita ita in coelo mouebitur, ut appareat in ortum ab occasu ferri: qui motus manifestior erit in ortu uespertino: siquidem hoc pacto crinita incedens à Sole magis recedit, quàm quum est in ortu matutino, quòd tunc Solem uersus feratur. Ex quo fit ut breui delitecat radijs Solis umbrata, ut interdum diebus septem conspiciatur, non amplius. Si crinita ipsa steterit, ac perinde

de ut:

de ut fixa manserit, bellum non ab peregrino et longinquo, sed finitimò ab hoste inferetur. Motus enim ille crinitæ stellæ à loco in locum, motum quoq; hostilem ab una in alteram regionem indicat. Licet autem non moueatur, bellum nihilominus portendit, ipsaq; stabilitas atq; immotio hostem non aliunde moturum, sed in eadem regione finitimisq; locis rebus nouis studentem bellum excitaturum significat, ut nonnunquam domesticus hostis futurus sit, ut quum ciuile mouetur bellum: nonnunquam finitimus, ut quum finitimus populus in finitimi populum armatus insilit: interdum ex natione eadem, ut quum duæ nationis eiusdem gentes simul concurrunt. Quibus et rebus hoc quoq; argumentari licet; uespertinos matutinosq; harum stellarum ortus non solum mortes, sed bella quoq; semper portendere. Vnde non temere ab docto illo poeta dictum est, nunquam cœlo spectatum impune cometen. Virgilius quoq; Iulij Cæsaris mortem, quæ ciuile bellum peperit, cometen ait antecessisse:

Non aliàs cœlo ceciderunt plura sereno

Fulgura, nec diri toties arscere cometæ.


Quid quòd uulgus gentesq; in eandem hanc sententiam conueniunt? Ac de his hætenus. Quoniam autem diximus, crinitū sydus nisi noctu cōspici non posse, uideamus quid Plinius ex imperatoris Augusti uerbis referat. His ipsis meorum ludorum diebus sydus crinitū septem dies in regione cœli, quæ sub septentrionibus est, cōspectum. id oriebatur circa undecimam horam diei, clarumq; et omnibus terris conspicuū fuit. Quomodo igitur nisi noctu cōspici comata stellæ nequit, quæ circa undecimam diei horam cōspecta est? An hoc sic accipiendum est, ut dies non pro solari, sed pro toto lucis ac tenebrarum spatio, quod est horarum uiginti quatuor, accipiat: atq; undecima illa hora non diurni, sed nocturni temporis fuerit. namque coronæ et circuli, qui circa Solis orbem cernuntur, quod nisi diurno tempore non sit, in numero crinitarum, de quibus diximus, non habentur; neq; de his autor hic noster sentit. Illud omittendū non est, cardines et locum succedentē declinantemq; accipiendos hic non esse aut genituræ, aut creationis, sed figuræ ortus crinitæ ipsius, hoc est iuxta positionē ac cœli situm tempore quo cōspici cœpta est, iuxta quam figuram iudicare debeamus. Ne quid autem omissum à nobis uideatur, quod ab Ptolemæo ipso de crinitis stellis secundo Apotelesmatum libro traditū est, illud statim subiiciemus, quod est huiusmodi. Obseruandæ autē crinitæ stellæ, siue illæ eclipsium tempore, siue quandocūq; cōspectæ sunt, generaliter etiam, ut quæ dicuntur trabes, lituæ, aut dolia, quæq; huius generis: quippe quarū natura sint, ea facere quæ Martis ac Mercurij propria sunt, bella et astus.

quæq; ex quibus hæc significantur, eorum ciendorum uim habent. Earum
 significationes capiuntur à partibus signiferi, in quibus conspiciuntur, &
 à figuris comæ innuentibus loca, quibus mala imminet. Species, euentus
 & genus rei cuius, in qua detrimentum accidet, à signis in quibus sunt, à mo-
 ra temporis malorum productio, & ab habitu ad Solem initium eorum, Ete-
 nim crinitæ in oriente plerumq; apparentes, celeritatē designant, uesper-
 tine tarditatem. Ne aut quæ remotissima sunt à nostra memoria, semper
 referantur, priusquam Tamyris, siue ille Tamorlanus uocatus est, Scytha-
 rum ac Parthorum rex, cum innumerabili manu Asiam inuaderet, longinquis
 è terris mouens, in orientis coeli cardine ingens cometes conspectus est, qui
 ortum uersus ferretur, hunc haud multo post ingens Asia penè totius cla-
 des secuta est. Nobis adolescentibus insignis etiam cometes ad orientem
 in Cancro Leonisq; regionibus multis diebus fulsit, tantæ longitudinis, ut
 amplius quam duo coeli signa comæ suæ tractu occuparet. Eum secuta est
 Alphonfi regis mors, quæ Aemiliam, Sabinam, Campaniam, uniuersumq;
 regnum Neapolitanum & longo, & graui bello implicauit. Secuta est &
 pestilentia aliquanto diuturnior. Annis his superioribus cometes alius te-
 nuui primò capite, comaq; admodum breui conspectus est: mox miræ ma-
 gnitudinis factus, ab ortu defletere in septentrionem coepit, nunc citato
 motu, nunc remisso, & quod Mars Saturnusq; uterque repedabat, auer-
 sus ipse præegrediente coma ferebatur, donec ad ipsas Arclos peruenit. un-
 de quum primum Saturnus ac Mars recto cursu pergere coeperunt, in oc-
 casum iter flexit tanta celeritate, ut die uno ad triginta gradus emensus
 sit: atque ubi ad Arietem ac Taurum peruenit, uideri desiit. Hic & dies
 plurimos fulsit: & qui initio breuior uisus est, adeò creuit, ut quinquagin-
 ta gradus, atque etiam amplius occuparet. Non multo post Vssonus Cas-
 sanus, Parthiæ atque Armeniæ rex, ad Euphratem profectus eo consilio ut
 Asiam inuaderet, collatis signis cum Mahometo Turcarum rege ita dimi-
 cauit, ut qui ingentem & inferret, & acciperet cladem. Duo enim poten-
 tissimi exercitus, duo maximi duces, in paucis diebus bis conflixere. Eo-
 dem tempore Alphonfus Portugalliæ rex, satis magna classe in Africam
 traiciens, duas nobilissimas urbes, Tingin & Argillam uic cepit, oramq;
 Tingitanam armis subactam imperio suo adiecit. Sensimus isdem tem-
 poribus uniuersam Hispaniam quassari bello, & Erricum regem dicam
 obiisse: Carolum quoque Burgundionum ducem aduersus finitimos quos-
 dam populos regulosq; eo impetu mouisse arma, ut multorum etiam an-
 norum bellum excitauerit: quod nuper eius morte uix finitum est. Anno
 millesimo ducentesimo, sexagesimoquarto à natali Christi die, mense
 Augusto,

Augusto, crinita stella in orientis coeli parte uisa est, quæ ab ortu ipso ad medium coelum crines diffunderet, fulsitq; circiter mensibus tribus, nec ante desijt uideri, quam Urbanus Pontifex Maximus diem obiit. Quid etiam secutum est: Mouit è Gallijs cum exercitu Carolus, superatoq; Mausfredo regnum Neapolitanum occupauit. Biennio post Poeni in Hispaniam traiciunt, magnasq; clades inferunt, tandemq; fugati ac caesi. In Hetruria quoq; magni tumultus excitati, ac praelia facta sunt. Anno tertio ab comete Banducar Babyloniorum atq; Assyriorum rex Armeniam ingentibus copijs inuasit, Antiochiam expugnauit, stragemq; ingentem Christianorum edidit. Anno post Corradinus uictus captusq; à Carolo rege, de quo dictum est, ac securi percussus. Anno sexto ab comete Ludouicus Gallorum rex in Africam traiecit, Carthaginem uicepit, nec ipse multo post mortuus est, magna parte exercitus pestilentia absumpta. Cuius morte cognita, Carolus, de quo dixi, quum in Africam traiecisset, Poenorum regem ad tributa quotannis pendenda compulit. Anno post Scythæ, quos Tartaros hodie dicimus, Armenijs opem ferentes, Assyrijs, hoc est, Sarracenis singatis uictisq; Asiam liberauerunt, quam Christianorum concessu diutius tenuerunt. Atq; ut qua etiam uia crinitæ stellæ fiant pateat, ipsarum natura contemplanda est. Terra ut grauissima, sic etiam infima et media est eorum corporum, quæ quod sint rerum principia, elementa dicta sunt, in quam ut mediam et infimam cuncta ferantur. Nam et celestium corporum radij in eam rectissimo lapsu descendunt, et quicquid substinere diutius aer nequit, suo pte impulsu decidens terræ sese insinuat. Ipsa uaporis et halitus nutricula, Solis radijs calefacta, quos accepit humores, quos etiam aut sibi insitor celat, aut extrinsecus acceptos uapores utero suo fouet, assidua uicissitudine remittit: quos rursus ab aëre ipso remissos, atq; ab Sole stellisq; discussos, moxq; dissolutos accipit, ultro citroq; nunc illos exorbens, nunc contra euomens, alternis his uicibus assidue usa. Cuius alternæ uicissitudinis quum Sol generationis autor potissima causa sit, tantum ipsa remittendi accipiendiq; alternatio constabit, quandiu coelum ac celestium sex stellarum moderator ipse ac princeps Sol terram circumuehetur. Et quoniam quæ è terra euolant, in aliquem necesse est locum euolent, neq; è densissimis atq; infimis locis, præterquam ad ea quæ minus rara et supraposita sunt, euolare queunt, qualis aëris natura et situs est, qui et terram et aquas ambitu suo complectitur, nimirum aer ipse receptaculum est omnium quæ è terra aquisq; euaporant, halant, aspirant, sursumq; subleuantur. Dicere de singulis uaporibus halitibusq; et quid de quo fiat uapore halitq; atq; unde imbres, niues, grandinesq; et quomodo

modo generentur, loci huius non est. Et illa quidem humidis è uaporibus sursum perlatis, paulatimq; coactis, mox solutis fiunt: contra, comata sydera è siccis aspirationibus ad superiores aeris partes raptis. Duae namq; sunt in aëre ipso regiones et tanquam cellae promptuarie, altera humilior, sublimior altera, pro natura eorū quae ibi recipiuntur. Et humilior quidem frigidaria, quod ibi cōueniant quae mox coacta, cōcretāue frigore in pluuias, grandines, aut niues abeunt. Sublimior altera calidaria dici recte potest, in quam quae aridioris, calidioris ue natura sunt perlata, et quod maxime arida sint incensa, diuersa specie in unū tamen cōpacta cernuntur. Sed minime frequens et maxime admirabilis species cometarum est. Namq; ubi aridae terrestresq; illae aspirationes, diuturniores atq; maiores fuerint, tunc in calidariam cellam rapti, effumantes illi halitus, pauciores primò ac rariores, mox accedente multitudine densiores facti, post magis ac magis coacti ariditate, atq; spissitudine sua, et quod ammodo in fuliginem uersi, coelestium corporum radijs percussi, incensiq; inflammantur. Quodq; uniuersa illa materia momento eodem in corpus illud nō cogitur, sed paulatim coalescendo, sibiq; inuicem inherendo, idcirco ex quo coepit crescit, alimenta incēdio subministrante halitu, post exuperante incendio, deficientibusq; alimentis euanescit. Antè tamen quàm euanescit cōglomeratio illa coalescendo, inherendoq; inferiore à parte, quod ascensus ab inferioribus fit, quaedam quasi coma cernentibus uidetur: quum sit coalitae simulq; inherētis materiae tractus longior. quod in apibus uidemus, quae ramo arboris suspensae dependentesq; uuarū racemi speciem reddunt: et in mulieribus incedentibus quū uestes posterius trahunt. quanquam pro materiae suffumigatae cōpactione non unam semper, sed aliam atq; aliam speciem praeférant, ut ab ijs, qui de meteoris tractant, distinctius tractari solet. Nobis satis nunc sit et causam, et uiam, qua comatae stellae generantur, ostendisse. Quae quamuis ab ortu occasum motu eo qui diurnus dicitur rapiantur, tamen nunc aduersae, nunc obliquae, nunc etiam sinuosae, et alias celerius, alias tardius mouentur. Cuius rei causa est tum materiae copia maior minor ue, tum stellarum radij uel trahentes eas, uel impellentes, pro qualitate aspectus, et uirium efficacia.





IOANNIS IOVIANI
PONTANI, AD ANDREAM MAT-
THAEVM Aquiuuium, Hadriensium Ducem,
De rebus coelestibus Liber
Primus,

PROOEMIUM.



RISTOTELES, rerum naturæ indagator so-
lertissimus, Andrea Matthee, manare coelitus
tradit generationis nostræ primordia, indeq;
tanquam potiore à natura proficisci. Coelestia
enim ac superiora illa sempiterna quidem esse
censet, immortalisq; conditionis sorte prædi-
ta: At inferiora hæc nasci, augescere, nunquam
prorsus consistere, numeratimq; interire, ta-

met si sua quæq; à specie conseruantur. Quæ ratione et ipsa quoq; eterni-
tatem sint adepta, cōditione autem longè inferiore, quando illa ipsa agen-
di, ut superiora: hæc autem, ut inferiora, patiendi sint naturam consecuta.
Et altera quidem inducendæ formæ prerogatiua autoritatq; ornentur:
altera uerò subministrandæ tantum materiæ seruiant, peculiariter mini-
sterio huic apposita. Vt tātum propè quidem, ne examinatus loquamur,
interesse uideatur, si comparatione, hac in parte uiri liceat, quantum ma-
res interest ac scæminas, in ipso hominum genere, quos natura ipsa sexu
quoq; suo discreuerit: quippe quæ perfecti imperfectiq; ratione discrimina-
tim esset habitura. Rursus eos ita simul in generatione ad procreandum
conciliat, ut ex illorum conciliatione et copula generatio passim substi-
tuatur. Quæ in cōciliatione et coitu mas cō apparet agnosciturq; præstan-
tior, autoritatisq; magis perspicuæ, quod ei, ut mouenti, ratio inest, et cū
ratione simul forma. Secus autem usuuenit in scæmina, cui materię uni-
us indita est tantum suppeditatio. Siquidem motus ipsius principium, o-
mnisq; autoritas penes marem existit, cui ut autori, quod dictum est, ratio
inest ac forma, cuius ipse moueatur gratia. Quam etiam utraq; inesse fa-
bro in ædificandis nauigijs, et figulo in fingendis amphoris certum est,
motu ipso hoc præstante. Quod igitur inest artificij in effigiandis statuis,
in consueudis uestibus, in generanda prole maribus, an non inicit et coe-
lo, à quo, ut certum est, generationis rerum ducantur primordia? Siqui-
dem coelum per se ipsum mouetur, cæteraq; mouet omnia. Inde nanq; de-
scendit

A. æ. g. m.

Coelestia se

Inferna nas

superna ao

Inferna s. a.

Superiorum

Inferna. z. i.

Marus à m.

s. uel ois

fluit sempiterna illa quidem agendi ac procreandi facultas, inde calor ipse animalibus insitus ac seminibus, à quo rerum fecunditas, et ea quam prolificationem appellare placet, proueniunt: inde suscitatio spirituum, omnisq; animalis commotionis existit causa atq; origo. Hic etenim ipse calor alimenta in usum corporis ac uitæ sumpta ita concoquit, ut in sanguinem uertat, per quem decoctum defecatumq; ac per uenas meatusq; digestum et tanquam instillatum, generatio existit ac uita. E cuius etiam sanguinis modificatione et habitu, corporum status, animorumq; applicationes et studia, mores item ipsi hominum proficiuntur. Perinde uidelicet ut sanguis ipse, tenuis, aut crassus fuerit, liquidus, aut turbulentus, syncerus, aut corruptus, fluidus, seu lentus, rufus aut fortè albidus, feruentior aut remissior, proq; alijs affectionibus uariauerit. Hæc autem ipsa uarietas est motus temperatione, atq; excrementorum qualitate manat, deq; Solis cum primis euectione, stellarumq; erraticarum, per cæli partes ac signa. Siquidem, uti domiciliū sanguinis est cor, in corpore animalium, quæ sanguine quidem constant, suusq; idem ipsum existit uitalium spirituum fomes: sic Sol ipse quidam quasi fomes ac fons est caloris, ut uitæ quidem ipsi et autor et constitutor. Atqui fabrilis et excuditor et informatur ferrario à fabro, pro mensura tum caloris, utq; ignitum illud et candens fuerit, tum pro magnitudine ac modo ictuū, fabrilisq; uersationis, hoc est, pro quantitate motus, motorisq; temperamento. Cælestes igitur agitationes (si de cælo cælestibusq; actionibus in hunc loqui modum fas est) procreando in homine, marium quidem partes obeunt, inferiora uerò hæc corpora, foeminarum. Ac quemadmodum cor, quod primum est in animali cōstituendo, partes coporis reliquas procreat ac disponit, pro affectione quidem sua, proq; insita ui ac potestate: sic Sol ipse cæli cor mundi, totius, perinde atq; affectus fuerit, inferiora hæc, seruitioq; apta corpora mouet ac disponit, quæ quidem ipsa materiam illi subministrant, perindeq; ut mulier uiro subscriuant. Ne autem ab hominis ipsius generatione recedamus, qua ratione, quaq; uia uirile semen in menstruum foemina sanguinem sese insinuat, insinuatumq; atq; immixtum, sensim eum afficit, affectumq; paulatim informat: eadem utiq; ratione Sol horū (ut sic loquar) excrementis corporum insinuatus, suisq; in illa illapsus radijs, motu caloreq; ea suo afficit, affecta temperat, temperata fouet, animamq; per quam quidem ipsam animata hæc uocantur, et quorum ipsa substantia est, illis pro natura excrementorum, proq; obiecta sibi materia indit. Ut mihi quidem iure maximo dixisse uidear, si dixero terram hanc aquis oblitam, mundi totius uterum esse, in quam ueluti in mulieris uterum excrementa generationi accommodata conueniant: quæ de Solis calore fota,

post

post concipiant, ac si genitali à semine calefacta, & penè dixerim ferme-
tata, suosq; tandem conceptus tempore etiam suo proferant. Atq; ut mi-
nutule illæ, & quidem non pauca corporum ipsorum uenæ passim dua-
bus à uenis, quæ maiores dicuntur, deriuantes, ad uterum pertendunt;
foetuiq; sufficiunt alimenta: Sic à Sole Lunaq; (nam & Luna tanquã soe-
mella materiam & ipsa humentando comparat ac sufficit) errantium ma-
ximè stellarum radij digredientes, mixtiq; ab utroq; temperati, atque,
ut ita dixerim, imbuti, alimentum quasi quoddam de utriusq; aspectu co-
pulatione uel mutuati, foetui illud exhibent. E cuius ipsius affectione &
qualitate corpus quoque afficitur. Nam & capellæ & oues & buculæ,
quem salem, herbarum ante pastum delinxerint, eius salis (ut Virgilius
inquit) occultum post in lacte saporem referunt: & mella delibati ab api-
bus roris gustum, pro florum natura herbarumq; representant. Ad hæc
in ipso corde, ut in principe atque autore constituendi corporis, membra
insunt etiam omnia, partesq; informandæ, quæ in initio quidem nullæ ap-
parent, sensim tamen & disponuntur distributim cunctæ, & in uniuers-
sum suo & loco constituuntur & ordine, pedetentimq; coalescendo per-
ficiuntur. Idem quoque contingit in Solis calcificatione ac radijs, quod in
rerum seminibus, è quibus post erumpunt uiuentia, atque eò quidem ma-
gis, quod Sol ipse seminum est omnium altor & disseminator, atque (ut
Virgilius eidem assurgens canit) Terrarum flammis opera omnia lu-
strat. Quod quidem ipsum non tam mihi pertinere uidetur ad lucem per
orbem terrarum à Sole diffusam, etsi pulcherrimum hoc quidem est, quàm
ad opera ipsa terrarum, id est, ad res è terra prouenientes, atque in lucem
editas, quas irradiatione Sol sua inuisens excitat, fouet, animat, animataq;
tuetur ac conseruat, nec patitur aut preuertes prorsus interire, aut inter-
cidentes nasquam quidem resurgere. Quinetiam terra ipsa, ut parens ani-
mantium, utq; illorum alitrix, cum ea ex anima constituantur & corpo-
re, corpora quidem sponte sua, suaq; ex alimonia illis tribuit. Etenim ple-
na est materię atq; excrementorum, quæ usui sint tum fingendis, tum au-
gendis conseruandisq; corporibus: quippe cum uterus ea sit mundi (ut
dictum est) totius, id quod semine quoq; ipsius quocunq; in genere pro-
prium est gignendis atq; alendis foetibus. Corpus enim foetus ipsius, ma-
ternum quidem munus est; at uerò maris officium ac suum eius omni-
no munus est, foetui sensum indere, à quo inditoq; existit ac nominatur ani-
mal. Quocirca cœli quoq; suum ac peculiare opus est, animam uegetabili
adiungere, eam scilicet quæ sensu suo prædita moueatur, scq; etiam geren-
dis rebus peculiari ingenio & instituat & accommodet. Quam ad rem
seruitio aëris ac ministerio uehementer utitur, quando necesse est ani-

*Planetæ
solis & Lu-
a. sancti*

Compara

Compan

sa seia

Virgilij

*Terra mater
suppedita*

*Cœli manus
aiam adden*

Aëri aëlo

mal ipsum, quod sensu diuersis quoque utatur modis, etiam spirare. Spiritus autem ipse calidus et humens est. Vt igitur natura hæc inferior celestis ab illa tantopere degenerans, cuius ipsius proprium est generare et corrumpere, magisterio utitur ac principatu cordis unius ad animalem procreationem: Sic natura illa superior, inferioribus his fouendis Sole utitur: in cuius quidem motu atque calore insunt hæc ipsa omnia, quanquam alio modo, perinde ut in corde membra insunt partesque omnes corporis, dum formatur. Quinetiam ut cor ipsum postmodum officio utitur operaque precordiorum, ab seipso autore ac magistro constitutorum: simili Sole modo utitur errantium stellarum ministerio, efficiendis ac uariandis rerum inferiorum qualitatibus, eisdemque diuersa etiam ratione ac uia temperandis. Quarum est temperationibus inferiora hæc constant sibi, ac ne intereant, earundem stellarum praesidijs est prospectum. Quocirca sapientissime quoque atque re ipsa dictum est, generationis nostrae primordia est coelo duci, et tanquam fundamenta ab eo iaci. Quid quoddam est sanguine atque a corde ortus noster, id est, hominis ducitur procreatio, et quo etiam modo sanguis ipse in initio affectus fuerit, futuri etiam sunt hominis cuiusque affectus, animorum propensiones ac studia? Itidem sanguis ipse futurus est, quo modo, quoque habitu, qua etiam mixtura ac fermentatione a Sole affectus fuerit, alijsque item a stellis temperatus. Hæc autem ipsa stellarum coelique actionum ac significationum cognitio, eius est disciplina propria, quæ a Græcis dicta est ἀστρολογία, est nostris quidam Syderalem uocauere. De qua quidem scribere aggressi sumus, tum propter cognitionis ipsius nobilitatem, omnis namque de coelo, deque syderibus, quibus nihil est in rerum natura nobilius, consideratio est: tum etiam ob utilitatem, et eam quidem maximam. Futurarum enim rerum euentibus cognitis, infelices ubi portenduntur, licebit multo prius instituire animum ac confirmare ad ferendos casus fortiter: si euitari forte nequeant, aut, si euitabiles ipsi fuerint, uel prouidentia lenire eos, uel solertia omnino fugere, ac tanquam elabi ex insidijs. Sin felicitas promittitur, consilium, industriam, operamque illi propriam adiungere, an est aliud quam adhortari atque excitare currentem? Quod in agro quamuis fertili usuueuit, ut ubiores ex eo segetes proueniant, ubi diligens cultus accesserit, rei que rustice studiosa procuratio, ac uigilans cura. De necessitate uero celestium significationum, deque illarum euitatione et fuga differere argutius, magisque expresse atque enunciatè, in aliud tempus locumque differimus. Illud in parte hac tantum admonemus, coeli syderumque decreta, alia prorsus esse inuitabilia, alia quæ non facile euitari queant, quædam etiam quæ facillimè ac propria tantum uoluntate cohibita. Ac tametsi cognitio hæc parte sui non exigua coniecturalis est,

ut Medicina, ut oratoria, ut militaris, ac naualis res: nihilominus quantum ingenio assequi ac labore possumus, quatenus etiā disciplina ipsa patitur, significationibus ipsis naturales adiungere causas nitimur, eaq; naturæ abditis rationem eruere, et qua etiam uia proficiantur, ostendere, id quod scriptorum nullus, quorum memoria habeatur, hactenus præstitit. Quorum siue rerum naturalium ignoratione, siue languore animi ac negligentia factum est, ut admirabilis ac diuina res, penè anilis ac ridicula sit effecta. E ueteribus autem qui latine de his scripserint, qui quidem fuisse permulti et clari admodum uiri, hodie nullius scripta extant, præter paucos è multis libros, eosq; non integros, quos Iulius Maternus ad Maurotium scriptos reliquit: qui si omnes simul extarent, dicere hoc ausim, haud multum discipline huic defore ad perfectam cognitionem significationum ipsarum. Hortatu autem tuo effectum est Andrea Mattheæ, ut rem supra uiginti annos intermissam, Regias ob administrationes, rerumq; (ut scis) maximarum curam, senex iam, et annis confectus accuris, profligata Gallorum incurfu bellicisq; impressionibus magna è parte refamiliari, exutusq; ipse honoribus, quos maximo labore, summa integritate, ingentibus periculis, meo tantū unius ingenio, proprijsq; animi uiribus mihi comparauera, eam nūc ex integro susceperim, potius quē resumpserim.



Primo principio satis cōstat inter philosophos, et nascendi et moriendi causam esse motum. Mouendi autem etsi nec principium nec finis est ullus, hic tamen atq; ille motus et incipit et desinit suo tempore. Cū uerò tempus fluat è motu, sitq; eius observatio quasi quædam, quinetiam cum sit utriusq; naturalis quædam atq; orbiculata successio, nimirum ut ex initio finis, sic occasus prouenit ab ortu, estq; ex alio in aliud ordinata quædam, sibiq; ubiq; constans immutatio atq; conuersio. Quando nec ab initio ad finem, absq; medio, est uia, nec in occasum ab ortu nisi per meridiem: à uere autem in autumnū nisi per æstatem, rursus in hyemem ab æstate nisi autumnō intercurret transitio nulla est. Has anni temporumq; conuersiones sequitur rerum animantiumq; tum uita et mors, tum generatio et corruptio. Quæcumq; autem generatur, ea quatuor constant è primis, igne, aqua, spiritu qui Græcè aer est, ac terra. Quæ cum sint corpora, nihil ex ijs fieri nisi corporeum potest. Porro rerum prouentus atq; incrementa fiunt à calido, humido, frigido et sicco. Nemini autem dubium est calorem ac siccitatem die, atq; à Solis radijs augeri, humecta uerò atq; frigentia noctis umbra foueri atq; excrecere, tum propter absentem Solem, tum ob Lunæ præsentiam, cuius motum naturamq; humida maxime

*Cæ hæc
finitur
libri no
oēs ede
n ita m
accidit
159 14
ad huc
Mortuus
Mortuus
et m
Mortuus ne
finitur
finitur
incipit
Tempus
Veniunt
gracem re
Tempora
mors uic
gnro et
Que pñan
prinap u
Ea princip
corpora
E corpora ni*

sequantur: estas quoq; et hyems, uer item atq; autumnus, dies quoq; ipse hæc manifestissimè declarant. Quare cū à motu sit procreatio, à quo ipso corporū cientur qualitates, ipsius uerò motus dimensionē quasi quandam tempus esse appareat: nimirū generatio ipsa cū primis uidetur ad Solē referenda, qui autor est et temporis et caloris. Atqui cū Sol et ipse moueatur, sitq; aliās aut propinquior nobis, aut remotior, agatq; pro ea cœli regione, quā peragrat, ipsum etiam cœlum uel maxime cōferet generationi.

Cur ab Ariete sit principium Zodiaci.

Cap. I.



N eo autem cœli tractu, quem Sol medium secat, Signiferq; à nostris est dictus, loca sunt quatuor sibi è regione aduersantia. Ad eum itaque locum qui in septentrionem tollitur, sitq; terris nostris propinquior, Sol ubi peruenit, ardentissimos æstus è sublimi atque imminente cœli parte excitat. Quocirca, cum oporteat genitalem calorem esse moderatum, uidetur locus hic procreandis rebus minime idoneus. huic uerò oppositus multo minus, quod in Austrum recedens Solem ipsum è longinqua atq; obliqua parte nobis abstulisse uideatur. Efficiturq; ut frigora inde intemperatissima subsequantur. E duobus reliquis, licet mundum æquis uterq; diuidat partibus, pariq; à nobis distet spatio, tamen alter cum in frigidū à sicco abeat, in mortem potius spectare quàm in generationem uidetur. Quo fit, ut qui humidum calido temperat locus, is procreandis rebus sit quàm accommodatissimus. Itaq; Vere solum fieri rerum prouentum uidemus, contra uerò quæ autumnō consenuerāt, hyeme tandem cōfecta concidere. Vnde rerum naturæ doctissimus poeta inquit:

- „ Non alios prima crescentis origine mundi
- „ Illuxisse dies, alium ue habuisse tenorem
- „ Crediderim: uer illud erat, uer magnus agebat
- „ Orbis. Cur autem ita crederet, rationem hanc affert:
- „ Ver adeò frondi nemorum, uer utile syluis,
- „ Vere tument terræ, et genitalia semina poscunt.

De xij. signis in triginta gradus singillatim distributis. Cap. II.



B hoc itaq; loco, eius quē diximus Signiferi principii fecere rerum cœli periti, atq; in duodecim æquas partes diuisi, singulas appellauere signa, unde cingulus ipse à nostris Signifer, à Græcis *zōdiakos* est uocatus. Ac primum quidam signum, in quo Sol ab Austro regressus lucet, tenebrasq; ex æquo diuidit, uocauere Ariete. Singula aut signa in triginta sunt æqua

æquas dimensiones partiti, easq; à Solis gressu recentioribus placuit scrip-
toribus appellare Gradus, quas Latini ueteres Partes uocauerant, cum
à Græcis dicantur *μέτρα*. Et primi quidem illi stellarum inspectores, cum
die Solem, noctu Lunam, tenere cœli principatum cernerent, sentirentq;
quanta utriusq; in terra, aquis, atq; aëre uis esset, Lunam nocti, Solem diei
præfecere. Quodq; intellegeret singulis triginta diebus unà eos congregari
et tanquam coire, illud omne cœli spatium, quod, inter crum dum Luna re-
dit ad congressum, Sol ipse peragrasset, signum unum esse uoluerunt, à
primo Arietis gradu exoriri. Quantum autem cœli die uno Sol inces-
sus fuisset suo, hoc totum spatium signi partem uocauere. Quæ re factū est,
ut ipsum illud interuallum quod appellare signum placuit, in gradus, id
est, partes triginta æqua ratione diuiderent. Quinetiam cum obseruatio
ipsa docuisset Solem ad Arietis initium, partibus trecentis ac sexaginta
peragrat, regredi, omnem eum cingulum in signa duodecim diuisere. Ete-
nim triginta illæ partes duodenario ductæ numero, quam diximus sum-
mam omnium Signiferi partium integram faciunt. Hac igitur potissimum
ratione uniuersus ille orbis in duodecim ab eis est signa distributus. Id au-
tem quod interlaberetur temporis, dum ad Solem Luna regreditur, ab
ipsa Luna dictus est Mensis: à Solis uerò ambitu, dum ipse ad locum reuer-
titur, unde duodecimo antè mense discesserat, interiectum illud tempus
uocatus est Annus: utrunq; perappositè. Nec uerò me præterit, Aegyptios
quosdam scriptores existimasse eos, qui primi cœlum in signa duodecim di-
uisere, hanc fuisse rationem sequutos, quòd quatuor essent anni tempora,
quorum singula tribus constarent mensibus, quo numero quatuor illa tem-
pora semel ducta duodenarium numerum conficerent: Alios, quòd qua-
tuor essent rerum principia, unde omnia fierent, easq; tribus his, princi-
pio, medio, ac fine continerentur. Itaq; quaternarium illum numerum ter-
nario hoc productum ad Zodiaci signa fuisse translatum. At qui magis se-
eundum rationem fuisset, antea considerare, cur signum quodque è tri-
ginta esset momentis constitutum: quo cognito facilis quidè erat reliquæ cō-
stitutionis explicatio. Sed iam ad alia transeamus, quādo de motu, de Luna,
de genitili cardine, de zodiaco cur in duodecim distinctus sit signa, cur etiā
signa ipsa è triginta fuerint momentis confecta, abunde iā disseruimus.

De Qualitatibus duodecim signorum. Cap. III.



Ec uerò eorum quæ gignuntur quicquam fieri nisi è
quoquam potest: materiam enim existere oportet aliquā,
e qua quid efficiatur. Quod quidem in fabrilibus et ijs, quæ
manu fiunt, artibus uidemus. Quocirca quum materie
propriū sit formam suscipere, erit eiusdem quoq; pro-
priū,

Gradus

Mopia

Quadrant

congressu

ad alter

signum

Gradus s

sol uis

360 part

sol ad

redit.

III. ann

III. mē

Materia

Materia

prium, hoc ipsum non modò pati, uerum etiam ad patiendum naturaliter
 affectam esse: quippe quum ut marem foemina, sic materia ipsa suapte na-
 tura formam appetat, cui suscipiende præsto semper est. Quocirca cum
 hoc ipsum pati materiae proprium sit, nec forma nisi ab aliquo queat au-
 tore dari, cuius proprium sit agere, uidendum est, cuius sit hæc uis pro-
 pria. Requirimus enim id, quod nec immutari, nec corrumpi ualeat, nul-
 lasq; sibi aduersantis uires sentiat, in quod nec aliud conuertatur, nec eius
 in aliud sit conuersio. Hæc autem ipsa uis, & cæli & stellarum, quæ cælo
 feruntur, propria esse uidetur, maximè uerò stellarum earum quæ terris
 sunt propinquiores, eiusq; cæli tractus, in quo stellæ ipsæ cursus suos er-
 rando conficiunt. Harum autem stellarum cum Sol princeps sit ac mode-
 rator, à quo aliæ quidem abesse nisi breuibus quasi quibusdam deambula-
 tionibus, nequeant: aliæ uerò ubi longius processere, quasi conspectum eius
 requirentes, retro ad eum conuertantur. Luna quoq; ipsa, cum lumen ab
 illo quotidianum mutuetur, nimirum quem querimus, autorem pro-
 creationis, & tanquam parentem, Solem esse manifestum est. Hinc ueteres
 Liberum eum patrem agnominarunt. Quando autem nec cælo, nec stel-
 lis frustra est motus à natura datus, ac motum ipsum procreationis cau-
 sam esse constat, uidemusq; inferiora hæc corpora cæli ac syderum orbi-
 culationes sequi, tantasq; fieri rerum omnium uarietates ac uicissitudines,
 pro loco tamen ac tempore; dubitandum non est, aliquos esse cæli tractus,
 qui hæc quàm illa corpora, ipsorumq; corporum qualitates magis mi-
 nus uel afficiant. Ad quæ loca ubi Sol, Luna uel, aut stellarum aliqua, siue
 ipsa sola, siue alij coniuncta peruenierit, aut hostilibus ea radijs percusserit,
 amicis uel illustrauerit, tunc mirum in modum locorum uires augeri, præ-
 sidio addito, aut ab hostica configuratione imminui. Quam tum conue-
 nientiam, tum diffensionem elementa ipsa, quæq; ex elementis constant,
 non in qualitibus modò, uerum etiam in substantijs ipsis referant. Et alia
 quidem statim; alia uerò serius, pro rerum syderumq; natura. Etenim
 quatuor hæc corpora, quæ ignem, aquam, terram, spiritum, id est, Græco
 nomine aërem dicimus, cum rerum sint principia, nec præterea sit aliud
 rationis eiusdem, sintq; tam subiecta motibus, quàm uidemus; necesse est
 etiam in cælo, à quo mouentur, eiusmodi uim inesse, quæ quodammodo so-
 ueat, & tanquam astruat materiam in qua sese exerceat. Quocirca signa
 ipsa alia ignea, Arietem, Leonem, Sagittarium: alia aquea, Cancrum,
 Scorpionem, Pisces, esse compertum est. Atq; ut Signifer ipse quadraretur,
 quoniam Taurum, Virginem & Capri cornum terræ, Geminos, Libram
 & Aquarium aëris magis qualitates ciere, diuturna obseruatio docuisset:
 hæc quidem aëria, illa uero terrena esse dixerunt. Cū enim tantas fieri re-

rum

rum uarietates, ac suo quodam ordine cernerent, eorumq; quæ effecta uiderent, causas cum requirerent, has ipsas principes esse causas comperiebant. Eadem ratio et medicos mouit, ut calidū quippiam aut frigidū dicerent, quod ita usus docuisset. Siquidem Medicina maxime constat experientis. Vfus enim non rerū modo plurimarū cognitionē, uerum etiā uiuendi rationē, quæ sapientia dicitur, hominibus attulit. Nec uerō ij sumus, qui ut herbas elementaq; sic stellas, cœlū ue humidū aut siccū dicamus. Corruptibilium hoc est corporū, ac uicissitudines subeuntū, quarū profectio cœlum penitus expers est. Itaq; ut res ipsa, id est, experientia magistra docuit, trahi à magnete ferrū, à qua quidem experientia ratio ipsa profectio ostendit uim eā à natura magneti insitā ferri attrahendi: sic cœlo cœliq; partibus, sic stellis ipsis suas quoq; uires inesse. Quæ re factum est, ut tales esse stellæ, talia etiā signa dicerentur. Quod si et hanc et illam uim naturāq; et his et illis inesse primis corporibus, atq; ex ijs cōstitutis dicimus, cur non hoc ipsum de cœlo dicere, deq; stellis debeamus? à quibus hæc ipsa corpora uim eā aut accipiūt, aut si sua est cuiusq; propria, ab illis certe cœtur. Quæ qui negant, ij uidēdi, audiendi sensum negant: Vere florescere arbores, easdem crescere æstate, maturescere autumno fructus, terram ipsam hyeme ita quiescere, ut sese instituat ad uernam procreationem, diffidentur, lucem deniq; ac dies et noctes tollere uidentur. Ad hæc cum prima corpora et qualitates primæ sibi e regione aduersentur (sunt enim omnino contraria, quippe cum alia ratione principia rerum esse, minime possent) pugnare inter se, et nunc cedere, nunc superare necesse est, ut existat rerū tum procreatio, tum corruptio, quæq; tam multe eueniūt rerū uicissitudines. Quādo autē similia cōueniunt similibus, dissentiūt quæ sunt dissimilia, consentaneum est in cœlo utraq; ad res uires inesse. Quod si albū nigrūq; in eodē simul esse loco nequeunt, nec humidū quidē nec siccū uis simul esse in eadē atq; una cœli parte potest. Quocirca recte accommodatq; alia humida signa, alia sicca esse dixere, id est, hæc illām ue qualitātē magis minus ue fouere, auclare, excire. Quod quidē procreādis rebus, ijsdēq; ubi procreata sunt, nutriendis, nō modō peropportunū, uerum etiā omnino necessarium est. Quotidianæ quoq; obseruationes eorū quæ subinde cōtingūt, docere hæc satis queunt. Siquidē Luna in humido aut arido signo constituta, ea plerūq; excitat, quæ signi eius naturā sequantur. Ac de primis signorū qualitātibus dictum sit hætenus. Ut autem singula elementa binas habēt qualitates, sic etiā signa, proq; natura elementi, cuius ipsa naturam excitant. Aëria enim signa humida sunt et calida: terrena sicca et frigida: quæ ignea sunt, calida simul et arida: at quæ aquea, frigida et humida. Sequitur de Masculinis et Femininis signis explicatio.

Ex istis
cognoscitur

Vsū cognoscitur
sapientia

pugna prima
corū et q

similia in
tūt. aī
acne.

De signis Masculinis seu Fœmininis. Cap. IIII.



Vm autem gignēdis rebus duæ simul naturæ conueniāt,
 et quæ agendi vim habet, et quæ patiendi, hinc prior
 illa uis actiua; posterior hæc, passiua uocata est à Physi-
 cis. Quinetiam altera masculina dicta est, altera fœmi-
 nina, exemplo animalium, è quibus mares agunt, fœmi-
 næ patiuntur: est enim uniuscuiusq; animalis plerumq; duplex genus, et
 masculina quidem atq; actiua uis plus in se caloris retinet, altera uerò illa
 fœminina, et ad patiendum nata, ut caloris minus, sic humidum plusculum
 in se habet; utraq; tamen qualitas, fœcunda et genitilis. Quam re na-
 tura ipsa mihi uidetur temporis ipsius conditionem secuta, quod quidem
 ipsum cum diebus constet ac noctibus, dies calidiores et ad agendum ua-
 lentiores, at noctes ut humidiores, sic ad patiendum magis aptæ sunt. Vt
 autem tempus die constat ac nocte, sic animalium genus è maribus consti-
 tuitur ac fœminis. Quocirca cœli signa, cum non parum conferant
 generationi, placuit maioribus nostris hac etiam ratione ea inter se distri-
 buere, ut alia masculina uocarentur, quòd plus ad agendum uirium habe-
 rent: alia quòd essent ad patiendum accommodatiora, fœminina: quodq;
 masculina uis naturaliter præferenda esset, primum signum, id est, Arietem
 marem fecere, secundum fœminam. Vt enim diem nox, sic fœmina mare
 sequitur. Quapropter certa et statuta successione masculino fœmininū
 signum suo succedit ordine. Nam quæ tertia natura sit, alia nulla est. Iure
 autem Aries, quòd ab eo dies, quòd calor, quòd Sol procreationis parens,
 uires sibi assumerent, quòd etiam signum ipsum calidæ Solarisq; naturæ
 esset, mas est dictus. Quodq; nox statim sequatur diē, Lunaq; ipsa lumen à
 Sole mutuatur, ac perinde ut mulier uiro aluum, sic ipsa Soli materiam præ-
 struat, habet atq; secundas ad procreandum partes, appositissime atq; con-
 uenientissime Taurus, quòd signum Arietem statim sequitur, fœmininæ
 est habitus. Vnde (ut paulò post dicemus) in Ariete Solis altitudinem, in
 Tauro Lunæ esse putauerunt. Quidam etiam rationem hanc è Pythago-
 reorum disciplina mutuati sunt: ut quoniam impar numerus haberetur
 masculinus, quòd esset perfectus, impartibilis, efficax: par contra fœ-
 mininus, quòd imperfectus, diuisibilis, imbecillus: eodem pacto in diui-
 nerandis signis masculina dicerentur, quæ impari, hoc est efficaci: fœ-
 minina, quæ pari et imbecillo numero comprehensa cõputarentur. Qua
 ratione primum, tertium, quintum, septimum, nonum atq; undecimum si-
 gnum, masculinarum esse uirium: at quæ parilis ac partibilis numeri succes-
 sione comprehensa essent, fœmininarum esse uirium dixere. Ineptiuscule
 igitur ueterum quidam à Cancro exorsi, fœmininorum primò, deinde ma-
 sculorum

sculorum explicare signorum seriem. In qua struenda sceminam mari, materiam formæ, Lunam Solis, à quo illustratur, noctis ac tenebrarum incrementum, quod à Cancro incipit, lucis ac dierum incremento, cuius principium est Aries, deniq; intemperantissimos æstui solstitij æstus, uerni æquinoctij temperamento anteponerent. Sunt autem masculina signa que ignis atq; aëris qualitates excitant, Aries, Leo, Sagittarius, Gemini, Libra & Aquarius: Foeminina, que terre atq; aquæ naturæ opitulantur, Taurus, Virgo, Capricornus, Cancer, Scorpius, Pisces. Reliquum est ut de alijs signorum qualitatibus, & (ut ita dixerim) prærogatiuis explicemus.

De signis Aequinoctialibus, Cardinalibus, &
Solstitialibus. Cap. V.



Cecidit autem tempori, quoniam eodem motum ipsum metimur, ut uere quidem dierum incrementum, autumno autem noctium fiat. Et quoniam incrementis suis quoq; statutus est modus, ut sicut excrescentis diei terminus est quidam, sic etiam noctis: nec uerò aut excessus aut defectus est ullus, nisi ab æquo & temperato, signa in quibus hoc ipsum contingit, ut ab æquali tenebrarum, ac lucis spacio tum dies tum nox procedere incipiat, ex eo agnominata sunt. Nam quòd in primis Arietis ac Libræ partibus dierum ac noctium æqualitas proueniat, tum æquinoctialia tum æquidialia signa uocari placuit, & à primis quidem Arietis partibus ad primas usq; Cancræ dies augescunt. Inde uerò dierum fit ac lucis conuersio. Quantum enim ab Ariete in Cancrum dies creuerat, tantum post à Cancro in Libram mutatis uicibus noctes succrescunt, dies imminuuntur. Siquidem à Septentrione in austrum conuertere se Sol incipit, à qua conuersione signum ipsum Græci τροπικὸν uocauerunt. At in Capricorno, quod signum huic aduersum est, secus accidit. Namq; ubi ad primas eius partes Sol profectus fuerit, aquilonem uersus ab austro conuertere iter incipit, rursumq; uersis uicibus dies augescunt, decrescunt noctes. Merito igitur, atq; ex ipsa re utrunq; tropicū est à conuersione agnominatū. Quinctiā cum sint quatuor anni tempora, eaq; elementorum qualitates imitentur, ipsorumq; quatuor temporum principia quatuor his sumantur à signis, quòd per ea fiat ad temporum mutationes aditus, & quasi ianua quædam pateat, hinc Cardinalia sunt nominata. Itaq; quatuor uisi sunt esse Signiferi orbis cardines: primus ueris in Ariete, secundus æstatis in Cancro, autūni tertius in Libræ, brumæ ultimus in Capricorno. Quæ re non parua signis ipsis accessit autoritas atq; prærogatiuæ altera, id est, æquinoctialia, æquas temporum partes si altera quasi quadam sustendere uideantur.

tur, atq; ab ipsis tanquam à principijs quibusdam nocturnæ diurnæq; progressionis uicissitudines incipiant. Altera summos atq; imos cœli uerticet teneant, et tanquam finium inter austrum aquilonemq; custodes, ac recedentis à nobis, aut aduenientis Solis duces, frigoris claustra calorisq; relaxent. Ex quo fit ut inter cœtera signa id iuris habere uideantur, quod inter ciues ipsos, ciuitatis principes, quos ex eo tum proceres, tum optimates uocamus. Eadem hæc duo signa Cancer et Capricornus Solstitia dicta sunt, quod ubi Sol ad ea profectus est, antequam eius ad septentrionem cœlestis, aut in austrum declinatio manifestior facta sit, stare aliquandiu credatur.

De signis mobilibus, fixis, et communibus.

Caput VI.



Ec uerò ab re est, quod alia mobilia, alia fixa ac solida esse uoluerunt, alia quod utriusq; naturæ partem retinerent, communia atq; mediocria. Quam autem appositis atq; conuenienter sic statuerint, paucis uideamus. Rei alterius in alteram conuersio nisi per motum non fit: neq; enim hyemis in uer transitio, neq; deinceps ueris in æstatem contingeret, nisi Sol in orbe signifero moueretur. Hæ autem ipsæ transitiones temporum, atq; conuersiones in signis his cardinalibus fiunt. Nam quanquam motus ipse continuus est, tamen euidentior tum apparet, cum qualitatū earum quæ tempora comitantur, sit immutatio. Locus quoq; ipse hanc ad rem plurimum confert. Quocirca signa ea, in quibus mutationes hæc fieri manifestius apparet, mobilia à re ipsa sunt dicta. Quod autem tempus progrediendo procedit, et ab ipsa progressionē qualitas in quam mutatio facta est, incrementum suscipit: hinc efficitur, ut ea qualitas ubi maioribus uiribus aucta est, tunc firmitus consistere ac præsidere alijs uideatur. Loca igitur, ac signa, in quibus hæc eueniunt, solida stabiliaq; iudicata sunt. Et profectò ita se res habet in circulo, ut in insequentem fieri qualitatem transitio nequeat, nisi quæ præcedit, ad summum uirium prius sit euecta. An non in hominis ætate idem hoc contingit? quæ ab infantia in pueritiam, à pueritia in adolescentiam, ac deinceps suis uicissitudinibus mutatur. Motus enim ipse ab ætate in ætatem, tum moribus tum rebus alijs permultis intellegitur, in quibus secundum ætatis naturam diutius persistitur. Hoc ipsum et in febribus medici obseruant: quæ ubi ita excreuere, ut ulterius nequaquam progrediantur, in statu esse suo illi dicunt. Ab hac igitur immoratione atq; in culmen proiectione, et (ut ita dixerim) statu, qualitas ipsius paulatim fit ad alteram declinatio, ut quam

tum illi demitur, tantum huic addatur, interimq; qualitatū ipsarum cōmunitas quasi quēdam sit, atq; mediocritas. Quocirca signa, in quibus hoc efficitur, tum communia ac media, tum mediocria dicta sunt: Græci vocant *σιωνα*, hoc est, bicorporea. Ex his effectum est (cum singula anni tempora, quę quatuor esse ē Solis constat euagatione per tria signa, habeant principium, immorationem, ac declinationem) ut primum quodq; signum sit cardinale ac mobile, secundum stabile & solidum, tertium commune ac particeps, & Græcomore bicorporeum. Sunt igitur Aries, Cancer, Libra & Capricornus mobilia signa. Quę uerò singula statim hæc sequuntur, solida, Taurus, Leo, Scorpius, Aquarius. Reliqua cōmunia sunt, Gemini, Virgo, Sagittarius & Pisces. Quoniam autem actiones quoq; hominum in tempore fiunt, atq; ubi mobilitas est, ibidem & celeritas: ubi autem stabilitas, illic mora tarditasq;: quoties negotium aliquod ceptum est, sit significatio pro natura signi quod tunc oritur, quę sit agendi negotij eius futura qualitas. Ac de signis ipsis, quę æquinoctialia, quę uet tropica ac solstitialia, quę itē mobilia aut solida, quę etiā cōmunia, satis dictū sit.

De Planetarum domibus.

Cap. VII.



Hinc de Planetarum domicilijs, deq; eorum altitudinibus ratio explicanda est, ut planē nota sit omnis Signiferi cōstitutio. Quā partem antequā aggredimur, de planetarum naturis pauca pro loco dicemus. Lunam frigide atq; humescentis esse naturę, tum maria ipsa declarant, quę motum eius ac uices sequuntur, tum alia plurima, in primis autem corpora ipsa nostra, & quę uel pubescente illa uel senescente contingunt in cerebro ac uenis. Placet autem antiquis Astrologiæ institutoribus, ipsiq; Ptolemæo, exhalantes ē terra uapores ad altiores aëris partes trahi à Luna, atq; hinc qualitates eas frigoris atq; humoris ipsam suscipere. Quod fieri quomodo possit, non uideo. Neq; enim humidi est suapte natura sursum moueri, quando natum est ima petere: sed à calore potius uiolentia quadā sursum rapitur. Quocirca ubi ad mediam aëris regionem uapor ille sublatus est, à calore paulatim destitutus, coactusq; à frigore, abit in pluuiam. Atqui aërem quā spatiofissimum esse oportet, cum terras mariaq; operiat. Ignem quoq; cum locum, id est, orbem & ipse suum petat, quā potest, ad sublimem aëris ipsius regionem euolare necesse est. Quo fit, ut supremus ille aëris tractus, qui calidissimarum atq; effervescentium aspirationum plenus est, exestuet. Quod ita esse, & stelle comatę quę illic intendantur, planē docent, & apud rerum naturalium studiosos liquidō constat. Quod si est, ut quidem esse manifestum est, rationabilis profectō

fuerit, Lunam ipsam (quod huic tractui sit stellarum omnium propinquis-
 sima) calorē ariditatemq; ab aestu proximo mutuari, cū orbis ipse igneus
 loco ei iuciniore feratur. Quod si naturam propinquioris ignis, est a
 tisq; regionis non suscipit, humidi tam remoti, ac tam longinquo spatio
 subsidentis, quoniam modo suscipiet? Quae suscepta necesse esset Lunae cor-
 pus ea pati, quae inferiora haec corpora patiuntur. Quod si esset, syderum
 corpora, ut haec ipsa nostra corrumperebantur. Quamobrem Lunae effectio-
 nes humiditas frigiditasq; uideri atq; existimari propter accedentes in su-
 blime vapores, sanè ineptum est dicere. Etenim si Solis est proprium ca-
 lesfacere, cur non Lunae sit proprium humefacere? Ad haec quando calida uis
 Solis nec est ab ignis orbe, nec ab aestuosis terrae aspirationibus, ne Lunae
 quidem erit uel frigida uel humefacta ab euaporationibus. Isdem autoribus
 placet, Mercurium, quod Soli sit quàm proximus, torreri ab eo: quo quid
 dici potest inconcinnius? Nam quae ratio ualet in Mercurio, cur non eadem
 ualeat in Venere? cuius eadem ferè propinquitas est. Sed de Venere Mer-
 curioq; deq; tribus reliquis suo loco plenius dicitur, nunc unde abiit re-
 deat oratio. Similia similibus conuenire ut nemini est dubium, sic minimè
 obscurum est, duas simul cōuenientes naturas ad agendum uiribus uti ma-
 ioribus. Quocirca quia Cancer, ut dictum est, in humida frigidaq; corpo-
 ra suapte natura influit, cum in eo Luna fuerit collocata, quod idoneam si-
 bi nata est regionem, quod in subiectas terras quodam quasi perpendi-
 culo radios diffundit, multo maximas atq; acerrimas ad agendum uires
 tunc colligit. Quibus adducti rationibus, Lunae domicilium in Cancro con-
 stituere, quodam rerum ciuiliū similitudine usi: quippe qui existima-
 rent illam uires, ac potestatem suam in Cancro, perinde ut matrem fami-
 lias in domo propria liberius exercere, atq; eo magis, quod Cancer esset
 foemininae quoq; qualitatis, naturaeq; mobilioris. Eadem ratione Solis do-
 micilium Leonem esse dixere, quod tum calidae, arescentisq; naturae ui-
 riumq; masculinarum esset, tum quia nullo è signo conuenientis secum o-
 mni è parte naturae, stabilisq; qualitatis in terras nostras Sol radios suos
 rectius ac propinquiore è loco figeret. Aequum autem erat, ut Soli ac Lu-
 nae quos uiderent in corporibus his dominari, in maximè propinquis in-
 ter se atq; imminetibus signis domicilia constituerent. Quod si liceat in-
 explicanda syderum maiestate nostrorum corporum uti comparatione,
 quod in corpore humano cor, quod etiam cerebrum iuris habet ad sensus
 ipsos citandos, idem Sol Lunaq; in corporibus procreandis, fouendis, au-
 ctandis ius habent, uiresq; perinde suas exercent, ut ijs merito corporum
 spirituumq; ius atq; arbitrium sit à rerum naturae peritis attributū. Quae
 bus etiam placuit post hanc domorum constitutionem Signiferum ipsum

in duos partiri semicirculos, alterum à Leone per signa subsequētia usq; ad Aquarii principium, cumq; Solarem nominauerunt, alterum à Cancro per signa antecedētia in finem usq; Aquarii, quem Lunarem uocauerunt. Vtroq; in semicirculo singulis erraticis stellis singulas domos attribuerunt, ea ratione ut in Lunari semicirculo erraticæ stellæ domus Lunari domui, in Solari autem Solis domui, configurarentur, hostili amica uel irradiatione pro erraticæ ipsius natura: Quando Saturni ac Martis stellæ maleficas arbitrati sunt, Iouis ac Veneris beneficascat Mercurium communem et uersatilem quandam naturam ad bonum malumq; habere uoluerunt: de quibus plura post suo loco, nunc ad ipsam domiciliorum constitutionem reuertamur.

De domibus Veneris.

Cap. VIII.



Atis autem constat Venerem, Mercuriumq; circa Solem ferri, quo fit, ut quàm Martis, quàm Iouis ac Saturni stellæ, terris sint propinquiores. Aequum itaq; uisum est in signis propinquantibus utriusq; semicirculi illorum sedes statuere, ac Veneris in Tauro, Mercurij in Geminis, quæ signa Lunaris quidem sunt semicirculi: at in Solari Mercurij in Virgine, Veneris in Libra domicilium collocare. Quid autem secuti etiam fuerint, diligentius est uidendum. Venerem bonam esse fortunam, ac radios eius felices, qui de stellis scripsere omnes, ut dixi, consentiunt. Ea felicitas ab astri ipsius temperantia ortum habet. Nam si Saturni Martisq; infelices sunt stellæ, atq; huius quidem propter uehementē feruorem arefactionemq; illius uero propter torpescētem naturam, hoc est ob intemperantissimos utriusq; radios, nimirum Veneris ac Iouis salubritatem à radiorum temperatione necesse est proficisci. Etenim è calido humidoq; è frigido item atq; humecto equaliter atq; è portione temperatis uita consistat. Quæ ubi adeo excesserint, ut calor humidum exusserit, frigus extinxerit calorem, tum penitus arefacta, atq; a calore destituta corpora statim occidunt. Temperandis autem radijs magnam habet uim locus. Sed quæramus hæc aliquanto etiam subtilius. Due inuicem sibi aduersantes nature coire in unum simul corpus nequeunt, nisi alia quapiam conciliante natura, quæ equabilem sese atq; moderantem aduersus utraq; præbeat. Quod in uocum concentu, et ea quæ harmonia dicitur, uidemus. Siquidem disidentes secum graues atq; acutas uoces mediæ illæ equabiles, et utriusq; participes temperant. Quæ è temperatione efficitur concinentia illata blandæ et suauis. Age ipsam rerum naturam inspiciamus. Aquam ignemq; tam sibi inuicem obfistentia principia, medium coniungit aer hu-

moris atq; calor's particeps, terram aëri media conciliat aqua, huic per
 humorem, illi per frigus concordia quodam nexu coniuncta. Quae coniu-
 ctione, naturaliq; principiorum foedere, omnia haec quae uidemus, quaeq;
 sentimus, fiunt. Ac ne à nobis ipsis recedamus, uita ipsa nostra è rubra bi-
 li, quae hodie est cholera, item è pituita, hoc est phlegmate, contrarijs humo-
 ribus, temperante sanguine atq; atra bili, quae à Græcis *μυλαρχολία* dicitur,
 constat. Quae ubi equaliter temperatq; mouentur, tum existit corporum
 sanitas, & incolumitas animantium ipsorum: rursus autem uocum incon-
 cinnitas chordarumq; dissonantia à contrarijs existit sonis, nullo medio
 temperamento eos moderante. Siquidem acuti & graues soni tantam fa-
 cere in ijs consonantiam soli nequeunt, quin immo ijs commixtis, ubi ma-
 ior in alio facta est accessio, fit dissonantia illa nostris auribus tam grauis,
 ut si bili aut pituita eiusmodi quoq; fiat accessio, necesse sit corpora ipsa
 egrotare. Quare ut uocum consonantia, ut uita, ut sanitas temperamento
 constant, sic radiorum felicitas ab equalitate quadam, suaq; moderatione,
 quibus, ut dixi, radijs si maior aliqua qualitatum earundem simulatq; eo-
 dem tempore fiat accessio, necesse est tale ob additamentum fieri eos in-
 temperatiores. Quam quidem ad rem coeli locus plurimum momenti ha-
 bet. Quocirca fortunantibus, id est, moderati temperamenti sideribus, Ve-
 neri quidem, cum sit humidiuscula, quando è mari nata est, ut Poëta iocan-
 tur, attributa sunt signa pro anni temporibus, hoc est, uere siccum frigi-
 dumq; qualis est Taurus, cui per frigidum non inconueniens sit autumno
 atq; in Solari semicirculo calidum & humectum, qualis est Libra, à qua
 propter communem humiditatem non dissentiat: Ioui autem, cum sit hu-
 mectus & calens, in Lunari semicirculo, atq; in parte coeli ad nos iam uer-
 gente, post Pisces enim sequitur coeli pars humecta & calida, siquidem
 quod est Signiferi ab Ariete in Cancrum, Veris qualitates habet, frigidum
 atq; humectum signum est attributum, quales sunt Pisces, quibus pro-
 pter humectationem quadam quasi affinitate coniunctus est. At in Solari se-
 micirculo, quae à Libra in Austrum recedit, quod ea pars sit remotior, Sa-
 gittarius est attributus, propter conuenientem simul calor's naturam. At
 Marti ac Saturno maleficis stellis, quae ob radiorum intemperantiam
 dictae sunt infelices, attributa sunt signa tum litem excitantia propter dis-
 sidentes naturas, Scorpius & Aquarius: tum exuperantiam patientia pro-
 pter accessiones similium qualitatum, Aries & Capricornus. His hunc in
 modum explicatis, ad rem ipsam proprius accedamus, ut quae dicimus, o-
 mni sibi è parte constare uideantur. Temperandis itaq; errantium stella-
 rum radijs non modò coeli locus, ut dixi, uerum etiam anni pars plurimum
 confert. Atq; ut de Venere primò dicatur, eius natura humida est, habetq;
 frigidulum

frigidulum aliquid, de cuius quidem qualitate ac temperatione alibi uberius differemus. Veris humida et calida temperatio est, Tauri sicca frigensque. Itaque per frigiditatem Tauro Venus conuenit, ueri per humiditatem. Ex hoc fit, ut habita temporis, signi, atque astri ratione, radij eius aequabilitatem suam retineant. Siquidem ueris humiditas, ac frigida signi uis astri naturam adiuuant: rursus calor ueris, ac Tauri siccitas obstat ne frigus atque humectatio syderis in aliquam intemperantiam excedat. Quod fieri necesse esset, ubi duae consimiles naturae simul iungerentur, nulla ui alia eiusmodi quodammodo impetus moderante. Reliquum est ut ostendamus Venerem nisi uerno tempore non posse Taurum permeare. Quo ostenso, liquido constabit quam conuenienter in constituendis domibus Taurus et in sortem cesserit. Satis autem certum est Venerem ipsam, siue ante Solem, siue post eum feratur, longius duobus signis ab illo, uel, ut expressius loquamur, gradibus paulo plurius quinquaginta non recedere. Sole igitur ultimas Piscium partes peragente, si uespertina Venus fuerit, et à Sole quam remotissima, per Tauri medias extremas uel partes necesse est ipsam ferri. Rursus Sole in ultimis Geminorum partibus collocato, si matutina Venus est, et ab illo quam maxime abest, circa Tauri initia, aut medias eius signi partes diuersabitur. Quamobrem siue in Geminis, siue in Ariete aut Tauro Sol constitutus fuerit, non potest Venus nisi uerno tempore per Taurum euagari. Siquidem omne hoc tempus quo sol quam diuinus coeli regionem peragrat, à uere occupatur, quanquam et aliquando aestate iam incipiente Venus adhuc moratur in Tauro. E quibus satis apparet, temporis, signi, ac syderis, ut est dictum, ratione habita, Tauram accommodatissimam Veneris domum esse, e qua conuenientia constare sibi ratiores eius aequabilitas ualeat, quam nec prestare Aries poterat propter calorem, qui per uere et à signo auclius Veneris, naturam plusculum incendisset, ariditate etiam signi non parum adiuuante: sed nec Gemini, quibus tamen si per humidum affinitate quadam iungeretur, tamen calore signi geminato à uere iam in aestatem declinante, radij eius nimio plus incanduisent. In Libra uero quae Veneris etiam domus est, diuersam ab hac rationem secuti sunt. Nam cum in Libra Venus esse nequeat, nisi anni partem maxime sicca, aut ea iam in frigus atque hyemem inclinante, placuit quod esset humectae calentisque naturae signum, ei decernere, cui per humidam naturam conciliaretur. Namque ut ueris autumnique contrariae qualitates sunt, sic uernae Veneris domui autumnalis erat domus opponenda. Utque uere prospectum est in attribuendo domicilio, ne Veneris humens uis permaderet: sic autumnino, ne uis eadem nimio plus arefceret, ne uel illic ab exuperantia, hic à defectu efficeretur intemperantior. Huic constitutioni illud

quoq; mirum in modum conuenit, quòd cum Venus benefica naturæ sit, eius domicilia Solis ac Lunæ domicilijs sexangulari irradiatione coniunguntur in utriusq; semicirculis. Sunt enim Taurus & Cancer in Lunari, Libra & Leo in Solari hexagonalia signa, ad hæc fecunda sunt & genitalia, cum sit Venus ipsa fecundæ naturæ. Diximus de Veneris domicilijs. Nunc de alterius beneficæ stellæ domibus explicemus.

De domibus Iouis.

Cap. IX.



Ouis stella felix esse ac salutaris dicitur, cuius est natura eadē quæ aëris ac sanguinis, humecta & calida, æquali ratione temperata: huic domum in Piscibus Sagittarioq; statuerunt. At uide quā cōuenienter, quā apte, quòd in parte Signiferi remotissima, quæ est propē hýemalem conuersionem, signum calidum sicumq; delegerunt ei. Nam cum ē remotissimo atq; obliquo loco radios ad nos lentiores, & penē imbecillos mitteret, quòd Solis ipsius radij declarant, qui ex eo loco obliqui feruntur, maximeq; imbecilli, socio signi calore refocillādius erat, uidendūq; ne calida eius uirescētia, humido adaucto efficeretur humentior: quòd ne accideret, signi etiam ariditas prohiberet. Contrā in parte Signiferi propinquiore, à qua in humidum calidumq; procedat annus, Pisces attribuerunt, ut ueris æstatisq; aduentantibus caloribus, signi frigore adiutus posset obsistere, ne arctatio humore, calida uirescētia, uereret potius quā foueret. Appositissimē quidem, quòd cum sit ipse beneficus, benefica, id est triangulari configuratione Sagittarius Leonem in Solari, Pisces Cancrum in Lunari semicirculo intuentur. Quinetiam cum sit Iouis stella fecunda, uentorumq; excitatrix, uentosa ei signa & genitalia sunt concessa. Adde quòd in Lunari semicirculo, Lunaris naturæ signum: in Solari autem Solis naturæ consentiens signum peculiare Iouis stellæ decreuere. Hic explicatis, de maleficarū stellarū Martis ac Saturni domibus disseramus.

De domibus Martis & Saturni.

Cap. X.



Artis stella torrida & feruens est, Saturni autem frīgens ac torpida, magnaq; in utroq; ariditas: hinc infelices dicti, quòd utriusq; radij sint intemperantissimi, illius propter aridam atq; urentem naturam, huius ob torpescētem nimiamq; frigiditatem. Vtraq; autem exuperantia maxime noxia est. Ad hæc dictum est supra Lunam Solemq; in cœlo dominari, & alterum die imperare, alterum nocte: ac Lunam quidem humectare materiam & quodammodo præstruere ad res procrean-

Mas, Solem calefacere, informare, & ut propè magis dixerim, animare.
 Atq; ut à calido humidoq; est procreatio, sic contrà à maximè frigido atq;
 arefacto mors, qualis est perniciofa Saturni natura. Quinetiam coeli pars
 ea quæ ab Ariete in Libram porrigitur, uitalis est, & generationi uitæq;
 accommodata: quæ uerò à Libra in Arietem, corruptioni ac rerum exci-
 dio. Flægitur rationes impulerunt primos illos rerum coelestium obser-
 uatores, ut in Capricorno atq; Aquario Saturnum collocarent, quando ea
 signa Solis ac Lunæ domos aduersis radijs impugnarent, qui minacissi-
 mus maximèq; noxiuſſet aspectus, atq; ex eo coeli tractu, qui ea quæ ge-
 nita essent, uitalibusq; uiribus prædita in interitum traheret. Quinetiam
 quòd Saturnus à Sole Lunaq; quàm longissimè planetarū abesset omnium,
 ut domus quoq; eius in utroq; semicirculo longissimè ab illorum abessent
 domicilijs, prouiderunt. Et saluberrimo quidem Iouis syderi decreta sunt
 domus, quæ non unius prorsus eiusdemq; , sed alterius tantum participes
 qualitatis essent, pro illius æquabilitate conseruanda. Contrà uerò perni-
 ciosissimo Saturni numini, quod moderatissime Iouis æquabilitati esset ad-
 uersum, domus decreta sunt, quæ tum unius eiusdemq; , tum aduersantis
 utraq; è parte qualitatis essent, quando intemperata uis eius foret: ut enim
 calidum calido additum mirum in modum ignescit, sic frigidum frigido ac-
 cedens mirificè retorpescit. Eademq; hac ratione inarescunt magis ac ma-
 gis quæ sunt sicca, eliquescunt humecta. Quocirca Saturni frigus Capricor-
 ni frigiditate cumulata supra modū rigescit: & stelle siccitas signi siccita-
 te amplificata, mira quadam in æquabilitate in arefactionem excedit. Ee-
 dem enim (ut dictum est) qualitates simul iunctæ in excessum atq; intem-
 perantiam abeunt, nulla media qualitate conciliante. Duo etiam contra-
 ria propè si statuuntur, nullo obsistente medio litem concitant. Quare cū
 Saturno Aquarius contentionem exuscitat à contrarijs qualitibus nullo
 prorsus moderante. Vt autem miles bello contentionibusq; , grassator præ-
 da ac latrocinijs, sic ijs Saturnus lætatur signis, quæ tum intemperantiam
 eius augeant, tum disidiū moueant ac litem, quæ moderationis est concor-
 diæq; inimica. Quia in re illud mihi uidetur usuuenire, quod in frigore ma-
 tutino, aduentate iā die ac calore: tunc enim frigus ipsum nocturnū suas in
 se omnes cogit uires, insurgitq; aduersus ingruentē hostē multo acrius. Nā
 quod ait Aristoteles, per conatus illos aduersus cōtraq; obiectos, ac summè
 infestos, perq; eā quā ipse ἀντιπρὶς ἀντιπρὶς uocat, efficitur, ut frigus etiā urat,
 quod ignis est propriū. His explicatis, de Martis domicilijs iam dicemus.

Quando igitur minacis nociuq; syderum aspectus duplex esset ratio,
 & eius qui ab opposito loco, & qui à quarto irradiaret, ac Saturni do-
 mos Solis Lunæq; opposuissent domibus, quippe qui esset Marte pernicio-

fior, relinquatur ut Martis diuersoria in quadrangularibus collocaretur signis. Siquidem Aries in Lunari semicirculo quadratis Cancrum radijs ferit, Scorpius Leonem in Solari, in quibus idem contingit, quod in Saturni domibus. Aries enim Martis qualitates unā consentiendo uehementius accendit: Scorpius uerò dū utraq; ab illo qualitate dissentit, prouocando lacessit atq; irritat. An fortasse quod in Lunari semicirculo ut perniciose naturæ syderi, signum Lunari naturæ aduersum dedicare uoluerunt, in Solari uerò, naturæ Solis repugnās? Vt unde quaq; uis eius ad nocendū magis ac magis irritaretur, hic Lunæ naturæ in peculiari semicirculo, illic Solis qualitati in Solari aduersans, quæ relictis discordiaq; quæ Martis est propria, concitaretur. Siquidē, ut de Achille ab Horatio traditur, Mars ipse iracundus est, inexorabilis, acer, iura negat sibi nata, deniq; nihil nō armis arrogat. Sed quod de conatibus cōtrā obiectis, deq; Aristotelica illa Antiparistasi suprà in domestica Saturni ratione iā diximus, idē illud hac in parte dicendū est, atq; assuerandū. Feruor enim Martius magis magisque in sese ipse cogitur, uiresq; æstuosiores suscipit ob aduersantē Scorpij naturam, quemadmodū faber dū ferrarius effervescentibus in fornacula carbonibus aqua superinspergit: quæ re ignis ipse cogitur, ampliusq; incandescit. Intus, qui antea quidē sparsim efflabat, nullo penitus aduersante. Illud etiā in hac cōstitutione, et penē dixerim domorū structura, uel cū primis cōsiderandū uidetur, quod in Musicis concentibus apertissime cernitur. In ijs enim temperandis necesse est non modò ut plurima, uerū ut unā omnia concinnatim cōueniant. Cōtrā et uoces, et numeri, cōcentusq; uniuersus statim uti dissentiat oportet, ubi nō modò paucula inter se parū consenserint, uerū ubi eadē ipsa tū uox tū numerus plusculū aut excesserit in altitudinem, aut sese contrā demiserit, seu productior fuerit, ubi breuitas exigitur, seu breuior, ubi productione ratio cōcentus exigit. Eadem itaq; ratione ac mensura in temperandis felicū stellarū radijs omnia uti cōueniant necesse est, quæ ad felicitatem conducunt. Secus autem in maleficis, siquidem perquam paucis siue in qualitatibus excessum inducētibus, siue aduersum nitentibus lis excitatur, atq; ad malefaciendū procliuat, perinde ut uoculæ uerūq; unius dissensio omnē prorsus cōcinentiā labefaciat atq; dissoluit.

De Mercurij domibus. Cap. XI.



Is explicatis ad Mercurium reuertamur. Eius stella re-
torrida esse dicitur, eaque abesse à Sole longius uno si-
gno, eoq; nō integro nullo modo potest: cuius illud in-
genium est, ut in alias se atq; alias facillē naturas transfe-
rat. Vnde Vergilius obseruandum præcipit:

Quos ignis cœli Cylleniū erret in orbes.

Eandem

Eandem ob causam deorū eum nuntium dixit antiquitas. Et uerò ne-
 esse erat inter stellas tam diuersarum naturarū unam esse aliquam, quæ
 communitatem, & ut ita dixerim, uersabilitatem quasi quandam habe-
 ret: quæ quidem inesse communitas minimè posset, nisi nunc in hanc, nunc
 in illam, mox in aliam atq; aliam naturā transiret, facileq; conuerteretur.
 Quocirca cū Soli in Leone, Lunæ in Cancro, Veneri in Libra Tauroq; do-
 micilia essent constituta in ea Signiferi parte, quæ propius nos aspiceret,
 reliqua duo signa quæ Solis ac Lunæ domibus adiuncta essent, Geminos ac
 Virginem Mercurio decreuerūt. Quando autem natura eius tam esset uer-
 satilis, ipseq; Mercurius in Geminis esse nisi Vere iā procedente, aut Aesta-
 te incipiente non posset, quo tempore uires Sol genitales excitat, excita-
 tasq; exuscitat ac fouet, ut & Verni temporis, & Solis procreatis naturā
 indueret. signum ei humidū calidūq; attribuerūt. Calida namq; & bume-
 fla tū gignēdis rebus, tū ijs quæ genita sunt fouendis maximè idonea sunt.
 Etenim Aries ac Taurus retorridā Mercurij uim magis magisque exiccassent,
 cū etiā à Solis domo lōgius abessent. Ac tamen si Geminorū humida uis
 naturalem Mercurij ariditatē quadā e parte imminuerēt, in quo genera-
 tioni est consultū, ut dixi: tamen tū ab imminētis æstatis siccitatē atq; ca-
 lore, iū à Solis propinquitate, à quo quā dixi longius abesse nequit, natu-
 ralem illam atq; ardentē eius uim foueri nihilominus intellegebāt. Cōtra
 quod æstate autūnoq; nulla esset habenda procreationis ratio, quo tēpore
 quæ procreata essent, enutriti iā, ac plena in maturitatē inclinarent, diuer-
 sorū Mercurio in arido & frigētī signo posuere: quod necesse esset propter
 torridā anni partē, ne uis eius magis magisque incensa atq; arfacta defla-
 graret, admotā frigiditate, prohiberi. Quæ re id effectū est, ut Vere qui-
 dem in signo Vcris naturā habenti domū Mercurio statuētes, ueris naturā
 imitari eū facerent: Autūno uerò, ut Autūni naturā sequeretur, in signo
 Autūnalis qualitatis diuersorium ei collocarent. Ac de errantium stella-
 rum domicilijs dictum sit hactenus. Plura tamen siue Punicis, siue Arabi-
 bus ab autoribus in hac domorū distributione traduntur, quæ referre nec
 necessarium uidetur, & Phisicis cum rationibus parū omnino conueniūt.

Quod domorū constitutio sibi maximè consentiat. Cap. XII.



Quam autem hæc domorum constitutio omni sibi e parte
 cōsentiat, illud docet, quod domorum ordo ipsoꝝ quoq;
 planetarum ordinem ac situm sequatur. Nam post Solis
 Luna q; domos gradatim hinc atq; illinc Mercurij pri-
 mū, qui Solis propinquitate præ cæteris gaudet, post
 Veneris, hinc Martis, deinde Iouis, ultimo loco Saturni domicilia subse-
 quuntur.

quantur. Illud quoque prudenter prospectum est, quod domicilia stellarum infelicitum, domos Lunæ ac Solis qui generationis auctores sunt, tum ab opposita, tum à quadrangula cœli regione hostiliter laceſſunt. Rursus felicitum stellarum, quæ generationem ac rerum prouentum adiuuant, Solis ac Lunæ regias triangulari ac sexangulari aspectu irradiant, et tanquam uenerantur. Nam Pisces triangulari, Taurus sexangulari aspectu Cancrū uident: Libra Leonem sexangulari, Sagittarius triangulari aspiciunt. Quinetiam cum perniciosissima Saturni stellæ radiatione maximè noxia, Martis uerò quod minus esset pernicioſa, minus etiā noxiū ē loco Solis ac Lunæ diuersoria oppugnarent, cautum et perspectum est, ut saluberrimum Iouis sydus aspectu maximè salutare, Veneris uerò, quod lumen eius minus esset ualidum, ē locis non adeo cognatis domos eas intuerentur. Quandoquidem ut maximo maxima, sic minori debentur minora: quod tum naturæ legibus, tum etiam ciuilibus est cautum. Sequitur post hæc explicatio ea quæ ad altitudines pertinet: sic enim ueteres appellauerunt, quæ hodie dicuntur Exaltationes, Græcè sunt ὑψιμακρον, unde rectè dici possunt et Celsitudines, et Sublimitates, quinetiam Subleuationes, quarū quidem rationes hæc traduntur.

De Altitudinibus Planetarum.

Cap. XIII.



Olem autorem procreationis esse, eamque signiferi partem, quæ ab Ariete incipiens sexto in signo desineret, uide consilium, ac tueri ea quæ nata essent, paulò antè diximus. Quo fit, ut exacta iam hyeme, ubi Solē remotis Zodiaci partibus magisque corruptioni aptis ad Arietē peruenit, quasi in patriā, atque ad gerendam rempublicā redierit, letetur et tamquam gaudio exiliat, ut qui et generationis regionem, et conuenientis se cum naturæ signum sit ingressus, in quo et augescere dies incipit, quem præsentia eius efficit, et calor qui est Solis proprius, singulis diebus incrementum accipit, Sole ipso sublimiorem iam cœli partem peragrante. Quando autem Soli primus iure suo locus ut in generatione, sic in hac constitutione datus est, meritò secundus Lunæ conceditur, quæ secundam post Solem auctoritatem iure sibi uendicat. Quocirca Lunæ altitudinem esse in Tauro uoluere, quod signum est à Solis altitudine secundum. Ad hæc cum Luna ipsa lumen à Sole, annus uerò principium ab eodem Sole capiat in Ariete constituto, si cum Sole Luna in altitudinis eius parte coeat, non antè, post coitum apparere incipiet, ac lumen suum terris diffundere, quādo Taurum ingressa sit. Iure igitur altitudinem Lunæ constituerunt in Tauro. Quod si procreationis rerum parentes letantur signis primum car-

dinem

finem orientis plagæ tenentibus, par est, ut Saturnus qui generata ad interitum adducit, aduerso altitudini Solis loco, primoq; occidentis cœli plagæ cardine letetur atq; exultet. Quapropter eius altitudini Libra est attributa, à qua, ut dictum est, motus in declina incipiat, progrediaturq; interitum, decreſcentibus diebus, frigoreq; augeſcente. Cum etiam ut Saturni domus Solis domicilio, quod sit ipſe maximè noxiuſ, nocentiſſima irradiatione aduerſetur, ſic etiam Saturninæ altitudinis ſignum, Solaris altitudinis ſigno pernicioſa irradiatione obſiſtat, quo è loco etiã Aquarium domũ ſuam triangulariter aſpicit. At Iouis altitudini Cancer deſignatus eſt: ubi enim maximè ſalutaris ſtella letari magis aut poteſt aut debet, quàm in eminentiſſimo cœli loco, unde terras hæc rectis et ſua ſe ſponte de mittentibus radijs illuſtret ac foueat? Quo etiam è loco Septentrionales uentos cõmodius excitet, quorũ hæc ſtella maximè ſecunda eſt, et piſces domum ſuam trigonali radiatione tueatur. Cũ autem, ut ſæpius dictũ eſt, rerum progenitarum conſeruatio ſit ab humido calidoq; ſimul temperatiſ, è quibus etiã generatio ipſa conſtet, cuius quidẽ naturæ atq; æqualitatis eſt Iupiter, utq; Saturni altitudo Solis altitudini opponitur, quando hic genitalis eſt, ille pernicioſus, ſic Ioui uite cuſtodi et cõſeruatori letanti in Cancro, Mars opponetur uitalem exurens humorem. Itaq; rectè in Capricorno exultare Mars dicitur, atq; in ea Signiferi regione, quæ corruptioni eſt accommodatior. Nam cùm ea regio ſit Auſtralis, et ſuapte naturæ exuſta, Mars illic magis ac magis efferueſcit atq; incendiur, quinetiã eodẽ loco Scorpium peculiarem domum hexagonaliter intuctur. At Venus in Piſcibus collocata merito leticia exultat: quippe quæ genitalis cum ſit, gaudet propinquitate eius cœli plagæ, quæ etiam genitalis eſt, ad quam plagam è Piſcibus ſtatim proficiſcatur: cumq; humecta ipſa ſit, humecto letatur ſigno, è quo ſedem ſuam, id eſt, Taurum sexangularibus illuſtrat radijs. Mercurio autem ceſſit altitudo in Virgine. Nam cum ſit retorridior, atq; eiufmodi qualitas non ſit omnino uitalis (retorrida enim humore carent) altitudinem eius conſtituere in declini ſigno, atq; in regionem eam uergenti, quæ in interitum res adducit, eã uirili etate declinat in ſeniam. Etenim ſi Veneris ſubleuatio Solis ſubleuationi aſſiſtit, genitalis qualitatis gratia, cur non altitudo Mercurij, cuius qualitas huic eſt qualitati contraria, Saturni aſſiſtat altitudini? quem pernicioſiſſimum eſſe diximus. Ut autem Saturni exultationem Solis exultationi, Martis quoq; exultationem Iouis exultationi oppoſuere, cur non exultationem Mercurij Veneris exultationi opponerent? Siquidem eorum quæ contrariæ naturæ ſunt, eadem habenda eſt ratio. Quocirca appoſite atq; conuenienter diſtributa ſunt errantibus ſtellis ſigna, quibus letarentur ſingule, tanquã ad proprium

primum opus peragendum aptis atq; idoneis. Deijci autem, & penè moreretur in opposito altitudini suæ signo unusquisq; planeta dicitur. Nam si subleuatur Sol in Ariete, quod terris fiat propinquior, quod genitalem coeli tractum inuisat, quod diem augeat, quod calorem excitet: tristiari cum necesse est ac deijci in Libra, dum terras deserit, dum corrumpendis rebus accommodatam regionem ingreditur, dum et dies imminuitur, et calor incipit à frigore superari. Idem dico de Saturno, reliquisq; quos æquum est moreretur, & tanquam deijci animo, dum deiecta in loca, atq; altitudinibus suis oppositas ad regiones perlatis, contrarium obire munus cogitur, ut in lucem ueniat, qui gaudeat tenebris: eat in tenebras, qui gaudeat luce: sentiat calidum, qui letatur frigido: liquecat in humido, qui arescere cupiat in secco: torrescat in arido, qui querat humentia: quæq; alia propriae sunt naturæ contraria, patiatur: unde Græcè dicuntur ταπεινώσεις, maiores nostri Deiectiones, Humilitatesq; uocauere, quod tanquam deiectione planete illic essent, & in humili ac depresso loco sine autoritate sordescerent: unde hodie Depressiones dicuntur & Casus, & Planete ipsi in ijs locis positi, depressi ac deiectione existimantur. Illud etiam in decernendis altitudinibus prudentissimè consideratum est, quod cum Sol primas in generatione partes habeat, triangularisq; irradiatio primæ sit ad beneuolentiam autoritatis, Soli in Ariete, qui Leonem triangulari aspectu intuetur, altitudinem decreuere: Lunæ in Tauro, qui Cancrum sexangulariter aspicit: qui quidem aspectus cum secundæ sit autoritatis ad gratiam ac fauorem, in constituenda Lunæ altitudine obseruatus est, quippe cum Luna ipsa secundas in generatione partes retineat. Idem seruatum est in decernenda Saturni ac Iouis altitudine, quorum stellæ diurnæ sunt, ac Solaris conditionis, ut è sua uterq; altitudine proprias sedes triangulariter aspiceret. In Martis uerò ac Veneris statuendis subleuationibus id etiam per aspectum est, ut ex ijs sedes suas hexagonaliter intuerentur, quod hi Planete nocturni sint, Lunæq; conditionem sequantur. Mea quidem sententia uidentur prisca illi constituendis altitudinibus hanc potissimum rationem secuti, ut quemadmodum peregre redeuntes mirificam co in loco uoluptatem capiunt, ad quem ubi peruenere, patrium inde solam prospicere incipientes, Lares ipsos summa cum iucunditate letitiâq; saluant: Sic ipsi quoq; arbitrarentur erranteis stellis, ac tanquam peregre uenientes, exultare co in signo, de quo domicilium quæq; suum, amicoq; intueatur è loco. Atq; in Sole quidem, Ioue item ac Saturno, quia diurnæ masculæq; conditionis essent, triangularem secuti sunt aspectum, quippe qui autoritatis esset maioris: in nocturnæ uerò femineæq; conditionis stellis sexangularem, qui minore esset autoritate præditus. Ex ijs quæ iam explicata

sunt.

sunt, satis patet, Solem, Lunam, Iouem, ac Venerem in ijs, de quibus diximus, signis extolli, & tanquam reges proprio in solio ius dicere, autoritateq; suam præ se ferre, tū gignendi, tū quæ genita essent conseruandi gratia contra Saturnum, Martem, & Mercurium, eorundem perdendorum causa. Cum autem singula quæ nascuntur, semel tantum nascantur, semel uiuant, semel etiam moriantur: iure, in uno non in duobus aut pluribus signis, cuiq; planetæ altitudinem decreuere. Cur autem stellis singulis binas præterquam Soli ac Lunæ domos dedicauerint, illa uidetur esse ratio, quod penes Solem Lunamq; cœli totius esset ac signorum omnium iurisditio, & eorum quæ fierent moderatio, quemadmodum penes regem regnamq; ius curaq; regni totius est. Consueuere tamen una in urbe sedem tribunalq; sibi statuere, in qua eorum existimetur maiestas uenerabilior, ac iuris dicundi potestas accommodatior. Quocirca alteri Leonem, alteri Cancerum dedicauere, in quibus coniuncta utriusq; esset regia: atq; ut uxor uiro, sic Luna Soli propior assisteret. Cum enim (ut dictum est) manus Lunæ sit, materiam præparare, Solis informare, ubinam facilius, commodiusq; quam in signis similium qualitatibus, iisdemq; proximis, & in parte Zodiaci præsentissima præstare hoc ipsum poterant? Ceteris autem quasi famulantibus, cum aliâs Solem antecedant, aliâs sequantur, ac nunc sint in ortu, nunc in occasu (ac si duplex ipsorum ministerium ac munus esset) domos etiam duplices decreuere: unam, quæ esset à dextera, alteram quæ à sinistra: ut regias dominorum in medio ac tanquam in arce positis domibus suis cingerent.

De aspectibus, & configurationibus.

Cap. XIII.



Voniâ autem de configurationibus atq; aspectibus sepius à nobis mentio facta est, qui & quales aspectus ipsi sint, aperiendū relinquitur. Cōfigurantur itaq; in Zodiaco septima quæq; signa à loco sibi aduerso, seq; oppositis inuicē radijs intuetur: unde aspectus hic oppositus & cōfiguratio opposita uocatur. Græco uerbo Diametra, necnon Diametralis dicitur, quòd Signiferū ipsum à primo ad septimū signū protracta recta linea æqualiter metiatur. Si enim ab ortu ad occasum usq; rectam lineam produxeris, cœlum omne in duas æquas partes, quæ uocantur hemisphæria, diuides. Cum autem uniuersus Signifer è duodecim cōstet signis, signaq; ipsa è triginta partibus, si partes ipse duodecies multiplicatæ fuerint, tercentum ac sexaginta partes constituent: quam totam summam ubi sexies duxeris, in duas æquas partes diuides, & q; singulæ erunt è centum octoginta partibus. Vt enim duodenarium numerum sex bis ducti æqualiter diuidunt,

dunt, sic centū octoginta partes bis ductæ uniuerſam quā diximus Zodia
 ci ac duodecim ſignorum ſummam, biſariam æquali ſorte partiuntur: Vt
 ſi à primo gradu Arietis rectam lineam in primum Libræ gradum pro
 tendas, cœlū omne in ſex ſigna, gradusq; centum octoginta biſariam di
 ſtribues. Hæc diuiſio, ſeu rectæ lineæ protractio rectū cōſtituere angulum
 dicitur. Rurſus ſenarius numerus ē ternario bis multiplicato cōſtat. Si igitur
 unū ſignū, id eſt, triginta cœli partes ter duxeris, cœlū ipſum, ipſaq;
 duodecim ſignā in quatuor quadras æqualiter diſtribues. Singule autem
 ſeu quadræ, ſeu quadrangula, ſeu quadrantes ē nonaginta conſtabunt gra
 dibus. Quæ partes quater ductæ integram Zodiaci ſummā, uniuerſasq;
 duodecim ſignorum partes complebunt. Eadem hæc diuiſio rectū quoq;
 angulum conſtituit. Hic autem aſpectus à primo quoq; ſigno in quartū du
 ctæ lineæ figuratur, unde à Græcis *τετραγωνος*, à noſtris tum Quadratus,
 tum Quadrangulus, Quadrangularisq; dicitur. Sequitur aſpectus il
 le qui *τριγωνος* Græcè dictus eſt, Latine Triangulus, Triangularisq;.
 Quidam ē recentibus uocant Trinum, quamuis non ſatis Græmaticè, Con
 tinet hic ſigna quatuor, partes uerò centū uiginti. Si enim ſignum unū, id
 eſt, partes triginta quater multiplicaueris, quot diximus ſigna, quot etiā
 diximus partes implebis: quatuor autem ſigna ter producta, duodecim ſi
 gna, id eſt, omnem Signiferum complectūtur. Quæ ratione Signifer orbis
 in triângulos tris diſtinguitur: indifferenter enim & mafculino genere, &
 neutro triangulum proferimus. Hæc configuratio ſit, ubi à primo quoque
 ſigno digreſſus in quiniū uſq; progrediē: angulum autem conſtituet ne
 quaquam rectum, ſed obtuſum, continentemq; angulum unum rectum, ac
 tertiam etiam recti particulam. At hexagonus, quem Latine Sexangulum
 ac Sexangulare dicimus, Sextile nonnulli malunt, duo tantū ſigna con
 tinet, gradusq; ſexaginta, partiturq; omnem Signiferū in figuram habentem
 ſex angulos. Si enim ſignū unū cuiusq; triginta partes bis produxeris,
 ſigna quidem duo, partes autem ſexaginta cōficiēs, quæ Zodiaci totius eſt
 pars ſexta. Progrediē autem à primo quoq; ſigno in tertium, quæ ratione
 hæc ipſa ſexangularis forma acutū angulū, hoc eſt, duas recti tertias conti
 nebit. Qui numeris delectantur, figurisq; Arithmeticis, hæc quæ dicimus,
 ad ſeſquialteram & ſeſquitertiam rationem commodiſſimè referunt. Igitur
 ſi ab Arietis parte prima numerare incipias, quæ quadrata dicitur con
 figuratio, ea tria ſigna, hoc eſt, Arietem ipſum, Taurū, ac Geminos ad primam
 uſq; Cancrī partem complectetur. Sin Arietem, Taurum, Geminos,
 Cancrumq; complexus fueris, ad primā uſq; Leonis partem triangularē
 configurationem formabis. At ſi ab eadem prima parte Arietis ad primā
 uſq; Geminorum proficiſcare, ſexangularem figuram conſtitues. His ratio
 nibus

nibus Signifer ipse cōtinebit hemisphæria duo, id est, æquales semicirculos duos: ut si ab Ariete incipiens in Libram proficiscare, rursusq; à Libra regrediare in Arietem, cōtinebit item quadrus quatuor, quarum prima complectitur Arietem, Taurum, Geminos: secunda Cancrum, Leonem, Virginem: tertia Libram, Scorpionem, Sagittarium: quæ ultima est, Capricornum, Aquariū, Pisces: triangulos uero tres tantū, primum ex Ariete, Tauro, Geminis, Cancro: secundum è Leone, Virgine, Libra, & Scorpione: tertium qui unus reliquus est, è Sagittario, Capricorno, Aquario, Piscibus: sexangulos uerè sex, primum ex Ariete & Tauro, secundum è Geminis & Cancro, tertium è Leone & Virgine, quartū è Libra & Scorpione, qui duo sunt reliqui: alterum è Sagittario & Capricorno, alterum ex Aquario & Piscibus. Aries igitur sexangulari aspectu Geminos, quadrangulari Cancrum, triangulari Leonē, opposito Librā irradiat: & sic deinceps alia signa se inuicē intuentur minaci beneuolæ irradiatione. Quæ de re mox dicemus.

De aspectibus beneficis & maleficis. Cap. XV.



Vadranguli, oppositiq; aspectus, ac Diametræ, tetragonæq; cōfigurationes minaces sunt & noxiæ, cōtrā triangulares ac sexagulares beneuolæ & adiutrices: quod cur fiat, uideamus. Radij sibi inuicē aduersantes (quod obuiā facti, & alteri in alteros uiolenter impacti collidunt sese) discordiam atq; inimicitias excitant, inde aspectus ipse noxius & hostilis est. Radij quoq; quadrangulantes, tametsi aduersis frontibus sibi non occurrunt, tamen è rectis angulis progressi, & tanquam alteri in alterorum latera incurstantes percutiunt sese, dumq; neutri uidentur uelle cedere, cōtentionem exuscitant, quocirca & hæc quoq; irradiatio minax est. Docet hoc uentoru pugna, ubi aut auster opponitur septentrioni, aut austro ipsi qui à meridie flat, Fauonius occurrit ab occasu, trāsuerso impetu. Secus autem in triangulorū, sexangulorumq; contingit irradiationibus: siquidem radij ipsi neq; sibi occurrūt aduerso impetu, neq; se inturbant, aut tanquam è latere atq; ex insidijs inuadunt, quinimò perinde ac socij miscent sese, ac ueluti in unā aciem cōuenientes simul procedunt. Quæ re utraq; beneuola irradiatio dicitur, quod inuicem coniunctis uiribus sibi auxilio sint. Ptolemæi hæc ipsa de re uerba sunt hæc: Ex his configurationibus trigonæ quidem atq; hexagonæ dicuntur consentientes, quippe quæ è generis eiusdem signis statuuntur, aut foemininis omnibus, aut masculinis: inco-sentientes uero diametræ & tetragonæ, quod iuxta arithmetice eiusdem generis situ nactæ sunt. Prima quidem Ptolemæi ratio sibi constat, siquidem signa inuentia se è triangulo aut sexangulo genere consentiunt. Aries enim

et Leo et Sagittarius sunt signa masculina: Taurus, Virgo, et Capricornus foemina. Idem in omnibus triangularibus signis euenit. Eadem quoque sexus conuenientia iunguntur sibi sexangularia signa, Aries ac Gemini, Taurus item et Cancer, et sic deinceps. Secunda uero ratio, quae est de Antithesi, quam sibi constet, non intelligo: cum signa quadrangularia genere ipso differant, ut Aries et Cancer, Taurus ac Leo, opposita uero conueniant genere, ut Aries ac Libra, Taurus et Scorpius, Gemini et Sagittarius. Itaque non satis patet, quae nam sit haec Antithesis, id est, eiusdem generis signorum oppositio. Quocirca nec ratio ipsa sibi quadrat. Nam si in triangularibus idem genus conuenientiam facit, atque consensum gignit: quomodo nam in oppositis dissensionem atque inimicitias excitabit? Signa quoque triangularia conueniunt secum ob easdem elementares qualitates. Arietina enim triangularitas ignea est, Taurina terrena, aëria quae nomen habet à Geminis, aquea quae à Cancro. At in quadrangularibus signis hoc ipsum non est perpetuum, ut sibi omnino aduersentur ab utraque qualitate. Cancer enim et Libra in humido conueniunt, tametsi Aries atque Cancer utraque qualitate differunt, Taurus quoque et Leo in ariditate simul consentiunt, at Gemini ac Virgo prorsus dissentiunt. Signa quoque opposita eandem seruant regulam, ut nequaquam se contrariis omnino qualitatibus impugnent. Aries enim ac Libra consentiunt in calore, Taurus et Scorpius in frigore. Idem in sexangularibus contingit. Aries enim ac Gemini inuicem calido conciliantur, differunt humido et sicco. Taurus et Cancer consentiunt in frigido, dissentiunt in humido. Quocirca aspectus ipsi non ab elementarium qualitatum similitudine, aut dissimilitudine, aut ab eiusdem generis societate, oppositione uel beneuoli aut maleuoli dicendi mihi uidentur, sed à situ potius, atque à radiorum uel concursu socio, uel occisione aduersa. Cancer enim ac Leo, Capricornus et Aquarius, Pisces et Aries, Virgo et Libra ratione ea sese hostilem insectarentur in modum, aduersantibus qualitatibus: non insectantur autem, quia situs quadrangulus, seu oppositus, radiorumque hostilitas minime id patitur. Non inficiamur tamen qualitatum similitudinem aut dissimilitudinem, ad augendas tum familiaritates, tum odia multum etiam conferre.

De signis auersis et disiunctis.

Cap. XVI.



Duodecim igitur signis septimum quodque ab illo à quo numerare coeperis, item quintum, quartum, ac tertium se inuentur, ob eamque rem coniuncta inter se dicuntur. Quod uero secundum, sextum, octauum, aut duodecimum fuerit ab eo à quo numerum ordiris, sibi nullo modo configurantur.

rantur, neq; enim secundū signū aspiciunt primū: unde quod nulla inuicem cōfiguratione iungūtur, quā quod à seipsis auertūt aspectū, tum disiuncta, tum auersa dicūtur signa, Græcè sunt ἀόρυστα. Taurus enim quod secundū ab Ariete locū teneat, Virgo quod sextū, Scorpius quod octauū, Pisces quod duodecimū, nulla dicūtur cum Ariete aspectus societate cōiungi. Eadem est aliorū inter se signorū secundum hunc ordinē ratio. Et illa quidem quæ se intuentur, siue duplicata, siue triplicata, siue etiā quadruplicata, circuli uniuersum implēt: quod in aduersis atq; disiunctis secus accidit.

De inæqualitate dierum et noctium secundum climata.

Caput XVII.



Ecce uero cum de dierum ac noctium incrementis, tum detrimentis mentio facta sit, præcreūda uidetur ratio cur id eueniat. Nam cū Signifer orbis uigintiquatuor tantum cōuertatur horis, singula signa duabus horis integris, si supra finitorē circuli, quem Græci ἐπιζώντα dicūt, ascenderent, nimirū dierum ac noctium inæqualitas nulla cōtingeret. Ex hac itaq; temporū inæqualitate indicatur ipsa ortus signorū atq; occasus inæqualitas, nec unū esse ascensionis spatium, quæ res ad terrarū situm mundi q; posita referenda prorsus est. Quo enim à lineā æquinoctiali septentrionem uersus propius accesseris, sub æstatē maior fit diebus accessio, sub hyemē uero noctibus. Quocirca obliquitas ipsa Signiferi orbis, ac recessus terrarum ab æquinoctiali ad septentrionālē cardinem, hanc ipsam temporum inæqualitatem efficit. Quam inæqualitatē præsci illi rerū cœlestium obseruantissimi, ut manifestiorē facerent, spatium omne quod est terrarum à lineā æquinoctiali ad septentrionis uerticē, ad quem qui ab Austro recedūt, uidentur continuē ascendere, in septem climata, inclinationesq; et, ut ita dixerim, cliuos diuiserūt. Et primum quidem siue illud clima, siue potius cliuum, aut etiā tractum, aut inclinationem uocaueris, tum diem maximum sub æstiuum solstitium, tum noctem longissimam sub brumale, tredecim tantum horarum habet: neq; enim ultra hoc spatium aut dies aut nox illic producit, neq; citra undecim subducitur. Hic tractus quoniam Merocē Aegypti pertingit, inde à Græcis Λιμυρὸς est agnominatus. In secundo autē climate dies et noctes ad horas tredecim adiiciūt horæ unius dimidium, ubi maxime productæ sunt, ac tātundem demūt ubi subductæ. Quod quoniā Syenem, quæ est plagæ illius urbs notissima, tractus suo complectitur, ab eo nomen accepit Λιμυρὸς. Et ille quidem tractus Merocēnsis, hic uero dici à nobis Syenensis potest. In tertio, quod ab Alexandria dicere Alexandrinum, dies noctesq; maxime illæ quidem sunt horarū quæ

tuordecim, minima autem decem. In quarto, quod Rhodium est uocatum, ad horas has quatuordecim accedit horæ unius dimidium, rursusq; tantūdem demitur ē decem. Quintum quod Romanum dicitur, habet dies novēq; ubi productissimæ sunt, horarū quindecim: ubi subductissimæ, novē tantum. Sextum quod agnominatum est Helleponticum, addit ad horas has horæ alterius dimidium, ac tantundem demit ē novem. Septimum Borysthenicum habet horarū sedecim, tum dies, tum noctes, ubi ad summum excreuerē: at ubi quo decrescant amplius non habent, horarum octo. Quidam addidere octauum, idq; Rhiphæum à Rhiphæis montibus, quinetiam Hyperboreum uocauere: hoc in tractu maxime frigido et ab æquinoctiali linea quam remotissimo, quo propius ad uerticem septentrionis accesseris, eo amplius augescunt sub æstatem dies, sub hyemem noctes, siquidem comperitum est ad horas uiginti accedere. Ac de his nunc haftenus, alibi distinguius atq; uberius. Ipsa uero æquinoctialis linea æquales semper dies noctibus efficit, quoniam nulla illuc contingit terrarū aut signorum obliquitas. Secat autem interiorem Libyam per sinum Hesperium, ultra fortunatas insulas, perq; montem, qui deorum currus dicitur, ac montem eiusdem tractus nomine Arualtem, inde transit per interiorem Acthiopiā ultra Garamanticam et Arangam montem: ac per Pyleos montes, item Coloan paludem cis Lunæ montes, ac Nyli paludes profectus, secat Indicum pelagus, extremaq; Taprobane et Chersonesi eius quæ aurea dicitur, indeq; per Sinarum sinum pertingit locum, ubi Saënus fluminis in sinū ipsum influit: ultra uero regio est nobis ignota,

De signis obliquis, aut rectis.

Cap. XVIII.



IN ijs igitur tractibus, quos ab ipsa æquinoctiali linea septentrionē uersus octo esse posui, signa sex quæ sunt ab initio Capricorni usq; ad Cancri principiū, quod obliqua oriuntur (recedunt enim ab Austro, atq; in Aquilonē assurgūt) singula minus duabus horis occupāt in ortu, quo circa lucem citius nobis afferunt, et quod ad occasum recta descendunt in ipso descensu singula duabus horis amplius occupant. Quo fit, ut cum celestius oriatur, occidat tardius, diesq; ipsi tandiu crescant, dum ad Cancri initium Sol peruenerit, quo ē loco quod signa ipsa recte incipiāt exurgere, ob circuli conuersionē lucem tardius ad nos afferūt, quodq; in occasum precipitantur, et obliqua decidunt, singulaq; breuius horis duabus descendūt, lucem citius auferūt. Quocirca noctes tandiu produciuntur, dum ad cōtrariam circuli conuersionem, quæ fit in prima Capricorni parte, Sol ipse lucis autor profectus fuerit. Quæ igitur signa breuiori tempore, quam quod est

est horarum duarum ascendunt, ea obliqua dicuntur, ascensionumq; paucarum. At quæ duabus horis amplius supra finitorem tolluntur, recta, multarumq; ascensionum. Ex hac autem obliquitate, et oriendi rectitudine id efficitur, ut signa obliqua licet singula è triginta constent partibus, tamen quod ad horarum pertinet spatium, pauciores habere partes dicantur. Siquidem idem ipse Aries, quod signum sub æquinoctialem lineam triginta partium est, in ipso primo climate ea celeritate ascendit, ut non plures quam vigintiquatuor gradus, ac viginti minutas partes gradus unius habere videatur. At Cancer tanto tardior eo exurgit in eodem primi climatis tractu, ut ad triginta illas partes tres etiam gradus adijcere intellegatur, quin etiam minutas partes viginti. In septimo autem climate usq; adeo propere ortum Aries sentitur, ut quindecim gradus integros nullo modo impleat. Contra Cancer immoratur adeo, ut amplius etiam quam septem ac triginta gradus occupet. Hoc quod de gradibus dicimus, ut ad temporum atq; horarum spatia referamus, tale est: Constituamus locum in quo dies maximus sit horarum quatuordecim, ad quas etiam addat plusculum aliquod temporis, hoc in loco Cancer, quod rectum signum esse diximus, totus oritur horis duabus, adiecta etiam duodecima parte horæ alterius. At Capricornus qui huic aduersatur, et obliquus exurgit, hora una et deinceps, siquidem è duabus horis surripitur ei horæ unius pars duodecima. Quod enim Cancro adijcitur ad horas duas, illud ipsum, id est, tantundem demitur è duabus horis Capricorno. Leo item oritur horis duabus et triente, Aquarius hora una, trientibus duobus, Virgo exurgit tota horis duabus, trientibus item duobus, id est, partibus octo horæ alterius: Pisces huic contrarij hora una, triente uno. Quod enim Virgo sibi addit ad horas duas, Pisces imminuunt. Libra quoq; dum tota oritur, hoc ipsum tempus horarum duarum et trientium duorum implet, at Aries horæ tantum unius et trientis unius spatium, Scorpius horas duas et trientem unum occupat in ortu, Taurus horam unam et trientes duos, Sagittarius horas duas et duodecimam horæ partem, perinde ut Cancer, ac Gemini perinde ut Capricornus horam unam cum deinceps, id est, horas duas dempta tantum duodecima horæ parte. In horum autem occasu ratio mutatur, quantum enim duabus horis demitur, aut illis additur in exortu, tantum subducitur, aut adijcitur in occasu. Quæ ratio efficit ut Solæ in prima Cancræ parte constituto, dies sit horarum quatuordecim, adiecta etiam alterius horæ parte sexta. Ac nihilominus horis vigintiquatuor Signifer totus conuertitur, signaq; sex hemisphærio superiori, altera uero sex inferiori deferantur. Hæc quæ nunc dicimus, manifestiora fiunt è regulis computationum pro locis, in quibus ascensionum ipsarum ratio queritur.

De signis præcipientibus & obedientibus. Cap. XIX.



EX hac tamē oriēdi inæqualitate efficitur, ut signa quædam quòd æqualiter absint ab æquinoctialibus punctis habeāt gradus inuicem sibi æquales, ultima enim pars Piscium contigua est æquinoctij uerni puncto, quemadmodum prima, sic etiam Piscium uigesimanona, uigesimaoctaua, uigesima septima, ac deinceps iisdem spatijs, quibus secunda, tertia, & quarta Arietis ab eodem puncto absunt: eadem ratio est partium Tauri & Aquarii, Geminorum & Capricorni. Siquidem trigesima Aquarii, & item uigesimanona, ac deinceps aliæ partes signi eiusdem, rursus prima & secunda Tauri, & quæ post sequuntur, tantundem ab Arietini æquinoctij puncto remotæ sunt. Vltimæ quoque partes Capricorni, primæ item Geminorum, & conuerso ordine, Geminorum ultimæ ac primæ Capricorni partes æquis portionibus puncto ab eodem distāt. Eadem hac ratione atque ordine partes Virginis Libræ partibus respondent, partes Leonis partibus Scorpii, partes Cancrī partibus Sagittarij. Singulæ enim uerso ordine ab æquinoctij autumnalis puncto æqualiter distant, quā ob causam easdem etiam ascensiones ac descensiones habent. Pisces enim & Arietis æquatis, ut dictum est, temporibus exurgunt & occidunt. Idem seruant inter se Taurus & Aquarius, item Gemini & Capricornus: quocirca Græcè dicuntur *ἰσὺν ὁρῶντες*, quòd æquatis ascendant temporibus: quintiā à multis dicuntur *ἰσὺν ὁρῶντες*, quòd mutuis utantur uiribus: eadem est in ortu atque occasu æqualitas inuicem Virginis ac Libræ, Leonis & Scorpii, Cancrī & Sagittarij. Hec igitur partium æquidistantia, eademque ab æquinoctialibus punctis tum remotio, tum propinquitās, è quibus ascensionum ac descensionum similitudo manat, conuenientiam inter se quandam atque cōsensum, & familiarem, ut ita dixerim, affectionem ingenerāt, atque, ut Græci dicunt, *συμπάθεια*. Quod in uita quoque ciuili contmgit, ut annorum æqualitas, ætatisque ac morum similitudo beneuolentiam & coniunctionem pariat. Pueri enim ob ætatem pueris, Senes senibus, continentes continentibus conueniunt. Quod si à natura inest hominibus, an non cœli ipsius partibus inerit? à quibus profectò efficitur, ut illis hi, his illi, alijs alij tum magis, tum minus natura ab ipsa concilientur. Singulis enim hominibus naturalis quædam affectio, atque propensio, & ut hodie dicūt, inclinatio insita est. Quamobrem in pronunciandis sententijs atque apotelesmatibus oportet Mathematicum partes has considerare, & quid ex ipso partium consensu, atque æquipollentia fieri possit, inspicere. Prisci quoque tum Aegyptij, tum Græci alterum semicirculum, à cuius initio postquam Sol ad eum peruenit, dies excrefcere incipiunt, æstiuum dicere: al-

tertium

terū uerò hyemalem, quòd ubi Sol ad eū descenderit, dies superentur à nobilibus. Quòd dies igitur præferatur nocti, quòd calor frigori, lucis incrementū detrimento, hinc signa ipsa æstiuæ semicirculi, quòd lucis, quòd diei, quòd etiam caloris augmentū afferant, unde rerū prouentus existit in terris, honoris gratia dicuntur imperare: quæ uerò in hyemali circulo collocantur, tanqua subiecta illis obedire. Etenim in bene constitutis urbibus magistratus ipsi ac principes, quòd maiori sint autoritate præditi, præferuntur cæteris ciuibus, et in precio habentur maiori. An non propter lucis autoritatem, calorisq; præstantiam inter planetas ipsos Sol excellit? Iure igitur ut partes quædam partibus ob germanam æqualitatem consentire, inuicemq; familiariter iungi existimantur: sic ex ipsis signis alia præcipere, contra alia obedire iudicantur. Quid enim magis secundū naturam, quàm ut quæ potiora sunt, minus præstantibus præferantur atq; præsideant? Hec quoq; consideratio ad intelligenda stellarum decreta plurimū adiumenti discipline huius studiosis affert. Nec uerò explanandis his recusabimus quæ Porphyrius de præcipientibus atq; obediens signis et sentit et tradit, statim subiungere. Obediunt, inquit, signis signa, Libra quidem Arieti, quòd Aries diem augeat, ipsa uerò minuat: Pisces Tauro, quòd Taurus plurimum est ascensionum, Pisces pauciorum: eodem modo Aquarius Geminis, Capricornus Cancro, Sagittarius Leoni, Scorpius Virgini. Hec Porphyrius. Ex his igitur satis liquet Solstitij æstiuæ signum imperare signo sibi opposito, itemq; uerni æquinoctij signum imperare Libræ, ob dicrum lucisq; magnitudinem atq; incrementum: atq; ob hanc ipsam rationem signa quæ ascendunt ab Ariete ad Cancrum, imperare signis à Capricorno ad Arietem proficiscentibus: item signa quæ à Cancro declinant in Libram, imperare signis à Libra in Capricornum declinantibus. Atq; hæc quidem præcipiendi obediendiq; regula et ratio ab antiquis hunc in modum traditur.

De antisicis et gradibus sibi respondentibus, et signis se uidentibus. Cap. XX.



ST etiam inter signa ac partes ipsas alia quædam magna; consensio, et tanquam cognatio, quam profectò nouisse operæpretium fuerit. Nam licet Aries ac Virgo nullis se radiationibus aspiciant, mirifica tamen societate et quodam quasi fœdere iunguntur, adeo ut planeta in Virgine positus, quanquam Arietem non aspiciat, nihilominus uires suas in Ariete magis ac magis exercet. Hoc autem cuiusmodi sit, apertianus: Tamen si à Iulio Materno et à nobis ipsis in cōmentationibus nostris

Aug. f.

flris abunde est explicatum. Duo namq; cum sint solstitialia signa, ab altero decrefcere quidem dies, augescere autem noctes incipiunt, contrā ab altero noctes decrefcere, dies uerō augeri. Signum Geminorū præcedit Cancrum, Sagittarij Capricornum, singulæ autem partes Geminorum uerso tamen ordine singulis partibus Cancrī: item partes Sagittarij Capricornī partibus sunt æquales, tantundem enim à solstitialibus punctis absunt: Ac Sole in eis constituto idem contingit noctium ac dierum spatium. Sol enim constitutus in primo Arietis gradu, abest à puncto æstiu solstij tribus integris signis. Tantundem etiam abest, si in ultima parte Virginis collocetur, eodem Sole ipsdem in partibus collocato, idem etiam contingit dierum ac noctium spatium, idem lucis ac tenebrarum tempus. Eadem hæc æqualitas est inuicem partium Tauri & Leonis, Libræ & Piscium, Aquarij & Scorpij. Græci hæc partium mutuas consensiones dixerunt *ἀντιρία*, ac si gradus signi unius, gradui alterius contrariā umbram iaciat: non quia primi gradus Arietis, quos æquales ultimis gradibus Virginis diximus, contrarias inuicem umbras iaculentur, sed quod ab Arietis ascensu dies excrefcunt, à Virginis uerō descensu uergant in detrimentum, atq; inde superare noctes incipiant. hoc enim solo gradus illi differunt, quod Sole ab alteris ascendente dies ita progredūt, ut noctibus semper aliquid surripiant, ab alteris uerō descendente, ut semper aliquid amittāt. Ammianus autem Marcellinus tradit eos qui Meroën Aethiopiæ habitāt, uocatos esse Antiscios, quod cū ea terrarū pars æquinoctiali subiaceat circulo, diebus nonaginta, umbræ quæ illi sub Sole fiūt, nostris aduersentur. Ponā ipsius Iulij Martini uerba: Geminorū pars prima in uigesimānonam partē Cæci mittit antiscium, rursus Cancrī uigesimānona pars in primā Geminorū partem antiscium mittit, secunda in uigesimāoctauam, & uigesimāoctaua in secundam, tertia in uigesimāseptimam, & uigesimāseptima in tertiam, quarta in uigesimāsextam, & uigesimāsexta in quartam, quinta in uigesimāquintam, & uigesimāquinta in quintā, sexta in uigesimāquartam, & uigesimāquarta in sextā, & sic deinceps. Singulæ namq; partes à qua parte Antiscium excipiunt, in eam rursus à se remittunt. Quemadmodū igitur Gemini & Cancer mutuis utuntur antiscijs, atq; inter se ratione hac reciprocantur: sic Taurus & Leo, sic Virgo & Aries, sic Libra & Pisces, sic Scorpius & Aquarius, sic Sagittarius & Capricornus. Trigesima tamen pars signi, ut ipse ait, nullam in partem antiscium iacit: nam quod eam iaciat, aut à qua in ipsam reijciatur, nō habet: quod supputatio ipsa manifestū efficit. His in partibus Sole constituto, ut qui æqualiter à punctis absit solstitialibus, dies diebus, & noctes noctibus sunt æquales: hoc solo differunt, quod hæc ascendunt ad punctū solstitiale, contrā illæ à puncto descendunt. Quod facile

facile intellegatur, si constituto in cœli medio solstitij æstiu puncto, à uigesimo gradu Geminorum rectam lineam protenderis in decimum Cancrigradum. quæ partes inuicem et mittunt et remittunt antiscium. Inuenies enim utranq; partem tantundem à puncto abesse, ac triangulum duobus æquis lateribus dextra sinistraq; super protentam lineam constituere, et gradum quidem Geminorum sursum ferri, ac Cancrigradum deorsum inclinare. Idem hoc cōtinget, si lineas duxeris è partibus Tauri in partes Leonis, et è partibus Libræ in partes Piscium, eo quo dictū est ordine: rursus si ad alterum solstitium à Capricorno atq; Sagittario exordiare, eadem contingent. Hæ igitur signorū partes ob hanc quam diximus societatem atq; cognationem, ac propter lineæ ab altera in alteram productæ æquationem, mira quadam societate iunguntur, sibiq; inuicem suffragantur. Quocirca uidere inuicem se signa hæc dicuntur, ob amicitiam et consensum. Etenim qui inuisi nobis sunt, non solum dissentiant à nobis, uerum odio habentur: et quos odio habemus, uidere eos nolumus. Molesta quoq; omnia inuisa sunt, et inuidia ipsa ab animi ægritudine cū odio et maleuolentia nascitur. Quamobrem si quæ stellæ in alicuius genitura, licet mutuis irradiationibus se nō affexerint, hac tamen antisciorū societate iungantur, plurimū profectō autoritatis nanciscuntur. Nec tamen nos fallit, Porphyrium aliosq; nō paucos de signis se uidētibus alio modo sentire. Porphyrij ipsius uerba sunt hæc: Videntia signa sunt, quæ et diebus et noctibus equalium temporum spatium tribuunt. Etenim Sole in Cancro cōstituto, maximus dies est horarū quindecim, minimus uerō nouem, cum Sol in Capricorno fuerit, pares autē dies in Libræ et Ariete. Igitur in Geminis et Leone dies est horarum quatuordecim, in Tauro et Virgine tredecim, in Ariete et Libræ duodecim, in Scorpio et Piscibus undecim, in Aquario et Sagittario decem: quocirca signa hæc se ipsa uident, ac si dicat, ob hanc ipsam diæ equalitatem mutuo inter se amore afficiuntur. Singillatim uerō intuenti signorum ipsorum partes, facile apparebit, quæ à Porphyrio dicitur, non usquequaq; sibi constare: neq; enim singulæ partes Leonis singulis Geminorum equaliter respondent partibus. Si quis enim à decimo Geminorum gradu in decimum Leonis gradum lineam protendat, ac super primam Cancrigradum partem, in qua maximus contingit dies, triangulum statuat, inueniet latus alterū, quod est à prima Cancrigradum parte in decimam Leonis partem, è triginta nouem gradibus constare: at latus alterum, quod est ab eadem Cancrigradum parte in decimam Leonis, uiginti non amplius graduum esse. Nō igitur equaliter ab eodem puncto solstitiali distant. Nam etsi Gemini ac Leo tantundem à toto Cancrigradum signo distant, non tamen equaliter à solstitij puncto absunt; ultimus enim gradus Geminorum punctū ipsum

solstitij contingit, à quotamen ad primam Leonis partem uigintinouem
 Cancrigradus interiecti sunt. Sin à primo Geminorum gradu ad primum
 Leonis protenta linea triangulum super punctum solstitiale statueris, erit
 quidem utriusq; latus æquale, & dies æquales, quoniam primi ipsi gradus
 à puncto æqualiter absunt, cæteræ tamen partes omnes in æquali distan-
 spatio. Quo fit, ut dies quoq; inæquales sint, adeò ut præter hos ipsos duos
 dies, ac primus utriusq; signi gradus neq; interuallis à puncto solstitiali
 neq; temporum æqualitate conuenientiã inter se ullam Gemini ac Leo ha-
 beant. Quocirca ea quæ de Antiscijis antè sunt prodita, magis probanda
 uidentur, & signa ea magis quàm hæc uidere se inuicè iudicãda, sibiq; mu-
 tuis fauoribus suffragari, ob partiũ æqualem à solstitio intercapedinẽ, ta-
 met si ascensionibus differunt. Ipsa autem partiũ æqualitas existit, ut dixi,
 ex comparandis ultimis partibus alterius signi cum primis alterius. Itaq;
 hoc ipso ordine hinc atq; illinc singillatim progrediẽdo, Ptolemæus signa
 ipsa se uidentia putat æquipollere, hoc enim Græcum uerbum præ se fert.
 Cum igitur de præcipientibus atq; obedientibus præcepisset signis, statim
 subiecit: Rursum autem æquipollere inter se dicũt partes, ab utroq; signo
 tropico æqualiter distantes: quoniã Sol ad utrumuis eorum profectus, dies
 diebus & noctes noctibus, interualla quoq; horarum ipsarum ex æquatis
 temporibus efficit. Hæ autem & uidere se ipsæ dicuntur, propter ea quæ
 dicta sunt, & quod utrunq; ipsorũ ex iisdem oritur finitoris partibus, &
 in iisdem occidit. Videtis Ptolemæũ de partibus signorũ magis quàm de si-
 gnis ipsis sentire, quæ partes in eodẽ collocatæ sunt parallelo, ac propter
 ea ex iisdẽ semper & surgũt & decidunt locis: quo fit, ut sese ipsa uideãt,
 & dies noctesq; sibi inuicem æquales reddant. Quamuis autẽ hic ipse Pto-
 lemæus de signis audientibus in institutione sua nihil omnino præcipiat,
 sunt tamen & clari quidam uiri, atq; in ijs Porphyrius, qui tradant signa
 æqualium ascensionum, quæ duximus Græcè uocari *ἰσωνύγια*, ut Arietem
 & Pisces, Libram & Virginem, Taurum & Aquarium, Geminos &
 Capricornum, audire se inuicem, non autem uidere propter umbram ter-
 re, eaq; ob hanc rationem æquipollere inter se putant. Quod igitur audi-
 tus quàm uisus aliquanto sit hebetior, atq; hanc ipsam æqualium ascensio-
 num cognationem, & ut ita dixerim, affinitatem hebetiorẽ ac minus uali-
 dam existimarent, dixerũt signa ipsa sese audire, hoc est, beneuolentia qui-
 dem inter se affici, non tamen tanta, quanta quæ uidere se dicuntur. Quo-
 circa, ut diximus, hæc ipsa signorum cognatio, quæ ab ascensionũ æquali-
 tate proficiscitur, consideranda est in ferendis sententijs. Cæterum quòd
 propter terræ umbram se ipsa non uideant, nescio quàm sit probandum.
 Primum quòd umbra terræ eò cœli non ascendit, ut ad fixas stellas pene-

tret: deinde quòd inter Pisces & Arietem, Virginem ac Libram cōtinua-
 ta inter se signa umbra obijci potest nulla, quin etiam si lineam à quouis Pi-
 scium gradu in quem libuerit Arietis gradum extenderis, terra corpus
 nulla parte intercipies: Cum uideamus Lunam stellarum omnium citissimam
 tunc solum in terra umbram incidere, cum ab ea ad Solem protracta linea
 terra media intercipitur, neq; alia ratione posse eam deliquescere, tene-
 brarq; obducere sit cōpertū. Itaq; anile putandū est, quod ab ijs hac in
 parte de terra umbra dicitur. Quamobrem ad alia transeamus. Qui igi-
 tur aspectus, atq; configurationes, & quot etiam sint, quæ partes se inui-
 cem uideant, quæ ue præcipiant aut obediant, hæc nunc dictum sit.

De signis alienis & inconiunctis. Cap. XXI.



Uæ uerò signa neq; ex oppositis locis, neq; triangulari-
 ter quadrangulariter ue, neq; è sex angulo sibi cōfiguran-
 tur, adhuc quæ neq; præcipiūt obediunt ue inter se, item
 quæ se nequaquam uident à partibus æquè distantibus,
 neq; etiam audiunt, ea cū nulla inuicem familiaritate atq;
 societatis genere cōiungantur, Aliena dicta sunt, atq; inconiuncta, quodq;
 se non uideant, Auerſa, Græcè sunt, ut dixi, & ὀνόμα.

De Decurijs, seu Decanis. Cap. XXII.



Vnt & aliæ quædā familiaritatis atq; coniunctionis spe-
 cies, de quibus deinceps dicendum relinquitur, & primo
 quidem de Decanis, ut Græci uocāt. Omnis enim hæc cō-
 stitutio eò spectat, ut singillatim de planetis, id est, quid
 singuli planetæ singulis in signis signorum ue partibus
 collocati portendant, sententia ferri possit. Cū igitur una & eadē domus
 pariat in ciuitatibus coniunctionē, eā scilicet per quam qui ex eadē domo
 sunt, domestici dicuntur & familiares: hæc etiā ad similitudinē planetæ ipsi
 dicuntur habere domos proprias, id est, signa quædam adeò sibi cōuenien-
 tia, ut in ijs constituti, perinde ut patres familiarum in domibus imperent
 proprijs. Est igitur inter signa & erraticas stellas etiā genus hoc coniun-
 ctionis præcipuū quidem, maximeq; obseruandū. Ac nihilominus quoniā
 permixte qualitates sunt, quemadmodū inter ciues ipsos aliæ atq; aliæ
 sunt cōiunctionis ac beneuolentiæ species, sic etiam inter signa planetasq;
 uſuuenit, ut alias quoq; ob causas simul concilientur. Atq; ut in ciuitatibus,
 quoniam & ipse quoq; distributæ in partes sunt, tum uicinia eadem de-
 curiaq; tū etiam tribus deuincit ciues inter se: eodē pacto singula signa di-
 stribui placuit in regiones treis, ut singulæ decem essent graduū, unde sunt

Αἰαροι à Græcis appellati. Nobis placet appellare Decurias, tum ne peregrino utamur nomine, cum habeamus nostrū, quanquā & illud uideri nō strū potest: tum ut ciuilem constitutionem sequamur. Nam & urbs Roma non in centurias modō, uerum etiam Decurias fuit diuisa, unde à Decurijs dicti Decuriones. Singula igitur signacum sint in treis Decurijs distributa, singule quoq; Decuriæ habebunt Decurionem suū, cuius distributionis hic ordo atq; hæc tradita est à maioribus regula, de qua Ptolemæus in libris Apotelesmatū nullā, ut ego uideo, tradit præceptionē, tametsi de ipsis Decanis mentionem nō semel fecit. Arietis primos decem gradus, primāq; decuriam Marti ascripserunt, secundā Soli, tertiam Veneri. Sunt igitur in Ariete ut tres Decuriæ, sic etiā tres Decuriones, id est, Decanorū domini: sic deinceps per signa cætera, quo coeptū est planetarū atq; Decuriarū ordine progredi oportet. Nam prima Tauri Decuria est Mercurij, qui Venerem sequitur, secunda Lunæ, quæ post Mercurium fertur, tertia Saturni, à quo rursus ordo continuandus est. Ex hac igitur Decuriarū distributione per signa singula fit mixtura, & cōmunitas quasi quædā planetarū inter se. Quod item fit in ciuitatibus, quæ licet Reges suos habeant, qui ciuibz uniuersis ac reipublicæ imperant, tamen singuli domos, prædia, uillasq; proprias sub eodem Rege possident. Quibus è rebus miscentur inter se, & coniuñcti dicuntur. Dominatur autē Tauro Venus, nihilominus Mercurius, Luna, & Saturnus sub Venere tanquā sub domino Decurias habent, non aliter quā qui prædia possidēt in agris, qui agri nihilominus domini imperio subiacent. Est & hoc magnū utiq; cōiunctionis uinculum, magnāq; ad propriā cuiusq; autoritatem accessio. Etenim planeta in suo Decano positus maiores Decani sui præsidio uires cōcipit. Atq; ut agelli proprii possessor suam in illo iurisdictionem exerceat, sic planeta in Decuria propria collocatus. Quæ autē mixtura cōmunicatioq; sequatur, ubi aliquis planeta in Decano alieno repertus fuerit, exemplo hoc aperiemus. Sol ea potissimū significat in nato, quæ ad animū pertinent: quocirca si in prima Decuria fuerit Arietis inuentus, qua hora quis nascitur, cū ea sit Martis propria, mutuabitur ab illa quæ sunt secundū Martis naturā. Quocirca nati illius animo inerit uirililas quædam, & tum belli, tum armorū studium, quæq; alia sunt Martis propria. In secunda Decuria inuētus, quæ sua ipsius est Solis, uiribus suis multum addet. Itaq; natum illum excitabit ad claritudinem, & titulis atq; honoribus illustrabit, efficietq; ambitiosum, & gloriæ percupidum. In tertia quæ Veneris est Decuria positus, mutuabitur à Decuria ipsa ea quæ ad Venerem referuntur, eritq; natus ille proliuior ad lasciuiam, ad molliitiem, ad corporis uoluptates. Fit igitur planetarum significationibus ex Decuriarū societate tum magna accessio, ubi planeta

In sua fuerit Decuria constitutus: tum etiam permixtio et temperatio, ubi in aliena Decuria collocabitur. Harum autem rerum observatio ipsa magistra fuit, quippe quae non Decuriarum modo distributiones inuenerit, uerum etiam finium ac partium. Siquidem quinque stellae erraticae singulis in signis certos fines possident, de quibus suo quidem ordine differetur.


De finibus signorum.

Cap. XXIII.



Ræci uocant $\sigma_{\rho\alpha}$, maiores nostri fines. Namque ut in distributione terrarum atque agrorum Thusci, Umbri, Campani, singuli item populi fines habent suos, in quibus iurisdictione liberius exercent: sic ad hanc ferme similitudinem singulae stellae erraticae singulis in signis fines habent distributos, in quibus ipsae positae potentiores efficiuntur. Quae de re diuersae ueterum fuisse sententiae, quibus tamen minime repudiatis Ptolemaei potius opinionem sequimur. Is, ut scripta eius indicant, uidetur de finibus non parum dubitasse, cum nonnullorum scriptorum rationes parum probet. Refert sese tandem in codices uetustissimos incidisse, quanquam magna ex parte carie exesos ac uetustate consumptos, explicantes tamen ipsorum finium ordinem ac numerum, ex observatione diuturna praeteritarum geniturarum collectum: quae res in disciplinis coecluralibus praecipue sequenda est, ut in medicina, in augurali, in militari, ut in hac ipsa disciplina, quae quidem ex observatione potissimum quibusdam sumptis principijs posita in praecipua atque instituta relata est. Ac primum quidem Soli Lunaeque fines attributi sunt nulli. Nam cum regnare inter planetas uideantur, quid opus fuit certos eis fines decernere? cum signiferi totius imperii penes ipsos esse intellexeretur. Etenim ut illorum naturas ad hominum res componamus, Luna corporum atque humorum est domina, Sol sensuum atque spirituum. Vtriusque igitur dominatus in hominibus talis est. Ad fingendum igitur corpus hominis, uitalibusque instruendum spiritibus, quae Solis ac Lunae officia sunt, sicuti ducibus atque imperatoribus militum opera ministerijsque opus est, ita Soli ac Lunae quinque erraticarum officijs. Quocirca quemadmodum militibus attributa sunt loca sua in agmine, in acie atque in ipsis castris, sic erraticis quinque tanquam militibus loca quaedam sunt decreta, singulis in signis, perinde ut in castris atque in agmine, cum duces ipsi pro arbitrio huc atque illuc progrediantur, nec ullis sese certis locis contineant. Quando autem signifer totus constet partibus trecentis ac sexaginta, ratione finium attributa sunt Saturno septem et quinquaginta, Ioui nouem et septuaginta, Marti sexaginta sex, Veneri octoginta nouem, Mercurio septuaginta sex: quae simul coactae summam uniuersam duodecim signorum explent, conueniuntque cum annis maioribus, quos singuli planetae conferunt, Singulorum autem signorum distributio ac distributarum

partium



partium numerus talis est. Arietis primæ partes numero sex, Iouis finibus decernuntur, quæ statim sequuntur octo Veneris sunt finibus attributæ, quæ deinde sequuntur septem Mercurij, quæ post has quinq; Martis, reliquæ quatuor Saturni finibus annumerantur. Tauri octo partes quæ primæ quidem sunt, Veneris finibus ascribuntur, quæ deinceps septem sequuntur Mercurij, quæ item alteræ septem Iouis, post has quatuor Saturni, reliquæ item quatuor Martis. Geminorū septem primæ partes sunt in Mercurij finibus collocatæ, quæ deinde septem Iouis, aliæ deinceps septem Veneris, quæ dehinc quatuor Saturni, reliquæ numero quinq; Martis. Cancrī primæ partes numero sex, Martis finibus ascriptæ sunt, septem quæ has sequuntur Iouis, post has alteræ item septem Mercurij, ad hæc aliæ quoq; septem Veneris, tres ultimæ Saturni, Leonis quæ primæ sunt sex partes ascribuntur Saturno, quæ sequuntur septem Mercurio, quæ post has numerantur sex Veneri, quæ alteræ sex Ioui, quæ reliquæ sunt quinq; Marti. Virginis fines hoc ordine ac numero distinguuntur, primæ septem partes annumerantur Mercurij finibus, sex quæ statim sequuntur Veneris, quæ dehinc quinq; Iouis, quæ dehinc sex Saturni, quæ reliquæ sunt sex Martis. Libræ primæ sex Saturni, quinq; statim insequentes Veneris, quæ subsequuntur octo Iouis, quæ post has sequuntur quinq; Mercurij, reliquæ sex Martis. Scorpī sex primæ sunt Martis, insequentes octo Iouis, quæ post sequuntur septem Veneris, quæ deinceps sex Mercurij, tres ultimæ Saturni. Sagittarij partes suas hac planetis ratione distribuit, primas octo Ioui, sex quæ statim sequuntur Veneri, quæ deinde sequuntur quinq; Mercurio, sex insequentes Saturno, ultimas quinq; Marti. Capricornī partes diuiduntur hoc modo, primæ sex dantur Veneri, alteræ sex Mercurio, septem subsequentes Ioui, quæ has sequuntur sex Marti, reliquæ quinq; Saturno. Aquarij primæ sex sunt Saturni, alteræ sex Mercurij, octo insequentes Veneris, quinque Iouis, reliquæ quinq; Martis. Piscū primæ partes octo numero sunt Veneris, sex insequentes Iouis, alteræ sex Mercurij, aliæ itē sex Martis, quatuor reliquæ Saturni. Atq; hic quidem ordo ac numerus diuidendorū per singula signa finium à Ptolemæo proditus ac probatus est. Nos rem hanc ut difficilem nec satis notam aperire enucleatius tentabimus. Atq; eo magis, quod alijs ampliores, arctiores alijs fines ascribuntur, ut nō satis æqua videri distributio ipsa queat. Si enim æquis è partibus facta esset inter quinque erraticas stellas finium diuisio, sex tantū partes cuiq; in sortem cessissent: quod secus quidem accidit, cū uideamus nunc pauciores partes, ut quatuor, ut quinq; nunc plures, ut septem, ut octo, alij atq; alij distributas esse.

Ratio de numero & ordine finium.

Cap. XXIII.



N omni ciuili iustitiæ distributione ea esse solet regula, ut singulis ciuibus eadem mensura metiendum non sit, si quidem & ætatis & familie, & rerum gestarum ratio habenda est. Quocirca gradus quidam honorum ac magistratuum constituti sunt. Neq; enim ciuilia munera debentur omnia omnibus, uerū alijs alia, & iisdem ipsis alio atq; alio tempore. Similis tum ratio tum regula diuidendorū finium seruata mihi uidetur inter planetas, cum & altitudinis & triangularitatis, & domicilij ratio prorsus sit habita, præferaturq; altitudo triangularitati, & utraq; simul domicilio, ac planeta, cui in eodem signo duarum prærogatiuarum sors obtingisset, anteponatur ei qui unatantum utatur prærogatiua. Quæ re factum est, ut pro seruanda prærogatiuarum æqualitate, finium ipsorum inæqualis numerus sit in distribuendo seruatus. Neq; enim aliter iusti atq; æqui reclaratio teneri poterat. Exquiramus igitur primo loco fines Arietis, hoc signum Martis domus habetur: eiusdem signi triangularitas est Iouis, triangularitas autem præfertur domui, quoniam ea trium simul signorum amicitiam & socius cōiungit. Iure igitur Marti Iupiter præponitur, iure ut honoratiori primus finium locus conceditur, præsertim cū sit natura Iouis benefica & salutaris, cōtrā Martis noxia & perniciofa. Datur hinc secundus locus Veneri, quoniam post Arietem Taurus incedit. Sunt enim tria simul signa capienda, uidendūq; quam quis prærogatiuam in tribus his signis, aut in ipsorum aliquo retineat. Tauri domina est Venus, eadem etiam domina est Taurinæ triangularitatis, quocirca secundus finium locus iure Veneri concessus est. Cur autem Ioui sex, Veneri octo partes ascribantur, prætereundū non est. Nimirum Ioui sex debentur propter æqualitatem distributionis. Singulis enim quinq; planetis in signo quolibet sex debite sunt partes: quinq; enim sex ubi produxeris, triginta partes, id est, signum unum æquis portionibus constitues. Huic pars una addenda esset, propter triangularitatem, septem ut essent partes. Sed Venus quæ statim sequitur, duplici munera præsidio domus ac triangularitatis, eripit ei partem illam quā sibi ipsa iure uendicat, duæ namq; prærogatiuæ uni præferuntur. Venus igitur ut una è quinq; erraticis accipit sibi partes sex, ad quas addit partes duas iure domus ac triangularitatis, quarum alteram Ioui eripit habenti unam tantam prærogatiuam. Habet igitur ob has ipsas causas Iupiter partes sex, Venus octo. Sed cur non Venus sicuti partium numero præcellit, ordine etiam Ioui anteferatur? An quia Iupiter cum Arietinis sit triangularitatis dominus & maximè beneficus, ordine præferendus

dus est Veneri? quæ nec adco benefica est, & triangularitatis iura in Taurus
 subsequenti signo exerceat, non autem in Ariete. Est enim in suo quàm in
 alieno prætorio magistratus quisq; honoratior. Quia uerò post Taurum
 sequuntur Gemini, in quibus Mercurius duplicem habet domus ac trian-
 gularitatis prærogatiuam, idcirco tertius finium locus Mercurio attribu-
 tus est. Ad sex igitur partes illi debitas, ut uni è septem erraticis, addita est
 pars una, ut essent Mercurij fines è partibus septem. Præfertur ei Venus
 & ordine & numero, quia Taurus cuius Venus est domina, Arieti con-
 iungitur: connexius autem uinculum est uicini quàm tribulis. Præfertur
 ipse Ioui numero partium ob duplicem prærogatiuam, Iupiter ei ordine,
 quia beneficus & triangularitatis Arietina dominus est. Sequuntur Mar-
 tis fines, quoniam in Ariete domesticam habet iurisdictionem. Præferun-
 tur autem ei Iupiter, Venus, & Mercurius, quoniam triangularitas præfer-
 tur domui. & duæ prærogatiuæ uni anteponuntur. Quocirca Mars una
 tantum prærogatiua ornatus quartum locum retinuit, amisit autem è sex
 partibus, quæ illi debebantur ut planetæ, unam, quam sibi Venus asciuit
 prærogatiuarum & beneficentiae titulo. Vltimus locus relictus est Satur-
 no ut planetæ, ac nihilominus habet anti triangularitatis iurisdictionem in Ge-
 minis, quod signum est ab Ariete tertium: hic de iure suo partes duas ami-
 sit, quarum alteram Mercurius, alteram Venus sibi arrogauit, cum duplici
 præsidio munirentur. Restat etiam querere, cur de Saturno & Ioue po-
 tissimum fiat partium ademptio, nec minus etiam de Marte, cum raro ad-
 modum de Venere Mercurioq; partes auferantur? Nimirum Saturnus ac Iu-
 piter planetarum omnium tardissimi sunt. Mars quoq; quam inferiores
 longè tardior est. Veneri igitur ac Mercurio, quòd breuiori tempore singu-
 la signa peragant, plures partes attribueri placuit, ut quod auferatur eis
 temporis, pensetur in partibus: contra à Saturno, & Ioui adimere, quip-
 pe cum diuturniori tempore in signis ipsis atq; in partibus immorentur.
 In hoc enim ipso ratio quoq; habita est æqui iustiq; ut plus habeat partium
 qui minus immoratur, rursus minus partium qui immoratur diutius. Que-
 ret hic aliquis, cur in finibus distribuendis habita sit ratio solum trium
 quæ insequuntur signorum, nec ad quartum sit facta progressio? An illa est
 causa, quòd annus ipse in quatuor diuisus est tempora, ipsa uerò tem-
 pora in signa tria, id est, in menses tres, perinde ut signorum orbis diui-
 sus est in quadras quatuor, quarum singule tribus tantum signis con-
 sistent? An quòd non minus rationabile uidetur, quia quartum quodq; si-
 gnum est male amicū ob aspectus hostilem irradiationem?

quocirca neq; præsidium ab eo loco neq; au-
 toritas querenda esset.

De finibus Tauri. Cap. XXV.



Ed Arietis finium distributione explicata, Tauri quoque distributionem exequamur, eadem ratione tertium ab eo signum perquirentes, ut intellegamus quis domicilij, quis triangularitatis atque altitudinis prerogatiua in tribus ipsis signis obtineat. Cum igitur (ut dictum est) domicilij ac triangularitatis huius Venus sit domina, duplicis prerogatiue ratione dux ad sex illas sibi debitas partes adiunxit: quinetiam quod benefica est, iure in signo suo prelatata est Mercurio, ac primum locum sortita. Iure etiam secundus locus concessus est Mercurio, cum in secundo et succedenti signo domus ac triangularitatis teneat prerogatiuam, quamobrem ad sex illas unam sibi arrogauit, ut Veneri octo, Mercurio septem sint partium fines ascripti. Tertium sibi locum uendicauit Iupiter, quoniam in Cancro, quod tertium signum est, altitudinis ius habet, unde unam sibi partem ascripsit septem partibus sibi uendicatis, preponitur tamen ei Venus et Mercurius, cum duabus uterque eorum prerogatiuis utatur in signis Cancrum antecedentibus. Quartus locus permissus est Saturno, quoniam in Geminis habet triangularitatis prerogatiua: Marti quintus ob idem triangularitatis ius in Cancro. Post habitus autem est Mars omnibus, quoniam Cancer tertium et ultimum signum est in Taurina distributione examinanda: Iupiter uero prelatatus est Saturno et Marti, quoniam altitudo preferenda est triangulo. Ad hac cum Venus, Mercurius ac Iupiter quatuor sibi partes prerogatiuarum iure arrogauerint, relinquitur ut tamen a Saturno, quam a Marte, qui unam ac parem inter se prerogatiuam habent, fiat ademptio. Quocirca sex illis partibus utrique debitis, ut planetis, due a Saturno, altera item due auferantur a Marte.

De finibus Geminorum. Cap. XXVI.



Lacet dehinc explicare Geminorum de finibus distribuendis causas. Ac primus quidem locus datus est Mercurio, duplici domus ac triangularitatis suffragio: unde parte una arrogata fines sibi partium septem uendicauit. Secundus Ioui locus est partibus item septem duplici suffragio, et altitudinis in Cancro, qui Geminis succedit, et triangularitatis in Leone, qui sequitur Cancrum. Quam ob causam unam sibi partem arrogauit, et Veneri prelatatus est. Cui tertius est locus attributus partium etiam septem, ob iurisdictionem Cancerine triangularitatis, in qua Venus autoritatis plurimum habet. Quartus locus datus est Saturno propter iura triangularitatis in Geminis. Praefertur autem hac in distributione Saturno Mercurius propter duplicem prerogatiuam, Iupi-

ter propter altitudinem: nam & duæ prærogatiuæ præferuntur uni, & altitudo antecedit triangularitatem. Nec uerò prætereundū est, cur Saturnus Veneri prælatus non fuerit, cū Gemini in quibus habet Saturnus triangularem iurisdictionem, præcedant Cancrum, in quo Venus quoq; triangularem habet iurisdictionem? An quia natura Veneris benefica est, contrā Saturni malefica? Etenim in bene constitutis ciuitatibus, probitas ac beneficiendi studium præfertur improbitati ac malitiæ. Retinuit autem sibi Saturnus partes tantum quatuor, Mars uerò quinque, cui ultimus finium reliquus est locus. Et à Saturno quidem ablatae sunt partes duæ, quoniam tardioris est motus, à Marte uerò una. Quæri autem iure potest, si in tertium quodq; signū progrediendū est, cur nō Ioui primus datus est locus? si enim in Leonem progrediemur, ius triagulare in eo Iouem habere inueniemus. Itaq; & propter altitudinem, & propter triangularitatem in hac ipsa distributione uidetur præferendus. Prælatus tamen est Mercurius, quoniam eius iurisditio est in Geminis, quorū est hæc finium distributio, cum iurisdictiones Iouis considerentur in Cancro & Leone subsequenter signis, quam ob causam Saturnus quoq; prælatus est Marti.

De finibus Cancri. Cap. XXVII.



N distribucndis uerò Cancri finibus primus Marti concessus est locus, cum sit Cancrina triangularitatis dominus, retinuit tamen sibi partes tantum sex: Ioui secundus, quoniam dominus est triangularitatis Leonis, qui Cancrum sequitur, habetq; in Cancro ipso altitudinem, uendicauitq; sibi propterea partes septem: tertius Mercurio, quoniam tertio loco Virgo sequitur, in qua domicilij atq; altitudinis ius habet Mercurius, atq; ob eam rem partes etiam septem sibi uendicauit: quartus Veneri ob iurisdictionem triangularē, cum in Cancrina triangularitate plurimū ualeat, ob qualitatem atq; conditionem, unde partes quoq; septem sibi asciuit, priuilegio etiā beneficentiæ ac celeritatis. Vltimus locus ē tribus tantū partibus relictus est Saturno, nullam in Cancro, Leone & Virgine prærogatiuam habenti. Quocirca tres ei sunt partes ademptæ, quarum singulas Iupiter, Mercurius ac Venus sibi arrogauerunt. Quæri potest hac in Cancri distributione, cur Mars præferatur Ioui, ac Mercurio, cum uterq; duplici utatur prærogatiua, ipse tantum una sit fretus? An propter Lunam quæ est Cancri domina? cui cum fines attributi sint nulli, ob eas quas diximus rationes, placitū est prærogatiuā Lunarem Marti concedere, iure domestici eo in eū translato, atq; ad triangularitatis ius adiuncto: qua ē re primi loci tantū sibi prærogatiuam uendicauit, non tamen ut quàm sex plures sibi partes

partes ascriuerit: ut si ob Lunæ rationem præfertur in ordine, uincatur tamen partium numero, ratione triangularitatis atq; altitudinis, & quis maleficus est.

De finibus Leonis.

Cap. XXVIII.



Adem ratione primæ sex Leonis partes attributæ sunt Saturno, iure Solis, qui Leoni dominatur in Saturnum tralato, nō tamen ut plures sex ei partibus ascribantur. Satis enim usum est ob Solis suffragiū locum ei primū cōferre. Secundus locus tributus est Mercurio, propter succedentem Virginem, in qua domicilium atq; altitudinem sibi cōstituit, uēdicauitq; propterea partes septem: tertius Veneri propter Librā insequentem, in qua domiciliū habet, retinuit tamen partes tantū sex, quoniā in Virgine Venus deijcitur: quartus Ioui, iure triangularitatis quod habet in Leone, quam ob causam uidetur Veneri anteferendus. Etenim triangularitas præfertur domui, nihilo tamē minus Venus ipsa triagulare ius exercet in Virgine. Sunt enim Virgo & Taurus ex eodem triangulo. Ipse etiā Iupiter sex tantū partes sibi ē Leonis desumpsit partibus. Vltimus locus ē quinq; constans partibus relictus est Marti, cui pars à Mercurio ablata est una propter ius altitudinis & triangularitatis eodē in signo. Quid autē causæ est cur in domo Lunæ Marti, in Solis uerō domo primus Saturno concessus est locus? An quia Mars & Luna sunt nocturnæ conditionis, Sol & Saturnus diurnæ? quæ ē re nō parua familiaritas conciliari uidetur.

De finibus Virginis.

Cap. XXIX.



Virginis primæ septem partes ascribuntur Mercurio, ut qui domū illic habeat & altitudinē: sex insequentibus Veneri, quoniā est triangularitatis huius domina & Libræ, quæ statim sequitur. Ad sex autem partes nullam arrogauit, quoniā ipsa in Virgine deijcitur. Ioui ascribuntur tantū quinq; ut qui nullam in tribus his signis Virgine, Libra & Scorpio iurisdictionē exerceat, unde facta est ab eo partis unius ademptio. Post locum Saturnus uēdicauit sibi partes sex, quoniā altitudinem ac triangulare ius habet in Libra, quam ob causam partem unam Ioui eripuit, tametsi Iupiter ordine prælatus est ei, ob naturalis beneficentiæ priuilegium. Vltimæ sex Martis sunt, est enim Scorpii dominus, cui etiam Iupiter prælatus est, nullum in his signis ius exercens, sed ob naturalem, ut dictum est, beneficentiam. Hanc autem ob causam ultimus semper locus maleficis relinquitur in distributione finiu singulis in signis, præterquam in Cancro & Leo

ne, propter Solis ac Lunæ maiestatem, aut ubi plures prerogatiuas habent, ut in Libra et Scorpio. Ab ipsa enim natura bonum malo præfertur, et à civilibus institutionibus probitas improbitati, temperantia immoderationi.

De finibus Libræ. Cap. XXX.



Xercet in Libra Saturnus altitudinis ac triangularitatis iura, quocirca primæ illi partes ascribuntur, non tamen plures quàm sex, cū sit maleficus atq; omnium tardissimus. Secunda iura sunt Veneris, tum propter domum, tum etiam ob triangularem iurisdictionem succedentis Scorpii, in quo magnam sibi Venus auctoritatem uendicat: retinuit autem partes tantum quinque, Ioui unā insequenti concedens, sola quidem prælationis prerogatiua contenta. Vnde sibi Iupiter partes octo uendicauit, cum in Sagittario tertio à Libræ signo et domus et triangularitatis prerogatiuā exerceat: cui tamē prælata Venus est, quoniā Libræ et Scorpius antecedunt Sagittarium. Post Iouem quinque partium locus datus est Mercurio, quoniam habet in Libræ triangularitatis prerogatiuam, cui à Ioue pars adempta est una, cum sit duplici munitus presidio. Vltimo loco sunt partes sex Martis propter domesticam prerogatiuam, quam habet in Scorpio succedenti statim signo.

De finibus Scorpii. Cap. XXXI.



Iusdem Scorpii partes sex quæ primo loco numerantur, Marti sunt attributæ, propter iura domus ac triangularitatis. Quæ post hæc octo numerantur, Ioui debentur ut maximè benefico, et habenti in Sagittario qui statim succedit, triangularitatis ac domicilij iura. Est autem prælatus ei Mars, quoniā iura Martis sunt in ipso Scorpio, Iouis autem in succedenti signo. Post fines Iouis, partes septem Veneri decretæ sunt, ut beneficæ ac retinenti triangularē iurisdictionem in Capricorno, qui est à Scorpio tertius, succedens Sagittario. Post Veneris fines partes sex Mercurio ascriptæ sunt. Post hæc Saturno decernuntur quæ tres sunt reliquæ, cum sit Capricorni dominus, cui tamen prælatus est Mercurius ob naturæ suæ communitatem. Eripuit autem Saturno Iupiter partes duas, ob duplicem prerogatiuam: Venus unam, ob prerogatiuam suæ dignitatem. Etenim triangularitatis domui antefertur. Ad hæc utraq; stella benefica et salutaris est.

De finibus Sagittarij. Cap. XXXII.



Sagittarij partes octo quæ primæ numerantur, Ioui sunt attributæ, propter domum ac triangularitatem. Sex quæ statim insequuntur partes Veneri, propter ius triangularitatis, quod habet in Capricorno, qui succedit Sagittario. Quinque deinde Mercurio, propter

propter triangulare ius in Aquario, qui succedit Capricorno. Sex post insequentes Saturno, ut Capricorni & Aquarii domino: quamobrem nulla facta est ab eo partium ademptio, ut tametsi ob ius trianguli sit ei praelatus Mercurius, integrum tamen ipse retinuerit partium numerum, quem Mercurius non retinuit, satis habens quod praelatus illi fuerit. Vltimæ partes quinque numero Marti ascribuntur, habenti in Capricorno altitudinem: ob quam Saturno preferendus esset, nisi ius ipsum Saturni geminaretur, cum & Capricorno & Aquario imperet: esset etiam Mercurio preferendus, sed communis Mercurij natura Martis maleficientiæ antefertur. Siquidem Mercurij insita vis ad bonum quam ad malum non minus est accommodata.

De finibus Capricorni. Cap. XXXIII.



Capricorni partes sex quæ primo numerantur loco, Veneri propter triangularitatem signi eius attributæ sunt: Mercurio item sex propter trianguli prærogatiuam, quæ habet in Aquario statim insequente: Ioui septem, ut Piscium succedentium domino. Preferuntur ei Venus & Mercurius ordine, propter trianguli prærogatiuam: illis ipse numero partium, quoniam maxime salutaris. Marti sex propter altitudinem, ob quæ nihil ei est ademptum, tametsi posthabitus est, ut maleficus. Saturno quinque partes reliquæ, ut domino signi, à quo pars una est adempta, quod signi dominatus postremo habetur loco, & ipse maxime tardus est.

De finibus Aquarii. Cap. XXXIII.



Aquarii primus locus sex complexus partes debetur Saturno, ut signi ac trianguli domino: secundus qui est sex ite constat partibus, Mercurio propter triangularitatem: tertius qui partes octo complectitur, Veneri, propter iura trianguli atque altitudinis insequentium Piscium: quæ quidem praelata est Saturno numero partium propter prærogatiuam altitudinis, quæ potior est triangularitate: item Mercurio, quia duæ prærogatiuæ uni anteferuntur. Rursus illi ordine ipso præferuntur Veneri, quoniam Aquarius antecedit Pisces. Quartus locus quinque partes continens Ioui habenti solum domesticum dominatum in Piscibus. Vltimus qui similiter est quinque partibus, Marti habenti domesticam prærogatiuam in Ariete, quæ est ab Aquario tertius. Facta est ab utroque ademptio propter prærogatiuarum inferiorum auctoritatem, quodque Pisces & Aries sequuntur Aquarium.



Prima Piscium distributio est partibus octo concessa est Veneti, propter altitudinis ac trianguli iura: secunda Ioui est partibus sex, quoniam est Piscium dominus Arietinaeque triangularitatis: tertia Mercurio est partibus item sex, quarta Marti ex eodem partium numero, quinta est quatuor reliquis Saturno. Est autem praelatus ambobus his Mercurius, ut maleficis, Saturno Mars, quoniam Arieti dominatur, qui Piscibus succedit. Ad haec Saturnus nullum sibi ius in tribus his signis Piscibus, Ariete et Tauro uendicauit. Fuimus hac in parte et in hoc de finibus tractatu aliquanto longiores, dum ignoratam à recentioribus scriptoribus rationem persequimur, et corruptam à posterioribus ueterum traditionem emendare tentamus. Quia in parte peccari uix à quoquam poterit, si ubi de quo signo queritur, primum contemplatus fuerit, qui est planetis quinque in eo, atque in duobus insequentibus signis plures potioresque prerogatiuas habeat, deinde beneficorum maleficorumque delectum habuerit, ac quibus addendum, quibus auferendum sit, meminerit, si rationem Solis ac Lunae in Cancro et Leone, si Mercurij communem naturam intuebitur, si denique intellexerit altitudinem triangularitati, et hanc ipsam domui praefendam, atque in tribus continuis signis primum secundo, secundum tertio fore anteponendum. Haec autem tum decuriarum tum finium constitutio uidetur mihi nullis certis rationibus nisa, quamuis obseruatione ab ipsa magna utriusque autoritatis facta sit accessio, in utramque felicitatis atque infelicitatis significationem. Qui tamen primi et Decurias et fines statuere, uidentur id secuti, quod natura ipsa secuta est in constituendo hominis corpore, dum multitudine uenarum ac uarietate sparsim et quasi per lineas quasdam illud figurat, neruorumque textum artificiosiore connectit, qua est figuratione et nexu totum quidem secum integratur, habileque et efficax ad mouendum atque ad sentiendum redditur: ut singulis itidem in finibus decurijsque suas inesse uires facultatesque arbitrati, pro naturis planetarum illas distribuere, perinde ac per membra singula, partesque ipsas corporis proprias uires ac uirtutes natura partita est, pro qualitate uenarum, neruorumque contextu. Quamuis autem de finibus à Ptolemaeo probatis, deque illorum distributione ratio sit à nobis reddita, nihilominus constitutionem quoque Aegyptiorum subiungemus, quam plerique sequuntur, et in ijs Iulius Maternus. Cuius quidem constitutionis ratio nec probabilis ulla ab illis redditur, nec cur probanda sit, per se ipsa apparet. Itaque qui illa sequuntur, uidentur solam prorsus Aegyptiorum scriptorum autoritatem secuti. Ipsa autem constitutio, finiumque distributio, huiusmodi ab illis traditur, ut Arietis partes

sex quæ ab illius principio numerantur, sint Iouis: quæ subsequuntur alteræ sex sint Veneris, quæ post eas octo Mercurij, quæ deinceps quinque Martis, quæ reliquæ sunt quinque Saturni. Tauri partes octo quæ primæ numerantur Veneris, quæ statim sequuntur sex Mercurij, quæ deinceps octo Iouis, quæ post eas quinque Saturni, quæ tres reliquæ Martis. Geminorum partes sex quæ primæ Mercurij, quæ statim subsequuntur alteræ sex Iouis, quæ post eas quinque Veneris, quæ deinde septem Martis, quæ ultimæ sex Saturni. Cancric quæ primæ sunt septem numero Martis, quæ post sex Veneris, quæ inde alteræ sex Mercurij, quæ deinceps septem Iouis, quæ ultimæ quatuor Saturni. Leonis primæ numero sex Iouis, quæ post sequuntur quinque Veneris, quæ post eas septem Saturni, quæ deinde sex Mercurij, quæ reliquæ sex Martis. Virginis partes septem quæ primo loco constitutæ sunt Mercurij, quæ statim post has numerantur decem Veneris, quæ deinceps quatuor Iouis, quæ post has septem Martis, quæ duæ sunt ultimæ Saturni. Libræ quæ primæ sunt sex Saturni, quæ post eas octo Mercurij, quæ deinde septem Iouis, quæ deinceps alteræ septem Veneris, quæ duæ sunt reliquæ Martis. Scorpij quæ primæ sunt partes septem Martis, quæ post eas quatuor Veneris, quæ statim octo insequuntur Mercurij, quæ post quinque Iouis, quæ ultimo loco sex Saturni. Sagittarij quæ duodecim primæ numerantur Iouis, quæ post quinque Veneris, quæ deinde quatuor Mercurij, quæ deinceps quinque Saturni, quæ reliquæ sunt quatuor Martis. Capricorni quæ primæ sunt septem Mercurij, quæ post alteræ septem Iouis, quæ deinde octo Veneris, quæ post has quatuor Saturni, quæ ultimæ sunt alteræ quatuor Martis. Aquarij septem quæ primæ sunt partes Mercurij, quæ deinde sex Veneris, quæ deinceps septem Iouis, quæ post has quinque Martis, quæ ultimæ sunt alteræ quinque Saturni. Piscium partes duodecim quæ primæ numerantur Veneris, quæ statim sequuntur quatuor Iouis, quæ post illas tres Mercurij, quæ deinde novæ Martis, quæ duæ sunt reliquæ Saturni. Quapropter ad ea quæ restant trāscamus. Ac primo quidem de triangularitatem dominis, de quibus toties supra mentis nem fecimus, differemus.

De dominis triangularū seu triplicitatū. Cap. XXXVI.



Triangularitas, ut dictū est, ē tribus constat signis: ea Græcè est τριγωνος, unde Latine etiam triangulus dici potest, recentiores triplicitatem dixere, à tribus quibus ipsa cōposita est signis. Prima, ut iam diximus, tribus ē signis constat igneis, masculinis, secum maxime cōsentientibus ob qualitatis conditionisq; similitudinē, et configurationis beneuolam

♄ ♌ ♎

♂ ♉ ♊

irradiationem. Huic dominari Sol ac Iupiter dicuntur propter qualitatē
 conditionisq; consensum. Sol enim ac Iupiter calidi sunt, masculini ac di-
 urni: & Sol quidem cum sit lucis ac diei autor, die magis dominatur:
 noctū uero Iupiter, quippe qui Soli cesserit, maiestatem illius ueneratus.
 Ad hæc Sol in Ariete altitudinē, Iupiter autem in Sagittario, & idem ipse
 Sol in Leone domesticam habent prærogatiuam. Secunda triangularitas
 est in Tauro, Virgine & Capricorno, foeminae ac nocturnis signis, cui Lu-
 na & Venus imperant, cū ipse quoq; nocturne ac foeminae sint, noctu ta-
 men Luna, cū luminare nocturnū sit, potiores sibi in imperio partes uen-
 dicat: utraq; autem in Tauro suam habet prærogatiuam, domicilij Venus,
 altitudinis Luna. Quæ sequitur triangularitas est in Geminis, Libra & Aqua-
 rio, ascripta est Saturno & Mercurio, cū signa ipsa sint masculina & diu-
 rna, cuius conditionis est Saturnus qui sibi Mercurium socium asciuit, tum
 quia mediæ conditionis est, tum quia domesticā habet in Geminis præroga-
 tiuā: retinuit tamen ipse sibi principatū diurnū, & quia diurnus & quod
 altitudinem habet in Libra, ac prærogatiuam domesticam in Aquario, no-
 cturnū uero Mercurio permisit. Ultima triangularitas est in Cancro, Scorpio
 & Piscibus foeminae ac nocturnis signis, Martis dominatui permissa est,
 cum sit & ipse nocturne conditionis, atq; in Scorpio domesticū ius exer-
 ceat: asciuit tamen sibi socias, atq; in partem dominatus Lunam ac Vene-
 rem propter nocturnam foemineamq; conditionem, cū Luna etiam do-
 minetur Cancro, & Venus habeat in Piscibus altitudinem, in nocturno ta-
 men principatu Veneri prælata est Luna, cum sit luminare nocturnū, &
 corporū atq; humorum domina. Fuit autem à primi trianguli principatu
 Mars exclusus, tametsi domū in eo habeat, quod esset nocturne conditionis:
 Saturnus uero à principatu secundi, quod diurne: rursum Venus à domi-
 natu tertij, quod noctis sequeretur conditionē. aded in principatibus trian-
 gulorum constituendis conditionem diei ac noctis sequi placuit, quam multi
 & scriptoribus secuti, & in ijs maxime autoritatis uir Dorotheus, singulis
 in triangulis tertium etiam dominū statuere, qui esset dominatus totius par-
 ticeps. Quocirca prima in triangularitate Saturnum, ob diurnam condi-
 tionem, Soli ac Ioui collegam addidere. Fuere qui Martem, propter dome-
 sticam in Ariete iurisdictionem, in secunda item Veneri ac Lunæ Martem,
 quod nocte pariter latarentur. Sunt qui Mercurium quoq; in Virgine ipsa
 adiuxerint, in tertia Saturno ac Mercurio Iouē, quod ipse quoq; esset diu-
 rnis & masculinis. Est autem Saturno præpositus Iupiter in primo trian-
 gulo propter domum: Ioui Saturnus in tertio propter domum atq; altitudi-
 nem. Quocirca in hominū genituris, ubi genitur & ipse diurne fuerint, pri-
 mo Solem, deinde Iouem, ultimo loco Saturnū: at cum nocturne, Iouem pri-

mo, Solem deinde, postremo Saturnum considerandum iubet in Arietino triangulo. Verum de triangularitatum significationibus, earumq; effectibus sparsim multa à nobis dicuntur. Græci hos ipsos triangulorum dominos uocant $\tau\eta\tau\rho\upsilon\gamma\omega\pi\acute{\alpha}\tau\eta\mu\epsilon\varsigma$, à nobis fortasse non inconcinne Triangulatores dicuntur, qui non in genituris modò hominum, uerum etiam in urbium & in annorum conuersionibus summo studio uidendi sunt.

De signis & uentis. Cap. XXXVII.



Vic parti quoniam in aëre & sepius & manifestius stellarum uis cernitur, subiicienda statim uidetur de uentis explicatio: qui cum ex aspiratione terrestri, ac maxime arefacta constent, dubium non est à Sole potissimum eam aspirationem cieri. Ipsi autem uenti cum à quatuor spirent cardinibus, ipsorum quoque cardinum qualitates accipiunt. Etenim partem eam mundi quæ ad ortum est, cum Solem qui caloris est autor, singulis ad nos diebus afferat, calidam quidem, & quia Sol inde assiduus uenit, siccam quoque esse par est: aduersam uero huic aduerso modo humidam atque frigentem, quod Solem ipsum terris auferat, è cuius habitu frigus necesse est sequi, cuius rei nox ipsa indicio est. Atque ut à calore diurno siccitas, sic nocturno à frigore humiditas sequatur oportet. Subsolanus igitur qui ab oriente fiat cardine, siquidem status ipse, ut Aristoteli placet, quædam aeris est impulsio reducantis ue aspirationis commotio. perinde erit affectus, ut dies ipse, ut regio à qua fertur. Huic contrarius Fauonius, quod noctis naturam, quod occasus qualitatem sequitur, erit contrario modo affectus. Ut enim aduentus Solis ac presentia calorem, sic recessus atque absentia frigus parit: atque ut illius incrementis comes est siccitas, sic huius humiditas est socia: atque ut duo hi aduersi cardines sunt, sic dies & nox, sic calor & frigus, sic aridum & humidum, contrarij effectus, contrarieque qualitates ab eis manant. Ut autem cardines hi mundum ab ortu atque occasu æquis diuidunt partibus, ducto per ipsos circulo, sic qui summum atque imum cœli uerticem duo cardines à dextra atque sinistra illorum secant, paribus quoque partiuntur interuallis, quorum alter, id est, septentrionalis cardo ab utroque cardine surgentis atque cadentis Solis singulas tantum qualitates sibi conuenientes assumit. Nam si ab eo Sol abest cardine, frigescere admodum illum necesse est, nimij autem frigoris siccitas comes est. Ergo ab orientis Solis cardine siccitatem, ab occidentis frigiditatem mutuabitur, ut enim humiditatem ab hoc capiat fieri non potest, cum siccum atque humidum simul coire natura minimè patiatur: quocirca & uenti qui ab hoc flant cardine, aridi atque frigentes sunt. Ad oppositum uero huic cardinem, id est, meridiei plagam, cum Sol sit ei maxime familiaris, ob hanc ipsam Solis familia

ritatem plaga uehementius concalefcit, unde spirantes inde flatus à finiti-
mo cardine, atq; à Solis uicinia calorem accipiunt. Quamobrem non te-
 merè Aristoteles affirmat subsolanum libenter transire in notum, hoc est, in
meridianum flatum, ob ipsam qualitatis calidæ similitudinem. Cum autem
 parte ab altera hæc ipsa plaga meridialis declinet in occasum, ab ipso quo-
 que occasu mutuatur humiditatem, unde flatus ipsi illinc calidi, hinc hu-
 midisint oportet. Quamobrem ut uenti septentrionales frigidi sunt atq;
 aridi, sic ex aduerso meridiales calidi atq; humentes sint necesse est. Horū
 socij ut ad hūc quā ad illum cardinē magis declinant, sic ex hac quā ex
 illa qualitate plus minus ue mutantur. Tanta autem uentorum atq; æ-
 ris mutatio cum aliunde fiat, necesse est ut ad planetas atq; ad coeli refe-
 ratur signa. Verū Soli ac Lunæ cum nulli certi flatus attributi sint, si-
 quidem Sol autor ac parens horum est motuum, & spiritus ipse est uel æ-
 nis impulsio, uel redundantis humoris commotio, cui Luna dominatur, in-
 ter quinq; uaganteis stellas distributio hæc flatum uidetur potissimum fa-
 cienda, quemadmodum obseruatio ipsa disciplinæ huius magistra iam do-
 cuit. Est igitur Saturno subsolanus, Marti fauonius omnino familiaris, Ve-
 neri auuster, Ioui septentrio addictus. Hinc prima triangularitas uentos ex-
 citare septentrionalis magis creditur, propter Sagittariū, quæ domus Iou-
 is est, hinc etiam septentrionalis dicta est, nihilominus occiduum quoq;
 uentum, cui nomen est Caurus, propter Arietem Martis domum prouo-
 cat. Quocirca flatus occiduus qui in septentrionem declinat, facile in bor-
 ream conuertitur, quādo, ut Aristoteles tradit, & ipse cum spirat, boream
 mouet. Si igitur subsolanus propter diurnam conditionem Saturno addi-
 ctus, cuius quidem conditionis dominus est Sol, non immerito fauonius ad-
 dictus est Marti, propter nocturnam, cui Luna præsidet, conditionem. Ut
 autem Solis conditionē Saturnus, sic Lunæ Mars sequitur, unde & Mars
 in occasu sceminum, hoc est, Lunarem assumere naturam dicitur. Secun-
 dam uerò triangularitatem austris maxime familiarem esse, unde austrina
 dicitur, satis compertum est, propter Venerem Tauri dominam, quæ hunc
 flatum excitare creditur. At nihilominus triangularitas ipsa subsolanum
 sepe euocat ab exortu, propter Capricornum, cui Saturnus dominatur.
 Quæ res efficit ut auuster subsolanusq; non raro miscantur, qui uentus Græ-
 ce est πύρον. Nec mihi satis placet quod Ptolemæus tradit, gigni à Vene-
 re austrum, propter calorem humoremq; : Ioui enim potius conueniret, à
 quo tamen septentriones gigni ipsemet affirmat. Quid autem minus con-
 sentaneum, quā ut Mars qui calidus & siccus est, humidum tamen &
 frigentem flatum suscitet? Quocirca exciendorum uentorum ratio non à
 qualitate frigidi calidi us, aut sicci humentis ue ducenda mihi uidetur, sed
 à condi-

à cōditione potius et alia quadam vi, quod observatio ipsa docuit. Forsitan et illa Ptolemæum mouit ratio, quod, ut suo post dicemus loco, cum orbis hic noster in quatuor distributus sit cardines, Saturnoq; ortus, Marti occasus, Ioui septentrio, Veneri merides addicatur, ex eo uenti ipsi cardinales à cardinis præfide excitentur. Tertijs triangulus habet subsolani sibi admodum peculiarem, propter Aquarium Saturni domum: qui quoniam è masculinis signis est, et Saturnum habet dominum, diurnum quidem ac masculum, nonnunquam sibi aquilonem adiungit: nam et Iupiter eiusdem quoq; conditionis est, unde fit subsolani ac septentrionis mixtura quedam. Hunc uentum Ptolemæus *Ποσειδώνιος*, uocat, Latine hic ipse uentus suo nomine est aquilo. Vltimus triangulus fauonij suscitator dicitur, propter Martem ac Lunam, et quas ante posui causas, libenter tamen propter Venerem etiam à meridie statum euocat, est enim Venus tum eiusdem trianguli domina, tum etiam nocturnæ conditionis: unde Africus huic ipsi triangulo perquam familiaris est, quem à Ptolemæo uideo notolibyem uocari. De Mercurij autem stella in suscitandis uentis præcipere hoc possumus, quoniam uersatilis sit, et luminarium naturam sequatur, eam nunc nocturnam, nunc diurnam conditionem suscipere, ac pro ipsa conditione nunc in hunc nunc in illum uentum proniorem esse. Quocirca huius stellæ naturæ Solis ac Lunæ conditionibus accommodanda est, ut de uentis ac uentorum diuersitatibus certius ferri iudicium possit. Hæc autem in hunc quidem modum, fortasse etiam breuius quam res ipsa exigit, cum non tantum diuersa, uerum etiam contraria inter se rerum harum scriptores et dicant et sentiant, hac in parte dixisse satis, ac pro loco fuerit. Post uero cum de signiferi partibus præcepta singillatim per fines signi cuiusq; tradentur, et plura, et accommodatiora, magisq; appositæ à nobis referentur. Itaq; quoniam diximus de Decurijs, de Finibus, et eorum distributione, de Ventis quoq;, reliquum est de Simulacris etiam ut aliquid dicamus.

De simulacris, quæ cum signis ipsis oriuntur.

Cap. XXXVIII.



De eam igitur partē, in qua de Decurijs agitur, adiungenda uidetur simulacrorū eorū explicatio, quæ cum ipsis oriuntur Decurijs, unde Græcè dicuntur *παράσημα*, à recentioribus Latinis uocantur imagines. Singulis itaq; cū Decurijs singula nascantur simulacra, quæ septē quoq; planetarū naturas ac uires sequuntur. Horū simulacrorū enarratio, quod recentiorum autorum scripta declarant, anilia multa continet. Nos eam

E 3 partem

De aspectibus dextris ac sinistris. Cap. XXXIX.



Specibus quoque planetarum et configurationibus tum quadrangularibus triangularibusque, tum se est sexangulo inuentibus subiicienda uidetur ratio, per quam qui dexter, qui sinister sit aspectus intellegi ualeat. Per multum enim refert a dextro an sinistro latere locus ipse afficiatur, ac num sequatur, num antegressus sit planeta qui locum afficit: cum in ipso quoque homine quid dextrum quid sinistrum sit non parum referat. Quippe cum sinistra manus feminea quodammodo et imbecilla, hebesque sit, dextra uero mascula, robusta, et maxime agilis. Quod idem usuuenit in configurationibus. Si cui enim Aries ascenderit, isque in Leone Martem, in Sagittario Mercurium habuerit, cum horoscopus eius triangulariter hinc a Marte, illinc a Mercurio irradietur, nimirum a Mercurio dextrum obtineri latus in configuratione affirmabimus. Vnius cuiusque autem signi quae dextra, quae sinistra irradiatio sit, hac uia intellegemus, si ubi signum ipsum in horoscopo collocauerimus, quae signa praegrediantur, quae etiam sequantur, statim inspexerimus. Sit igitur signum ipsum, cuius latera quaerimus, Aries, quae si de Capricorno stella aliqua intuebitur, dextro eum quadrangulo intuebitur: Sin de Cancro est sinistro, simili modo et sinistro sexangulo afficiet stella quae de Geminis Arietem aspexerit, dextro quae de Aquario. Hoc ipsum etiam aliquanto apertius ostendamus. Collocato in orienti cardine signo eo cuius dexteras ac sinistras configurationes quaeris, uide num quae stella in medio caelo sit posita, qui decimus locus dicitur: quae inuenta dices stellam illam est dextro quadrangulo signum illud afficere, et sinistro eam quae in imo caelo, id est, in quarto reperiata est loco. Item quae stellam collocata fuerit in loco undecimo, qui succedit medio caelo, eam est sexangulo dextro intueri dices, et sinistro quae in tertio loco inuenta fuerit. Omnis igitur caeli configuratio cum duodecim sit in loca distributa, sex loca inferiori occupantur hemisphaerio, id est, primus, secundus, tertius, quartus, quintus, et sextus: reliqua loca, hoc est, septimus, octauus, nonus, decimus, undecimus, ac duodecimus hemisphaerio superiori continentur. Stellae igitur posita in hemisphaerio superiori dicuntur afficere horoscopum dextra irradiatione, siue ea hexagona, siue tetragonum, aut trigonum fuerit, rursus sinistra, quae in hemisphaerio collocantur inferiori. Locus igitur nonus dextro est triangulo horoscopum afficit, sinistro quintus. Locus decimus dextro quadrangulo, quartus sinistro. Locus undecimus dextro est sexangulo, tertius sinistro ascendentem locum intueri dicuntur. Quo fit, ut quoties signi alicuius quocumque caeli loco positi dextrum sinistrum uel latus quaeris, eo signo in horoscopo collocato dicas dextrum esse quodcumque signum in hemisphaerio superiori compereris, sinistrum quod

cūq; in hemisphærio inferiori. Atq; hac ratione dextras sinistrasq; irradiationes facile intelleges. Cur autem dexter aspectus sit sinistro ualentior, primum ea ratio est, quod planeta in nono, decimo, aut undecimo collocatus, citius ad horoscopus motu suo progreditur, quàm qui in tertio, quarto, aut quinto loco repertus est: ille enim accedit ad horoscopus, & tamquam properat sua sponte, hic abit, ac longius recedit: deinde quod suapte natura locus decimus præfertur quarto. Etenim cœli medium quod terris ipsis imminet, immo ualentius est, undecimus præfertur tertio, siquidem decimo succedit: nonus uerò antefertur quinto, quando nonus ipse, id est, planeta illic positus in cœssu suo ad horoscopus properat, ac terris ipsis imminet: tertius uerò, id est, planeta illic positus motu suo recedit ab horoscopus, ac sub terris latitat. Hinc itaq; fit, ut dextri aspectus iure ualentiores habeantur, imbecilliores qui sinistri sunt.

De triplici genere aspectuum & configurationum.

Cap. XL.



Vinetiam aspectuum atq; configurationum ipsarum tria sunt genera, ab integris partibus, à signis ipsis tantum, & ab ascensionum temporibus. Partilis aspectus dicitur, cum à stella ad stellam numerantur tot cœli partes, quot configurationem ipsam constituunt. Etenim sexaginta partes integræ ad constituendam sexangularem configurationem numerandæ simul sunt, nonaginta ad quadrangularem, centum uiginti ad triangularem, centum octoginta ad oppositam regionem, tot enim sunt singulis in configurationibus ad constituenda latera partium interiectionum numeri. Aspectus qui est à signis tantum, quem Græcè *παρτερὰ*, dicunt, tum existit, cū signa quidem ipsa se aspiciunt. Plures tamen aut pauciores partes inter stellas ipsas statuuntur: exempli gratia, Cancrum Aries quadrangulariter aspicit, stella tamen in uigesimo octauo gradu Arietis posita, stellam in decimo Cancri gradu collocatam partiliter non aspicit, complures enim desunt partes ad implendum aspectum eum scilicet, quem partilem dicimus. Rursus stella in primo Arietis gradu collocata, nequaquam partiliter in quadrangulo stellam in uigesimo octauo Cancri gradu constitutam, siquidem longe plures interiectiones sunt partes, quàm quæ partilis quadranguli latus astruunt. Quocirca aspectus hic imbecillior uidetur propter partium ipsarum aut defectum, aut exuperantiam, unde communis ac generalis uocatus est aspectus. At configuratio quæ ex ascensionum temporibus constituitur, alia ratione querenda est: neq; enim aut communis est, aut partilis, quales iam ostendimus: quæ tamen ipsa sit, hac ratione colligitur. Leo, Virgo, & Libra in exortu suo amplius horis sex occupant.

[ex

sex horæ quartâ diei partem implent, at quarta pars diei est quarta etiam circuli portio, quæ uerò quartam circuli portionem continent, quadrangularem figuram statuunt. Quocirca planeta in principio Leonis positus non sexangulariter iuxta signorum numerum, sed quadrangulariter secundum ascensionum tempora planetam in ultimis Libræ partibus collocatum intuetur: et hic quidem aspectus magnarum est significationum, quem et Antigonus nobilis Mathematicus, et Ptolemæus, et post eum Porphyrius, et alij quidam non ignobiles autores obseruandum præcipiunt. Quos ut in signis obliquis, pauciorumque ascensionum stellæ, quæ secundum numerum signorum uidentur triangulariter se aspicere, si ad numerum ascensionum tempora ipsa redigas, quadrangulari potius irradiatione se aspiciant. Sed aperiatur hoc etiam expressius. Esto Sol in Arietis gradu primo, Iupiter in Leonis gradu sexto, Mars in eiusdem Leonis gradu undecimo: constituamusque quo in loco ac terrarum parte sint hæ signorum ascensiones, tribuamusque primum Arieti unam et uiginti, deinceps Tauro quatuor et uiginti, post geminis octo et uiginti, deinceps cancro quatuor et triginta ascensiones: hac ratione Arietis, Tauri, Geminorum et Cancri ascensiones omnes simul coactæ tempora centum ac septem pariunt: quibus si addideris septem etiam Leonis tempora (siquidem sex eius gradus septem occupant ascendendo tempora, uolumus enim Leonem habere ascensiones quinque et triginta) fient omnino tempora centum quatuordecim. Implendis autem centum uiginti temporibus, quod latus est æquilateri trianguli, sex desunt tempora. Fit igitur ex hac supputatione, ut Sol quidem et Iupiter et signo se tantum aspiciant, quando ascensionum tempora integrum trianguli latus non implent. Sol uerò et Mars utroque modo et signo et temporaliter, hoc est, secundum plena ascensionum tempora se conspiciant, cum undecim Leonis gradus, in quibus Mars inuenitur, tredecim illa tempora quæ ad implendum latus decrant, subministrent. Hæc igitur sunt tria configurationum genera, quæ maximam tum amicitiam consensionemque, tum simultatem dissensionemque inter stellæ comparant. Quæ in re illud quoque prætereundum non est, quod cum è duabus stellis se intuentibus, altera nonnunquam in septentrionem longius euecta sit, altera in meridiem humilius declinauerit, efficitur hac uia, ut latus ipsum trianguli nonnunquam longius quam par est producat: quæ res uires auctoritatemque aspectus ipsius non parum imminuit. Aspectus igitur qui est ex integro, nequaquam partium numero, neque ex perfecta graduum dinumeratione constat, uerum aut pluribus aut paucioribus è partibus, qui Græco nomine dicitur πλατυς, è signis tantum esse perhibetur, debilis quidem atque imperfectus: quem fortasse non inconcinne tum remotiorem, tum laxiorem uocabimus, quoniam ab inte-

21.
24.
28.
34.

107.

gro perfectioq; intutu propter deficientes aut exuperantes partes plusculū distent. Remota enim dicuntur quæ à nobis distant. Qui uerò ex integris constat partibus, cuiq; plurimū uideatur tribuendum, iure Partilis uocatur, quemadmodum Iulio Materno placere uideo, rerū cœlestium diligentissimo scrutatori. Illum autem qui ex ascensionibus, ascensionumq; temporibus colligitur, non improprie Temporalem uocabimus, ut ex ipsa cognitionatione aspectus, cuiusq; qualitas differentiaq; appareat.

De duodenarijs signorum. Cap. XLI.



Ecce uerò me fallit uctres quosdā scriptores signa ipsa nō solum in decurias finesq; uerūctiam in minutiores multo partes diuississe, ad signorū ipsorū numerum: ut signo quoq; in duodecim partes distributo, duas partes et itē semis alterius Dodecatemoriū uocarent, nos duodecimanam et duodenariam uocare possumus: singulas autem duodenarias singulis planetis attribuebant. Fuere etiam qui nouenas, seu malis nonarias cōstituerent, ijsq; dominos etiam suos decernerent. Nos huiusmodi distributiones ambitione, aut potius uanitate quadam, magis, quā ratione, aut ipso rerum usu conquisitas ab hac nostra institutione explodimus, deq; ijs, ut consilio rationeq; repudiat, nihil omnino tradimus.

De duodenarijs planetarum. Cap. XLII.



E autem genus aliud Dodecatemoriū, hoc est, duodenariæ duodecimanæ uel cōtēpsisse uideremur, subdemus eius rationē. Græci uocauerunt *δωδεκατημοριον*, quod pars una duodecies multiplicaretur. Ipsum autem Dodecatemorion hac ratione colligitur. Collocato Ioue aut Saturno, aut quouis planeta in tertio gradu Arietis, illum ipsum tertium gradū duodecies produces, quo producto summā omnem colliges, ac deinde ab Arietis ipsius principio numerabis, tum quo in signo, quāq; in parte summa ipsa defierit uidebis, siquidem is erit Dodecatemoriū ipsius locus. Tres igitur partes duodecies productæ, gradus sex et triginta constituunt. Horum graduum ubi suos Arieti attribueris, inuenies Dodecatemoriū, id est, planetæ duodenariam in sextum Tauri gradū incidere. Qui locus ubi bene affectus atq; illustratus fuerit, bonū: rursus malū, ubi male affectus atq; infelicitate irradiatus fuerit, obnuntiabit. Hæc igitur est duodenariæ planetarum singulis in signis ratio. Oportet autem non integrā modō partem in qua planeta collocatus est, duodecies producere, uerūctiam particulas minutas, deq; ijs omnibus summā unā colligere, collectaq; ut dixi, ab initio signi in quo planeta ille collocatus est, per signa subsequētia æqualiter distribucere, et in qua signi parte, aut in minuta particula definat, illic duodecimanam

nam statueret. Iulius Maternus, de quo facturi sepius mentionem iuramus, tradit ex Dodecatemoniorum obseruatione atq; efficacia, finiumq; in quibus inuenta ipsa fuerint, posse omnem celestium significationum uim explicari: quicquid enim in genituris celestium, ex Dodecatemoniorum et finium cognitione indicari, ideoq; Babylonios in Dodecatemoniorum significationibus celestium decretorum summam statuisse. Nos etsi Babyloniorum, et tanti uiri auctoritatem sequendam ducimus, nihilominus idem ipse Iulius dicit Ptolemaeum antisicis solum summam auctoritatem tribuisse. Et antisicia quidem manifesta naturaliq; admodum uinixa sunt, cum ex ipsarum partium aequalitate similitudo et cognatio quasi quaedam, ut iam docuimus, ingeneretur. Quid enim magis secundum naturam, quam ut similia conueniant similibus? Praesertim cum ea conuenientia sit et temporis et intercapedinis a punctis solstitialibus, quae duo coelestibus significationibus plurimum cōferunt. In Dodecatemonijs autem nihil physicum inesse intellego, nec aliam esse causam, praeterquam quod cōputentur duodecimario numero, qui signiferū cōstitit ē signis duodecim. Quam autem in rebus physicis numeri ipsi repudientur ab Aristotele, norūt omnes qui naturalem scientiam tractant. Verum cum a Iulio Materno autore maximo ac doctissimo, et a Babylonijs haec ut obseruatione diuturna comprobata tradantur, nō possum eorū sententiae non accedere. Nec me ignoratio causae deteruerit, dum obseruatio, atq; euentorū usus ita esse docuerit, cum disciplina haec ab obseruatione coeperit, atq; in rebus compluribus effectus pateant, eorum tamen causis ignoratis.

IOAN. IOVIANI PONTA
NI AD ACTIVM SYNCERV
Sanazarium, De rebus coelestibus Lib. Secundus.

PROOEMIUM.



ERVM esse naturae aeternitatem, Syncere Acti sunt qui opinentur, et quidem non pauci: Contra qui principium earum atq; ortum tradant, causasq; utriq; suas afferant. Siue autem ex aeterno ipsae cōstituerint, siue aliquando forte suoq; aliquo tempore primum coeperint, consuetudo certe atq; obseruatio explicandis atq; inueniendis illis primas sibi omnino partis uedicarunt. Tametsi à cōsuetudine profecta uidetur obseruatio. Medicinam enim haec ipsa obseruatio reperit, Nauigationem cōsuetudo, Bellicam disciplinam usus, Rhetoricam omnem facultatem exercitatio peperit, ut assiduitas Agricultu-

ram. Cum primis autem stellarum motum, atq; significationes eadem docuit observatio. Quamquam natura ipsa comparatum esse arbitror, in tot annorum ac seculorum millibus, ut unum quandoq; aliquem interiectis ni delictet multorum temporum intervallis protulerit, ac tandem etiam aliquando sit in lucem prolatura, posteaquam res ipsæ obliteratæ seculorum uetustate ab hominum memoria exciderint, ut quidem et sæpius excidere, et etiam excident, qui coeli secreta diuino quodā afflatu, maioreq; quam hominum impulsu referauerit, sitq; suis etiam seculis referaturus, ad quæ neq; observatio antea penetrauerat, neq; consuetudo, quamuis diuturnam, uiam monstraueat observationi. Sed ferant utraq; merito laudē suam, dum tamen præclara quorundam hominum ingenia, rationemq; ab illis summo labore studioq; peruestigatam, suosq; in numeros ac præcepta redactam laudibus etiam suis minime fraudemus. Hæc igitur ipsa observatio cum perspexisset, res easdem quoties idem ipse stellarum motus incidisset, rursus effici, haberetq; planè animaduersum et cognitum, nihil omnino à præteritis præsentia quæ tunc essent, differre, cuiq; motui, cuiq; etiam tunc erraticæ tum fixæ, quas multas in unam etiam formam et corpus quasi quoddam figurauerat, certam illam propriamq; significationem attribuit, cuius in orbē suosq; per circuitus esset reditus, ac peculiaris effectio. Quam etiam, quod Poëtæ faciunt, ut hominibus nomina affixerint pro illorum uirtutibus ac uitijs, signa ipsa et stellas etiam singulas diuersis, sed suis tamen nominibus uocauere: atq; illis maxime nominibus quæ quandam per similitudinem aut animalium aut rerum, signorum ipsorum proprietates indicarent, effectionesq; quandā per imaginem referrent, et cōstituendis hominum corporibus, et animorum applicationibus indicandis. Quapotiſſimum ratione et uia duodecim signorum Zodiaci orbis, cæterorumq; quæ cœlo reliquo distributa feruntur, à primis illis obseruatoribus suo tempore progressimq; notata sunt nomina, ac cum ipsis illis nominibus etiam significationes, potestates ac decreta. Quibus quidem nominum in ditionibus, decretorum ac potestatum notis ornamenti plurimum attulere Poëtæ, dum cōmentis suis illam quoq; cognitionis partem, quæ ad stellas pertineret, intactam inornatamq; relinquere noluerit. Neq; ab re igitur, neq; per iocum indita fuere stellis ac coelestibus signis nomina, neq; dicendi aut fingendi lasciuia comparata, quando ea commenta est observatio rationi cōiuncta, atq; illius socia, quod et naturam proprietatemq; cuiusq; indicaret, quandamq; ut dictum est, per similitudinem transferret ad posteros, et alterum ab altero signū propria ac sua cuiusq; appellatione distingueret. An non idem quoq; ab hominibus ipsis seruatum est imponendis notis, appellandisq; suo nomine rebus singulis, quibus hominum cœtus uteretur.

tur, ac sine quibus constare humana societas nulla ratione posset. In quibus id præcipuè animaduersum est, ut notæ ipsæ rerum ab effectiõibus potissimū proprietatibûq; deducerentur, ut *Mamæ à manatu lactis dictæ*, ut à papando *Papæ*, quæ deinde factæ sunt *Papillæ*, ut etiam *Mamillæ*, ut à lambendo labia, à lingendo lingua, à fundendis aquis fontes, à fundendis quæ usui domestico opportuna essent, *Fundi*: à suppetendo *supellex*. Iam uerò quibus in rebus agricultura uersatur, artesq; ipsæ manu tam uariæ ac multiplices, earū rerum appellationes quoq; sunt quàm appositissimæ, ut laudi quoq; dandum sit Astrologiæ inuentoribus, si hoc idem seruauit, dum occultissimas signorum ac stellarum significationes uocibus insigniuerè perquam accommodatis, quod à medicis itidem in plersq; herbis medicamentisq; fuit familiarissimè usurpatum. Sed reuertamur iam ad obseruationem, quæ inde habet originem, quod homini insita est à naturâ sciendi cupiditas, eaq; à cœlo proficiscitur, è cuius motu et gignuntur homines, et illa ipsa proueniunt, quæ assiduâ uiciâ et generantur et corrumpuntur cuncta. Neq; enim cum primum natus est homo, membra singula quæ tuendo corpori natura fabricata est, sic affecta sunt, ut exerceri statim possint administrandis illis ad quæ à natura ipsa fuerè cõparata. Tempore igitur opus est, dum interim et paulatim perficiuntur, et sensim etiã meditantur quod suum cuiusq; futurum est munus, ut pedes, ut manus, ut lingua. Eadem quoq; illorum est ratio, quæ ad comparandam sunt scientiam necessaria. Itaq; cum primis tempore, atq; ipso etiam longiori opus est, dum quæ animo famulatur mens, ea progressim instruitur. Omnis autem mentis instructio corporeis à sensibus ortum ducit, qui dum gustando sapores, uidendo colores, olfaciendo odores, audiendo sonos ac uoces, tangendoq; cum durum, molle, asperum, leue offerunt animo, ibi mens muneri satis suo ut faciat, cogitat diutius, uersatq; illa secum, exquirendo causas, contemplando rerum naturas, hæsitando in dubijs, componendo multa simul ac diuersa, pensitandoq; et quæ contrâ offerantur, et quæ etiam adiumento sint: quibus postea diu multumq; pensitatis, inrursusq; perspectis, et tanquam cõcoctis, ea tandem probat è multis, quæ undiq; sibi cõstare ac ratæ esse intellexerit, unde ratio est nominata. Quæ inuenta tum animus ipse meritò post labores plurimos conquiescit, quodq; exercitus dux atq; Imperator etiam facit, post tot ærumnas ac pericula uictoria parata, ipse quoq; sibi indulget animus, conquiescitq; post enuntiati aut quæstionis eius quam ignorabat, scientiam comparatam. Quo in negotio non aliter, meo quidem iudicio, sese habet ignorantia, quàm informanda in materia priuatio, siue eam maluerimus appellare carentiam, de qua tam multa dicuntur à physicis. Cum autem mens ipsa plurimum nitatur similibus

atq; illis maxime quæ aut sunt, aut certe uidentur eadem, ipse q; similitu-
dines non qualitatum modò sint, uerum etiam motuū ac temporum, his tan-
quam medijs quibusdam usq; similitudines eas finiel comparat: quarum è
comparatione ubi omni è parte unà conuenerint, enascitur comprobatio
atq; consensio illa, quæ mirificam in se uim habet et ad consiciendum, et
ad decernendum. Mens igitur comprobationem hanc, similitudinūq; in-
ter se consensionem secuta, ea repræsentat animo, per quæ uiam illi mon-
strat, et tanquam iter insternit nunc ad ea quæ rationis ipsius sunt, nunc
ad illa quæ coniecturæ: quæ si nō omnino certa ac necessaria sunt, plerūq;
tamen euenire atq; ita sese habere sunt solita. Omnis igitur rerū cœli stel-
larumq; cognitio partim ratione constat, partim coniectura. Ratione qui-
dem constat ea quæ Astronomia dicitur, siquidem cognitionem ac certitu-
dinem secū habet motuum, temporum, numerorū. Illa uerò quæ uocata est
Astrologia, parte è quadā rationalis est, quoniā à natura, rebusq; natura-
libus minime recedit. Cum enim à Mathematico pronuntiatur Saturnium
aut Martem pestilentiam inducturum, an aliud pronuntiatur, quàm motu
suo humores corporum, continentemq; aëra corrupturum, indeq; infectu-
rum sanguinem, uniuersamq; concretionem, quæ ex infectione necessitate
quadam naturæ pestis sit oboritura: Parte etiam è quadam coniecturalis,
ut cum à Mathematico prædicitur, bellum à Marte portendi: nam nec sens
per inferiores hæ, hoc est, humanæ causæ cœlestibus cum causis usq; con-
sentiant, quippe cum potentiores nonnunquam hæ quàm illæ sint, homi-
numq; quorū in manu est bellum mouere, uoluntates ac consilia hinc atq;
illinc uariant. Quamobrem significationibus prædictionibusq; nonnullis
ratio comes adiuncta est, uel dux illis potius præposita, in quibusdam ue-
rò coniectura locum magis obtinet. Atq; hæc quidem, Syncretæ Asti, in hac
sententiam prolocutos nos esse, nec alienum est ab institutione hac nostra,
et naturæ ipsi rerum de quibus præcipimus, maxime consentaneum.



Vperiore libro quæ signa essent Cardinalia, cur etiam nō
mine hoc appellarentur, qui itē mundi Cardines, quotq;
essent, planè expressimus. Cum autem propter cœli orbi-
cularitatem, signorumq; successionem contingat diebus
singulis nunc hoc, nūc illud, inde aliud atq; aliud signū
Cardinum locis succedere, consentaneum uidetur de cardinibus ipsis, deq;
uniuscuiusq; significationibus explicatius differere. Itaq; cardines ipsi, lo-
caq; cardinalia quatuor omnino sunt, ea Græcè sunt ἀρχή, à nostris au-
tem uocantur tum ortus occasusq; tum oriens atq; occidens: item cœli me-
dium ac summum, quod alio nomine tum culmen, tum cacumen uocamus:
est et

est & inum huic aduersum, quod etiam infimū (summo enim opponitur) recte dici potest. Græcè sunt ἀνατολή, ἀόρις, μεσσηρία, ὑπέρθερ. Quin Mesuranea ipsum inuenio etiam Apogeon uocari, quod mediū cœli locum supra terras occupet, cuius contrariū sub terris teneat Hypogeon. Recentiores etiam rerum cœlestium scriptores neq; inepte, neq; insignificanter uocant angulos. Loca quidem hæc in omni rerum inuestigatione, siue genituras inspicimus, siue futurū aliquid scitamus, seu quippiam inchoamus, aut faciundum decernimus, cum primis inquirenda sunt, unde etiam à recentioribus principalia sunt cognominata. Quæ uerò loca cardines ipsos statim sequuntur, à nobis dicuntur succedentia. At quæ præcedunt, atq; ab his declinant, & tanquam decidunt, tum declinantia, tum cadentia à re ipsa nominata sunt. Cardio ipsæ cœli exorientis atq; angulus à Græcis ἀρσηκοπος, à recentioribus Latinis ascendens dicitur. Verum ut de cardinibus hac in parte alia quadā ratione loquamur, regio quidem ipsa quæ cardinem unū constituit, complectitur & antecedentem, & succedentem cœli portionem in diuidendo Zodiaco. Quocirca treis in partes ratione hac cardio distribuitur. Ac prima quidem distributio, hoc est, cœli pars prægre diens à Græcis dicitur ἀπὸ κλίμα, quod ab ipso declinet, cadatq; horoscopo: à nobis proprie dici potest declinatio: & gradus ipsos Horoscopum antegredientes (si latinū uerbū ducere Græco ē uerbo uolumus) Declinantes recte quidem uocabimus. Nec est cur recusemus etiam descensum aut descensionem uocare. Siquidem hæc ipsa distributio constat ē declinatione, ascensioneq; ac medijs gradibus inter utraq; interiectis, qui mediū locum constituent: & hic quidem cardio signa tria, id est, quartam cœli partem complectitur. Cardio item, apexq; medij cœli, quod esse diximus Mesuranea, in partes quoq; diuisus est treis. Et prima quidem pars in Apoclimata posita est, quā tum descensionem, descensumq; tum declinationem uocari Latine posse diximus, eaq; à quibusdā Cadēs pars agnominata est, quin etiā tū deculminatio, tū decacuminatio dici à nobis recte potest. Etenim si cœli mediū culmen, cacumenq; appositissime uocatur, pars ab illo decidens & decacuminatio & deculminatio etiā appositissime uocabitur. Nam & rerū agri scriptores non recusant uti uerbo decacumine, quod quidem sine ulla ueterum scriptorū autoritate, studentibus nobis uedicare disciplinam hanc à scriptorum quorundam barbarie concedendum esset, ne uideamur uerborum inopia laborare, quibus etiam abundamus. Eadem partitio est occidui cardinis atq; imi, quorum alter horoscopo, culmini alter opponitur. Quæ tertia est pars in ipsa distributione, sequiturq; cardinis cuiusque partes medias, ea Græco nomine est ἡ ἀνατολή, nos subsequentiam, succensionemq; gradusq; ipsos tum subsequentes, tum succedentes uocare re-

esse possumus, quod statim medios ipsos subsequantur, mediaeq; ipsi partim continuo succedant. Atq; ipsi quidem coeli cardines ratione hac quadrifariam, trina tamen per signa diuiduntur.

De quatuor coeli quadraturis. Cap. I.



It autem, ut cum signa duodecim signiferum constituent, duodecim quoq; coeli loca, siue duodecim ut hodie à nostris uocantur, domus constituende sint. Omnem igitur coeli orbiculationem ab horoscopo progressi, eodemq;redientes in loca duodecim partiemur. Quod autē inter medij coeli apicē, gradūq; horoscopantē spatij interiacet, tū quadrā, tū quadraturam, quadrantem uē uocabimus. Quo sit, ut signifer ipse quatuor etiam in partibus ratione hac distribuatur, unde Quadrae sunt dicte. Ea q; aliam quā quae de cardinibus tradita est, rationem sequuntur: siquidem singulae quadrae ab altero in alterum protendūt angulum. Nec uerò propter Signiferi obliquitatem, inaequalemq; signorum ortum quadrae ipsae ex aequo ubiq; diuiduntur. Quāquam quadrae sibi oppositae quae partibus semper ē gradibus, siue pluribus, siue paucioribus constant, simul utiq; congruunt. Quadra etenim quae inter ascendentem cardinem, atq; inum coelum interiacet, ubiq; numero partium aduersae, quadra quae inter occasum et culmen locum obtinet, respondebit: ut si ea nonaginta sex ē gradibus constiterit, totidem aduersa illa ē gradibus constet: sin ē partibus octoginta quatuor, totidem et illa contenta sit. Eadem ratio est, idemq; responsus quadrae illius quae est ab imo coelo ad occasum, et eius quae à medio coelo pertinet ad orientem cardinem, quae sibi ē regione aduersantur. Continuit autem inaequalitas haec propter Signiferi obliquitatem, ac terrarum, ut diximus, situm septentrionem uersus proprius assurgentium, aut in meridiem declinantium, non tamen ut computato omni quadrarum ac signorum numero (quod enim quadris duabus demitur, alteris adijcitur) aut supersit aliquid, aut desit gradibus ipsis, qui signa duodecim, coelumq; uniuersum complectuntur. Ac tamen si ab ortu ad occasum centum atq; octoginta partes semper interiacent, nō tamen nonaginta semper partes, hoc est, numeri totius media summa inter occasum et culmen, ac rursus inter culmen et ascendente cardinem aequis portionibus interlabitur. Quod item in hemisphaerio inferiori ab occasu ad imū, ab imo ad horoscopo usque uenit.

De distributione ætatis ac uitæ hominum.

Cap. II.



T autem quatuor sunt anni tempora, quibus de motu Solis annus conficitur, singulaq; tempora tribus constant æ mensibus: sic ipsa hominũ uita quatuor in partes diuisa, proinde ut quatuor signiferi orbis cardines tribus è partibus constant, & ipsa quoq; treis in partes distribuitur. Atq; ut menses ipsi constant diebus, uita hominis annis, sic cardines quoq; partibus quisq; suis, ex quo quidẽ triginta, cæterũ pluribus aut paucioribus pro signorũ ipsorũ, Zodiaciq; reſtitutione aut obliquitate. Quocirca & ipsi cardines ut anni tempora, hominisq; item uita (ſiquidem hæc ab illis deducta uidetur) triplici diuiſione partiendi ſunt. Singula autem uitæ, ut anni tempora, & principio, & medio, & ſine conſtant. Finis itaq; cardinis ætatis illius ſinem, medium item eiufce medium, quod præcedit, quodq; in apoclimata collocatum diximus, ætatis eius principium deſignat. Non iniuria igitur hoc quoq; præſtandũ à nobis uidetur, ut diſtinctius atq; appoſitiuſ hæc ipſa intellegantur. Cœli pars aſcendens geniturae tempore, qui *ἡ πόρος καὶ πρὸς* Græcè dicitur, primam nati ætatem indicat: cuiusmen, id eſt, cœli mediũ, ætatem nati eiufdem mediam, occaſus ipſe ultimam, imum mortem, uitæq; ipſius exitum, quiq; poſt mortem futuri ſint bonores aut opprobria. Reſtẽ quidem atq; appoſitẽ hæc omnia. Etenim ſi cœli æſtellarum motus orbiculationeq; cauſa ſunt omnĩũ quæ in parte hac mundi tum generando tum corrumpendo ſiunt, & eſt aliquod, ut quidem eſt, uitæ principium, quemadmodũ homo in lucem uenire, hoc eſt, in uitam dicitur, quo tempore utero matris prodiit: ſic cœli pars ipſa quæ ſupra terræ tunc exit, comitaturq; motu atq; aduentu ſuo prodeuntis hominis ex utero motũ, uidetur primæ huius commotionis, primæq; ætatis ius indicũq; penes ſe meritò quidẽ aſſumere: quæ uerò ei opponitur occidens cœli pars, obitus atq; corruptionis. Vnde à nobis in Vrania noſtra non temerè diſtum uideri poteſt:

Vita tibi, motuſq; animi querendus ab ortu,

Vnde etiam toto lux ipſa effunditur orbe.

Surgit ab occaſu mors importuna maligno,

Qua tenebræ, qua nox nigrantibus aduolat alis.

Perinde etiam ut cœli mediũ, ſummusq; cœli uertex eorũ quæ in mediũ contingũt ætate, ſignificationem præ ſe fert (amplitudo enim & honores ipſi cum in uita ciuili de ſummi boni genere habeantur, iure ſummo à cœli loco indicantur) ſic infimus cœli locus illi aduerſus, quæ poſt mortem futura ſunt, eorũ omnĩũ ſignificationem habet. Vtq; cœli mediũ amplitudinem deiectionemq; uenientes in lucem hominis, pro qualitate felicitis infelicitisq;

cōfigurationis designat, sic imum honorationis in honorationisq; post lū-
cem obitā, itemq; opprobrij cōmendationis uel indicationē perhibet. Quā
etiam ut non est dare corpoream corruptibilemq; substantiam aliquā ani-
matam, scilicet quæ accidentibus non sit uarietatibusq; subiecta: sic nō est
concedendū, quod quidem singulis in hominibus cernitur, siue ad salutem
siue ad perditionem spectet, accidere aliquid, cuius non in cœlo uestigium
appareat. Homo enim cum sit à natura, hoc est, à cœlo stellisq; ita constitu-
tus, ut honores, ut quæ bona existimantur ciuilia suo pte instinctu appetat,
an non in cœlo inesse dicemus, uel substantiæ, qualitatisq; corporeæ, anima-
tiq; corporis, sic eorū quæ animato corpori accidunt significationē? siue
ea prospera, siue aduersa sint, siue in uita contingant, seu post mortem atq;
in ipsa etiam morte eueniant: eadem enim horū omniū ratio est, quamuis
pro qualitate cōfigurationū locorūq; diuersa. Ad hæc cū homini possessio
contingat rerum plurimarum, quæ è terris, aëre, atq; aquis constant, ex
ijsdemq; proueniunt, ex ijs enim uiuimus, ijsq; aut egemus aut abun-
damus, atq; ad eas appetendas conquirendasq; natura impellimur, sintq;
hæc ipsa omnia tam subiecta quàm sunt stellis stellarumq; orbiculationi-
bus, id quod apertissimè cernitur, scilicet non in cœlo ipsorū quoq; acciden-
tiū signa significationesq; inesse dicemus: cum horū ipsorū possessio in uī-
ta ipsa, et postquā in lucem prodijt, cōtingat homini: neq; enim matris ex
utero secū hæc deuehit, sed appetitionem tantūmodo secum illorū defert:
unde externa dicta sunt bona, quæ etiam fortuita, ut fortunæ ipsi, id est,
cœlestibus motibus exposita, nō tantū à plebeijs hominibus, uerū etiam à sa-
pientissimis uiris cognominantur. Sunt igitur perinde ut uita, ut corpore
constitutionis, animatæq; substantiæ in cœlo et stellis notæ, sic eorū quoq;
quæ homini ipsi ex anima constant et corpore accidunt, significationes in
cœlo repositæ, quod tot seculorū observatio minimè quidem fallax et do-
cuit, et quotidie etiam docet. Agē consideremus generatim bona ipsa, quæ
felicitatē cōstituūt: ea profectō sunt aut corporis, aut animæ, aut de genere
externorū. Ac primū quidē bona ipsa corporis, ut robur, ut celeritas, ut sa-
nitas, aliæq; huiusmodi, quæ corpori insunt, et à cuius cōpage existūt, cum
ipso simul corpore ingenerata sunt, atq; ab illius cōglutinatione ducūtur:
neq; enim extra corpus sunt posita, uerū corporis ipsius prorsus textu-
ram sequiūtur, corpus autē generationi atq; corruptioni utiq; subiectū est.
Atqui dictū etiā et comprobatū est, quicquid generationis corruptionisq;
in orbe hoc euenit, à cœlo stellisq; proficisci. Ergo et bona hæc corporis,
cœli stellarumq; cōmotionibus sunt exposita, à quibus et sunt et cientur.
Nam quanquā sani esse semper cupimus, nō tamen ubiq; ualētes sumus, et
pater ipse nostræ tum consensescūt, tū multis grauibsq; interim accidenti-
bus

bus infirmatur, quæ quidē omnia à cœli stellarūq; quæ cœlo feriuntur agitationibus, proueniūt. Mutatur siquidē aër, mutatur etiā corpora quæ aëre continentur, et illū spirant; mutatur annorū tempora, mutatur quoq; et hominum etates, et corporū temperaturæ: sentiūt elementa tū diuersitatem, tū etiā uarietate superiorū commotionū: eandē etiā uarietate sentiūt corpora, quæ ipsis ex elementis cōstant, et ab illis atq; ex illis uiuūt. Quid suauius Vere, quid hilarius adoleſcētia? quid tristius hyeme, quid ærinosius senectute? Vini, olei, tritici prouetus tales sunt, quales aër terræq; cōcinnant. Aëris autē terræq; cōcinnatio à cœlo atq; è stellis prouenit. quis hoc negauerit, quod natura docet, agricolæ cōfidentur, quod res ipsa cōprobat. Aniculæ quoq; ex aëris et stellarū prognosticis ac signis hæc ipsa pronuntiant, et rerū terræ tū inopiā, tum copiam prædicūt. Sed ne longiores hac in parte simus, quæ per se ipsa notæ satis est, redeamus ad externalia bona, de quibus paulo ante tamēt si multa diximus, pauca tamen quædā adiungenda necessario uisa sunt. Numeratur autē in externalis bonis ædes, prædia, armenta, nauigia, domestica suppellex, aurū, argentiū. Quid his ipsis magis expositum est cœli motibus, stellarūq; agitationibus? Videmus enim agris flauescētib; segetes ipsas repentinis tū hymbrib; tū grādinibus perſepe concuti, ac fortu suo spoliari, domos nunc fulminibus, nunc terræmotu quassari ac dirui, armenta gregesq; modò à torrentibus rapi, modò à morbis corripī, nauigia aliās fluctibus mergi, aliās scopulis impulsæ lacerari, familiarem quoq; suppellectilē sæpenumero cōflagrare incendio, nō raro alijs atq; alijs casibus corrūpi ac dissipari, aurum atq; argentū furto surripi aut ui extorqueri, fraude uel auferri, atq; hæc quidem nō semel, utināq; nō tam sæpe re ipsa cernerentur, ut ea fortasse nō tam dici possint temerē cōtingere, quàm ordine quodam suo, causisq; suis prouenire, accidiūt tamen homini et quidē præter spem ac uoluntatem, quæ quoniā celestibus excitatur à motibus, nullo pacto diffidendū est, horū signa cœlo esse insita, eaq; ordine ac serie sua futura, pro nascentis hominis cōfiguratione ac cœli statu. Dices, quis hæc docuit? Obseruatio, qua nihil est in hominū rebus antiquius: docuit experientia, quæ est hominū magistra: itē disciplina, quæ tū obseruatione experientiaq; tū ratione ipsa cōstat, qua una nihil est in homine ipso neq; in hominū rebus diuinus. Veniamus hinc ad animi quæ dicūtur bona: ea sunt, ni fallor, aut animi ipsius actiones, quæ hodiē operationes dicūtur, aut ex ipsis animi operationibus existūt. Nolumus partē hanc subtilius discutere, sed crassā, ut dicūt, et populari agere Minerva. Animi actiones hæc aut solius sunt animi, aut sine corporis præsidio adminiculisq; esse nequeunt. Si animi solius sunt, quoniā præceptio nostra de illis ipsis solū est quæ corporis elementorūq; naturā sequuntur, earum cōsiderationem dic-

sciplinas ad alias, aliamq; cognitionem in presentia relegamus: Sin ut animi cum corpore simul, corporeaq; per instrumenta agentis, concedendū est ad hanc potissimū præceptionem spectare earū indagacionem, deq; his nos debere et uelle querere. Non est igitur animi solius, ut arbitror, uersus facere, neq; enim omnes qui animo utuntur, uersus faciūt, sed hominis ipsius ex animo et corpore existentis. Atqui per pauci etiam homines faciendis uersibus dant operam, cum tamen quidam quasi diuinitus informati ad hos ipsos pangendos uideantur. Vnde hoc igitur? an à cælo stellisq; hæc ipsa semina in ipsa procreatione ac genitura miscendis, et ut ita dixerim, fermentandis humoribus, indita sunt? Vnde non minus uerè quàm præclare dictum est à doctissimo Poëta:

Sedibus æthereis spiritus ille uenit.

Nec uero semper Poëtæ arbitrij ac iuris est carmen ipsum fundere, quàm expectandus motus est, qui humores illos, seminaq; ipsa concitet, à quibus uisa ipsa, quæ phantasmata dicuntur, ueluti è somno expergiscantur, pro quorū etiam qualitate ac temperatione alius Lyricum pangit, alius Elegiacum, ille Iambicū sequitur, hic Heroicum, ut nihil prorsus nisi bellicū personet, adeo seminum ipsorū diuersæ sunt qualitates ac naturæ, quæ quidem neq; in animo solo, neq; in hominibus singulis sata perspicuntur, sed in mixturis corporum, et in hominibus quàm paucissimis. An non uinū idem cuius etiam una uis est, in ebrijs pro qualitate potoris hæc eadem præstat: cum alius in risum diffundatur, in lachrymas alius, hic choreas agitet, ille in furorem ætus lapides, truncosq; proijciat, ut non unū esse omnino genus ebrietatis appareat. Si igitur à cælo existit hæc et à stellis, à quibus semina ipsa humoribus immixta induntur, numerit tanta quispiam peruicacia, dicere ut audeat, cœlestibus hæc configurationibus tribuenda non esse? quando ab illis et principio manant, et post nisi ab illis excita, et tanquam sota uix fructus suos cū laude ferunt. Nullus euasit bonus Poëta, cuius in genitura Venus Mercuriusq; in signis accommodatis, in locis idoneis, in oppositis configurationibus inuenti non fuerint. Namq; ab ijs potissimum stellis Poëtæ formantur. Maluimus de Poëtis loqui, licet nec medicus, nec artifex ullus perfectus euadat, nec duces quidem ipsi bellorū exercituumq; nisi à cælo genitalibusq; configurationibus ducant facultatis excellentiæq; suæ originem atq; causas. Nos qui hæc scribimus, nullo à præceptore, aut ad carmen componendū, aut ad philosophiam ediscendam, aut ad cœli significationes intellegendas instituti sumus. Sola enim natura, insitaq; animi uis, ac ueterum scriptorum lectio assidua, ad hæc ipsa nos traxit, quorum et pater auusq; ignorantissimi fuere, et mater satis habuit hæc proficio ac tele intentæ esse. Ad cœlum igitur stellasq; quando ab illis quidem

idem manant, iure hæc uidentur referenda. Atq; ut corporum mixturæ qualitatesq; à cælo stellarumq; posituris ac configurationibus proueniunt, sic eorum quæ corpori accidunt, quæ homini, quæ corpore exiit, quæ corporeis instrumentis utitur, quæq; aut insunt, aut eueniunt, aut qua elementaribus è partibus ipse constat, quæq; ipsis ex elementis uiscit, quæ quidem ex elementis tam multa proueniunt, eorum, inquam, causæ cælo, & ijs quæ cælo feruntur syderibus tãquam sua ad principia relegandæ sunt, & quorū motu cuncta & gignuntur & corrumpuntur, aut in alia ex alijs conuertuntur. Sed iam ad ea unde digressa est oratio, redeamus.

De quatuor cardinibus, eorumq; distributionibus.

Cap. III.



Onstat primus cæli cardo, ut dictum est, horoscopo, ad quem ipsorū corporum substantiæ constitutionisq; qualitas referenda est, & ætas item hominis prima. Cum autem treis in partes illum distribuerimus, quæ pars horoscopus antecedit, ea indicium & significationem habet eorum, quæ nato ante ortum, dum matris utero foetur, contingunt: dolorum item, ærumnarumq; & accidentiū aliorum, quibus matres ipsæ, dum grauidæ sunt, dum foetus gestant, afficiuntur. Quocirca tempora illa ad eam quæ antecedit horoscopi partem, accommodanda sunt. Ea pars in ipsa cæli declinatione tota quidem constituta est, quæ horoscopus quidem prægreditur, quamq; ἀπὸ τοῦ ἡλίου Græcè uocari diximus: horoscopus autem ipse partum, quæq; post partum tempora infantem consequantur, infantiaq; ipsius euenta enuntiat. Qui sequitur consensus, cæliq; acclinatio atq; successio horoscopo cōtinuata, reliquū primæ ætatis, ultimaq; illius significatum tempora, tum euenta. Quo fit, ut hæc prima distributio, hoc est, ascendens, quæq; illud antecedit cæli declinatio, quæq; coniuncta insequitur acclinatio atq; successio, tempora nati ipsius omnia complectantur, scilicet ex quo foetus ipse cōceptus, utroq; matris mensibus suis gestatus, indeq; in lucem editus, ac pedetentim ab infantia in pueritiam, ex eaq; ad ephēbos transiens, ætatis primæ fines transgressus fuerit. Quemadmodum autem foetus ipsius conceptio principiū est proditiōis eius in lucem, à conceptione enim natiuitas prouenit, atq; à tenebris, ut ita dixerim, foetus in lucem exit: eodem modo pars illa declinantis cæli quæ statim præcedit, uidetur quodammodo ad se rapere mediam illam partem, quæ horoscopus cōstituit, perinde ac subterraneis è locis in aperta & clara illam euocat. Atq; ut hæc ipsa cæli pars ascendens cōsequentes atq; acclinantes gradus secum rapit, in quibus ultima primæ cardinis cōstituuntur pars: sic etiā & illa quæ

primæ ipsius ætatis ultimum terminum constituunt, tempora cuncta cō-
plectitur. Quod si principio, primisq; locis debentur prima, quæq; illis
sortito obtingunt, et medio quoq; quæ media sunt, quæq; ipsi medio iure
quodam naturæ, motusq; ratione spectauerint, ascribenda videntur. Quo-
circa cœli medio, quod culmen libenter uocamus, tanquam medio cardini
mediam ætatem dedicamus, ab eoq; mediæ ætatis euenta portendi, tempo-
raq; delabi non iniuria credimus, et in ipsius quidem apoclimata descen-
suq; significationes rerum earum quæ in primis mediæ ætatis temporibus
euenturæ sint, collocatas esse dicimus. Omnis enim ætas initium, terminus
et statum, sic enim hodie uocamus spatium ac moram eam, quæ inter prin-
cipium et terminum media interlabitur, ac si stare ipsa inter utrumq; ui-
deatur, simili ratione complectitur. Itaq; mediæ ipsius ætatis medium tem-
pus ab ipso culmine indicium et pronuntiationem deducit eorum quæ na-
toid tēporis sint euentura. Quæ uero cardinis huius ultima pars est, quæq;
in acclinatione annexaq; cœli subsequētia collocatur, ultima ætatis me-
diæ tempora, quæq; illis ipsis intēporibus casura sint, indicat. Quoniā
autem exoriens cœli pars uitam, primamq; uitæ hominis ætatem denun-
tiat, iure locus ei aduersus, hoc est, occidens contrariā quidem illi significa-
uerit. Primæ itaq; ætati cum opponatur ultima, contrariorumq; sint con-
trariæ actiones, hic ipse locus ultima uitæ tempora, perinde ut uitæ princi-
pium oriens indicabit, utq; ab illo uenitur in lucem et tenebris, sic cōtrā ab
occasu itur et luce in tenebras. Significatio igitur temporum euentorumq;
quæ in medijs ultimæ ætatis spatijs futura atq; casura sunt, ab ipso occiden-
tis cœli situ manat, et quodam quasi è fonte deriuatur. Nam quæ in pri-
mis ætatis ultimæ temporibus contingunt, à prælabente declinatione oc-
casusq; apoclimata deducuntur. In ultima uero ætatis ultimæ parte qualia
casura sint tempora, ipsa cœli subsequētia, acclinatioq; occasui coniuncta
præmonstrat. Quocirca ut apoclima declinatioq; horoscopi, quæ partum
antecedunt, natiq; ipsius in lucem aduentum planè significat: sic quæ huic
opponitur pars, hoc est, occidentis cœli declinatio, quæ uitæ ultimos ter-
minos, atq; in tenebras abitionem prægrediuntur, denuntiat. Atq; ut ho-
roscope subsequētia et acclinatio, quæ in ipso uitæ primæq; ætatis uesti-
bulo tempora accidunt, præ se fert: ita et occasui coniuncta cœli acclina-
tio, quæ in ipso uitæ termino ultimisq; actibus euentura sint, indicat. Imus
et subterraneus cœli situs, nati in tenebris ac sub terras abitionem, id est,
mortem, quæq; mortem ipsam statim aut antecedunt, aut sequuntur, por-
tendit. Declinatio enim præcedens temporum significationem habet, quæ
mortē prægressura sunt. Imū ipsum mortē ipsam: quæ subsequitur acclina-
tio, tempora quæ mortem insecutura sunt, annunciat. Horum igitur loca-

tum ac cardinū quatuor situs, tredecim partes distributus, totius uitæ quæq;
ante ortū etiam in utero fuerint, quæq; post obitum tempora futura sint,
præsentiaq; ac futura pro quaq; ætate complectitur, geniturarumq; ipsa-
rum inspectoribus indicat. Quo sit, ut quatuor hæ cœli distributiones in
cardines quatuor cum suis quæq; acclinationibus, declinationibusq; id est,
epanaphoris apoclimatibusq; diuise, omnia natorum tempora, uitamq; om-
nem perinde ut duodecim signorum, quæ Zodiacum constituunt, circui-
tum complectantur. Placet autem Ptolmæo, cæterisq; discipline huius in-
stitutoribus parteis quinque horoscopū prægressas ipsi horoscopo attribue-
re, atq; inde proficisci donec triginta graduum numerus compleatur: idq;
etiam cæteris in locis è triginta simul partibus statuendis seruandum tra-
dunt, nisi propter signorum obliquitatem rectitudinemq; loca ipsa nunc
pluribus nunc paucioribus gradibus statuuntur. Quod non temerè insti-
tutū uidetur, siquidem natus ipse nō momento nec puncto tempore (ut Lu-
cretianis uitar uerbis uerū spatio quodam, moraq; prodit ex utero. Eoq;
censent non gradū eum tantummodo ab Astrologo notandū, quo natus infans
terrâ attigerit, uerū metra antegressos quinque gradus, quo quidē tēporis spa-
tio quaq; immoratione luctatur ut prodeat, perinde ut socios laborum, ac
factum ipsum in lucem prouocantes. Etenim rostra longarum nauium cien-
da in pugna, quanquā ipsa quidem triremes extra uidentur extare, nihilo
minus quanto præsidio sint, res ipsa docet, quando ex rostris ipsis ro-
stratæ sunt diuise. In militaribus quoq; conflictibus de antecursoribus, fe-
rentarijsq; quicq; primi pugnam capessunt, aut ad certamen prouocant,
ea à ducibus imperatoribusq; ratio haberi solet, ut ex illorum successu pu-
gnam reliquam aut detrescent, aut prosequantur. Quid autem est aliud foe-
tum ipsum exire in lucem, quā in certamen prodire, tot laborum ærum-
narumq; tot etiam præmiorum successuumq; quibus aut felicitas compa-
ratur, aut felicitati contraria miseria? Sed iam ad reliqua nostræ huius insti-
tutionis explicanda progrediamur.

De duodecim Signiferi locis. Cap. IIII.



Anc cardinū distributionē iure sequitur duodecim etiā lo-
corū Zodiaci distributio, quibus è locis generalis quædā
oritur obseruatio rerū carū, quæ uitā comitatur, ac sine
quib. uita ipsa esse nequeat. Quoniā autē qui utero matris
prodit, is in lucē id est, in uitā prodire dicitur cœliq; pars
ascendēs subterraneis è locis cū eo nō secus quā è tenebris in lucē atq; in
apertū prodit, iure primo hūc loco nati uita tribuitur, illiusq; corporaturæ
et animalis constitutionis ratio ab eodē queritur: quippe quæ signi ipsius
quod

quod locum primū occupat, qualitatem sequitur, nec non stellæ signi ipsius domine, quæq; signum etiam ipsum irradiat, pro natura etiam irradiationis, signiq; à quo irradiat. Vnde Ptolemæus recte præcipit, quæ corpori accidunt, quæq; hodie dicuntur corporis accidentia, ab ascendente loco querenda. Generalis itaq; uitæ nati observatio, corpore æq; constitutionis atq; animalitatis primo ascribitur loco primæq; ascendentis coeli domui, quando signiferum omnem in duodecim domos locaq; distribuere maioribus nostris placuit. Et quoniam nec uita consistere, nec corpus officio suo fungi absq; alimentis potest, secundus locus observandam sibi sumpsit qualitatem census, peculij atq; suppellectilis, quæ domestica substantia uocatur à quibusdam, quod ea et corpus alitur, et uita ipsa consistit. Quid autem accommodatius, quàm ut secundus locus habeat eorum significationem atq; indicium, quæ uitæ corporiq; alimonia subministrant? Locus hic habitus est ab antiquis piger ac deiectus, sic enim uideo appellari eū à Materno, quod nulla cum horoscopo radiatione iungatur, quin etiā penè infamiam cum notauerunt nomine, Infernam portam appellantes. Ac nihilominus ascendente statim locum continuatq; subsequitur, subitq; illius uicem atq; auctoritatem, ut si eum neq; afficiat neq; irradiet, ei tamen succedat. Itaq; nec mirum est, nec irrationabile, si pro comparanda re familiaricensusq; domestico tot obeuntur labores, molestiæq; tam multæ ac difficultates suscipiuntur, quando inde euenit, quod locus hic secundus primo loco, nullo prorsus familiaritatis coniungitur uinculo. Cumq; sit homo sociabile animal, neq; attulisset tam ei sit ab illa insitum, quàm societatis studium: iure tertius locus fratrum sororumq; significationem sibi uendicauit. Quæ enim aut prior aut potior quàm fratrum sororumq; societas atq; coniunctio dari à natura potest? Siquidem uxor nec iisdem existit è parentibus, nec pueris opus est re uxoria; quippe quæ suscipiendæ prolis gratia in adultam ætate sit instituta: eū tamen societatis præsidio et pueri indigeant, eaq; mirum in modum natura dute captantur, et ætas reliqua tali egeat præsidio, neq; ætior societas esse queat, quàm quæ iisdem è parentibus, atq; uno eodemq; constet è sanguine. Appositissimè igitur ut secundus locus primo, ut alimonia uisui corporeo quo uita conseruatur, statim connectitur, sic prima societas tertio ascribitur loco, qui prima cum ascendente coeli loco societate, primaq; cum illo irradiatione coniungitur, primamq; constituit inter nascentes cognationis societatem. Habet etiam locus hic significationem non mediocrem amicitiarum, familiariumq; consuetudinum, cum sit homo, ut dictum est, sociabile animal, tamen à fratribus nomen cepit, quando fratrum societas natura ipsa prima est. Habet etiam peregrinationis non tenue indicium, quando et peregrinatio com-

parauit inter homines hospitium, peperitq; hospitalitatem arctissimum cōiunctionis genus. Hunc ipsum locum sua a bonitate Deam nominarunt, si cui nonū locū Deū. Discreuerunt autem maris scilicetq; appellatione, quod nonus locus esset maioribus uiribus atq; autoritate præditus: siquidē de hemisphærio superiori horoscopi amica inuictur radiatione. Dei itaq; ac Deæ appellatione nobilitauerunt utrumq; locum, quod Deorū sit propriū beneficere. Cōsequitur quartus, id est, imus ordine suo locus, a quo exurgere cœli ipsum. Et ex infimis ad superna progredi pedetentim incipit, quando antecedentes partes hic ipse locus sursum atq; in apertū impellendo cogit, autor quasi quidam horoscopi supra terras citatu suo protollendi. An non pater ipse autor est prodeuntis in lucem, hoc est, in uitā filij? Vt autem non est dare liberos sine patre, nec suo absq; autore principium. sic nō prodibit supra terras primus Arietis gradus, nisi Cancer inum cœli locū tenens motu atq; detrusu suo gradus illos Arietis in altum propellat, extollatq; in apertum. Est igitur ut Cancer autor quasi quidam prodeuntis Arietis in apertum angulari suo impulsu. sic pater proditionis in lucem filij. Cum igitur pater sit autor filij, rectē fratrum locus patris loco coniungitur: nam et fratres ab eodem patre proueniunt. Iure etiam quartus locus nascentis filij cardinem, de cardine genitoris irradiat. Iure etiam quæ patris sunt, ab eodem ipso loco queruntur. Habet etiam locus hic significationem patrimonij, rerumq; paternarum, facultatum etiam domesticarum, quæq; patrimonij ipsum, domesticasq; facultates etiam occultas constitunt. Cum autem maxima atq; arctissima in hominum genere, filiorū ac patrū cōiunctio sit, iureq; prima et dicatur et habeatur societas, iure etia loco maxime sociabili attribuitur, qui ordine suo in orbe signorum aspectu cum primis sociabili horoscopo coniungitur, quocirca cum huiusmodi quintus sit locus, filij merito dedicatur. Nā si tertius locus additus est fratribus, propter primam aspectus cōiunctionisq; cum horoscopo societatem, quæ tamen societas aliquando imbecillior est, cur non quintus locus filij addicetur? Quandoquidem ut nulla est arctior quā filiorum ac patris cōiunctio, ordine ac lege nature, sic nullus cœli aspectus, nulla signorum cōiunctio, quā quæ est triangulo, arctior ac propinquior inuenitur in serie atq; orbicularitate progredientium ab horoscopo signorum. Merito autem uidentur inter prima nature bona liberi, cum ex ijs genus ipsum hominum propagetur, quippe cum sola hæc causā sit generis conseruandi: aliter enim species ipsa funditus atq; in uniuersum interiret. Præterea ut liberorum quæ prima nature dona sunt, locus hic significator est, sic etiam et donorum quæ tum ab amicis tum etiam a principibus ac regulis conferuntur liberalitatis ac beneuolentiæ gratia. Quamobrem hūc

ipsum locum à maioribus nostris bonam Fortunā agnominatā inuenio, & propter naturalem beneficentiam, Veneris syderi dedicatū. E contrario sextus locus ut deiectus ac piger nulla cū horoscopo societate, nullis prorsus connectitur uinculis. Quid igitur inde boni uenienti in lucem puero puelle uel defluere aut subministrari poterit? Siquidem deserta loca & ab hominū frequentia quā maximē remota, nō sēra tantū animalia, uerū etia uenēiosa gignunt, nec minus etia stirpes & herbas plurimas succi q̄ nocentissimi. Nō aliter itaq; sextus locus seracissimus est, et quidā quasi fomes agritudinum, malorumq; plurimorum, quæ corpora infestant, uitamq; labeficiant: unde mala Fortuna ab infelicitate sua agnominatur ab antiquis. Locuq; ipse Martis stellæ propter insitam maleficiam attributus. Etenim si in orbe signifero loca sunt e quibus gaudia, uoluptates, salutariaq; adiumenta, ac diuersa bonorū genera portendantur hominibus; danda etiam sunt eodem in orbe loca, e quibus agritudines morbiq; & item mala tum animi tum corporis indicentur, cū homo ipse mortalis sit genitus, huiusmodi sextus est atq; duodecimus locus propter situs ipsius malitiā, auersamq; naturam. nihilominus possunt ab hoc ipso etiam loco bona etiam felicitatesq; manare, quoties de medio cœlo benigna stella collocatā in eo stellam triangulari radiatione respexerit. Ad hæc quoniam in orbe ipso nihil est superuacaneū, & qui locus ab uno aliquo disiungitur, alij atq; alij loco familiariter coniungitur. Cumq; sextus hic secundū locum, qui est alimentorum, rei q; familiaris, beneuolæ societate complectatur, triangulariq; inimicem se foueant atq; intueantur aspectu, seruos utiq; nobis, seruiliaq; animalia denuntiat: sunt enim hæc omnia rei domesticæ adminicula: ut et si seruus atq; herus sibi inuicem aduersari propter dominatum ac seruitutē uidentur, tamen cum res familiaris absq; ministris familiaribusq; administrari nequeat, hoc quoque ē loco præsidia domesticis rebus, familiariq; alimonie inuuntur. In hac igitur genitilis figuræ constitutione uidere licet quā loca hæc omnia sibi quadrent. de fratrum, patrum, filiorum, itemq; seruorum societate. Cum autem ad constituendam rem familiarem desit uxor, sequitur septimus locus à quo nobis ea indicatur, opponitur autem locus hic horoscopo: cumq; alter seratur sursum, atq; impellat, alter declinet atq; deiciatur, qui motus contrarias habent qualitates, alter enim agit, patitur uerō alter, iure suo ab hoc loco uxor portenditur: si quidem uir agit, uxor patitur; hæc paret, ille imperat. Ad hæc cum uterq; angulus sit in figura primarius, uterq; etiam uir & uxor rem familiarem simul administrant, domesticamq; supellectilem: ille tamen ut primarius, actiuusq; ut ita dixerim, autoritate prædius, hæc ut secundam quandam præozatiū in uiri sui domo retinens. Nec uerō mirum est in re

sua cōmuni et familiari inter uirum atq; uxorem lites plurimas excitari, quando hæc ipsa locorum, atq; angulorum inter se connexio aduerso conciliatur aspectu. Nam etsi naturalis est ipsa maris foeminaq; copulatio, nec genitilis uis ius suum exercere absq; agente ac patiente ualeat, atque hæc quidem coniunctio ab ipsa existit natura: actio tamen et passio naturaliter sibi inuicem aduersantur, seseq; aduersis etiam frontibus impugnant. Quocirca ab hoc ipso etiam loco contentiones portenduntur, atq; similitates, damnaq; ex ijs prouenientia: agnominatus tamen est à nuptijs ac re uxoria propter domesticam constitutionem. Octauū ab horoscopo locū inuicno de maioribus nostris à morte cognominatū, et quidem iure, quando nulla cum horoscopo familiaritate coniungitur, nullis illū radiationibus illustrat, nec illustratur ab eo, quinimō locis maximè nocentibus cōnectitur, triangulo quidē duodecimo loco, de quo post dicemus, sexangulo uerō ægritudinis ac morborum, quem locū sextum esse diximus. Adhæc cum locus hic succedat septimo, id est, occasui, qui Solem ac diem sub terras præcipitat, quæ è præcipitatione nox tenebrarum mater subsequitur, nec alia ratione mors uitæ, cuius ipsa priuatio est, succedat, appositissime quidem locus hic agnominatus est mortis. Atque ut secundus locus huic ipsi sanè aduersus nati hominis substantiam, è qua uitam ducturus est, indicat, sic è contrario internitionem, corporisq; ipsius ac uitæ labem octauus hic portendit. Quocirca à bonis autoribus habitus est non modò piger ac deiciendus locus, uerumetiam innatam ob malignitatem nocuus. Nihilominus quoniam angulo succedit occiduus, Luna nocturnis in genituris hoc in loco bene collocata, felicitatem decernit: quod ipse sepius obseruui, et a Iulio Materno non temere traditum est. Ex hoc ipso loco non solum mortis genus portenditur, siquidem de triangulo inum cardinem, id est, quartum locum respicis, quem nati in tenebras ac sub terras abitionem indicare paulò ante diximus, uerumetiam hereditates, quæq; ad mortuorum cēsū, occultasq; etiam facultates ac thesauros pertinent, indicantur. Qui locus nonus est, huic de religione nomen est inditum, nec iniuria: cum enim in bemispherio superiori iungatur ascendenti dextro à latere, aspectuq; maximè familiari, et ascens dens locus, ut dictum est, corporis temperationem, corpore atq; conglutinationis accidentia significet, uitæq; ipsius qualitatem, hic ipse locus nō inuicno nati aptitudinē, propensionemq; et ut ita dixerim, applicationem ad religionē indicat, pro qualitate quidem signi, itemq; signi ipsius domini, eiusdemq; domini cōstitutione in figura. Cum aut prima quidem uirtus religio sit, quoddamq; quasi fundamentū ad bonos mores, rectamq; animi institutionem, aspectus hic superiori è semicirculo et benignus et felix,

quid benignius, quid felicius portendere nascenti potest, quam ut ad religionem quæ uirtutum mater est, à genitalem principio ducat, & tanquam manu prehensum aris admoueat? Vt enim agricola in solo bene subactio semen iacit, talesq; postea fruges proueniunt, qualis natura fuit seminis, eadem uia in compage glutinanda corporis, loca ipsa, locorūq; domini, ipsorumq; dominorum constitutiones atq; aspectus pro natura sua semen quasi quoddam ad uirtutem, seu ad uitium natis induunt, & quodammodo fermentant: quo è semine prognata germina in informādis animis, moribusq; constituendis fruges ipsas pro natura sua uel ad probitatem uel ad improbitatem, ad rectū uel ad prauum proferunt, præsertim ubi ad temperatūram bene seu male procreationis initio conglutinatam, proba improba uel institutio post accesserit. Nam & institutio in utraq; partem non exiguum confert. Merito igitur locus hic pium ac uenerabile sibi religionis nomen uindicauit. Et profectò si substantiæ, si fratrum, si parentum, liberorum, ægritudinis, uxoris locus, ac rerum harū cuiq; suus in cælo est attributus, cur non si dei, religioni, pietati, rectæq; animorum informationi, quæ hominem ipsum maximè speciatum efficiunt, locus etiam attribuatursuis? Accommodatior autem quam nonus attribui poterat nullus, iū propter triangularem situm ad horoscopantem partem, tum propter hemisphærij superioris dignitatem ac meritum: cum etiam locus ipse nonus Soli sit adiudicatus, qui religionis autor est & parens, atq; ab insita benignitate Deus cognomentum acceperit, eam ob rationem, quam tertio in loco attulimus. Habet etiam significationem seclæarum, nec mirum, quando seclæ ipsæ religionem comprehenduntur: item diuinationis, somniorumq; habet & peregrinationis, legationisq;: quippe cum à functo medijs cæli hæc ipsa cæli pars digrediens, alio proficiscatur atq; contendat, ab exortu enim profecta ad medium, atq; ab eo digrediens, uertit se in occasum. Huic locus honorum ac magistratuum merito adiungitur, atq; ordine quidem suo, qui decimus est, atq; in summa cæli parte constitutus. Perinde namq; ut honor inter mortales ac ciues ipsos maximū quoddam habetur bonū, quod etiam primum inter homines existimatur, locus hic ipse decimus in altissima mundi parte, ueluti editissimo in solo constituitur. Cum enim homo natura sit sociabilis, primum natura ipsa duce societates colit, ac coetus amat: qui è ciuibus cōstant: deinde cum sit etiam honoris appetens, inter ciues ipsos excellere nititur, quo fit, ut honoris, ut gloriæ euadat quàm appetentissimus: ceterādo enim animus magis ac magis efferuescit. Atq; ut numerus ipse decimus alios complectitur numeros, estq; ceterorum terminus quasi quidam, sic ciuiliū bonoru primarius finis est honor & gloria. An nō magistratus etiā ipsos, quiq; magistratibus præsumt, ut in populo eminentissimos, in edito

atq; illuſtri ſedere loco, nedum in urbibus, in quibus locum habet humani-
 tas, honorisq; delectus, ſed etiam apud barbaras nationes cautum & con-
 ſtitutum eſt; quorum maieſtate nihil eſt apud gentes ipſas antiquius. Neq;
 indignè igitur, neq; irrationabiliter à decimo loco medijsq; coeli cardine
 magiſtratus atq; honores quaeruntur. Quin merito etiam iuo, ei bono quod
 maxime inter ciues expetitur, locus is in coelo dedicatus eſt, qui honorum
 ipſorum denuntiationem præ ſe ferat. Ad hæc idem hic locus & patriam,
 & actiones, artis quoq; ac uitæ genus, quinctiam animi propenſiones, ſtu-
 diaq; uirtutes item ac uita indicat: tanta uis autoritasq; propter cardinis
 maieſtatem ei eſt inſita. Undecimo loco additi ſunt amici, cõſiliarij, ſuffra-
 gatores, aſſiſit enim decimo, perinde ut cõſiliarij aſſiſunt magiſtratibus
 ac principibus. Etenim ut ipſa ſine amicis uita, ſic magiſtratus abſq; cõ-
 ſiliarijs, principes ciuitatum ſine aſſectis ac clientibus, reges ipſi deniq; ſi
 ne miniſtris tueri honores, magiſtratusq; ipſos gerere, ac ſubieſtos mode-
 rari populos nequeunt. Suffragatur aut locum hic aſcendenti tũ è parte coeli
 ad culmẽ progreſſiente, tũ aſpectu ſex angulo et amico, quãdo ſine amicitia
 uita humana manca eſt ac deſtituta. A fauore igitur, à ſpe, à fide ac benigni-
 tate locus ipſe latine bonus Genius, Græcè ἀγαθὸς δαίμων, cognominatus eſt;
 ac Iouis ſtellæ, quæ maxime benefica eſt, additus. Secus autem uſuueni in
 loco duodecimo: ſiquidem nullo aſpectu aſcendenti cõiungitur, quin ab eo
 deſcendit, tanquam qui deſciſcat. Quocirca mœrorũ, triſtitiæ, ærumnæ, ini-
 micitiarumq; cognomento nobilitatus eſt, inſitamq; eb malignitatem ac
 nocendi poteſtatem, mali Dæmonis titulo notatus eſt, cum etiam morborũ
 indicationem habeat, ſeruiliſq; ſubſtantia, earq; eb res Saturni ſtellæ ſit ad-
 dictus, cuius qualitas eſt malefica. Hunc igitur in modum omnis duodecimi
 locorum ſigniferi figura conſtitutioq; diſtribuitur, ut uix aliquid in uita
 boni aut mali, honoris aut opprobrij, uitij aut uirtutis, ualetudinis ſecundæ
 aut aduerſæ naſcenti ſit euenturũ, quod non ijs è locis, eorumq; ſitu ac do-
 minorum ſitu conſtitutioneq; portendatur. Etenim loca ipſa licet illarum
 potiſſimum rerum ſignificationem habeant, quibus à rebus cognominata
 ſunt, à ſingulis tamen locis aliæ atq; aliæ res, negotiaq; & indicantur &
 quaeruntur. Quod etiã in magiſtratibus uſuuenit: quippe cum una tantum
 e re nomen adepti ſint, ijdem tamen compluribus negotijs & præſint &
 proſpiciant. Initio nanq; conſules, quod reipublicæ domi conſularent, dicti
 ſunt: ijdem tamen foris bellum gerebant, & cum imperio prouincias ad-
 miniſtrabãt; deũ recto & prauo, iuſto atq; iniuſto iudiciũ ferebãt. Eadem
 ratio Aedilium, Prætorũ, Cenſorum, Dictatorum. Grammatici quoq; ipſi
 nominantur à literis, quæ Græcè ſunt γράμματα, Latine literatores dicti.
 Non modo autem de literis & ſyllabis & diſtinctionibus cognoscendis horum

studium est, uerum & Poetas interpretantur, & historias noscitant, deq;
moribus adolescentulorum uitâq; instituenda præcepta tradunt. A singulis
igitur locis pro qualitate rerum locorumq; plura ac diuersa inter inuesti-
gandum, sciscitandumq; & exiguntur & denunciantur, quemadmodum
suo tempore de singulis dicitur: ut nihil ferè maiusculum in uita sua nascēti
contingat, cuius non ex ijs locis indicium sumi queat. Ac de duodecim loco-
rum constitutione, ordine ac nominibus, satis sit hæc nunc attigisse.

Nec uerò reticenda sunt à nobis, quanquam scribendis his minimè aut
ambitiosis, aut superstitiosis, quæ de duodecim locis, atq; eorum siue domi-
nis, siue patronis tradita sunt à Chaldeis Babylonijsq; autoribus: quæ qui-
dem sic referuntur, ut ne tamquam artis præcepta, institutaq; disciplina, et
ut sic dixerim, postulata aut uideri, aut teneri ea uelimus, cum tamen pro-
babilia appareant. Aiunt itaq; Saturni stellam & tenebrosam esse, & er-
raticarum omnium supremam ac primâ. Quodq; insâns è tenebris in lu-
cem ueniat, ac primus Signiferi locus, hoc est, primâ è duodecim domus in
feriori ab hemisphærio, æquæ ac è tenebris in lucem prodeat, nascente ali-
quo, idcirco primū locum ac domum primâ Saturno dedicant: eò etiâ
libentius, quod idem ipsi autores sunt, Saturni sub dominatu esse, quam
diu matris in utero foetus fuerit. Hac eadē ratione adducti, primū mensem
generati in utero foetus Saturno etiam ascripserunt: secundum autem et
mensē & locum Ioui, quod secundo scilicet post Saturnum orbe feratur
Iupiter, quodq; foetus ipse post cōceptionē alendo & perficitur & conser-
natur, oriūq; infantis educatio cōfestim sequitur, onus educationis ipsius
(quod ordo sic ferret spheræ) Ioui in sortem ac patrociniū cecidit. Quæ è re
& domus hæc, quæ census ac substantiæ dicitur, unde uitæ alimenta sub-
ministrantur, & educatio infantis, Ioui est attributa. Tertius ordine suo et
mensis & conceptus, & signiferi locus ascriptus est Marti. Quocirca lo-
cus is quoniam propter generis propinquiorem agnominationem, sangui-
nisq; societatem appellatus est à fratribus, & fratrum et sororum signifi-
catio dedicata est Marti, sunt enim fratres post primum partū à patre ipso
tertij. Quartus mensis, itemq; signiferi quartus locus Soli ex ordine dedi-
catur, et quia locus is denominatus est à patribus, patrū quoq; significatio
in genituris Soli est adiudicata, habetq; Sol in genituris patris ipsius indi-
cium, est enim formæ dator, quod patris quidē officiū est in creanda prole.
Et mensis & locus qui sequitur numero quintus, Veneri est attributus,
quod quinto septem inter erraticas orbe fertur, quodq; hic ipse locus filio-
rum est ac prolis, congruitq; Veneris naturæ omni è parte, quippe quæ et
genitalis est, & uoluptatis ac deliciarum dea. Mercurius quod sextū à Sa-
turno inter planetas orbe obtineat, sexti & mensis & loci patrociniū su-
scipit.

seepit. Quodq; locus ipse nomen habet ab ægritudinibus ac mancipijs, mu-
nus quoq; rerum harū significandarū sibi assumpsit, quando motus eius So-
li maxime additus est, solaribus penè radijs semper oppressus, nec sui iu-
ris, per multumq; repedando laborans, et tanquam languens ob assiduas
uersationes. Luna uerò quòd sit in ordine hoc septima, locū ei septimū ad-
iudicarunt. Quodq; Martis munus in generatione, ut patris, Sol obeat, lo-
cum cum qui uxorū esset, quod matres eæ ex cōnubio fiant, Lunæ dedica-
uere, cum septimo quoq; mense. Atq; inde fieri uolunt, ut septimo qui na-
scentur mense, uiuant. Præstat autē ut Sol patris uice formam, sic Luna in
generando materiam. Oclauus autem et mensis et locus in signifero re-
dit suo, ad Saturnum ordine, et quia mortis agnominatur locus, et quòd
Saturni stella exitialis est. Itaque dedicatio ipsa et loco congruit, et nu-
mini, quemadmodum rursus noni loci dedicatio Ioui. Nam et locus à reli-
gione nomen accepit, et Iupiter pietatis, fidei, cultus, reſtitutionis, æquitatis
ueritatisq; est autor, et uitæ propter salutarem uim ei insitam confer-
uator. Et quia nono partus mense perficitur, Iouis est muneris hæc ipsa
perfectio, propter stellæ temperamentū. Et profectò si Zodiacus orbis ge-
nerationi rerum locū exhibet, si Sol qui mediū illū secat, ijs quæ nascuntur
formā quidem, at materiā subministrat Lima, si reliquæ numero quidem
quinq; admimiculantur utriq; an tibi uideantur quæ relata sunt à nobis,
quæq; fundamenta quasi quædam iacta fuisse priſcis ab autoribus, ratione
carere, et tanquam parum firma debere contemni? quibus obseruatio etiā
astipuletur, ac rerum ipsarum euenta consentiant.

De locis peculiaribus planetarum. Cap. V.



Rimæ autē ad significandū partes sunt cardinū, id est, an-
gulorū: hoc autē loco cardines intelligi uolumus, nō qua-
tuor illas ternorū signorū cōprehēſiones, de quib. haud
multo ante disputatū est, sed quatuor illas angulares coe-
li partis, Græco uerbo *καρδιαι*, et penè dixerim nostro
Cuspides, in quibus erraticæ stellæ cōstitutæ ualētissimas ad agendū uires
nanciscuntur: Perinde ut principes, ut reges in solio cōstituti, auctoritatis
plus obtinent ac uirū, etsi cum principes, tum reges in sua quisq; ditione
tum arces quasdā, tum oppida peculiariter magis habēt, in quibus et amplius
delectantur, et iura sua libentius exercent. Quo fit, ut in hac ipsa duode-
cim locorū cōstitutione ob alias quā quas diximus causas, Sol sibi nonū,
Luna oclauum peculiariter uēdicauerit locum, Iupiter undecimū, Venū-
quintum, Mars sextum, Saturnus duodecimū. Quod cur ita comparatum
sit, ratio prætereunda non est. Primus igitur maximeq; propitius coeli ad
osces-

ascendentem partem aspectus nono est à loco. Quocirca cum ascendens
 pars nati uitam, animamq; compagem corporis sibi uendicat, sitq; Sol spiri-
 tus ac uitalitatis, ut ita dixerim, autor, idemq; pater, habeatq; inter plane-
 tas id uisus, quod inter corporis membra cor ipsum habere traditur, iure ui-
 talitatis auctori atq; conseruatori locus est maxime beneficis attributus, in
 eoq; potissimum letari atq; exultare creditus est, cum etiam Sol ipse sit lu-
 cis ac diei autor, perq; cum locum de die duntaxat feratur. Neq; enim lo-
 cus subterraneus Soli erat dedicandus, eum luci tenebræ aduersentur. Iupi-
 ter etiam, cum sit stella eius maxime salutaris, ac lucē gaudeat, sequaturq;
 diurnam Solis conditionem, undecimum sibi locum desumpsit, quo è loco
 felicibus radijs ascendentem partem et illustret et foueat. Nam, cum uita
 è calido et humido potissimum constet, cui quidem qualitati Iupiter præ-
 sidet, mirificum irradiatione sua corporibus affert præsidium. Felix igitur
 stella felicem sibi locum in quo gauisura peculiari quadam hilaritate es-
 set, sibi uendicauit, quo è loco et ascendentem inuictur partem, et ad cœli
 medium progressura loco sibi tantopere accommodato magis ac magis le-
 tatur. At Venus utpote nocturna propter qualitatem cui dominatur, iteq;
 ut salutaris et benefica, quintum sibi delegit locum, quo è loco maxime
 beneuolo aspectu ascendentem intueretur cœli partem: appositissime hoc
 quidem, nam et de triangulo aspicit, id est, benefico è loco, cum sit ipsa be-
 nefica, et cum propter humectationem nocte gaudeat, locus ipse quintus
 ut subterraneus, naturam Veneris mirum in modum adiuuat. Adde quod
 genualis cum sit, sobolis etiam locum sibi delegit, ut merito etiam suo gra-
 tiū: Quando Iupiter quod lateretur maxime actionibus, locum etiam actio-
 nibus appositū sibi desumpsit. Malefice uerò stelle propter maleficientie
 similitudinem, et ut ita dixerim, societatem, loca nocentia exitiosaq; in
 quibus malefaciendo, et quorum auxilijs nise letaretur, sibi delegerunt,
 Saturnus quidem cum sit diurnæ conditionis, duodecimum, Mars uerò se-
 xtum, nocturnus enim quod esset, in locum subterraneum concessit. Cumq;
 Saturnus tristitiam, mœrores et carcerem inferat mortalibus, locum his
 inferendis accommodatum sibi maluit: at Mars ut qui esset ægritudinū au-
 tor, locum ægritudinibus ac morbis maxime idoneum. Neuter autem lo-
 cus ascendentem ullo modo aspicit, sed ac si odio illum habeat, auersatur.
 Itaq; hic ille tanquam carceris ipsius custos ad fores excubat, gaudioq; ibi
 exilit: hic uerò quasi quodam ex ergastulo seruos inde, id est, morbos ui-
 tiaq; ad infestandos mortales emittit. Locus autem Mercurij in hac ipsa di-
 stributione non temere præteritus est ab antiquis autoribus, natura nanq;
 tam uersatilis cum esset, ut ad beneficium maleficiumq; facile conuertea-
 tur, nullus eiusmodi locus uisus est Mercurij naturæ idoneus. Etenim loca

de quibus dictū est, suapte positura ac situ aut aduersantur ascendēti, aut illud amice aspiciunt, aut etiam cum illo nulla prorsus societate iunguntur, neq; unquam situs ipsius qualitatem mutant. Quocirca rectē in hac ipsa locorū distributione pręteritus est Mercurius. Rectē etiā Luna, quę Solem non secus quā in distribuendis domicilijs in huiusmodi quoq; locis partiendis comitatur, octauus attributus est locus: ut enim Cancer antecedit Leonem, sic locus octauus nonum. Adhęc cum Luna sit corporū ipsorū parēs ac nutricula, materię enim pręest, in hemisphærio superiori locū ei deligēdus fuit, ne à Solis loco uiciniq; recederet, cuius desiderio fomentisq; teneatur, perinde ut formę cupiditate materia. Letatur autē eo loco Luna, ibidemq; constituta gaudio exilit, nocturno scilicet tempore propter cōditionis similitudinem. Nam et Iouem nocturno tēpore, simile est ueri, in undecimo, quanquam suus est ipsius locus, propter cōditionis dissimilitudinem nō adeo exultare. Genitalis igitur Luna locus est octauus, in quo noctis tempore Luna ipsa inuenta ad felicitatem plurimum confert, fota cōditionis suę beneficio: quippe cum diurno quidem tempore nō tam delectetur loci ipsius situ, quā diurna sibiq; aduersante qualitate offendatur. Nullus autem cardo ē quatuor angularibus coeli locis planetę cuiquam peculiariter est attributus, quod uidelicet quocunque in angulo planeta quiuis inuentus uires amplissimas ad agendum mutuatur, à loci ipsius potestate atq; excellentia. Nihilominus quidam ascendentem locū Mercurio ascripsere, quod eius stella hoc in loco potissimum exultaret: cū enim rationi pręsit, noluerūt hoc eum loco delectari, cuius esset significatio ac potestas in corporis animęq; compage. Cūq; eadem stella motu cū primis gaudeat, letari horoscopo, unde natus ex utero prodians, in lucē atq; ad actiones ueniret, putauere. Hac eadem ratione adducti uoluerunt Luna tertio loco gaudere, quod is locus peregrinationis significationem haberet, cuius est proprium mutare locos, deq; regione in regionē proficisci. Idq; ratione nō caret, nam et ascendentem locum aspiciet sex angulo, et cum sit nocturnum luminare, ac foemineum, ac inferiori hemisphærio inuictur horoscopus, perinde ac Sol, cum sit diurnum ac masculū, de triangulo hemisphærioq; superiori. Quandoquidem utruq; luminare corpori ac uite pręest. De Mercurio autem à Iulio Materno uideo hæc tradi, ceteras omnes stellas duodecimo in loco uires suas quadā cum pigritia exercere, solum autem Mercurium illic positum ingeniorum præstatię plurimum conferre, tum ad disciplinas ediscendas, tum ad forenses defensiones, causarumq; patrocinia magno cum successu tractanda. Nec sine causa prudentissimos scriptores hunc ipsum locum notasse, tempusq; partitūdit cū ipsa parturiente ibidem collocasse. Quocirca mihi neq; ascendens

locus Mercurij gaudio ascribendus uidetur, nec Lunæ omnino tertius. Etenim primi illi rerum coelestium exploratores in hac distributione conditionem diei noctisq; secuti sunt, ac diurnæ Solem, nocturnæ Lunam præfecere, & Soli quidem Iouem ac Saturnum socios addidere, Lunæ Venerem ac Martem, beneficas ac maleficas stellas partiti pro diurna nocturnaq; conditione, de qua statim dicemus. Mercurium uerò præterierunt in hac distributione, cum sit eius natura tantopere uersatilis. Loca quoq; felicia in hemisphærio superiori attribuerunt Soli non unum, tanquam principi: Ioui undecimum, ut benefico, cū inde ascendēs intueatur de sexangulo: Saturno autem duodecimum, cum is locus Saturni naturam sequatur ad diuersa maleficiorum genera. In hemisphærio autem inferiori quintum Veneri, ut beneficium locū beneficæ ac nocturnæ stellæ: sextum Marti, ut locum ei accommodatum ad maleficiendum, pro malefica ipsius irradiatione, lociq; natura. In qua distributione, ut dixi, Mercurius quoq; præteritus est. Quocirca qui recentiores scriptores ascendentem Mercurio locum attribuerunt, uidentur mihi maiorum instituta, consiliaq; parum cōsiderasse, cum stellæ eius nec beneficiis nec maleficiis sit stellis annumerata, præterq; Solem et Lunam nulla sint alia luminaria, quæ diei noctiq; dominentur. Quod uerò tertiam ad domum attinet, sicuti nonus locus maxime propitius ascendenti in hemisphærio superiori datus est Soli, ut diurnæ conditionis principi, ita dandus erat quintus maxime propitius ascendenti in hemisphærio inferiori Lunæ, nocturnæ conditionis dominæ, tertius uerò locus Veneri, stellæ salutaris, quemadmodum Ioui undecimus. Quæ res in dicat octauum Lunæ locum à priscis illis fuisse attributum, ne gaudij atq; exultationis Lunaris locus disiungeretur à Solari loco, perinde ut neq; altitudines neq; domicilia inuicē disiunguntur. Sed sit suum cuiusq; hac de re iudicium, quando hæc neq; tanti facienda ducimus, ut propterea digladiandum uideatur. Neq; fortasse à mediocritate ipsa recesserit, si quis nocturnis in genituris octauum Lunæ locum, tertium in diurnis eidem ascripserit: tamen si ambitiosior fortasse ascriptio hæc, locorumq; partitiō uideri potest. Ad hæc cum Luna matrem portendat in genituris, nescio quam ratione locus tertius ut peculiaris ac uoluptarius ascribi Lunæ debeat, cum in eo constituta loco matrem aut ignobilem aut infamem significet, nihil deniq; boni hoc è loco suapte natura promittat. Ac de locis ipsis quibus tū felices tū infelices stellæ, luminariaq; item ipsa gaudeant, hac in parte satis sit pauca hæc explicasse.

De conditione stellarum diurna seu nocturna. Cap. VI.



Vm autem tempus ipsum sit quædā quasi motus obserua-
 tio, diebusq; ac noctibus potissimū constet, omniaq; quæ
 ad generationē ac corruptionē spectent, suo fiant in tem-
 pore, stellæ quoque erraticæ pro natura sua aliæ diurno
 tempore, nocturno aliæ magis delectantur. Quo fit, ut
 earum actiones in elementis rebusq; mortalium uehementiores cōtingant,
 ubi cū tempore tēporisq; qualitate congruerint: hæc aut ipsa cōuenientia,
 et quidā quasi consensus qualitatum, Conditio à maioribus nostris dicta est.
 Græcè est αἰσθησις. Itaq; diurnis in genituris planeta diurnus bene colloca-
 tus plurimū quidem ratione cōditionis uiribus suis adiungit. Sunt autem
 diurni planeta, uidelicet qui Solis naturā sequuntur, Iupiter ac Saturnus,
 alter beneficus et salutaris, alter malignus atq; calamitosus planeta: no-
 cturni uerò Mars ac Venus, Lunæ enim qualitate delectantur, alter quidē
 maleficus, salutaris altera. Iupiter igitur, quod calidæ humescentisq; tēpe-
 rationis est dominus, quæ natura generationi maxime accommodatur, ad-
 hæc quod calidū ubi ab humido superatur, fit ad generādum remissius, uis
 enim ipsa genitalis à calore mouetur, idcirco die letatur, quādoquidem in-
 ducendæ formæ studiosior est, noctem uerò propter humidū exuperantiam
 reformidat, quocirca uires eius die maiores sunt ac uehementiores, noctu
 minores ac remissiores propter caloris ipsius remissionem, humidūq; ex-
 cessum. Saturnus aut propter insitam frigiditatem, quæ natura senum est,
 à calore Solis refocillatus, uires ad agendum potentiores suscipit, adaucla
 etiam siccitate, quæ ipsius est propria: cū utrūq; etiā Solis sit et calefacere,
 et exicare. Quinetiā aduersantis conditionis tanta uis est, ut sepe nume-
 ro stelle ex hac ipsa dissimilitudine parū conuenientes sibi qualitates in-
 duat, et tanquā indignatæ contrarios etiam affectus inducant. Quod in
 hominibus ipsis etiam bene institutis uisuenit, ut cum secus quā sua ipso-
 rum institutio fert, aliquid moribus eorum aduersum tentetur, indigne id feren-
 tes, ab insito naturaliq; ingenio nō modo longius recedant, uerum etiā ad ea
 trāseant, quæ ingenio aduersentur atq; institutioni, indignitate rei cōmoti.
 Illud autem mirū, quod naturæ feruentioris cū sit Mars, nocturna tamen
 humectatione capiatur. An forte quod calor ille diurno etiam calore ma-
 gis ac magis incensus, et penē euandus factus dissipatur et effluit, noctur-
 no uerò frigore humectatq; in sese repressus, et tāquam intra uallū muni-
 tius factus, uires suas in imū colligit, et magis ac magis inualefcit? Nam et
 fabri ferrarii ne ignis uis illa per flammās exhalata dispergatur, incensos
 carbones guttis frequentiorib; sepiusculeq; inspergūt, quæ ex insperione
 ignis ipse in sese collectus uires spiritusq; uehementiores assumit. Irati etiā

diurnus
nocturnus

dum nimio plus excandescunt, debilitantur ita uiribus, ut in pedibus uix
cōsistant. Ignis enim propter leuitatem ac siccitatem facile in aperta dissipa-
patur, inclusus uerò seruētiō efficitur, scuiusq; exaestuatur. Veneris autem
stella cum sit genitilis, suapte natura humecta est, quocirca noctis umbra
gaudet, recreaturq; similitudine, quod in amicitijs quoq; cōtingit, siquidē
amici ipsi morum capiuntur similitudine. Quinetiā hac in stella illud idē
usuuenit, quāquam disparili qualitate, quod in Ioue: ille enim reformidat
ne calor insitus nocturna uiculus humectatione succumbat, hæc ne humecta
nis diurno à calore superata relaguescat, cum sit ipsa per se apparāda ma-
terie appetentior. De Mercurij uero cōmuni uersatiliq; natura paulo an-
te dictum est. Ptolemæus autem putat Mercurium sequi diurnam conditio-
nem, ubi matutinus fuerit, uespertinum uerò atq; hesperium nocturnam.
Quod ratione nō caret, siquidē matutina regio propter accedentem atq;
que insequentem solem incalescit, redditurq; aridior, quæ diei qualitates
sunt, contrā uespertina propter Solis recessum efficitur frigidior atq; hu-
meclior, quod noctis est propriū. Quod si præstare hoc regiones possunt,
ut Ptolemæus uidetur existimare, propter qualitātū similitudinem, nihil
causæ uideo, cur non tempora ipsa, hoc est, dies ac nox potius præsent, ut
die diurnus, noctu uerò Mercurius sit nocturnus: quorū profecto temporū
hæ ipsæ qualitates sociæ sunt ac ministræ. An fortasse Ptolemæus, prisci-
Astrologi Soli hoc ascribere uoluerunt? ut cū Mercurius nunquam signo
uno, eoq; non integro longius ab illo recedat, diurnam quidē conditionem
assumeret, ubi ante Solem proficisceretur, contrā nocturnā, ubi illum in se-
queretur, uesperti-; post eū occideret. Siquidē Iulius Maternus in illa mun-
di genitura quæ ab ipso traditur, dicit Mercurij stellā cōmunem fuisse ha-
bitam ab Aesculapio atq; Anubi, eorumq; sectatoribus, quod neq; Solem
neq; Lunā de quadrāgulo, trianguloue, aut ex opposito loco intueretur,
delectari tamē de die, ubi matutinus fuerit, Sole: de nocte aut Luna, ubi fue-
rit uespertinus, quod ille diurnæ, hæc nocturnæ cōditioni præsideat. Huius
autē tēporalis cōditionis domini sunt Sol et Luna, et Sol quidē diurnæ, no-
cturnæ uerò Luna. Cūq; uterq; generationi præsit, alteraq; materiā præ-
stet, uitā alter inducat, reliqui planetae pro naturæ similitudine utriq; au-
xiliātur, nūc ualidius, nūc remissius, qualitātē cōditionis secuti. Cui opinio-
ni tot amorum ac seculorū obseruatio astipulata est, doctissimorūq; homi-
num cōsensio. Nec uerò, quod antē à nobis abūdedictū est, huiusmodi quali-
tates corporibus stellarū insunt, ut ipsæ quoq; perinde ac elemēta, corpo-
rūq; nostrorū humores mutētur, quippe quæ agant, uiresq; suas exerceāt
in qualitatibus, quibus ex actionib. tales eas esse dicimus, qualis in elemē-
tis corporibusq; inferioribus qualitates excitāt, id quod generationis atq;
corruptio-

corruptionis gratia maxime necessarium est. Neq; enim natura ipsa has quoq; in parte recessit ab artificio suo. Etenim cuiq; ferè rei propria ac peculiaris quædã sorte sua insunt: idq; quanquã oculis minus cernitur, ipse tamen effectioes indicio nobis sunt, quæ quidẽ maiores minoresue existunt, perinde ut alia quoq; adiumenta illis accesserint.

Mutari qualitates planetarum pro coeli regione. Cap. VII.



Rtus item, occasusq; et ipsæ à media linea declinationes in austrũ septentrionemq; à quibus diuersarũ quoq; qualitatũ uentos flare iam diximus, nunc quidẽ augent stellarũ ipsarũ qualitates ac uires, contrã nunc imminuunt. Etenim Saturnus in parte quæ est ad orientẽ, de die cõstitutus propter calorem siccitatẽq; regionis, inde nanq; dies exoritur, non parum hinc sibi uiriũ adiungit, hoc est radijs eius uis insita. Secus autem in regione quæ est ad occasum, propter frigiditatem humectationẽq; regionis, è qua nox surgit, quãdo humidum frigidumq; ob Solis discessum unã increfcit, uiribus eius permultũ detrahitur. Quod à solerti Mathematico in conciliandis stellarũ effectioibus non minus quã à medico in miscendis potionibus remedijsq; adhibendis obseruandũ uidetur. Neq; enim tot ac tam inconstantes rerũ, morum, euentorũ, temporum diuersitates cõtingerent, nisi ob tantam immutationem ac diuersitatẽ, qualitatũ motus, siue aspectus, configurationisq; cœlestis: ut nulla meo quidem iudicio in cognoscendis aut explicandis stellarum significationibus maior existat difficultas, neq; ubi solertius adhibendum sit studium, quã in illis perspectẽ temperanterq; commiscendis.

De erraticarum qualitatibus. Cap. VIII.



Voniã aut̃ dum de Zodiaci cõstitutione differimus, paulatim sermo noster ad erraticas peruenit, nõ in cõuenienter deinceps de ipsis quoq; erraticis, idq; aliquãto diffusius differendum uidetur, quarũ effectioes in elementis tam sint, elementaribusq; corporibus manifestæ, ut ne nubecularũ quidem cõmotiones in aëre præterquã illis excitantibus fieri omnino cotingat. Cõstant aut̃, ut ueri est simile, atq; ut Phisici arbitratur, stellarũ ipsarũ corpora ex concretiore orbium suorũ parte, qui nec elementa quidem ipsi sunt, nec elementare quicquã continent, non calidum, non frigidum, non siccum, non humidum, sed alia quædam illarũ siue naturæ, siue, ut hodie dicunt, essentia est. Nec cum dicimus stellas quædam esse cor

pora, perinde ut de elementaribus corporibus intellegi uolumus: siquidē appellamus eas corpora, quōd dimensionē recipiant, quōd suis circū terminis scribantur, sed nec mutantur, ut nostra corpora, nec corrumpuntur, ut inferiora hæc, aut in alias ex alijs qualitibus ac naturis transeunt, cœlestia sunt, atq; ut cœlū ipsum, cunctaq; cœlestia omnis profus corpore cōmutationis, elementarisq; alternationis expertia: mouentur assidue, sed nec tamē ut inferiora corpora, aut perinde ut elementa ipsa, ex quibus cōstat, uerū eo motu, qui cœli, cœlestiumq; corporum suus ac proprius est, rerumq; immortalium peculiaris. Quocirca nec Solis corpus calidum est, tamē si qualitas hæc ad inducendam formā est aptissima, nec Lunæ humidum, quæ natura est ad suscipiendam formam maximē idonea, nec ceterarum erraticarū aut frigida aut sicca sunt corpora, aut alia atq; alia qualitate prædita, uerū sua quadā ratione dicuntur aut calida aut frigida, humida aut aridissima, uidelicet quōd in elementis ipsis, elementaribusq; corporibus eiusmodi qualitates moueant, atq; alternis agant, nō eadem tamen ratione et uia, sed quōd unaquæq; stella pro insita moueat, excitet, efficiat. Sarnensibus in fontibus, quæ decidunt ac subsidunt frondes, ramuliq; lapidescunt certo quodā tempore: et quanquā alij etiā fontes, riuūq; illos aut superant aquarum cruditate, aut æquant, hoc tamen ipsum non præstat, adeō in rebus ipsis naturalis quædam uis est insita, qua multa quidem efficiantur. Quod si elementaribus ac passiuīs in corporibus tanta inest uis, quid mirum in actiuīs illis ac cœlestibus semperq; consistentibus inesse uim propriam et peculiarem ciendas ad qualitates, easq; motu atque irradiatione sua alternandas? Vt enim passiuæ hæc sunt ad patiendum nata, sic ad agendū illa, unde ab innata ad agendū uis, atq; ab affectionibus sempiternis agnominata sunt actiuæ. Quocirca nō quod qualitibus eiusmodi prædita sunt, id agunt, uerū quōd à natura sic illis inest, atq; attributū est. Vtq; ad rē ipsam propius accedamus, ferrū ipsum frigidū est admodū. Sole tamen diuinius percussū concalescit adeō, ut admota propius fomenta incendat, quod in speculis æneis liquido cernimus. Ergo et Lunæ corpus, quod frigide compactionis esse uolunt, à Sole percussū incandescat necesse est. Aqua etiam igni admota feruescit. Igitur et Luna cum sit maximē humida, Solis tamen radijs percussa, eadem ratione ut efferuescat oportet: quæ rē fit, ut Lunæ corpus crescendo magis ac magis ferueat. Nō erit igitur minus calida, quā aut humida, aut frigida, præsertim cum Ptolemæus putet ab euolatibus à terra uaporibus hoc ei cōtingere, quod falsum esse suprà ostensum est. Quin Lunā ipsam, cum plena est, tunc uel maximē calefcere dicendū esset. Quāobrem Lunæ corpus nec frigidū, nec humectū putandū est, siquidē affectiones eæ mortalibus, nō cœlestibus cōtingunt

gunt corporibus, uerū ab insit aui frigido atq; humido dominari, quō rerū inferiorum generatio sequatur atq; alternatio, ac pro calore quem à Solis irradiatione radij eius cōcipiunt, nunc magis, nunc minus hoc ipsum præstare atq; efficere. Id quod de cæteris etiam erraticis dicendum est pro sua cuiusq; peculiari ad agendum natura, aliter enim rerum generationi pessimè consultum esset. Etenim terræ corpus unum cum sit, regiones tamen eius nō uno modo affectæ sunt, cū alibi humor, alibi siccitas regnet, hic calor æstuet, illic frigus obtorpeat, suisq; etiam in locis sit maius quoddā elementorū temperamentū, quædāq; æqualitas qualitātū. Cœlū item ipsum unū est, nō uno tamen modo afficit subiecta sibi corpora, quæ passiuā uocari diximus. Eadem etiā ratione stellæ afficiūt pro cōcretionē suā, cœliq; situ, in quo feruūt. Aliter enim tanta rerū alternatio immutatioq; nullo modo cōtingeret. Nostro in corpore aures, oculi, nares, lingua, diuersa ratione afficiuntur, ac nihilominus uni eidemq; insunt corpori, quod licet unū sit, sensus tamen ipsi, hoc est, instrumenta sentiendi ex una concretionē nequaquā sunt, tametsi corporea ē cōpage cōstant. Quod de Saturni, Iouis, Martis, stellarumq; omniū corporibus, quæ in parte generationis instrumenta quædam naturæ ad agendū sunt, dicendū atq; sentiendum censeo: ut mihi etiam uideatur idem esse ius Solis in cœlo, quod cordis in animalū corpore: idem Lunæ, quod cerebri ad mouendū atq; efficiendum. Atq; ut cerebrum à cordis fouetur calore, sic de calore Solis Luna, hoc est, uis eius in actionibus proprijs: utq; à cerebro manat defluxio quædam humentior per membra partesq; corporis, sic à Luna demanat quidā quasi defluxus per corpora hæc orbi eius subiecta. A maioribus autem nostris uocata est defluxio, à fluendo, ut fluxus, quæ nunc à recentiorum plerisq; usurpatur tum defluxio, tum defluxus. Igitur quod nec frustra, sæpius tamen dicitur, stellarū corpora nullis sunt elementaribus qualitatibus addicta, sed omnino libera, cuiusmodiq; ab alternationibus atq; immutationibus penitus uacua, quibus et ipse dominatur, et pro natura sibi insita easdem citat, alternant, moderantur, quippe quæ imperium in illis habent, earumq; comotionibus pro arbitro præscribunt: quæ è re dicuntur cuiusmodi earū esse corpora, cuiusmodi qualitates ipse stellæ in rebus cient inferiorib. Est itaque Luna excitatrix ac sotrix humidi maxime, itē frigidi, unde ipsa qualitatis frigide atq; humectæ ab antiquis est habita, nihilominus radij eius à Sole calefiunt, quæ è re adiuta per calorem sibi immixtum uapores sursum in editam aëris regionem rapit, quod quidem est calidi, non humidi aut frigidi, quorum potius proprium est deorsum uehi, atque ad ima deferri. Eadem Luna procedit crescendo ac decrecendo per ætates, quatuorq; anni tempora: siquidem prima eius ætas dum à Solis coniunctione digreditur,

ditur, apparetq; corniculata, humido plurimum abundat, quale uer, quæ-
 lis hominum pubertas atq; adolescentia. Actas secunda quandiu ad ple-
 niitudinem accedit, prætumidoq; apparet corpore, multū in se caloris ha-
 bet, uelut æstas, ac iuuentas: post plenitudinem, quæ tertia quædam etas ui-
 detur, delinat in siccitatem, ut autumnus, ut uirilis etas: atque ubi iterum
 ad cornicationem redit, frigescit admodum, ut hyems, ut animalium se-
 nectus. Nec sentit tamen senectutem Luna, nec est unquam puella, uerim
 radij eius, dum noua, est, humidum magis ac magis euocant: frigus uerò,
 dum redit ad Solis coitum, et tanquam calore defecta consenescit. Nullum
 habet sibi insitum saporem lingua, nullum oculus colorem, omnes autem
 hic colores, cunctos illa sapores suscipit, passiuum utrunq; corpusculum,
 comparatumq; à natura instrumentum ad sentiendum. Minus igitur mi-
 rum uideri debet, si Luna sydereum atque actiuum corpus, potissimumq;
 nature instrumentum ad generationem parandam, quas diximus qualita-
 tes alternationesq; mouendo atque afficiendo suscitât, et ex alia in aliam
 mutando conuerit. Saturni frigidam esse naturam cum primis uolunt,
 item et siccam, qualis est senectus, præcipue tamen dominari frigido, in
 eoq; permultum excedere, inde radios eius letales esse, uitæq; admodum
 animalium aduersari. Vt enim motus ipse coelestis et gignendi et cor-
 rumpendi causæ est, corruptio autem inde proficiscitur, quod nihil in quo
 genitū est statu, permanet, sed in asiduo uersatur motu: sic stellæ ipsæ et
 generationis et corruptionis sociæ, uel quædam quasi instrumenta aliæ
 magis parandam ad generationem contendunt, ad corruptionem magis
 aliæ: perinde ut Saturni stellæ, quæ frigiditate sua uitalem calorem hostili-
 ter petit, ut Martis, cuius uis est urendi magis quàm calefaciendi. Nanque
 ut genialis ille calor uitalem uim fouet, sic feruor uitalem humectationem
 è contrario exurit, penitusq; exiccat: quod uidemus in segetibus, quas Sol
 quidem fouet, atque ad maturitatem perducit, ignis uero incendit, incen-
 sasq; omnino perdit. Siquidem Saturni radij quodam quasi ueneno frigi-
 ditate nimia uitalem uim conficiunt, Martis autem radij tanquam iniectis
 flammis exurunt, adeò in utriusq; radij effectiombusq; nihil inest mode-
 rati: Quando et calidum et frigidum quoddam dādum est, quod sit etiā
 sua in qualitate temperatum: est enim et calidum quod foueat, et frigidū
 quod refrigeret, utrunq; autem uitæ animantium opitulatur. Cōtrā immo-
 deratum, ac nimium destruit, uitalemq; fermentationē labefaciat. Mercu-
 rij stellam alio tempore humectam, alio arefactam ac retorridam esse pu-
 tant: retorridam quidem propter Solis propinquitatem, humectam uerò
 propter orbis Lunariorum confinia: et quia concitatoris esset motus, eandē
 quoq; uelocitatem concitationemq; in ipsis qualitibus alternādis, quæ-
 uis

uis inter se contrarijs, retinere. Mibi quidem difficile admodum uidetur, parumq; omnino naturæ consentire, quòd illinc de propinquitate Solis, hinc de Lunaris sphaeræ orbita contingat tanta diuersitas, aut aduersitas potius atq; contrarietas, ut modò summum in modum siccus, modò humidus Mercurius sit habendus. Quoniam enim modo Lunaris orbis exhalata aspergine humeflabitur, si summa illa & ultima aëris plaga, de qua ante etiam diximus, estuosa tota est, & suffumigationum, uolarumq; aspirationum receptaculum, ac tanquam cella promptuaria? Cuius rei fidelissimi testes sunt cometæ. Atqui hac potissimum ratione arefcere Mercurium magis ac magis necesse esset. Cõtendunt etiam de Solis propinquitate hoc idem ei euenire: quod si est, utraq; de causa Mercuriales radij exarescent. Qua igitur ratione & causa humefcet, cum utraq; ex affinitate uehementius exuri, ac duabus quasi fornacibus supra infraq; par sit excoqui? An fortasse stellæ huius corpus spongiosum est (licuerit autem aliquantulum iocari) cum spongiæ propria sit ariditas, quæ tamen aquis admota statim turgescit, mox expressa plurimū liquorem effundit? Quod ut dem, nihilominus ostendi mibi uelim, qui sit spongiæ ipsius expressor. Nam Mercurius stellæ dominus, ut deorum nuntius, deferendis ac reddendis literis assidue occupatus est. Quia uerò quæcūq; in hac disputatione traduntur, ad Solis calefactionem referri uidemus, placuit & quid ipsi hac de re sentiamus, & quid naturalis dicet ratio, aliquatò uberius explicare: nō quòd libenter aliorum maximeq; ueterum scriptorum opiniones insectemur, sed ne ueritas in obscuro relinquatur, quæ cæteris rebus omnibus optimo est cuiq; præferenda. Sequitur itaq; de Mercurio, & planetis alijs questio.

L IOAN.

IOAN. IOVIANI PONTA
NI AD IOANNEM PARDVM,
De rebus cœlestibus Lib. Tertius.

PROOEMIUM.



INTER rerū naturæ indagatores liquidissimè
quidem constat, Ioannes Parde, quæ cœlo serun-
tur corpora, ea minimè corruptibilis concretio-
nis esse, omnis item alternationis expertia, cor-
pore æq; cōuersionis, nihil etiā elementare, nihil
elementaris cōditionis penitus in sese admittere,
quinimò corporibus his elemētariis, ipsisq; ele-
mentis omnino imperare, illaq; pro arbitrio afficere, & in alias atq; alias
qualitates formasq; conuertere, inde etiam eorū quæ genita sunt interitū
sequi, rerum mox aliarum generationem aliam atq; aliam: quibus ex alter-
nationibus conuersionibusq; illud quoq; iure efficit, ut inferiora hæc corru-
ptibilia & censeantur & sint, contra cœlestia ipsa perpetua semperq; in
sese consistentia, quippe quæ alterius cuiusdam, sibiq; ubiq; constantis na-
turæ sint, atq; essentia. Quam ob rem si corruptibilium propria sunt cor-
porū siccitas humiditasq; caliditas item atq; frigiditas, si quod paulo an-
te calidū erat, occupatur mox à frigore, & quod aridum, ab humore, qui-
bus ab immutationibus sequitur tandem rerum interitus: nimirum stella-
rum corpora nequaquam hæc afficientur atq; alternabuntur uia, incorru-
ptibilia siquidem sunt, nullisq; eiusmodi immutationibus obnoxia. Nihil
habet ergo Sol quod in stellarum corporibus calefaciat, quomodo ergo stel-
larum calefactio manabit à Sole? quomodo ab euaporationibus terre stri-
bus illarum humectatio? Ad hæc qualitates hæc generationis atq; corruptio-
nis ministræ sunt, ac penè dixerim nutricula. Nulla autem in cœlo genera-
tio, cum nulla illic sit corruptio. Quocirca ut nulla in cœlo generatio, sic
nullæ stellarum corporibus huiusmodi qualitates aut accidunt, aut insunt.
Nec Sol igitur illorū calefaciet corpora, nec illa de Solis calore cōcalescent.
Quid quod, ut in his ipsis elemētariis uidemus corporibus, Solis calor cō-
cipitur de radiorū eius reflexione, quæ quidē ipsa sit in aëre, ac per aërem?
At in cœlo nullus est aër, nihil omnino aëriū, quia nihil omnino in cœlo cor-
ruptibile, nullaq; ex alia in aliam qualitatem transitio, nulla igitur illic de
reflexione radiorū Solis calefactio. Falso igitur, ac sine ulla uera naturali
efficitur causa, Mercuriū de Solis propinquitate per arcescere, quæ quidem
arcesctio

arefactionem contendunt de finitima Solis regione proficisci. Quid illud, quam ineptè, quam etiam desipienter? stelle qualitatem ab eius colore iudicari, ut Martis feruorem à colore illo rutilo, ac si qualis cernitur in aëre, talis omnino color insit eius stelle corpori, ac nō potius rutilescat in aëre, cum unus idemq; etiam color eandem semper qualitatem nō indicet, ut in calce, niue, osibusq; iudicari potest, quæ quidem albo colore pariter sunt prædita, neq; radij solares in occasu appareant, quales in ortu, quin etiam Martis, Veneris, Iouis, Saturni colores variantur, et dum per regionē feruntur, quæ est ad ortū, et dum per eā quæ uergit in occasum. Nam et aër medius, et radiorū tū reclinatio, tū obliquitas, et corū aut maior aut minor ē terris recessus, aduētus etiā ad nos ac digressio à nobis, mutationes eiusmodi colorū ut afferant, necesse est. Quocirca syderis qualitas, seu calida seu frigida, non debet à colore iudicari: non tamen ut color ipse se penumero propriam rei qualitatem non indicet, sed quòd etiam persepe fallat. Ad hæc eadem lex esse non debet, nec esse omnino potest in cælestibus elementaribusq; corporibus. Non minus etiam ineptè sentiunt, qui calefacere Solem ex eo arbitrantur, quòd medius inter erraticas constitutus sit, ac si loca media calorem excitent, quia medij ipsius natura hoc ferat. Quod si datur, terra, quæ totius mundi mediū tenet, esset omnium corporū calidissima. Accidunt autem hæc, quæ de calefactione dicuntur, in aëre et per aërem. Quamobrem cū in cælo nusquam sit aër, ne calor quidem illic excitabitur, perinde ut nullus excitatur strepitus ex tot uagantiū stellarum cœlestiūq; corporū orbiculationibus. Quòd si in cælo querimus ea quæ ad oculos atq; ad aures pertinent, cur non etiam ea quæ ad nares? nam et de calido odores etiam efflantur. Adde quod nec Sol mediū ita tenet inter erraticas locum, ut tantundem à Luna atq; à Saturno distet. Quòd si mediū ali quod iuxta Mathematicā dimensionem metiri uolunt, legant Aristotelem impugnantem in causis naturalibus numeros, numerorūq; potestatem ac regulam: cuius sententiā cognita satis scito, nihil eis quod cum ratione aduersus afferant, relinquetur. Nulli igitur colores insunt syderibus, uerū fulgores ac splendores potius, qui per aërem diffundentes sese, non uno quidem modo afficiuntur, tum pro natura corporis ē quo splendor exilit, tū etiam pro natura aëris ipsius, aëriēq; regionis, ac pro reclinatōne, obliquitatē uer radiorū: quam ad rem non parū etiam sua illorū imbecillitas cōfert, ē remotissimis atq; altissimis orbibus defluentīū. Itaq; neq; Sol in orbe suo calidus est, nec ipse stellarum corpora in cælo calefaciendo afficit, uerū inferiora hæc corpora, quæ et à se, et ab illis mouentur, affectaq; in aliam atq; aliam qualitatem ac temperationem transeunt. Nam si stellæ Sole calore suo afficeret, perinde ut corpora, quæ ex elementis constant, afficit, et

coelum quoque ab illo calefieret, de cuius coeli cōcretionē stellae existunt: unde et hemisphaerium hoc superius frigeret noctu, contrā inferius concaleret: quod nihil esset aliud, quā ut et coelum et stellae, et ipsarum stellarū orbes eadem illa paterentur, quae elementa ipsa, resque elementares patiuntur, nunquam in statu suo consisterent: nihil etiam prorsus existeret in rerum natura à corruptione atque à morte tutum. Eadem profectō ratione nec Saturni frigida in coelo stella, nec Martis ignea, nec Iouis ac Veneris temperata est, nec item Mercurij arida, Luna humida ac uaporosa. Sed in elementis ipsis, elementaribusque rebus, eiusmodi qualitates stellae ipse mouendo, atque efficiendo moderantur, quod rerum elementarium prouentus sequatur, alternatioque qualitatum, e qua generatio existit atque corruptio. Quid autem mirum, stellās à natura sic institutas ad agendū pro qualitate orbis atque concrectionis suae? quando quae in terris, quae in aquis, atque aëre uitam ducūt, diuersa etiam ratione ad patiendum, recipiendūque in sese illarū effectiones nata atque instituta sunt. An non in nostro corpore pulmones, iecur, lienes, renes, cor, quorū ministerio et spiramus et uiuimus, diuersa ratione et mouentur et mouent? Absit igitur, cum de coelestibus loquimur corporibus, quaecumque iniuria. Quid enim ignominiosius dici aut excogitari aduersus coelum diuinamque stellarum maiestatem potest, quā ut corruptibilibus, et nunquā in statu suo consistentibus qualitatibus praedita esse illa aut dicamus, aut existimemus? Iterum dicam, absit tanta haec, tamque nefaria coelestibus sempiternisque à corporibus iniuria, deique illis ut de immortalibus aeternisque corporibus, inferioraque haec moderantibus, pie recteque et sentiamus, et predicemus. Habeat igitur Sol et Luna inter stellarum, singulae item erraticae singulis in qualitatibus id iuris autoritatisque ad generandum, alendum, alternandumque, quod cor, quod cerebrū, in corporis animalitate (ut aenim sepius misitatus, sed fortasse non incōcinnō uerbo) quod alia item membra, quae dicuntur primaria, et, ut hodie uocant, principalia. Atque ut qualitates ipse plus minusue mixtae inter se uarias in corporibus temperationes faciunt, unde tanta diuersitas affectionum prouenit, eadem ratione stellarum radij mixti inter sese, atque in unum conuenientes misceant temperentque uires atque actiones suas, quae è re prouentus multiplex ac tantopere uariis existat in elementis, atque ex elementis, itemque corporibus ex eorū cōmixtione conflatis. Arbitrantur etiam Mercurij stellam maxime uentosam propter continuam motus sui seriem, quippe cum nunquam consistat, sed in assidue semper agitatione uersetur. Omnes enim erraticae et cum regredi, rursusque cum progredi incipiunt, dicuntur gradum sistere, cōpluribusque diebus eodem in momento stare, quae è re singulae erraticae binas dicuntur stationes facere. Solum autem Mercurium

rium uolunt etiam in stationibus constitutum, nunquam adeò pedem sistere, ut non diebus etiam singulis, aliquot, quauis tamen pauca, breuis circuli sui partes emetiatur, adeò stella eius concitata est, assiduòq; semper motu gaudet. Ex hac igitur cōcitatione, perpetuaq; motus agitatione, cum etiam à Sole tāquam turbo quidam uoluitur, raptiusq; uersetur, uentos excitare contendunt, usi ea comparatione, quæ similis admodum uideatur. Si quis enim flagello quamuis tenui aërem uehementius uerberet, flabrum profectò licet tamen tenue, excitabit, cum eiusmodi uerberationes sibilum saltem aliquem necesse sit excitent: qua de causa Mercurium uentos semper gignere, quoniā semper moueatur, existimant, cum ceteri planetæ in stationibus uideantur quandoq; conquiescere, ac Sol ipse propinquus semper et moueat et calefaciat. Hi mihi quidem uidentur aliquid dicere, nequaquam tamen exactè atq; ad appendiculum omnia: siquidem ut leuissimarum etiam frondium tenuissima commotio flabrum cieat, flabrum tamen ipsum, seu quædam quasi subobscura sibilatio ex aëris impulsione fit, quæ Græce est πῆψος. Cum autem in cœlo nullus sit aër, uentusq; sit aëris quædam impulsio, seu redundantis aspirationis commotio, quonam modo Mercurius aut stationarius, aut incedens uentum excitet motu sui corporis aëre impulsio, non uideo. Alia igitur ratio querenda est, quæ ab illis quidem quæ paulò ante dicta sunt, originem ducit. Nam quæ dicuntur de Sole calefaciente, eodemq; circumraptante, ea sunt eiusmodi, ut astrum astro uim inferre credant, parum omnino uidentes ex illata ui corruptionem se qui necesse esse. Quocirca dicendum actenendū prorsus est, Mercurij stellam radijs suis, hoc est, ab insita ui excitare aspirationes, fumidas illas scilicet, et tanquam fuliginosas, è quibus uenti existūt, ut qui aridas exustasq; terræ fumigationes per aërem perlatis magis ac magis moueat atq; afficiat, quarum ex agitatione uenti gignantur. Quam ad rem plurimū etiam Solaris uis confert, dum radijs suis Mercurij radios fouet, illisq; adminiculatur ad hauriendas subducendasq; è terris effumationes, quæ post per aërem exagitata impelluntur, eademq; impellunt.

Quoniam autem in stellarum stationes, earumq; mentionem differendo incidimus, rei huius explicationem non minus libenter quàm necessario exequemur. Quòd erraticæ igitur moueantur, et certis atq; dinumeratis temporibus cursus suos peragant, non solum ex dimensione constat ac numeris, uerū oculis quoq; cernitur. Mouentur certè non modò per spaciosam illam longitudinem signorū duodecim, ad ortum ab occasu, qui suus ac proprius erraticarum est motus, uerum etiam per certam atq; unicuiq; præscriptam latitudinem, quæ hinc in boream protenditur, illinc ad meridiem: hæc tamen ipsa latitudo à media Solis linea per signiferum non

una est planetarū omniū, uerū aliorum alia. Mouentur autem orbiculatim, nam & earum sphaera orbiculatae sunt, & corpora ipsarum orbiculata. Vbi uerò tres superiores à Sole ita recesserint, ut inter ipsas & Solem quatuor interiaceant signa, hoc est caeli partes centum uiginti, paulò plus minus uel retro pedem referre incipiunt. Ante tamen quam earum apperere repeditio incipiat, ac si nullo pacto moueātur, compluribus diebus uidentur consistere, ac nullo modo progredi, eamq; quae prima dicitur, stationem facere, tametsi nunquam adeò consistunt, ut non aliquantulum moueantur. Graeci statum hunc uocant *στασις*, ac dehinc continuato cursu repeditiones ac regressus, quam nunc retrogradationem libentius pleriq; uocant, ante quam recto progrediantur itinere, iterum consistunt, secundamq; stationem faciūt. Quo interim tempore tantum caeli Sol dimensus est, ut quatuor item signis, hoc est, centum uiginti partibus, quod ante de prima statione dictum est, ab illis absit. Pleriq; autem ueterum autorum arbitratu sunt planetarum omnium regressum Sole ab ipso causam ducere, quod ubi planetae quos diximus, Venus item ac Mercurius, certū ac decretum sibi spatium à Sole digressi essent, tanquam ab instituto itinere reuocati, retro ab illius radijs retraherentur, famulari quodam officio Soli additi. Ego uerò Solem ipsum inter stellas principem, ut sic loquar, esse duco, proprii luminis maiestate, tamen ut qui tyrannidem inter stellas exercere illum minimè putem. Neq; enim hamatis Sol radijs utitur, ut tanquā unco atq; harpagone tractos à solito naturaliq; distrahat illos munere, cogatq; ueluti captiuos uictoris ipsius catenas sequi. Num fortasse magnetino Sol praeditus est corpore, erraticae autem ferreo? Nam qui haec opinantur, colorem suum erraticae cuiq; tribuunt. Atqui nec Saturnus, nec Iupiter, nec Mars nec planetarum quispiam ferreo est colore, multo Sol minus magnetino, qui ne exustione quidem illa Aethiopica, cū quā rectissimis flagrantissimisq; utitur radijs, uel semiuncem lapillum è terra subleuare in aëra sursum potest. Num raptabit calore suo, qui in caelo nullus est, retroq; ad se trahet ingentissima illa corpora? ac si obfessa externo frigore, post Solari irradiatione delinita, blandissimo illo tepore capiantur, captaq; proprii muneris sic obliuiscantur, ut, quod ebrijs accidit, sui nequaquam sint iuris. Atqui sponte sua mouentur quadrupedando testudines, rependo serpentes, natando ac lubricando pisces, aues uolitando, pedes alternatim protendendo homines, quadrupedatim pecudes, atq; ubi progressae sunt, suo pte arbitrio regrediuntur, ac pedem sistunt. Videmus aues nunc sursum, nunc contra deorsum, mox ad dextram, sinistram uel uolatum facere, pisces item natatum, non raro etiam illas in aëre, hos in aquis fidere, sic enim à natura instituti sunt. Quid mirū igitur si erraticarum corpora per orbis suos perculiari

culiari motu, sibiq; insito mouentur, cursusq; suos nunc procedendo, nunc recedendo peragunt: interim etiam ita gressum retardando, ut oculis intuentium uideantur fidere, uniuscuiusq; proprii cursus cum sit hæc natura: Nam si ab occasu mouentur in ortum, nulla tamen cælo ui illata, quod quidem cælum ab ortu fertur in occasum, ac nihilominus et cælum illis, et ille cælo aduersis incedunt motibus, nulla Solari calefactione tracta, cur non naturali insitoq; sibi motu stellæ quæ ex hoc die sunt errantes, et procedant, et retrocedant, et stationes faciant, nulla à Sole ui illata, nullis externis uiribus illas cogentibus: Est enim alia cæli, quintæq; illius essentie natura, alia aeris, reliquorumq; elementorū. Sit igitur motus hic earum uel incedentium uel repedantium non uiolentus, sed naturalis: non coactus, sed suus et proprius: incedantq; pro arbitrio ac ui cuiq; insita, non trahantur ut captiui, alienoq; addicti imperio, sed numeros atq; ordinem sequantur sua sponte, naturali suoq; nunquam ab officio recedentes. Neq; enim alia ratione sempiternæ illæ res sempiternitate sua fruuntur. Quod si mortalia hæc ordinem suū, quicq; mortalitatis proprius est, tenore seruant, generando atq; corripendo, uimq; continua alternatione sibi inuicem inferendo, cur non etiā immortalia illa pro natura immortalitatis ordinem suū, suosq; numeros sequentia, ubiq; illum seruent, nulla externa ui, nulla forinsecus necessitate adducta? Quandoquidē in nostro quoq; corpore uis inest illa, qua et ipsum totū, et membra eius singula mouentur et gubernantur. Etenim ubi loquendū est, statim os seipsum nullis externis adminiculis adhibitis aptat instruiq; ad eloquendi officiū. Sed omittamus præstātiora quæ sunt corporis officia, ut oculorū, ut aurī. Patet uia gulæ qua cibus ac potus ad uentriculū defertur: spiritus aut ac uocis meatus, hoc est, guttur, tanquā foribus quibusdam clauditur. Quoties itaq; cibus potioq; hauritur, canaliculus ille seu potius ductus qui uia spiritui ac uoci facit, clauditur: at contra lingua ipsa sese attollente aperitur, quoties spirandū ac loquendū fuerit. Vesica quoq; ubi emittendū urinæ quid fuerit, sese aperit ac relaxat, quæ emissæ confestim sese claudit, quasi foribus serrā obdat: nulla hic exterior adhibetur uis, sed ea tantum quæ corpori est à natura insita, qua corpus ipsum suis cū partibus ad actiones singulas singulaq; ministeria, ubi opus est, à semet, suaq; sponte afficitur, ultroq; ad illa affectum mouetur. Neq; enim de actionibus affectionibusq; cælestibus perinde ut de nostris sentiendū est, quippe cū cælestia ipsa corpora nullius externæ opis indigeant, nullis egeant adminiculis, perfecta quidē per se, suisq; uiribus integra. Quocirca non aliter mea quidē sententia tenendū ac sentiendū est, quam ut cælestia illa corpora motus suos suasq; orbiculationes sponte utiq; sua, peculiariq; potestate exerceant, nullis externis uiribus adiuta, nulla Solis calefactione

retro ad eum tracta, sed sola prorsus natura ministrante. Miris tamen laudibus prosequendi mihi uidentur, qui etiam *ἰκιδάλας* (sic enim Græcè uocantur) commentisunt. Quo enim haberent ubi intellectus beneficio sensus conquireret, oculis quoque exposuerunt minusclos illos circulos, quibus corpora planetarum imposita, antrosum retrorsumque, sursum ac deorsum orbiculatim ferretur, motus cuiusque, dimensione seruata. Quid autem in disciplinis utilius, quid ad docendum accommodatius, quam ut sensus uires praesidiūque intellectui sumministrant? Et quod intellectus cōtemplando assequitur, ut oculis quoque uidendū exponatur? Quemadmodum in horologijs, astrologicisque machinulis ac tabellis usuuenit, ut diuina hæc potius quam humana sint inuenta iudicanda. Verum ut existimemus stellæ ipsas impositas circulis, ac tanquam curricula quibusdam suis uehi, omnino est absurdissimum. Primum circulos illos quis mouet? qui si moueantur suapte natura, cur non stellarum quoque corpora, sua etiam uī naturaque sic moueantur? quid enim opus exterioribus uiribus, ubi propriæ uires satis sunt? Deinde corpora stellarum ipsa oculis cernuntur, quoniam è concretionē orbis sui constant: quod si quod delatum est, cernitur, quoniam è concretionē constat, circulos quoque qui deferunt, è concretionē constare par est, concretosque oculis sese uidendos offerre, non cernuntur autem, quoniam ipsa nulli sunt, sed cogitatione tantum concipiuntur, docendi atque comprehendendi gratia. Etenim tot lineæ interfectionesque linearum re ipsa in cœlo quidem nullæ sunt, uerum docendi ac demonstrandi gratia solertiſſimi uiri commentis eas fuerunt, quando uix ratione alia disciplina cœlestis cœlestiumque progressionum cognitio tradi posset. Quid quod animalium sese mouentium nullum externo instrumento, sed tantummodo proprio sibi que naturaliter indito mouetur? Insunt enim uolucris, piscibus, hominibus, pecori sua cuique instrumenta, nullū denique animal externo alienoque instrumento, sed proprio sibi que à natura indito ad sese mouendum utitur, motu scilicet eo qui suus cuique ac naturalis est. Multo autem minus quam animalium horum corpora, externis adminiculis indigent cœlestia, quibus quidem neque iumentis, neque uehiculis opus est ad euagandum. Itaque et circuli et epicycli cum toto hoc genere habendi sunt imaginarij, non autem ut qui re ipsa sint in cœlo, sed inuenti prorsus atque excogitati ad motus demonstrandos, eosdemque ipsos etiam oculis exponendos. Augures dum autem uolatus captant, aërem omnē lineis partiuntur, eumque in regiones suis quaque cum finibus diuidunt, anticam, posticam, dextram sinistramque. Qui terrarum spatium metiuntur, lineas etiam ab ortu ad occasum inter partes ipsas, et ea quæ dicuntur climata, quod in septentrionem ascendant, producunt, uentorum quoque regionēs lineis distinguūt: nullæ tamen in terris lineæ.

nullæ

nulle in aëre, multo minus in orbibus sunt coelestibus. Oſtēdat mihi uelim quantumuis acutis utatur oculis, qui uera illa existimat stellarū obseruator, ubi linea quæ Arietē distinguit à Piscibus, quæ gradū à gradu, decuriā à decuria, quæ latitudinē Zodiaci ē meridiē septentrionē uersus, quæ obliquitatē eiusdem à Capricorno in Cancrū designat? Intueor ego stellas, cōtemplor earū motū. Lineas omnino nullas perspicio, nullas orbū distinctiones, aut circularū curuaturas, quādoquidem nullæ sunt, neq; illis stelle indigēt, quippe quæ sese ipsæ moueāt, nullis externis adminiculis adiutæ, uel differentiū circularū, uel uolutantium rotarū. Pictiores etiā incertes lineas suas colore notant, quō distinctio ipsa appareat: inertissima ergo, ac sibi ipsi maximē auara fuit natura, quæ nullo prorsus colore, tanquam ei rubrica nulla esset, tot lineas, circulosq; tam sepe sese intersecantes distinxerit, distinctasq; notauerit. Sint hæc igitur ad docendū demonstrandumq; diuina quadā uirtute cōperta, credamusq; ita quidem sese habere, donec oculis etiam ducibus in tabella, quæ de stellarū motibus scrutamur, perdiscimus, numerisq; ac dimensionibus cōprehensa tenemus. Vbi uero mens abunde ex ætēq; illis imbuta fuerit, notioq; imbæscit animis, re ipsa lineas circulosq; ab Astronomis designatos multo minus in cœlo esse, quām haruspiciū in aëre iudicemus. Nā imaginarios esse illud planē docet, quōd quæ oculis nō cernūtur in cœlo collocata corpora, ea nusquā sunt. Siquidem ea sunt aut lucida aut opaca: si lucida, uidentur per se: sin opaca, clarescūt in luce, quod probatur in corpore Lunari. Etenim circuli epicycliq; si ex opacis constarent corporibus, perinde ut Lunæ corpus, illustrarentur à Sole, aut ab eo sydere, quod epicyclo ipsi putatur insidere, aut etiam ab utroq; nam lucida ea nequaquā esse obtutus ipse noster indicat: corpus aut in cœlo constitutū, quod sit tertij generis, nullū est dare, sicuti præter diem ac noctem tempus aliud nullū, nec præter cœlū elementaq; tertij generis est aliud, quod quidem corporeum sit.

Sed iam ad erraticarū qualitates redeamus, quæ licet nullæ illis insint, tales tamē esse illas dicimus, quales in corporibus inferioribus ac passiuis humores excitāt, excitatosq; moderātur. Opinātur aut in Luna, sic in quinq; erraticis usuuenire, ut eæ matutine, hoc est, postquā à Solis conjunctione digressæ apparere iam incipiunt, in humectationem magis inclinent, quousq; confecto itineris quodam quasi triente, consistere iam putantur, inde calfacere arbitrantur, donec uespertine repedando effectæ sunt: Ex hoc uero tempore quousq; iterū consistāt arefacere, frigus inde inducere, donec rursus cū Sole coeant. Quod enim in annuo Solis circuitu cōtingit, in principio humefcet, quæ re uer humidius prouenit: inde calfaciat, quo sit ut æstas sit ardentior, deinde siccet, quæ res autumnum siccior-

rem efficit, deinceps frigus inducat, unde hyems frigidior reddatur: idem quoque in planetæ cuiusque epicyclariis cursus conuersione contingere putauerunt. Nam et elementorum conuersiones eiusmodi sunt, et animalium ipsorum etates hanc eandem seriem progrediendo retinent. Dicitur autem sunt matutinae, quod mane ante Solis exortum, postquam à coniunctione eius recesserint, in ea oriatur cœli regione, quæ est ad Solis ortum. Quod ut manifestius fiat, exemplum statim subiiciam. Sit Saturni Solisque coniunctio in primo Cancræ gradu, ex hac coniunctione compluribus diebus Saturnus Solaribus radijs occultetur, à quibus ubi sese explicauerit, matutinum facere exortum, quod ante Solem orientem mane appareat, dicitur. Vbi uero ad Leonem Sol transferit, antelucano Saturnus tempore, hoc est duabus ante Solis horis, plus minusue, radios ab oriente cœli parte suos exercet. At postquam ad Virginem Sol transferit, nunc quatuor, nunc quinque ante Solem horis, aut etiâ amplius interpesta nocte Saturnus sese ab exortu ostentabit. Tandem ubi Libram Sol ingressus fuerit, eamque peruagabitur, ad mediam noctem Saturni ortus differretur: siquidem Cancro exoriente Libra inum cœli cardinem obtinet, in qua Sole tâquam demerso, media nox ut sit necesse est. Ex eo tempore, quoniam confecto itineris recti spatio repeditio incipit, sistit Saturnus gradum aliquot diebus, perinde ac sidat: sic Iupiter, sic Mars eadem qua Saturnus ratione, pro cursu tamen uterque suo, ac tandiu retro graditur, quandiu Sol Scorpionum, Sagittarium, Capricornumque peruenit, Aquarium iam perambulat, id est alterum Zodiaci trientem progrediendo conficit: tunc enim iterum sistit gradum, sequens à repeditione ad rectam progressionem dirigens iter instaurat, donec confecto Signiferi triente tertio (non minus enim libenter trientem, quam triangulum uocamus) Sol ipse iterum post annum suum cursum cum Saturno coniungitur. Locuti autem sumus de Saturno, Ioue et Marte, quoniam Venus ac Mercurius cum Sole ab opposito, quadrangulo, triangulo aut sexangulari loco nunquam configurantur, sed sola tantum coniunctione, quæ corporalis dicitur, cum eo familiaritatem ineunt. Quandoquidem neque Mercurius triginta, neque Venus sexaginta gradibus plenis, quin etiam aliquot subductis à Sole longius recedunt. In media uero repeditione, cum Sol ad Capricornum peruenit, ipso Sole occidente, ac sub terras delato, Saturnus uespere ab opposita, hoc est, oriente cœli regione exoriatur: utique sex ante mensibus, quod mane oriebatur, à tempore ipso uocatus est matutinus, sic post uesperinus, quandoquidem post Solis occasum apparere iam incipit, hoc uero hemisphærio hoc superiori uidentur deferri. Constatuerunt autem ut Lunæ cursus, sic etiam erraticæ cuiusque etates omnino quatuor: primam, quæ magis ac magis humefaret: secundam, quæ calefi-

ceret: tertiam, quæ exiccaret: quartam, quæ maiorem in modum frigoris induceret: secuti anni ipsius ex alia in aliam qualitatem transitionem, in hoc etiā consentientes, ut cōmixtæ inter se et addant & demat plus minusue pro natura commixtionis. Quantum autem mixtura ipsa qualitatum tum ad augendum, tum ad minuendum ualeat, cū primis medici docent, quorū proprium uidetur officium in adhibendis remedijs miscere ac temperare. Ex hac profectō commixtione unius atq; alterius, itemq; complurium inter se planetarum cōtingunt in corporibus inferioribus tam multa illa ac diuersa, quæ partim quidem cernuntur oculis, partim ingenio assequimur, ipsiq; ex effectiōibus, quorū prorsus omnium causæ ad cōfigurationes ipsas erraticarum referendæ sunt. Statuerunt itaq; primam erraticæ cuiusq; ætatem ab exortu matutino, quem Græci ἡώρη, ad primam usq; stationem. Ab hac ipsa statione ætatem secundam, usq; ad ἀφίπνεον, hoc est, dum de nocte iam media Saturnus (ne ab exemplo quod posuimus, recedamus) ortum ab ascendente cœli regione facit, quod cōtingit Sole Libram ingressō: tūc etenim surgente Saturno, media, hoc est profunda nox, quod Græca dictio indicat, existit, Sole in um cœli cardinem iam tenente. Ab Acronyctio, id est ab ipso exortu, quem nocte media facere primū incipit, ad secundam usq; stationem, tertiam planetæ ætatem esse uolūt. Quartā etiamq; ultimā, quandiu erratica ipsa ab initio secundæ huius stationis ad Solem regressa ei coniungitur, cuius etiā radijs oppressa delitescit, moxq; ab illius subradiatione liberata, mane exoritur, de nouoq; efficitur matutina. Has igitur erraticarū quinque perinde ut Lunæ Solarisq; anni ætates quatuor, prisca rerum cœlestium scriptores statuerūt, in quibus stellæ singulæ utiq; quas diximus qualitates uehementius excitant, pro aliarum tamen stellarum mixtura plus minusue, nō tamen ut à seipsis suaq; natura omnino discedant. Dicimus autem mouere qualitates, easq; afficere libentius quàm elementa, quod hoc idem magis sibi placere Aristoteles ostēdit cū ait, E' triplici cōpositione primā quidem cōstitui ē primordijs ijs quæ à nōnullis uocentur elementa, quæq; ipse dicat terrā, aquā, ærem, ignem, sed rectius fortasse dici posse ex elementorū uirtutibus: appellat enim uirtutes frigiditatē, caliditatē, humiditatem, siccitatē, quæ materia corporū sint compositorum, quas postea differentia sequantur aliæ, ut grauitas, leuitas, densitas, raritas, quæq; aliæ sunt generis eiusdem. Videre etiā oportet in quam cœli partem à mediā signiferi linea erraticæ magis uergāt, in austrum ne an in septētrionē. Præter Solē enim cæteri omnes planetæ ab ipsa linea decerrando spatio quodam suo declināt, et alius quidem magis, alius uerò minus. Fit igitur ex hac digressione per signiferi latitudinē ab eius medio, ut aliās meridiales austrinæq; aliās septētrionales borealesq;

dicatur stella: quæ re uires cuiusq; erraticæ, in quâ uergit partē, magis intenduntur propter radorum propinquitatem ac reſtitudinē, quod cū primis Mathematico in enūtiandis cœli decretis obſeruandum uidetur. Declinare autem eas in austrum, nunc aſſurgere in ſeptentrionem, atque aliàs magis, aliàs minus, non ſolum numerorum collectione, motuſq; diſmensione conſtat, uerumetiam oculis ipsis cernitur. Quid enim euidentius, quàm quotidianus Luna diſcurſus? cū hoc menſe uideamus eam nūc Iouis, nunc Saturni, nūc Martis ſociari, aut Veneris corpori, in eodem latitudinis gradu. Siquidem nōnunquam accidit erraticæ corpus inter Luna cornua comprehenſum uideri, inſequenti uerò menſe cōpluribus gradibus per latitudinem ab illo diſtare, cum per longitudinem eodem in gradu copuletur. Quæ res maniſeſtiſſimē indicat, erraticarū corpora, ut non nulli cōtendunt, cœlo ipsis infixæ nequaquam eſſe: ſi enim cœlo infixæ, ab eodem ferrētur, eandem ſemper latitudinem retinerent, quam minime reſtineri utiq; multa docent. Primū enim in cōiunctionibus corporalibus nō ſemper ſub eadē latitudinis cōiunguntur linea, quæq; ſtella priore in cōiunctione fuerat auſtraliſ, eadē in poſteriore reperitur in boream aſcendere, rurſus in alia atq; alia, ſic deinceps copulatur, ut corpora ipſa uideantur ſeſe penē cōtingere, atq; in unū coire. Deinde ut de Luna, cuius curſus eſt maxime perfectus, expreſſius loquar, in menſtris eius cū Sole cōiunctionibus, aut ſemper Solis deliquiū fieret, atq; ut Græco utar uerbo, *ἡλιε-*
*+*₁₀, aut omnino nunquam. Rurſus quoties Soli opponitur, aut eius defectus nunquā contingeret, aut in ſingulis quibusq; oppoſitionibus deliqueſceret. Vtrunq; autē falſum eſt, quando utriuſq; contrarium uidemus contingere: idq; ob Luna peruagationē euenit per ſigniferi latitudinē, quæ quidem latitudo in eius menſtruo curſu eadem ſemper eſſet, ſi cœlo infixæ cum illo & ab illo tantum moueretur, perinde ut cum naui & à naui mouentur ea quæ nauis ipſius tabulatis affixæ ſunt: quin potius Luna ceteræq; erraticæ ſic mouentur, ut ueſtores, ut nautæ, qui & cū naui longius procedendo iter ſuum conficiunt, et per eam à dextro in ſiniſtrum laſus, rurſusq; à ſiniſtro in dextrū oblique diſcurſantes officiū ſuum peragunt. Nam ut orbibus affixæ ſint ſuis, ab illisq; ut rapiātur, hoc idem eſt dicere, quod paulò ante de epicyclis dictum eſt. Cur enim ab orbibus ſuis potius quàm à ſeipſis ſerantur, ratio nulla eſt, cum multo ſint perfectiora, quàm noſtra hæc corpora, nec ad mouendū exterioribus indigeāt adminiculis, quibus ne corpora quidē noſtra, licet mortalia, minusq; perfecta indigent. Niſi fortæſſe ut infantulis inſtrumenta quædam natura parauerit, quibus ſeſe ad incedendum inſtruerent: ac nihilominus tempus quoddam iſis conſtitutum eſt, quo decurſo, infantes ipſi reiectis inſtrumentis ſponte ſua ac

per se huc et illuc et eunt et redeunt. Nisi maluerimus celestium illorum corporum primam infantiam eternam esse, quæ in nobis breuissima quidē est, per suamque uelimus exterioribus instrumentis, quæ re ipsa nulla omnino sunt ea perpetuo indigere, ipsique uti, dum differendi studio, atque argutijs hoc ipsum pertendimus. Sint itaque orbis ipsi imaginarij, quando coeli moles continua tota est, et ad docendum ipsisque oculis exponendum representandumque stellarum motum diuina quadam inuentione comperti, quod intellectus habeat sensibile aliquid, in quo ab initio perscrutationis suæ conuiescat, ex eoque paulatim progressus abiecta tandem imaginaria orbium configuratio ne, numeris, numerorumque rationibus assequatur quod suum est. Dedit natura ab ipso initio animatis omnibus corpora pro constitutione et habitu cuique aptissima. Habent homines, habent iumenta, feræ, alites, pisces, reptantia commotionibus suis apta concinnataque corpora, ex toto atque etiā e partibus. Cur non et celestia? quandoquidem orbiculata sunt, quod necesse nequaquam fuisset, nisi ipsa etiam à se orbiculatim mouerentur. Quod si cælo ipsi, aut orbibus quæque suis infixæ sunt, superuacaneum, ac perquam ineptum fuit ea ex omni parte orbiculata constitui. At nihil omnino ineptè, nihil frustra natura statuit, cum appositissime singulis quoque consulerit. Quocirca nequaquam illa superiore à parte quod oculis cernimus, in orbem conformasset, quin potius aut acuisset ea, ut tamquam aculeata, orbibusque infixæ penderent, perinde ut in cubiculorum laquearibus, cælatisque testudinibus uidemus: aut complanasset utique, complanataque; commissuris perpolitæ cælo ipsi, aut raptantibus illa circulis glutinasset. At non à superiore, uerum ab inferiore sui parte orbibus infixæ sunt: quod si est, cur non pars hæc, imaque ipsa curuatura, utpote alij corpori infixæ latet? quod secus quidem esse aspectu constat, cum rotunditas ipsa corporum tota, omniisque à parte circum appareat. Ex his igitur, aliisque quæ supra dicta sunt efficiuntur, ut neque cælo orbibusue suffixæ sint erraticarum corpora, et euari per signiferi latitudinem planè constet, ut alias magis, alias minus eadem ipsa aut in austrum procumbant, aut in aquilonem subleuentur. Quid, quod si quis diligenter obseruet e planetis quemuis unum quouis etiā in signo, et in quacunque eius latitudine collocatum, qui scilicet hoc anno Calendis Martij nocturno tempore aut oriatur aut occidat, annisque item subsequentibus, ubi idem ipse planeta ad idem illud signum ac signi gradum reuerterit: in pluribus profectò eius reuersionibus uix hoc continget, ut in eadem illa signi latitudine per partes easdem oriatur aut occidat, quod singulis quidem mensibus in Lunæ peragrationibus subinde, ut dictum est, cernitur. Ad hæc significationes ipsæ planetarum, propriæque effectationis efficacie, eadem ubique semper essent, tamen in locis austrum uersus, quam in aquilonem

lonem proclinantibus. Quod secus euenit, propter maiorem ipsorū propinquitatem in alterutram mundi declinationem: quorum, ut dictum est, fieri nihil omnino uideremus, si cœlū & ipsi illi orbes tant opere celebrati, quasi clauo quodam in una certaq; sui parte fixa secū traherent, ac tanquam raptarent errantium stellarū corpora. Aristoteles diuino uir ingenio huius siue sententiæ, siue opinionis uel autor quidem fuit, uel patrocinator: nec uerō nos ij sumus, qui aduersus acutissimū et solertissimū natū rerū indagatorē uideri uelimus hęc scripsisse. Ceterū dum ille ad se, naturalisq; philosophiæ cognitionem trahere uult omnia, ab ijs lōgissimē dissentit, quæ post à Mathematicis inuenta sunt & tradita, quæq; multo aliter quā ipse sentiat, habere sese ratione comprehensa obseruationeq; etiam ipsa comprobantur. Vtcunq; tamen hęc ipsa quærendi studio magis quā quod ita prorsus sentiamus à nobis traditur, nec tā affirmamus, quā posteros adhortamur ad ea ipsa melius ac diligentius perquirēda. Latet causa lactei cinguli, atq; ita quidem latet, ut quæ de eo traditur, inania quædā fabulosaq; magis quā physica uideantur. Quid mirū latere etiam partem hanc cœlestis philosophiæ? quasi nostra hęc ipsa mens asse qui possit quæcunq; in rerū sint natura, et quo quidq; fiat modo, ac generetur ordine. Est etiam antiquæ ac penē dixerim cōfirmatæ sententiæ inter cœlestiū significationū exploratores, erraticas stellas inuicem se afficere & contueri: ubi quantū inter ipsarum domicilia interiacet spatij, tantundem inter ipsarum corpora interiectum fuerit interualli. Græcè hoc afficiendi ac inter se distandi genus, est ἀποστροφὴ, quod barbarè est Almuega, Latine non improprie dicitur contueri. Idq; tale est, atq; ut de Venere exemplum tradam, constituo eam in Tauro, Lunam in Cancro, Solem in Piscibus, namq; cōtutus hic inter erraticas luminariaq; esse dicitur. Hæc in constitutione Venus est cum Sole uespertina, cōtra cum Luna matutina, abestq; utroq; à luminari, quantū Taurus et propria domus à Cancro Lunæ domo, quantum etiam Libra propria item domus à Leone Solis domicilio. Hicq; contutus inter Solem & Venerem, item Lunam, sexangularem habere uim creditus est ab antiquis. Mihi quidē uidetur aspectus hic non à domorum intercapedine, uerū à sextante circuli, sexangulaq; si gnorum ipsorū radiatione iudicandus. Etenim Pisces Taurū, Taurus item Cancrum sexangulariter afficit. Quocirca Venus Solem ē Tauro in Piscibus constitutum, quo potest obtutu, eoq; non integro, sexangulariter tamen inuictur. Quod Mercurio contingere neutiq; potest, quippe cū à Sole abesse sexangulariter nequeat. Qua igitur ratione, si cū Sole Mercurius sexangularis esse nullo modo potest, sexangularem cū illo inire familiari tatem poterit? quam quidem sexangularem familiaritatem inibit, cū Lu-

nam in Cancro positam, de Tauro intuebitur, nō quod ab ea tantū distet, quantum est inter uirginem suam ipsius domum, & Cancrum distantie, sed quia sexangularibus ē signis sexangulariter sese aspiciūt. Abest à Leone Taurus coeli quadratē, aspectus hic quadrāgularis est. Nunquā autē potest Venus à Sole quadrangulariter abesse, nunquā igitur inter utrūq; quadrangularis aspectus intercedet uis atq; conciliatio. Quocirca anle hoc totum est, ut & alia quidem multa, frustra q; de domorū distantia ob seruandū in Veneris ac Mercurij significationibus præcipitur. Veniamus iam ad Solis ac Saturni domos, ac domorum distātiās. Abest Aquarius Saturni domus à Leone Solis domo diametro interuallo. Quoties autē Sol ac Saturnus in signis cōstituentur diametris, erunt ipsi inter se diametri, nō propter domorum propriarū intercapedinem, sed quia signa ipsa in quibus collocantur, inuicem sunt diametra. Sagittarius Iouis domus à Leone distat triangulari intercapedine, eodem spatio Aries domicilium Martis. Quoties autem Iupitur & Mars tantundem à Sole aberunt, afficient illum triangu la irradiatione, non domiciliorum distātie gratia, sed signorum: afficiet etiam Mars Solem quadrangulariter, quandocunq; ab illo tantū aberit, quantum abest à Leone Scorpius, ea scilicet de causa, quod ē quadrangulo seipso intuentur. Quamobrem quid ineptius quā existimare hoc ipsum contingere propter domorū distantie consimilitudinem? Sunt à Leone octauum signum Pisces. Capricornus est sextum, hæc inter se signorum distantia nullum parit aspectū, nullam gignit beneuolentiā. Quandocunq; igitur Saturnus ac Iupiter à Sole tantundem aberunt, quam rogo beneuolentiā, quæ nulla mutuo ex aspectu inter se signorū est, quam inquam conciliare familiaritatem poterūt? Itaq; anilia mihi quidē hæc uidentur omnia. Quæ autem ratio de Solis ac planetarum domicilijs, domiciliorumq; interstitijs inter se ac planetarū domicilia si tradatur, eadem profeclō obseruationis huius uanitas inuenietur. Multa quoq; Astrologi ueteres à regum ac magistratū gubernaculis ad stellas transtulere, ut cū dicunt erraticas ipsas in thronis suis, & tanquā regia in sella perinde ut reges cōsulēsue publicē ius dicere. Vnde Ptolemæus ait stellas in suis quidem fulgoribus ac thronis constitutas tum dici, cū in quibus reperiuntur signis ac locis, duas saltē in eūde cū eis familiaritatis causas, de quibus antē dictum est, nactæ fuerint, quod propter consimilis cognatæq; signorum qualitatē affinitatem, magnū inde sibi fauorem atq; adiu mentum ueniant, magna q; ex hac cōuenientia, & quodam quasi animorum cōsensu fiat earū potestati ac iurisdictioni accessio, ut uideri iure possint tanquā in folio sedentes ius mortalibus dicere, ac maiore cū auctoritate po-

te potestatem in populis exercere. Id autem est eiusmodi: Iupiter inuentus in Geminis, in finibus suis, undecimo in loco, diurno etiam tempore, et à loco in quo letatur, et à qualitate signi humecta et calida, et à condicione, est enim masculinum, atq; ex eo diurnum, mirificum ex hac ipsa cōuenientia effectiōibus suis adiumentum assumit, cum non mediocris etiam à potestate finium fiat accessio.

De parte Fortune. Cap. I.



IN loco aut ac parte Fortune plurimū etiam autoritas uno omnes ore Astrologi repositū esse consentiunt. Cuius tamē rei ratio cū nō extet ab illis tradita, uidetur à nobis qui non tam facile dictis illorū acquiescimus, diligētius perquirenda: cū ex tāa credulitate id deniq; effectū sit, ut peruagata ferē habeantur et uana, quæ de cœli significationibus, id est, Astrologorū prædictis hodie feruntur in publicū. Quocirca uisum est, debere hoc ipsum à me queri, cur disciplinæ huius cōstitutoribus placitū sit, inter alia nōnulla, quadā quasi sanctitate obseruāda præcipere ea, quæ de fortune parte hac traduntur, à qua quidem parte et loco potissimam ac maximā eorū quæ in uita eueniunt portionē arbitrati sunt defluere. Itaq; ut sese habent in generatione materia et forma, rerū principia, ut genus quod è mare constat et femina, ut tempus, in quo nihil nō à natura efficitur, idq; è die ac nocte constituitur: sic sese habent Sol et Luna, ut generationis ipsius auctores, et penē dixerim parentes, ut primæ quoque ac potissimæ generationis et uitæ causæ. Præstruit enim Luna, aptatq; materiā, Sol aut inducit formam: hic diurnū moderatur tempus, illa nocturnū: Luna corpori præstat alimoniā, Sol animalitatē conseruat: nihil ille negligit eorū quæ spiritui ac sensibus, quæq; animato cōferat corpori, nihil hæc eorū quæ ipsi accidunt homini: ut uterq; simul Sol ac Luna tū corporis sensuq; id est animalitatis, ac hominis deniq; ipsius, tū accidentiū atq; euentorū, quæ in uita eius tam multa cōtingunt, tū auctores, tū ministri prorsus uideantur ac suppeditatores. Cum aut horoscopus, uti dictum est, nascentis hominis animalitatem indicet, animæq; eius cū corpore conglutinationem, cui rei Sol, ut dictum est, præest: erit ascendēs ipsum Solis iurisdictioni in hominis genitura subiectum, cui in uniuersa uita ius à Sole ipso dicitur: quo fit, ut nati horoscopus in genitura Soli addicatur. Atqui Luna ubiq; potestatem in his suam cum Sole simul exercet, ac iuxta etiam præsidet: habent enim coniuncta tempora, diem et noctem, coniunctas actiones, materiā et formā, coniuncta domicilia, Leonem et Cancrum, cōiuncta etiam loca, in quibus libentius ius dicunt, no-

nuntiatq; octauum in coeli figuracione locum. Par est igitur in nascentium genituris, uti Sol quidem horoscopus sibi assumat, Luna uero ut aliquod etiam sibi ascendens pro socia potestate uendicet, quo parte ex omni reru se nostrarum communes uterq; exhibeant tum autores, tum ministros, et auratores, coniunctamq; simul potestatem exerceant. Dandum est igitur suum etiam Lunae in genituris ascendens: quod autem esse illud debeat, quaerendum relinquitur. Sed nec ascendens ipsum Lunae ab ascendente geniturae, quod Solis est, distare par fuerit, nisi quantum Luna Sole ab ipso abesse comperta fuerit geniturae tempore, quo ascendencia etiam utriusq; loca eadem simul distantie ratione iungatur. Iungetur autem ratione eadem, si quot signiferi partes inter Solem ac Lunam interiectae fuerint hora geniturae, numeraueris, ipsaeq; tot rursus partes ab ascendente prima parte retro progrediens collegeris, quibus post collectis quo in loco numerus ipse partium omnium desierit, illic fortunae partem, hoc est, Lunae ascendens constitueris. Quae constitutio ita quidem constare mihi uisa est, ut omni parte eius constituendae ratio ex inuicem sibi consentiat, atq; undecumq; quadret. De qualitatibus autem partis ac loci huius, deque significationibus eius uberius suo loco dicetur.

De stellis, quando masculae uires suscipiunt, quando foemineae. Cap. II.



Ecce uero una tantum uia stellaru uires incrementum accipiunt, aut damnum, cum mutare etiam genus secus dum ipsarum situm ac statum existimentur: quod huiusmodi quidem est, ut stellae ob qualitates quibus praesunt, aliae dicantur masculinae, contra aliae foeminae. Putantur autem foeminae qualitatibus Venus ac Luna, propter humidum, cui dominantur, naturam: siquidem humidum ipsum in generatione materiam sumministrat. Sol uero existimatur esse uirium masculinarum propter calorem quem excitat, cuius proprium est formam inducere calefaciendo humidum, atq; animando calefactum. Masculinarum etiam uirium habentur Iupiter ac Mars propter calorem. Mercurium mediae naturae putauerunt, unde Poetae genitum ex eo Hermaphroditum fingunt, siquidem stella eius nunc humidum abunde euocat, nunc uehementer exiccat pro situ suo ac motu. Mutatur uero, ac modo quidem augentur, modo uero minuantur qualitates haec: tum tempore, nam calor augetur die, minuitur nocte, contrario modo humidum: eadem quoque est frigidi et sicci ratio, frigidum enim sequitur noctem, siccum potius diem: tum regione et situ, etenim masculae sunt stellae constitutae in eo coeli quadrante ac tractu qui est ab oriente cardine ad coeli me-

diūm, & in opposito item quadrante qui ab occasu in imum protenditur, contrā foemineſcunt duabus in reliquis coeli quadris, hoc est, ea quæ cœli culmine occaſuq; continetur, & ea quæ illinc, imò hinc cōtinetur exortu. Nec uerò quod nūc dicimus, eò ſpectat, ut mutare genus ſtellas credamus, quod nullū eſt in cœlo: uerū ut qui cœli decreta promulgant, ſacilius intellegant cœli ipſius uires nūc maiores, contrā nūc remiſſiores eſſe, quod in rebus ipſis noſtris uidemus, nanq; regionū qualitates pro temporū qualitate & remittūtur & intendūtur: dies item ipſe idem illud patitur, quod uita etiam noſtra patitur, quæ non modò pro qualitate anni temporū, uerum etiam et atū mutatur, nunc crescendo, nunc decreſcendo, cū aſiduo in motu ac uarietate uerſetur. Nec uerò mirū ſit cuiquā, quadrantem ipſum qui eſt ad imū ab occaſu, concaleſcere, quemadmodū concaleſcit propter aſſurgentem Solem quadrans ille, qui eſt ad mediū ab exortu. Siquide qui noſter occaſus eſt, is ſubterraneis regionibus, id eſt, terris habitationi noſtræ aduerſis Solis oriū denunciat, contrā exortus occaſum. Mutantur etiā ſtelle pro habitu ad Solem ſuo, ut quaſi maſculeſcant hoc eſt, maioribus utantur uiribus, cū a Solis cōplexu digreſſæ antecedentesq; matutinis oriūtur temporibus. Matutina enim qualitas robur maius, & ut ita dicā, maſculæ ſummiſtrat uires, tum propter ſuum a Sole digreſſum, orientisq; cœli regionem, tum propter ſtellarum adoleſcentiam. Contrā debiles eas atq; imbecillæ ueſpertina reddit conditio, ubi Solem ſubſequentur tanquā feſſæ decurſo ſpatio, atq; ſeneſcentes, quæ e re ſtelle ipſæ uidentur quodanmodo foemineſcere. Quod ſi de cœlo & ſtellis cum loquimur, nō alijs uerbis utimur, quā ubi de animalū qualitate, genere, etate, moribusq; diſſerimus, meremur iure ueniam, quā dō alijs uti uerbis quā tralatijs nequimus: quā ueniam, ubi cūq; locus ac ſermo exigit, dandam nobis depoſcimus.

De collocatione planetarū in angulis. Cap. III.



N perſcrutandis autem ſtellarū uiribus atq; effeſſionibus hoc quoq; ſeruandū uidetur, ut nō ſigna modò ac loca cœli, Solisq; uel antegreſſio, uel ſubſecutio, ſtatus item ſeu ueſperinus, ſeu matutinus, ad hæc tū inceſſus repeditioq;, tum diurna noſturnaq; conditio, ac quadrantū poſitura probe inſpiciantur, uerū etiam ſuis ut numeris, exactaq; ratione colligatur cœli quoq; totius cardines, hoc eſt ortus, occaſus, medijs atq; imi partes. Stelle nanq; in illis, ſinitimisq; in partibus, præſertim ſuccedentibus collocatæ plurimū in utraq; partem ad felicitatem, in ſelicitatem uel ſibi uendicant, angulorū ipſorū auctoritate munitæ. Etenim in cœli medijs culmine conſtitutæ, proximisq; in partibus, uires regni, regionisq; poteſta

tem adepti videntur. Quia è re quod aut benignè promittunt, aut aduersus
 inuantur mali, nisi potentioribus impediuntur radijs, constantissimè præ
 stant. Verum de angulorū observatione, planetariūq; in illis consistentiū,
 suo loco plenius dicitur, nunc satis sit de efficacibus illorū uiribus pauca
 quedam differere. Igitur medij coeli prærogatiua, (ut ita dixerim) ma
 ior est augusta quidem est, cum locus ipse teneat mundi totius culmen: quo
 è loco radij cum in terras iaciuntur quærectissimi, ijdem in res inferiores
 illabuntur quæpotentissimi. At ab ortu atq; occasu cum nō recti, sed obliqui
 potius, neq; superioribus deferantur è locis, imbecilliores minusc; ualentes
 sunt. Cuius rei idem Sol, ijdemq; Solares radij nūc è medio, nunc ab horosco
 po occasu ue irradiantes testes sunt locupletissimi. Quocirca propter loci
 maiestatem, radiorūq; ualentissimam projectionē, planeta in culmine collo
 catus plus habet uirū quā in ortu, et in hoc ipso exortu amplius quā
 in occasu. Ab ortu namq; radij ad nos cū lucē ueniunt, ab occasu eripiuntur
 cū luce simul. Quoniam autem de occasu atq; in i coeli angulis dubita
 tio nōnulla incidit, hoc est, utrius autoritas præferenda sit: placet Ptolemæi
 ipsius è primo Apotelesmaticum libro uerba ponere, deinde autoris eius qui
 uerba ipsa explanauit. Ptolemæi uerba sunt hæc: Culminātes enim siue ad
 coeli culmen proficiscentes in primis potentes sunt, secundo autem loco,
 quando in ipso finitore fuerint, siue ad illam accedentes feruntur, magisq;
 cum in orientali, minus uerò cū sub terris imo in loco culminauerint, siue
 aliaratione orientali loco configurantur, aliter uerò constituti imbecilli
 prorsus sunt. Verba hæc ipsa Ptolemæi (cum duo sint finitores, alter ad or
 tum, alter ad occasum) uidentur innuere, planetam in occiduo finitore col
 locatum minus ualidis uti uiribus, quā cum in orientali, hoc est, efficacia
 uultu maioris esse, cū in ortu constitutus fuerit, quā cū in occasu. Cum au
 tem subdit, Minus uerò in angulo subterraneo collocatus, uidetur innuere,
 innum coeli locum quā occasum autoritatis utiq; minoris esse, planetāq;
 illic constitutum uiribus uti non adeo ualentibus. At explanatoris uer
 ba aliud omnino sentiunt. Nec uerò cuiquam sit mirum, si orientales atq;
 occidentales planetæ dicimus, cum hæc duo uerba hodie tam sint in
 usu, et à recentioribus scriptoribus sic recepta, ut alijs ac maxime suis ap
 pellationibus uix utantur. Inquit igitur explanator: Orientales enim ad
 dentesq; ad numerum, potentes sunt: occidentales uerò, numerumq; minu
 entes, imbecilli: in medio itē coeli, seu in oriente constituti, potentes sunt,
 at in imo atq; in occidente, imbecilli. Nec multo post subdit: Primum qui
 dem coeli mediū, secundus est oriens, tertium innum, quartus occidens. Suc
 cessionum autem prima quidem medij coeli, secunda horoscopi, tertia in
 quarta occasus. Quibus è uerbis planissime intelligitur, explanatorem in

Interpretemq; hunc cimum coelum præferre hac in parte occasui, hoc est, stel-
lam in occasu occiduamq; finitorem positam, minoribus uiribus instructam es-
se, quàm quæ sit in imo caelo collocata. Addentes ad numerum planies di-
uimus, quos Græci *πρόδρομοι* uocant, hoc est, ad motus suos appositos im-
minuentes uero numerum; quos illi *ἀπώτρομα* dicunt, quoniam de motu
demant, tardioresq; effecti sint. Hac itaq; mensura et circumspeditione,
ut Mathemaicum oportet in coeli atq; errantium stellarum significa-
tionibus primo expendendis, post etiam pronuntiandis: quò prædictio
ipsa non solum à coniectura, uerumetiam à ratione, quantum assequi
humanum potest ingenium, profecta appareat, quantumq; discipline in-
stituta, diuturna obseruatione comprobata doceant. Pro erraticarum enim
loco, situ, signo, prærogatiua, configuratione, uiribus deniq; atq; aspecti-
bus aut fauentibus eis, aut nocentibus, significationes ipsæ, erraticarumq;
effectiones futuræ sunt aut imbecilliores, ac minus certæ, aut magis ualenti-
es, uiribusq; firmioribus præditæ.

Tertij libri de rebus coelestibus finis.

IOAN. IOVIANI PONTA-
NI AD FRANCISCVM PVDERI-
cum, De rebus coelestibus Lib. Quartus.

PROOEMIUM.



VMANI uis ingenij natura duce, quæ sciendi no-
bis cupiditatem infixit, eo cogitandi differendiq;
Francisce Pudericæ, peruenit studijs, ut difficile di-
ctu sit quantum in omni rerum fecerit cognitione
opera pretiū. Hac enim ipsa duce mortales nonnul-
li, quanquam perpauci illi quidem, nam in quoq;
genere nisi perquam paucorum uix existeret per se
tio, in id peruenere cogitandi assiduitate, ac perspicendi acumine, coniu-
ta etiam differendi argutia cum diuidendi perpensione, itemq; concluden-
di cautione ac ueritate, ut mundum ipsum omnem, mortaliūq; atq; immor-
talium naturas ingenijs subiecerint suis, duplici uia progressi. Nam quò ra-
tio ipsa quibus dictum est artibus penetrare haudquaquam poterat, signa
quæ rebus ipsis inessent, de quibus solliciti erant, quæq; indicia uiderentur
habe-

habere earum naturæ, & secuti sunt illa, & contemplati. Quo effectū est
 uti quæ ratione ac dissertationibus comprehendere minus poterant, diuturni
 re ex inspectione ea tandem in cognitionem deuenirent cōsiderantissimorum
 hominum. Quæ in observatione, subsecutisq; illam coniecturis etiam
 maxime uersantur facultates, eaq; potissimum quæ non ingenij solum ui-
 ribus, uerū etiam corporis præsidio indigeant, cuiusmodi quidem sunt ora-
 di, militandi, medendiq; facultates. Verum ut facessere has à dictione no-
 stra, hac nūc in parte & hoc in loco iubeamus, explorandis quidem ac co-
 gnoscendis hominū ingenijs, propensionibus, moribus, quid obseruati olim
 ab illis fuerit, quid effectionibus ipsis cognitū, tum alij permulti ante Ari-
 stotelem, tū Aristoteles ipse & retulit fideliter, & constantissime assuera-
 uit. Maior, inquit, fons animi segnitiam, minor instabilitatem, latior men-
 tis agitationem, ad eamq; exercendam facilitatem, rotundior iracundiā in-
 dicat. Supercilia quoq; rectius porrecta mollitiem animi, secundū nares in-
 flexa austeritatem non sine acerbitate, secundū uerò tempora dissimulato-
 rem animū, ac derisorem, at omnino demissa inuidentem significant. Hæc
 principio studiosorū ac perspicacium hominū & animaduertit sedulitas,
 & obseruauit diligentia. Quam uiam post ingressa ratio & capitis conte-
 xum, & cerebri posituram, qualitatem, quantitatemq; cōtemplata, cuiusq;
 naturam pensitate dimensa, de animi quoq; ipsius applicationibus (cū in-
 stitutio ipsa, legesq; ciuiles, ac gentis studia in utranq; partē permultū ad
 mores ualent) & iudiciū tulit, & causas est ipsas propensionū complexa.
 De auribus quoq; perinde atq; animorū indicibus signa hæc ab eodem au-
 tore perhibentur, quòd earum quidem mediocritas proborū index sit mo-
 rum: magnitudo uerò, earumq; arreclio, aut stultitiæ aut loquacitatis. Ex
 oculis quoq; signa hæc animi propensionū traduntur: eorum angulos ubi
 quàm æquum est productiores ipsi fuerint, morū esse peruersorū, impro-
 bitatisq; animorū indices: eosdem ubi naribus propius inhaesissent, animi
 malitiam indicare: ipsos uerò oculos neq; penitiores, neq; nimis expositos
 atq; emissitios, sed mediocrem natos situm, morum equalitatem quandā
 promittere: mediocrem quoq; illorum conuientiam, eandemq; tempera-
 tiorem, commotionum animi temperamentū innuere: at qui rigidius con-
 niuent, aut properantius, alteros impudentiæ, alteros inconstantiæ testes
 esse. Sed nec pedū constitutio ab iisdem fuit neglecta auctoribus, ponam uer-
 ba non minus spectati quàm cruditi uiri Theſſalonicensis Theodori, quē
 Aristotelis de animalibus libros fecit Latinos, cuius ego memorie tantum
 iudico tribuendum, quantum illi qui in media rerum ignorantia lumen cō-
 cutientibus, aut potius nihil uidentibus accenderit, tametsi ipse ut Græcus
 homo Latinis quibusdam litteratoribus nimium fortasse indulsit. Eius uer-

■ ha sunt hæc in Aristotelica translatione: Quibus hominibus plantæ pars in
 ■ terior non caua est, sed ita plena, ut solum toto attingat uestigio, ij uersuti
 ■ sant et fraudulent. De dentibus quoq; traduntur hæc, quibus animalibus
 plures insint, ea magna è parte uiuaciora esse: quibus hominibus tam pau-
 ciores, tum rariores, eos plerunq; uitæ breuioris esse. Hanc itaq; uiam ad
 multa eaq; obscura et abdita diuturnior diligensq; aperuit obseruatio, præ-
 buitq; ad illa aditū rationi. Ac tamen si frustratur aliquando obseruatio ob
 repentinos occursus, eosq; parum prouisos, in uniuersum tamen minime
 fallit, constatq; ipsa sibi ut explorata et uera. Igitur si pedū, frontis, super-
 ciliorū, si oculorum, aurium positus atq; contextio alia atq; alia etiam ad
 priorū qualitates atq; affectus uarios, indicia significationesq; habent suas,
 quanto significationes secum afferūt, certioraq; indicia, Solis, Lunæ, stella-
 rumq; aliarū collocationes, habitus, configurationes: et quarum constitutio
 nibus ac decretis et illa conformantur, et tantas inter se mutationes susci-
 piunt, ac uarietates, tum texture corporis totius, tum animi quoq; affectio-
 rum. Idem est autor Aristoteles, affectus ipsos nostros, sanguinis sequi cor-
 disq; proportionem ac naturam: et cum purus, tenuis, secundus, calidus,
 fluens ille fuerit, et ubi cōtra crassus, turbulētus, aridus, tepidus, exiguus,
 et cum alio atq; alio modo afficietur. Atqui affectiones ille sanguinis à so-
 le Lunæq; potissimum atq; à stellis manant, quando inferior hæc natura
 superiore ab illa temperatur. Nec tibi autem Puderice, nec cuiquam uideri
 mirum debet, si tam sæpe eiusdem rei, tam etiam studiose commonemus Ma-
 thematicos, hortamurq; eos ad metiendum pensitate stellarū commixtio-
 nes ac temperaturas, è quibus tot, ac tam non modò uariæ, uerum etiam di-
 uersæ et corporum formantur effigies, et animorū excitantur propen-
 siones atq; affectus. Que ubi ualidiores fuerint, maioreq; autoritate præ-
 dite, et ex obscurissimis parentibus illustres edunt foetus, et ex illustri-
 bus maxime abiectos atq; obscuros, deq; formosis sordos, rursumq; è de-
 formibus et pulchros et peruenustos. Quod in frequentibus præsertim ci-
 uitatibus ac populis penè quotidie et uidemus, et miramur contingere.



Q Vartus hic liber Erraticarum uires, quales quantæq; in
 rebus his inferioribus appareant, quæ item earū signifi-
 cationes sint ac decreta, cōinet. Quibus explicandis et
 ueterū autoritatem, et probatissimi cuiusq; autoris cum
 primis sequimur, quantumq; ingenij nostri uires ferūt.
 phisicis è causis rationes eruere, erut atq; in medium offerre moliti sumus
 ipsarum et uirū et significationū. Neq; enim uideri uolumus partem ean-
 cognitionis, quæ celestibus agitationibus maxime est cognata, neglectam

omnino deseruisse. Quam in re si traditio hæc nostra, manca, ut ingenij fert
tenuitas, reperietur, in quo ueniam petere non erubescimus, cōpensabitur
ab æquis fortasse lectoribus cū eo, quod primi quidē hæc prodimus, aliorūq;
ad perscrutandū solertius, hoc est, ad tantam promerendam laudem labore
industriaq; hæc nostra inuitamus, à Sole primū exorsi, propter euidentiā
magnitudinemq; corū omnium quæ in elementis ipsis, elementaribūq; cor-
poribus, illorumq; qualitatibus, quas uirtutes etiam ab Aristotele uocari
diximus, assidue efficit annua sua per signiferum euagatione atq; incessu,
inde cuncta hæc quæ uidentur & oriuntur & occidunt, eiq; alio in aliud
conuertuntur, post de Luna, deinceps de reliquis ordine suo dicemus.

De Sole. Cap. I.



Rincipio homo fit ex aliquo, quoniā ipse est aliquid, est
enim animatū corpus, cuius principia sunt materia &
forma, quæ ubi in unū per generationem cōuenere atq;
animā, accidit ijs quæ gignuntur ea quæ dicitur uita, unde
uiuētia dicuntur corpora, quæ ex ijs simul cōstant. Cō-
stat aut uita ipsa ē calore maximē, qui humidū ipsum animat, siquidē gene-
ratio ē calido existit et humido: quibus ut corpora ipsa quadrēt, quādo qua-
dratio ē contrariorū cōstitutione manat, frigidū adiungitur, quæ qualitas se-
rē humidi comes est: et siccitas, quæ tū frigoris est, tum caloris socia, cuius
cū Sol ipse sōns sit, erit et uita idē quoq; ipse autor, atq; uiuentiū pater. In-
re igitur ad Solē generatio refertur, utpote formæ inductorē, uitæq; ipsius
datorē atq; artificē. Vivere autē homo ipse, quādiu spirat, dicitur: ergo &
spiritus ipsi, qui corpus mouent, qui sensus excitāt, cogitationesq; ac men-
tem nostrā et fouēt & agitant, ad Solē quoq; referendi sunt, qui caloris est
autor, quo etiā autore spiritus ipsi uitā cōstituūt cōstitutamq; conseruāt,
donec calor ipse cum uita simul corpus tandē destituat. Quāobrem uita, licet
animæ uis, qualitasq; spiritui, et ea quæ animalitas nouo nomine, ut dictū
est, à nobis uocatur, Soli est attribuenda. Hæc aut ipsa animalitas ac uita lu-
cis ipsius maximē mihi uidetur similis, quæ statim Sole se ab ortu ostentā-
te mundū omnē illustrat: eaq; illustratio tandiu permanet, quādiu Sol sub
occasum se præcipitet, ē qua præcipitatione tenebræ oriuntur, noxq; exur-
git luci cōtraria. Eadem ratione & uita uita nostra permanet, dum calor
corpus ipsum fouet, quo destituente, uita recedit, morsq; repente sequitur,
ut calor ipse lux sit quodammodo corporis, perinde ut Sol est mūdi. Opor-
tet aut his in corporibus partē esse sedemq; aliquā, in qua calor locū suum
ac ius retineat, & tanquā in prætorio quodā exerceat, quo ē loco ceterum
corpus fouet, fouēq; inspirat & mouet. Hic autem ipse caloris locū, se
potius

potius fomes quidam est cor, in quo calor ipse humido cōiunctus, in unūq;
agens ac patiens uis conuenientes altera concoquendo, altera fouendo sese
de calore, sanguinem ingenerant, ingenera: ūq; fecūdant & ad procrean-
dum & ad alendū. Hæc autem ita se habere docent tum cordis ipsius con-
stitutio, cum interius & caui & spissum sit: caui scilicet, quò sanguinē con-
tineat, quē per uenas diffundat: spissum uerò, ut calorē tueatur, ne si raris
sit, euanescat: tum etiam situs ipse ac positura, cum paulum ad leuam decli-
uet, quò regionis ipsius frigida ui refrigeretur. Leua enim pars in hominē
præcipuè est frigidior, contra uerò cor est omnium calidissimum. Quæ re
principatus illi inter ceteras corporis partes membrarq; attribuitur, effi-
citurq; ut cor ipsum iure Soli sit etiam dedicatum: dedicenturq; eidem &
uerui, quibus multis præditum cor est, hiq; intendendo ac remittendo sese,
efficiuntur caloris instrumenta tum ad motus alios, tum ad sentiendum: ut
Soli, id est, calor ab eo defluens sit quoddam quasi sensuum animæ, mentisq;
concitabulum etiam ad cogitandum atq; ad contemplandū. Siquidem ti-
laciones illæ sensuum ac spirituum à calore proficiuntur omnes, eæq; ani-
mæ subseruiunt, uiamq; illi aperiunt ad ea quæ intellectus propria esse di-
cuntur, unde nō immeritò à Cicerone animi ipsius satellites uocantur. Est
autem radiorū Solis & caloris propriū, propter tenuitatem atq; acumen
ad interiora penetrare. Vt autem imperatori milites parent, milites uerò
ipsi armis quisq; suis instruuntur: Sol item perinde atq; imperator in his se
se gerit, sensus uerò uti milites: Nerui, uenæ, præcordia, partes item reli-
quæ habendæ sunt ut arma, tela, sagittæ. Ad imperatorem uerò cuncta re-
feruntur. Quoniam autem calor, corporis lateribus tanquam uallo qua-
dam cōtinetur, ne exhalando euanescat, latera quoq; ipsa Solis esse dicun-
tur, & item caput, intra quod, corde ipso cerebrum ibidem conclusum calo-
re suo fouente, copiasq; ac uires suas cum illo tanquam socio communican-
te, instrumenta uisus, auditus, olfactus, gustatus & mouet & afficit ad offi-
cium quodq; suū. Quæ propter à priscis illis sententia, à recentioribus sen-
sualia sensuq; dicta sunt animalia, quòd à calore, id est, corde calor ipsius
fomite ad sentiendum moueantur. Nam & aqua lebetæ contenta ubi ignis
sensit, quæ prius stagnabat, moueri statim incipit, moxq; pro caloris exagi-
tantis temperamento plus minus ue feruescit. Quodq; lux est à Sole, oculi
etiam, ac potissimum dexter, illi adiudicati sunt, nam de sinistro pōst dica-
mus. Adiudicatur etiam Soli è coloribus aureus, licet color omnis in luce
quidē appareat, quippe qui dempt a luce nullus existit. Etenim aduentante
Sole mane primo cum diffundit tenebræ, paucillatimq; illustrari aer cerni-
tur, qui cœli affectus Aurora est uocata, color quidem subrufus croceus im-
mixtus apparere primū incipit, quod in igne quoq; primū accēso cernitur:

in q; paulatim rarefendo clarescit, donec clarissima illa illustratio, & fulgor toto pariter orbe candescat. Quocirca coloris meritò peculiaris esse Solis dicitur, quādo aduentu eius primus hic in aëre color apparet. Meritò etiā ē saporibus acutus atq; acer ad Solē refertur. Quid enim Solis radijs acutius, aut eius calore acrius? Et terræ quoq; frugibus triticū, hordeūq; ē metallis aurū. Soli etiam dedicantur. An quia aurū nec materia, nec colore, nec usu aliud inter metalla præstātius, nec quod à calore ipso cōcoctius sit, atq; defecatiū? sicuti inter stellas nulla est nec luce, nec calefactione Soli comparabilis, nec ē qua hominum præcipuè genus maiorem sentiat utilitatem, quod idem ē frumentorum commodis accidit mortalium generi. Quid quod tritici genus quoddā Martio mense feri, dum Sol Arietē peruagatur, oportet, natura seminis ipsius, agricolarumq; disciplina ex obseruatione profecta hoc postulante? Actametsi semen omne & herbarum & arborum ad Solem, ut generationis principem, referendum uidetur, tamen cum primis triticeum, quod, ut obseruatio docuit, perinde prouentū affert, ut aër ē Solis affectione fuerit etiam ipse affectus, Luna simul operam suam conferente, quæ Solis ipsius ministra est, & pene dixerim, iucaria. Siquidem ut in gigniēdo homine forma quidem est à patre, corpus uero à matre propter alimentū quod ē materia suppeditatur, sic à Luna cōferuntur alimenta corporibus quæ à Sole formam accipere. Vtq; una absoluat sententia, generandi uis omnis seminibus insita est à Sole, utpote à principe, tametsi stellarum cæterarum accedit etiam opera, quemadmodum & uenarum & neruorum & articularum accedit opera cuiusq; sua præsidio cordi. Ab ipso namq; Sole ut ab autore ac principio generatio cum existat, itemq; à corde tāquam principio corporis totius procreatio ac uita, cætera quidem omnia quæ ad generationē ac uitam conferunt, perinde se habēt, ut media quædam instrumēta, quæ subministrandi fungantur officijs, obtēperentq; architecto, ad quem opificium ipsum & quidem totum refertur. At mihi quidē uideri illud idem in generatione solet, quod in bene constituta republica, ut magistratus unus temperatorq; rei totius quædam partim agat ipse per se, partim faciūda innuat, alijsq; peragēda permittat, quædam & gerat ipse, & aliorum simul in gerenda re utatur opera, alia uerò nunc decernat ab his aut illis administranda, nunc imperet quibus sit obtemperādum, ac nunc præscribat, nunc geri ex officio cuiusq; rem atq; ex usu annuat, ipse tandem unus ille ac solus sit, ad quem omnia referantur, & cuius nutu administrantur cuncta. Quoniam autē à calore, ut dictum est, spiritus excitantur, qui quo uehementior quidem fuerit, eo uehementiores hos exuscitat: à quorū magnitudine, animorū quoque appetitiones incenduntur ad res magnas illas quidem, maximeq; ho-

norabiles, hinc et provinciarum praefecturae, et ciuitatum magistratus, principatus quoque et populorum et nationum Solis stella sibi uendicat, Cumque et honorum et dominatus duplex sit genus, alterumque ad regendum atque imperandum diuinitas spectet, ad Deorum immortalium cultum atque ad religionem alterum, quamuis nonnunquam idem quoque magistratus utrunque exerceat, atque ut est apud Vergilium,

Rex idem hominum Phœbius sacerdos:

nimirum uterque honor, utrunque dominandi genus Soli ascribendum uidetur, propter suam ipsius maiestatem, numenque augustissimum. Quocirca sacerdotia, pontificatus, uaticinia, potestas ac iudicium uitae et necis, magistratus, praefecturae, principatus, regna, imperiaque à Sole primum proueniunt: à quo etiam honores, tituli, fasces, coronae, statuë, felicitatis ciuiliūque bonorum euentus, necnō ab infimo ad summum locum euectio. Atque hæc in bonis quidē externis. Ex animi uerō bonis à Sole quoque proficiuntur et intelligendi acumen, et ea uirtus que prouidentia dicitur, grauitas itē in consulendo, et quædam quasi generositas, forma quoque corporis, et speciosa membrorum compositio. Etenim cum sit generationis pater ac formæ dator, iure à Sole species corporis uidetur exigenda. Cumque idem ipse sit fons caloris, ac de calore ingenium foueatur, iure etiam intelligendi uis, quæque intelligentia à priscis dicta est, animique ipsius bona, Solis potestati beneficioque ascribenda sunt, pro illius scilicet statu ac temperatione, genitrix et cuiusque tempore. Ab hoc etiam quod formam materiam, uitamque indat corpori, pater qui sit et qualis in filij genitura, patrisque item status, aperte indicatur, atque ab ipso sole quærendus est. Et uerō ut rerum substantijs suo quidē iure coniuncta statim quædam sunt quæ illas naturaliter sequuntur, ijsque tanquam affixa inhaerent: sic Solem, Lunam, stellasque alias earum effectiores acuires, perinde ac ex ijs quæ etiam dominatū in genituris susceperit, permulta insequuntur quæ post et in ijs quæ ad corpus ac sensus, et in illis quæ ad animum uitæque actiones pertinent, sese ostendunt. An quod in sepea, allio, ruta, sisymbrio usuuenit, non eueniet in illis à quibus hæc ipsa existunt, et à quibus afficiuntur, conseruantur, denique etiam corrumpuntur, atque corruptione intereunt, et in alia possunt atque alia conuertuntur.

De Luna. Cap. II.



Vod autē in generatione Luna sumministratrix sit materie propter humidū, cui præest, sitque Solaris lucis uicaria quasi quædam, de illius enim radijs illustratur, aliaque inde ipsa illustrat, quodque ab illa suscitatum est humidum, adulterino, ut ita dixerim, fouetur calore, idcirco Solis

in generatione et comes habetur et socia, perindeque, ut patris uices Sol, ita maternas Luna in generatione uices retinet. Hæc uero ipsa hominum generationi quantopere consentiant, illud planè docet, quòd genera ipsa animalium, corumque potissimum quæ sanguine constant, in mares diuiduntur ac foeminas: et foeminae quidem materiã tantum, sanguinemque, excrementitium, quæque menses dicuntur, ad generationem conferunt, mares autem semen ipsum, quod calore suo menstruofam illam massam cogit, ac paulatim cõcoquendo fermentat, postmodumque informat. Haud dissimiliter Sol et Luna, maris alter, altera foeminae subeunt officium, animantium generationi consulunt, Sol calorem, Luna humidum suggerendo, quo fit ut genitale semen et calidum sit et humidum. Atque ut à matre infanti præbentur alimenta, sic à Luna uires animato corpori sumministrantur, quas assidua peruagatione ac reuisione quasi quasdam à Sole primùm, deinde cæteris à planetis mutuatur: quo fit ut uitæ animalitatisque sit etiam particeps in cuiusque genitura, ac tum matris, tum materni status indicatrix: quinetiã ut cõcepti in utero foetus significatione ac dominatum obineat, quippe quæ discursibus, agitationibusque suis foetum ipsum assidue fermentet, cõsummamque informationi apparet, qui postmodum de Lunæ ipsius alimonia, deque Solis calefactione foetus, tandemque perfectus ac consummatus in lucem editur, editusque inter uiuentes numeratur. An non è qua materia cõcipitur, ex eadem quoque in utero foetus alitur, calore illam cõcoquente? Etenim materiæ ipsi ut uis procreantia ni comoda, sic etiam educandis foetibus insita est idonea ac perutilis. Eiusdem etiam Lunæ ius est in utero ac uulua, quæque hodie à physicis matrix dicitur, in qua foetus ipse et cõcipitur et fouetur, in mammis item è quibus lac manat, infantulorum alimentum: quæ duo muliebria membra sunt, alterum quidè ad concipiendum fouendumque à natura constitutum, alterum uero ad educandum, postquam in lucem foetus uenerit. Ad hæc cum sit Solaris etiam luminis, ut dictum est, uicaria, et (ut ait Aristoteles) paruus quidem Sol, sine ster ei oculus in corpore attribuitur, ut ocularis etiam luminis sit cum Sole particeps. Quinetiã quòd generationis ac luminis socia, uitæque simul custos est, ab eadem ipsa corporis quoque status querendus est, aspectusque ipsius qualitas, et ea quæ effigies dicitur, exigenda. E membris quoque interioribus præcipuè dominatur stomacho, utpote receptaculo eorum omnium quibus corpus alitur, uetri quoque, uesicæque, quibus cibi potionisque excrementa deiiciuntur. Potissimum uero in cerebro potestatem suam exercet, quod ita quidem sese habet ad cor, quemadmodum ipsa ad Solem Luna. Nam quòd mediocritas temperatis constat è contrarijs, idcirco temperando cordis calori cerebrum obiectum est, natura sua frigidum atque humidum, similiter etiam temperandis commotionibus, quarum principium sit

in corde constitutum, cum cerebrum ipsum omni prorsus sensu sit uacuum, utpote summum in modum frigus humesq; cui quidem qualitati Luna presidet. Quae re qui cerebrum male affectum habent, atq; ex eo uitio repente cadunt. Lunatici dicuntur. Lunaris etiam iuris est membrana cerebri ipsum complexa, quem paniculum sunt qui hodie uocant: inter praecordia dominatur lien. Neq; enim aut iniuria, aut ab re quidem membrum hoc Lunae ascribitur, ut quemadmodum Soli cor propter similes utriusq; potestates, sic Lunae lienis deditur: trahit enim ad se, quod Lunae proprium est, superfluentem humorem e uentriculo, quem concoquat: nam et lienis sanguineus est, iecinoriq; opitulatur. Praeterea quia cum Sole coit, et tanquam uxoris cum illo exerceat uices, coniugium quoq; coniugalisq; societas, quae suscipiendae prolis gratia inuitur, a Luna quaedam est in genituris. Quae de ratione, societas illa uiri uxorisq; in administranda re familiari curae, ad Lunam quoq; merito quidem pertinet. Eadem etiam dominas, reginas, augustas propter Solis uicariatum denunciat. Et quoniam, sicuti supra diximus, necesse est plurima, maximeq; diuersa in hominum uita contingere, unde et in externis bonis, quae fortuita etiam dicuntur, multa subinde accidunt, lucra quidem ipsa, item et damna, et bonorum augmenta, iacturaeq; maritimae, item uectationes, comportationes, mercimonia, et quibus merces ipse deuehatur nauigia, ad Lunam quoq; referenda sunt. Propter uarietatem enim inconstantiamq; luminis, ac celeritatem discursuum ac traiectionum eius nunc ad hanc, nunc ad illam stellam corpore intuitiue sese adiungentis, atq; ab alia ad aliam defluentis, uarietates haec in hominum actionibus euentisq; contingunt. Quocirca iure haec omnia Lunae ascripta sunt: simili etiam ratione itinera, peragrationes, et qui errores uocantur, quales ab Homero Ulyssis dicuntur fuisse. Quid enim non tam negotiorum gratia, quam diuagandi cupiditate trahuntur, ac palantes errant, hos errores maiores nostri a uoluntariis erroribus uocauerunt: inde enim errare sunt dicti, quod nunquam consistant, et ab alijs ad alias terras incertitudine quadam cupiditatum studiorumq; suorum ferantur, huc atq; illuc passim uagantemq; diuertentes. Ex ijs uero quae ad domesticum censum, remq; familiarem pertinent, Luna ignobiliori sordidioriq; praestitit suppellectili. Siquidem Lunae corpus suapte natura mirifice opacum est, atq; ex eo inter erraticarum corpora satis ignobile propter maculas quae in illo apparent, cum reliquarum corpora insignia sint, singularemq; mitorum praeseferant: unde plebs significare dicitur, ignobilissimam ciuitatis ipsius partem. Praestitit etiam uitro, quando illud perinde ut aqua colore quidem omnem accipit, prospectumq; intra se oculorum admittit, utrumque enim perspicuum est, naturaq; persimilis. E coloribus

quæ attribuitur Luna viridis, siquidem etiam arbores & herbe, quæ à Luna potissimum alii creduntur, folijs frondibusq; viridibus uestiuntur, eæq; humidouel plurimū abundāt. An nō ligna fœco admoſta, quo plus habent humoris, eo ex ijs incensis flāma viridior exilit? Veteres tamen non iniuria putauerunt album Luna colorem attribuendum, aquis enim dominatur: quæ ubi concreuerint, inalbescunt. Nec temere à Vergilio, quam fabulose, dictum est:

Munere quinetiam lanæ si credere dignum est,

Pan deus Arcadiæ captam te Luna fefellit,

Per nemora alta uocans, nec tu aspernata uocantem.

Inter saporē quoq; is qui salus est, Luna putatur peculiaris: nam cū in arido sapor concipiatur & quidē madefacto, cumq; ariditas atq; falsitudo terræ sit propria, nimirum terram in sua propriaq; irradiatione humectans, iure saporē hunc Luna sibi uendicat. Sinistræ quoq; partes omnes nostri corporis Luna subiectæ sunt, quemadmodum Soli dextere. Quocirca partes ipsæ dextere muscularum, id est, robustiorum sunt uirū, sinistræ imbecilliorum, scēminea namq; ubiq; imbecilla sunt: quādo mariū est agere, scēminariū uerò pati, & Sol quidem agendo formam inducit, patiēdo aut Luna eam suscipit. Quodq; à duobus his generatio quasi parentibus à quibusdam fiat, iure corporū dominatus utriq; permittitur, atq; huic ut matri sinistræ partes, illi dextere ut patri conceduntur. Reliquæ uerò stellæ partim huic, partim illi in generatione assunt, perinde ut huic quā illi magis conciliantur, tum qualitate ac natura, tum etiā conditione. Qua de re statim dicemus.

De quatuor elementis, & quinq; planetis.

Cap. III.



Quatuor hæc corpora quæ rerum inferiorum naturā & cōstituant & refrunt, ita quidē inter se propter adiunctas qualitates connexasunt, ut secerni tantū ingenio, re aut nullo modo possint. Siquidē terra sic est arida, aqua sic frigida, uer sic humidus, ignis sic calidus, ut nec terra sine frigore, nec aqua sine humido, neq; aer absq; calore, aut ignis sine aëre usquam in his sit: Cum in ipso etiam terræ corpore insint hæc omnia, nam & aquarum fontes riuūq; è terra manant, & ignes plurimis è locis scintillant, ac tam multi halūs euaporationesq; ex ea euolant, quā quotidie ac singulis penē momentis uidentur et sentiuntur. Quocirca composita cum inter se sint, neq; enim aliter conuertibilia essent, aut ulla ad generationem aperiretur uia, corpora quoq; ipsa nostra quæ ex illis con-



Ict enim à Sole ac Luna, tanquam generationis auctori-
 bus, corporis ipsius proficiscatur informatio, ipsa tamē
 duodecim signa per quæ stellæ feruntur, disponendis
 membris partibusq; corporis cæteris opéra cū primis
 suâ conferūt. Motus namq; cū generationis ipsius cau-
 sa sit, quæ mouentur coeli loca præsertim signifieri uel maxime opitulan-
 tur generationi. Etenim motus ipse per ea quæ mouetur corpora, opus suū
 perficit. Singulis aut corporibus ac signis suâ inesse uim iū natura ipsa re-
 rum, tū obseruatio tot seculorū, & docuit iam et assidue docet. Inest agris
 ac terris et sua cuiq; uis: uidelicet nū inerit coelo? eiq; præsertim coeli par-
 ti, quæ signifiera est, per quam tanquā coloni semina dispergētes erraticæ
 stellæ uires suas diffundunt, propriasq; facultates illius facultatibus mi-
 scēt. Quāobrem ordine suo ab Ariete, quod primū signū est, atq; à capite,
 quod etiā primū corporis nostri locū obtinet, distributionem fecere, hæc
 quidē ratione, ut Aries præsidet uniuerso capiti, Taurus collo, ceruici,
 iugulo, Gemini humeris, scapulis, lacertis, manibus, Cæcer pectori, costis,
 lateribus, Leo transuerso septo, quod Græce est *Διὰ πρὸς μέσην*, & stomacho
 & uentri, Virgo præcordijs, quæq; nonnulli uocant subchartilaginosa,
 Græce sunt *ὑποχάρτιλα*, & ilibus, Libra renibus, uertebis, clunibus, Scor-
 pius pudendis ac genitalibus locis, Sagittarius femoribus, coxisq; ingui-
 num tenuis, Capricornus genibus ac poplitibus, Aquarius suris, tibijs ac ta-
 lis, Pisces pedibus. Quā uero appositē, illud docet quod homo capite ac
 pedibus totus includitur, cælestis uerò cingulus Ariete ac Piscibus. Quā-
 obrem non incōcinne Iulius Maternus dicit. Caput hominis in signo Arie-
 tis est, ceruix in Tauro, humeri in Geminis, cor in Cancro: significare il-
 lud uolens, partes hæc nostri corporis illis signifieri partibus ascriptas es-
 se. Idem etiā dicit, pectus et stomachū esse in Leone, uentrē in Virgine, re-
 nes ac uertebra in Libra, naturā in Scorpio, femora in Sagittario, genicu-
 la in Capricorno, tibias in Aquario, pedes in Piscibus. Hæc aut ita se habe-
 re, effectiones ipse signorū pro beneuola maleuolæ Stellarū configura-
 tione ac situ genitura tempore, manifestissimē declarant. Siquidem agri-
 tudines, tubercula, uitia, uulnera, maliq; membrorum habitus ratione hæc
 colliguntur. Propter domicilij autem familiaritatem erraticæ singule
 in partē societatemq; dominatus membrorū recipiuntur à signis illis, qui-
 bus stellæ ipse præsident, Etenim Mars propter Arietem & Scorpionem,

dore in frigidū. Neq; enim prolabi in excessum humiditas potest, nisi ob
 caloris defectum, ē quo frigus existit. Non temerē igitur hac ratione
 uia pituita in Saturni iurisdictionē concessit. Cui opinioni tam multorū se-
 culorum ac doctissimorū hominum observatio accedit, quæ plurimum in
 omni disciplina et cognitione ualet. Nam et senectus arida cum sit ac frī-
 gida, humescit tamē extrinsecus, efficiturq; ueternosa. Est enim Vetrnus
 siue habitus humidior senilis corporis, dum excrementa non concoquit,
 siue morbus qui de superfluenti humectatione gignitur. Necnō Saturnus
 et mari, ac nautis, nauticamq; præsidet exercitiis. Tametsi nequaquā
 omnia quæ inferioribus his corporibus accidunt, qualitatibus ascribenda
 sunt potius quā insitæ cūdam uicē celestibus illis corporibus, quod res
 ipsa comprobat. In eodem etiam animalium corpore, propter aridum ac
 frigidum, dominatur ossibus, quinetiā neruis, sūt enim exiccato interio-
 re a calore humido, constituendis illis idoneo, præterea intestinis, uesciæ,
 uulvæ, quæ nervosa admodum sunt, lieni quoq; item genibus, poplitibus,
 ac tibijs propter Capricornum et Aquarium. Nec uerō Sol et Luna licet
 totius corporis principatum teneant, licet utraq; stella membris quibus-
 dam peculiariter præsit, alias tamen stellas non admittunt in societatem,
 moderandorumq; membrorum ministeriū, tanquam subministras quas-
 dam officij sui: quē morē Reges quoq; rerumq; publicarū temperatores
 moderandis populis seruant. Eiusdem etiam stellæ potestati, propter insi-
 tam qualitatem ac uim, subijcitur plumbum, subijcitur materies, siue ea ē
 ligno, siue ē lapide conslet, pleraque enim ea terrenæ compactionis habēt
 in se plurimū. Artifices quoq; qui in hac illāue materie se exercent, eidem
 stellæ subiecti putātur, item agricolæ, quiq; terræ culturam exercent, unde
 inuentor sationis ab antiquis fuisse Saturnus perhibetur, uilis item atq;
 insitionis repertor. Excitat autem stella hæc latētis atq; perniciosos hu-
 mores, quod in senibus maxime cernitur, cum etas ea Saturninæ qualita-
 tis sit, et eam præcipuē bilem quæ atra dicitur, in corporibus nostris re-
 git: unde ad eandem stellam referuntur morbi ex aqua inter cutem, ex ni-
 mia alui deiectione, ac torminibus, intestinorumq; leuitate, coliq; dolore,
 atq; inflatione ex dolore articulorum, ex neruorum resolutione, ex graue
 dine, tussis, tabe ex lienis dolore, tumore, malāq; affectione, hernia quoq;
 quæq; febres cū frigore et horrore sunt, ac præsertim quartanæ, ut quæ
 ex uitijs ac morbis diuturnioribus ac lenis, quiq; tabem inducunt, sunt
 ad Saturnum referendæ. Quocirca quæ mortes a Saturno inferuntur, his
 ē morbis originem ducūt: item mortes eæ quæ de naufragijs, aquarumq;
 submersionibus, suffocationibus, uenenis, ueneficijs, carceribus, umculis,
 ad Saturnū referuntur propter syderis malignitatē, uimq; peculiariter ei
 insitam.

La pituita

Jsa. Marinar

Membris

Pomboyli

Angeles

Sachia

Malachie

et morte

insitam. Ab eodem etiā sunt sterilitas, orbitas, uidiuitas, impuritas quoque coitus in agendo et patiēdo, lites, captiuitas, expositio, mendicatio, luctus. Insit etiam animos ob insitam malignitatem inuidia, auaritia, sollicitudine, solitudinis studio, austeritate, simulatione, squalore, humilitate, abiectione, moerore, tristitia, fraudulencia, pigritia: quæ uitia Saturninā fermentationem in generatione comitantur, propter humoris aridi frigidiq; qualitatem, astrictq; ipsius naturā: cum etiam effectiones quædam occultæ atq; ignoratæ tum rebus alijs, tum uerò herbis, etiam parum cognitis causis, insint propriæ, ut herbe cui nunc nomen est Scatapotio, et dei eiendæ alui, et uomitus eiendi tanta uehementia. Sed nec minus cōplura etiam animorum bona ab eadem conferuntur stella, ut relictio consiliorum atq; prudentia, ut rerū occultarū contemplatio atq; cognitio, item in agendis rebus cunctatio atq; pensitatio, seueritas quoq; constantia, firmitas, propositiq; pertinacia atq; uictoria. Nec uero hac in parte me ipsum aut puuerit aut piguerit pauculos uersus ex Vrania referre: qui sunt: Nigra seni facies, tardus gradus, horrida barba. Et cani crines, et membra effœta senectū. Ingenio tamen ipse bonus, nec inutile pectus Consilij, constansq; animi, prudensq; futuri.

De atra bile. Cap. VI.



Equæ etiam ab re fuerit hoc præsertim loco de atra bile, hoc est, de humore ipso, quæ Græco nomine *μλαχολία* est, aliquid differre. Hic aut humor supremum quidem in modum quāquam est aridus, humor tamen est, quicquid sanguinis calore seruatiore gignatur, atq; ab eo manet: quo fit, ut facili etiam tametsi refrigit, post recaleseat, seruetq; diutius calorem de quo genitus est. Efficitur etiam ut humor hic sit de calefactione penetrabilis, sit etiam tardior, quando lentiusculè ignescit, diutiusq; hac ipsa causa permaneat, cum non tam repente exhalet, aut in flammam ruolet: ut cum lapis quissiam ignem concepit, neq; enim aut statim, aut modo aliquo in flammam exilit, quin calorem potius conceptum diutius fouendo retinet, deq; eo non efflato candescit. Ac mihi quidem lapis is qui filex dicitur, atræ bilis persimilis uidetur, qui ferro percussus, aut lapide alio attritus ignem conceptum cuomit: quæ etiam ratione excitata bilis recalecit, mouetq; uim eam, cuius proprium est cogitare ac contemplari, moxq; discernere. Atq; ut ignis accensus quærno in stipite et calefcit amplius, et calor ipse diutius permanet, quam in populto aut abiegnotrino: sic humor hic uariatur, pro natura fermentationis, ceterorumq; humo-

tum cōmixtione, ac præsertim pro qualitate sanguinis, de quo in initio
 tanquã liquefactus seruescendo atq; arefciendo prouenit. Quod in ebris
 facile apparet, cum idem uinum alios ad risum excitet, ad lachrymas uerò
 alios, hunc ipsum tristitia, at gaudio illum alium afficiat, quosdam silendi
 studiũ, nonnullos loquendi importunitas ut capiat, facit: sunt quoq; quos
 in soporẽ, quos etiam in furorẽ uertat. Licet enim idem sit uinum, nõ ea
 dem tamen est ebriorũ omnium cōcretio, humorũq; è quibus constant, mĩ
 xtura: Cũ ex ignitis quoq; materijs fiat nõ una euaporatio, alia enim flā
 ma euaporat ex abiete aut picea, alia ex alno aut uite, cum tamen ignis ea
 dem natura sit. Quocirca propter huius ipsius humoris fixã stabilemque
qualitatem, quam ad artem quispiam animum applicuerit, humoris huius
ductu, in ea exercenda fixiores, magisq; assiduas cogitationes habeat ne
cesse est: quia è re cogitando assidue, perscrutando diligenter, mentem ubiq;
cōtinenterq; in ijs quæ artis eius sunt, exercẽdo, in illa ut excelleat, omni
no futurum est. Proficiuntur etiam hac de causa ab eodem humore cōfi
 lia recta, grauius, multum pensi habentia, atq; (ut ita dixerim) cōcōctia pro
 pter cogitationum perscrutationũq; assiduam ac continuatam operam, ut
 cum ignis continuatus, diutiusq; liquãdis herbis admotus est, num liquor
 ex illis manat maxime defecatus? Quã obrem licet Saturni stella malefi
 ca admodũ sit, & in corruptionem procliuor, probẽ tamen temperata in
 agendis rebus, cōsultandis dubijs, pertendẽdis propositis causisq; explo
rãdis maximam quoq; excellentiã parere consuevit. Nam & medici ue
 nenis quibuscũq; arte tamen industriaq; temperatis, sanitatẽ ægris repre
 sentant. Et uina licet salubria, tamen intemperanter sumpta, & animo et
 corpori plurimum nocent. Quoniã aut qualitatu diuersitas, colorũ quo
 que ac saporũ diuersitatem affert, suus etiam tum color, tum sapor Satur
 ni attribuendus est. Quocirca neq; de saporibus dulcis, qui humidi cali
 diq; plurimũ habet, uerũ acerbior, qui & siccus est admodũ, atq; ad matu
 ritatem nondum uenit, & attactu linguam, ad est uim illam degustandi sa
 poris astringit, & tanquã oblipat, quod est propriũ siccũ atq; immaturũ.
 Saturni proprius sapor est, qui de Græco etiã uerbo *στυγνικος*, Stypticus à me
 dicis nostri temporis dicitur: cum dulcis utiq; saporis sit laxare linguam,
 uehementiusq; aperire propter humidum calidumq; abũde simul mixtũ,
 contrã succi sit acerbioris cogere, atq; contrahere propter aridi concre
 tiq; atq; (ut propriẽ magis loquar) ob crudi immaturiq; conditionẽ. Sa
 porem hunc Neapolitani Ponticũ (ut arbitror) à pungendo dicunt, quo
 uerbo medici quoq; præsertim Cãpani libenter utiuntur. Is aut sapor neq;
 linguã acuit, neq; eo lingua acet, ut acidus rectẽ dici queat, quando ab acen
 do acidum dicitur, indeq; etiam acetum: neque acer est, cum acria sint cali

diuscula, ac nonnunquam sternutamentū moueant: neq; austerus est, quam
 quam huic quam illis propinquior uidetur. Siquidem austera neq; dulcia
 sunt, neque aut acida aut acris, qui sapores aut blandiuntur lingua, quod
 præstant dulcia, aut eam cogunt acescere, et tanquā à sensu ipso abhorre
 re, quod est acidi saporis propriū, aut linguam ipsam sic afficiunt, ut ali
 quantulū calfaciant, nonnunquā etiam suburant, quod acer quidem sapor
 efficit: neq; (ut eodem redeamus) est asper, cui quod lenē aut mite est, op
 ponitur: ac tamen si asperitas ipsa ad tactū magis refertur, quā ad sapo
 rem, tamen et gustatus quoq; ipse tactus est. Verū sapor hic, quē tū acerbū
 tum ponticū, aut stypticum nouis appellationibus dicimus, linguā ipsam
 ita pungit, aut potius submordicat, ut neq; sapor ipse reformidetur ut aci
 dus, neq; eo relaxetur lingua, quod euenit gustandis dulcibus, quin potius
 de submordicatione illa gustādi uis astringitur, neq; modo ullo sensus ipse
 offenditur. Hanc ipsam gustandi affectionem ea quæ cōcocta nondū sunt,
 neq; maturitatem adhuc sentiunt, id est quæ acerbæ sunt, inducūt. Hi autē
 sapores in uino maximē distinguūtur, cum uina quædam sint dulcia, quæ
 dam acida, quædam acris, et (ut hodie nonnulli parum in loquendo cau
 ti appellāt) humosa, quædam lenia, aut cōtrā aspera, atq; alio nomine im
 matura, quæ tamen in ipsis dolijs sensim ætate maturescunt: sunt etiam
 quædam austera, quæ medium quasi quoddam inter hæc retinent, habent
 turq; à medicis magnopere salubria, quorū sapor pontico huic finitimus
 est: de quo quidem hæc nunc differimus, quoniam non uidemus de hoc ge
 nere saporis à maioribus nostris ita disputatum, ut sapor hic ponticus di
 stingui ab austero aperta ac discreta quadam possit differentia, cum pon
 ticus quā austerus lōge magis astringat, sentiaturq; in eo maior quædā
 siccitas, quam lingua etiam gustatu ipso refert: quod in demorso, mansoq;
 cydonio manifestissimē sentitur. Ad hæc in hominum moribus institutio
 nibusq; aliud est quod austerum, aliud quod siccum dicitur: abest enim à
 madore siccitas, unde sicci sobrii dicūtur, austeritas à lenitate recedit, in
 de austeri dicti, qui paulò seueriores sunt. Quinetiam inuenias uina quæ
 dam lenia, quæ post ad austeritatem transeunt, cū eadem ipsa lenia ponti
 cum acerbūq; saporem nunquam assumant. Nec uero alienum uidetur,
 quid medici de saporibus ipsis sentiant, paucis referre. Omnino enim fie
 ri sapore uolunt terrena è materia, eamq; aut crassam esse ac spissam, aut
 tenuem ac subtilem, aut fortē inter has ipsas qualitates mediam: eandem
 quoque materiam aut calidam esse, aut frigidam, aut temperatam. Itaque
 terrena è materia, quæ crassa et spissa est, dum tamen sit calida, saporem
 educi amarum illum quidem: at frigida ubi fuerit, ponticum, hoc est acer
 bum, de quo satis multatam diximus: dulcem uero è temperata et media.

Tenuis

Tenuis uerò ac subtilis materia cum fuerit, simul & calida, ex ea sapore
 existerè acrem, quem & acutum nominant: at cum frigida, acidum: quæ
 si æqualis & media fuerit, unctosum & pinguem: ex ea autem quæ me-
 dium inter spissum tenet ac subtile, si calida ipsa est, saporem inde salsum
 exprimit, si frigida, stypticum, de quo diximus, quod à pontico aliquan-
 tum distet: at ubi media, insipidum eundem ac fatuum. Acrem autem sapo-
 rem amaro longè calidiorè, salsum uerò ab utroq; calore superari, cōtrà
 ponticum styptico frigidiorè, utriq; uerò cedere in frigore acidum. E co-
 loribus autem neq; uiridis Saturno dedicari potest, quod humidi plurimū
 habeat in se, neq; rufus, quod ignei succi abunde multum, neq; niger, cum
 luci maxime aduersetur dēsitare sua, ac purpureus fiat è nigro à luce pōst
 illustrato, atq; ubi lucis aliquanto plus accesserit, transeat in crocēū. Itaq;
 qui Græco nomine *ὑπερ* est, nostro pallidus ac subliuidus, atque, ut pro-
 prie magis loquamur, plumbeus, Saturno additus est color, quemadmo-
 dum è saporibus stypticus atq; acerbus, quem colorem radij quoque eius
 penè repræsentat: est autem color hic terreni maxime coloris similis. Ter-
 ra enim exiccata atq; in puluerem redacta, colorem hunc aut huius maxi-
 me similem refert, ita enim inalbescit, ut liuore tamen quodam retēto per-
 palleat. Nec uerò prætermittenda duximus quæ à Ptolemæo de Saturni
 stella scribūtur, tanquam ab optimo disciplinæ huius autore tradita: præ-
 tereūtes tamen non pauca, quæ ab eiusdem autoris studiosis aniliter qui-
 dem suggeruntur, utpote rerum naturæ parum peritis, quasdamq; conie-
 cturas potius quàm aut rationem aut naturam sequentibus. Quoties igitur
 Saturnus in alicuius genitura ita sibi dominatū arrogauerit, ut solus
 ipse in tota configuratione, & quo ad cardines spectat, & quo ad motum
 ac progressionem suam, item quo ad aspectus, reliquamq; posituram, cum
 Sole præsertim ac Luna, necnon cum Mercurio, qui rationis autor est, op-
 portunè dominanterq; se habeat, quadamq; quasi cum maiestate præsit,
ex ipsius Ptolemæi sententia, natos faciet sui ipsius amatores, sibiq; uacantes,
pertinaces, abinde sapientes, austeros, suæ sententiæ addictos, laborio-
fos, dispensatores, animaduersores, affluentes, auaros, uehementes, pecu-
niarum aggestores, inuidos. Contrà uerò ubi stella ipsa Saturni iacuerit,
faciet sordidos, attenuatos, suæ etiam sententiæ addictos, inuidos, meticu-
losos, seductores, maledicos, solitarios, lucluosos, impuden-
tes, superstitiosos, laboribus deditos, sine affectio-
ne, insidiatores domesticorum, tristes,
suiq; metofores.



Ovis stella quod humido calidoq; humori praesidet, praetatur etiā praesse liberorū procreationi, ac genitali semini, pariq; in generatione opera. Et Soli propter caloris sui temperantiā, Et Luna propter humidi moderationē adminiculari. Itaq; non iniuria sobolis ad Iouem procreatio ab antiquis relata est, tametsi penes Solem Lunāq; generationis potestas, primāq; existit prerogatiua, sicuti penes cor ac cerebrum uitae atq; animalitatis. Quod si de rebus his caelestibus hūc in modū loqui mihi fas sit, quod semen genitale maribus praestat officium, quod manus, quodq; instrumenta ipsis artificibus, uidetur illud ipsum Iupiter in generatione Soli praestare. Etenim genitalis seminis cū sit calida humidaq; natura, insiti aut caloris uis cum sit moderata et temperans, retineatq; certū quasi terminū in humido calfaciendo, iure uidetur Iupiter ob insitam peculiaritatemq; temperantiā Soli, ut ita dixerim, semen sumministrare: cū quoq; aduersus Lunā sese gerere, quale sese gerit semen ipsum in muliebri menstruaq; materia, quam ipse calfaciendo et concoquendo sensim afficit ab insita quidem sibi facultate ac ui: cum semen ipsum, si Aristoteli credimus, excrementū sit alimenti sanguinei probē cōcocti, atq; ad exactum defecati. Loquimur aut de his atq; discernimus hunc in modum, ueniam a lectoribus exposcentes, caelestia enim ac superna inferioribus aut coaptare, aut comparare est omnino difficile, et fortasse accommodatē fieri quoquouersum nequit. Eadem stella propter summum radiorum temperamentū et benefica et felix dicta est, atq; a iuuando nomen duxit: ab eius enim moderatione, salutiariq; aspectu plurima in animis hominum infunditur bona, ut equitas rectitudoq; iudiciorum, ut iusti, honestiq; ac ueritatis studiū, ut amicitiarum, familiaritatumq; appetitio atq; conseruatio, fratrum quoq; ac cognatorū complexio, et in eosdem beneuolentia, aut beneficentia, liberalitas, probitas, fides, promissorumq; obseruantia. Humorū enim quibus praest moderatio, stellaeq; ipsius uis propria moderatas etiam cōmotiones in animis faciunt, easdemq; componūt: haecq; ē re actiones ipse cōmotionibus similes proficiuntur tum sequendis honestis, tum etiam fugiendis ac prohibendis turpibus. Purissimus enim cordis ipsius calor, at inquit Aristoteles, cū hominis cerebrū maximē humidū sit, temperamentū profectō intellectus significat. Non iniuria etiam tactus ipse ac uis ea, quae tangendi sensum gignit, stellae huic ascribitur: nullus enim ē sensibus nec prius inheret nobis, quā tactus, nec etiam magis, cū nullū quidē sentiens corpus absq; humido calidoq; cui Iupiter praesidet, uitae ali mune re fungi queat: nullus etiā aliorū sensuū sine tactu existat, cū eo destituent-

te, uita quoq; corpus deficiat. Eiusdem etiam tactus proprium est, de calido, frigido, humido, siccoq; contrarijs qualitatibus, è quibus cōstamus, discernere. Si enim Iupiter & genitali semini & foetus procreationi praesidet, quòd è foetu provenit animal, sine tactu esse nulla ratione potest. Itaque tactui etiam sicuti procreationi Iupiter praesidebit, quin etiam pulmō ni atq; arterijs, quæ spiritum corpori subministrant. Spiritus enim aërius est: nec temerè ab antiquis praesidere aëri putatus est Iupiter. Femorū, coxarūq; pedum item cura Iovi tribuitur, propter Sagittariū ac Pisces. Verum de duodecim signorum dominatu paulò antè dictum est. E metallis stagno praest: inter sapes dulci, de quo paulò antè diximus. Quo fit, ut Iovis stella & uitam nobis afferat, quando ab eo exiit procreatio, & illam tueatur: si qui lem dulcia potissimū alunt, cuiusmodi etiam sanguis est, & sapor ipse dulcis è calido atq; humido gignitur, quæ duo gignendi atq; alendi principia sunt & causæ. Est etiam stellæ huius proprium moderari tum Saturni, tum Martis peruersos conatus. Itaque eius fauore ac suffragijs recuperatur amissa libertas, reuocatur in patriam exules, principum iræ mitigantur, sedantur odia, componuntur bella, quæq; aduersa ac tristitia animum ne exabant, commutata post sorte in letitiam uertuntur, ac felicitatē: perinde ut ex aestate iam hyeme, pulsissq; frigore, appetente Vere, omnia mutantur: quæq; terræ sterilitas fuerat, in fecunditatem conuertitur, è tantaq; illa tristitia aër ac terra liberati, letari iam incipiunt, & cum illis ridere simul cuncta. Quoniam autem nihil in rebus hominū aliquando cœpit, quod desiturū tandem aliquando non sit, neq; humidi calidiq; æqualitas esse potest tanta, ut non ad corruptionem atq; interitum quandoq; delabatur, mortes quidem illæ, quæ à Ioue innuuntur, ortū ducūt, ut etiā Ptolemæus arbitratur, aut ab angina, qui morbus occupare fauces cōsuevit, neq; respirare animā patitur, Græcè οὐδύνη est: aut à uitio maloq; pulmonis affectu, quæ Græcè ἐσπινθηρία: aut à neruorum resolutione, quæ interdū totū corpus, interdū ex parte illud occupat, Græco uerbo tum ἀπὸ ἀλγῆς, tum παρὰ τὴν νόσον vocatur. Ex hoc etiā genere est corporis ac mentis stupor ille, quo qui affecti sunt, attoniti dicuntur, ex eo sic uocati, quòd nonnunquam afflatu fulminis malum hoc contingat: neq; enim de nibilo à poetis fulmina Ioui assignantur. Aut etiam à dolore capitis, quæ affectio Græcè ἐκ κεφαλῆς, aut à neruorum distentione et spasmo, aut à cardiaco morbo, qui (ut Gelsus tradit) de nimia corporis imbecillitate, stomachiq; languore proficiscitur: quo fit, ut in ægroto ipso uenarum exigui atq; imbecilli pulsus sint, sudorq; nimius in partibus corporis superioribus, aut ab illis denique corporis affectibus ac morbis, qui ex inflatione, quæq; hodie à medicis nostris uentositas dicitur, oriuntur.

tur. Cū autē inflatio fiat ab humido, ubi calor illud exciuit, quod in olla ca-
 caboq; apparet, in quibus intumescit atq; ebullit aqua, igni admotis, iure
 ad Iouem hæc mortes referuntur, qui humido calidoq; imperitat, iure etiā
 mortes illæ quæ à cohibendo atq; corrumpendo spiritu eueniunt, cū idem
 ipse Iupiter spiritui atq; artcrijs præsit, quæ humido calidoq; extinctis,
 ipsæ quoq; extinguuntur. Quod uerò ad colorem, qui fuscus est, attinet,
 quoniam humidum abunde in se coactum, nigri speciem præfert, quod ar-
 borum frondes, herbarum item declarant folia, quæ ubi humidi plurimū
 susceperunt, subnigrescere uidentur: quinetiam quoniam calor ubi humidū
 ipsum tēperauit, rarefaciendo nigrorem ipsum disperdit, efficiq; ut quan-
 tum ex hac dispersione atrii perdidit, albi tantū assumat: idcirco fuscus
 hic color, qui huius est modi, Ioui etiam ascribendus uidetur, propter hu-
 midū calidūq; admixtum temperamentum. Itaq; natura ipsa duce, quæ fu-
 sca sunt, perinde ut dulcia ad Iouem referuntur. De hac autē ipsa Iouis stel-
 la, ubi sola dominabitur in genitris, opportuneq; in cœlo collocata, et
 cum dignitate in configuratione præsidebit, à Ptolemæo sic traditum est,
 eos scilicet qui nascuntur, futuros magnanimos, munificos, religiosos, ho-
 nonficos, uoluptarios, humanos, magnificos, liberos, iustos, magniloquē-
 tes, honestos, suis negocijs deditos, misericordes, eloquentiæ studiosos, in-
 uentores, beneuolos, ductores. Contrā ubi stella ipsa minimè opportune,
 indignè, abiecteq; collocata fuerit, licet sola præsideat, tamē easdem ipsas
 animorum applicationes, et ut ipse Ptolemæus uocat, parauit, hoc est,
 uisam mutabit, atq; corrumpet: siquidem sublimia deiiciet, atq; obscurabit
 illustria, nullo recto iudicio delectūq; adhibito. Itaq; pro magnanimitate
 subijciat luxum ac prodigētiā illam, quam etiam Cicero Græco nomi-
 ne αὐρία uocat, Enniusq; luxu perditos uocat αὐροί: pro religione ac
 Deicultu suggeret superstitionem, pro pudētia rusticū quendam pu-
 dorem, et (ut ita dixerim) lucifugiū, pro honestate nō eius quidē usum,
 sed speciem quandam, ut eam tantū præ se ferat, re autem ut eius sit oscen-
 tator: pro humanitate fatuitatem atq; insulsiatē quandam, ut etiā con-
 temptibilis appareat, pro elegantia ac munditiæ uoluptatem conquisitam
 atq; odibilem, pro animi elatione seu magniloquentia soliditatem, pro li-
 bertate licētiā: quæq; his similes affectiones sunt. Omnino autem quod
 in prole suscipienda, idem in significationibus atq; affectionibus stellarū
 usuuenit. Vbi enim genitale semen exactissimè concoctum fuerit, nume-
 rosq; omnes secum suos habuerit et concoquendi, et constituendi, et se-
 cernendi, facultatūq; aliarum, mas utiq; procreabitur, et quidem pa-
 tris ipsius similis, corpore etiam omni è parte probe constituto. At ubi pa-
 rum exactè concoctum, destitutumq; facultatibus concoctionis fuerit, pro

creatio

creatio ipsa in foeminam recidet. Cui si cognatitia facultas desit, foemella ipsa non patris aut proauorū, sed matris potius similis futura est. Quod simulis a partibus semen destitutum fuerit, numeriq; defuerint illi quidem, qui sexū, qui patrem, paternamq; cognationem refrant, quiq; maternam etiam originem, quod uitium etiam insit in materia excrementitia, quæ a foemina sufficitur, proles ipsa nihil paternum, nihil maternum, aut omnino autum referet, sed ea tantum quæ hominis, id est, generis sunt. Eo autem sit, quoniam facultates ipsæ omni ferme è parte defectæ sunt, ut partus quandoq; ipsi monstrosi gignantur. Itaq; planetæ in genituris excellenter collocati, iusq; perinde ac è tribunali dicentes, suaq; cum maiestate actiones illas quidem præclaras atq; illustres decernunt, mores item spectatos, honores primarios, uitāq; omni è parte suo in genere cōmendabilem promittūt: mediocriter autem collocati, mediocra omnia. Qui si quanquā dominatum sortiti, abiectis tamen in locis humiliter languant, illustria quidē in obscura, probanda in opprobria, uirtutes in uitia commutabunt.

De Marte. Cap. VIII.



Artis stella ignea est, calorq; eius urens, ac propter intemperantiam noxius: quam ob rem præesse putatur bili, quæ rubra dicitur, quinetiam quod propter intemperantiam torrida quædam ei siccitas adiuncta est, malefica atq; infelix, ab eaq; et uitia et mala plurima tū externa, tum etiam corporis atq; animi inferri existimantur, ut bella, rixæ, contentiones, uolentie, iurgia, opprobria, contumelie, inimicitie, proscRIPTIONES, exilia, uirginū corruptiones, puerorū raptus, adulteria, incestus, illegitimi coitus, abortus, perfidia, iracundia, temeritas, stoliditas, audacia, impudentia, implacabilitas, ferocia, grassationes, latrocinia, furta, præda, periuria, uulnera, mutilationes, cædes, incendia, rapinae, orbitates, cruciatus, tormenta, supplicia, fustigationes, suspendia, iudiciū seueræ sententiæ, febres, pustule, tubercula, hucera, carbūculi, inustiones, præcipitationes, casusq; è locis editioribus, damna, periculāq; ex quadrupedibus, ex igni, ferro, ex hominū uolentia, superbia. Itaq; stelle huius effectiones propter naturalem malignitatem ad corruptionem, quam ad generationem spectare magis uidentur. Licet enim calor generationis principiū sit, Martis tamen calor urit potius quam calefacit, et exiccat magis quam fouet, cū sit igneus, neq; ex igni quicquā generetur. Ex intemperato igitur Martis ardore, ac rubre bilis, cui præest, uehementi cōmotione in animis hominum excitantur intemperatæ similiter commotiones, quas incompōsitæ quoq; actiones uolentiāq; atq; inconsiderati sequuntur affectus, unde ira, temeri

tas, impotentia, sanguinolentia, crudelitasq; proficiuntur: è quibus ciuilibus in rebus atq; in hominum uita mali proueniunt plurima, sanguinis item effruescētia, bilisq; ruse inflammatio nimia ab eadem stella defluit, de qua febres oriuntur, diuersaq; morborū genera. E corporis autem partibus ipsisq; è sensibus sinistro Mars præst auditui, ut qui à Sole propter calorem in societatem excitandorū sensuum receptus fuerit, quodq; Luna conditionem sequatur, sinistra illi auris attribuitur: ad hæc renibus ac uenis, propter signū quoq; arietis capiti, propter Scorpionem genitalibus præsidet. E metallis ferro, an fortasse quod ex ea materia sunt enses, armaq; Martis, id est, bellorum instrumenta? an quod artes eæ quæ igni exercentur, plerisq; ferreis utuntur instrumentis? Dominatur etiam uino, propter propriam qualitatem. E coloribus uendicauit sibi rutilum, propter ignis similitudinem: è saporibus amarum, qui dulci opponitur, propter calidi exuperantiam, humidiq; defectum atq; exustionem. Quoniā autem belli principia et causæ originem præcipue ducunt ab odio atq; ira, quæ animū ad uindicandū incitat, atq; ab auuiditate habendi, eaq; de nimia sanguinis ac bilis calefactione incensa, animū ipsum ad inferendam uim præcipitat, eoque impellit, ut nihil agi moderatum patiatur, idcirco ad Martem rapinæ belliq; referuntur: traditūq; est, ob diuturnam obseruationem in hominum genituris honores dignitatesq; militares pro qualitate configurationis ab eius stella portendi. Quoniam autem mors ipsa aut uiolenta est ac ui inferitur, aut est naturalis, uidelicet cū à morbis atq; ab annis uita eripitur, quæ mortes aut è ferro uulneribusq; aut ex igne, aut è præcipitatione ac præcipitis è locis, aut à bestiis infliguntur, ad Martem referendæ sunt, ut uiolentum atq; immanē: Simili modo quæ aut tertianis et febribus, hæmitriticisq; nam et hæmitritica febres inter tertianas numerantur à medicis, aut è sanguinis quacumq; profusione, aut ab igni sacro, canceris, huculcerumq; inflammationibus, quicq; morbus hæmitriticus dicitur à Grecis, aut à renum ægritudine, aut ex abortu, aut è partus malignitate, aut è pestilentia, aut deniq; è sanguinis calorisq; maiore exuperantia, præsertim ab insania, quæq; uulgo phrenesis dicitur. Quocirca non iniuria fortasse Porphyrius ut initio libri huius dixi, sanguinem Marti ascribendum duxit, cum Ptolemæus gentili tantum semini putet Iouem præesse, non sanguini. Quam in re, quid ipse sentiam, non fuerit fortasse alienum paucis explicare. Si enim uitæ principia à calido humidoq; proficiuntur, cui humori præfectus est Iupiter, unde tāquam summister quidā procreandis animalibus Soli Lunæq; attributus est, quodam quasi iure naturæ sanguis Ioui ascribitur, in quo uitalis illa uis humidi calidiq; una conuulsi æqualiter inest. Quod uerò accidat in calido humidoq; exuperantiam perinde ut in frigido fieri, ubi calor ille

Ille efferbuerit adeo, ut tanquam in flammis culet, eaq; inflammationem in bilem abeat, iramq; ipsam pronocet, hac ratione & uia placet inflammationem ipsam sanguinis, e qua ira gignitur, ad Martem referri, cuius exuperantia haec propria est. Perinde enim ut e qualitate in qualitate, sic ab unius stellae dominatu ad alterius fit imperium iurisdictionemq; transitio. An non administrande iustitiae qui praesident, ita quidem illam moderantur, populi ipsius iussu, constitutis, decretisq; ut alij iurisdictionem eam tantum quae civilis dicitur, exerceant, eam alij quae uersatur in puniendis flagitijs ac criminibus unde criminalis iurisditio uocata est: utraq; tamen potestas ad iustitiam pertinet. Quam ob rem sanguis ipse, ac praesertim temperatissimum & desecatissimu illud semen, quod generationi subministratur, loui debentur. Exuperantia autem illa effervescentis sanguinis, quae tanta est, ut morbos procreet, Marti iure tribuitur, alteri quidem ut temperanti ac saluari, alteri uero ut intemperanti & noxio. Etenim bilis cui Mars praesidet, excrementu est, quaedamq; superfluentia effervescentis sanguinis, sicuti pituita humentioris, ut pote cui perexiguus calor inest, de caloris namq; egestate atq; carentia frigus existit. Ad haec pituita ut humido frigidoq; abundat plurimu, sic bilis rubra calido atq; arido maxime affluit. Itaq; ut pituita, quod dictum est, Saturno attribuitur, sic bilis Marti attribuenda, cum sit utraq; humor exitiosus, atq; in exuperantiam prolabatur. Quoties autem Martis stella sola in genituris excellenterq; praesederit, perq; opportunè in ipsa figura collocabitur, e Ptolemaei sententia, natos faciet potentes, concitatos, bellicosos, uersutos, ualidos, stolidos, incautos, periculis sese obiectantes, indomabiles, peruicaces, promptos, feruidos, arrogantes, tyrannicos, effraces, iracundos, ductores. At ubi stella ipsa secus se habuerit, crudeles faciet, conuiciatores, sanguinolentos, seditiosos, sumptuosos, clamorosos, percussores, proteruos, uinosos, rapaces, maleficos, immites, praecipitosos, insanos, suorū osores, ac religionis deiq; contēptores.

De Venere. Cap. IX.



Veneris stella propter humidum temperamentum, cum sit etiam genitilis ac prolifica, non solum Lunae ad fouendam humectationem, Soliq; ad informanda corpora, plurimu adiuuenti affert in generatione, uerum propter naturalem benignitatē, salutaris dicta est, atq; inde felix beneficaq; agnominata. Quemadmodu enim calorem ipsum aliu esse qui foueat, aliu qui urat, diximus, idem quoq; ipsum de humido affermandu ducimus. Siquidem & humidum ipsius mensura quaedā est, tū in generando & tū alendo, tum etiā in corrūpendo. Stella itaq; Veneris ex hac humiditem

peratione, insitaq; sibi ui suapte natura benefica est, & salutaris, quod
 etiam obseruatio tot seculorum docuit, in genituris, uniuersaq; hominū ui
 ta. Ne autem à generatione animalis recedamus, quod paulò ante de Ioue,
 deq; genitali diximus semine, dicemus item de Venere, deq; materia illa
 excrementitia menstrui sanguinis, cui scien ut materia se insinuat, addi
 tus est Iupiter Soli subministr in suggerendo semine: nam & idem die le
 ta tur, Solisq; sequitur conditionem. Et quoniam natura ipsa nullam aut gi
 gnendi, aut educandi animalis partem necessarijs destitutam præsidijs re
 liquit, adiuncta quoq; Venus est Lunæ subministra & adiutrix in suffi
 cientias accommodandaq; materia cum & noctu gaudeat, & Lunæ condi
tioni sit adiuncta. Quodq; natura ipsa rerum generationi æqua lance cōsul
 tum iri uellet, rectè à nobis fortasse dictū est aduersus Ptolemei opinionē,
 Venerem humidulā esse, ac frigidulam, eamq; seruare mensuram in humi
 do frigidōq; temperandis, quā in calido & humido Iupiter. Hec est enim
 iusta naturæ ipsius perpensio, æquabilisq; circumspectio, & libratio qua
 si quedam. Quod autem dicimus, Venerem roridā esse ac frigidulam, in
 tellegi sic uolumus, uti utraq; in qualitate temperamentum retineat suum:
 quod de Vere sentiunt medici, quod ita humidum haberi & calidū uolūt,
 ut sit omnino temperatū. Perinde igitur uti parte ex agente, quæ Solis est,
 ac genitalis seminis, calori inesse oportet mensuram certam terminatamq;
 in calefaciendo, ne aut remissior si calor sit, quā oportet, det locum fri
 gori, aut, ne si feruentior, ustilet potius quā calefaciat: itidem ex parte pa
 tiente, quæ quidem est Lunæ ac materiæ, frigidō necesse est tantam inesse
 moderationem, ut nec humidū concreseat, & tanquam gela scat aduersus
 calorem, eōq; insinuationem in se caloris non admittat. Quocirca quod So
 li ex parte seminali officium præstat Iupiter, idem Lunæ præstat Venus
 ex parte materiali. Vt enim caloris potentiæ admixta est exiccatio, sic hu
 midī potestati refrigeratio coniuncta est: cum exiccatio quidem sit à So
 le propter calorem, refrigeratio uerò à Luna propter humidum. Ab hac
 autem ipsa Veneris stella propter insitam uim temperatamq; humectā
 tionem (cum materiæ sit formam appetere, siquidem humidum in genera
 tione materiæ locum ac uim obinet) manant cupiditates atq; oblectamen
 ta. Etenim uoluptas concupitis è rebus capitur, eas ubi adepti sumus: hinc
 amor, hinc rerum diuersarum quæ uoluptatem afferant, studium, ut mun
 ditiarum, ut cultus, ornatusq; ut pigmentorum, ac picturarum, ut lepōrū,
 ludorum, histrioniarum. Cum enim natura duce, & utilia quæ sunt, &
 quæ iocunditatem afferunt, appetamus, huic appetitionis parti, quæ iu
 cundi studium habet, Veneris præficere stellam uoluerunt: atq; inde effe
 ctum est, ut inter corporis partes iccir illi attribuerint, in quo cupidita
 tum

tum titillationes, fomenta q̄q; collocata esse putauerunt: sicuti à corde est uita, quæq; à nobis tam sepe dicta est animalitas, sit à iecore appetitio, si-
ne qua esse sentiens animal nequeat: unde iecur dictum, quod iuxta id est,
secundum cordis uires, potest statem suam exerceat, ac tanquam illi aſideat
in appetitione ſu, citanda. Omnis enim appetitio ad uitæ ipsius conserua-
tionem ſpectat. Poſt ipſum autem cor iecur maximè omnium ſanguine abundat.
Vi q̄q; exiſtimare uidetur Ariſtoteles, ceteris è uisceribus præter hoc,
animali neceſſariū eſt nullum: neq; enim ſine appetitione eſt animal, cum
materia è qua conſtat, formæ ſit appetens, nec forma agere niſi ſubiecta in
materia queat. Sanguis autem alimentū eſt animalis ipſius, cuius ut pro-
prium eſt alere, ſic iecinoris, quod eo abundat, appetere. Animalū autem
appetitioni Venus præpoſita eſt, atq; hinc habita uoluptatum miniſtra.
Aſcribitur etiam ſtella huic odorandi ſenſus, ex ijs proſectio rebus quæ ex-
trinſecus influentes, ac ſenſum ipſum uoluptate afficientes delinunt ani-
mal. Ac mihi quidem nec fortasſe inconcinne ea quæ odoratum mouent,
duplici uidentur ratione partienda, ut altera ſcilicet ſenſum moueant, alen-
di ac paſcendi corporis peculiari cupiditate, inſito q̄q; à natura ſtudio, qua-
les ſunt dapes, cibi q̄q; guſtum excitantes, cum etiam uideamus uultures,
miluios, ſimias, lupos olfactu ipſo trahi ad guſtum ac paſtum: altera quæ
tantummodo delectent, ut amatoria odoramenta, quæq; ad ſolam narium
uoluptatem uidentur comparata, eſi & hæc quoq; ad alimoniam corpo-
ris nonnihil conſerunt. Iure igitur uis hæc odorandi ad Venerem reſata
eſt ab antiquis diſciplinæ huius ſcriptoribus: iure etiam caro ipſa quæ cor-
pus totum inglutinat, Veneri aſcribitur, in qua uoluptatum incitamenta
poſita ſunt, & tanquam ab ea pullulant. Etenim ut irasendi Martis ſte-
llæ, ratiocinandi Mercurij, ſic ſyderi huic appetendi uis aſcripta eſt. Qui-
bus de rebus poſt cum de hominum loquemur artificijs, uberius fortasſe
diſſeremus. E corporis etiam partibus præpoſita eſt collo propter Tau-
rum, & clunibus, uertebriſq; propter Libram: è domeſtica ſupelleſtile
gemmis, unionibus, torcumalibus, ornamentiſ, quæq; alia generis huius
in delitijs habentur, ac delectationem afferunt: è fortunis prædiorū, oleo
fortasſe, propter ſaporis qualitatem, quodq; obſeruatione ipſa ſic docuerit: è
coloribus albo, nam & aqua quæ humida & frigens eſt, ubi concreuit, al-
ba efficitur. Sunt qui arbitrentur uiridem colorem Veneri attribucndum,
album uerò Lune. Vitæq; autem attributio, propter humidam naturam ac
frigidi, non caret ratione. E ſaporibus pingui, cum enim Ioui tribuantur
dulcia, propter calidi humidiq; temperamentum, non immerito Veneri
tribuantur ea quæ pinguioris ſunt ſaporis, quando ſub eodem dulcis ge-
nere collocantur & pingua. Et medici, ut dictum iam eſt, aſſerunt, è te

nui subtiliq; materia, ubi tamē ne dia inter calorē ac frigus aequē fuerit, p̄m̄
 guem saporem confici. Quo autem genere mortis quispiam interiturus sit,
 ubi etus in genitura Venus significationem assumpserit, declaratur ab ijs
 morbis, qui ab illa denuntiantur, hoc est, à mala stomachi iecinorisq; affe-
 ctione, atq; ab alui profusione, ut Ptolemæus arbitratur, item à fistulis, po-
 tionibus, ueneficijs, lichenibus: quem morbum Tyberij Cesaris principa-
 tu in Italiam irrepsisse Plinius est autor, appellauitq; mentagram, ut po-
 dagram, quod à mento plerunq; incipiens, os deinde, uultumq; omnem oc-
 cuparet, moxq; in colla, pectus, ac manus descendens serperet, contagio-
 neq; alios præsertim osculando inficeret: quodq; ei malo nullum in initio
 inueniretur remedium, ex Aegypto, unde morbus transferat, medicos euo-
 catos fuisse. Hunc eundem morbum post tot etiam seculare regressum in Ita-
 liam sunt qui arbitrentur, ingruente in regnum Neapolitanū Carolo octa-
 uo Gallorū rege cum ingentibus copijs terrestri itinere, contrā uerò ingen-
 ti nauū numero suppetias ferente Ferdinando Hispaniarū rege: quo tem-
 pore permulti et Galli et Hispani milites eo morbo correpti, Siciliæ Ita-
 liæq; partem nō parua denuo infecere: quā ob causam hic ipse morbus ab
 alijs Gallicus, Hispanicus ab alijs hodie uocatur, teter sanē atq; abominabi-
 lis, siue ipse idem, siue alius sit à lichenibus. Ab omnibus deniq; declaratur
 morbus, qui de nimia humiditate, eius ue corruptione gignatur. Etenim
 Venus humido etiam præest, ut Luna socia, ut eius in suggerenda materia
 subministra. De cuius sydere, ubi in figura genitura dignē excellenterq;
 collocatū fuerit, ipsumq; solum dominabitur, hæc à Ptolemæo traduntur,
 eos scilicet qui nascuntur, futuros mansuetos, bonos, deliciosos, sociabiles,
 facundos, comptos, puros, saltatores, emulatores, prauorū osores, artifi-
 ciosos, decentes, appetentes, beneficos item, ac misericordes, contractandis
 rebus aptos, ac uoti compotes, Veneriq; omnino deditos: quorū etiam affe-
 ctiones non modò propensæ sint ad beneuolentiam familiaremq; consuetu-
 dinem, uerum etiam nocturna corū uisa iucunda, leta, quæq; bonam ubiq;
 spem polliceantur: Secus autē, facit desidiosos, amatores, mulierosos, uxo-
 rios, nihil audentes, abiectos, uituperabiles, obscuros, ac probrosos.

De Mercurio. Cap. X.



Mercurij stella uersatilis naturæ cū sit, pro stellarū qui-
 dem aliarum configuratione, in has illas ue qualitates
 magis minus ue conuertitur: nihilominus propriū est
 eius imperium in ijs maximē quæ rationi subiecta sunt
 atq; orationi: quæ cre et disciplinarum inuentor Mer-
 curius dictus est et decorum ipsorum nuntius habitus, propter rationem
 scilicet

scilicet atq; orationem, quibus praesidet. Humor enim ille, qui ab hac stella excitatur, maxime penetrabilis & acutus cum sit, hominum cogitationes (homo enim animantium unus, ut oratione, sic etiam cogitatione utitur) ad inquirendum atq; ad contemplandum incitat, & ad ea quae ipse inuenit, ac contemplatus est, alijs atq; alijs explicanda. Nam quod homines sciendi cum primis cupiditate teneantur, ab hac ipsa stella excitatoq; ab ea humore potissimum proficiscitur, atq; hinc progressa ratio, rerumq; cognitio linguae officio post depromitur inter mortales, fitq; hac uia ministerioq; rationis inter eos communicatio, unde homo rationabile agnominatum est animal. Cui sane quod soli data est ratio, data etiam soli est locutio, & ea quae ratio-
 cinatio dicitur. Itaq; fortasse non improprie orationale etiam animal dici atq; huius potest. Est autem Mercurialis humoris propter propria agilitate excitare spiritus, quae in re Soli cum primis opitulatur, ex eaq; commotione uidendi uis illa, quae Graeco nomine *quarta* est, & concitatur & acuitur; quo fit ut animus peruestigando ad rerum cognitionem scientiaq; perueniat, dum querendo inuenit, inueniendo cognoscit, ex eaq; cognitione sciens efficitur. Itaq; non temere humor ille, de quo paulo ante disseruimus, cum de Saturni stella mentio facta est, Mercurij stellae adijcitur, quanquam & Saturnus eidem praesse iure ipso naturaeq; similitudine potissimum existi-
 mandus est. Nam & cogitationes ab illo excite nanciscuntur a Saturno stabilitatem, efficiunturq; tenaces admodum ac fixae, atq; ut ita dixerim, peruicaces, propter terrenae ariditatis qualitatem ac firmitudinem: a Mercurio uero celeritatem atq; acumen sibi uendicant, siquidem ab eius stellae calore siccitas illa incenditur: ignis enim & cito mouetur, & penetrat: atq; ob hanc ipsam uim Mercurij natura retorrida esse dicitur, quod calidissimiq; plurimum exuscitet, quodq; irradiatione sua qualitatem hanc generationis tempore saetibus ipsis sanguinib; infundat. Atq; hinc rationalis animae uis stellae ipsius adijcitur: itemq; oratio, quae conceptae rationis explicatrix est. Artes quoq; omnes, in quibus ratio plurimum ualet, eaq; praesertim quae in numeris, in mensuris, in mercatura, commutationeq; uersantur: disciplinae item omnes ad Mercurij stellam referuntur, de quibus post uberius, cum de artibus, quae ab hac stella portenduntur in genitura, explicabimus. Sermo autem, hoc est, oratio, ut dictum est, uisq; intellegendi cum deducitur Mercurio, merito etiam lingua, quae rationis atq; intelligentiae ministra est, eidem addicitur: fel quoq; propter humoris melancholici qualitatem, de qua multa diximus. Aristoteles autem putat fel nullius gratia sensus esse, nullumq; eius ad sentiendum officium: eoq; trasse quos sentirent partem animae quandam in iecinore sitam, mordicando ab eo excitari: Cum equi, muli, asini, cerui, felle careant, quaedamq; animalia affixum
 illud

illud iccinori neutiq; habeant, uerum aut dispersum, conclusumq; uenustis quibusdam, aut per intestina discretum, cum etiam ex hominibus reperti sint qui felle uacui essent. Quocirca excrementum esse ait purgantis se iccinoris, non secus atq; alui sordem, intestinorumq; sedimentu. Nec desunt qui nares quoq; ascribendas Mercurio putent, quæ olfactui subministrant: ut enim odores sentiantur, calido siccoq; in primis opus est. E metallis autem liquido plumbo Mercurius presidet: est substantia numis propter commutationem, è membris corporis, humeris, brachijs, manibus, digitis propter geminorum signum, adde et præcordijs propter Virginem: et quoniam orationis ac sermonis arbiter est, cōmercia quæ officio sermonis exerceantur, stellæ quoq; attributa sunt eius. Portenduntur autem ab eadem hac stella genera mortis illa, quæ de mentis alienatione, stupore, delirioq; eueniunt, de morbo item comitali, tussi, spūto, morbisq; alijs, qui ab atra bile profecti, melancholici dicuntur à medicis, quæ in re à Saturno neutiq; dissentit. Nam etsi atræ bili uniuersim Saturnus imperitat, Mars rusæ, eam tamen quæ facili uehementerq; incenditur, ac multum habet retorridi, Mercurio tribuenda est. Nam etsi aurum Soli dicatur, numus tamen aureus, ut argenteus atq; æreus Mercurio ascribitur. Ager etenim Neapolitanus cum regi subijciatur, prædium tamen Antinianum quod est agri Neapolitani, meum est, quiq; inde proueniunt fructus, mei: morbiq; item ipsi coniuncti, atq; ab uno tanquam riuo defluentes, nil mirum si ad utraq; stellam, aut ad ipsarum alteram pro genitura configuratione referuntur: nam et uitia et uirtutes quædam sunt sibi finitimæ. Item colores, sapor, res, attractus, anaphoreticæ item affectiones, Mercurij stellæ referendæ sunt. Cuius astrum è Ptolemæi sententia opportunè insigniterq; in genitura collocatum, si solum, quaq; oportet potestatis suæ excellentia configurationi præfuerit, natos faciet intelligentes, ingeniosos, sapaces, emulatores, beneficos, computatores, coniectores, contemplatores, mathematicos, mysticos, uoti compotes. Vbi uerò secus abiecteq; se habuerit in figura, uafros faciet, proteruos, obliuiosos, impetuosos, inanes, leues, quod ob animi inconstantiam incepti paulò post pœniteat. Idem ipsi sub fatuorum speciem erunt nequam, maligni, proq; configurationis abiectiōne insipientes, mendosi, mendaces, instabiles, inuidi, iniusti, quiq; excellere ac præesse quoquo modo aueat: cogitationibus uerò adeò dubijs ac periculosiss, unde de gradu suo deiecti se penumero maximas in calamitates incidunt.

Nedum aut cœli, quæq; cœlo feruntur stellarū uires, effectiōnes, facultates, earumq; causæ ignotæ non pauca nobis sunt, sed è rebus etiam inferioribus, quæq; sensibus subijciuntur, earum causæ permultæ adhuc incomprehensæ. Itaq; ut in ijs sensus multa quidem ipse assequitur, quorum cau-

Ise tamen parum omnino compertae sunt, sic obseruatio remotissimorum
 temporum magistrum quasi quandam rerū sese plurimarū exhibet. Quid
 enim apparet causae, cur dextera potius auris quā sinistra Saturno ascri-
 batur, Marti uero sinistra: aut auditus magis quā odoratus utriusq;: cum
 et audiendi, et olfaciendi instrumenta id est, meatus illi, et ductus quasi
 quidā, aërij ipsi sint. Neq; enim sonus nisi in uacuo concauoq; fieri potest,
 quae loca ab aëre occupantur: neq; olfactus nisi per aërem ac per nares, quae
 uacuae et ipse quoq; sunt. Ad haec aër hic ipse coeli erraticarūq; omnium
 commotionibus aequē subiectus ac parens est: qui cum sit calidus atq; humi-
 dus, Saturnus tamen frigidus et siccus, Mars uero calori addiderit sicci-
 tatem, eo fit, ut uterq; siccitate, alter etiam frigidityte, aëris aduersetur qua-
 litati. Cur igitur in auditu autoritatis plus habere Mars Saturnusq; existi-
 mandi, quā Iupiter, quā Venus, quorum alter aëriam ex utraq; quali-
 tate temperationem amplectitur, altera per humiditatem cum illo congruit?
 Nam quod auris dextera tribuatur Saturno, potest hoc diurnae conditioni
 ascribi, dextera enim Solis sunt, cum nocturnam Mars, hoc est, Lunae con-
 ditionem sequatur, cui sinistra dedicantur. Verum his in rebus ea ut habea-
 tur quae debet, quaeq; potest ratio, considerandum est in animalibus pro-
 creandis à corde animal ipsum constitui, quod de sanguine constitutum eo-
 dem quoq; uegetat, animatq; ac per uenas arteriasq; uiscerum minist-
 rio ac praecordiorum alit atq; conseruat. Itidem Sol naturam hanc inferio-
 rem, subiectaq; haec corpora informat calore suo, erraticarum etiam mini-
 sterijs usus, signifero cum primis operam suam cōferente. Quis autem cau-
 sam sibi perspiciam, omniq; è parte notam afferet, cur quispiā naribus ubi
 caseū admouerit, nauseat, euomatq; illico? qualem ipsi nouimus hominem,
 cum praesertim caseus è lacte cogatur, quod primum hominis alimentū est.
 Cur aliquis ad rutae olfactū repente concidat? Habui ego catulū in delicijs,
 qui statim ex aedibus se proripiebat, ubi edendam gallinacei pulli carnem
 obiecissem. Ladislai Neapolitanorum regis tempore, è familia Tomacello-
 rum Neapoli fuit, qui nunquam potū hauserit: cumq; à rege in conuiuium
 adhibitus, rogatu eius poculum tentasset, non mediocriter inde affectus in-
 doluit. Contingunt et multa talia, quae sentiuntur quidem, particulares
 tamen eorum atq; enucleatae nesciuntur causae. Amplissimos uiros referen-
 tes audiui, uidisse se in Hispania ulteriore puellam, quae comederet nihil,
 haustuq; tantum aquae uiueret, esseq; tum cum eam uiderunt, duoru ac ui-
 ginti annorum. Ex obseruatione igitur quia sit animaduersum, Saturnum
 ac Martem obesse auribus, morbosq; earum ac uitia à malo illorum statu
 configurationeq; oriri: hinc traditum atq; acceptum est, in ijs quae ad au-
 res atq; ad auditum pertinent, Saturni statum ac Martis in genituris ob-

seruandū esse. Quid enim causæ, cum Veneri olfactus sit attributus, ut na-
res, quæ instrumenta odoratus sunt, Mercurio, uti Ptolemæo placet, assi-
gnentur? instrumentum enim artificem sequi suum debet: uidelicet quod ob-
seruatione prospectum sit ipsa, malum in genituris Mercurij habitum ui-
tium postmodū ægritudinem uel aliquā in naribus peperisse. Multa quoq;
eiusmodi traduntur his alijsq; in rebus ab obseruatione magis, quā a na-
turalis causæ cognitione deducta. Cum enim effectus sit ipse posterior, ra-
tio tamen causaq; illius minimè apparuerit, idēq; ipse effectus aut semper
aut plerunq; successerit iam atq; succedat, standum uidetur obseruationi:
nec si quandoq; rarissimè tamen ea fallat, aut accusanda ex eo uidetur, aut
reicienda omnino. Nam & in animalium generatione, quæ naturalem se-
quitur constitutionem, aliquādo etiam accidit, uti natura ipsa ab ordine di-
uertat suo. Sed iam ab erraticis ipsis ad signiferum transeamus.

Libri quarti De rebus cœlestibus finis.

IOAN. IOVIANI PONTA
NI AD MARCV MVSVRVM,
De rebus cœlestibus Lib. Quintus.

PROOEMIUM.



PONTANI in explicandis naturis signorum, quæ
in orbe constituta sunt signifero, in uentorū sepe-
numero mentionem incidendum est, non ab re for-
tasse uidebitur, Marce Musure, cum scriptorum de
his opiniones tantopere dissentiant, si pauca prius
quā de signis ipsis dico, explicatius disserue-
rim, meamq; si non sententiam, perpensionem ta-
men potius quasi quandam in tanta opinionū diuersitate attulerim: Non
quod præferri meam aut ipse uelim alijs, aut contendam, uerum ut collatis
simul alijs, qui hæc legerint, possint iudiciū quicq; suum maiori penso adhi-
bito temperare. Nam etsi ea quæ supra de uentis diximus, Aristotelis ma-
ximè dictis conueniunt, tamen de signorū triangularitatibus, de erran-
tium effectionibus magna est inter scriptores ipsos controuersia: cum ij-
dem etiam uenti uarias subinde qualitates suscipiant, pro naturis regionū

ac locorum situ, neq; idem ipse uentus eodem tempore finitimis perfleret in locis, cum etiam è uentis ipsis quidam terris quibusdam peculiare sint, ac certo tantū constitutoq; spirent tēpore. Quocirca de toto hoc tractatu pauca quedam, eaq; uniuersim non tam præcipiam, quàm admonebo iudicantes, eaq; sunt huiusmodi. Terræ anhelatio cum sit duplex, altera quidem calida & sicca, quæq; suo nomine dicitur aspiratio, altera humens & calida, cui nomen est euaporatio, utriusq; in aerem subducendæ propter calorem autor est Sol: cum autem similia naturaliter conferant similibus, subducende quidem aspirationi præstò sunt Mars ac Mercurius, Solis ipsius suffragatores propter calidi societatem & item sicci: euaporationi uerò, quæq; etiam exhalatio dicitur, Luna & Venus propter humidum quo utriusq; letatur stella, signa etiam ipsa. Nam & situs, & locorū ratio adiumenti plurimum afferunt, & utraq; ad anhelationem summum in modum conferunt. Ipsorum enim signorū alia terræ naturam fouent, alia aëris, aquarū alia, aut ignis. Calore igitur ac siccitate prædita Marti ac Mercurio uires maiores suggerunt, aquatica Lunæ ac Veneri, terrena Saturno: licet senex hic obstringere uideatur potius quàm laxare, aut sursum ab imo educere, tamen à Sole calefactus, & ipse quoq; Soli uires adiungit. Quæ aëria sunt, plurimū & ipsa Soli materia sufficiunt ciendis flatibus: calor enim humidum mouet, quæ è commotione flatus gignitur: quod uideamus in ollis & cacabis bullientibus. Quocirca & Iupiter qui calida humidaq; naturæ præsidet, maiores hinc sibi uires assumit, quas Soli etiam communicet, in aëre q; ipso exerceat, utrunq; ad halitum educendum. Ad hæc, quemadmodum suo etiam loco dicemus, signa quedam sponte sua, alia è parte quadam, ex toto alia uentos cient. Cardines item ipsi non tenui adiumento sunt, cū siccus sit ortus, meridies calidus, occasus humidus, septentrio uerò frigat, eamq; ob rem cœli cardines qualitatem quisq; suam uentis impertiat inde flantibus. Itaq; & ortus dicatus est Soli propter siccitatem, quodq; inde lux emicet: at occasus Lunæ, propter humectationem quando etiam tenebræ ab eo erumpunt. Hæc autem à nobis in hanc quidem sententiam physis à rationibus neutiq; abhorrentia dicta sunt. Parte ex alia sunt qui assuerent Iouem tota cum triangularitate ignea excitare uentos à septentrione, qui frigidi sunt & sicci, quæ qualitates tum Ioui, tum triangularitati igneæ tota fronte aduersantur, Martem autem cū triangularitate aquatica euocare flatus ab occasu humidos quidem ac frigidos, cū sit Mars ipse & uisilans & exiccans: quid tam omnino inter se dissentiens? triangularitatem uerò terrenā, quamuis frigidam & arentem, Veneris tamen stellæ addicū, licet humida, eamq; excitadis austris præficiūt, calido & humido præditis. At Saturnū cum triangularitate illa aërea sta-

tuunt sub solani excitatorem ob unam ipsam peculiaremque; siccitatem, quā in re solam noctis dieique conditionem sequuntur. Nec uero Aegyptij scriptores dubitant septentrionaleis uentos salubres esse dicere ac temperatos, quia Iouis stella illorum suscitatrix salutaris sit, ac maxime temperata. At qui in Britania, Germania, finitimisque in regionibus sunt, ij quidem turbulentissimi planeque; intemperantissimi propter niues ac frigora, cum natura Iouis tranquilla sit ac moderans. Quod igitur situs ipse, quodque; spatium terrarum efficit, Iouis moderationi attribuunt. Nam et auster ubi oritur, nequaquam, ut in Italia, aestuat, neque; tam ualide humet, ac fortasse pluuus minime illic est: sub solanus quoque; qui in ortu oppido quam est aridus, ingentissimos solet hymbres diffundere nostris in regionibus, quos colligit in aduentu. Sunt qui stantem à meridie spiritum Marti assignent, ab occasu uero Saturno. Nec desunt qui primam triangularitatem ex Ariete, Leone, et Sagittario addicant ortui, uelintque; cum Sole illam ac Ioue dominis, cumque; Saturno eiusdem particeps euocare uentos à mundi exortu. Secundam triangularitatem è Tauro, Virgine, et Capricorno, eiusque; dominos Venerem, ac Lunam, Martemque; eiusdem participem excire flatus meridia nos. Tertiam triangularitatem à Geminis, Libra et Aquario, Saturnumque; ac Mercurium eius dominos cum Ioue particeps uentos agere ab occasu. Quartam denique; triangularitatem è Cancro, Scorpio, et Piscibus, cum eius dominis Venere, ac Marte, et Luna socia flatus à septentrionis cardine suscitare. Haec autem quantopere ipsa inter se penè digladiantur contrariae ob qualitates, facile est iudicatu. Ecce alius quam affert diuersa, iniquens: Aries mediū tenet orientis cardinis, excitatque; sub solanum. Assistit Arieti à parte dextra Sagittarius, à quo afflatur uentus illi propinquior inter ortum ac meridiem, nomine suo curus, à sinistra Leo, de quo fluit uentus ei propior à septentrione, cui nomen est uulturnus. Itaque; ab hac una triangularitate tres hi uenti emittuntur, perinde ac tribus è coniunctis carceribus. A secunda triangularitate uentos fluere meridianos existimat, à Capricorno quidem quod cardinem tenet, austrum: à Tauro qui astat ei à sinistra, euronotum, qui ei propior est à parte orientis: à Virgine quae est ad dextram propius assistentem ei, occasum uersus, libonotum. A tertia triangularitate oriri uult, de Libra scilicet, quae cardinem illum obtinet, fauonium: ab Aquario qui adest illi propius ad sinistram, septentrionem uersus, argestem, qui ab ea parte propinquior est: à Geminis africanum, qui est illi coniunctior à parte dextera ad meridiem. De quarta triangularitate putat efflari à Cancro, qui tenet septentrionis centrum, uentum cum, cui nomen inde est septentrio: à Scorpio qui statim adest ei à leua uersus ortum, aquilonem: à Piscibus circium propinquiorem illi uentum, occasum uersus à dextera.

dextera. Quis igitur inter tam dissidentes secum opiniones, de uentis iudicare recte poterit? cum nullæ ex ijs rationes bene sibi firmiterq; inter se quasq; e parte consent. Nec nos ijs sumus, qui in re tam incerta & lubrica certam ferre sententiam aut possumus, aut audeamus: cum persepe regionis qualitas aduersetur cardinis qualitati. Nam & auster qua uergit in meridiem Sicilia, abunde aridus est, contra septentrio pluuius, maximeq; procellosus: cū in Campania alter quidē sit summū in modū humidus acturulentus, alter uerò aridus ac serenus. Principio uentorū omniū materia ē qua ipsi constant, sumida est, calida quidem ac sicca, euehitq; secum terrenæ qualitatē non modicū, ē terra enim aspirat, unde hic ipse halitus aspiratio dicta est, quæ neq; educi sursum posset, neq; agitari tam ualidē quam agitur dextra sinistraq; nisi ob ingenitam siccitatem, ob quam unā tantum aspiratio ipsa sibi caloris arripit, ut uehementius calefacta eò deferatur, quò Solis eam calor euexerit. Cardines autem & ipsi sua quisq; qualitate præditi sunt: cuius quidē rei idem Sol autor est & causa. Caloris enim atq; aduenientis ad nos Solis perpetua cōtinuatio siccitatem parit: qua de re ut orientis coeli cardo sicca est, sic ē contrario humidus occidentis: ut enim præsentia Solis atq; aduentus calorem adducit, calor autem siccitatem, sic absentia ac remotio humiditatem, humiditas uerò frigus. Duoq; hi cardines inuicem sibi aduersantes, quo reliqui etiam duo sibi aduersentur, efficiunt. Sole siquidem longius à septentrione digresso, necesse est septentrionalem plagam nimio plus algere, præq; frigore ac gelu illam & sicca ri & cogi supremum in modū: contra meridianum terræ tractū incalescere uehementius ac relaxari, deq; finitimo occasu humidi secum multū ascescere. Horum autem omnium Solis, ut dictum est, præsentia aut absentia, propinquitas aut remotio causa est, id quod anni ipsius partes, uer, autumnus, hyems, æstas itē edocent. Neq; cardines igitur, neq; signa per se hoc præstant, adiuvant tamen, sed Solis ipsius per signa, perq; cardines, siue illos uersus peragratio, uigorq; illi inditus, quippe quod mūdi est ipsius cor, elementariumq; commotionum principium, ac rerum inferiorū primaria causa, à qua manant & cæteræ. In prædicendis igitur uentis principe Sol loco attendendus est, cursusq; ipse prædicendi ad Solem quasi ad metam dirigendus est certā. Erratica deinde sydera, præsertim Mars ac Mercurius, probè consideranda, quæ loca teneant, qua etiam ferantur ratione aut regione coeli. Nam etsi Saturni frigida & sicca natura est, quæ sua quidem sponte cogit atq; agglutinat, eius tamē radij à Sole calefacti, & ipsi quoq; foti externo hoc adminiculo (motus siquidem calorem exuscitat) & subtrahunt sursum, & agitat etiam palanter. Quocirca in hac tam difficili consideratione & causa, errantiū stellarū omnium status, habitus, situs, collo-

catio, configuratio inter se, & in his Saturni quoq; partes examinande sunt, quis etiam è planetis ipsis pollere, & tanquã dominari inter alios uideatur. Quibus rectè simul ac diligenter perpersis, terrarũ inde situs, regionum habitus, anni partes aduertendæ diligentia summa sunt: cũ sepe numero sit animaduersum, id quod in quaq; etiã regione animaduerti potest, spirare septentrionalem flatum in Campania, aut Hetruria, aut Liguria, non à cardine quidem illo tam remoto euocatum, sed à uicinorũ montium ac uallium habitu, propter niues aut pluuias, proq; anni ipsius tempore. Itaq; flatus illi referendi potius uidetur ad eos planetas, qui ipsas aut niues excitant, aut pluuias. Post Solem uerò secũdo loco uidenda est Luna, Solaris & lucis & caloris uicaria, in copulationibus, in oppositionibus, in quadrangulis, triangulisq; qualem sese cũ sole habeat, & quas etiã ad stellas feratur, & per quæ signa, qualis sit etiã eius habitus ad Martem præsertim ac Mercurium, indicet siccitatem ne an humiditatem, an sit anceps. Quæ res simul omnes maximã efficiunt prædicendi difficultatem, quippe cum sepe numero natura regionis coelestibus repugnet indicationibus. Ac mihi quidem uidentur rerũ harum scriptores cõdissensisse inter se tantopere de uentis, deq; suscitatoribus eorũ, aut agitatoribus, quod unusquisq; è primis illis autoribus regionis suæ naturã, & quid in ea contingeret, obseruabat, quos etiã quisq; planeta flatus illic excitaret, & è qua parte, & quod qui in initio flare siccus coeperat, paulò post inhumescibat ratione loci. Ioannes Anglicus, qui multa quidẽ super his & tradidit ipse ex semet, & ab alijs præcepta retulit, non inficiatur Iouem in Aegypto ciere septentriones, quanquam Iouis qualitatibus parum putat cõuenire: tamen asseuerat constantem in modum à Saturno prorsus in Britaniã spiritus illos frigidos ac niuosos exciri, eademq; ratione ab erraticis alijs spiritus alibi alios: Cũ uideamus passim regiones tum palustres, tum fluuiales, aut uallibus profundioribus interruptas assidue humectari. Sat quidem scimus coelum Campanum esse perquã humidum, Apulum contrã præ siccum: Solem autem ipsum in Apulia calidas aspirationes subducere, easdemq; perquã siccas, at in Campano tractu euaporationes subuehere illas quidem planè humenteis & calidas. Quo fit, ut idẽ ipse sol, nisi alia stella impederit, eodem pariter tempore & æstuosam in Apulia siccitatem euocet, & in Campania pluuias. Itaq; quod idem fit in exiguo & finitimo terrarum spatio, fit etiã in cardinibus, remotioribusq; orbis terrarũ tractibus. Excitabit hinc sol suffragio etiam Martis ac Mercurij, peculiarem suamq; & illorum simul aspirationem, illinc euaporationem, Venere ac Luna, fortè etiam & Ioue opem suam conferente. Eodem igitur tempore in diuersis hæ, & fortasse ipsæ subducuntur regionibus, moxq; per ærem raptæ

ta, ac simul permixta nunc huc nunc illuc distraclim feruntur incertae palantesq;. Perindeq; ut existit in aëre aliuum ipsorum pugna, sic est etiam exagitantium illos stellarum in signifero certamen. Accedit autem et his omnibus altera atq; item altera consideratio, hoc est tum ortus atq; occasus fixi alicuius syderis, tum partium signorum, quae sua se ante uentosa sunt, quemadmodum deinceps ordinatim dicemus, cum ad ipsas signorum partes peruenierimus: quas quidem ad partes ubi Sol Luna ue coniungim, seorsum ue concesserint, seu uentosarum stellarum aliqua, aut eas forte minaciter percusserint, necesse est ea tunc euenire, quae ab illis decreto naturae statuuntur. Quid autem ortus, quidq; occasus ferant syderum, obseruatio tot seculorum adeo manifestauit, ut ea sint etiam rusticis quamnotissima, ne dum nautis ac nauium gubernatoribus. Arati poetae scripta nihil ferè curare aliud aut praecipere uidentur. Soligitur locis illis propinquior factus aut coniunctus, aut contra ips aduersus, et suas et partium ipsarum ac locorum uires pro natura etiam temporum, quibus ipse moderatur, magis ac magis exuscitat. Hæc habui Marce Musure, in parte hac de uentorum praedictione quae dicerem, ut qui tamen admoneam, non praecipiam: Cum liquere satis possit, quae de triangularitatibus, trianguloribusq; illarum traduntur, nec naturis rerum conuenire, et uana pleraq; aut incerta esse, pro situ regionum, ac positura locorum, et terrarum et coeli. Ceterum sit suum cuiusq; arbitrium de his et sentire ut uoluerit, et iudicare. Quocirca ad explicationem signorum tum uniuersim, tum secundum partes cuiusq; ac fines progrediamur, ab Ariete exorsi.

De Ariete. Cap. I.



Ol ad Arietem progressus, quod ab australi declinatione ad cliuū septentrionalē redit, sitq; terris nostris propinquior, quos hyems plurimus coegerat, paulatim tepescendo solo uapores aspirationesq; uehementiore quadā uidebitur ē terra, quo fit ut pluuie suscitentur aliquanto frequentiores, quā cum Pisces atq; Aquariū permeat, quo tempore aër ipse propter Solis radiorū imbecillitatem in niues magis quā in hymbres resoluatur, tonitruisq; etiam crebriores fiunt, propter multam tum uaporū, tum aspirationum eductionem ab humo. Quinetiam calefactis uaporibus, qui crabiores tunc sunt, Sole nondum illos excoquente, urere aër uidetur, unde Sol ipse Martius, ut rustici loquuntur, noxius habetur. Ob hanc autem ipsam causam, licet signū hoc calide existimetur siccaq; tēperatio- nis, hymbres tamen plurimos excitat, sepe numero etiā grandines, quod aër ipse eo tēpore sic afficitur, ut licet calor in dies increseat, repētino tamē subinde

subinde corripitur frigore, qua ratione qui uapor in pluuiā abiturus erat, à frigore correptus, aut ob inimicā caloris uim coactus ipse in sese atq; crescēs, rigescit mox in grandinē. Eodem quoq; tempore cōtingit tonitruus multos in aëre conciri, propter aspirationes ipsas calidas sursum euectas, dum impacte simul nubes concursu suo, aut frigidam ob uim pugna exorta igneus ille halitus exploditur, inde Arietis signum tum grandinosum, tum etiam tonitruosum existimatum est à discipline huius autoribus, Sole has aëris affectiones, dum id signū permeat, excitante, easq; fixis à stellis, quæ signum ipsum constituunt, uehementer adiuuari alienum non est existimare. Quam ob rem Ptolemæus dixit in uniuersum quidem Arietis signum tonitruosum atq; grandinosum esse, propter accessum Solis ad locum æquinoctialem, quo ad partes tamen ipsas plus minus ue, primas quādam eius partes pluuias atq; uentosas, medias uerò temperatas, postremas urere, pestemq; afferre existimat: quæq; partes in Boream exurgunt, illas & urere & corrumpere: quæ in Austrum declinant, frigus glaciemq; inducere, quod naturæ rerum mirifice conuenit: quæ enim partes ab æquinoctiali puncto consurgunt in Boream, quod Sol per eas incedens nobis efficitur propinquior, calefaciant plusculū necesse est, quæ è calefactione sequatur etiam corruptio, cum è calido humidoq; corrupendo generatiorem proueniat, quæ Vere potissimum sit. Contrā partes illas, quæ ab æquinoctiali puncto declinant in Austrum, frigidiusculas esse, cum hyemalem in regionem uergant, ratio ipsa docet. Quod uerò ad corruptionem ac pestem attinet, quātam cō tempore multi ex aëre funditur hymbres, quos terra in sese recipit, eosq; post in uaporem conuersos, multos quidem ac crassos euomit, cum Sol concoquere illos nequeat, terraq; uehementius à Sole irradietur, hinc aër ipse noxius ab infectione ea redditur, indeq; pesti fera uis enascitur. Quoniā autem signa ipsa in diuersos distributa sunt fines, quæ singuli planetis singulis, uti antè diximus, ascribuntur, hæ quoq; partes tractandæ sunt à nobis, quarum significationes cognoscendis atq; prædicendis cœli decretis plurimum cōferunt. Atq; eas quidem ut ab alijs traditas referimus, magis quā ut comprobare rationibus studeamus, naturam duntaxat syderis, cui fines ipsi ascribuntur, indicare cōtenti. Quid autem de finibus ipsis sentiamus, quæq; differentia inter se scriptorū sit, sua præ explicauimus. Quodq; de finibus ipsis qui & quot erraticæ cuiq; attributi sint, aliter Aegyptij scriptores, aliter Ptolemæus sentiat, cuius opinionem nos suprà confirmauimus, ita quidem de ijs trademus, ut ordo numerusq; illorum qui sit, tum ex Ptolemæi, tum ex Aegyptiorum sententia facile cognoscatur. Primi itaq; fines qui è partibus constant sex, cum 10 ui sint attributi, Iouis ipsius naturam sequuntur: quæ de re salutare ac be-

nefici,

nefici, quinetiam fecundi, et penè dixerim, multise mines habiti sunt, bo-
 neq; admodum temperationis, qualis natura Iouis est. Quocirca proba-
 tos nati mores, qui multis etiam prodesse, suaq; opera iuuare uelut quam-
 plurimos, quiq; in actionibus ac negocijs temperamentū sequatur, cuius
 etiam modestia, probitas, relictudoq; in amicitijs, ciuiliq; consuetudine in-
 tegeritas magna appareat, eò magis portendunt, si fines ipsos in cuius hī
 genitura ascenderint, Iupiter aspexerit, quando ad agri fecunditatem et
 coloni studiū se adiunxerit, maior fiat accessio. Neq; enim temere in uul-
 gus manauit dictum illud, oculos domini saginare equum. Secundi fines,
 qui ē partibus cōstant octo, ē Ptolemei sententia, Aegyptiorum uerò sex,
 Veneriq; additi sunt. Veneris naturam sequitur: siquidem in genituris
 promittunt animorum hilaritatem, splendorem, munditias, elegantiam,
 continentiam, integritatem, studium etiam cultus atq; nitoris, et in qui-
 bus nati uersabuntur artibus quandam quasi affabrefactionem, ingenijq;
 dexteritatem, actum operis, tum operis gratiam, quinetiam coloris boni-
 tatem quandam, et ut ita dixerim, uenustatem pollicentur, ut non iniuria
 docti quidam uiri arbitrati sint, signum hoc ad quintamdecimam usque
 partem salutare ac benignum esse. Qui sequitur tercio loco fines, conti-
 nentq; parteis septem, ut aut Aegyptij arbitrantur, octo, à Mercurij na-
 tura, cuius peculiare sunt, minime recedunt: præstant enim ingenij boni-
 tatem, acumen, solertiam. Erunt tamen nati, in quorum genituris ascen-
 derint, in deliberando ancipites, atq; in capiendis consilijs dubij, quiq; in
 utraq; partem pensi multum adhibeant. Eadem partes in aëre commo-
 tionem uehementiorem pro situ tamen naturaq; regionis excitant, quæ ē
 commotione uentitumpestatesq; suscitantur, cum grandine, tonitru, coru-
 scatione, fulminibus. Quartæ distributionis fines ē quinq; tantum parti-
 bus, Martem cuius sunt, imitantur, sunt enim ignei, corruptioniq; accom-
 modati. Cum primis autē in animis hominum instabilitatem, inconstan-
 tiā, petulantiam, protcruitatem, impotentiamq; ingenerant, atq; ad male-
 faciendū mutant, adeo ut non minorem in animis hominū, quā in aëre
 ipso corruptionem inducāt. Fines ultimi quatuor tantum partes cōplexi,
 utq; Aegyptij arbitrantur, quinq; quod sint sub Saturni tutela, frigus ac
 sterilitatem afferunt, animosq; ipsos inuidia ac nocendi studio notat. Par-
 tes igitur ipse quæ aëris commotionem exuscitant, præcipue consideran-
 de sunt, ubi in illis Lunæ cōiungunt Solisq; coniunctiones aut oppositio-
 nes, quadrangulationes uel, aut illorum etiam planetarum qui commotio-
 nes ipsas augeant. Eadem quoq; partes diligenter uidendæ, ubi in cōfigu-
 rationibus his ascenderint: si enim fuerint à maleficis infesse, aut minac-
 ter irradiatæ, tempestates ipse longè quidem maiores insurgent. In geni-

turis etiam pro qualitate insidentium atq; aspicientium stellarum, significationes ipse finitū aut augentur, aut mutantur, aut etiā alias atq; alias mixturas admittunt. Quoniam autem signū hoc Martis hospitium est, ac non modò Solis altitudo, uerum etiam in Solis ipsius ac Iouis triangularitate numeratur, hac tanquā cognatione, ut ita dixerim, atq; affinitate fretum, natos reddit insignes, imperiosos, magnanimos, quiq; permagna in loquendo libertate utantur, propter Martem aut ipsum minaces, libidinosos, audaci consilio, propter Solem elatos, nobiles, ceruicosos, propter Iouem opulentos, liberales, iustos, quiq; à turpitudine abhorreant. Pro mobilitate quoq; sua signum ipsum eosdem efficit inconstantes, quiq; facile propositum mutant, quorū etiam fortuna sit infirma ac uariabilis, ut nūc diuitijs abundent, nunc premātur egestate. Quod uerò igneum, auget ea quæ à tribus his planetis portenduntur, ut uigor animi in natis ipsis maior sit, spiritus etiam uehementiores, quæ è re animi generositas atq; ingenij sublimitas quedam exoritur. Non parum etiam signi eiusdem uiribus autoritatq; situs ipse adiicit, cum ex æquo cælum omne, diem item ac noctem ingressu in ipsum Solis discriminet, unde *Lupis* à Græcis, quod de dicrum ac noctiū æqualitate inæqualitateq; iudicium ferat: hæc aut ipsa quæ à signo portenduntur, et augentur et minuuntur pro situ atq; configuratione trium harum stellarum genituræ cuiusq; tempore. Igitur cui *Aries* ascenderit, is erit ore libero, forti consilio, mentis elata, proposito inconstanti, fortuna uaria, iuuentute multa, erit imperiosus, populo charus, rerumq; publicarū studiosus, flagitiorū insecutor, fratres autem aut uix sortietur, aut si sortitus fuerit, ferè omneis efferet, propter Martis perniciosam uim: idem pro susceptis laboribus, pro collatis beneficijs uix gratiam ullā, quin potius ingratitudinē pro collata inueniet opera. Nec uerò ab re fuerit uersus hoc loco nostros ex *Vrania* repetere:

Hinc quibus effulsit nascentibus aureus Hellex
Corniger, et primo radiarint uellera cælo,
Hos animi uigor insignes, hos libera corda
Audaces reddunt effando, et recta monentes.
Imperiosa uiris maiestas, hi sua plebi
Describunt iura, et populo dominantur et urbi.
Quiq; ipsi norint parere, et ducere, et alta
Cerule excussisse iugum, atq; odisse nocenteis.
Inconstans uita tenor, ac mutabile pectus,
Elatum tamen, at cupidum rectiq; probiq;
Quod facile ingentes uersent iræq; minæq;.

Qui uerò genituræ suæ tempore *Arietem* in medio in cælo collocatū habuerit,

fuerit, propter loci ipsius maiestatem, principum ac regum aulae frequen-
 tabit, ac inter administratores rei publicae optimatesque versabitur, exque
 hoc vitae genere rem sibi familiarem comparabit, honoresque assequetur:
 nihilominus fortuna eius uaria et incostans erit, ac uita tenor non unus,
 propter signi mobilitatem. Itaque nunc amittentur ab eo parta, nunc rursus
 colligentur amissa. Erit autem et iusti et honesti appetens propter situm
 equinoctiale, ac potentibus uiris propter summum cardinem coeli; ipsius
 culmen familiaritate coniunctus. At qui geniturus est tempore Arietem in
 occasu sortitus fuerit, lucrum is sibi aquaticis est rebus, aut aquosis in locis
 comparabit, propter anguli situm humidum, cardinisque prerogatiua. Nihilo-
 minus (quoniam occasus in nocte uergit, eiusque qualitas Arietis qualitati
 aduersatur) in pericula frequentius incidet, dum in peregrinationibus uer-
 satur, ac per desertas et inculta loca iter facit, rei etiam uxoris infamia, oc-
 cultoque aliquo corporis uitio laborabit, propter inditam a Marte signo huius
 malignitatem, ac nocendi studium, cum etiam angulus hic sit mortis dator,
 ut uita est horoscopus, cui ipse opponitur, ortui enim occasus aduersatur.
 Iouis tamen benignitas cum ei succurrat, auxiliūque allatura uideatur, post
 Martis labores ac pericula, post grauissimos etiam errores, senescit tandem
 quietiorem atque feliciter promittit. In imo coelo qui signum hoc collo-
 catum habuerit, is diu multumque propter Martem peregre consistabitur,
 multaque inter peregrinandum incommoda patietur, tandem uero sedatis
 laboribus Iouis beneficio conquiescet. Genus uita eius uarium atque incon-
 stans erit adeo, ut nunc emineat, nunc deprimatur: quod ei continget pro-
 pter magnorum uirorum amicitias, quas sequetur. Vxorem ac primum filium, si
 plures ei filii nascuntur, aut efferet, aut saltem grauibz illos ualetudinibus
 pressos conqueretur. Ariete namque cardinem imum tenente, ascendit ab or-
 tu Capricornus, Saturni domus, Martisque altitudo, descendit autem ab oc-
 casu qui uxoris locus est Cancer, Martis deiectio atque triangularitas: a Sa-
 turno igitur atque a Marte cardines hos iurisdictione sua inficientibus por-
 tenduntur damna haec, cum occasus ipse et opponatur horoscopo, et imo
 quadranguletur cardini, et Libra culminans sit etiam Saturni altitudo. Nam
 quod ad liberorum ualetudinem, aut iactura attinet, Leo ab Ariete quintus
 octauum in locum, qui pernitiosus est, incidit. Si enim Arietem in ortu con-
 stitueris, liberorum locum Leo subibit. Verum in Tauri signo qua ratione
 peruestiganda multa sint, diligentius a nobis explicabitur. Itaque non solum
 stellae, quas dixi, et item aliae pro qualitate configurationis, signi naturae
 aut adiuuant, aut imbecillae reddunt, aut aliqua e parte mutant, uerum etiam
 situs ipse coeli, diuersitasque angulorum hanc ad rem plurimum conferunt.
 In hac autem tam difficili ac uaria morum euentorumque cognitione explican-

da, primum natura signi, deinde cardinis, post erraticæ stellæ, quæ signo præst, considerata est, deinceps uidendū qua in parte cœli erraticæ ipsa posita sit, quæ etiam ratione stellis alijs tum fixis, tum erraticis misceatur. Dominus quoq; genituræ, qui etiam signi dominum hospitio suo accipiat, circūspiciendus. Vidēdi etiā planetæ qui in ipso signo, aut altitudinis aut triangularitatis iurisdictionem habeant, quæ etiam ratione sint in ipsa genituræ cōfiguratione collocati. Mensura quoq; genituræ, generisq; qualitas eius qui nascitur, cum primis pensitāda, ne in ferēda de nati moribus, deq; animi, corporis ac fortunæ eius bonis fallamur sententia. Quemadmodum autē membra quædam nostri corporis Arieti addicta sunt, sic etiā orbis terrarū regiones aliquot, quæ orbis ipsius membra quasi quædam perhibentur à maioribus nostris, addicta signo huic inueniuntur. Eæ uerò iuxta Ptolemæi opinionē sunt insula Britānia, cui nūc nomen est Anglia, eaq; Oceanocingitur, qui ab ipsa Britānicus est dictus: et Gallia, cui post à Francis ē Germania erumpentibus, illamq; occupantibus factū est nomē Francia: includitur autem Oceano, Pyrenæis montibus, Rheno flumine, atque Alpibus, abluitorq; latus eius à mari Narbonensi. Addicta est item Germania, quæ hodie Alemania uocatur, utq; olim in superiorem atq; inferiorem diuidebatur, eandem nunc in altā atq; humilem partiūtur. Nec desunt qui uno nomine Teutonicos uocent. Continetur autem Rheno, Oceano, Rhetijs, ac Noricis montibus, iungiturq; Sauromatis, ac Pannonibus. Adijcitur Arieti Bastarnia quoq; quæ ad Boristhenen, atq; Axiacē fluuium, Amodocamq; paludem iacet in ea Sarmatiæ parte, quæ est in Europa. Quidam à Peuce palude omnem gentem Peucinos uocarunt. Quo autem uno ac certo nomine nunc uocetur, non ausim affirmare, propter tam multas occupationes diuersarum nationum, quæ res nouas molitæ sunt, ex quo Romanum corruit imperiū, complures tamen gentes complectitur. Syriæ quoq; pars illa, quæ inferior est, quæq; à Græcis Λαγία agnominatur, quam ē nostris fuisse qui curuam translulerint, alij qui tum concauiam, tum profundam, eaq; finitima est Arabiæ, complectiturq; Palestinam, Iudæam, Iudæam.

De Tauro. Cap. II.



Qualitates temporū de Solis præcipuè accessu ac recessu non solum mutantur inuicem, uerum etiā incrementum suū aut accipiunt, aut pro motu illius minuuntur. Motus autē ipse à cœli situ, Zodiaciq; positura has ad res adiumentū, et legem quasi quandā accipit. Quocirca cœli situs cum Sole simul anni cōstituit tempora, quæ in partibus qua-
tror,

tuor, tanquam etates quasdam diuiduntur. Vnaqueq; aut etas qualitatibus suis est praedita, eaq; hominum etati persimilis in qualitatibus. Ver adolescentie, quae humido calidoq; simul abundat plurimum. Intellegi aut uolumus ita abundare calido atq; humido, ut temperatum quidem, quod medici dicunt, uer ipsum sit, rursus autem ita temperatum, ut pedetentim tamen ab humido in calidum progreduendo dilabatur. Aestas iuuentuti, in qua calor effruescit adeo, ut siccato magna est parte humore cuncta subarescere iam incipiant. Autumnus etati prouectiori, quae uirilis dicitur, primaeq; quodammodo senectuti, cum siccitas ita excreuit, ut exhalato maxima est parte calore, ingruere frigus incipiat. Hyems ultimae ac praecipiti senectuti, quae a calore destituta, atq; a frigore occupata tota in corruptionem uergit, ingruente iam humido, quod occupato quidem sicco ultimam frigori accessionem facit, quae est re corruptio, atq; est corruptione mors sequitur, rerumq; inferiorum quaedam quasi interitio. Eadem etates, etatumq; qualitates anno insunt, quocirca cum uer sit prima anni ipsius etas, constatq; etas omnis principio, medio, et fine, hac ratione sit paulatim ab etate in etatem, deq; qualitate in qualitatem transitio. Veris igitur principium cum sit in Ariete constitutum, prima pars etatis eius humido plusculum abundabit: medium, id est pars, secunda cum in Tauro collocetur, ac medium ipsum inter principium constituatur ac finem, humido calidoq; sic afficitur, ut ab altero in alterum pedetentim abeat, crescente iam die, ac Sole in altioris caeli partem gradatim succedente. Quo fit, ut finis uerni temporis, hoc est, ultima etatis eius pars sit calidior, cum Sol ipse Geminorum signum altissimè prouectus peruagatur. Est itaq; Taurus temperatum signum, cum sit calidi atq; humidi particeps ac medius, atq; ita quidem particeps, ut finis eius in calidum longiusculè recedat ab humido. Quocirca Ptolemaeus ἡμετέριον, quod Latino nomine subcalidum dicetur, uocat, traditq; initia eius, ac praesertim loca Pliadibus proxima uentos cingere, itemq; terrarum motus, multamq; caliginem sursum uehere: medias uero partis plusculum humescere, ac tanquam refrigerascere, siquidem ex humefactione refrigeratio sequitur, quod experientia ipsa docet. At ultimae partes, quaeq; signi finem constituant, maxime quae Hyadibus finitima sunt, et concalescunt plusculum, et fulmina coruscationesq; prouocant, quae omnia ut consequantur necesse est, Sole magis ac magis uapores sursum effumationesq; euehente. Qua de re uapores ipsi sepius soluantur in pluias. Non raro aut pugna inter frigus caloremq; exorta, ac si tuba signum dederit, tonitrus exaudiuntur, sentiunturq; iactus fulminum per aëra, et medijs in nubibus ita coruscat, ut coelum ipsum uideatur incendi. Quodq; Taurus ipse partis habet alias quae in austrum uergunt, alias quae in septentrionem a surgunt, septentrio

nales partes sunt temperatiores, propter diei incrementū, ac septētrionā
 lis plagæ uicinia: austrinæ minus temperatæ, quin magis magisq; incō-
 positæ, ac penē dixerim seditiosæ, quod de turbulentis dicere ciuibz sole-
 mus: quippe cum in aëre motus plurimos excitent, qui tūc magis magisq;
 apparent, cū eadē loca aut insidentur ab intēperatoris naturæ erraticæ,
 aut ibidem aliā alij copulari contigerit. Signum igitur Tauri uniuersum
 ac diuisum tale est, utq; expressius naturam eius explicemus, primæ eius
 partes, quas Aegyptij tradūt octo, itemq; Ptolemæus, quoniā Veneri ascri-
 buntur, ea portendūt in genituris quæ Veneris sunt propria, atq; co ma-
 gis si stella eius ibidē inuēta fuerit, intueaturūe propitio ē loco, aut si fue-
 rit in figura feliciter collocata, ac genituræ domina. Sunt aut partes ipse
 humidulæ, indeq; genitales ac multæ sobolis: eadem ad coitum inuitant,
 et quidem uenalem atq; opprobriosum, ut per se pe cogant corpus prosti-
 tuere. In hac finium partitione faciēda alios quidē scriptores, et in ijs
 Iulium Maternū Aegyptiorum tantū numeros, alios aut à Ptolemæo pro-
 batos magis sequi uideo, quos et ipse hac in parte ita sequor, ut nihilomi-
 nus ordinem quoque ad numerum, quem Aegyptij seruant, referam.
 Quæ sequuntur partes septem, quas Aegyptij sex tantum opinantur,
 cum sint Mercurij, in horoscopo quidē collocatæ, genituræ tempore, na-
 scentium animos solertes faciunt, multaq; et intelligentes et circumspici-
 ciētēs, ad male faciendū tamen procliuēs, ipsos uerō fœdo aspectu, nec sa-
 tis fecunda prole. Semper aut finis dominus obseruandus est, uidendūq;
 an partes ipsas afficiat, illiusue fauore aut in se sū suo tueatur, quo etiā in
 statu reperiatur, pro habitu enim ac situ suo, aliarūq; stellarū configura-
 tione fines moderatur. Quæ deinceps septem partes sequūtur, quas Aeg-
 yptij octo dicunt, Iouis naturam præ se ferunt, quippe quæ in animis na-
 scentium magnitudinem quandam exuscitent, incendātq; illos ad uirtutē
 et gloriam, atq; ad actiones præclaras illas quidē ac uirō dignas. Erūt
 aut nati ipsi facundi, ac modestiæ honestatisq; studiosi, qui tamen impera-
 re alijs cupiant, cum natura ipsa impetuosos eos genuerit. Hæc aut pro si-
 tu, habitu, et cōfiguratione Iouis ipsius aut augentur, aut minuitur. Qua-
 tuor partes quæ proximæ his sunt, quas Aegyptij quinq; existimāt, quo-
 niam Saturno ascribuntur, male omnino temperationis sunt: nam et pro-
 lem nascentibus denegant, siquidē aut euiratos, aut steriles eos faciunt,
 nisi à felicibus stellis eorū malignitas cōpescatur. Afficientur autem nati,
 qui has ipsas partes horoscopantes habuerint, nō raro cōtumelijs oppro-
 brijsq; notabuntur infamia, uexabuntur laboribus, conficientur tristitia
 ac moerore, ac nihilominus delectabuntur præstigijs, uersabūtūq; in spec-
 tacularis, ac spectaculorū ludis, ministerijsq;. Quæ reliquæ sunt quatuor,

quæ

quas Aegyptijs treis esse tantum placet, Martis naturā sequuntur: nam etsi
 natorū animos neq; ignobiles reddūt, neq; à uirilitate alienos, eos tamen
 ad scelera, sacrilegia, impuritatem, impotentiam, atq; ad uim cademq; in
 ferendam cōpellunt, praesertim si à Martis etiā collocatione et statu ad
 hæc inuitabūtur. Omnino autem partes hæ infidæ atq; incōstantes sunt,
 corruptionemq; rebus inferioribus inducunt. Cum primis uerò loca Plia
 dibus coniuncta, commotiones in aëre atq; in terris excitant, nam et ful-
 mina tonitruq; et terrarū suscitare motus solent, adhæc ita corrumpūt,
 ut pestem quoq; afferant, quarum rerum Sol propinquior illis factus, au-
 tor atq; excitator est, dum terrarū cauernas ad euaporandum atq; effu-
 mandum referat calefactione sua, protrahitq; in editum quæ sunt hausta,
 ac uim Pliadibus insitam prouocat, prouocandoq; adminiculatur. Quo-
 circa coniunctiones planetarum, quas his in locis fieri contigerit, probè
 notandæ sunt, tunc enim effectiones ipsæ locorū ac finium manifestiores
 apparebunt. Etenim licet Sol rerum earum omnium quæ in aëre, aquis,
 ac terris fiunt, excitator et autor sit, ut dixi, nihilominus tum erraticæ,
 tum fixæ stellæ uires illi suas adiungunt, neq; enim frustra in cælo sunt
 repositæ. Quod etiam loca ipsa possint, dubium nō est, quæ quidem cū So-
 le simul æstatem, hyemem, uer, autumnumq; moderantur. Coniunctionum
 quoq; effectus, efficaxq; illarū opera pro signorum ac locorū cæli diuer-
 sitate uariant. Quocirca nec Soli, nec anni temporibus cōmotiones hæ sic
 attribuendæ sunt, ut nō etiam signa partesq; signorū, fixæ item stellæ cō-
 siderandæ sint. Oriri etiam signum hoc à posterioribus uolunt, obuersis
 in Geminos capite ac cornibus: quod idco traditum est, quia cū Tauri ro-
 bur in collo, capite, ac cornibus iam maius existat, calor qui excrecere cū
 primo Tauri exortu manifestius coeperat, ubi ad capitis partes Sol per-
 uenerit, longè feruentior appareat, feriatq; subiecta loca radijs suis, quæ
 atrocitate percutere Taurus cornibus cōsueuit. Quia uerò Taurinæ trian-
 gularitati Venus Lunaq; dominatur, cū primisq; nocturnis in genituris
 Luna potestatem suam exerceat, inspiciendus est syderis utriusque sta-
 tus configuratioq; hospitatores item, hoc est, domini signorum in quibus
 Luna Venusq; inueniuntur. Siquidem hæ ipsa quæ à signo portēduntur,
 et augebuntur, et minuentur, pro situ atq; configuratione utriusq; stel-
 læ, cum alterius, hoc est, Veneris Taurus domicilium sit, alterius altitudo,
 utriusq; uerò triangularitas, quæ ab ipso Tauro dominatur. Quæ autem
 hac in parte à nobis obseruanda præcipiuntur, eadem in unoquoq; signa
 similiter inspicienda præcipimus. Igitur qui Taurum ascendentem habue-
 rit in genitura, cum terreste id signum sit, delectabitur, agricultura, in-
 sitione, hortis, ac rerū raris studio capietur. Nam cum à Venere ingene-
 retur

retur in animis nascentium delectatio ac uoluptas, excitabitur ea è re studium, studijq; oblectatio ea, quam signum ipsum significauerit: à Taurus autem, cui Venus ipsa præsidet, significatur res quæ in agris exercentur; quæ obrem pro natura tum Veneris, tum signi, qui hoc habuerint in ascendente cœli cardine, dum in lucem ueniunt, colendi ruris studiis delectabuntur, colendi quoq; atq; exornandi corporis uoluptate tenebuntur, eruntq; nitidi, elegantes, munda, sequentur amores, dabunt operam musicæ, cantibus, choreis, conuiuijs, uersabunturq; inter pigmenta et odores. Quando aut signum ipsum solidum est, pro signi etiam natura futuri sunt firmo animo, constanti proposito, minimeq; uarianti consilio. Quia uero, quod dictum est, Lunæ ac Veneris stellæ Taurinæ præsumunt triangularitati, ubi hæ stellæ feliciter collocatæ in genitura fuerint, non augebunt modò quæ diximus animorum studia, applicationesq; præsertim ubi nocturna genitura fuerit, siquidem triangularitas hæc fœminina est atq; nocturna, uerum etiam natos ipsos prouehent ad honores atque insignia, præponunt illos templis, præficient sacris, sacrorumq; ornamentorum custodiæ, insignibusq; infulis, coronis, purpura, ut in ijs præcipue quæ ad religionem ac deorum cultum pertinent, uiuant maxime honorati, atq; à populis culti. Quia uero signa ipsa quatuor in cœli cardinibus, propter cardinum ipsorum prærogatiuam uires præcipue suas exercent, cui Taurus quidem horoscopa uerit, is initio uitæ multis laboribus afficietur, quodq; in prima etate sibi comparauerit, facile post amittet, idq; deinde aut recuperabit, aut maiori cum lucro, fortunarumq; incremento cõpensabit, tandemq; fortunam propitiam sentiet, prostratis atque attritis aduersariorum uiribus. Cui autem cuninauerit, is publicis in muneribus sese exercebit, aut in templis, seu templorum rebus administrandis, unde rem sibi familiarem comparabit: uxorem ducet aut ignobili genere, aut etate iam prouecta, quæq; aut uidua sit, aut ab alio cognita, ut omnino matrimonium non sit futurum absque infamia: honorabitur autem atq; digniorem in gradu promouebitur uel à rege, uel à principe ciuitatis, aut qui maximis sit facultatibus præditus. Qui Taurum habuerit in occasu, laborabit aduersariorum multitudine, quos ipse tandem uidebit uario malorum genere oppressos, in amores, resq; Veneris admodum procliuius erit, inciduntq; in eius oculis titillationes amatorie, quibus in amorem rapiatur, nec sine nota quadam sui nominis. In ijs autem quæ ad patrimonium spectant, uaria utetur fortuna, ut nunc quod sibi comparauerit, amittat, nunc amissum rursus compenset. Qui uero Taurum in imo cœlo positum nascentis habuerit, ut in Vrania diximus,

Ille inter proceres, atq; intra limina regum

Versatus,

*Verfatus, longaq; fide fpectatus in aula,
Magnarum curas rerum ac molimina magna
Sufcipiet, credentur opes, credetur & ample
Summa domus, claris & famam extendet in aelis.*

*Quin ad ultimā quoq; feneftrum perueniet, fi illud etiā accefferit, ut in
hora natali geniturae dominus bene fit feliciterq; collocatus, ac non folū
in primarijs configurationis locis, uerū in figno finibusq; fuis pofitus,
quiq; conditionem propriam fic retineat, ut quod uitae fpatium promiferit,
implere omnino ualeat. Quare aut, quoq; modo haec fiant, femel à nobis
dicendum eft, ut de hac ipfa Tauri collocatione in orientis coeli cardine ge
niturae alicuius tempore exemplo fumpto, facile fit in conftitutione figno
rum ceterorum pro cardinum pofitura iudicare, deq; illorum fignifica
tionibus ferre fententiam. De cardinum aut ipforum poteftate ac prae
rogatiua, quae & quanta ea fit, à nobis ante dictum eft.*

*Horofcopante igitur Tauro, coeli culmen ab Aquario, occafus à Scor
pio, imū à Leone occupatur. Tres hi cardines fignificationes fuas Tauri
fignificationibus commifcent. Erunt autem fignificationes ipfæ tum pro
natura fignorum atq; cardinum, tum pro qualitate ftellarum, quæ fignis
ipfis in cardinibus conftitutis dominantur, hoc eft, quorum domicilia alti
tudines ue, aut etiā triangularitates fuerint, hæc enim omnia fignificatio
nibus ipfis pro uirili quæq; fua multū conferūt. Quo fit, ut penfitate com
mifcenda fint omnia, quæ tamen & minuuntur et augentur pro fitu atq;
irradiatione ftellarum erraticarum illis præfidentium, proq; pofitura et
configuratione aliarum etiam erraticarum ad ipfa loca, atq; etiam inter
fefe. Sed nec fines ipfi in quibus cardines partiliter reperi fuerint, nec itē
stellæ fixæ ibidem collocatæ non multum etiam momenti habebunt ad fi
gnificationes ipfas aut implendas, aut minuendas. Igitur Tauri fignū cum
fit fuaapte natura laboriofum (quod agriorū ftudium ab eo nafcentium ani
mis inditum fignificat, neq; enim temerè hoc ipfum nomen, fed ab effectio
ne ipfa maiores noftri indidere, cum taurorum, hoc eft, bouum fit terram
inuertere, folaq; trahendo aratro refcindere) portendit nato uitam labo
riofam & grauem quadam cum continuatione, quando folidum ac ftabi
le fignū eft. Quia uerò Venus ei præfidet, Lunaq; in eo altitudine, utraq;
autem triangularitatis ius habet, fignum ipfum ab utraq; ftella mutuabi
tur, quod quidem utriusq; ipfarum eft peculiare. Itaq; natus ipfe ob Vene
ris beneficentiam multa fibi comparabit, auxiliante etiam Luna, quæ na
fcentibus agilitatem largitur ad peragenda negocia, cū labore tamen pro
pter horofcopantis figni naturam. Idem hic in prima etate parta amittet
tum propter Lunæ mobilitatem atq; incoftantiam, tum propter Aquariū
culminantem;*

culminantem: cum enim sit Saturni hospitium, horoscopus inficit suo. id est, Saturnino liuore ac malignitate, idque eo magis, quod Taurus frigida siccatque copactionis est, cui natura Saturnus preest. Adhuc Venus moerere putatur in Aquario, decidit enim in Piscibus, in quibus est sua Veneris ipsius altitudo. Quoniam autem Saturnus post primi cursus sui confectum spatium mitigatur, Venusque a benefica, id est, sua natura nunquam recedit, quod primo comparatum cum labore, inde cum dolore amissum fuerat, id demum non modo recuperabitur cum uoluptate, uerum etiam cumulabitur magno cum incremento atque compendio. Aquarius in medio celo collocatus faciet natum ipsum cum potentibus et magnis uiris, atque in publicis actibus negotijsque uersari. Etenim cum Aquarius humanum sit signum, et cardo ipse medius celi sit summus, indicetque hominum actiones, stellaque Saturni omnium erraticarum existat suprema, nimirum sit significatio nati consuetudinem futuram cum primarijs uiris, quique maxima potestate fungantur, cum quibus etiam amicitiam coniunget ac familiaritatem. Versabitur autem in publicis ac notis actibus, tum propter praesentiam cardinis, qui actus hominum, exercitationesque decernit, tum propter Mercurium, qui cum Saturno simul praestit huic triangularitati. Quodque Saturnus ipse aquis praesentim marinis praesidet, aquaticis in negotijs, aut quae in aquis, aquaticisque secundum loca exercetur, occupabitur. Quinetiam quod Saturni stella infidelis est, multumque laboriosa (quae enim praestat, cum labore praestat: atque ubi praestitit, non satis constanter tuetur) natus ipse fortunarum ac facultatum suarum nunc incrementum sentiet, nunc iacturam. Laborabit etiam inuidia et accusationibus propter Saturni stellam, cuius naturam signum ipsum sequitur, cum humanum sit, accusationes autem ipsae potissimum ab inuidia proficiuntur. Quod autem in domorum constitutionibus ante dictum est, septimus locus, id est, occasus cum uxori tribuatur, Scorpius ibidem constitutus in alicuius genitura, cum sit Martis domicilium, atque est Martis triangularitate, uxorem efferendam portendit nato illi, in cuius genitura occasum tenuerit, aut si mulier fuerit, uirum. Propter Martis quoque peruersam naturam, et propter locum qui horoscopo aduersatur, contentiones minatur ac lites, procuraciones tamen promittit et acumen ac solertiam in illis exercendis. Leo uero quarto de loco, qui locus est domestici census, patrimonijque significator, portendit natum ipsum ingenij uiribus, suoque labore patrimonium sibi comparaturum, domesticamque substantiam. Etenim Leo laboriosum signum est, neque Leonis nomen signum hoc accepit a generositate tantum, uerum etiam a labore querendi pastus: ex eoque non temere dictum est a nobis in Vrania: Spelunca fremit in magna, dominatur in alijs

Montibus, Acthiopumq; tremunt deserta Leonem,

Querendo tamen insudat per devia pastu.

Cum autem sit Solis domicilium, sintq; Sol & Iupiter eiusdem triangulatores, utriusq; stellæ beneficio cõparatio bene ampli patrimonij, multarumq; etiam facultatũ collectio denunciatur. Eæq; facultates propter signi naturam solidam ac constantem erunt admodum stabiles, atq; apud eum firmiter permansuræ.

Ne autem Arieti qui signiferi principatum obtinet, iniuriam fecisse uideamur, non erit nobis molestum de cardinali eius configuratione, deq; totius figuræ cardinũ significationibus causas rationesq; afferre, ut ad Arietis Tauriq; imaginẽ atq; exemplum de ceterorũ signorũ cardinali in genituris positione, rerũ harum studiosus qui fuerit, sciẽter nõ minus quàm diligenter sententiam ferre queat. Quid autem, et quam ob causam Aries in horoscopo positus decernat, paulò est ante dictum. Quia uerò eonascente Capricornus coelo in medio culminat, estq; signum mobile, aridæ frigideq; compaginis, atq; fœmineũ, domiciliũ Saturni, altitudo Martis, triangularitas Lunæ ac Veneris, natorũ ipsorum animis ad ea quæ Aries induit, fermentationem quoq; suam adiunget. Quocirca quia signũ hoc est etiam tropicũ, quia culminas, natus ipse futurus est gloriæ appetẽtiõr, quam etiã assequetur tũ Saturni præsidio, qui est signi dominus, ac Martis, qui habet in eo altitudinẽ, tum etiam Veneris ac Lunæ beneficio, quæ triangularitati præsumt, atque eo magis si hæc bene in coelo collocatæ fuerint, unde negotijs etiã quibusdam præficietur, è quibus gloriam sibi cõparabit, domesticamq; supellestem, multisq; etiã alimenta exhibebit. Unde huic nato Saturnus studium priscarum maximeq; reconditarum rerum naturæ cognoscendarum propter Capricorni domiciliũ. Mars ad gloriam adhibebit stimulos propter altitudinem. Luna conferet ingenij agilitatem propter triangularitatem. Venus item fauorem suum cum has ad res omnes pollicetur, tum etiam ad mysteria religionũ cognoscenda, cum ex omni parte benefica sit. Quibus etiã è rebus simul cõiunctis efficitur, ut natus is futurus sit graui consilio, solerti ingenio, mente peruestigatẽ, generoso animo, uoluntate integra, nonnihil tamen inconstanti propter signi naturã: demũ ijs erit animi dotibus præditus, eaq; autoritate, ut rebus plurimis nõ modò cõmodus, uerũ etiã necessarius iudicetur. Quocirca magnas etiã res administrabit, illisq; administrandis præpositus erit. Libra occasum tenens, quia mobile signũ est, uitæ quoq; cõmutationẽ decernit. Quia uerò domus Veneris, quia Saturni altitudo, iteq; triangularitas, in qua sociũ sibi Mercurium adiunxit, quia signũ etiã uirile atq; æquinoctiale, consuetudinẽ nati ipsius futurã denũciat cũ maximis uiris, aut in

principum & regū aula, cuius tamen status facultatesq; instabiles, ac nō satis certæ futuræ sint, tum propter incōstantiam signi, tum uel maximē propter Saturni maleficā qualitatem: quippe qui nunquā illum ita prouehet, ut non post de statu deiciat, ex altoq; atq; illustri loco in humilem obsecurumq; deturbet, cum sit stella hæc ueneno quasi quodam liuoris intincta, ut quod boni collocatum a se fuerit, non patiatu[r] consistere. Quocirca & contentiosas lites aliquando mouebit, & in re uxoria molestias ac tristitiā afferet propter cœli sitiū. A Cancro imum cœli cardinem tenente, cum sit signū etiam tropicum, Lunæ domus, altitudo louis, triangularitas Martis, in qua Lunam ac Venerem sibi socias assumpsit, promittuntur nato honores, honorūq; ac uitæ ornamenta, nominis item claritas, & magistratū ac dignitatū insignia, unde sibi rem familiarem, fortasse etiā ē templis ac deorum redditibus cōparabit. Affines tamen quosdā aduersanteis sibi experietur: neq; enim Martis turbulentior uis potest ita conquiescere, ut non intemperatus eius impetus alicunde prorūpat. Hæc igitur singulatim in uniuersumq; cōsideranti, & undecunq; signorū, cardinalium, locorum, atq; erraticarū uires naturasq; pensitanti, simulq; commiscenti facile fuerit, aut certē non omnino difficile, denunciare quid in genituris signum quodq; in ortu, occasu, medio, aut imo positum, aut promittat boni, aut minuetur aduersi. Cum primis autem inspiciendū est, quo in loco signorū ipsorum domini, triangularatoresq; quiq; altitudines in signis habent, constituti sint, quo etiam ē loco respiciat, status quoq; atq; cōditio nes singularum erraticarū, fines item ac finū domini diligenter colligendi atq; obseruandi, partes quoq; corporis quibus præsunt, & item rerum equalitates nequaquam negligendæ, domini quoq; genituræ, qui etiā hospitatores & quales, quiq; eorum etiam status: ut cognitis primum significationibus uniuscuiusq; post in unam tanquam massam permixtis redactisq; tandem penso adhibito illas temperet, temperatasq; simul concinet. Cum primis tamē nati qualitas ac patriæ, parentū, generisq; cōditio consideranda est: neq; enim ex agro macilento atq; infecundo ea prouenire fertilitas potest, quæ ē fecundo et pingui solo. Quocirca patriæ ipsius generisq; mensura in utranq; partem ad ea quæ à cœlo stellisq; decernuntur, accommodanda est.

His autem in hunc modum explicatis ad Taurum redeamus, cui ut in hominū corporatura collum ceruixq; addicuntur, sic ē terrarū regionibus tanquam membra quædam addictæ sunt Parthia, Media, Persis, Cyclades, Cyprus. Pertinet autem Media à septentrione ad mare Caspium, quod & Hyrcanum dicitur, ab occasu Solis maiori Armenia, atq; Assyriæ iungitur, ab ortu Hyrcaniæ, à meridie Persidi, quæ & ipsa Tauro subiecta

subiecta est, adheretq; ab occasu Susiane, ab ortu Carmanie, à meridie mari abluitur, quod Persicū dicitur. Parthia uerò ab occasu Medie ipsius partem attingit, à septentrione Hyrcaniā, ab ortu Ariam, à meridie deserta Carmanie. Cyclades quoq; insulas, Cyprum item notissimam insulam Taurus sibi uendicat, Asiaq; minoris oram omnem maritimā, quæ Græcè *Ἰωνία* dicta est, eaq; abluitur ab occasu Solis Propontide, Hellesponto, Aegeo atq; Icario mari. Asia uerò ipsa minor cōtinet Mysiam, Troadem, Phrygiam, Ioniam, Lydiam, quæq; Meonia dicta est, et Cariam, ab ortuq; annexitur Lyciæ, atq; huic quoq; à meridie ac Pamphylie, à septentrione Bithyniæ: à Græcis hodie *Natolia* uocatur omnis ille tractus, à nostris Turcia, quod à Turcis occupata diutius fuerit, antequam ij Constantinopoli potiti sint.

De Geminis.

Cap. III.



Voniam Geminorū tractus ad punctū usq; Solstitiale sese extendit, necesse est Solem per tractū hunc euagantem uehementioribus radiorum uiribus ad calfaciendū uti, imminuto præsertim humore, qui in prima Veris parte multus erat. Cū enim Ver sit in initio humidius, ac satis calidiū, propter Solis progressionē ad æstiuū Solstitium, humiditas illa pedetentim minuitur calore superante: quo fit, ut Geminorū signū sit quodāmodo temperatū exhausta magna ē parte humidi exuperantia, calore autem sic adaucto, ut nullo tamen pacto eripiat æstati quod suum ac propriū minus est. Quocirca tametsi Veris pars ultima in calorē omnino uergit, æstuosior tamen ac torrentior illa caloris uis æstati relinquitur, quæ ē re dicta est æstas. Atq; hinc efficitur, ut ueris pars ultima suapte natura temperatior sit, licet, ut dictū est, in calorē magis uergat, humore diminuto. Nihilominus cum signū hoc humidū perhibeatur ac calidiū, Solq; ad æstiuum punctū properet, euehatq; in aëra uapores plurimos ac uehementer crassos, accidiūt etiam hoc tempore nonnullæ quidem pluuiæ, licet rariores, tamen uehementiusculæ, nimbiq; interdū etiam procellosi. Itaq; maiores nostri quamuis uniuersim dixerint signū hoc temperatū, ita tamen totum distinxere, ut primā eius partem humectā, procliuēq; in corruptionem existimarent, mediā temperatā, ultimā uariam atq; instantē, propter Solis potentiorē uim protrahendis in editiū uaporibus, quæ ē protractione generantur in cælo pluuiæ, nō modò repentinæ, uerū etiam procellose, grandine nonnunquā ac uentis mixtæ, quorum quidem omnium cæli situs, ac Sol ipse autores sunt. Non parum etiam cum stellarū fixarū, tum erraticarū status ad hoc ipsum cōferunt, quando in ijs etiam

que in agris cōtingūt, ad remq; pertinēt rusticā, nec Sol, nec cœli ipsius aut terrarum situs ita præstant omnia, ut non humana etiam industria, laborq; hominum plurimum illis conferat, quod experientia ipsa monstrat quodidie, arando, fodiendo, stercorādo, irrigando, quæq; alia humana adinuenit industria faciendo, multo cum sudore et cura, ut nec Soli, nec situi, quamuis ab illis manent omnia, cuncta sint penitus referenda, cum stellarum fixarum actiones non parum etiam conferant. Quæ uerò partes in boream eriguntur, et uentos, ac terrarum motum excitare consueverunt: quæ in austrum uergunt, siccitatem et aestum: tametsi et in hoc ipso et in cæteris itē signis, ut ea quæ de partium qualitibus à Ptolemæo alijsq; disciplinæ huius scriptoribus tradiuntur, quòd scilicet primæ cuiusq; signi partes sint unius naturæ, reliquæ uerò duæ dissimilis ac diuersæ: sic partes illas, quæ ad austrum aut septentrionem pertinent, arbitror longe plurimum uariare, aliterq; partibus ipsas se habere in regionibus sub arcum, atq; in septentrionē positis, aliter austrum uersus ac sub meridiē. Neq; enim Sol cunctis in regionibus eadem radiorum potestate ipsedemq; uiribus utitur, eodemq; illo tempore, mouendis in aëre qualitibus, cum non omnium regionum idem situs, eademq; sit ratio. Atq; ut semel quidem dicam quod sentio, nō modò pauca quædā, uerum etiā permulta ab Aegyptijs Chaldeisq; autoribus ex obseruatione cœli ac plagæ illius sunt tradita, quæ post à Græcis Latinisq; scriptoribus accepta et probata: terris tamen nostris potissimumq; in septentrionem uergentibus parum consentiunt, tum excitandis uentis ac tremotibus, tum hymbribus diffundendis aut niuib; cum maximè differant tractus ipsi situsq; regionū, neq; Solis ipsius eadem sit ubiq; irradiatio. Adhæc partes signorum in austrum, septentrionemue promotæ quid ad Solem? cū Sol per signiferi orbis tractum medium feratur: ni forte stellæ illis in partibus collocatæ et fixæ uel ad calorem augendum conferant aliquid propinquitate sua, uel ad pluuias inducendas: quod profectò perleue nescio quid uideatur. Neq; enim quod in Aethiopia aut Arabia ex illa fixarum propinquitate contingit, id etiam usueniet in Germania, aut Britānia: nec quod in Germania, id etiam in Garamātib; et Nasamonib;. Quæ enim ratione in Italia, nedū in Britānia possunt Aquarij partes urere, ut Ptolemæo placet, in septentrionem spectantes, cū quæ in austrum uergunt, niues maximas eodem ipso autore moliantur, quo quidem tempore Sol partibus ijs Aquarij tum austrinis tum septentrionalibus non multis post brumæ diebus æquè propinquet. Quæ igitur prouenire inde calefactio, ne dicā urēdi maior uis potest? Quod si hæc à Ptolemæo dicuntur oberraticas stellas in eas partes latius breuiusue promotas ac diuagatione sua cuiusq; digredientes, parum quidem propriè dictū uidetur.

uidetur eas urere, siue de Mercurio dicatur, siue de Marte, cum aeris adu-
fio, ac maior illa calefactio ad Solem referenda sit, non ad erraticas. Nam
Saturnus calorem reprimit, idq; ipsum sponte sua præstat Luna, lupiter
uerò potius temperat. Hæc igitur hoc præsertim in loco atq; in hunc mo-
dum ita dicta sint à nobis, ut alijs etiam locis opportunè accommodetur.
Illud tamen non inficiabimur, erraticas stellas, ubi in ea loca delatæ fue-
rint, & calefieri & humefieri & refrigerescere, magis minusue supra na-
turam propriam partibus ab illis posse, ac præsertim Lunæ, quæ signifi-
latitudinem omnem liberè magis peruagatur, fixas uerò illic collocatas
santū quidem pollere, ut quàm ratio temporis, quàm regionis uis plus ua-
leat, uel ad calorem excitandū, uel ad frigus, mihi quidem consentaneum
parum omnino uidetur, quādo rebus his inferioribus uariandis situs ipse
regionum plurimum confert, neq; uarietas ubiq; terrarum cæli uarietati
uel omnino cōsentiat, uel penitus aduersetur, ac per sepe longinquis è ter-
ris uapores plurimi à uentis conuehantur, qui qua in regione cōsederint,
illic repentè tempestates excitent, easq; præter temporis ac regionis natu-
ram intemperatores. Est igitur Geminorum signū huiusmodi. Fines autē
signi ipsius naturas has referunt in genituris. Primi namq; septem Mercu-
riales sunt, ac propterea natum ipsum ad studia rerū earum, quæ Mercu-
rio ascribuntur, alliciunt, ad scientiam, ad actiones, ad exercenda nego-
tia. Erit itaq; natus ipse solers, atq; in tractandis negotijs artificiosus ac uer-
satilis, moribus etiam temperatis ac tranquillis, & ad suscipiendam pro-
lem abunde aptus. Qui sequūtur statim fines numero septem cū Iouis sint
addicti, natum ipsum modestum ac temperantem reddent, beneficū, bo-
næq; institutionis, secundū, quiq; in athleticis, ut Græci dicūt, certamini
bus uersetur: nec uerò poëtæ temerè finxerunt Castorem ac Pollucem Io-
uis filios, à quibus signum ipsum nomē accepit, equestri pugillariq; certa-
mine tantopere ualuisse. Tertijs loci fines numero etiam septem, qui Vene-
ri ascribuntur, præstabunt natum ipsum in cuius genitura horoscopaue-
rint, stud ipsum musicæ, elegantie, poëticæ, pigmentariæ, odorū, rerumq;
earum quæ uoluptatem afferant, quæq; ingenerent in animo letitiam ac
iocunditatem. Hæc lenuq; signi huius fines genitales admodū prolificosq;
tradiderunt. Nam & signum humanum est, & item calidi humidiq; tem-
peramenti, & finitū domini sunt etiam fecundi. Quatuor qui subsequū-
tur fines, Saturnoq; ascribuntur, natum efficiunt moderatū, intelligentē,
notum, prudentem, resq; sibi commissas egregiè dispensantem, quiq; ma-
gnitudine animi, ac gerendis rebus præstet. Hæc autē co maiora sunt futu-
ra, si Saturnus triangulator cum Mercurio socio, ac signi domino feliciter
collocatus fuerit genitura tempore. Cum enim Mercurius præsit ratio-
ni,

ni, Saturnus consilio ac cogitationi, bene uterq; collocatus hoc ipso præsertim signo horoscopante, nati animum ad rerum naturæ cognitionem, ad sapientiam, bonarumq; artium institutionem, solertemq; negotiorum administrationem, unde clarus euadet, inuitabunt. Qui reliqui sunt fines: quinq; quod Marti addicuntur, maleficam & ipsi Martis naturā in animo ac uita nati representant, quem & fratribus orbabūt, & laboribus multis, molestijsq; constituent, curas animo difficillimas afferēt, prolem uix annuent. Erit aut natus ipse atrox, acerbis, contentiosus, immitis, qui tamen abundet re familiari, gaudeatq; peregrinationibus, ac locorū mutationibus, multisq; negotijs sese libeter implicet, cū stella Martis tū natura sua, tū suffragio Mercurialis signi multo etiā prōptius hæc sit præstitura. De numero autem finium signi huius, deq; eorum etiam dominorū ordine Aegyptij aliter sentiunt. Siquidem Mercurij fines primo loco sex tantum esse uolunt, totidemq; secundo loco Iouis, tertio autem Veneris quinque non amplius: at quarti loci fines numero etiam septem Marti dedicant, reliquos uero quinti atque ultimi loci Saturno, eosq; sex esse contendunt. In quorum itaq; genituris Gemini ascenderint, ij erunt intelligendis perscrutandisq; naturæ rebus apti, curiosi, facundi, poetici, numerorum, literarum, ac disciplinarum studiosi, exercebunt mercaturas, implicabuntur negotijs, remq; familiarem prudenter administrabunt, eruntq; prudentes dispensatores, & honesti boniq; æqui iudices, delectabuntur interpretationibus, ac perscrutationibus rerum occultarum, præsertim si Mercurius fuerit artium ac magisterij dator. Itaque ut in Vrania diximus,

Hirerum occultas causas, arcanaq; sacra

Rimantur, uerbisq; modos, & carmina neruis

Adiungunt, pretio aut capti fora multa frequentant.

Aut uetrum monumenta docent, & scripta uirorum,

Aut operam impendunt linguæ interprete cura,

Et decus & quicquid monstrat sapientia, norunt

Coelestes Gemini concordæ fœdere iuncti.

Quocirca cui ascenderint in genitura, is in primo uitæ suæ tirocinio laboribus non parum fatigabitur, non tamen ut ei ad uictum desint necessaria, insituetur bonis artibus, in quibus ingenij sui uires exercebit. Nam & Mercurius signi dominus rationi præest, & Saturnus cum eodem triangulator ingenium acuit, impellitq; ad cognoscenda rerū naturæ occulta. Signum etiam ipsum cum humanum sit, rationem quæ propria est hominis, ut sequatur, cōpellit. Quibus è rebus efficitur, ut natus ipse ad ea quæ rationis atq; ingenij sunt, animum applicaturus sit, ac nō sine labore molestijsq;

bestijsq; Nam & Saturni stella laboriosa est, & Mercurius nati animum
 primamq; adolescentiam, cui præstata exercebit, ut quiescere illum uix
 patiatur. Versabitur atq; cum præstantibus uiris, cum quibus amicitiam
 seruabit, atq; hoc pacto censum sibi remq; familiarem cõparabit. Quodq;
 signum hoc, quod alij commune, ut dictum est, ad duplex, alij bicorporum
 uocauere, inter Veris finem æstatisq; principium constitutum est, atq; hanc
 ob causam communitatem quandam utriusq; temporis retinet, accirco na-
 ti etiam animus & in agendo & in cõsultando mediocritatẽ quog; retine-
 bit: neq; enim aut statim de proposito dimouebitur, ut leuis appareat, aut
 in illo ita obdurabit, ut pertinaciæ accusari debeat. Idem Gemini in quo-
 rum genitura cœlicacumen possederint, eorum animos propter suam do-
 miniq; naturam multarũ artium ac disciplinarum studiosos facient, quip-
 pe qui admodum docti euasuri sint, rerumq; abditarum naturæ magnope-
 re periti. Quam ad rem Saturni quoq; stella multum conferet, quæ trian-
 gulo signi huius præposita est cum ipso Mercurio simul, quam ob rem na-
 tus ipse magnã sibi docendi atq; instituendi auctoritatem procedente ætate,
 atq; in ipsa senectute uendicabit. Ex his autem aut è publicis administra-
 tionibus uita sibi præsidia comparabit propter cardinis maiestatem, aut
 fortè è templorum aut sacrarũ rerum prouentibus, suffragante etiam Vir-
 gine ab horoscopo, quod signum naturaliter religiosum est, multarumq;
 disciplinarum scium, eiusdemq; Mercurij hospitium. Geminis occasum te-
 uentibus, qui in lucem ueniunt, futuri sunt ingeniosi, solertes, eruditi, quiq;
 alios etiam erudiant, scribe atq; à secretis ministri, secretarumq; litera-
 rum interpretes, quod Mercurij stella præstabit: erunt etiam rerum cœle-
 stium periti, aut sacrorũ præfeti, antistitesq; quam ad rem Saturnus trian-
 gularitatis dominus ac socius operam quoq; suam impendet, præstabitq;
 ut iidem ipsi dolores atq; ærumnas exquisitè ferant, ut similitates odiaq;
 dissimulent, ut iustitiam colant, & in senectute sua rem familiarem uberem
 atq; amplam possideant, ut filios quoq; ac nepotes suscipiãt. Vbi uerò imũ
 cœli cardinem Gemini occupabũt, qui tunc nascentur, multis in uita ægri-
 tudinibus, multis etiam doloribus ærumnisq; opprimantur, laborabunt
 occulto aliquo corporis uitio, patrimonia resq; partas amittent: quæ ma-
 la Saturni nocens astrum inferet, præsertim ubi nocturna genitura fuerit:
 pest uerò mutata fortuna, diuitias sibi multas acquirant, multa etiam com-
 pendia quasi ex improviso eis offerentur. Senes tandem peregre, ac for-
 tasse repente morientur, præterquam si, ut Iulius Maternus tradit, genitu-
 ræ dominus felici sua collocatione hoc ipsum prohibuerit. Subijciuntur
 autem Geminis regiones hæ: Armenia, quæ à septentrione iungitur Col-
 chidi, Hiberiæ, atque Aibaniæ, à Solis occasu Cappadociæ, ab ortu Hyr-

eano abluitur mari, inheretq; Mediæ, à meridie Mesopotamiæ atq; Assyrie. Hyrcania, quæ à septentrione non exigua parte Casspio mari abluitur, quæ è re Hyrcanum quoque agnominatum est, annectiturq; Mediæ ab occasu, à meridie Parthiæ, ab exortu Margianæ, quam uideo uocatâ etiam *Plantianam*. Hec ipsa Margiana Geminis quoq; attribuitur, estq; ab occasu Hyrcaniæ finitima, à septentrione Scythiæ, à meridie Ariæ, ab exortu Battrianæ: duxit aut nomen à Margo fluuiio, qui illam penè mediam secat è Sariphis defluens montibus, Oxog; immixtus in Hyrcanum influit: clauditur aut ferè continuatis montibus, præterquàm ab ea parte quæ mare abluit. Nec uerò quissiam miretur, quòd hac in explicatione, regionum etiam fines tradamus. Id enim cōsilio facimus, quòd cum nequeamus subiectorum locorū noua nomina certis limitibus conscribere, finibus illa complectimur iisdem quibus maiores nostri ea describere. Cyrenaica quoque, ac Marmarica, Aegyptusq; inferior Geminis addicte sunt. Finitur autem Cyrenaica ab occasu Syrti maiore ac Philenorum aris, à septentrione Libyco mari, quod et Punicū uocatur, ab ortu Solis Marmarica, à meridie Libyæ desertis locis. Ipsa uerò Marmarica cum Aegypto, cuius ipsa pars est, ab occasu Cyrenaicæ coniungitur, à septentrione Aegyptiaco mari abluitur, ab oriente Iudææ, atq; Arabiæ Petrææ, à septentrione uerò Aethiopiam pertingit.

De Cancro. Cap. IIII.



Rimū Cancris punctū, quòd postquam Sol eo loci peruenit, nō habeat quo septentrionē uersus progrediatur ulterius, sed cursum potius suū in austrū conuertat, uocatum est Græcè *ῥοιζιζόν*, à conuersione, à qua efficitur, ut dies ex eo puncto decrescere, è cōtrario augescere nox incipiat. Quodq; per aliquot dieculas detrimentū ipsum lucis uix appareat, tanquā Sol ipse sistat, tēpus illud appellatū est Solstitiū, et Cancrisignum tum Græco nomine *ῥοιζιζόν* tum Latino Solstitiale dictū est. Soligitur ubi eò profectus fuerit, ex editissima illa mundi specula, ac tanquā ex arce quadā relictissimos radios, maximeq; uehementes in caput nostrū proijcit, quæ è re feruentissimi calores excitati aërem accendūt, sitq; in regionibus præsertim septentrionalibus maxima uaporū in aërem euectio. Quapropter repētime pluuiæ, hymbresq; procellosi ex eo tempore incipiūt, quas etiam ab hac ipsa cōuersione hodie Tropæas peruulgatè dicimus, easq; flatu ipsi septentrionales in Italiā impellūt magno et procelloso impetu. Nihilominus signū ipsum serenū apparebit, si in uniuersum naturam eius considerabimur: fluunt enim ex eo propter Solis radios quàm relictissimos calo-

calores ingētissimi, quinetiā si particulatim illud metiemur, quā prae sepe
 suū est, ex ea regione exfluere cōlū uidetur, et aer ipse ita torrens, ut pe-
 nē exanimetur animalia, ac nonnunquā terrarum etiā motus clicantur,
 quod nuper quidem accidit. Efficitur etiam ut aer ipse caliget de nimia su-
 migatione, aridisq; aspirationibus ex interiore Soli tractu ui caloris eue-
 ctis. Ac tamen si partes medię temperatiores existimantur, quę tamen ul-
 ti mę sunt, uentiosiores habentur: quę in boream, aut austrum tendunt, tor-
 rent potius quā calefaciunt. Hęc autem in hunc modum ut se habeāt ne-
 cesse est: haurit enim Sol ex altissimo ac reclusissimo cōli culmine interiorē
 terre sinū, effertq; inde aspirationes illas quas exiccato penitus humore,
 matris naturā sequi, hoc est, maximē terrestreis ac fuliginosas esse necesse
 est. Ex eoq; fit, ut caligo admodum densa tum aerem occupet, tum eam ob
 densitatem cōlū fluctet, uentiq; tandem uehementiores suscitentur, qui ter-
 restri ex aspiratione gignuntur: quę quidem, ut non se ueliam diximus,
 a Sole praeferunt, atq; a cōli situ proueniūt. Multū etiā confert terrarū
 ipsarum positura, ut hic magis quā alibi et caligo maior constet, et pro-
 cellę maiores inhorreant, quinetiā ut alibi caligo ipsa magis magisq; exu-
 sia in uētos uehementiores abeat, alibi ut madefacta aut uaporibus humen-
 tioribus immixta, et tāquam infecta in hymbrem post dissoluatur, multo
 uento immixtum, siquidem Aethiopia hymbribus penē demergitur Sole
 Cancrum peragrans. Quāquam autem sunt qui alia ratione signū hoc
 partiantur, Ptolemęus tamen cōlestem Cācrum, qualem iam diximus, es-
 se perhibet. Quibus autem nascentibus Cancer horoscōpauerit, quod Lu-
 nę domus, quod Iouis altitudo, quod Martis, Veneris, ac Lunę triangu-
 lum, hi acuto erunt ingenio, compositis moribus. suauē consuetudinē, ma-
 gna seueritate: nam et uitia grauius in seclabuntur, et in improbos ac er-
 rime animaduertent: et quāquam in iram faciliē prolabuntur, propter
 Martem triangulatorem, faciliē etiā mitescunt, ira composita, propter
 Iouem ac Venerem. Publicorum quoq; munerum studiosi futuri sunt, pro-
 pter Lunam, unde censum sibi familiarem diuitiasq; acquirent. Tractabunt
 res publicas, aut regiarum rerum administratores erunt: propter naturā
 autem signi ipsi erunt inconstantes, neq; unum sequentur uitę genus, ac
 persepe aliud in ore, aliud in pectore habebunt. Delectabuntur peregrina-
 tionibus, ac libenter errabunt. Propter naturas autem erraticarum quas di-
 xi, et propter cōli situm, erunt etiam glorię cupidi, factiosi, turbulen-
 ti, et aure popularis seditionumq; studiosi, ludis etiam dediti, atq; in libi-
 dinem resq; uoluptarias procliuēs. Quibus uerō Cancer culminauerit, ijs
 ut in Vrania diximus, Felix multa cum laude senectus
 Continget, tum clarus honor praestantibus actis.

Ac ueluti lento sensim per littora passu
 Ut cāncer, tardusq; graui sub mole laborat,
 Paulatim sic diuitias, sic lentus honores
 Accumulat, donec grauidos complevit aceruos;
 Vix tamen ut gemino socundet uiscera partu.

Iulius Maternus tradit horum pueritiam atq; educationem futuram in
 locis religiosis, aut publicis, ultimumq; uitæ tempus nobilitatum iri diui-
 tijs, splendore, gloria, filiosq; aut nullos, aut unicū susceptūros, nisi Iupiter
 locū ipsum aspectu suo irradiauerit. Nos uerò existimamus etiam ea quæ
 de educatione in locis sacris, aut publicis dicuntur, à Ioue manare, cuius
 altitudo est in Cancro, et item à Venere, quæ est trianguli ipsius domina,
 cum Lunæ etiam suffragio, quæ publicis rebus putatur præesse. In occasu
 Cancer positus portendit eos qui nati tunc fuerint, maximis molestijs la-
 boraturos affinium suorum gratia, grauissima etiā pericula obituros, Mars
 enim trianguli dominus ab occasu magnam sibi ad nocendum potestatem
 assumit, propter loci naturam. Ad hæc Venus septimo in loco non satis be-
 ne collocatur, præsertim tropicis in signis, siquidem infamiam parit ob co-
 tus impuritatem. Ab imo loco, id est, subterraneo à cardine Cancer affluen-
 tiam profundit rei familiaris, dignitates, honores, titulos. Quocirca dili-
 genter inspicieñdū est si Iupiter locū ipsum aut tenuerit, aut feliciter aspe-
 xerit, ut promissorum qualitas planè iudicari possit: nihil ominis squalorem
 nescio quem ac uestitus sordem innuit, propter oppositionē Capricorni,
 cuius dominus est Saturnus, cū eius stella sordidior sit, ac tristitia cū squa-
 re afferat. Signi autem huius primi fines qui sex constant ē partibus, quo-
 nam Martis naturam sequuntur, fulmina in aëre excitant, atq; in animis
 nascentium intemperantiam: quæ re futurū est, ut temeraria peruersaq;
 sequantur consilia, motusq; inordinatos, profligentq; bona sua. Minatur
 etiam affiniū causa contentiones ac molestias. In libidinem ac flagitia præ-
 cipites ferentur, quippe qui futuri sint impuri admodum ac flagitiosi. Se-
 cundi fines qui partibus ē septem constāt, Ioui q; addicuntur, natos porten-
 dunt modestiæ, temperantiæ, probitatis, iustitiæq; cultores, magnificos,
 generosos, gloriæ atq; honoris cupidos, quiq; regios mores præseferant,
 artisq; sequantur imperatorias. Eadem partes natos ipsos ad omnem pro-
 bitatem atq; ad bonas artes inuitant. Tertijs fines septem ē partibus consti-
 tuti, quia Mercurio adscribuntur, natos indicant populares, diligentes, so-
 lertes, rapaces, publicorum bonorum directores, publicanos, opulentos, mul-
 taq; cum re familiari. Quarti fines, qui septem constituuntur ē partibus,
 Veneriq; addicuntur, innuunt nascentium animos inconstantes, uarios, li-
 bidinosos, infames, opprobriosos, doloſos, seditiosos, turbulētos. Ipse uerò
 parica

partes humidae perhibentur. Vltimi fines, qui partes tantum tres comple-
 fluntur, Saturnini esse perhibentur, atq; omnino malignam et rem familia-
 rem nati qui eos horoscopantes babuerit, dissipabunt, et illum in summam
 tadem egestatem redigent: fines etiam hi humidi admodum esse traduntur.
 Aegyptij uero primos fines septem et partibus constare uolunt, secundos au-
 rem non Iouis esse, sed Veneris, ac sex tantum et partibus, tertios item par-
 tibus et sex, quartos Iouis esse, ultimos omnino partibus et quatuor. Famu-
 lantur autem Cancro Numidia, et Africa minor, quae maioris pars est, ex
 Asia uero regionibus Bithynia, Phrygia, et Colchis. Minor igitur Africa,
 cuius olim princeps fuit Chartago illa emula Romani imperij, nunc uero
 caput est Tunes, uocaturq; hodie Barbaria, finibus his continetur: ab occi-
 duo cardine Mauritania, Caesariensi, atq; Ampsaga flumine, a septentrio-
 ne mari Punico, ab ortu Cyrenaica, a meridie Libyae, hoc est, Africae ipsius
 desertis. Numidia pars est eius, qua pertinet ad Ampsagam fluiuium, quaq;
 ad Oceanum qui ab ea Numidicus dicitur, atq; ad Audum montem, hac tem-
 pestate uix oppidis aliquibus habitatur, Arabibus, hoc est, Nomadibus in se-
 stantibus, qui Scytharum more palabundi errant. Bithynia, Pontusq; ab oc-
 casu, ore Ponti et regione Constantinopoli, atq; Propontide, a meridie mi-
 nore Asia, de qua iam diximus, ab ortu Paphlagonia, Galatiaq; a septentrio-
 ne Ponto Euxino includitur. Phrygia uero, itemq; Lydia ac Meonia, mi-
 nore Asia continentur, cuius oram maritimam diximus Tauro esse subie-
 ctam. Colchis est ad mare Euxinum, ab occasu Sarmatia finitur, quae est illi
 ad septentrionem: labitur per eam Phasis fluiuius Caucaaso et monte defluens,
 quo monte ab Hyberia diuiditur ortum uersus, a meridie fines habet cum
 Cappadocia, Armeniaq; maiore: nomen obtinuit a Colcho urbe, quae quam-
 toper celeberrima fuerit, ea quae a poetis de aurato Ariete fertur, deq; Iaso-
 nis nauigatione, Aetia item rege, ac Medea, docent. Aetate nostra ignobilis
 squalet, parsq; est Tartariae.

De Leone. Cap. V.



Omen ipsum Leonis uidetur praeseferre feruorem quen-
 dam incensi aeris: haec etenim praecipue ratio signo no-
 men dedit: nam et si relictissimi ac ualentissimi et Cancro ra-
 dij projiciuntur a Sole, nihilominus feruor ille tam et suo
 sus et penè suffocabundus, atq; ut Graeci dicunt, πυρρὸν αἶμα
 in Leone concipitur, id quod etiam domesticis in balneis usu uenit, ut et post-
 quam bene concaluere, exstuent, difficileq; admodum sit illas pati: nimis
 enim ille calor et angit animam, et spiritus penè suffocat atq; elidit: nec so-
 lum in balneis, uerum etiam in cubiculis coenaculisq; ubi diutius in eis
 V ignis

ignis efferbuit, hoc ipsum consuevit accidere. Diuturnior enim caloris immoratio in locis præcipuè cōclusis æstus ingenerat. Sol etenim è Geminis prius, post è Cæcro ita terræ meatus caminosq; adspersit, fumigationibus terrestribus cœlū sic impleuit, ex humectis locis usque adeo succos exhaust, ut cū ad Leonē peruenit, perq; eū uagatur, aer ipse tanquā effumare uideatur, caliginēq; spissiorē constare, ut nec aures fluuiales aut maritimæ spirent, nec uenti usquā flatusq; illi aerij sentiātur, siq; ut se penumero hymnes intemperatissimi, procellæq; turbulētissimæ prorūpant ex aere ob hanc tantam fumigationem, caligantūq; aspirationū redundantiam. Meritò igitur signum ipsum ab hac effervescentia uocatus est Leo, quando, ut Ptolemæus scriptum reliquit, in uniuersum calidum atque æstuosum est, cuius etiam priores partes æstusare tradat, posteriores humescere, corruptionemq; inducere, quanquam mediis temperantiam retinere quandam existimat. Etenim in signis ipsis usuuenit, quod in animalibus, ipsisq; terrarū locis ac tractibus, quodq; etiam in fontibus, et aquis, ut uniuersim quidem sua quadam comuniq; natura præditi sint, ac nihilominus peculiaris, et ut ita dixerim, natia, priuataq; alia quedam uis illis sit insita, quæ ab uniuersi qualitate dissentiat. Quid quod in agro Baiano, Puteolano, Neapolitano serpentes quidam sunt ueneno qui careant, licet serpentum genus omne dicatur uenenosum. Fontes quidem ipsi humidi sunt, perinde ut aquarum genus omne, quarū etiam proprium est sitim extinguerē. Aquæ tamen nonnullæ tum fontanæ, tum fluuiales epotæ sitim magis ac magis accendūt, bibendiq; aueritatem. Biliosi qui sunt, pro bilis ipsius naturæ rationēq; concitati esse, uehementiorisq; commotionis consueuerunt. Inuenias tamen è biliosis nō paucos qui sint quamlentissimi, ut cōtra è pituosis, phlegmaticisq; uehementes et concitados. Coruos ego, ceruosq; complures uidi albo colore, qui ab horum genere natura ipsa remotus atque alienus est: quinetiam pauones quosdam omnino candidos, quorū tamen peninis nihil in auium genere eadem natura uariabilis fecit. Nihil etiam Apuliaterra, ut Aegyptum præteream, siticulosius, lacus tamen et ipsa quosdam habet in ora tum Rhodia, tum Sipontina, et aliquot etiam fontes. Itaq; natura illa uniuersa per sepe in omni rerum genere uarietates quasdam suscipit, quæ uideantur ab ipso uniuerso penitus differre. Quodq; de Leone nunc dicimus, de alijs etiam signis dicimus, ut uniuersim quidem naturæ unius atq; conditionis sint, particulatim uerò natura alius ac diuersæ. Igitur in hoc ipso Leone partes quidem boreales cōcitæ sunt et ignæ, quod cum signi natura cōuenit: at quæ in austrum uergunt, humidæ. Sunt etiam qui Leonem hunc in modum partiantur, atq; ad uigessimam usq; partem æstuosum adeo esse tradant, ut etiam suffocet, exanimetq; subiectis in regionibus

regionibus animalia, ad dextram item partem concitatum atq; ardentem, qua uero in austrum uergit, humectum et igneum, in inferioribus autem partibus omnino perniciosum atq; exitiabilem, in medijs uero atq; ad sinistram temperatum. Nos hæc regionum potius situi positura q; ascribenda ducimus, soli q; naturæ, quam signi partibus. Futuri autē sunt qui sub Leone nascentur, nobiles, ac probitatis iustitie q; cultores, mente elata, ceruice indomita, atq; ab adulationibus alieni: quod si Sol ipse signi dominus cardine in aliquo insederit, aut felicibus stellis amice conciliabitur, futuri sunt splendidi atq; illustres, dominatum q; exercebūt. Huius autem signi fines primus sex ē partibus constituti, Saturno q; dedicati natos reddent peritos, atq; experientes admodum, uerū meticulosos, rerum quoq; naturæ studiosos, ingeniosos, parcos, occultorum indagatores, mysticos, artificiosos, cautos, callidos, steriles, atq; in rebus Veneris penē frigidos. Qui subsequuntur fines partibus quidem ē septem coacti, Mercurio q; attribui, natos futuros innuunt literarum studiosos, eloquentes, scios, legum decretorum q; ciuiliū peritos, in rebus Veneris continentes, parum q; prolificos, qui q; popularibus delectentur, atq; in auditorijs audientijsq; libenter uersentur. Tertijs loci fines partibus ē sex compositi, Veneri q; ascripti, natos ipsos temperatos, quietos, ac sapientes facient, in quorum etiam animis iucunditas multa insideat, ac uoluptatis studium, remissio item quasi quædam à curis ac molestijs. Quarti loci fines partibus item ē sex coacti, Ioui q; addicti, natos eos in quorum genituris ascenderint, reddent uiriles, experientes, in quorum etiam animis nihil humile, nihil abiectum insit, qui q; imperare studeant, ac militari in disciplina proficiant. Quinti loci fines quinq; ē partibus confecti, Marti q; dominatum sequentes, natos reddent corruptis atq; contaminatis moribus, flagitiosos, maleficos, uitiosos, ignominiosos, ualetudinarios, infelices. Particulatim itaq; ac pro finium naturis Leo talis esse perhibetur. Hæc autem in hanc à nobis sententiam tradita sunt, sequentibus numerum finium atq; ordinem dominorū, qui à Ptolemæo probatus est, uti suprà docuimus. Aegyptiorum uerò opinio longē quidem ab hac ipsa dissentit, nam et primos fines Ioui attribunt, eosq; sex ē partibus constituunt, secundos Veneri, partibus ē quinq; tertios Saturno ē septē, quartos ē sex Mercurio, Marti ultimos, eosq; ē partibus itē sex. Opinione autem à Ptolemæo probatā nos suprà abūde confirmauimus, à qua Aegyptij quantopere dissentiant, facile hic uidetur. Quod circa mirum uideri debet nemini, si hæc nos in parte, tantaq; indiserpantia nostrum adhibere iudicium nullum uolumus. Qui autē hoc signo in horoscopo constituto nascentur, erunt propter signi naturam firmo ac constanti proposito, in iram tamen atq; indignationem proni, solerti ingenios

elata mente, uehementibus cogitationibus, propter Solem autem signi dominum imperiosi, superbi, propter louem triangulatorem improbos ac nefarios odio infestabuntur, propter utranq; stellam clari, nobiles, ciuiliū militariūq; bonorum appetentes, magnis atque inuictis animis, primorūq; locorum semper audi, quiq; primi inter alios esse atq; haberi uelint, res nouas molientes, earumq; molendarum artifices studiosi. Etenim Leo regium signum est, quo fit, ut si à Sole ac loue feliciter irradietur, regios spiritus in natis ipsi excitet, regiamq; generositatem. Hec igitur quædam quasi nascentiū indoles, à Leonis signo in uniuersum præfertur: quo ascendente, in lucem qui ueniūt, pro mensura genituræ, hoc est, generis, ac patriæ parentūq; proq; erraticarum situ atq; irradiatione erunt noti, honorum appetentes, rei familiaris studiosi, quam insudādo ac multum laborando, seq; periculis obiectando comparabunt, est enim Leo signum laboriosum: ijdem erunt iracundi, elati, cupidi, manu prompti, quq; præferri alijs semper uelint. Culminante Leone qui nascentur; graui atq; aduersa per multa patiētur, uersabūtūq; in laboribus plurimis, quos fortiter etiā obibūt: assequuntur tamen magistratus, & in potestate aliqua constituentur, tandemq; procedenti tempore & honorem & rem familiarem tātā sibi comparabunt, ad aucto paterno censu, ut magnam etiā alere familiā queāt, alienosq; opibus suis pascant: nā & Leo laboriosum signum est, & Sol ac Iupiter id præstāt, ut per labores atq; ærumnas honores assequantur, constituātūq; in magna aliqua præfectura. Hoc eodē signo occasum tenente in lucem qui prodeūt, in re uxoria parū fortunabūt, quippe qui uel ab alijs cognitam, impudicamq; uel degenerē atq; indignam sortiētur uxorem, cū qua etiā asiduē rixetur, ac propter aduersanteis illius mores continua iurgia cōtentionesq; exerceant, aut illam sibi per uim, ac præter legem, aut fortē per rapinā comparabūt. Sol enim signi huius dominus, in occasu, qui locus uxoris est, infeliciter collocatur. Quodq; occasus aduersa tur ortui, non solum uxorem in lignā denuntiat, uerum etiam aduersarios multos, uimq; inimicorū, atq; insidias portēdit. Si Leo in infimo cœli loco constitutus fuerit nascente aliquo, is sibi patrimoniu, domesticūq; peculium proprijs laboribus propter signi naturam, ut dictum est, cōparabit, comparatq; conseruabit, eadem industria & opera: insidijs tamen sæpius petetur, forsitanq; ex hereditatibus atq; è mortuorum bonis locupletabitur, Sagittario qui eiusdem est trianguli, octauum locum tenente. Verū, ut sæpius dictum est, ac singulis penēq; locis dicendum, inspicendæ sunt stellæ non modò erraticæ, quæ aut præsidio sint, aut uires suæ contrā ferant, quibus eæ in locis insideant, quo etiam aspectu loca ipsa irradiant, uerum etiam fixæ. Quoniam autem regiones ipsæ, omnisq; terra

rum orbis, quæq; in orbe uniuerso eueniunt, cœli stellarumq; agitationes sequuntur, huius cœli parti quæ Leo dicitur, præcipua quadam seruitute obnoxia, ac tanquam è gleba ascripta est Italia omnis, præter Hetruriã, addita etiã parte illa, quæ olim Galliæ fuit, quæq; Alpibus adiacet, Padoq; interfecatur, item Sicilia insula. Fouet etiã Leo è regionibus quæ mediterraneæ magis sunt, Phœnicem, Chaldæam, atq; Orcheniam. Est autem Phœnix Syriæ pars mari exposita, quæ ab ipsa nomē accepit, pertinetq; Iudæam uersus ad Carmelum usq; montem, à tergo tum Libano, tum Anti Libano montibus clauditur. Ad Casium uersus montem præterfluit eam. Eleutherius amnis, qui in mare delabitur è Libano. Fuere in ea quondam celebres Tyrus ac Sidon, nunc Tripolis tantũ. Chaldæa Babylonis pars est adiacens montibus, qui eam dirimunt ab Arabia deserta, fluuius etiã Euphrates à Mesopotamia, pertinetq; ad Mardocen paludē. Claruit hæc olim regio doctissimis uiris, qui disciplinam hanc illustrauere. Orchenia cum Arabia deserta includitur, dirimitur à felice perpetuis montibus, nec minus à Babylone, ab iisdem illis montibus, qui Chaldæam dirimunt à deserta; pertinet autem ad sinum Persicum, cuius littoris longitudo ab alteris montibus ad alteros media extenditur.

De Virgine. Cap. VI.



Rerum qualitates ordine quodã suo alterã altera sequitur necessitate naturæ, id quod in anni temporibus usuuenit propter Solem signiferum peragrantem. Siquidẽ ex ardentissimis caloribus quibus aër accenditur, dum Sol Cancrũ ac Leonẽ permeat, orbiculariter succedit, ut ex humido summa subsequatur ariditas, quæ desinentẽ æstatem ineunti autumno coniungat: quoad enim humidum in Piscibus excreuit, uergente in uer hyemẽ, eatenus in Virgine opposito Piscibus signo ariditas humiditati contraria augetur, declinãte iam in autumnu æstate, efficiturq; de Solis circuitu quemadmodum quatuor anni temporum, sic ipsarũ qualitatũ in se naturalis illa de qua dictũ est, alternatio. Quibus è rebus nũc incrementũ, nunc imminutio proficiscitur, tanta cũ uarietate et cõmutatione, ut faciliẽ interitus sequatur, rursus ex interitu procreatio erũia. In hac igitur signiferi orbis portione, quæ Virgo appellatur, arescunt sic omnia, ut siccitas quæ suapte natura generandis rebus male idonea est, regnare iam incipiat, quamobrem signũ ipsum Virginis sterile putatũ est, quodq; Græci dicũt *ἄνερος*, hoc est, infœcundũ, parũq; omnino genitale, quinetiã ab artium humanitatis studijs Anthropides uocatũ est: efficit enim natos bonos, honestos, ueracũdos, delictuos, literatos, crudatos, mysteriorũ atq;

are morum gnaros, cōputatores, rationales, dispensatores, morum institu-
 tores, scribas, negotiosos, curiosos, quæ uirtutes hominum sunt propriæ,
 nec immeritò in Vrania nostra huic signo tāt opere asurreximus. Quin-
etiam ut hominis ipsius initia ærumnosa sunt, etenim infans cum primū
terram attigit, in fletum prorumpit, sic qui nascente Virgine in lucem ue-
niunt, primos uitæ annos difficiles, ac solitudinis & laborū plenos exi-
gunt, post uerò ætate progrediēte fructus uitæ uberes consequuntur cū ho-
nore & laude. Ipsius aut Virginis signum in uniuersum quidem humidis
 perhibetur, ac tonitruosum: diuissim tamen habetur huiusmodi, ut quæ an-
 tecedunt partes sint calidæ, corruptioni q; accommodatæ, quæ mediæ tem-
 peratæ, quæ ultimæ humentes ac pluriæ: partes uerò septentrionales uen-
 tose, quæ tamen in austrū tendunt, moderatæ. Est autem hoc naturæ tem-
 poris illius maxime accommodatū, ut quo tempore Sol Virginē permeat,
 frequentiores in ære tonitrus fiant. Nam & diurni Solis ardores minu-
 untur noctibus iam crescētibus, & exhalationes illæ calidæ in cœlo mul-
 tæ simul coeunt, nec tamen regio illa humidis quoq; uaporibus uacua est,
 quos nec Sol omnino die potest absumere, & noctes refrigerescere iam inci-
 piunt, quæ alimentum illis præbēt. Iure igitur tonitruosum signū cogno-
 minatum est. Ceterū ut uniuersum quidē humidū sit, nō uidetur omnino
 probabile, quamuis eiusmodi esse in aliquibus fortasse regionibus propter
 terræ situm eueniat. Vltimas uerò partes humentes ac pluriæ putare, na-
 turale omnino uidetur, siquidem eo tempore & multi et magni hymbres
 e cœlo funduntur, Sole ipso signiferiq; orbis conuersione hoc præstante.
 Quæ re sit, ut hæc ipsa signis accidere putentur, quæ tamē mutātur pro
 terrarum situ, nec ullomodo perpetui sunt. Nam & in Italia Campaniæ
 tractus abundē bumens ac plurius est, e cōtrario Apuliæ nō modò siccus,
 uerum etiam siticulosus. Fines autem Virginis traduntur esse huiuscemo-
 di, ut primi fines, qui septem e partibus constant, Mercurioq; addicuntur,
 natos futuros indicent sublimes, excellentes, generosos, gnaros, rectores,
 administratores, rerū magnarū dispositores, probos, moderatos, & quos,
 mansuetos, solertes, ingeniosos, Veneris tamen in rebus male fortuna-
 tos, quas ad res signum hoc uniuersum quidē male idoneū esse putant,
 cum primis tamen septem hæc de quibus nunc loquimur, paru felices es-
 se. An fortasse quod Venus in Virgine deijcitur, & tanquam corruit
 cum sit altitudini eius aduersa, exq; eo fiat, ut ab eiusmodi rebus profici-
 scantur accusationes, atq; infamia. Sex quæ sequuntur partes, e quibus Ve-
 neris fines cōstant, natos reddūt opprobriosos, infames, quiq; in rem ux-
 oriam turpiter prolabantur, i idem exercebūt se in ludis ac spectaculis, re-
 busq; theatralibus. Quæ post hæc sequuntur partes quinq; Iouis sinibus
 attributæ,

attributæ, agriculturæ studiosos, māsuetos, ac recti probiq; amatores, fecundos, quiq; aliorū procuraciones exerceant. Quæ deinceps insequuntur sex, Saturni finibus dedicatæ, nati mores futuros portendunt cōtaminatos, flagitiosos, despicabiles, ac ridiculos, ipsum autem frigidū ac parū uiuacē. Sex ultimæ quæ Martis fines constituunt, natos faciūt uiriles, atroces, seuos, seditiosos, conuiciatores, populariū turbarū concitatores, fallaces, falsarios, calūniatores, impositores, quiq; noctu atq; in tenebris grassentur, tandemq; in uinculis ac carceribus macerentur. Aegyptij uerō primos Virginis fines partibus ē septem coactos Mercurio attribuunt, Veneri secundos ē decem, Ioui tertios ē quatuor tālum, quartos Marti partibus ē septem, Saturno ultimos duntaxat ē duobus. Quibus itaq; nascentibus Virgo horoscopabit, quoniam hoc in signo Mercurius habet etiam altitudinem, non modō domesticam iurisdictionem, adhuc quia Venus Lunæq; præ sunt huic triangulo, hi futurorum prudentes erunt: nam et ipsarum in somnia quædam quasi oracula futura sunt, et eorum se illis mentes aperient, per responsa, per sortes, aut per magicā disciplinā, religionū sectatores erunt, suasq; actiones ad deos immortales potissimū referent, iucundi, humani, amicitie obseruatores, docti, rerum abditarum perscrutatores, bonarum artū gnari, facundi. Ineunt tamen etate (quod suprà dictū est) laboribus ac difficultatibus implicabūtur plurimis, uiteq; eorū principia solitudinis atq; egestatis plena erunt: post tamen procedēte atq; ingrauescente etate abundabunt re familiari, magnæq; illis facultates obuient, quarum comparandarū diuersæ causæ rationesq; futuræ sunt propter Mercurium ac triangulatores quos dixi. Nam aut per negotiationē, aut per legationes, aut per disciplinas, quæ Mercurij sunt munera, aut per sacerdotia, ac sacrorū genera, quæ sunt Veneris, aut per administrationes, promotionesq;, quæ ad Lunā potissimū referuntur, diuitias, censum sibi cōparabunt. Eorum aut adolescentia futura est mollis ac deliciosa, quippe qui à lasciuia uicti totos se amorī dedent, et (ut inquit Iulius Maternus) omnium mulierū concubitus concupiscent, post uerō superata signi anaphora atque ascensionibus, sedata cupiditate, modestiam inducent, ac intra uerecundiæ gyrum redibunt. Cum Virgo culminauerit, natos ipsos ad magistratus atque administrationes promouebit, cōferetq; magnæ potestatis licentiam, proponetq; tribunalibus, atque eorum iussa audientur à subiectis, præscriptisq; parebitur: quin ab eiusdem multa quoque in alios beneficia conferentur, siquidem opera, ingenio, atq; auctoritate sua profuturi sunt quamplurimis, quos ingratos experientur propter Martis Saturniq; maleficientiam, quorum alter domicilium habet in Capricorno, alitūdinem alter: etenim Capricornus cum Tauro Virgi-

neq; triangulatur. Occidente uirgine qui nascetur, futuri sunt diuites, cor-
 dati secretorū ministri, fideles, atq; in amicos officiosi, uxores incompara-
 bili complectentur affectione, quas nōnunquam parum gratas, maleq; in
 amore beneficijsq; respondentes inuenient, quarum etiam dolore qui libe-
 rorum ex eis susceptorū infortunijs laborabūt. Licet enim locus hic uxō-
 rum sit proprius, suo tamen situ aduersatur ascendenti. Quocirca necesse
 est, situs ipsius naturā sequatur, ne ab inferendis molestijs discedat. Qui
 in lucem uenientes Virginem subterraneo in cardine habuerint, hi primā
 etatem grauem ac laboriosam sentient, post mutata fortuna uita felice
 utentur. Illud quoq; aduertendum est, quod Virgine ortum tenente, Gemi-
 ni culminat, ea culminante Gemini occasum possidet, ea rursum occasum
 tenente inum Gemini cardinem tenent, iidem quoq; horoscopabunt inuē
 illa cardinem possidente: plurimum enim adiumenti cōfert, ut eadē stella
 præsertim bene collocata duobus simul cœli cardinibus domicilij sui auto-
 ritate præsideat. Regiones autem uirgini subiectæ sunt Mesopotamia, Ba-
 bylonia, & Assyria. Finitur autem Mesopotamia qua septentrionem spe-
 flat, maioris Armeniæ montibus, ac Tauri parte, quæ ab occasu flūminis
 Euphrate, qui iisdem defluit ē montibus, qua Syriam diuidit ab ea, ab ortu
 Solis Assyria & Tigri fluuiō, à meridie quoq; idem Euphrates inter eam
 Babyloniāq; elabitur: etenim flumē ipsum à Chaldaea, de qua diximus, fle-
 xi incipit, sinuosiorq; perlabitur, donec Tigridi miscetur, unde Mesopo-
 tamia, hoc est, interamnia dicta est. Babylonia, quæ à Babylone urbe no-
 men accepit, nam & regio etiam ipsa Babylon dicitur, qua septentrionem
 spectat, Euphrate terminatur, qui eam Mesopotamiāq; intersecat, fle-
 xuosius illabens, ut dictum est, qua meridiem sinu Persico, ad occasum ue-
 rō Arabia deserti, montibusq; qui illā à Chaldaea diuidūt, quā Leoni sub-
 iectam diximus, ad ortum Susiana, iisdemq; fluminibus, qui eodem alueo
 mare Persicum, duobus tamen ostijs ingrediuntur in eum sinum, qui Me-
 sanites dicitur. Assyria coniungitur Armeniæ, montibus ijs ē quibus Ti-
 gris defluit à septentrione, ab occasu autem Mesopotamiæ, à qua Tigris
 eam disiungit, à meridie Susiana, ab ortu Media. Græciæ quoque pars ea
 quæ quondam Ἰωνία uocata est, item Achaia, & Creta insula subijciun-
 tur Virgini, de quibus hæc trademus. Hellas antea fuit quæ postea Græco
 à rege uocata est Græcia. Eadem fuit etiam Thessalia & Aemonia,
 ut Plinio placet, atq; ab Achaia diuersa, nunc utraq; Græcia
 est, quinetiā Græcia ipsa Macedoniæ bonam
 partem, Thraciamq; ipsam hodie,
 complectitur.

De Libra. Cap. VII.



Librae signū, quod uetustissimi Græcorū ^{χίλα} uocauere libentius, ex toto quidē uariabile ~~et~~ incertū est, propter anni tempus, Solisq; declinationē ad inū cardinem, cū orbis ipse anni temporūq; eius qualitātū peruenerit ad ~~am~~ partē, de qua ab arido in frigidū fit transitio, ex-
 alis ac penē exhaustis terræ uisceribus, subductisq; in aērē aspirationibus
 quāplurimis, quas crassiores esse necesse est ac terrestres admodū, quippe
 cum ex intimo terræ sinu ad apertis meatibus uī quadam adbibita sursum
 perlate sint, ea spissitudine, ut occupato cœlo caligare illud compellant.
 Quoniam autē aspirationū earum ea natura est, ut uentos maximē gene-
 rent, declināte die, succrescēte nocte, aridoq; in frigidū transcunte, neces-
 se est cœlū ipsum uentorū uī assidue mutari: quinetiā ob uarietate ipsam
 uentorū aspirationūq; cum Sol excoquere uaporem omnem nequeat, mi-
 sceri acturbari non solū ambientē nos hūc aērem, uerū etiam terras quas
 incolimus, mariaq; interfluētia. Quātoq; regiones ipsæ magis euaporāt,
 atq; exhalant, aut propter sitū conualliu, montiuq; maiores uaporū eue-
 ctiones atq; exhalationū fiunt, tanto conturbationes ipsas maiores ac ue-
 hementiores fore necesse est, cœliq; statū sic mutari, ut in horas penē sin-
 gulas euariet. Quocirca mirum uideri debet nemini, si omnino signū hoc
 uariabile iudicatum est, ac aēris ipsius affectionibus tam inconstantibus,
 si autumnum ipsum tum uentorū, tum morborū, qui ex aēris incōstantia
 potissimū generantur, patrem dixere. Ad hæc signa omnia quæ cœli car-
 dimibus præsident, mutabilia sunt, ac suapte natura uariantia. Diuisim ue-
 rò primas ac medias Libræ parteis temperatas esse uolūt, ultimas hume-
 scenteis: quæ in boreā surgunt, uentosas: quæ in austrū declināt, humiditas
 et corrupteas: quæ quidē omnia cū natura temporis illius, hoc est, autu-
 mni cōueniunt, quando ea pars anni pluuia ac pestilens est, uentorūq; con-
 citatrix. Qui uerò sinuū naturas explicāt, Ptolemæiq; comprobationem
 sequuntur, ita quidē tradunt, ut fines primi sex ē partibus cōstituti, quod
 Saturno subseruiāt, qui hoc in signo altitudinis iurisdictionē exercet, sint
 regie excellēteisq; nature, maximē in diurnis genituris. Quāobrem na-
 tos ipsos magnas ac generosas ad res impellūt, maximisq; negocijs impli-
 cant, steriles tamen sunt, humidatq; ob qualitatem corruptionē afferūt. At
 qui Aegyptiorū opinioni assentiūtur, quanquā primos fines partibusq; ē
 sex Saturno dedicāt, fines tamē secūdos, partibusq; ex octo cōflatos Mer-
 curio tribuunt, tertios septemq; ē partibus Ioui, quartos Veneri item ē se-
 ptē, ultimos duabus tantū ē partibus Marti. E Ptolemæi igitur approba-
 tione secūdi loci fines quinq; ē partibus cōparati, Venerisq; potestati ad-

dicti, in animis natorū studiū ingenerant honestatis, pietatis, ac religionis, itē picturæ, sculpturæ, toreumaticæ, uersuū canticorūq;. Erūt aut nati ipsi in re uxoria fortunati, atq; in plerisq; felices. Tertijs loci fines partibus quidē ex octo compositi, cu sint lous, natos locupletabūt uenalijs quidē ē lucris, ijsdemq; immundis ac sordidis. Quarti loci fines quinq; ē partibus copacti, Mercurijq; stelle ascripti, natos ipso ad ea quæ Mercurij sunt, impellunt, ad mercaturā, ad forū, ad cōmercia rerū uenaliū, comutationesq;, ad studia Grammaticæ, scripturarum, epistolarum, quorum quidem animi nec à iustitia recedent, et res suas prudenter administrabūt. Vltimi loci fines sex ē partibus cōiuncti, Martiq; attributi natos ipsos militaribus in rebus exercebunt: ducent enim ordines ac robur animi, strenuitatemq; præferent, rapinis gaudebūt, atq; in exercitatione militari, req; bellica satis felices erunt, meritiq; illis magna animorū fiducia, uigor item elatioque, fratribus aut carebūt, aut cum illis male conuenient. Hæc Libra portendere pro natura finium existimata est ab auctori bus nō ignobilibus. Quibus igitur ea ascenderit, ij futuri sunt iustitiæ, modestiæ, honestatisq; studiosi, deorum cultores, liuidi tamē admodū, quiq; alienis bonis inhicent: quæ uitia de Saturni malitia ortum ducunt, qui non modō altitudinis, uerumetiam triangularitatis ius exercet in Libra. Genus uitæ eorum erit inconstans et uarium, pro natura signi. Ipsi multis libris, cōtentionibusq; uexabūtur, uersabunturq; in ministerijs annonæ, ponderum, mensurarumq; atq; inter pigmentorum operumq; officinas, quarum etiam rerum administrationi præsidebūt. Generaliter autem, ut in Vrania scriptum est,

Hoc igitur signo genitos primum æqua probumq;

Delectant, lucrumq; olei et Baccheia merces.

Præcipientes sed liuor agit, tum pondera tractant,

Annonamq; unguentaq;, et æquis corribus instant.

Sed uariat fortuna suis mutabilis alis,

Et molles animum mores, et auara cupido

Inficiunt. Igitur libra fulgente per ortum

In lucem quicumq; uenit, non ille deorum

Contemptor, non recta animi sententia mentem

Deseret, aut clavis exurgens gloria facilis,

Sed uitæ tenor inconstans, morbusq; laborq;

Turbabunt, et multa nouis discrimina rebus,

Hunc lites, atq; immeritis certamina causis,

Hunc aduersa fori uexabunt arma, sed ipse

x Inuictus feret, ac multo se robore firmat,

et ferret inuictus multo se robore firmans.

Quem

Quem tamen amissis prosternunt funera natis.

Saturnus itaq; ut dictū est, hinc lites, et contentiones, causasq; dolorū atq; erumnarum suscitāt, illinc animi firmitudinem ac robur in aduersis præstat. Venus autem signi domina præsidium quoq; suū non denegat, et inter tristitiam ægritudinemq; letitiā miscebit, peculiariq; uoluptate sua leuabit tristitiam, lenietq; ægritudinem. Horum etiā hominum iudicium erit rectum, sententiæ plenæ fidei atq; prudentiæ propter utranq; stellam Veneris ac Saturni. Nec deerit illis Mercurij fauor, signi ipsius triangulatoris, pro collocatione tamen cuiusq; in genitura, ac genituræ ipsius mensura. Qui nascuntur Libra culminante, propter Venerem, erunt eloquentes, eorumq; oratio suauis et grata, religionibus item dediti, uerecundi, modesti, eiusdem etiā stellæ beneficio liberabuntur à grauib; periculis, quod dijs immortalibus acceptum referent. Procedēte etiā tempore fortuna secundior eis futura est, actionesq; feliciter succedent. Siquidem ob Saturni etiā stellā obijciuntur eis aut hereditates, aut thesauri, aut è secretiorib; ac uetustiore re negotiorū bona conferuntur, aut è rebus alijs quæ à Saturno denuntiantur. Occasum tenente Libra, in lucem qui uenient, propter naturam signi inconstantis, et propter cardinem, eorum uita genus nunquam certum erit, sed continuatione quadā incōstanti et lubrica uariabit adeo, ut ex imo ad summū sæpius locū subleuetur, ad imū à summo postea deturbentur: eodem modo è letis ad tristia, è tristibus ad leta iocundaq; trāsferentur, ut tāquam alternis gaudiū, mæror, felicitas atq; infelicitas inuicem certent, deq; uictoria inter se digladietur. Horum aut hominum uita consuetudoq; futura est in aula regum, aut apud ciuitatis principes, aut in publicorū munerū administratione propter Saturni pertinax ac potēs sydus: quod licet sit laboriosum ac difficile, natos tamē ipsos extollit, et ab imo ad summa bene potenterq; collocatū effert. Qui in luce uenient Libra infano in cœlo collocata, paternū censum amittent, partasq; à maioribus diuitias non retinebunt, prementurq; a laboribus multis, uitam autem longiorem sortientur, nec in obitu sepulchræ bonore carituri sunt propter Aquarij, ut arbitror, triangularitatē, quæ octauo in loco contigit reperiri, Libra in imo cōsistente. Ad hæc cœli locus imus ea denūtiat, quæ post obitū obuentura sunt, ut suprā iā diximus. Versabuntur autem in muneribus ac ministerijs popularibus, ita tamen ut uix ad primum negotij quod administrabunt, locū perueniant. Quas ad administrationes beneficio literarū cuebentur, præsidio potissimū Geminorum, Mercurijq; eorum domini, qui de triāgulo fauorē suum loco huic submini strātes afferēt. Quodq; ipsi Gemini duodecimo in loco, pigro scilicet atq; obiecto reperiuntur, non poterunt nati ad primū administrationis sue locum,

cum, ut dictū est, peruenire. Hæc igitur Libra in aliquo cœli cardinū quatuor cōstituta nascentibus denūciat. Libræ subiacet Bactriana, Casperia, et Serica. Harū prima contingit ab occasu Margianam, à septentrione ac Solis exortu Sogdianos, atq; Oxum flumen, à meridie Ariam. Serica ab occasu habet Scythiam, quæ est extra Imaum mōtem, à septentrione terram incognitam, similiter ab exortu, at à meridie Indiam, quæ est extra Gangem. Casperiam diuidūt à Sacis mōtes, è quibus defluunt, Indus, quiq; in Indum influunt Bidaspus, Sandabilis, et Zuadris. Est aut statim post Indum, pertinetq; ad Zaradrum fluuiū, qui eam à Gymnosophistis diuidit, adiacetq; Sacarum montibus. Oasis quoq; ac Thebais, quæ quidem diuiduntur à montibus, qui Libyci appellantur, Libræ addicuntur. Est autem Oasis sita post mōtem, qui Aegyptiaca lingua Arenosus uocatur, ac secundum Solis fontē, ac Meridiem lacū. Duxit aut nomen ab urbibus duabus eiusdem nominis, quarū altera, quæ parua cognominata est, uergit ad Meridem, altera quæ magna, ad montem Arenosum. Thebais, quæ inter montes Libycos, et Nilum portenditur, quæq; ab urbe quondam celeberrima dicta est, Aegypti partem occupat. Item Troglodytica, quæ iacet ad mare rubrum, sinūq; Arabicū, quiq; Adulicus dictus est, pertinetq; ad Elephantum montem. Labitur aut per eam flumen Astabora, qui è Garbato monte in Nilum influit, ad Meroën insulam unā cum amne Astapode, qui è Colopalaude per Struthiophagos decurrit.

De Scorpio. Cap. VIII.



Eragratis à Sole Chelis, caligatè summum in modum aëre, sursumq; eucœlo omnis generis halitus, aridoq; in frigidum declinante, cū et dies minutatim decrescat, et Sol ad infima orbis sui declinet, necesse est cœlum ipsum turbari, atq; indies densius obnubescere, calido frigidoq; inter se certantibus, dum ignitæ fumigationes contendunt, ut ad æstuosam illam regionē sursum penetrent, aut dum inclusa frigescentibus à uaporibus explodūtur, ac tanquā fugatæ cōstrepunt, tonitrus quoq; frequentissimos in cœlo fieri. Quocirca signū Scorpij quod uetustissimi Latini Napam dixerunt, non iniuria tonitruosum ab illis omni è parte iudicatum est, nec minus etiā fulminosum: quo tempore et coruscat cœlū sepius propter densitatem uaporū et exhalationūq; inter se certantiū, et fulgetræ plurimæ, inflammationesq; per aërē discurrētes cernuntur. Quodq; frigida uis in dies crescētibus noctibus, hebescente Sole, mirum in modum augefcit, hymbres ferē cōtinui è cœlo funduntur. Quinetiam cogente frigore, non hymbres modò uehementer frigidi sepius decidunt, uerum etiā

ninet.

niues: nec solum in montium cacuminibus, in quibus frigus ipsum regnat,
 uerumetiam in planis, locisq; demissioribus. Itaq; Scorpij partes primæ
 nimbose sunt, exuperantiq; iam frigore nimbos in niues cogunt, procel-
 lasq; atrociores exuscitant. Quoniam aut expurgato iam aëre, solutis in
 hymbrem ac niuem uaporibus, naturale est cœlum ipsum dies aliquot con-
 quiescere, hinc efficitur, ut mediæ Scorpij partes reddantur temperatio-
 res, quo tempore sedatio quædam in aëre accidit. Post uerò euaporante ac
 fumigante terra, frigescenti cœlo, multis rursus coactis nubibus, res omnis
 ad pluias, nimbos, ac niues redit: quodq; post largam pluuiâ serenitates,
 post austros, qui tunc potissimū regnāt, boreæ subsequuntur, indeq; terre
 superficies gelu concrescit, nec exhalari ē terra inclusos status permittit,
 terre ipsius motus quoq; fieri aliquando contingit. Vnde postremæ signi
 huius partes concussiones terrarū excitare, quod res ipsa non raro cōpro-
 bat, iudicantur. Quibus de causis potissimum autumnū tempore, motus hi
 fiunt: hicq; quidā quasi morbus, noxiq; affectio à terra concipitur, ut nō
 solum pars hæc anni in animalium corporibus, uerumetiam in uasta illa
 terre ipsius mole morbos ingeneret, temereq; deinde eam cogat. Partes
 aut signi huius quæ septentrionales perhibentur, æstuosas ac torridas ef-
 fect uolunt, australes uerò humiditas. Quæ uerò ratione partes hæc nostris
 in regionibus æstuent ac torreant, non uideo: cum Sol ad eas nisi declinan-
 te iam autumnū non accedat, quo tempore frigora iam intenduntur. Neq;
 enim in hoc terre situ tanta esse potest fixarum uis, si quæ æstuosioris
 nature in proximo collocatæ sunt, ut temporum naturā exuperent, etiā
 proximo à Sole calefactæ. Quod uerò ad fines ipsos attinet, eiusmodi est,
 ut primæ partes, quæ sex sunt numero, Martiq; additæ, ut autem Aegy-
 ptij arbitrantur, septem, tumultus, seditiones ac rixas excitent, mutabili-
 tatem, infirmitatemq; animorum, necnon iracundiam, atq; indignationē
 exuscitent: natos ipsos uerbosos, parumq; in loquēdo moderatos, eosdem
 etiam ardenteis in cupiditatibus atq; in uita inordinatos faciant, resq;
 ad militares impellant, quin etiam ut peregrē multū proficiantur, cog-
 gent. Eadem partes ut fratres complures, sic filios rariores promittunt.
 Partes octo quæ statim subsequuntur, Iouisq; fines constituunt, pontifi-
 catus, purpuram, honores, prætextas, magistratusq; decernunt, decorum
 etiam cultū, beneficentiæ, itemq; humanitatis ac mansuetudinis studium,
 natos ipsos gerēdis atq; administrandis rebus deditos, magnopereq; actio-
 sos significant. Ut enim à negotio negotiosos dixere, utq; ab actu actuo-
 sum duxit Cicero, sic nos ab actiōe, hoc est, ab agēdi studio habituq; actio-
 sos, deducimus. Hos aut fines, quatuorq; dūtaxat ē partibus, Aegyptij Ve-
 neri attribuit. At qui Ptolemæum sequi uolunt, partes septem, quæ Iouis

finibus coniunguntur sunt, Veneri ascribunt, quæ nuptialibus in rebus felicitatem, erga deos cultum, erga homines dilectionem, mutuumque benivolentiam illorum portendant, rerum item familiarium affluentiam, eorumque quorum uoluptate nati capiuntur copiam, multæ proles susceptionem, uitæ item suauitatem ac iucunditatem. Partes sex quæ deinceps sequuntur, Mercurioque attributæ sunt, armorum atque athleticorum certaminum studium denuntiant, eosque qui nati fuerint, contentiosos, conuiciatores, detractores, qui tamen flagitiosos ac nefarios insectentur, ipsos autem salaces ac multi coitus. Aegyptij fines hos quinque partibus constituunt, Ioui que addicunt. Reliquæ tres Saturni, ut autem Aegyptij arbitrantur, sex, male quidem felices perhibentur, filios enim ac fratres uix largiuntur, nati ipsi futuri sunt tristes, oforesque mulierum ac suorum, uenena miscebunt, multorum etiam scelerum cõsocij, atque occultis uitijis infecti, susurriones, flagitiosi, contumaces, detestabiles, adeoque etiam cõtaminati, ut eos dij hominesque abominentur. Generaliter autem Scorpii signum pro sua Martisque natura natos efficit iracundos, uersutos, subdolos, acutos, ingeniosos, uiolentos, insidios, proteruos, sicarios, rapaces, alienorum cupidos, iuique studiosos, ueneficos, maleficarumque potionum ministros atque autores, cædis etiam scelerumque plurimorum conscios, insidiatores, periuros, qui que nihilominus præsidij decorum imitantur, aut eorum imbuantur sacris. Horoscopans autem Scorpius largitur nascentibus acumen ac dexteritatem ingenij, ornatum, ac dicendi copiam. Erunt autem ipsi in prima ætate laboribus multis oppressi, laborabuntque diuerso genere infortuniorum, à quibus post procedente tempore liberantur, patriam domiciliaque mutabunt, in aduersis decorum præsidia requirent, aut sacris etiam initiabuntur, delectabuntur rerum nouitatibus, amicorum etiam causa in pericula sæpius incident. Nam et ornatus uerborum, suauitasque sermonis, et præsidia à dijs immortalibus petita, sacrorumque initiatio à Venere proficiuntur, quæ triangularitatem habet in Scorpio et in Cancro, qui horoscopate Scorpio reperitur non in loco, qui est religionis ac pietatis. Prohibitio item, atque auersio periculorum, et aduersantis fortunæ in prosperam cõmutatio à Ioue, nec sine Veneris ipsius Lunæque beneficio proueniunt. Nam et Iupiter altitudinem suam habet in Cancro, domiciliumque in piscibus cõtangularibus signis, et Luna Venusque in eisdem signis triangulare ius exercent. Labores autem ac pericula à Marte, cuius malefica natura est, obijcietur, à quo etiam studium, rerumque nouarum oblectatio gignetur, cui etiam Luna inconstans natura non parum adijciat, à qua ingenij aptitudo dexteritasque confertur. Quod autem Mars triangulo buie patrocinator, maleficientia sua triangulum omne inficit, quocirca liberis quoque noccebit, cum Pisces, horoscopante

parte Scorpio, quintum, hoc est, prolis locū teneant, amissam tamē sobolem ob Martis peruersam naturam Iupiter signi dominus instaurabit: ac Venus, quæ quinto loco, ut antè dictum est, præsidet, beneficæq; qualitatis est, habetq; in Piscibus altitudinē. Idem Scorpius culminans animi qui dem robur, mores tamen difficiles nascentium denuntiat, quos et mutare patriam cogit. Quodq; locus decimus, id est, cœli culmen non patriā modō, uerū artes quoq; , actionesq; designat propter Martiā infectionem, nati ipsi principio ad indigna scruiiliq; ministeria compelluntur: qui tamen paulatim ab hac ipsa negotiorum humilitate pōst subleuabuntur, potentis alicuius uiri auxilio et opera, præsertim si locus ipse decimus fuerit alicūde feliciter illustratus, ac Venus Lunaq; trianguli patronæ bene collocatæ fuerint. In re item uxoria initio erunt male fortunati, præsertim Leone, de quo dictum est, locum septimū, qui uxoris est, tenente. Idem quoq; in suscipienda prole sentient, siquidē Mars Scorpij dominus, ut etiā Maternus tradit, in septimo genitura loco constitutus, coniugis ac filiorum locum acerrimē infectatur. Quocirca signum ipsum eandem domini malignitatem decimo etiam ē loco in uxorem ac liberos euomit. Septimum in genitura locum tenens Scorpius natos reddet gnaros, ac bene cordatos, quiq; in actionibus suis prudenter industrieq; sese gerant. Etenim Mars ingenii calore suo acuit, neq; animos desidia marcere patitur. In infimo cœlo positus Scorpius administrationibus quibusdā natos præficit, in quibus primū etiā locū tenebunt. Illud uerō aduertendum est, Martem quoq; in cardine collocatū, nascentibus diuersa mala periculaq; obijcere. Quocirca Scorpius ipse suapte etiā natura peruersum signū, domini sui naturā in cardine cōstitutus induit: ac si quid boni decernit, illud de eardinis potius natura potestateq; prouenit, quā ab eius suffragio. Ascribunt aut Scorpio Mauritania, Metagonitica, ac Getulia, item Syria, Comagena, et Cappadocia. Est aut Mauritania sita ad oceanum Atlanticū, ac fretum Gaditanum, cuius etiā latus mari Hispano abluitur: eiusdemq; partē illam quæ ad fretum est Metagoniticam Ptolemæus uocat, in qua est Tingis oppidum hodiē quoq; celebre, mutatis literis Tanger, à quo regio quondam Tingitana. Ipsa aut Metagonitica, qua Atlantico clauditur mari, ad Atlantem minorem pertinet, qua Hispano ad Metagonitem promontorium, à quo uidetur nomen duxisse. Omnis autem regio qua Balearico ac Sardo mari abluitur, ortū uersus ad Ampsagam fluuium pertinet, qui eam ab Africa minore diuidit, à meridie clauditur Aslāte maiore, pōst quem sunt Getuli. Plinius uerō ait Numidiam appellatā Metagonitidem, de qua diximus, ac Nasinisse regnum fuisse. Ptolemæus autem, ut dictum est, eam finit ad fretum Gaditanum, Metagonitem quæ promontorium.

cum Numidia sit post Ampsagam flumen, atq; in parte minoris Africæ. Adhæc Ptolemæus Numidiam et Africam Cancro, Metagoniticam Scorpio subiicit. Getulia sita est post Atlantem maiorem ad oceanum occiduū, quo monte determinatur à Mauritania Africaq; minore: pertinet autem ad Garamates, Libyaq; interiora, ac solitudines. Syria finitima est Ciliciæ à septentrione, ob occasu mari tūdatur, quod ab ea Syrum dicitur, continetq; Phœniciam, quam iam diximus Leoni subiectam esse, à meridie Indææ atq; Arabiæ, quæ Petrea agnominatur, ab ortu uerò Arabiæ desertæ. Commagena Syriæ coniuncta est, aut eiusdem potius pars ad Euphratem sita post Amanum montem ac Taurum, quibus à Cilicia Armeniæq; diuiditur. Cappadocia, quæ à flumine nomen sortita est, habet ab occasu Galatiam, hoc est, Paphlagoniam, ac Pamphylia, à qua Taurus illā separat, itemq; à Cilicia, quæ est illi à meridie posita. At qua exortum spectat, iungitur Armeniæ ad Euphratem: qua uerò septentrionem, Ponto Euxino abluitur. Est in ea Trapezos, quæ post dedit nomen regioni, propter imperium, unde hodie Trapezūtia uocatur: deleuere autem imperium ipsum paucis ante annis Turcæ, imperante Machometo.

De Sagittario.

Cap. IX.



Erū cœlestiū scriptores, ac princeps eorū Ptolemæus, tradūt Sagittarij signū penitus uentosum esse, quamuis quo ad triplicem partu diuisionem, primā quidem humidam, secundā temperatam, tertiā calidā urentemq; esse uelint. Nec mirū quidem si primæ partes humide, ultime calidæ sunt, medias tēperamentum quoddā sequi, desinente iam autumno, atq; appetente hyemē. Cur autem uentosum sit, præteritarum pluuiarū ratio palām indicat: siquidem ea natura uentiorū est, ut post pluuias statim cessent, sedeturq; aër, è cuius sedatione uentorū etiam cessatio sequitur. Cum enim uentorum materia sit terrestris illa aspiratio, maxime arefacta et torrida, atq; à calore qui illam torruit, sursum raptā, multumq; agitata, ea humectantibus atq; refrigerantibus hymbribus prorsus extinguitur, quæ extincta uentorum uis emoritur. Consueuere autem, Sole Libram et Scorpionem permeante, fieri magnæ et ferē cōtinuæ pluuiæ, nimbiq; admodum procellosi, quibus madefacta terra aspirationes illas suas, quas uentorum materiam esse diximus, tandiu intra alium cōtinet, donec pluuios illos uapores, quibus terra diluta madescibat, in aërem de more suo Sol sustulerit, quibus sublatis multā rursus aspirationem sustolli simul necesse est. Cumq; aër eo tempore non mediocriter refrigerat, aspiratio ipsa arefacta, et fumida sursum perlata, ubi frigus sensit, deorsum

ab

ab illo reieitur, quodq; leuitate ac fumositate sua nequeat deorsum omnino retrudi, unde exhalauerat prius, obliquo itinere atq; contortis spatijs aërem impellit, agit atq; in diuersum: quo fit, ut Sole Sagittariū permeante, uenti plurimi gignantur, ac signū ipsum uentosum iudicetur, taleq; plerunq; contingat esse ijs in affectionibus, quæ in aëre eueniunt. Quod uerò ad genituras et hominum mores attinet, Sagittarij signū natos efficit generosos, liberales, magnanimos, iustos, maturos, beneficos, moderatos, faciles, misericordes, in tractandis tamen rebus subobscuros ac duplices, cū signum ipsum duplici etiam natura sit præditum, fratrum item, cognatorum, amicorūq; studiosos, et, ut ita dixerim, fratrícolas, amicicolasq; horum etiam appetentes, iudicij ac tribunalibus præpositos, quiq; amissa facile recuperent, ac repensent compendijs damna prius accepta, non tamen ut multa prole abundant, quandoquidem Sagittarius igneus est, nec abunde fecundus, et ut Græci dicunt, ἐλκυστικός. Sequitur autem signū ipsum in ijs quæ dicta sunt, Iouis naturā, sub cuius est dominatu ac triangularitate: iidem nati Solis etiam suffragio, qui cum Ioue triangulum hoc possidet, in contentionibus ac certaminibus aduersarios suos prosterment. Quo ad fines aut ac finium partes, Sagittarius ita distinguitur, ut primæ octo partes, quæ Iouis sunt, homines actiuos faciant, hoc est, ad peragēda negocia, ipsaq; ad actiones accommodatos atq; efficaces: utimur enim uerbo hoc libenter: easdem etiā genitales esse uolumus, quæq; fratres liberosq; complureis promittant: quo uerò ad qualitatem, humectas quidem, certo tamen cum temperamento. Quæ deinceps sequuntur sex cum sint è Veneris finibus, in animis nascentiū pietatem, temperantiam, gloriæ laudisq; cupiditatem ingenerant: arbitrantur etiam conferre honores, coronas, auctoritatēq; et apud populum, et apud principes: fratres ac filios complures promittūt, diuersisq; è mulieribus. Tertio loco numerantur partes quinque Mercurij finibus attributæ, quas perhibent eloquentiæ, sapientiæ, rerūq; cognitionis studium atq; cupiditatem in animis nascentium, earūq; indagacionis ita infigere, ut nati ipsi excellere in aliquo doctrinæ ac scientiæ genere contendant. Quarto loco numerantur partes sex Saturni finibus attributæ, quas steriles, frigidas, noxias, uitiosas, damnosas, despicabiles, et in cūctis male felices arbitrantur. Quinq; reliquas Martis finibus ascriptas, tradunt esse igneas quidem, ac periculosas, iniurias, contumeliosas, impudentes, corruptas, contaminatas, atq; infidas. Deniq; Sagittarij signum ex omni parte in hominum actionibus peruariū esse uolunt. Aegyptij uerò in constituendis finibus numero dūtaxat dissentiunt. Siquidem primos Iouis fines duodecim è partibus statuunt, Veneris secundos è quinque, Mercurij terrios è quatuor, Saturni quartos

ē quinq; Martis quintos, eosdemq; ultimos, partibus ē quatuor. Con-
 titutus aut in horoscopo geniturae alicuius Sagittarius, natum illū probita-
 te, honestate, fide, ingenioq; admodū uersatili adornabit, ut tum artū, tū
 disciplinarum diuersarum cognitione ac peritiā assequatur, utq; in pu-
 blicis negocijs administrationibusq; uersetur: quod Iupiter signi dominus
 cum Sole triangularitatis socio praestabit, quam ad rem multū etiam cōfe-
 ret natura signi, quod ex priore parte humanū est, adornat enim animū
 dotibus ijs quae hominis sunt propriae. Patrimonium censusq; illi domesti-
 cus obijciatur praeter spem atq; opinionem, atq; unde minimē fortasse re-
 bitur. Hoc autem eueniet propter Pisces, qui ascendente Sagittario inum
 caeli locum, hoc est, quartū obtinet: quae re aquosis in locis cōuersabitur,
 aut negotia secundum aquas res ue aquaticas ministrabit: hac enim ratio-
 ne Iupiter duobus simul cardinibus dominatur, et ascendenti et imo, fa-
 uoremq; suum utroq; à cardine pro loci natura praestabit. Multum etiam
 eidem adiumenti adhibebit Mercurius tū locupletandis ingenij bonis, co-
 gnoscendisq; disciplinis, tū etiā administrationibus negocijsq; obeundis,
 qui reliquis duobus cardinibus, id est, occasui et culmini dominatur. Idem
 etiam multū terrarū et quidem sponte peragrabit, propter Leonē nono
 in loco qui peregrinationis est, cōstituit. Etenim Leo ac Sagittarius eius-
 dem sunt trianguli cū Ariete, qui quintum in locum incidens sua quidem
 natura bonum ac felicem, inde auxilium etiam suum conferet. Verū, quod
 saepius monui, uidenda est geniturae qualitas ac mensura, loca item ipsa
 quomodo irradientur, domini quoq; ac triangulatores quae sint in caelo ra-
 tione collocati. Laborabit etiam natus hic aduersariorū odio, atq; insecu-
 tionibus: etenim Sagittarius in ortu, in medio, atq; in occasu cōstitutus ge-
 niturae tempore, nascentibus inimicos decernit, eosdem etiam peregrē pro-
 ficisci diutius cogit, propter signi naturā igneā, nec sibi omnino cōstantē.
 Humanitas enim ac feritas inter sese male omnino conueniunt, cuiusmodi
 cōstitutionis est Sagittarius, cū sit ex parte humanū ex parte aut ferū atq;
 atrox signū. Equi uerò hominisq; societas ab arte existit, potius quam à
 natura. Sed nec de nihilo traditū est signū hoc partim quidem ex homine,
 partim autem ex equo constare, quāq; homo fingitur, sagittis instructum
 esse, ac tractantem spicula, uulnera meditari, atq; obferitatem, agresteq;
 ingenium palabundum esse, peregrinationibusq; gaudere. Idem signū in
 culmine positum geniturae tempore, eum qui nascitur agilem, atq; idoneū
 agendis rebus pro natura sua decernit: amicitiae studium, eiusq; obseruan-
 tiam, fidelem item cōuersionem domini beneficio, atq; horoscopantiū
 Piscium cognatione promittit, et quod dictum est, inimicorum opera la-
 borare, peregrēq; proficisci, ac non mediocribus periculis iactari coget,

Iquis etiā beneficio quod amiserit instauraturū denunciat. Arbitramur
 autē iacturam parte prius substantiæ, hoc est, rei domesticæ originem &
 causam ducere ab Ariete cōtriangulari signo, quod secundū id est, substan-
 tiæ locum obtinet, Sagittario in culmine consistente: cum sit Aries signū
 igneum ac uarians, infestūq; domini sui Martis ueneno ac maleficientia,
 quæ iactura postmodū Iouis benignitate instaurabitur. Idem hic natus re-
 bus erit amatorijs deditus, nec mirum, cum Venus in Piscibus, quod signū
 culminante Sagittario horoscopat, altitudinē suam habeat, Marsq; trian-
 gularitatem. Huiusmodi autem geniturarum secreta hac à me indicantur
 ratione uestiganda, quamuis cōplura sint à re, id est, effusione ab ipsa po-
 tius iudicanda, quā certa omnino ratione querenda. Sagittarius in oc-
 casu positus genituræ cuiuspiam tempore, nato ipsi sollicitudinē, animiq;
 inquietem, plurimāq; aduersa ob rerum uarietatem denūciat, odia item,
 atq; inimicitias, uitamq; extra patriam externis in locis degendam mina-
 tur, cū fratribus, affinibūq; contentiones graues, atq; damnosas. Etenim
 signa ipsa ignea, maxime Leo ac Sagittarius, nam Aries Martis signum
 est, Marsq; ipse letatur occasu propter nocem, cum ipse Lunæ socius
 atq; comes sit, non satis cōmodē hoc in cardine sese habent, forsitan quod
 regio illa bumida & frigens est. Solq; signōrum ipsorum triangulator, ac
 lucis pater, quam ab ortu diffundit, tristatur regione illa, quæ luci contra-
 ria est, cuiusq; qualitati quammaximē aduersatur. Adhæc signa ignea uita-
 lia sunt, occasus lethalis: ut enim ab ortu uita proficiscitur, sic mors ab oc-
 casu. In ima coeli sede collocatus Sagittarius natū efficit agendis rebus ac-
 cōmodatum, agilem, eruditū, amabilem, notum, sacricolam, quiq; felicem
 rerum suarum euentum Deo acceptum referat, idq; precibus sacrificijsq;
 testetur: atq; hæc quidem propter naturā signi ac domini. Idem hic natus
 susceptam prolem luzebit, pōst uerō noua suscepta sobole mitigato dolore
 mœror ipse cessabit, atq; in letitiā uertetur. Eueniet autē hoc propter ma-
 lam constitutionem contriangulariū signorum Arietis & Leonis, quorū
 alterum cōstituitur in octauo, alterū in loco duodecimo, quo tēpore Sagit-
 tarius imū coeli locū tenet. Si enim Sagittariū in horoscopo collocaueris,
 locus filiorum incidet in Arietē: si Leonem, prolis locus incidet in Sagitta-
 rium. Vtrūq; autem signū Aries ac Leo deiectum ac perniciosum occu-
 pat locum, ubi Sagittarius imā coeli partem sortietur. Quocirca maligni-
 tate loci liberis damnum infertur, quod postmodū Iupiter benignitate sua no-
 ua prole instaurabit. Rem autē familiarem natus ipse accumulabit propin-
 quorum suffragio atq; opera. Signa enim ipsa cardinalia inuicem cognata
 sunt. Adhæc in eadem hac genitura (cum orientis & culminantis coe-
 li signa Mercurio dedicata sint, infimi atque occidentis Ioui) efficitur.

ut cognatio hæc ipsa uideatur sibi inuicem suffragari. Ac de genituris hæc
 Aenus. Paret autem signo huic Hetruria, quæ & Tyrrhenia, hodie Thu-
 scana est, Italia quidem pars, quæ à Luna, Lunaq; promontorio incipit,
 qua è re ipsa regio etate hac Lunefana, id est, Lunensis dicitur: protendi-
 tur autem ab ipso promontorio per oram maritimam ad ostia Tyberis.
 Sunt autem in Hetruria Luca, Pisa, Florentia, Sena, Clusium, Aretium, Pe-
 rusia, Suana, Sutrium, Nepete: quocirca uidetur claudi Apennino monte,
 Tiberi flumine, & mari Tyrrheno. Huic item paret signo ea quæ Celtica
 à Ptolemæo uocatur, Hispania quoq; quæ & Hesperia, et Iberia dicta est,
 clauditurq; oceano, qui tum Hesperius, tum Ibericus ab ea nominatur, ma-
 riq; mediterraneo, quo satis angusto freto à Mauritania sciungitur: sepa-
 ratur autem à Gallia Pyrenæis montibus. Quæ uerò Celtica à Ptolemæo
 dicitur, ea Gallie pars uidetur intelligenda, quæ Narbonensis provincia
 est, quam Ptolemæus Sagittario subijcit, in qua est Narbon, unde Narbo-
 nensis, & Massilia nobilis urbs, tunditurq; à mari quod Ligusticum dici-
 tur: quo fit, ut ora quoq; Ligustica, quæ Celtica atq; Hetrurie media est,
 Sagittario attribuitur: cui item attribuitur Arabia, quæ felix à nostris
 agnominata est, à Græcis Eudæmon: ea est ad oceanum exposita, ac mare
 rubrum, clauditurq; à duplici sinu, ab occasu Arabico, ab ortu Persico, à
 meridie mari rubro, separaturq; ab Arabia Petrea, itemq; deserta monti-
 bus, qui à septentrione insurgunt.

De Capricorno.

Cap. XX.



Er agente cursum suum Sole, qualitatibusq; inuicem se
 uertentibus, dieq; ad ultimū lucis detrimentū iam reda-
 cto, frigida uis usq; adeo iam excreuit, ut regnare pror-
 sus in aëre uideatur. Cūq; solaris ille calor labefactatus
 maxima è parte iam refrixerit, nec quos uapores sur-
 sum eue xerit, concoquere ullo pacto queat, terra ipsa madefcente, necesse
 est hymbribus ac niuib. pro regionū natura coelū permanere. Etenim cō-
 uectis in editū uaporibus, terra mirum in modū grauida, obsistenti quoq;
 sua in regione frigore, uapores ipsi aut in hymbrem diffluunt, aut in ni-
 ues concreti dilabuntur. Quocirca Capricornus, ad quem Sol Sagittariū
 permensus cōfestim præterit, meritò humidus ab antiquis est dictus: quan-
 do quidem eo ipso Solem hospitio suo accipiente, multæ ac calidæ decidunt
 pluuiæ, fitq; ut uniuersim putetur signū ipsum humescere. Diuisim autē
 Ptolemæus putat primas eius parteis uehemēter urere, simulq; corrūpe-
 re, humidum enim à calido faciliè corrumpitur: quæ quidem omnia si-
 gno huic cæteris quæ item alijs obueniunt propter Solis progressionem,
 orbisq;

orbisq; solaris à punctis æquinoctialibus euectionem ac declinationem. Finitimæ etiam stellæ non parum sua de qualitate conferunt. Medias autem temperamenti quoddam retinere, idem Ptolemæus est autor, ultimæ uerò maximè pluuias esse hyemiferasq; arbitratur, quod fore necesse est tū propter rationes, quas attulimus, tum quia partes austrinæ septentrionalesq; utraq; è parte suas ob causas humectant admodum atq; corrumpunt, quæ quidem auctoris eiusdem opinio est. Non uidetur aut aduersari rationi, neq; repugnare rerū naturæ, quòd Capricorni signū cū sit, ut initio diximus, terrenū, fiat humidū ab euentu, atq; ex aeris accidentia. Si quædem nō raro uidemus æstates maximè pluuias, contrā hyemes admodum siccas. Quæ autē uia primæ Capricorni partes uere habeāt nostris in regionibus, nō uidemus, in quibus frigora tūc maximè contingunt Sole Capricornū ingressō, quo tēpore niuib; etiā cōplentur omnia. Plurima enim secus Acthiopibus atq; nobis accidūt: cācer enim illis plurimos ac penè assē duos hyemes fundit, æstus aut nobis ingētissimos. Fortè igitur ut nobis Capricornus propter remotiōnem frigora, sic illis contrario modo ob propinquitatem æstus addunt. Nam ut stellæ fixæ urentis naturæ hoc præstent, fieri ex parte potest, ratio tamen hyemis in terris nostris plus pollet ad frigiditatem. Quo ad fines autem, finiumq; ipsorum rationem, quæ sit signi huius significatio, statim explicabimus. Partes sex primæ, quæ Veneri ascribuntur, Veneris ipsius significationibus sunt appositæ, siquidē luxum eius ac profusionem referunt: faciunt enim natos belluones, libidinosos, pathicos, discinctos, infames, ac luxu ipso perditos. Quæ sex aliæ insequuntur partes Mercurio additæ, natos indicant futuros histriones, mimos, scenicos, personarum fictores atq; imitatores, lenones, gantones, alleclores, captatores, quiq; hac uia lucris inhiēt, homines quidem degeneres atq; abiectos, gratos tamen atque opulentos. Partes septem quæ statim sequuntur, cum sint Iouis, natos reddūt in ipsa etiam copia inopes, in honore ac gloria inglorios atq; inhonoros, in alto gradu constitutos humiles atq; abiectos, eosdemq; sordidos, atq; incultis moribus, necnon steriles, aut qui foemina tantum gignant, ac fortasse monstrosas. Nos hæc ab antiquis scriptoribus Grecis, Aegyptijsq; hunc in modum prodita referimus, mirati à Ioue ac Venere talia decerni: nī fortè natura signi à Saturno Marte q; infecti propter altitudinem ac dominatum, tum Veneris nitorem ac munditiam, tum Iouis generositatem contamineat ac nobilitatem. Sex quæ insequuntur, cum sint Martis, natos extollunt ad potentiam, ad ordines honoresq; militares, ad dominatum, ad tyrānidem, eosdem faciunt adultos, propriarum facultatum dissipatores, cognatorum insectatores, peregrinationibus, homicidijs, contentiōibusq; gaudentes. Quinquæ reliquæ cū sint.

Saturnine, natos gignunt austeros, tristes, difficiles, morosos, acerbos, do-
 losos, liuidos, tardos, futuris de rebus sollicitos, frigidos, sine filijs, itemq; si-
 ne fratribus. Dissentit autem et numero, et ordine, omniq; e parte finitū
 hæc constitutio ab Aegyptia constitutione. Siquidem ab Aegyptijs primi fi-
 nes Mercurio, secundi Ioui septenis e partibus ascribuntur, tertij partibus
 ex octo Veneri, quarti Saturno, quinti Marti, e quaternis utriq;. Signum
 autem ipsum Capricorni pro qualitate sua, proq; natura Saturni ac Mar-
 tis, alterius domini, alterius in eo altitudinem habentis, natos efficit ple-
 runq; agriculturæ studiosos, rerūq; abditarum ac naturæ exploratores,
 laboriosos, sedulos, vigilantis, ærumnosos, simulatores, superstitiosos, quæ
 à Saturno profisciscuntur: uerbosos item, mendaces, inconstantes, infidio-
 sos, libidinosos, sœdos, puerorum amatores, quæ uitia Martis sunt: iidem
 propter Venerem trianguli huius participem delectabuntur uerborum le-
nocinijs, capienturq; dicendi suauitate. Capricornus igitur in ortu consti-
 tutus prodeunte in lucem aliquo, animi eius applicationem futuram indi-
 cat erga itinera uisendi orbis studio obeunda, idq; à natura signi mobilis,
 et orbis parte tropica constituti decernitur: cum etiam Virgo contriangu-
 lum signum in loco nono, qui peregrinationis est, collocetur. Rei item fa-
 miliaris alimonia, satisq; ample facultates denūtiatur, cum idem Satur-
 nus et horoscopati signo, et domestice facultatis domicilio præsit: tamen
 si Saturni stella difficilis est ac laboriosa, Indicatur etiam cognitio quedam
 rerum naturæ occultarum aut ceremoniarū, sacrorumq; aut humanorum
 etiam secretorū: quarum rerum inuestigatio atq; peritia Saturni propria
 est, necnō in administrandis rebus cautio atq; prudentia portenditur, qua
 dam quasi cum simplicitate mixta. Etenim Saturnus propter innatum ti-
 morem et cauet, et simpliciter in agendo progreditur, ne dolus appa-
 reat, et superstitione potius quam religione animos imbuat, atq; ad deorū
 preces uotaq; in aduersis conuertit. Quodq; Mars propter altitudinem si-
 gnum ipsum malignitate sua inficit, cum etiam Taurus eiusdem trianguli
 signum Venerem ad rem inuitet, natum amatorij in rebus ardentiores
 reddet. Sunt enim Martis propria adulteria, amoresq; intemperati: qua
 ex intemperantia efficitur, ut quam in delictijs habuerit, paulo post odio
 insectetur, infamiaq; afficiat, nec minus ipse quos beneficijs affecerit, in-
 gratos post contumacesq; experiatur. Idem Capricornus coelo in medio
 collocatus, nascente aliquo, præficit eum negotijs administrationibusq;
 e quibus gloriam sibi uendicet, domesticasq; accumulet facultates cum or-
 natu et copia. Largitur etiam acumen ingenij, multamq; cognitionem re-
 rum à natura articulæ abstrusarū, præsertim celestium rerū peritiam. Idem
 erit propter ingenij dexteritatem, multis rebus negotijsq; accommodatus
 adde,

adeo, ut iudicetur non utilis modo, uerū etiam necessarius. Hæc autem præstantur à Saturno. Nec Mars tamen acuendo ingenio fauorem suum denegat: siquidem Saturnus, cum atræ præsit bili, is humor calefactus ubi fuerit, mirum in modum tenuatus acuitur. Nec iniuria emanauit etiam in uulgus dictum illud, omneis melancholicos ingeniosos. Etenim ignis ipse ubi querno inhaesit stipiti, quod lignum est admodum terrestre, et calorem emittit maiorem, et diutius in eo seruatur, quam in populeo, aut abiegnō stipiti, in quo quasi est uestigio ignis extinguitur, euaporata repente flamma. Itaque Saturnina ingenia pertinaciora sunt, suaq; pertinacia atque obduratione ad occultiora penetrant, assequunturq; pertendendo quod queritant. In occasu etiam collocatus natus similiter ingeniosum, rerumq; obscurarum indagatorem ac scium præstabit, quiq; propter situm ac naturam cardinis ac domini, Martisq; hostilem qualitatem, insidijs plurimis laboraturus sit, magnaq; passurus incommoda, propter calumnias, accusationes, atque occulta odia, e quibus tandem emerget, uiuetq; quietior, quinctiam occultis corporis aut animi doloribus ac uitijs laborabit. Vt autem hoc è loco Capricornus insidias plurimaq; parat incommoda, sic ex imo loco qui est paternæ substantiæ, euerit illam, quodq; antea partum est, dilacerat. Post uero laborando, agendo, multumq; insudando natus ipse aut amissa recuperabit, aut nouas sibi parabit facultates, quibus senectutem suam tranquille admodum traducat. Liberos aut non suscipiet, aut ignobiles quidem atq; è matre humili et abiecta suscipiet, aut illos sibi adaptabit: quod idem Saturnus efficit, qui non solum quarto loco, qui census est, uerum etiam quinto, in quo Aquarius succedit, dominatur, illumq; corrumpit. Saturni tamen malefica uis post primum decursus sui spatium mitigatur, et quod in acerbis pomis usuuenit, maturescit. Capricorno autem dedicatæ sunt regiones hæ, India, Ariana, Gedrosia, quæ quidem in Asia sunt: in Europa uero Illyrium, Macedonia, ac Thracia. Secernitur autem India qua septentrionem spectat, à Sacis, Imao monte: à Gedrosia uero Indus eam separat, ipsaq; Gedrosia diuiditur à Carmania montibus qui Persici dicuntur, percutiturq; Indico mari. At Ariana iungitur Parthiæ ac Carmaniæ solitudinibus. Duxit autem nomen ab Ario flumine, qui eam secat, ac lacū efficit: de quibus (quoniam remotissimæ à nobis sunt) aliud non uidetur dicendum. Illyrium autem quod in se continet Liburniam, ac Dalmatiam, hodieq; ex parte uocatur Sclauonia, itemq; Croatia, ex parte Albania, à septentrione habet Pannoniam, quæ hodie Hungaria est, à qua distinguitur montibus, ab occasu Istriæ, quæ Italiæ annexa est, ab ortu Mysiam superiorem, quæ hoc tempore Hungariæ pars est, à meridie Macedonia parit: abluuitq; ab occasu

Hadriatico sinu, à quo Macedonia protenditur ad mare Aegæum, coniungiturq; Thraciæ, à Solis exortu, ad Strymonis amnis ripas: separatur autem ab Illyrio, ac Mysia montibus, itemq; ab Epiro, atq; ab Hellade, et Achaia, de quibus iam diximus. Græcia hodie omnis ea regio à nostris dicitur. Epiri tamen pars Albania uocatur. Thracia iungitur à septentrione Mysiæ inferiori, ipsius autem Mysiæ pars, itemq; Thraciæ, Bulgaria nunc est: ab occasu Mysiæ superiori, quam Hungari tenent, itemq; Macedonia, cui etiam iungitur à meridie, ab ortu Solis habet Propontidem, hoc est mare, quod è Callipoli ad Cōstantinopolim prociarrit, et Bosphorum, qui Thracius dictus est: ea quoq; regio Græciæ nomine nunc comprehenditur, in qua Turcarum reges solum sibi constituere, propter urbis Cōstantinopolis magnitudinem.

De Aquario. Cap. XI.



Quarj signum hybernū, id est frigidum, atq; humidum, qualis hyems est, ab antiquis esse dicitur. Tunc enim maxima ingruunt frigora, demersis penè ab euaporationibus Solis radijs, et hymbribus, pruinis, aut niuibus inhorrescunt omnia, quando ui frigoris de gelu glaciēq; occupatur. Vltimas autē partes (cū primæ humide, mediæ uerò temperatæ tradātur) uentosas esse perhibent, nec sine ratione. Si enim primæ partes pluuiæ, ac magnopere nymbose, mediæ autē temperatæ sunt, dum scilicet uenti cessant, ob præteritas pluuias, quæ uim illā fumidā, è qua uenti gignuntur, extinxere, necesse est pedetentim post tantā terræ madefactionē, cōgelationēq; aspirationem quoq; multā à Sole subduci: quæ cū materia uentorum sit, ut eos plurimos citet, perquā naturale quidē est. Bene igitur atq; appositè traditū est, primas Aquarij partes admodum madescere, ultimas abundē flare, quæ autē ad boreā spectent, urere: quod nostris in regionibus per anni tempus quo pacto contingat, non uideo: quæ uerò ad austrū, niues plurimas fundere opinantur. Hæc itaque uniuersim in aëre contingere Sole Aquarium peragante, uolunt. Quod uerò ad hominum genituras coeliq; decreta pertinet, tale est, ut natos plerosq; gignant molles propter signi naturam, est enim humanum signum: quæ è re sit, ut animi nascentium emollescant otio, deuitentq; laboriosa et aspera, ut quasi effœminentur. Propter Saturnum autem signi dominum faciet eosdem parcos, sordidos, inuidos, osores suorum, astutos, cautos, consiliorum suorum celatores, pertinaces, elatos, delatores, atque calumniosos. Quocirca quibus Aquarius in genitura ascenderit ob arteis aliquas, reclamq; institutionem notati erunt, ac potentibus uiris accepti, faciet hoc Saturnus signi dominus, ac trian-

triangulator. Quodq; Mercurius habet etiam in hoc signo triangularem prerogatiuam, suffragabitur eis beneficio literarum atq; eruditionis, nec non etiam Venus praesidio religionis, ac sacrorum, cum Libra praesideat, quam nonnum, id est, religionis locum tenere manifestum est, quoties Aquarius in horoscopo collocatus fuerit. Huius etiam stellae fauore ac beneficio liberati maximis e periculis euadent, quam ob rem a laboribus erumnisque circumuenti, natura duce, ad aras deorumq; auxila refugient. Iidem bona paria, ob Saturni maleficientiam, hominumq; inuidiam, amittent, amissa repensabunt opera utiq; atq; industria sua. Bonis quoq; affluentibus, in multos benefica conferent, deq; suo erogabunt, quorum illi quidem ingrati erunt atq; immemores. In remunerandis enim beneficijs, gratiaq; referenda, Mars ac Saturnus aut auarissimi sunt, aut ingratiissimi. Quibus Aquarius culminauerit in genitura, et propter cardinis maiestatem, et propter Saturni praesidatum, nati illi diuersabuntur apud potentes et magnos uiros, publicosq; magistratus gerent, quibus gerendis rem sibi familiarem comparabunt: administrabunt autem res plerumq; aquosas pro signi ipsius natura, aut in locis fortasse fluuiialibus ac maritimis. Laborabunt hominum inuidia, ac fortunae uarietate. In loco septimo, hoc est, in occasu constitutus, ueniente in lucem homine Aquarius ipsum illum multa rerum inconstantia uersabit ac quatiet: ut si quid ante commodi ac bonae fortunae praebuerit, haud multo post tantundem incommodi atq; aduersi obijciat. Cardo autem ipse horoscopo aduersans, aduersarios atq; accusatores decernit, criminaq; ob inuidiam, lites etiam atq; infamiam, nec non solitudines uxoriae rei gratia, uitia insuper corporis, aut occultos decernit dolores. Siquidem Saturnus signi dominus, itemq; triangulator, Mercurius quoq; eiusdem trianguli particeps septimo in loco positi uitia corporis naturaliter inducunt. Ac nihilominus Saturnus hoc e loco senectutem bonam atq; opulentiam pollicetur, quod signum ipsum suo a domino mutuatum in natis referet. Ad haec contriangula signa Gemini ac Libra tenente occasum Aquario, alterum ab undecimo, alterum a loco tertio felici tuentur aspectu. Ex imo etiam cardine Aquarius uidetur natos insectari, minatur enim non in aquis modo labores, incommoda periculaq; uerum etiam haec ipsa mala prope loca aquosa aut secundum flumina, lacus ue, aut paludes, ac maria: Saturnus enim maleficientiam in aquis suam maxime exercet. Quia in re illud etiam aduertendum, signa contriangula in locis pigris disiunctisq; collocari. Siquidem Libra duodecimo in loco, Gemini in octauo ita desident, quoties aquarius inum cardinem obtinet, ut contagione quasi quadam pariter aegrotent. Qui uero de finibus signi huius praeccepta tradunt, Ptolemaei approbationem secuti, sic quidem sentiunt, ut pri-

mæ partes sex Saturno attributæ maleficæ quidem atq; infelices sint, quip-
 pe quæ sterilitatem afferant, filios ac fratres penè abnegēt, uitia in uisceri-
 bus ingenerēt, ac præsertim in membris è chartilagine, aquam quoq; inter-
 cutem, neruorumq; distentiones, hydropem spasmodicamq; exsuscitent. Quæ
 sex autem insequuntur, Mercurioq; addictæ sunt, ut nati animū cogendis
 diuitijs exacuunt, ut diligentiam, sedulitatem, curam, atq; prudentiam in
 actionibus largiantur, ut legum etiam peritiam, instituendi rationem, do-
 ctrinarum cognitionem, ingeniumq; admodum uersatile, cum innata qua-
 dam aptitudine ad res administrandas, domesticasq; ad rationes dispensan-
 das, cum perpetua animi sollicitudine atque metu. Tradunt etiam insequen-
 tes octo partes Veneri ascriptas in animis nascentiū ingenerare summum
 pietatis atque amicitie studium, ueri honestiq; amoris affectionem: fore
 etiam arbitrantur, ut cœli benignitate magis quàm aut labore, aut indu-
 stria, sed tanquam ex improviso nati ipsi locupletentur. Iidem in Vene-
 rem intemperati, impuriq; futuri sint, siquidem cum uetulis, aut sagis,
 magicisq; mulieribus consuescent, aut cum eunuchis, sterilibus, exoletis,
 cinedīs uel se miscebunt, ex hacq; coitus impuritate diuitias sibi para-
 bunt. Forsitan et iudem nauiculariam resq; maritimas exercebunt. De
 quinque partibus insequentibus Ioui dedicatis ita sentiunt, ut qui parti-
 bus his horoscopantibus in lucem uenerint, futuri sint fortunati, qui ta-
 men minutissima quæq; quinetiam uilia ac sordes ipsas curent, gloriam
 ac famam negligant, obscuritate latentur, liberos suscipiant, fratres tamen
 odio insectentur. De partibus quinque reliquis fines ultimos statuentibus,
 Martiq; attributis hæc tradūt, ut eæ natorum corpora occultis morbis ui-
 tijsq; infestent, animos contaminēt, ignauos ac socordes reddant, inuidos
 ac dissolutos faciant, torturis supplicijsq; proponant, et ad omne flagitij
 genus præcipitet. At qui Aegyptios secuti sunt, fines hac ratione partiuntur,
 ut Aquarij partes septem Mercurio primum, deinde sex Veneri, deim-
 cept septem Ioui, post has quinque Marti, ultimo totidem Saturno. Famu-
 lantur autem signo huic, de terrarum partibus ac provincijs, Sauromatia,
 Oxiana, Sogdiana, Arabia, Azania, mediæq; Aethiopia. Iunguntur autem
 simul Oxiana ac Sogdiana: habent autem fines ab occasu atq; à septen-
 trione cum Scythijs, quos suprâ Sacas uocauimus, nam Persæ sua lingua Sa-
 cas uocabāt, qui nostra erant Scythæ, nūc uerò sunt Tartari: ab ortu item
 cum Sacis, in quibus numerantur Massagetæ, qui et Alani, à meridie cum
 Bactrianis. Vtraq; cepit nomen à fluminibus. Oxa enim qui et Ossus dici-
 tur, atq; à Caucaiseis montibus qui Oxij dicuntur, fluit, dedit alteri nomen
 quod altera affecta est à geminis fluminibus eiusdem appellationis, duo
 eius latera præterlabentibus. Sauromatia pars est Sarmatiæ, spectatq;

ad Meotidem paludem, permagnusq; est gentis eius in Asia, atque in Europa tractus. Nam à sinibus Mysiæ inferioris, quæ est ad ostia Danubij, quam regionem hodie Valacchiam uocant, ad Hyperboreos montes citra ultraq; Tanaim atque ad mare Cassium Sarmatia pertinet, in eaq; habentur Rossia, Transsylvania, ac Polonia. De Arabia felice iam est dictum: hæc autem ipsa Arabia intellegenda est Petræa ac deserta, utraq; autem est inclusa duobus à lateribus, hinc Syria ac Iudæa, illinc Mesopotamia, à tergo autem felici Arabia, hoc est, Eudæmone, ac sinu partim Persico, partim etiam Arabico, ab ipsa uerò felici determinatur montium perpetuitate. Media uerò Aethiopia sita est post Marmaricam, iacetq; inter Libyæ deserta, paludesq; Nubam ac Chelonidem, Nilum item flumen ac Meroën insulam, per quam etiam altissimi procurrunt montes, qui Aethiopici uocantur: regio autem ipsa uasta est. Azania est ad sinum Arabicum, in qua plurimi elephantes, coniungiturq; regioni Cinnamifæræ. Sunt in ea Mastra, ac Pylei montes, Coloas palus, protenditurq; illinc ad Nili paludes, atq; ad Anthiopophagos, Aethiopes, hinc iungitur Troglodytis uersus mare rubrum, et Memnonibus, ubi duo illi amnes simul miscentur, postq; in Nilum influunt.

De Piscibus. Cap. XII.



Vi uenti à septentrione spirant, mensi quidē Februario ualde familiares sunt. Siquidē Sol ante Capricornū, post Aquariū emensus, cardinēq; æquinoctiali propinquior factus in regionibus, quæ posite sub septentrione sunt, cōcalescere aliquantulū iā cū cœperit, uapores passim multos, multaq; aspirationē in aëra sursum euehit: quæ ex euectione fit, ut aspiratio ipsa deorsum à frigore gelūq; reiecta, in nos, regionesq; has deuexiores ingruat, uehementiore etiā cū impetu frigoris ac niuiū. Itaq; accōmodē atq; e re ipsa traditū est à maioribus nostris, Piscium signū omnino frigidū ac uentosum esse. Etenim de natura orbis Solis atq; anni, cum hyems frigida et humens sit, frigidū ipsum eò processit, ut cedere iā humido naturaliter debeat, adueniēte etiam Vere: quo tempore humida uis incrementū suum accipit: quæ de re fit, ut Pisces sint maximē frigidi in humidumq; declinent. Opinatur autem Ptolemæus primas signi huius partes tēperatas esse, medias humectas, quæ ultimæ sunt, urere. Quod hæc quidem urant, illæ uerò temperatæ sint, in Ptolemæi regionibus potest usuuenire, minimē autem in nostris atq; ad septentrionem: quæ uerò ad boream, uentos spirare: quæ ad austrum, pluuias fundere. Qui uerò fines partiūtur, ē Ptolemæi opinio ne de significationibus eorum, quæ singulis à sinibus portenduntur, hæc quidem tradunt: ut primæ partes octo numero, quæ Veneti dicatæ sunt, et

hulares,

bilares, iucundæ, suaves, lascivæ, voluptariæ, urbanæ, gratæ, petulcæ, genitalesq; esse perhibeantur, itemq; beneficæ, dijs acceptæ, atq; amabiles, quippe quæ huiusmodi affectiones in animis nascentium ingenerent. Partes insequentes sex cum sint Iouis, arbitratur esse rerum naturalium studiosas, peritas, experientes, eloquentes, cōcionatrices, curiosas, populari aures civiliq; clientele deditas, fratrumq; ac filiorum fœcundas. Quæ deinceps sex aliæ insequuntur, Mercurioq; addictæ sunt, eas esse perhibent honorabiles, præpositas magistratibus, amicitie appetentis, gratas, misericordes, religiosas, piæ, modestas, officiosas, atq; etiam genitales. Sex item alias insequentes, Martiq; addictas, actionibus deditas, efficaceis, maritimis rebus gaudentes, hinc eripientis, illinc profundenteis, loquaceis, suarias, inconstanteis, nefarias, scelerum magistras, quæq; violentam mortem portant. Quatuor reliquas Saturno ascriptas asseruit humidas, noxias, quæq; nervis obsint, malosq; humores instillent, ac fortunæ bonorum damna iacturæq; denuntient: quicq; illis horoscopantibus nascuntur, eos utiq; eiusmodi tum vitij, tum virtutibus præditos fore autumant. Qui vero Aegyptiam partitionem sequuntur, ij Veneri duodecim, Ioui quatuor, Mercurio tres, Marti novem, reliquas duas parteis Saturno tribuunt. Fines autem domini sui naturam ubiq; ferè sequuntur. Plerumq; autem sub Piscibus nascuntur, qui libenter peregre proficiscantur, usendi orbis studio capti, quorum etiam voluntates ancipites sint, atq; incerta consilia, quod signi ipsius natura præstat: ij dem post ab erroribus ad quietem transibunt, à laboribus ad otium ac tranquillitatem: futuri etiam sunt sedatis atq; compositis moribus, fideles, ingeniosi, religiosi, rerum popularium studiosi, fœcundi, pro natura Iouis, signi domini, atq; item Veneris, quæ altitudinē ac triangularitatem eamq; cum Luna simul habet in Piscibus, quam ob causam futuri sunt etiam molles, lascivi, procaces, conuiuijs, cantibus, lusibus, reiq; amatorie dediti. Horoscopantibus igitur Piscibus, in lucem qui veniunt, futuri sunt ingeniosi, amicitie cultores, sano consilio, fideli benevolentia; præponentur autem negotijs, aut magistratibus, è quibus gloriam consequantur, ex ijsq; gradatim ad alios transferentur: in itineribus versabuntur, quæ erè in magnam hominum notitiam venient: tandem procedente tempore diuitijs req; familiari multum abundabunt, aduersariorum iniquitatem facile superabunt: quæ omnia stellarum, quas supra posui, favore illis præstabuntur, præsertim cum Iupiter sit etiam medijs cœli dominus, orientibus enim Piscibus Sagittarius culminat, isdem Piscibus in medio cœlo collocatis, ubi quis ex utero matris prodit, is in locis maritimis, fluuiabilibus, uel, aut aquosis negocia sua, actionesq; exercebit, patrimonium et amplum et opulentum sibi comparabit, alienisq; è facultatibus contributio

mbusq;

nibusq; locupletabitur, nec uno tantū in loco possidebit, cum Piscium signū bicorporeum sit, quæ quidem bona non tam cardinis quam Iouis ac Veneris beneficio conferetur, auxiliante etia Luna Cancri domina: quod signū culminantibus Piscibus secundo in loco, id est, in domesticæ rei parte inuenitur, quibus è locis signa ipsa sibi contriangulantur. Constitutis in occasu Piscibus, qui in lucem uenit, is in itineribus assiduus erit, peregreq; note-
 scet, gratia beneuolentiæq; multum apud homines ualebit, in conuersationibus familiaritatibusq; gratus erit, præstabit ingenio, atq; administrandis negotijs cōtinuè occupabitur, quibus è rebus etiā ditescet. Videntur autem signa humida, quæq; Lunæ, Martis, ac Veneris triangularitatem conficiunt, secus atq; ignea, propter similitudinem qualitatis, occasu quodammodo gaudere in hominum genituris. In imo positus Piscibus quicumq; in lucem uenit, ille multa fide, integritate, ingenijq; dexteritate præditus erit, atq; ob hanc rem magnā sibi auctoritatem in administrandis negotijs conciliabit: cuius etiam patrimonium, rei q; familiaris suppeditatio uidetur futura, aut ex aquosis locis, aut è ministerijs, quæ in aquis, aut per aquas exercentur, propter signi cardinisq; naturā. Arē autem uxoriam aut abhorrebit, aut erga uxorem coniugali beneuolētia parū afficietur, moresq; illius detestabitur. Quod propter Saturnum continget, quem triangulatorem esse Geminorum, Aquarij, ac Libræ diximus. Siquidem Piscibus imum coeli tenentibus, Gemini in occasu reperiuntur, quem locum uxoris esse traditum est. Quam igitur malignitatem signum a triangulatore suo accipit, cardini quoq; insigit, ex eaq; contagione rem uxoriā uexat. Ad hæc Mercurius Geminorum triangulator et dominus, septimo in loco genituræ, ut antè quoq; dictum est, nō satis bene sese habet, diurno præsertim tempore. Illic enim inuētus eum qui nascitur, impuræ quidem libidinis cupiditate foedabit. Hæc q; è re signum ipsum domini ac triangulatoris sui contactu quasi quodam male affectum quem concepit habitum, in re uxoria, maritaliq; coniunctione referet. Sub Piscibus sunt Phazania, Garamantica, Nasamonica, Lydia, Cilicia, Pamphylia. Sunt autē Garamantes ultra minorem Africam, postq; Libyæ solitudines: è quorum motibus decurrit Cinyphus fluuius, qui Africā ipsam perlabitur, et ex alijs item motibus Bagrada. Prociēduntur autem uersus Aethiopiā quæ est in Aegypto, latere ab uno, ab altero uerò Getuliam uersus, tenduntq; in interiora Libyæ. Nasamonica pars est Marmaricæ eius quæ est ad mōtes Anagōbros, iūgiturq; Ammoniacæ, Mesamonicam sunt qui uelint olim dictam, quod locatenerent in arena sita. Phazania sita est in Africæ solitudinibus, uersus minorem Syrtim, porrigiturq; uersus deserta, in quibus mons est ab exustione uocatus, atq; ad Garamantū fines. Lydia minoris Asiæ pars est, quæ et Meonia quondam dicta,

in qua sunt Hermus & Pactolus celebrati à Poëtis fluij, ac Sipylus, & Tmolus mōtes. Pamphylia terminatur ab occasu Lycia, atq; Asia minore, à septētrione Galatia, ab ortu Cilicia, & Cappadocia, à meridie mari Pamphylia, ab ipsa cognominato. Ipsa uerò Cilicia habet ab occasu Pamphylia, ab ortu montē Amanū & Armeniā, à septentrione Cappadocia ac Taurū montē, à meridie mare in quo est Cyprus insula, & sinū Ificū ab oppido in ora sito appellatū propē portas Amani mōtis, per quas in Syriā est aditus.

Libri quinti De rebus cœlestibus finis.

IOAN. IOVIANI PONTANI AD SVARDINVM SVARDVM, De rebus cœlestibus Lib. Sextus.

PROOEMIUM.



IN VM hanc (in hortis enim sumus) admirari te magnopere uideo Suardine Suarde, proximāq; illi nucem, ob tantam uidelicet stirpiū, ut arbitror, proceritatem, laxitatemq; ramorum: adoleuere namq; mirificum in modum, plurimumq; in crassitudinem dilatauere sese, quanquam pro sua stirpis utriusq; natura. Me uerò non tam ipsa proceritas trahit in admirationem, tametsi admiratione perquam digna res est, quàm quòd paucae admodum radices, infixæq; maioribus radicibus capillamenta, & quidem pertenuia ac perminuta tantam alere sumministratiōe sua, pluribus etiam seculis atq; ætatibus molem ualeant. Quæ enim Deus optime maxime, exugendi è terra succi uis radiculis illis inest tanta, ut & alere tandiu materiam tam grandem possit, & tam uberem frugū copiam ferre, ut ad hominū non solum usum, uerū ad plurimorū quoq; animalium alimoniam adiumenti tantum conferant? Vbi autem mecum ipse reputo, minutissimis è principijs corpora ipsa proficisci, atq; è tantulo nucleole tantæ prouenire proceritatis arborem, desino iam admirari: cum praefertim uideam paucissimis è uoculis ac literis manare tam uberem uerborū copiam, tantamq; uerbis ipsis uim inesse, ut & oratio finitis è literulis progressa in infinitatem abeat, & animos hominum ad iram ac uoluptatem, contrariasq; inter se affectiones sic impellat, ut dominari in animis ipsis nostris

nostris oratio uideatur. Atq; hæc quidem ipsa in hunc maxime modum à natura comparata sunt. Quocirca si educendo è terra succo pertenuis etiam radicle tantum adeptæ sunt uirium, quas inesse stellis facultates, quo etiam robore ac potestate præditas illas existimabimus, immittendis è coelo illisq; è corporibus radijs, et tanquam imprimendis notis in ijs ipsis, è quibus constamus, humoribus? Afficitur ipse quidem per quem spiramus aer, ab eius uero affectione sensus, mox etiã animus titillatur, ubi aut per ignem, aut per suffitum mirrhe tantulum, Arabici uel cuiuspiam odoramenti naribus obiectum fuerit. Non concipiuntur tamen naribus stellarum affectiones, non auribus, at actionibus ipsis hominum, animorumq; commotionibus sentiuntur. Non sentitur attactu, non odoratu uis pestifera: quæ tamen sit, quam etiam lethalis, docent funera, et orbitates quodammodo urbium ac populorum. Inherent solo infixæ arbores, contra mouentur homines, atque incedunt. Atq; ut hæc ipsa contraria sunt officia, sic diuersa admodum ratione et arborum et hominum constituta sunt corpora. Ducit alimentum à radicibus imis arbor, qua parte stipes infixus est terræ: at homo summo à capite, ubi et os formatum est, per quod alitur, et lingua sita est, per quam sapores sentit, et aures dispositæ sunt, et item nares, quarum et audit et olfacit ministerio. Oculi quoq; eodem sunt inclusi capite, quorum ipsorum officio luce fruitur, mundiq; intuetur pulchritudinem, ac cõtemplatur. Hæc autem omnia per aerem homo assequitur, in quo perinde ut patentissimo quodã in campo stellæ uires suas assiduus agitationibus, discursibusq; exercent. Etenim oculi, quorum nullum esset absq; aëre officium, sciendi atq; intelligendi uiam nobis aperuere. A motu enim cœli stellarumq; atq; è diuersitate tum rerum, tum temporum, quam tantam esse cernerent, in admirationem conuersi cœperunt præstantissimi quidam uiri rationem causasq; exquirere. Quibus è principijs rerum ac naturæ ratio in eam peruenit cognitionem, quæ nunc scientia dicitur. Itaq; ut à terra stirpes alendis corporibus, sic ab aëre homines exercendis sensibus opem mutantur: quem maiores nostri tum spiritum, tum animam uocauere, quod ex eo potissimum uiueremus. In eo igitur stellarum uires maxime ostenduntur, quod manifestissime omnium docent Sol ac Luna, propter principatum alter lucis ac caloris, propter propinquitatem altera. Quod uersibus etiam decantatum est à nobis in eo libro, qui Meteorica inscribitur. Atq; ut translationes arborum, itemq; infusiones peperere eam quæ nunc est fructuum diuersitatem, dum rerum semina inter se commiscuntur, aliudq; atque aliud in solum transferuntur, coagmentatis simul libris atq; corticibus: Sic ingeniorum quoque proueniunt diuersitates tam multæ de commixtione radiorum, quos stellæ diuersis è signis ac locis, diuersis etiam è configurationibus

miscendo iaculantur. Quemadmodum igitur paruis è principijs profuunt corpora, sic è tenui humorum mixtura atque à uarietate radiorum, diuersitateq; agitata & sota, uarietates proueniunt corporum atq; ingeniorum. Etenim ingenia siue acuta ea sint, siue obtusa, pro humorum qualitate corporumq; textura & acuuntur & obtunduntur in nobis. Anima enim suis instrumentis usa, quod artificis est proprium, tum materie ipsi, tum instrumentis sese accommodat, proq; materie atque instrumentorum natura aut hebetius mouetur, aut solertius ad agendum: qua è commotione actiones ipsæ quoque proueniunt eiusmodi, ut à corpore fermentationis natura haud ita multum tamen discedant. Acta met si animæ sit officium imperare sensibus, perinde ut artificis est materie atque instrumentis, nihilominus artifex ipse sic materie, sic instrumentis imperat, ut illis utatur etiam pro sua ipsorum qualitate ac temperatione. Neque enim faber statuarius scabroso è topbo statuam sic formabit, ut, quod poeta inquit, uiuos perinde ut de marmore uultus ducat. Tanta itaque ac tam diuersa ingeniorum uarietas minimè à parentibus ortum habet. Quotus enim in tanta multitudine, & ciuium copia inueniuntur filius, qui paternum parte ab omni ingenium reserat ac mores? Quin infinitus penè filiorum potius est numerus, qui diuersas artes, diuersa studia, diuersa etiam à paternis instituta consecutentur, cum sæpenumero tota illis (ut dici solet) fronte sint aduersi: quæ res exemplorum locupletatione minimè indiget. Proficiscuntur igitur hæc omnia ab erraticarum natura, configuratione, habitu, situ, radiorumq; inter se complicationibus atque mixturis: quæ quidem infinitæ cum sint, infinita quoque uarietate humores è quibus constamus, ut afficiantur, necesse est. Has autem affectiones in actionibus etiam suis refert anima, quæ tametsi institutione atq; exercitatione plurimum adiuuatur & colitur, tamen, ut Horatius nō minus probatè quàm eleganter dicit,

Naturam expellis furca, tamen usq; recurret.

Quod in agris quoque usuuenit, ut quamuis agricolæ cultu, diligentiq; non minus quàm assidua opera multum sibi ad ubertatem frugum, ac probitatem comparant, ad naturam tamen statim redeant, ubi opera ipsa cultusq; defuerint. Nihil enim natura potentius, quando uis eius perpetua quidem est, cum habitū ipsum mutari sæpenumero aut externam ob uim, aut per electionem uideamus. Sed nos postquàm non ab re præfati hæc tecū Suardine sumus, ad ea quæ rerum cœlestium explicandarum ordo iam postulat, redeamus.

De

De Saturno et Ioue simul genitura imperantibus. Cap. I.



Voniam autē quas in animis affectiones ingeneret erraticæ singulæ, ubi solæ genituris præfuerint, abunde iam diximus, consentaneū uidetur, earūdem quoq; significationes, ubi binæ simul æquatæ etiam potestate genituris dominabuntur, ordine suo explicare: siquidem earum ē

cōmixtionibus quæ uidentur, diuersitates proueniunt morū atq; ingeniorum. A Saturno igitur exordiemur, qui ubi cum Ioue simul dominatū obtinuerit, et uterque bene atq; opportunè collocatus suam cum autoritate dignitatem in figura retinuerit, natos ipsos ad probitatis ac modestiæ studium excitabit. Quapropter meritis in illorū animis summa ac singularis tum aduersum senes natūq; maiores obseruantia tum erga magistratus atq; institutores, eosq; in quibus signa sapientiæ uirtutisq; apparuerint. Etenim Iouis, id est, sanguinis ipsius temperatio Saturni frigoris siccitatēq; ita fouet, ac tanquā resouat, ut in natorū etiam animis eius opera idem temperamentum agendis referatur in rebus, utq; illorum ipsorū instituta pro humorū corporis moderatione sint etiā moderata. Sequentur itaq; probitatem, uerecundiam, modestiā: erunt in cōuersationibus familiarūq; cōsuetudine suauēs et grati, colent iustitiā et honestatem: seruabūt in iudicijs, in arbitratibus, in ferendis sententijs et iustum et honestum et leges, ab æquoq; et bono nequaquā recedent: in consilijs grauitatē retinebunt: in electionibus, delectibus, administrationibusq; mensurā ac rationem adhibebunt: amicos, domesticos, ac notos homines beniuolo prosequuntur affectu, mansuetudinem, lenitatem, æqualitatem ubiq; præseferentes, atque in distributionibus faciendis benignitatem ac rectitudinem: quodq; ait Virgilius, ut alio etiam loco testati sumus, cum de pascendis capellis præcipit, occultum eas in lacte saporem salis referre, ad nostram hanc institutionem transferentes, eiusmodi uisiones in hominibus excitatum iri dicimus, cuiusmodi in procreandis atq; informandis illis fuerit corporū humorūq; fermentatio ac temperatura. Has autē ipsas uisionum commotiones, quibus animi post afficiuntur, natura duce sequuntur etiam actiones, mores item, assiduāq; ab exercitatione habitus. Etenim liquandis herbis, succisq; expurgandis ubi ignis moderanter admotus fuerit, liquores ipsi moderationem quoq; suam retinent: ubi uerò admotus ignis uehementior fuerit, aut exuretur liquor, aut penitus exhalando euanesceat, aut uitiū omnino aliquod contrahet pro ignis ipsius intemperantia ac uitio. Hæc Saturni Iouisq; temperatura, atq; ut ita dixerim, condimentum, quod Saturnus cōtemplationem atq; penetrationem habeat in se, quod Iupiter moderationem ac mensuram, natos ipsos prudentes, graues, atq; consideratos effici-

ciet, ex illis enim prudentia cōstituitur: eosdem etiam reddet benefacendi ac proficiendi alijs studiosos, quiq; in cōmune etiam bonum cōsulant, atq; arcendo iniuriam, tueantur oppressos: Quippe cum Iupiter natura beneficius sit, Saturnus oderit uiolentiam. Neq; enim frigidi & sicci est uim inferre, cum è contrario sanguinis, id est, humidi calidiq; propriū sit fouere corpus, ac tutari illud. Ex hac temperatione ac natura nati ipsi efficiuntur defensores iusti atq; honesti, propulsabunt iniurias, arcebunt uiolentiam. Iidem erunt magni animi, quem Saturno Iupiter propter calefactionem subministrabit. Siquidē, ut suprā de atra bile diximus, humor hic natus est oblatum sibi calorem accipere, acceptūq; etiam fouere diutius, quod in lapidibus qui in calcem excoquuntur, apertē cernitur. Erunt rei rusticæ studio si, amabunt prædia & fundos. Siquidem Saturnus terræ præest, Iupiter affluentiam amat, & copiā: atq; in nostris corporibus nihil est sanguine ipso uberius, copia uerò domesticæ rei ex agris ac fundis prouenit, fundiq; à fundendo dicti. Neq; philosophiæ illis bonarūq; institutionū ac legum studiū defuerit, neq; tolerandis duris patientia ac fortitudo: cum hæc ipsa animi fortitudo ab ipsius magnitudine proficiascatur, quam quidem magnitudinem, ut dictū est, Iupiter præbeat: terrestris autem uis, cui Saturnus præest, sit cum primis solida, ac ferendis oneribus potissimū accommodata. Cūq; Iupiter sit honesti defensor, tribuatq; iudicij rectitudinem, Saturnus contemplationem amet, rerūq; abditarum cognitionem, quinetiam cum morū grauitatem, & in agendo maturitatem sectetur, ab hac ipsa harū inter se duarum stellarū commixtione atq; communitate etiam philosophiæ excitabuntur studia, cuius propria est rerum naturæ cognitio atq; scientia, uitæ item grauitas, rectaq; animorū informatio, ac sapiens illa & in docēdo & in agendo institutio & ueritas. Hæc tamen omnia nō modò imminuentur, uerum etiam in contrarium faciliē uertentur, si aut utrunq; sydus male collocatum in genitura fuerit, perinde ac propria dignitate amissa, aut ipso rum fortē alterū abiectum prostratūq; ignobili ter iacuerit. Quod ubi euenit (quoniam Saturni uis quæ in malum prona est, nihil habet quod malignitati obsistat suæ, quin eadem ipsa ob infelicem cœli sitū atq; habitum magis magisq; ad malignitatem impellatur) eo in statu qui nascuntur, futuri sunt alieni ab amicitijs, atq; ab hominū beneuolētia & societate. Quid quod liberos ipsos, suamq; progeniem odio insectabuntur, uiuentq; in solitudine, qua mirifice capientur: ijdem erunt suspicaces, simulatores, ficti, suorūq; consiliorū celatores, sacrilegi, temporū ac sacrorū uiolatores, inertes, languidi, imbecilli, queruli, susurriones, sine delectu, sine iudicio, indiscretē consueq; se suaq; administrātes, sine fide, sine fiducia, inepti, fatui, ignorantes, tamen ambitiosi ac patientes. Eosdem fortē aut furor quandoq; agi-
cabit.

tabit, ac uesania illa quæ Græco uerbo *uaria* est, aut inuidia odiūq; cōpellet ad miscenda uenena, mortesq; potionibus perpetrandas, fortasse etiā precio capti illas procurabūt. Vides igitur quid mixtura faciat, quid felix infelix ue stellarū collocatio atq; positura? ut ab illa, de qua diximus beneficentia, animiq; magnitudine fiat permutatio ad uenenoꝝ ministeria mortesq; preciosas. Hæc autē ipsa uarietas tam diuersa morū ingenioꝝq; (ut cœli res ad hominū artificia quæstusq; transferamus) maximē apparet in pictura, & ea quæ suo nomine tinctura dicitur: siquidem ex colorū ipsōꝝ forū permixtione nunc pluscula, nūc minuscula, nūc pusilla, nūc mediocri, infinita penē colorū diuersitas oritur, quod in pānis tū ē lana, tū ē serico, atq; in tabulis pictis uulgo cum summa etiā admiratione cognoscitur: cum tamen colores ipsi qui simplices dicuntur, nequaquā multi sint, quin potius pauci admodū, & quinq; ut sic loquamur, digitis cōprehensi. Itaq; ab ipsa commixtione, proq; cōmixtionis temperatura cūcta hæc proficiunt, quod mathematici est non secus ac medici, omni arte diligentiaq; perspicere. Cum etiam (ne ab ipsa pictura discedamus) in maximis quoq; pictoribus uideamus alios excellere in effigiandis senū simulacris, alios in adolescentiū: hos in uariandis pratis ac syluis, illos in auiculis, aut feris animalibus exprimentis. Quod in Poëtis etiam usuuenit, ut quos natura ipsa forte extulit Heroo in carmine, deprimat in lābico: quos in Elegiaco, eosdem Heroicis in numeris sordescere omnino faciat. Atq; hæc quidem neutiq; parentum seminio, cum maiores ipsorum neq; pictores fuerint, neq; Poætæ, sed cœlo ipsi stellisq; tribuenda sunt, earūq; fermentationi ac nuxturis.

De Saturno & Marte simul.

Cap. II.



Vocirca his iā explicatis, ueniamus ad Saturni Martisq; commixtiones, quorū stellæ intēperantes sunt ac propterea maleficæ atq; infelices habitæ. Iulius aut Maternus de stellis his ubi coniuñctæ simul partiliterq; in genituris fuerint, tradit alterā alterius aduersantē uim cohibere ac modificare, quod ignis etiā ipse frigidus in loco accensus præstat, cū locū eum calore suo tepesciat: quæ tepescitione locus ipse ita temperatur, ut neq; omnino frigeat, neq; penitus exaestuēt, cum inter frigidū & stuosūq; medium quasi quoddā tepor teneat. Ignea enim atq; exaestuā illa Martis natura frigescentem atq; obtorpidā Saturni uim fouet, quo ē somento temperamenti tale enascitur, ut qui tunc in lucem ueniūt, nec ira rabicq; præcipientes eant, neq; atram ob bilem obtorpescant, adeo ut nullam ad rem aggradiundam incalcant, quin potius eiusmodi euadant, ut hinc Marte, id est, rubra bile compellente, illinc Saturno, hoc est, atra retrahente, incerti sint utram in partē declinent, hoc ne an illud consiliū prius sequatur. Hæc autē

Mars

Mars Saturno coniunctus eadem insigni particula prestat in genituris, in quibus quidem eadem stelle auctoritatem et prerogativam simul suam cum quadam quasi maiestate retinentes, natos ipsos facit laboriosos, multisque erumnis comprimunt, quod utriusque stelle, cum malefice ambæ sint, proprium est prestare. Siquidem hinc nimius feruor incitat, illuc frigus angit, alter nimio plus impellens, alterum cohibens atque deterrens. Quo fit, ut non solum et laborent, et angantur, et solliciti admodum sint, uerum ut et aliquando supra quam oportet audeant, et iidem haud multo post metu uicti ab incepto turpiter desistant, sintque ostentatores et gloriosi magis quam fortes, atque ad ferociam feritatemque potius declinent, quod est bestiarum proprium, et illarum quidem quæ suo nomine feræ dicuntur. Itaque Græco nomine de audacia metuque composito *ἡρως* *φροῦδος* uocantur. Iidem quod nequeant quiescere, nunc metu cogente, nunc caloris ipsius impulsu conciti turbas excitant, seditiones ac discordias serunt inter ciues, nihil quietum patiuntur, rixarum ac contentionum cupidi, siquidem alia ratione nequaquam se curos fore se arbitrantur, odiorum ubique ac iniuriarum memores, cum Saturnus parcere ob metum nesciat, Mars uero propter iram nequaquam patitur inultum se abire, ac suapte natura subinde dolor recurset. Quæ ere immites, immisericores, implacabiles, inclementesque redduntur, nedum ut sint austeri ac perdifficiles. Arida enim et sicca male flectuntur, cum accedente calore, si quis reliquus succus inerat, exiccetur penitus atque inarescat. Et quoniã illuc metus, ut dictum est, hinc fiducia eosdem et reuocat, et compellit, neque quod aggredi parant, uirtute se affecuturos confidunt, plerumque insidijs ac fraude nituntur in dolum prorsus conuersi: nihilominus habendi cupiditate expugnati, quoniã utraq; stella perquam cupida est, tyrannicos mores exercebunt, efficiunturque intolerabiles, odio maleuolentiaque ciues ipsos persequentes instabunt, utpote ab omni iustitia modestiaque alieni, quæ uitia tyrannorum sunt propria, quos hinc metus, dum sibi premetiment ad immania etiam impellit, omni prorsus pietate humanitateque exutos: hinc cupiditas urget, uim manusque humanis ac diuinis ut inferant rebus, promiscueque undique rapiant, quæ ob cupiditatem et obiectent se periculis, et militiam sequantur. Itaque huiusmodi homines futuri sunt fallaces, subdoli, infestatores, editiosi, deceptores, alios contemptui habentes, aliorum bona occupantes, terrifici, formidabiles, dum enim magnopere timent, id agunt, ut alijs formidum incutiant, quæ uia securiores se futuros arbitrantur, neque in hominum despectum uenturos, peruersis denique atque corruptis erunt moribus, utque de Catilina scribit Sallustius, ingenio malo prauoque, agiles tamē administrandisque negocijs apti, quos etiam, ut quod ardentem concupiscunt, omnino consequantur, non pudeat et inter agendum, et inter loquendum de loco iureque et cedere.

à quo impetrare aliquid studeant, illiusq; indigeant opera, cum etiam as-
sentatorū personas induant, nihilq; ipsorum sit uerbis blandius, aut uul-
tu gestuq; summissius, tametsi contemptui alios habent, & præferri cete-
ris student. Quæ è re iudicari etiam potest, quàm sint inanes ac uentosi. Il-
lud quoq; prætercundū non est, quòd cum sint præcupidi, ex alia etiam
parte sunt nonnihil incuriosi, quodq; aliunde corraserunt, per incuriam
quoq; labi aliquando aut patiantur, aut negligent. Quòd si stelle ipse im-
portune ignobiliterq; collocatæ fuerint, ut altera temperare alteram ne-
queat, neq; retineri pensi quippiam possit, Marsq; bilem illam suā accen-
derit adco, ut Saturnum quoq; contactu suo calsecerit, seq; in frigidam
atq; arentem illius naturam calore suo insinuauerit, quod fornacalibus in
lapidibus cernitur, nascentiū animos sic inficiet, ut futuri omnino quidem
sint rapaces, grassatores, adulteri, malis plurimis expositi, et ipsi quidem
malefici, turpibus atq; infamibus quæstibus dediti, improbi, contumeliato-
res, insidiatores, furaces, periuri, siccarij, parricidæ, comedones, uoraces,
atq; ita in uentrem proni, ut ne illicitis quidem cibus abstineant: quinetiā
ab omni pietate, humanæq; societatis affectione sic alieni, ut ueneno mor-
tales petant, quorū etiā cadauera spolient, ac sepulchra uiolent, tēpla pol-
luant, sacris manus inferant, incesti, sacrilegi, ac omni è parte cōtaminati.
Quibus omnibus in bonū malūue perpēdendis, attendenda signa sunt,
in quibus stelle ipse genituræ tempore inueniuntur, qui sint signorū ipso-
rum domini, quo etiam intucātur aspectu, & quo in loco figuræ collocen-
tur, an prærogatiuam suam liberè, aut ex alterius præscripto exerceant:
ut ex hac perpensione iudicari ex amussim de animorum propensionibus,
deq; futuris nascentium uirtutibus queat, aut uitij.

De Saturno & Venere. Cap. III.



Atturnus suam in genituris cū Venere potestatem cōmi-
scens, cōmunicatis inuicem uiribus nonnihil de tristitia
sua demit. Siquidē Saturnina ariditas Veneris liquore
humefacta redditur temperatior, de sterili etiā fœcūda,
queq; antea dura & rigēs erat, emollescit, lenitate qua-
si quadam superinducta. Arida enim mollescunt humore adhibito, ac len-
tescunt quæ dura sunt. Ex hac igitur Saturni Venerisq; tēperatione mo-
dificatis utriusq; humoribus, ut neq; Veneris mollities nimis disfluat, neq;
Saturni durities tristitiaq; obrigescat, his socijs beneq; collocatis qui na-
scuntur, futuri sunt bona suauiq; conuersatione, temperatis moribus, pro-
ba institutione, singulari uerecundia ac pudore, summa etiam reuerentia.
Rem autē uxoriā fideliter constanterq; seruabunt, ac nihilominus zeloty.

pia rivalitatisq; affectu uehementer laborabunt. Cumq; abstinentes ipsi
 sint, indignè ferent, ubi perperam atq; indignè actum secū uiderint. Itaq;
 et indignatione magis magisq; afficiuntur, et hac in parte ab insita mo-
 destia ad impatientiā declinabūt. Iidem multa taciturnitate præditi erūt,
 ut cogitare quā loqui malint. Saturnus enim, quod atræ bilis proprium
 est, in hominibus ipsis cogitationes fixiores, magisq; assidue ingenerat,
 quæ e re taciturni efficiuntur. Etenim qui mentē uehementius exercent, lin-
 guam libentius cohibet. Loquacitas namq; tum modestiæ pudorq; aduer-
 satur, tu cogitationes impedit, mentemq; ab officio illo suo ad linguæ mu-
 nus detorquet. Quoniam autem prudētis beneq; instituti est animi, pietas
 tem colere, iidem quoq; religiosi Deorumq; cultores erūt, sacrificuli, my-
 steriorum ac ceremoniarum scij, quiq; libet in templis uersentur; sacer-
 dotia administrabunt, sacrorū arcana cognoscent, aut ipsi quoq; uaticina-
 buntur. Cum aut religio metus quidam deorū sit, is aut metus in mulier-
 culis maxime regnet, sitq; Veneris stella naturæ qualitatisq; fœminæ,
 naturaliter à stellis his religionis diuinarumq; opinionū studiū portendi-
 tur. Verū de uaticinijs, uaticinantūq; furore suo loco diffusius ac distin-
 ctius à nobis differetur. Hæc igitur animis hominū applicationes Satur-
 nus ac Venus induunt, ubi utriusq; in genituris stella opportunè excellen-
 terq; collocata, cōmunicatis simul uiribus dominabitur. At ubi aut utraq;
 stella, aut ipsarū altera ignobiliter oppressa iacuerit, quoniā temperantia
 illa, quæ de amborū mutua cōmixtione prouenit, retineri nullo pacto po-
 test, nati ipsi futuri sunt lasciu, petulantes, in libidine ita proni, ut neq; se-
 xui, neq; ætati parcant, ac ne à belluis quidē abstineāt, honestatē, uerecun-
 diam, pudorē in propatulo habeāt: quorū etiam ipsorū studiū sit puellæ,
 nobiles, nuptasq; sollicitare, sollicitas decipere, uitamq; in ganeis inter-
 scorta et popinones agere. Omni tandē genere turpitudinis, obscœnitatis,
 seruitūq; impuritatis contaminabuntur, ac (ne qua uirtute redempti
 sint à uitijs, ut de Crispino luuenalis prædicat) sacra profanaq; promiscua
 habebūt, humanitatem, pietatem, diuinū cultū contemnent, uenena misce-
 bunt, falsis testamentis subscribent, omni denique flagitij genere inguina-
 buntur. Hæc aut ipsa flagitia maiora minoraq; futura sunt, magisq; aut
 minus nota pro stellarum ignobilitate, ac signi cuiusq; natura, proq; aspe-
 ctu beneuolo aut aduerso. Quoniam autem dum de stellarum harū cōmun-
 itate loquimur, de libidine quoq; mentio facta est, non uidetur alienum,
 uini quoq; hac in parte similitudine uti, quod spiritus quidem plurimos gē-
 nere, uehementiusq; inflare uenas spuma ipsa, et dum miscetur in pocu-
 lis, et dū humi diffunditur, docet: quo enim uinū potētius, hoc etiā spumo-
 sius est, spiritusq; ubtiores creant: inflari aut uenas ab atræ bile, uenarum
 ipsa-

ipsarum plenitudo, ac tumor in ijs hominibus qui melancholici dicuntur, aperte monstrat: siquidem illorum uene plenae ac tumentes sunt, nō tam prae sanguinis copia, quā spiritus easdem instantis. Id quod in ijs nō euenit, qui sanguine multo abundant. Itaq; ut uni calor libidine excitat (neq; enim nisi ēre ipsa tam diuulgatē dicitur, Venerem frigescere sine Baccho) eodem modo bilis atra calor illam accendit, siquidem magnopere, uinum ut ipsum, inflat. Ceteri autem concubitu ab inflatione iudicare inde potest, quod genitale membrum de frigore iacet, ubi uerō calorem sentit de inflatione à calore suscitata, turgescit ac tenditur, flatusq; ipse per meatus à calore immixtus semen impellit in coitu. Quocirca naturale est, qui homines atra bile, eaq; calida abundant, eos libidinosiores esse, propter multū spiritum à calore suscitatum, ac per uenas impulsū. Pleraq; enim inflatia, ut terra tubera, Venerem inuitant. Quod si Saturnus propter humorem hūc atrae bilis libidinem prouocat, Veneri quidem cōiunctus, cuius ea appetitio propria est, tanto illam ardentius prouocabit, nec modum in ea retinere aliquem patietur, praesertim ubi nascentiū animos propter infelicem collocationem, in uitia exuperantiamq; impellit. Esse autē bilem atrā huiusmodi naturae, simiorum genus aperte docet, cū animal illud et abundet plurimum hoc humore, et ob libidinem etiam seuiat, uertiturq; in rabiem. Esse itē tam spirituosam, quā profecto est, palam ostendit puluis ille intra aenea tormenta bombardasq; incensus, qui huic humori maxime similis est etiam colore, nedum siccitate. Is enim puluis, ut dictū est, incensus tantos flatus progignit, ut ingentis magnitudinis saxeam aut ferream pilam longum per aeris tractū eiaculet, et quo iaciuit, quae habuit obuiam cuncta prosterнат ac diruat.

De Saturno et Mercurio. Cap. IIIL.



In hac ipsa nostri corporis et animae cōpage Mercurius eam sibi partem uendicat, quae rationalis dicitur, qua de re post abunde suo loco differetur. Cū igitur rationi Mercurius praesit, ac Saturnus propter naturam atrae bilis, quae pertinax admodum est, ac magnopere spirituiosa, libenter cōtempletur, perquiratq; rerū causas, quarū cognitionem multum cogitando, diutiusq; in illis peruestigandis atq; intelligendis persistendo cōsequatur, quoties ambo simul excellēter opportuneq; collocati in genituris fuerint, ac uires simul suas contulerint, soliū unā principatū tenuerint, erit natus ille in cuius genitura hoc contigerit, in ijs uel artibus uel negotijs in quibus uersabitur, abunde diligens, atq; in ijs administrandis singulari utetur sedulitate et cura, sciscitabitur occulta,

studebitq; incumbens ad arcana penetrare, rerū ac naturę causas inquiret, ciuiles constitutiones non ignorabit, hominū explorabit secreta: quæ fiet, ut pro natura signi cōfigurationisq; ac pro geniturę mensura, uel ad medicinę rerumq; naturalium, uel iuris ciuilis, uel grammaticę, literarumq; cognitionem, uel ad numerorum, aut rerum cœli peritiā ingenium suum applicet, uel ad hominum secreta intelligenda, cōsiliāq; pernoscenda, aut ad epistolas scriptitandas, aut ad mandata explicanda, quod munus oratorum est propriū, aut ad alienas res dispensandas, negotiāue administranda. In uniuersum autem erunt eiusmodi homines diligentes, sagaces, seduli, sciscitatores, inuestigatores, cauti, negotiosi, computatores, arithmetici, astrologi, herularij, medici, iurisperiti, grammatici, scribæ, sacerdotes, ac mystæ, quicq; ingenij uiribus, ac pertinaci opera quod sibi proposuerint, tandem consequantur. Forsan etiam euadent uiatores, cursores, nuntij. Erunt sanē acerbis atq; asperis moribus propter humoris ipsius asperitudinem. Arida enim attactu ipso aspera sunt, ac propterea in conuersationibus non omnino tractabiles, aut satis iucūdi et faciles. Contrā uerō stellis ipsis male indigneq; se habentibus qui nascuntur, euadent tristes, atque ab omni iucunditate remoti, peruersi, doloſi, immites, seductores, insidiatores, fallaces, proditores, tortores, ac suppliciorum ministri, quicq; odio maleuolentiāq; alios prosequantur, fures, noſtiuagi, magici, uenefici, uenencorumq; ministri, falsarij, captatores, quicq; fraude, ueneno, illecebroſisq; captationibus, ac malis artibus cupiditati satisfaciant suę. Etenim ut corrupto corpore à uitiosis humoribus, ac febribus laboranti, sensus quoque corrumpuntur, ac præcipuē gustus, per quem potissimum alimur: sic corrupta rationis natura, hacq; animę ipsius parte, necesse est, ut animę quoque uirtutes corrumpantur, quibus corruptis, ea quę diximus uitia, flagitiosaq; applicationes necesse est subsequantur. Quod enim corruptis corporum accedit humoribus, ut gustatus, et uis ea per quam appetimus, etiam quę aliena sint à sanitate, cum primis appetat, idem in animę quoq; actionibus usuuenit, qua à uisis corrupta, naturales illę propēſiones relicta ratione ad improba dilabuntur ac flagitiosa.

De Ioue et Marte.

Cap. V.



Eracliam ea parte, quę ad Saturni cōmunicationē cū planetis singulis in hominū genituris attinet, trāſeus dum est ad Iouē, ad easq; animorū applicationes explicandas, quę in genituris Iupiter futuras decernit, ubi cū inferiorū planetarū aliquo singulatim dominatū cō-

municauerit.

communicauerit. Ac primū quidem de cōmunicatione eius cū Marte, deinde
 ordine suo cū Venere Mercurioq; explicabimus. Quoties igitur Iupiter
 ac Mars soli ingenituris cōmunicatis uiribus dominabūtur, cūq; uterq;
 magnificē atq; ē sententia collocatus, qui tunc nascētur, procedente etate
 gerēt magistratus, præsident administrationibus, adipiscētur honores,
 præsident iudicialibus, uitae necisq; potestate exercebūt, deq; litibus,
 causis, ac criminibus sententiā ferent. Horū enim corpora cum sanguine
 atq; calore potissimū lucēantur, sitq; ignis propriū, propter leuitatem sur-
 sum ferri, atq; in aliū elabi, eorū animi abunde calefacti ad eorū quae sum-
 ma sunt appetitionē affectationemq; accēduntur. Rerum autē humanarū
 omnium uitaeq; ciuilis summa penes honorem putatur cōsistere, atq; in mi-
 neribus administrandis, cū inter ciuilia, quaeq; uoluntate dicūtur bona, pri-
 mum honor locū obineat. Ex hac igitur accensione animae extollūt ipsi
 quidem, ab elatione autem suscitatur appetitus ad gerendos magistratus,
 ad praefecturas moderandas, quoq; animus ipse magis incenditur, maiorq;
 existit, eo etiam maior est, honorumq; maiorum appetitio, pro quibus adi-
 piscendis nihil non parati sunt et agere et pati, ut se penumero reliquis
 bonis artibus impellantur ad ea, quae sine turpitudine fieri nequeāt. Quo-
 niam autē nimius calor, ac praesertim qui à Marte accenditur, consuevit in
 ea descere: ignis uerò ipse ubi uehementius exagitatus est, in flamas euolat,
 eaq; inflammatio iram gignit atq; excandescētiā: hinc nati ipsi futuri
 sunt iracundi, elati, insolentes, asperi, truculenti, quiq; alijs subijci nulla ra-
 tione patiantur, quippe cum in omni contentione euadere superiores ue-
 lint. Propter animorum autem uehementiam, atq; id quod quērūt ut as-
 sequantur, incauti, praecipitesq; in pericula sepe incurrūt, nimio plus ad
 appetendum atq; audendum cupiditate inciti. Atque ut iidem ipsi impi-
 gri admodum ac maximē acres sunt, administrandisq; negotijs apti, ue-
 hementerq; in agendo efficaces, propter caloris ubertatem, ac sanguinis
 copiam, sic etiam sunt magnopere contentiosi, rixisq; atq; litigijs dediti,
 quibus etiam letari uideantur. Vbi uerò stella ipse deiectae fuerint, ea-
 rumq; status ignobilis, qui nascuntur, facili in conuicia opprobriaq; pro-
 rumpent, eruntq; obstinatis animis, singulari peruicacia, summa petulan-
 tia, magna ingratitudine, fluxa fide, infirmis promissis, perditio luxu, im-
 mensa profusione, uarianti consilio, mutabili uoluntate, mira leuitate, cor-
 ruptis moribus, inexorabili duriā, ingenti cupiditate: quos etiam iuuat
 discordiam ferre, turbas excitare, seditionem mouere, raptō uiuere, uim
 rapinatq; exercere, uulnerare, cedere iure atq; iniuria multum queri, cri-
 minaq; etiam immerenter impingere, quos forte et delirium aliquando
 occupet, et ipsi mente capiantur. Oppresso enim Ioue, id est sanguine, hu-

midoq; exusto, ob intemperatum Martis ardorem, uehementioresq; rubrae bilis inflammationes, ratio retineri nullo pacto poterit, ex eoq; aut uesania, aut delirium nascatur oportet, aut eiusmodi eorum actiones futurae sunt, quae furorem praeseferant, ferinamue immanitatem, pro locis tamen proq; signis, partibus, atq; aspectibus utriusque stellae. In hac autem Iouis Martisq; communicatione, aequataq; inter eos uirium potestate, ubi Iouis moderatio, sanguinisq; temperies adeo corrupta fuerit, ut Martis retinere impetum nequeat, Martis uero effrenata uis, ac rufae bilis ardor in immensum efferbuerit, illud isjuuenit, quod in uino maxime dulci, ubi inacuit: fit enim acetum ipsum eoque acre, ut linguam exurat, ustiletq; palatum.

De Ioue et Venere.

Cap. VI.



Coniunctio ipsa Iouis ac Veneris in genituris ubi bene fortunata fuerit, facile indicat quid in iisdem genituris utriusq; stellae habeat portendere, ubi potestatem aequato iure solae sibi uendicauerint, quales etiam animorum applicationes futurae sint, quae ite actiones, atq; affectus.

Veteres igitur scriptores, et in ijs Iulius Maternus scriptor maxime probatus, ex harum coniunctione stellarum in genituris, ubi ea bene feliciterq; contigerit, decerni tradunt honores et quidem insignes, magnorum etiam uirorum familiaritatem atq; amicitiam, mores quoq; probatissimos, fidem, religionem, integritatem, honestatem, nitorem, lautelam, cum illustribus mulieribus consuetudinem, ex eaq; domesticarum facultatum affluentiam, felix coniugium, prolis gratam susceptionem, cupiditatemq; ad res Veneris semper accensam, et penes infatigabilem. Quamobrem in hac communitate uirum ac potestatis inter se, ubi Iupiter ac Venus soli, feliciterq; collocati praesidebunt in genituris, natos ipsos efficient pios, religiosos, beneficos, puros, simplicis, innocentis, mundos, iucundos, bene institutos, uenustos, publici boni ac iusti honestiq; cultores, elegantes, gratos, modestos, prudentes, dapinatores, ut Plautino utar uerbo, uoluptarios, amatorisq; rebus deditos: quae quidem applicationes à Iouis sanguinisq; moderatione, atq; à Veneris quae appetitionem mouet, natura proueniunt. Hec autem ipsa commotio à Ioue temperata, nec à Veneris recedens natura, quae tranquilla et modesta est, mores eiusmodi exsuscitat, ut nati erga deum futuri sint pii, erga homines benefici et iusti, in ijs quae ad utilitatem spectant, frugi, moderati, et continentis, in referenda gratia memores ac grati, in cogitationibus recti et simplices, in cultu atq; ornatu mundi, nitidi, elegantes, quosq; in diis sacrisq; multa uenustas gratiaq; subsequatur,

nec

nec tamen ipsi amatorijs in rebus recedent ab honestate. Itaq; & casti & prudentes erūt, neq; in ipsa uoluptate modestie pudorisq; obliuiscuntur, Et quoniam à natura ipsa nō ad eam tantum quæ utilia sunt, uerū ad iucūda uehementer trahimur, præterquā quod nati ipsi uoluptatibus erunt dediti, illis præsertim quæ e coitu capiuntur, ac dapibus, delectabūtur musica, cātibus, uersibus, spectaculis, mimis, ludis theatralibus agonisticisq; picturis, tabellis, statuis, margaritis, gemmis, unguentis, odoribus, illis etiam artibus quæ subministrandis uoluptatibus repertæ sunt, quæ quidē uoluptates uidendo, audiendo, odorandoq; & excitantur, & capiuntur. Quodq; corporea concretio natorū ipsorum de Iouis Venerisq; humoribus temperat & fermentata est, uisq; illa uidendi, & representandi, quæ phantasia dicitur, nihil nisi moderatū rationiq; consentiens suggerit intellectu, bene utiq; ipsi sentiet, atq; in bonis rebusq; cogitationibus exercebuntur: quæ de re, & recti & probi et sapientes erūt, quietisq; admodū ac tranquillis consilijs, & actionibus dediti, recta etiā honestaq; ubiq; sequentes, & in iudicando, & in consulendo, quos etiam cupiditas laudum gloriæq; propter louem nonnihil ad se trahet. In quibus tamen assequendis adipiscendisq; nō recedent ab insita moderatione ac temperatā, neq; à bonis artibus, quibus honor gloriaq; comparari debet. Ac mihi quidem ubi Iupiter Venusq; in unum simul conuenerint, uidetur fortasse non iniuria dictum, formam ipsam materiamq; ita simul coire, ut temperamento illi, quod recte in formandis hominibus conuenit, nihil omnino desit: Cum utraq; stella sua in qualitate moderata sit, & altera perinde ut Solis in generatione socia formæ studeat, altera ut Luna adiutrix materiam instruat, aptetq; informationi, ob idq; necesse sit temperamentū animati corporis omnino consequi, ex eoq; temperamento actiones etiam homine ipso dignas, moresq; quam probatissimos. At ubi indignè abiectioneq; in hac potestatis cōmunicatione stellæ ipsæ se habuerint, erūt qui nascentur, in quibus diximus rebus maxime intēperati, ut luxu delitijsq; eorum animi emolliti eneruatq; effœminentur, in cœnas conuiuiaq; resq; amatorias pecuniā effundant, pudicitia uenalem habeant, uitā in ganeis atq; inter scorta turpissime agant, ac tanquam sues cœno libidinis uoluitati infames habeantur, quippe qui artes etiam lenonias, quæstumq; meretriciū sint exercitaturi, aut ubi minus infames fuerint, euadēt histriones, panto mimi, cithæcedi, chorearū magistri, quiq; ex his, similibusq; e quæstibus uitam ducant. Atq; hæc quidem omnia & in hac Iouis Venerisq; cōmunicatione, & in ceteris omnibus ita miscenda & temperanda sunt, ut signorum, locorū, aspectuum, finium, altitudinū, deiectionum ratio quamdiū diligentissimè habeatur.



Iupiter ac Mercurius æqualem in genituris potestate na-
 ti, soli; simul Imperantes, ac suã in configuratione di-
 gnitate retinentes, natos præstant ingeniosos, quorũ ap-
 plicationes futuræ sint tũ ad ea quæ ciuiles ad mores per-
 tinent, tũ ad illa quæ ad animos spectant, cognitione ex-
 colendos ac rerũ scientia. Itaq; pii erunt, religiosi, frugi, benefici, ciuiles;
 patrocinia procurationesq; exercebunt, rem familiare cum labũt, pecu-
 nijs abundabũt, plebi accepti erunt, quibus è rebus honores dignitatesq;
 assequuntur, eloquentiæ operã dabunt, atq; in cõcionibus plurimũ uale-
 bunt, magnãq; inde auctoritatem sibi cõparabunt. Iidem animos excolẽs
Grammaticæ, Geometriæ, Mathematicæ, Philosophiæ, Poeticæ, artiũq;
bonarũ studijs, euadẽtq; docti et clari, quiq; suasionibus, admonitionibus,
cõsilijsq; suis et docendo et instituendo, ac rectè prudenterq; cõsulendo
plurimũ alijs cõferant. Ex hac enim Iouis Mercurijq; cõmunicatione, et
 ut ita dixerim, condominatu, alterius leuitas, cui acumen etiã perquã te-
 nue inest, alterius grauitate ac penso temperatur. Cũ enim Martis, id est,
 rubræ bilis sit propria celeritas, uehementiorq; festinatio, Saturni uerò æ-
 bilis atræ tarditas, quedãmq; quasi oscitatio, solius quidem Iouis, hoc est,
 sanguinis moderatio est, motusq; maturus ac pensitatus. Quocirca Mer-
 curij uelox atq; acuta uis Iouis pensitatione, freno quasi quodam retenta
 ita perficitur, et tanquã conditur, ut huiusmodi hominũ ingenia futura
 sint non solum acuta et prompta, uerũm matura et recta, sententiæ gra-
 ues, consilia fidelia, facundia grata atq; auctoritatis plena, doctrina exqui-
 sita, iucunda cõsuetudo atq; familiaritas, mores planè ciuiles, res familia-
 ris opulenta. Cum enim Iouis stella felix sit, et honorum ac diuitiarũ mini-
 stra, diuitiæ, honores, dignitatẽs per artes operasq; Mercuriales illis con-
 ferentur cũ auctoritate et gloria. Quòd si stelle ipse ignobiliter abiecteq;
 iacuerint in bac ipsa uirium inter se cõmunicatione, natorũ applicationes
 longè different ab eisdem, quas diximus. Siquidem ipsi futuri sunt, pro
 qualitate abiectiõis ignobilitatisq; stellarum ipsarum, bardi, stulti, inspi-
cientes, stupidi, nebulones, nõn nunquam autem nugatores, mordaces, irri-
sores, sapientiæ simulatores ac uirtutis, multa sibi arrogantes, fallaces,
circulatores, quiq; in triuijs multarum rerũ peritiã profiteantur, sepe
etiam profitebuntur in scholis, aliquando tanquam numine afflati futura
prædicent, lymphatiq; diuino, ut creditũ est, furore agitabũtur. Atq; hæc
 quidem uarietas ab habitu manat natura; atræ bilis. Etenim ut unum,
 quod suprà iam diximus, suapte natura peridoneũ est ad prouocationem
 libidinis, risus, lachrymarum, itemq; ad mouendam lætitiã, tristitiã,

ad inducendam taciturnitatem, uerbositatem, metum, fiduciā, aliasq; atq; alias affectiones: sic atra bilis animos hominū ad alias atq; alias maximē diuersas res, studiāq; ad diuersa applicat, et propensos facit. Quāquam autem haec ipsa bilis naturaliter frigida est, ita tamen est frigida, ut calorem etiam concipiat, atq; aliās quidem modicum, aliās uerò plusculum, nonnunquam ut maximum quoq; in modum incalascit.

De Bili. Cap. VIII.



Bea igitur, ubi frigescit, metus gignitur, et animi consternatio: quo fit, ut eiusmodi humore qui plurimū abundat, sint meticulosi, suspiciosi, stupidi, a se ipsa se penumero destituti, ut ob desperationem uitā finiant aut lartuco, aut gladio, aut alio uoluntariē mortis genere. Contra ubi cōcaluit, spem ac fiduciam gignit, quoq; calor ipse maior est, tanto etiam maior excreuit fiducia, a qua excitatus animus uehementior efficitur ad ea cōparāda, quorū studio trahitur, moueturq; cupiditate. Ut enim uinum ipsum, eiusq; concalēfactio et spumas agit, et spiritus excitat, sic atra bilis ubi cōcaluit, spiritus etiā gignit, excitatq; animū tanquam adhibitis stimulis, nec conuiescere illū patitur, eaq; inquiet atq; cōmotio propter continuationem (inhæsit enim calor in arido ac solido) id præstabit ac efficiet tandem, ut perueniat quō sibi iam proposuerat. Quam ob causam qui præclara in re excelluerint aliqua, siue Philosophi, siue Poëtæ, siue rerū publicarū administratores, ne de humilioribus loquar artibus, pictura, sculptura, musica, architectura, eos melancholicos fuisse compertū est. Quid plura? Hercules huiusmodi fuisse, Cæsarq; perhibetur, quod morbus indicare comitalis potest. Nec qui Alexandri res gestas moresq; examinatē cōsiderauerit, nō illū melancholicū fuisse uel asseuerauerit. Quod et a Seneca dictum est, atq; in prouerbij loco habitum, nullum magnum ingeniū absq; dementiæ specie: cuius rei bilis atra causa est, quæ ubi effebuit, non nisi uehementior esse atq; excandescentior potest: quod in aqua potissimū cernitur, quæ natura cum sit frigidissima, tamen feruēfacta non solū carnes excoquit, uerū etiam exedit, uellitq; ab ossibus. Atq; ut aqua et tepescit, et calefit, atq; etiā effervesceat, subiectis ignibus, proq; ignium qualitate ac continuatione plus minusue a calore afficitur, sic atra etiam bilis perinde ut affecta ipsa fuerit, hominū mouet afficitq; ingenia. Quo fit, uti melancholicorum hominū genera sint admodū diuersa, et in multis etiā artibus multa. Ciceronē quoq; qui irridere uidetur uelle quod iam diximus, autore Aristotele, ac medicorū optimo quoq; uel cum primis atra bile affectum ac percutum fuisse inueniet, si quis mores eius, eloquen-

tie ac philosophiæ studia, honorū tantam illam appetitionem, ac primi in republica loci affectionem, tot ac tantas obinde susceptas contentiones, omnem deniq; uitam eius probè exacleq; examinauerit. Huic autem atræ bili licet Saturnus ob frigus atq; ariditatē præsit, tamen qua humor ipsa cōcalescit, qua exerceat atq; inquirendæ rationi ingenia præparat atq; exacuit, qua etiam spiritus suggerit, qui animum conquisceat nullo modo patientur, dum eò perueniat, quò uis illa compellit, nimirū Mercurio subijcitur, cuius stellā retorridam esse diximus. Quæ enim torrida sunt, diutius ignem fouet, qui in arido ac solido, quæ natura terrestris est, potissimum alitur. Quocirca sicut à Ioue Mercurius, atræq; illa bilis à Iouis igne calefacta, atq; ab eius humectatione temperata, neue exuratur penitus de calore cōtinuo, humido quidem ipso materiam suggerente, magnorum autor est ingeniorum, magnatq; in animis hominum commotiones spiritusq; exultat. Quapropter præclari ac maxime noti euadent, siue arma sequantur, siue literas, siue alias ad actiones animos suos applicent, in quorum genituris Iupiter ac Mercurius bene feliciterq; collocati, suamq; cum dignitate auctoritatem retinentes, prærogatiuas suas, suam etiam potestatem unā communicauerint, æquataq; inter se iurisdictione ius suum exercuerint. Quocirca nec immerito Iouis filius à poetis Mercurius est dictus.

De Marte & Venere.

Cap. IX.



Ars & Venus quoties soli sibi in geniturarū cōfigurationibus dominatum arripuerint, summq; cū dignitate auctoritatem retinuerint, quoniā Veneris humecta uis Martis feruorem mitigat, Martis uerò uirilis ille calor foemineam Veneris naturam fouet, ac fouendo calfacit, ut non ineptè poetæ finxerint Vulcanum Veneris maritū, natorum animos sic afficiunt, affectosq; ita moderantur, ut futuri illi sint læti, hilares, iucundi, beneuoli, simplices, grati, cōcinni, ludis ac spectaculis dediti adeo, ut ipsi etiam mimos agant, in uoluptatem atque in res Veneris proni ac procliuēs, ne à maribus quidem temperaturi, sumptuosq; his in rebus plurimos facili, obtreffationis quoq; morbo, et ea quæ Græcè *ῥυδότης* est, laborabunt, Veneris etiam beneficio concupita facili consequentur. Itaq; hæc ipsa inter Martem ac Venerem dominatus in genituris communicatione temperamenti affert nascentium concretioni, ut cōmotiones ipsa sensuum ac naturæ nihil nisi iucundum ac uoluptariū animis representent. Quæ è representatione assidua & grata, quod dictū est, efficitur. Ac ex ignobilitate, ac male affecta cōfiguratione, nati ipsi præter modum ac mensurā

ac mensuram à libidine rapiuntur, nullus ab eis honesti respectus habebitur, nihil illis sanctū erit, quippe quorū etiam oculi procaces futuri sunt, gestus lasciuī ac petulātes, uerba illecebrosa, et lenociniū plena, ac molliendis corrumpeḁdisq; mulierum animis nata. Siquidem nuptas, uirgines, matronas omni arte sollicitabunt, nec conuicijs, contentionibus ue, aut rixis parcent, facīle etiā ob innatam libidinem periurabūt. Fas & iura promiscui habebunt: plurima etiam per temeritatem patrabunt. Nec uerò à natura rationeq; alienum fuerit, ut post tantam, tamq; continuatā intemperantiam comitali infestentur morbo, aut mente etiam capiantur. Martis igitur Venerisq; ignobilitas, infelixq; configuratio, ubi soli simul genituris dominabuntur, compagem corporis atq; animæ sic inficiunt, ut sensus quoq; animūq; inde ipsum labefacient: quæ labefactione actiones quoq; corruptæ intemperantesq; proficiſcentur, mores item peruersi, neq; corporis habitus satis bonus.

De Marte cum Mercurio. Cap. X.



Artis ac Mercurij commixtiones ingenium ut facile acciunt, sic difficile admodū est animū ut temperent, cū uterq; propter naturā humoris cui præest, sit concitatus ac subitaneus, Marsq; naturaliter uiolentus, Mercurius aut incōstans & uariū. Rusa enim bilis ubi incensa est atq; incanduit, nihil nisi iracundum immoderatumq; representare animo potest: eaq; ubi atrā extulit, deq; seruoze etiam suo illā calefecit, mutuo se uterq; humor mirandū in modū & fouet, & uires inuicem sumministrat: quo fit, ut cōmotiones illæ quæ ab utraq; proficiſcuntur stella, utriusq; naturam in animis hominum atq; in actionibus eorum referant. Itaq; ubi ambo, soli; in genituris dominabuntur, suamq; autoritatem cū dignitate retinebunt, erunt qui nascuntur, acuti, ingeniosi, impigri, uersatiles, agiles, efficaces, astuti, captiosi, subdoli, circūuentores, tergiversatores, fraudulentī, simulatores, insidiosi, quiq; ad ea quæ uolunt, facile summa; cum dexteritate se accommodent, consequanturq; concupita. Iidem erunt etiam loquaces, nec satis sibi constantes, malis etiam artibus imbuti, ac formidabiles, curiosi, alienorumq; consiliorum ac uoluntatum exploratores, quiq; alios inter se artibus suis committant, atque hac ratione in simultates & contentiones impellant: atque ut iſdem ipsi in hostem acres atq; uehementes sunt, sic de amicis optime mereri student, quos sibi ipsis similes eligunt: magistratus gerent, in quibus armati præerunt, forsitan & ipsi in militiam proficiſcentur. Tales deniq; futuri sunt, qui nego

tijs laboribusq; magnopere delectentur. Malus uerò habitus stellarū ipsarum, ignobilitasq; collocationis in genituris, atq; in hac ipsa potestatis cōmunicatione, ijsdem applicationibus, humorumq; cōmotionibus accessionem uehementer grauem ac noxiam facient: quæ ex accessione id efficitur, ut nati ipsi futuri sint peruersis moribus, præcipiti consilio, mente elata, audacia uel summa & temeraria, nulla religione, aut in Deum reuerentia, manibus cōtaminatis, lingua petulanti ac profana, fide incerta, inconstantiq; proposito, ut quod proposuerint, facili mutent, quimetiam incepti cōtentiq; pœniteat, nec stare pactis uelint, factumq; infectum cupiāt; uerbis blandis ac fallacibus. Horum quoq; peculiaria sunt mēdacia, furta, periuria, latrocinia, grassationes, seditose factiones, parricidiorū patrationes, falsæ obsignationes, uenenum ministrations, magicæ incantationes, ærii cōpilationes, sepulchrorum uiolationes, pecuniarum profusiones, criminū impositiones, templorū spoliations, nocturna; incēdia; atq; eiusmodi generis scelera plurima. Quamobrem Martis Mercurijq; mixtura temperari uix poterūt, ubi soli sibi imperium assumpscent. Etenim rufa bilis cum è sanguinis inflammatione, deq; illius excessu ingeneretur, ubi diutius feruescendo exiliit, indeq; paulatim subsemit, moxq; in cineres deferuescendo abiit, tandem in atram ianibilem refrigescendo transit: ut quemadmodum rufa ipsa è sanguinis inflammatione gignitur, pari etiam modo atra de rufæ excessu exuperantiq; gignatur, uidelicet post rufæ ipsius concrematam incandescētiā, cum quò ulterius procedat non habet, extinctis iam fomentis. Quo fit, ut ex horum humorum commotionibus actiones nisi intemperantes ac peruersæ proficisci nullo pacto queant.

De Venere cum Mercurio.

Cap. XI.



Veneris ac Mercurij socia potestas in genituris ubi utriusque stella feliciter se habuerit, corporis concretionem sic afficit, ac temperat, ut de ingenio ac nati moribus parentes quæcumq; ad ingenij excellentiā, morumq; temperantiā spectēt, iure sibi promittāt. Etenim Mercurialis illa bilis, de qua supra iam diximus, Veneris humore non aliter temperatur, quā ubi terra hortensis, tenuis ac suavis pluuiæ irrigatione madefcit, quæ è madefactione accedente post moderata Solis irradiatione germinat, suasq; herbas fundit multacum uenustate & copia. Neq; enim aptiorem asserre similitudinem hoc in loco iudicio nostro possumus. Si quidem humor ille retorridus hoc ipso genitili Veneris atq; admodum feraci humore largè fetus, in natorum ingenijs ea præstabit, quæ in hortis bene

bene cultis, ac pulla terra lenior præstiterit pluuia. Cum enim Mercurius
 rationi præsit, Venus appetitioni, hæc quidem ipsa ad rationis perscrutã-
 dæ studium, nati appetitum assidue excitat, et in appetendo, et in per-
 scrutando uoluptatem, quæ Veneris est propria, quasi rorem quendam dis-
 fundit, qui perscrutationis laborem non modo leuet, uerum etiam suauitate
 ad illum sua inuitet ac trahat, ac primum quidem ad excolendum inge-
 nium, sequedâq; artis ingenio dignas, illius cogitationes spiritusq; exu-
 scitat. De qua quidem exuscitatione cõtinua et grata, et quidem naturali,
 animi ipsius applicatio, ingenitaq; propensio ad illud assidue recurrit, ac
 uolens cõfertur, quod natura ipsa quidem tanta cum uoluptate sequendũ
 proposuit. Dignæ aut ingenio artes perhibentur, quæ in illis quidẽ uersan-
 tur quæ animi dicuntur bona. Præcipuum autem ac maximè gratum iu-
 cundumq; animi bonum est scientia, rerumq; cognitio, in qua mens ipsa,
 mentisq; peruestigatrix illa euagatio cõquiescit. Quocirca qui cuiusmodi
 erunt ingenio, Veneris ac Mercurij dono præditi, ij futuri sunt naturæ
 ipsius penè artifices, rerumq; naturæ magistri, philosophi, poëtæ, quiq; scie-
 tes ac intellegentes dicuntur, optimèq; instituti sunt: quorum animi affecti
 atq; etiam ornati erunt pietate, mansuetudine, lenitate, hilaritate, comita-
 te, urbanitate, in amicos beneuolentia, in deos reuerentia, in miseros mise-
 ricordia, in omnibus bonis charitate: quibus profectò efficitur, ut ament hq̃
 nestæ, probent æqua, sequantur legitima, rem familiarem frugaliter tueã-
 tur, studeant prodesse quamplurimis, reprehendant ac detestentur facino-
 rosa et impia. Eorũdem etiam iudicia erunt iusta, præceptiones æquabi-
 les, sermo suauis et gratus, cogitationes quæ nihil nisi bonum atq; hone-
 stum respicient, mens etiam in rerum cognitione ac scientia semper occu-
 pata. Ipsi autem propter ingenij bonitatem, atq; assiduam mentis operã,
 cogitando, perscrutando, commentando, quarum rerũ studijs capientur,
 à semetipsis eas discunt, ac cito etiam discunt. Illorum aut quæ manu exer-
 centur, artifices erunt nõ minus lepidi, quàm ingeniosi et probi, nec mi-
 nus in ijs quoq; quæ ad machinas atq; architecturam pertineat: in cunctis
 demum artificijs siue manu fiant, siue ingenio elaborentur, solertes erunt
 ac seduli, et opera eorum affabrefacta. Quodq; ut diximus, Veneris le-
 titia afflati sunt, erũt blandi, deliciofi, elegãtes, ornatus ac munditiarum
 studiosi: nec cantus suauitas, et ea quæ musica dicitur, minus quàm uerbo-
 rum gratia, ac sermonis facilitas futura est eorum comes. Quibus è rebus
 omnibus, atq; a morum suauitate amabiles reddentur, eruntq; populari-
 ter dilecti. Utinam autem aut in re amatoria, ac præsertim uxoria, nõ sint
 obtruncatorum sufficione laboraturi ac riuallitate, quam nos uulgus secuti
 in Obedientiæ libris Gelosiam uocauimus, aut puerorum amoribus tur-

piſſimè dediti, ſeq̃; morumq̃; nobilitatem tantam hoc infamiae genere laſciuentes ſœdent. Animi autem dotes tam egregias, donaq̃; cœli tam rara ſubuertet, aut magna ſaltem è parte corrumpet ſtellarum ipſarum ignobilis infelixq̃; collocatio in genituris. Nam pro lingua ſermonisq̃; ſuauiſſime utentur maledicentia, dicacitate, obſcœnitate: pro ingenij acumine, intellectuq̃; agilitate, artes manuum & quidem ſordidas exercebunt: crimina habuntur innocentes, decipient quos familiaritate uideri uolunt fuiſſe complexi, fallent in commercijs ac promiſſis, periurabunt libenter, exultabunt dolis atq̃; inſidijs, calumnias ſtruent, mares ſcœminasq̃; ob libidinis impotentiam uitabunt, cum alijs aliter loquentur, ſeq̃; nunc cum his ſentire, nunc ab eiſdem diſſentire una eademq̃; in re oſtendunt: homines deniq̃; incompoſiti, contaminati, incômodi, maledici, male ſentientes, peruerſe cogitantes, obtreſcatores, infamatores, corrupti: & ob hæc atque huiusmodi uitia iudicum ſententijs expoſiti condemnabuntur, meritasq̃; aliquando pœnas dabunt.

Libri ſexti de rebus cœleſtibus finis.

IOAN. IOVIANI PONTANI
NI AD PETRVM BEMBVM,
De rebus cœleſtibus Liber Septimus.

PROOEMIUM.



POETAE qui primi de natura rerum per conſabulationes quaſi quaſdam ſcripſere, Petre Bembe, tradunt Geryonem quendam regnãtem ad Hiſpanicum Oceanum treis animas, tria etiam corpora habuiſſe, hisq̃; tribus fuiſſe uſum. Nimirum triplex corporis genus, triplex etiam animæ, mirificis his è diſtis innuere uoluerunt. Siquidem genus unum eſt corporis arborum herbarumq̃; proprium, idq̃; à uegetatione, ſolaq̃; corporis ipſius alimonia atq̃; enutritione uegetabile diſtum eſt, animæq̃; buius aliud officium eſt nullum præterquam educatio ipſa ſola, ſoli etiam inheret corpori, neq̃; extra quicquam ſe mouet, niſi quantũ ſuccos ipſos è quibus uegetatur, ad ſeſe trahit, ac trahendo corpori inſinuat, in proceritatemq̃; cōuertit. Secundum corporis atq̃; animæ genus eſt, quod à ſentien-

do no-

do nomē duxit, nam & corpus ipsum mouetur per loca, & uisū hic atq; illuc queritando alitur: & anima ipsa uidendo, audiendo, olfaciendo, gustando sic afficitur, ut corpus ipsum moueat, impellatq; ad ea exteriū quærenda quæ profutura sentiat, contrāq; ad ea fugienda quæ uideātur nocitura. Neq; enim sine motu esse sensus ipsius opera potest ulla, aut motus, aliquis per loca corporeus ac suus absq; sensu. Hæc ipsa anima uiribus his suis usa, per uisum, per auditum, per olfactum extra corpus ipsum penē egressa, ea quæ extrinsecus posita sunt, uidetur sentire, atq; ita quidē sentire, ut etiam diiudicet quid ex illis profuturum, aut offuturū naturæ sit suæ, indeq; sentiens anima uocitata. Atq; hæc quidem corporis atq; animæ duo genera naturaliter seruilia sunt, tertioq; illi generi, quod rationale genus est animæ, obediūt. Hoc aut ipsū rationalis animæ genus, quantum à uegetate, atq; à sentiente recedit anima, tantū superiori illi naturæ, aut potius, ut nunc loquuntur, essentiæ quæ diuina dicitur, sese adiungit, atq; inherescit. Quocirca aliud quoddā corpus huic rationalis animæ generi attribuitur, tum figura, tum tēperature diuersum: ut si et uegetetur, & sentiētibus utatur uiribus, ueluti ea corpora, quæ tum uegetabilia, tum sensibilia dicta sunt, tamen alio quodā modo, & figuratiōe, & membro rum dispositione, & humorū præcipuē tēperature affectū est. Tertium tamen illi nomē nullū inest, nisi quod est genus corporis aptum natū rationali animæ subseruire. Atq; ut Aristoteles tradit in ipsa anima inesse parteis alias rationi obtemperantes, alias quæ nullo modo rationi uelint subijci: sic mihi partienda uidetur sensibilis corporis species, ut alia quidē sit quæ nobis cū belluis sit cōmunis, alia quæ tantū sit nostra, id est, hominis solius propria. Quāobrem nō ineptē à Poëtis traditū est, Geryonem triplici anima, triplici etiam corpore fuisse præditum. Quoniā autem rationalis animæ imperiū est proprium, uegetātis autem ac sentiētis seruitium, ut Sallustiano utar uerbo: ita quidē sentiēs uis subseruit ratione utenti, ut eius tanquā ministra atq; exploratrix exquirat, præparet, representetq; illi omnia quæ uiderit, audiuerit, olfecerit, gustauerit, quōq; etiam modo tetigerit. Quibus representatis, & tanquam oculis eius, id est, intellegenti uis expositis, sic omnia considerat atq; perpedit, eadem illa tanquam in trutina expendendo secernat, secernēdo singillatim inchoiat, de mum iudicet, sicq; inspicendo ac iudicando in illa illabatur & penetret, ut postmodum eorum omniū rationem & causas appositissimē reddat: à qua effectiōne quoniam hac in parte præstat atq; excellit, rationalis cognominata est anima: ab hac aut ipsa anima hominū proficiuntur actiones, quarum aliæ membrorū corporis ministerio aut solū, aut maximē indigent, aliæ aut parū, aut fortasse nihil præterquā quod anima sensuū summini-

sumministrazione, operaq; illorum utitur. Nam & cogitando, & perscrutando, & distinguendo, & discutiendo, & multa simul separatim uel cōtemplando, sensus quoq; fatigantur. Insunt etiam animæ huic tres siue potentie, siue uires, siue affectiones: sunt qui uirtutes uocauerint. Nam & M. Vitruuius arborum uirtutes atq; herbarum uocat. Nec M. Cicero hoc ipsum non etiam innuere uidetur, cum ait: Nam nec arboris nec equi uirtus quæ dicitur. Eas autem tum ab ira, quæ de sanguinis accensione gignitur, irascibilem tum à cupiditate utilis ac iucundi cōcupiscibilem nunc uocant. De rationali uerò cur ita nominetur, iam diximus. Quocirca cū erraticæ stellæ humoribus, è quibus homo constat, præsent, hiq; ab illis moueantur, motus autem uisiones excipient, hæq; animam afficiant, anima uerò uisionibus ipsis excitata tandem propendeat, atq; applicet, quòd asi duo quasi quodam uento agitata impellitur: hinc efficitur, ut nos ipsi eas arteis actionesq; sequamur, ad quas natura ab ipsa impellimur, et quodammodo instituti sumus. Neq; enim nisi impulsus quasi quidam, perinde ut uentorū est, assidua illa uisionum recursatio. Atq; eo quidem maior est & uehementior, quòd uentus exterior quidam impulsus est, uisq; aliunde adueniens: at uisionum impulsio interna est ac potius natua. His autem partibus, hoc est, irascibili, cōcupiscibili, rationali, tanquā earum motores, ac rectores quasi quidā præsent Mars, Venus, ac Mercurius. Cur autem præsent, etsi ratio satis per se manifesta est, nihilominus in hac etiam parte disserendum esse aliquid duximus. Iræ motus, hoc est, calefacti sanguinis excitatio animam mouet, motus autem hic ipse maior ac minor futurus est, pro excitationis ipsius mensura. Commotio autem hæc animæ hominem ipsum ad agendum impellit. Actiones uerò eiusmodi futuræ sunt, cuiusmodi calefactio illa sanguinis fuerit: ea uerò Martis qualitatem sequetur, qui Solis astro hac in parte assistit, & tãquam administrator informatori adest, generationisq; autori. Qualem igitur temperaturam inflammato sanguini, ac rufæ bili, quæ inde, ut Physicis placet, prouenit, Mars in genituris adhibuerit, talem temperaturam inflammatio ipsa in mouendo animo retinebit. Mars igitur & excitator commotionum earū, & temperator iure dicitur: iure etiam irascibilis pars moderationis eius imperioq; subijcitur. Quoniam autem artes ipsæ quas homines sequuntur, actiones quædā sunt, & continuatæ quidem actiones, ac propterea quodammodo naturales, secundum enim naturalem cuiusq; proclinationem artes ipsæ existunt, hæc quoq; suis ad stellæ referendæ sunt. Artes igitur, siue ingenuæ, atq; ab animi generositate profectæ, siue quæstuosæ, quæq; manu exercentur, quæ à sanguinis inflammatione, deq; rufæ bilis humore portenduntur in genituris, quoniam à Marte ipso portenduntur, ab ipso etiā Marte quærendæ

Tende sunt. Procius enim collocatione, altitudine, deiectione, dignitate,
 ignobilitate, aliarumq; erga illum stellarū aspectu, artes ipse future sunt
 in hoc ipso artium genere nobiles aut ignobiles, utiles aut inutiles, felices
 aut infelices, celebres aut infames. Itaq; et irascibili parti Mars præest.
 cuiusq; moderator ac rector est: et artes similiter, quæ à bile rufa, sangui-
 neq; inflammato portenduntur, ad Martem quoq; ut earum suscitatore
 referende sunt, atq; ab eius statu querende in genituris ac pronuntian-
 de. Appetitioni autē, ei q; animæ parti quæ concupiscibilis uocatur à Phi-
 losophis nostrit temporis, Veneris stella præsidet: ea in aptanda, suggeren-
 daq; ad generationem materia, Luna, ut diximus, socia est atq; adiutrix.
 Cuius quidem materiae ut proprium est formā appetere, sic etiam sua ac
 propria utriusq; est cōseruandi sui appetitio, postquā in unū coiuere, quā
 e coitione confluūtū est animal, quod quia sentit, ut appetat quoq; necesse
 est. Quibus enim sentiendi uis inest, et ijs pariter appetendi uis est indi-
 ta. Conseruatur aut formæ ipsius, materiaq; connexio atq; societas, ut co-
 rum adeptione quæ utilia et iucunda futura sunt, sic inutilium ac tristium
 euitatione et fuga. Versatur igitur concupiscibilis atq; appetens animæ
 uis in appetendis illis quæ utilia et iucunda existimantur. Qualis autē
 quātāq; appetendi uis hæc futura sit in anima nati, à Venere in illius geni-
 tura portenditur, pro sua ipsius collocatione et statu, eodē etiā modo quā
 sit arte secuturus, eam namq; sequetur quā uisiones ac titillationes ipse à
 Venere excitat animo ac menti representauerint. Quod autem de arti-
 bus dicimus, de actionibus quoq; dicimus, quæ futuræ quidem sunt pro
 eiusdem stellæ collocatione et statu, genituræ tēpore. Vis aut rationis
 nullo in corporis humore, nulla in eius parte collocatur, eam tamen uim
 sensus qui corporei quidē sunt, adiūuat, fouent, et tanquā itineris duces
 uiam quasi quandam ad exquirendam assequendamq; rationem demon-
 strant atq; aperiunt. Huic animæ parti ac uirtuti eius, ut etiam in cōmen-
 tationū libris ostendimus, Mercurius præsidet, atq; ita quidē præsidet, ut
 Soli hac in parte subseruiat ad perficiendū hominem, quod rationale ani-
 mal de ratione ipsa uocātū est: idq; ut perfici atq; absolui à Sole posset, quā-
 tuor primum humoribus opus fuit, sumministrante materiā Luna, tan-
 quam generationis socia. Itaq; uice aeris sanguinem sibi à Ioue Sol mutuū
 tus est, qui calore quidē Soli, humido autem Luna opitularetur: loco ter-
 re bilem atram à Saturno, qui frigiditate sua Luna adesset, siccitate uerō
 ei, siccitas enim caloris est familiarissima: pro igne autem bilem rubram à
 Marte, qui calore ac siccitate sua suffragaretur, quemadmodum Venus frī-
 gido atq; humecto Luna. His igitur elementis atq; humoribus, his etiam
 auxiliatoribus in fingēdo humano corpore usus est Sol, et quidē apposi-

tiſſimè. Primum enim quòd generatio futura eſſet è contrarijs, Sol ſo
 pro uiro ac mare geſit, uſus Luna pro coniuge ac muliere. Itaq; hinc for-
 ma ex parte Solis, illinc materia ex parte Lune ſimul còuenere. Quoniam
 autem duo aduerſantia atq; omnino contraria conuenire in unũ nequeat,
 niſi medijs adhibitis, quæ contrarietatem atq; repugnantiam utrinq; tem-
 perent, nec forma ipſa impingi niſi per calorem in humidam poſſet mate-
 riam, cui tamè frigidiſas ei inſita repugnaret, media adhibita ſunt, quæ in-
 uicem ſeq; omniac; ſimul mixta moderarentur: ſiccitas, quæ tũ calori, tũ
 frigori familiaris eſſet, hæ enim qualitates agētes ſunt: et ſeruor Martius,
 qui calori adeſſet Solari, ne ab humido exſtingueretur: tum etiam Saturni-
 num frigus, quod humidum à calore atq; exareſcētia tueretur, præſertim
 quod animal hoc mortale futurum eſſet. Calori Solari, qui genitalis eſſet,
 adiectus eſt ſeruor Martis urens ac corrumpens: Lunari aut frigori adie-
 cta eſt Saturnina frigidiſas, quæ ueneni uim quãdam in corrumpendo reti-
 neret. Nullis igitur in humoribus corporis ſita eſt ratio, nullis in mèbris:
 non Ioui addicta, qui dominatur ſanguini, à quo corpori alimentum ſuffici-
 tur: non Marti, qui rubræ bili quæ de ſanguine ipſo excernitur: non Satur-
 no, qui atræ: non Lune, aut Veneri, quæ pituitæ. Quomodo enim in terre
 no humare ratio collocabitur, qui tantò opere obtuſus eſt, nulliusq; commo-
 tionis? quomodo in aqueo, cuius motus eſt etiam magnò opere tardus, uis au-
 tem hebes ac reuſa? cum æria etiam qualitas nequaquam tanti acuminis
 ſit, tantæq; celeritatis ac penetrationis, ut rationalis poteſtatis ſedes in ea
 collocari debeat. Nam ignea ac Martia uis ſi idonea eſt iræ, parum tamen
 apta eſt conquiſcendæ rationi, cui motus tẽperatior, minimeq; præcipitatus
 accommodari debeat: ipſum aut acumen ut penetrabile, ſic minime attenua-
 tum ac frãgibile, ne tanquã furtim ſurrepat, huicq; atq; illuc fugitiuus diſſi-
 liat. Sol igitur uim hanc rationalem ſibi ipſi retinuit, atq; ut autor præſtan-
 tiſſimus humani corporis, partẽ hanc hominis præſtantiſſimã ſibi adiudi-
 cavit, ea tamen conditione, ut regiam ſibi maiestate retinens poteſtatis
 rationalis uim autoritatemq; Mercurio ſubrogauerit, ut pote maxime ſibi
 uicino et familiari, ut natura tantò opere uerſatili prædita, ut nulli omnino
 qualitati addicte, ut qui facile ſe in aliorũ naturã nõ modò còuerteret, uerũ
 etiam naturas, mores, applicationesq; indueret, cuius ad eum acceſſus, iteq;
 ab eo reſſus eſſent etiam frequentiores, quæ re familiaritas tanto maior
 atq; obſtrictior inter ipſos iniretur. Nam Veneris natura (licet eius ſtella
 ſit etiam Soli proxima) quia fœminea, quia Lunæ ſocia, quia uerſatilis ne-
 quaquam eſſet, ſi cupiditati apta eſt, non tamen idonea eſt, quæ præſideat
 rationi. Mercurij itaq; ſtatus in genitoris rationalis animæ futurũ ſtatum
 denũtat, ac ſiones ite atq; artes futuras, illarũq; qualitates. Si enim bona

tum Saturno familiaritate iunctus fuerit, mutuatus ab eo tarditatem, firmitudinemq; cogitandi, et indagandi constantiam, atq; e tarditate constantiaq; contemplationem, ac rerū pensitationem, celeritatem suam, insuetumq; sibi acumen temperabit: quin etiam persistet diutius in cogitationibus atq; in suscepta inuestigatione firmius perseverabit, singulaq; magis ac magis intuebitur, et cautius considerabit, maturiusq; ex eo de illis iudicium feret: à Ioue mutuabitur rectitudinem ac mensuram, iudicijq; integritatem cum æquabilitate et penso, pro natura familiaritatis atq; affectus. Hæc enim ipsæ affectiones tum Saturni, tum Iouis, humorū quibus illi præ sunt, naturas sequuntur: à Marte alacritatem, uehementiam, fiducia, ut sit acris atq; alacer in suscipiendis cogitationibus, uehemens in persuadendo, atq; in iudicando generosus et liber: à Venere suauitatem, bonitatem, iucunditatem, ut sit in suadendo iucundus, in iudicando bonus, cogitationes uero eiusdem suauis ut sint, ab omniq; acerbitate alienæ: à Luna uero mutuabitur non ea solum quæ Lunæ sunt propria, uerum et illa quæ à stellis alijs ipsa sibi mutuata fuerit assidue decursione sua. Hæc tamē omnia pro cuiusque statu ac suo, quæ tamen ipse et ad Solem referret, et à Sole ad ipsum referrentur. Neq; enim alia ad rationem inueniendam est uia, nisi huc atq; illuc discursando, hæc atq; illa aut sequendo, aut fugiendo, alia considerando, alia reiiciendo, ijs inherendo, ab illis recedendo, quedam probando, quedam contra improbando, præterita memorando, præsentia pensitando, futura præfagiendo, singula deniq; sequens ipsum, resq; suas metiendo. Atq; ut ad Solem ipsa tandem refertur generatio, sic ea quæ ad perficiendam rationem accommodata sunt, tanquam ad principem unū aliquem referenda sunt ad iudicium, à quo rationis rectitudo, ueritasq; emanat, iudicium autem confertur à Sole autore omnium ac magistro. Eorum uero quæ iudicium antecedunt, inquisitio, inuestigatio ac representatio, unius Mercurij est propria. Atque ut Mercurij qualitas est retorrida, sic inuestigatio omnis, omnis item iudicatio concocta esse debet, nihil enim retorridum quod non omni etiam sit parte concoctum. Ad hæc humor ille, quem Mercurialem diximus, quiq; Saturni iurisdictioni propriè tantū attribuitur, neque enim nisi ex euentu atque (ut nouo, idoneo tamen utamur uerbo) ex accidentia quadam attribui Mercurio potest, multum à uatura ipsa parti huic rationali conferret, ut tametsi à natura Saturno sit additus, accidentia tamen quadam efficitur Mercurio perfamiliaris, ac penè Mercurij ipsius suus. Efficit enim hic ipse humor cogitationes fixas ac permanentes, atque exinde concoctas et defecatas. Et quia ubique dubitat, undecunque etiam querit, et quia quocunq; sese offert, sciscitabundus perscruiatur singula, ac perscrutando ad secretiora penetrat, aperitq; quæ

prius erant obscura & incognita: quin etiam proficiscitur ulterius ad intentata, dum non solum acuit spiritus, uerum etiam fidentiores illos facit, redditq; indefessos. Præesse autem rationi Mercurium illud etiam docet, quod ab eodem Mercurio manat oratio, quæ rationis ipsius, rationalisq; animæ interpret est ac ministra. Attribuerunt etiã ueteres ac probati scriptores Mercurio linguam, item fel humoris illius persimile, de quo iam multa diximus, ac dicturi sumus. Aristoteles tamen arbitratur fel inutile, iecinoris excrementum esse, nec cunctis animalibus, sed ne omnibus etiam hominibus inesse. Quoniam autem hæc ipsa potestas est illi à Sole tradita, diligentissimè uidendum est, qualis sit eius cum Sole status, sit ne matutinus, an uespertinus, orientalis ne, an occidentalis, refectione iuicere. an regrediendo incedat, sit Soli proximus, an ab eo remotior, aut quam fieri potest remotissimus: præterea feraturne eodem cū Sole signo, an alio, signa etiam ipsa qualia sint, signorumq; ac partium domini quomodo sint in figura collocati, amicè ne, an hostiliter conspecti: ut quale futurum sit nati ingenium, quæ uis rationalis animæ eius, absolutius iudicari queat. Quia uerò satis probatū est, treis illas animæ potestates, irascendi, appetendi, ratione utendi, Marti, Veneri, ac Mercurio ascribendas esse, ab iisdemq; solis actus hominum artesq; proficisci, reliquū est, ut de singulis, cum onus ipsum tradendæ artis acceperint, differamus: hoc tamen præfati, primum attendendum esse nati ipsius genus, generisq; mensuram: qui enim nobili è genere nascuntur, diuitijsq; abundant, uix unquā artes quæ manu fiunt, secuturi sunt, quamuis coelum sic uideatur decernere. Sæpenumero enim humane leges, ciuiliaq; instituta coelestibus præferuntur. Deinde patria uidenda est, cum sat notū sit, nō omneis artes quocunque in oppido exerceri posse. Quis enim unguentaria exercebit, in Apennini iugis, aut Alpium appendicibus uitam ducens? Cauenses plerique omnes ædificiorum structores sunt, Anglonenses ferrarij atq; ærarij fabri, Sulmonenses aurifices. In Marsis non pauca inuenias oppida, quorum oppidam præter ouium pasturam aliud omnino nihil aut exerceant, aut curent: in Apulia, qui agro colendo tantummodo studeant. Tertio loco climata, terrarumq; acclinationes, cum differant inter se, nec eadem sint in illis significationes, ac stellarum decreta.

De Marte datore artis ac magisterij. Cap. I.



Ars igitur cum fuerit magisterij atq; actionum dator, proq; dignitate ac excellētia præfaturæ huius suæ collocatus, si feliciter, felicibusq; à stellis cōspectus illustratur, nocturna quidē in genitura (siquidem nocturno gaudet Mars tempore) decernit militiā, decernit milita

riab

rlab exercitatione ac disciplina, bellicisq; item ex artibus gloriâ, honorē,
 magistratus, præclarâq; pollicetur insignia. Præficietur enim natus ille
 aut cohorti, aut legioni, aut tribunus erit, aut equitū magister, aut ducla-
 bit exercitū, aut maximā aliquā potestatem maximā cū licentia exerce-
 bit: quæ quidem Martis decreta minuētur ex dignitatis autoritatisq; eius
 imminutione. Quod si autoritas imminuta fuerit adeo, ut ad arteis opific-
 cas, ac manuum magisteria descendendū sit, tamen ut in his decernendis
 dignitatem quoq; Mars suam magna è parte retineat, natus ipse quæ cir-
 ca ignem, aut quæ circa ferrum uersatur, artem exercebit, quadam cū no-
 bilitate atq; præstatiā, interq; artifices alios cōmendatione et fama. Erit
 autem ars quæ igni exerceatur, ubi Mars Soli ratione aspectus aliqua con-
 figurabitur, qualis est ars fabri ferrarij, aut fornarij, aut fornacarij, aut fu-
 foris, conflatorisq;. Vbi uerò nulla cū Sole aspectus ratione iungetur, ars
 ipsa ferro administrabitur, futurusq; est natus is aut agricola, aut lapici-
 da, aut faber lignarius. Quod si aspirare ad illa Martis ipsius status eum
 non patitur, artes minus nobiles ac minus honestas, aut ex igni, aut è fer-
 ro nihilominus sequetur, futurus aut lanius, aut faber ferrarius, aut cultra-
 rius, spathariusue, aut loricarū thoracumq; fabricator, aut arcuū uiso-
 rum, aut tympanorum, aut eorum tormentorum fusor. Sin Mars in pi-
 gris ac deiectis constitutus locis fuerit, aut in signis, in quibus ipse parum
 letetur, artes decernet multo ignobiliores, maioreq; cū ignobilitate exer-
 cendas, ut qui lapides in calcem uertunt, quiue animalium intestina in ca-
 cabis grandioribus ad esum coquunt, ut qui seffores sunt ac lignatores. Si
 enim Saturni aspectus acceperit, erit faber navalis natus ille, aut purgator
 sentinae, aut coriarius, aut sentinarius, aut coquus. Si uerò Iupiter Martem
 intuebitur, erit aut publicanus, aut gregarius miles, aut caupo, aut por-
 titor, aut famulabitur. Futuræ autem sunt artes atque actiones ipse uti-
 les, honorificæq;, lucraq; inde magnā quidem prouentura, si Mars bene-
 uolentibus à stellis beneuolenter ad hæc ipsa præstanda conspectus atque
 adiutus fuerit. Sin à maleuolis tantum stellis, maleuole hostiliterq; irra-
 diabitur, labores artificiaq; infelicitè cedent, natiq; ipsi non alijs modò
 niuent obnoxij ac subiecti, uerum inopia laborabunt, ac multis premen-
 tur ærumnis. Quocirca singula omnia ad amissim metiēda sunt, ut quæ
 decernantur artes actionesq; bene cognitum ac perspectum mathematico
 sit, et quibus cum lucris celebritateq;, aut contrā quibus cum damnis,
 quaq; cum ignobilitate sint exercendæ. Hæc autem colligentur ab aspe-
 ctu statiq; tum beneuolarum, tum maleuolarum stellarum, à signis, à fi-
 nibus, à locis, in quibus constitutæ fuerint, et ab ipsorum signorum ac fi-
 nium dominis: Sin uero beneuolæ stellæ, an maleuolæ, potentioribus præ-

rogatiuis prædite, an & felices, & infelices simul cōspiciant, an sole aut beneuole faueant, aut impugnent maleuole. Qualis enim beneuolarum & maleuolarū status fuerit, tales ex artibus obuentiones, redditus, commendationesq; futuræ sunt, talia etiam tum damnatum infamia. Quod enim sepius nostris in libris & quidem libenter admonemus, oportet mathematicum in his pronuntiandis à medici officio nullo modo recedere, stellarumq; significationes simul miscere ac temperare, singula in unum colligere, tandemq; de ijs in unū collectis sententiam ferre. Sed neque, ut paulo ante dictum est, aut patetum, aut patriæ, aut regionis, terræq; declinationum immemorem esse par est.

De Venere quando erit domina magistrū.

Cap. II.



Eneris stella ubi cōferendæ artis, actionumq; potestatem sortita fuerit, ac bene feliciterq; collocata, felicibus etiā beneuolarū stellarū radijs cōspecta fouebitur, suis in signis, suis etiā in finibus, primarijsq; in locis cōstituta, actiones decernet nobilissimas, maximèq; insignes, præsertim si nocturna genitura fuerit, quibus ex actionibus magnæ facultates atq; opes, magna item cum gloria prouenturæ sunt. Quinetiā hominum beneuolentia & ciuiū gratia tanta inde conciliabitur, ut nato illi in cuius genitura hæc cōtigerint, certatim unusquisq; prodesse cōtendat, maximeq; illi uel ab uxore, seu uxoris gratia, uel à matrona præstanti aliqua matronæ uel suffragio fauor cōferetur. Venus enim patrocinationem suam per mulieres ac matronas potissimū exercet. Non omittimus hæc in parte quod Iulius Maternus de Venere actus conferente in quarto Matheos libro tradit. Futuri sunt, inquit, regū imperatorūq; quāsimilimi, in tanta potestate, tantisq; cōstituentur opibus, quicunq; suis in genituris, decernendisq; artibus atq; actibus Venerē habuerint in domicilio suo cōstitutā, suis uel in finibus, partiliterq; in horoscopo, aut in culmine, aut in undecimo, quintoque in loco præsidētē, cui Iupiter feliciter trianguletur. Lunaq; imminuto ad illū feratur lumine, sitq; Iupiter uel ipse suo tanquā in solio cōstitutus, dignaq; Ioue maiestātē retineat. Impertitura est igitur nato huic Venus, cui se in cōferendis artibus benignā præbuerit, magnos honores, amplas dignitates, honestos magistratus, ornamenta senatoria, autoritatē inter ciues, beneuolentiā in populo propter iustitiā, morumq; suauitatem, procurationem annonæ, ac publici horrei, sacerdotia sacerdotiorūq; primaria loca. Quæ quidem omnia maiora minoræue futura promittuntur, pro Veneris ipsius statu ac prærogatiuis. Vbi enim tanta sit promissio, ut nō modò in signis, in locisq; de quibus dictum est, non im-

ueniatur.

ueniatur, uerum in alienis signis finibusq; et in locis alijs quam quæ diximus: aut si non hæc illi desint omnia, uerum ex ijs pars aliqua, sitq; ad manuum magisteria declinandū, erunt magisteria ipsa honesta et munda, nati enim futuri sunt pictores, chorearū magistri, cantores, organarij, indusiarij, bracteatores, aurifices, auri argentiq; artifices, textores pannorū ex lino, aut lana, aut serico, pannorumq; tinctorum, unionū ac gemmarum exquisitores ac magistri. Quod si stella hæc in deiclis ac pigris locis inuenta languerit, artes ipsæ aliquanto ignobiliores atq; abiectiores decernentur, ipsiq; artifices erunt unguentarij, aromatarij, popinones, caupones, aut cauponum pueri, rerumq; illarum aut uenditores, aut artifices, quæ uoluptatem aut sumministrēt, aut homines illius admoncant, aut ad oblectandos sensus potius quam animos spectent. Hæc aut decernenti Veneri, si beniuola stella felix suffragabitur irradiatio, erunt magisteria utilia, magniq; inde quaestus prouenient. Sin suffragatores nulli affuerint, contra hostiles offuerint irradiationes, sordescēt artes ac magisteria, ipsiq; artifices erūt immundi, sordidi, alijs subiecti, ac propter sordē despecti, ut factores, obsonatores, cupedimarij. At ubi fauor hinc stellarum accesserit, allineat, minueq; ingruerint, adhibendū erit, de quo supra dixi, commissendi simul ac temperandi iudicium, ne prædictio ac denuntiatio mendax futura sit, omninoq; inanis et uana. Si enim Saturnus Veneri artem tribuenti suffragabitur, natus erit aut sumministrator, aut mercator rerū earū quæ uoluptati subscriuat, animosq; emolliat, aut fortē erit ueneficus aut leno, atq; huiusmodi est quæstibus rem sibi familiarem cōparabit. Iouis uerō suffragiū faciet athleta, atq; in certamine uictorē præmiūq; ac coronā inde referentem, quiq; magno in pretio habendus sit, atq; a matrona seu matrone alicuius beneficio in gradū quempiam promouendus.

De Mercurio magisterij et artium datore.

Caput III.



Rites, actus, magisteria, ubi eorum autor ac distributor Mercurius fuerit, plerūq; ingenio, linguaq; exercebuntur. Itaq; ubi in conferendis artibus inuentus fuerit in signis ac finib. suis, et in locis cœli primarijs, atq; à beneuolis stellis feliciter irradiatus, in primisq; Soli cōciliatus, præficiet eos q in hoc cœli nascētur statu, tribunalibus, prætorijs, iurisdictione, aut regijs publicisq; rationibus, fiscaliq; administrationi. Futuri enim sunt præsides, rectoresq; prouinciarū, causarū auditores ac iudices, aut questores, exactoresq; publicæ regie uel pecunie, aut regionū thesaurorū custodes, procuratoresq; aut regū ac maximorū principū institu-

tores.

Rob. J. J. J.

tores, ac magistri, aut illorum census, ac rei familiaris dispensatores aut iurarij. De his autē omnibus quo certius ferri à Mathematico iudiciū queat, signa ipsa in quibus Mercurius inuenietur, diligenter consideranda sunt. Si enim solidum signum fuerit, natum præficiet prætorijs, tribunalibus, prouincijs, iurij; inter populares dicundo, aut publicis regijsq; rationibus, pecuniarum administrationibus, thesauris custodiendis, portorij exigendis, aut fisci iuribus procurandis, tuendisq; ab iniuria et fraude. Sunt autem signa solida Taurus, quod Veneris domicilium est: Leo, quod Solis: Scorpius, quod Martis: Aquarius, quod Saturni proprium hospitium est. Quoties uidendum quoque est, quo in statu sit dominus signi solidi, per quod tunc Mercurius fertur, quæ etiam cum Mercurio familiaritate, irradiationeq; coniunctus: plurimum enim hoc ipsum conferet ad decreta intelligenda, atq; ad ferendam sententiam. Si uerò fuerit tropicū, hoc est, aut Cancer, aut Capricornus, nati officiū uersabitur in rerū commutationibus, mercibusq; peregre comportandis atq; in emendo et uendendo. Hæc autem artes à Mercurio denunciari Plautus innuit in Alcmena fabula. Quoties autem fuerit æquinoctiale, siue Aries siue Libra, natus ipse præficietur publicis ponderibus, illorumq; inter artifices distributioni. Vbi autem fuerint signa duplicia, siue Gemini, siue Sagittarius, siue Pisces, natus portenditur futurus aut medicus, aut iuris ac legū peritus, aut astrologus, aut arithmeticus, aut geometra, aut inuentor, aut literator, aut epistolarum magister, quicq; nunc Secretarius erit ingeniosus, gnarus, atque abunde cordatus, cum primis autem natus erit ingeniosus, gnarus, atque abunde cordatus, multaq; eruditione præditus. His igitur rebus nati ipsi comparabunt sibi tum diuitias plurimas, tum summam commendationem ac famam, cum singulari etiā auctoritate et gratia, si Mercurius in his decernendis beneuolarū stellarū fauore suffragijsq; adiutus fuerit, secus uerò, cum à beneuolis destitutus atq; à maleuolis impugnatus. Vbi aut Mercurij status mediocris fuerit, decernuntur mediocria munera, magistratusq; mediocres: siquidē futuri sunt nati notarij, bibliopole, exscriptores. Quod si Mercurius in pigris ac deieclis inuenietur locis, artes quoq; quæ decernuntur future sunt humiles atq; abiectæ, ut custodia portoriorū, ne quid in comportandis aut exportandis mercibus fraudis fiat, ut portarū urbis, ne quid detrimenti patiatur uectigalia, ut disquisitio fraudū ac furtorum, ut alia eiusmodi siue onera, siue munera, quæ sepe habentur non solū humilia, atq; inhonestæ, uerum etiā infamia. Aspectus autem atq; familiaritas stellarū aliarū in hac artium distributione, atq; in agendis rebus quid præstet, prætereundum ne id quidem est. Si enim Mercurio Saturnus affuerit, natum faciet in actionibus suis suorumq; magisterio tacitum, maturum, suspensum, grauem, austum, qui tamen

quandam

quandam mansuetudinem præ se ferat, qui consilia sua in pectore contineat, qui occulta animi superbia inflammationeq; laboret, qui multa sibi ipse persuadeat, multa etiam aut dissimulando prætereat: seq; curare parum ea ostendat, quæ quidem sit uel admodum curaturus, aut simulando procuraturum quodammodo promittat, quod etiam sponte præteriturus sit: deniq; sua qui consilia, quodq; animo destinauerit, celare alios semper cupiat, cautus, obscurus, difficilis, rigidus, futurorum prospector, presentium prolator, atq; in exequendis rebus cūclator. Hæc quoq; Saturni cum Mercurio familiaritas atq; configuratio natum faciet rerum alienarum dispensatorem, aut somniorum coniectorem, aut interpretem, aut heriolum, aut futurorum prædictorem, aut numine afflatum, aut qui in templis conuersetur. Vbi autem Mercurio Iupiter suffragator astitit, in administrandis rebus nato præstabit animi magnitudinem, in iudicando relictitudinem, in coercendo moderationem, in reddendo iure iustitiam, in moderando populo grauitatem, in deliberando pensitationem, in sedandis seditionibus animi robur ac firmitatem, in componendis odijs, simultatibus, inimicijs, dignitatem ac supercilium, in puniendis facinoribus seueram animaduersionem, in pace conseruanda studium quam diligentissimum, in interpretandis legibus circumspectionem, in condendis prudentiam: deniq; in singulis actionibus natus ipse præ se feret æqui, recti, honesti, publiciq; boni curam, item continentiam, atq; æquabilitatis, dictorum, conuentorūq; obseruantiam et fidem, de honore, laude, uituperatione, infamia summam sollicitudinem: eritq; ita institutus à natura, ut iussis ac præceptis suis plane obtemperari uelit, ac nihilominus in contumaces placabilitate utetur pro tempore, rerumq; conditione. Hoc autem ipsum Ioui suffragium faciet natum Iurisconsultū aut rhetorem, aut sophistam, qui deniq; cum primarijs uiris conuersationem habeat, familiaritate coniungatur. Quoties uero Mars Mercurio suffragabitur, nati animū et in actionibus, et in artibus quas exercebit, atq; in rebus gerendis instruet fiducia, audacia, uirilitate, festinatione, cōtumacia, peruicacia, iracundia, perfidia, uiolentia, incontinentia, rapacitate, stoliditate, leuitate, uarietate. Nam et promissarum neglector ac contemptor erit, et facile de proposito inceptoq; mouebitur, ac propter animi uehementiam erit incautus, fraudibusq; expositus, quiq; ut per uim iniuriarūq; superare alios nititur, sic ab alijs facile capietur, pronus promptusq; ad res aggrediendas nouasq; suscitandas, atq; in gerendis illis incompotus, inordinatusq;: à Venere autem beneuolente, ac fauorem suum liberaliter offerente, mutuabitur sibi Mercurius in magistrarijs, in artibus, in agendis rebus, in exponendis mandatis, animiq; consilijs explicandis elocutionem, lenitatem, claritudinem, pietatem, misericordiam,

Ec cordiam,

cordiam, commiserationem, gratitudinem, iustitiam, simplicitatem, benevolentiam, reuerentiam, bonitatem, pudorem, gratiam, cultus atq; ornatus studiū, consuetudinis facilitatem, splendoris nitelā, coenarum lautelā, in Deum metū, ac ceremoniarū eximiā curam. Idem nec irasci sciet, iratus autem facile sedabitur, motusq; animi componet. Hæ autem affectiones a stellis ipsis hominum animis indite sequitur, ut a nobis supra ostensum est, humorum ipsorum è quibus corpora compacta sunt, qualitatem atq; efficaciam, quam post inuitijs uirtutibusq; atq; in rerum administrationibus referunt. Eadem etiam ratione hoc ipsum in disciplinis referent, ut alij acutiores sint atq; celeriores, alij hebetiores tardioresq;: alij in disserendo arguti & cauti, alij captiosi & lubrici: his ut placeant obscura & perplexa, illis clara & explicita. Deniq; ut si qui medici euaserint, in curandis morbis alij felicissimi sint, alij infelicissimi: itemq; qui Astrologi, in prædicendis stellarum significationibus ut quidam sint ueracissimi, cõtrā nonnulli maximum in modum uani.

Quando uel duo uel tres fuerint datores magisterij. Cap. IIII.



Is autē è tribus quina sibi tradendi magisterij autoritatem artiumq; exercendarum capiat, cœli quidem situs ostendet, locorūq; constitutio. Qui enim eorum in cœli culmine aut in horoscopo, aut in occiduo seu imo in cardine, aut in potioribus cœli locis reperiuntur fuerit in genitura, cum reliqui tamen duo humilioribus in locis collocentur, neq; bene se habeant, illi utiq; tradendarū artium provincia uni erit decreta. Sin & alter paribus ac similib. prærogatiuis suffultus fuerit, uterq; simul æquata potestate actiones magisteriaq; decernet. Quod ubi mathematicus uiderit, utres ac facultates utriusq; stelle in decernēdo miscebit, simulq; temperabit quā poterit exactissime. Vbi autem cõtingerit treis hos artium dispensatores pigris atq; deiectis in locis morrentes iacere, & tanquā sordescere, omnibus quidem præsidij ac fauoribus uacuos, aut forte hostiliter ab aduersantibus stellis oppressos; in quonam hominum numero natus ille habēdus sit nesciam, quippe qui præter effigiem uix sit hominis aliud habiturus. Si uero contigerit duos simul ex ijs æquata potestate tradende artis sibi ius desumere, hiq; Mars ac Mercurius fuerint, natus ille in cuius genitura Martis hæc Mercurijq; societas sorte euenerit, futurus est aut accusator, aut medicus, aut chirurgus, aut statuarius, aut scutarius, atq; armorum faber, aut diuinarum fictor imaginum, aut figulus moribus tamen baud satis cõpositis: siquidem futurus est adulter, falsarius, maleficus,

lesicus, idem quoq; palaestram luctator frequenter exercebit. Cui societati si Saturni quoq; aspectus acceperit, ad mores tam incōpositos illud etiam adiungetur, ut sit homicida, grassator, rapax, latrūculus, abactor. Vbi autē Iupiter illos aspexerit, natus futurus est pugnax, efficax, uehemens, armorum exercitator, atq; alienorū occupator bonorū, quibus artibus rem sibi familiārē cōparet. Si uerō societas ipsa Martis ac Veneris fuerit, decernet unguentariā, tinctoriā, constringariā, fusoriā ē stagno, plūbo, ære, argento, aut auro, agriculturā, ueneficariā, medicinā, eam uidelicet quæ potio nibus curat. Huic autē ipsi societati si Saturnus testem se praeberit, illud adiunget, ut medicus ille inter alia curandarū & gritudinū remedia deorū quoq; signis ac simulacris utatur, magicisq; carminibus: Et illud quoq; præstabit aspectus hīc Saturni, ut nati futuri sint poliniores, bustuarij, fenerum curatores, quiq; celebrandis exequijs, decantandis mortuorū laudibus, nenijsq; deplorandis præficorū fungantur officio. Forsitan et correpti furore, ut pote lymphati, dei cuiuspiā numine afflabuntur. Quoties autē testem se Iupiter exhibuerit, augures futuros denūtiat, baruspicinaq; peritos, quiq; sacris in locis uersaturi sint, aut sacra ipsa custodituri, uel solennibus in popis illa delaturi, aut matrimonia cōciliaturi, copulāq; maritālē, quibus ex artibus uoluptariē admodū uiuent, nihilominus periculis sese libenter obijcient. Quod si tradendarū artium societas ipsa Mercurij ac Veneris fuerit, nimirū hac ē societate indicantur studia musicæ, cantus, tibiarum, lyrae, itē uersuū poëticorūq; numerorum, præsertim si domiciliorū propriorum inter stellas ipsas fiat commutatio, quinctiam scenæ, scenico rumq; ludicrorū, chorearū, ac mimorū. Forsitan Et nati ipsi exercebunt texturam, aut picturam, aut ceram fundent, aut mangones ipsi uenundabunt seruitia, aut musica instrumenta chordasq; cōficient, aut in uendendis muliebribus ornatibus, delicijsq; puellaribus uersabuntur, si Saturni stella illos cōspexerit, quandoquidē iisdem sequendis artibus uehementer radijs suis Saturnus adminiculaturus est. Iouis autē aspectus Veneri ac Mercurio in tradendis artibus adiunctus, qui hoc in statu nascentur, eos futuros promittit cauidicos, aut qui rationibus publicis præponantur, quicūq; publicis administrationibus, seu regēdo populo, plebiq; præficiantur moderandæ, aut qui puerorum institutores, morumq; moderatores euadant.

De magisterijs ipsis, Et eorū qualitatibus. Cap. V.



Vamuis autem de actionū, artiumq; traditione satis multa dixerimus, nequaquā tamē hoc quod reliquū est, prætercundū uidetur, in omni quantitate tria esse consideranda, quod maximū, quod minimū, Et quod mediū est. Artes igitur Et quæ à planetis traduntur magisteria, ubi

earū dator tanquā in maiestate quadā collocatus præsidet, decernitur & ipse primariæ atq; excellentes. Si enim Mars in decernendis nati a Clioni-
bus, iurium suarū amplitudine utetur, nihil fabrilē, nihil sordidū in nati ani-
mum per simulachra illa quæ a sensibus offeruntur, insinuabit. Magni enim
ignes postquā candenter accensi sunt, nihil humidū euaporant. Itaq; natus
ille, quod ignis, quod rubræ bilis propriū est sursum moueri ac ferri, nihil
nisi altū atq; excellens aut appetet, aut conabitur. Quocirca fauente auto-
re ipso artū ac datore, auxiliaq; primarijs è locis summittente, conseque-
tur magistratus, præfecturas, tribunatus, auctoritatemq; imperatoris, cum
summa etiā potestate ac licentia, præsertim ubi aliæ stelle fauorem quoq;
suū fauentibus è locis conferent. Vbi uerò Mars ipse magisterij dator humi-
liter atq; abiectē collocatus fuerit, artes quoq; abiectas & despicabiles de-
cernet. Quoniā aut omnis tum maximā tum minimā quantitas, quæ parti-
bilis quidē sit, latitudinem habet aliqua: ut si quis constituat, centū summi
loci culmen obtinere, decem minimi, ubi quis propter Martē neque untem
centenarium implere numerū, non poterit dux atq; imperator exercitus
euadere, euadet præfectus equitū, quippe cum Mars illi nonagenariū tan-
tum numerum decreuerit: euadet tribunus militum, aut centurio, aut præ-
fectus fabrorum, cum tribuno illi octogenariū, cēturioni septuagenarium,
fabrorum præfecto sexagenarium tantum numerū decreuerit. Eodem mo-
do in tradendis artibus ignobilioribus futuri sunt gradus ignobilitatis, &
eius cui nouem, & eius cui octo, & eius cui septē, aut cui sex, & deinceps,
ut sui cuiq; definiti sunt numeri: atq; ut summus ille numerus imperatōrē
constituturus est exercitus, ita infimus iudicē rerum capitulū, atq; car-
nificem. Inter summum autem & imum, quando medium interiacet, &
ipsum quoq; medium habet numerorū atq; graduum suorum constitutio-
nem. Nam & in manuarijs, id est, sordidis artibus quæ igni exercētur, aut
ferro, gradus quoq; constituti sunt sui. Faber enim ferrarius præfertur for-
nacario fabro, licet uterq; artem igni exerceat: & cōflator fusorq; ænearū
statuārum antefertur furnario, ac panicerio. Itaq; & qui in latitudine sum-
mi, & qui in latitudine medij constituuntur aut imi, habebunt dimensio-
nem suam, suumq; numerum perinde sortientur, ut Mars ipse pro colloca-
tione atq; configuratione sua constituet, proq; alicuius stellæ beneficio, aut
maleficientia. Iupiter enim auxiliator, aliquatenus abstersurus est artis sor-
dem atque ignobilitatem. Si enim natus ille absque Iouis præsidio futurus
erat cōfartius, mutabitur ob hoc præsidium in publicanum, aut uectiga-
lium exactorem, aut in hospitalem meritorium, ut non temere dictus sit
Iupiter dare iura hospitibus, ut est apud Virgilium. Corruptum enim illum
Martis humorem, aliqua sanguinis atque humoris sui admixtione Iupiter

sub

subtemperabit. Contrà Saturnus conquinabit sordentius, siquidem ad corruptionem à Marte profectam adiunget suam, cum utriusque stelle natura sit corruptioni accommodatior, ut qui faber naualis futurus erat, illum ipse conquinatone sua compellat ad emundandam sentinam, aut ad latrinas expurgandas, cloachariamq; exercendam. Hoc idem & maximum, & minimum, & medium considerandum est etiam in artibus atq; actionibus à Venere decretis pro eius aut egregia regaliq; constitutione, cumq; stellis alijs configuratione, aut pro mediocri eius statu atque conspectu ad stellas alias, aut pro abiectiōe atque ignobili collocaione eiusdem. Cum enim à Venere appetitiones suscitentur in hominibus, ubi ipsa tanquam regia in sella collocabitur, & quadam cum ueneratione ab alijs conspicietur, appetitiones illæ nihil nisi magnificum atque honoratum offeclabunt, ipsaq; ut appetitionū genitrix, ut illarum muneratrix, magnificos atque honorabiles magistratus nato illi sumministrabit, quinetiam pontificatus, sacerdotia, præfeturam annonæ publicæ, splendidaq; inter ciues ornamenta cum summa & singulari ciuium beneuolentia, perinde ut numeros cuique suos constituerit. At ubi pro statu suo, suaq; collocaione ad summum aspirare gradum nequierit, aut ad honores eos, qui intra summi loci latitudinem includuntur, decernetque mediocria, in hac etiam mediocritate locus nato cuique suus integer seruabitur, ut si aut piolor, aut textor, aut aurifex futurus denuntietur, in illa ipsa arte maiorem retineat prærogatiuam, pro situ atque configuratione Veneris ipsius, stellarumq; conspectu: ut tametsi Marcus & Publius iudicentur futuri aurifices, alter tamen sit ingeniosior & clarior, alter minus notus, minorq; ingenio præditus, alterq; sordescat inter plebeia opera, in lucem alter ueniat, cuiusq; opera circumferantur ad principes ciuitatum ac reges. Eadem est ratio artium ignobilium à Venere decretarum, ut si natus ipse decernatur artifex rerū uoluptuariarū, accefferitq; decreto huic malus aliquis aspectus, artifex ille futurus sit magis magisq; cōquinatus atq; infamis. Etenim si corrupto illi humori corruptionem quoq; Saturnus suam immiscuerit, nati ingenium cogitationesq; cōuertet ad arteis lenonias, ad philtrea, ueneficiaq; amatoria, aut magicas incantationes, amoris ac uoluptatis fruendæ gratia. At Iupiter retrahet ab hac illum turpitudine & infamia: namq; admixtione sanguinis atq; humoris sui animū illius ab ea turpitudine auertens, ad generosiores actiones subleuabit. Itaq; faciet illum athletam, quiq; in spectaculis ludisq; theatralibus pugnans uersetur, non sine honore & laude. Cum enim à Venere proficiantur ludi & spectacula, sunt namq; uoluptatis gratia instituti, Iupiter refocillabit calore suo nati animum: quo solus ille, tametsi à Venere statuatur inter ludos thea-

trales, generosior tamē effectus Iouis aspectu, ac maiore captu quā ut mē-
mum saltet, sed tamē certamē inibit, ut suo etiā certamine et spectatores de-
liniat, et gloriā populari ē uoluptate sibi comparet. Mirari aut hęc ipsa
nemo debet, modō sit aliqua ingenij maturitate pręditus: neq; enim mira-
bitur, si frugiferarum naturas arbuscularum considerabit. Pirus in hortis
meis nata et alta fructum suū profert succo suauī et sapido. Eadem ē pi-
ro aliō translata planta, soli q; alterius succo enutrita, pirum profert non
modō minus suauē, uerum etiā insipidum. Rursus ab hac ipsa arbore, atque
ab hoc ipso solo aliud in solū delata atq; infossa planita, fructum et crassio-
rem, et succi salisioris feret. Itaq; eadem ex arbore aut generosa, aut dege-
nere tralate plantę pro succi atque alimenti commixtione diuersitate q;
diuersos ā matre sua fructus proferūt, atq; ita quidem diuersos, ut qui ā ma-
tre ducti sunt generosa, degenerent, qui ā degenerare, nobilitentur, mutato
etiā colore, sapore, et cortice. In uitis quoq; trāsferendis idē hoc aper-
tius cernitur. Cuius rei uinū ipsum manifestissimā probationē ac fidē facit:
quid enim uini genere uariantius? hęc aut uarietas prouenit ā uarietate so-
li, et eius in quo uitis prius nata, et eius in quod postmodum tralata est.
Quod terra efficit in herbis atq; arboribus, an non celi efficiet, quęq; coe-
lo feruntur stellę, nostri seminis, generis q; artifices, in uariandis hominū
artibus, cogitationibus, ingenijs, disciplinis? perinde ut uariantur cętera
etiam animalia, ora quoq; ipsa nostra, item corporatura, sermo, mores, atq;
habitus: quinetiā ut uariātur oculi, quod uidemus in Sauromatis: ut nares
et labra, quod uidemus in Acthiopibus: ut etiam in pedibus, femoribus, co-
xis, quod uidemus in gente Simantopodū, qui ā pedum atq; ā genuū tortu
accruatione q; agnominantur.

De Mercurij commixtione cum alijs planetis.

Caput VI.



Væ lex, quęq; obseruatio est et artium, et actionū quę
ā Marte Venereq; decernuntur, eadem est etiam in illis
distribuendis quarum autor est Mercurius, et tanquam
legis cuiuspiam seu lator, seu promulgator. Quocirca ea
dem tum ratio, tū obseruatio, aut constitutio in artificijs,
magisterijs, actionibus quę ā Mercurio decernuntur, quocumq; in genere
tenenda est, atq; eo maiori studio, quōd ingeniorum maior est diuersitas,
quā artium sordescentium, cum tandem artes ferē omnes ingenio tempe-
rētur, quōq; ars clarior est aliqua, eo maioribus utatur ingenij uiribus. Est
Saturni propria inquisitio et contemplatio propter atrę bilis naturam,
de qua non pauca quidem ā nobis dicta sunt. Iouis proprię sunt actiones
propter sanguinem, qui calore suo ad agendū nos commouet. Tempera-
tionem

tionem namque sanguinis sequuntur non modo sensus, uerum etiam mores. Ad Venerem referenda est quæcunque suauitas, animorumque oblectatio propter appetitionis dominatum, quæ quidem appetitio informatæ materie, hoc est, sentientis corporis, est sua. Vbi enim sensus, illic et appetitio. Saturnus igitur decernenti artem Mercurio assistens, ingenium excitabit ad contemplanda non solum ea quæ tanquam præsentia oculis exposita sunt, uerum etiam quæ futura. Quocirca natus ille in somniorum quoque obseruator, illorumque interpres atque coniector erit. Animi enim atque ingenij eius uis atræ bilis humore excita, ad hæc quoque intelligenda penetrabit, aut per coniecturam somniorum, aut per uolatum et cantum auium, aut per furorem illum fanaticum: quinetiam propter multam diuturnamque considerationem ac parsimoniam, quæ Saturnini humoris est peculiarissima, rerum item dispensandarum optimus administrator erit, hæcque de causa dispensandis rebus, rationibusque familiaribus à magnis et præclaris uiris natus hic præficietur. Si uero Iupiter tradendis artibus, actionibusque Mercurio suffragabitur, nati ipsi uersabuntur in ijs quæ rhetorum, aut iuriconsultorum sunt propria, aut sophistarum. Etenim actiones ipsæ quæ à Ioue suffragatore decernentur, in uerbis, in oratione, in disputatione potissimum uersabuntur, quæ Mercurio addita sunt. Verba enim ipsa beneficio aeris exprimuntur, qui calidus est et humidus, qualis est Iouis natura. At ubi stella Veneris Mercurio affuerit in conferendis artibus, nati ipsius uerbis orationique addet suauitatem, addet leporem et gratiam. Cultui quoque splendorem atque elegantiam, et ornatum nitelam, atque administrandis sacerdotijs ceremoniarum peritiam, obseruationemque adiunget. Quoniã autem signa illa in rebus Mercurij inueniri contigerit geniturae tempore, longè quoque inter differre continget, tum qualitate, tum significatione, ut paulò antè ostensum est, uideamus primo quid causæ sit, cur solida tribunal decernant, iuris dicendi, aut pecuniariæ rationis tuendæ, aut thesaurorum cõseruandorum siue instituendi principis ciuissimam, siue regij filij dignitatem et omnia. mirum signa solida magnã sibi ex ipsa primũ soliditate prærogatiuã assumunt. Solida enim omnia et stabiliora sunt, et diutius durant. Ad hæc quatuor cũ sunt, eorũ singula regijs stellis ornata sunt, quod ceterorũ signorũ cõtingit nulli. Itaque propter regiã hanc dignitatem, quia regis est ius dicere, ac præesse rationibus publicis, et propter soliditatem suam, tribunal, id est, præfectura in cõferendis artibus decernuntur. Quia uero Mercurius rationi præest atque orationi, præfectura ipsa futura decernitur ijs in actionibus, quæ ratione administrantur et oratione, ut est iurisdictio in populis quæ tum ratione cõstat, tum oratione: ut questura, quæ pecuniarũ iũ exigendarum, tum distribuendarũ curã gerit, habetque numerorũ ac computationis

rationem, ut custodia publici aerarii, aut regia suppellectilis, hæc enim omnia computatione gubernantur ac ratione, necnō scripto, nam & ea scripto constant, quo & continentur & cauentur, siquidem iura scripto sanciantur, ad hæc pecuniarum administratio, omnis deniq; computatio, numerorum quoq; ac literarum inuentio à Poëtis ad Mercuriū refertur, omnis item disciplina, omnisq; institutio. Forſan etiā signa hæc solida institutionem puerorū edocendorū decernēt, aut magni alicuius principis, aut principis ipsius liberorum. Nam & Gemini puerile signū, & item Virgo puellare, docere satis possunt instituendorū liberorū prouinciā Mercurio esse decretam. Quam ob rem merito signi cuiusq; natura consideranda est, mathematico in omni artium distributione facienda. Quod si æquinoctiale signum fuerit, in quo Mercurius artium dator præsidebit (quia signa ipsa æquinoctialia temporum æqualitatem tanquā in Libra suspendūt aliqua) decernet natum illum ea munera, easq; actiones autore Mercurio exercitaturum, quæ ponderū ac mensurarum ius habeant. Vbi uerō *πενικτὴρ* fuerit signū, quando *πενικτὴρ* ipsa cōmutationem in se temporum habent, artes quoq; decernet Mercurio, rationis ac cōputationis magistro, quæ in commutandis ac peregre cōportandis rebus mercibusq; uersabuntur, quæq; artes constant permutatione, emptione, uenditione, atq; cōmercij. Quæ autem duplicia sunt, quæq; alio nomine dicuntur communia, ac pleraq; hominum sunt nominibus prædita, primū indicant natos futuros ingeniosos & agiles ad ea quæ ingenio potissimum exercentur, deinde propter ipsam ingenij agilitatē exercituros ingenū ijs in rebus quæ sunt ingenij ipsius propriæ. Quodq; omnes à natura ipsa et scire & nosse cupimus, eodem duce Mercurio disciplinarū magistro operā impendent nati, aut ad ea studia quæ sunt medicina, cuius cognitio est rerū naturæ, & in curandis ægrotudinibus eius uersatur actio: aut ad studia cognoscendi iuris, ciuiliūq; constitutionū, quarū cognitionis atq; peritiæ actio uersatur omnis in iure dicundo, causisq; definiendis: aut in studijs epistolarū, quæ actiones humanas per literas his atq; illis significant, ac iū consilia publica, tū secretas principū cogitationes notant, quod munus est scribarū, & illorū qui hodie parum uetustis nominibus partim Cancellarij, partim Secretarij dicuntur: aut ad studia hæc coeli & stellarū, cuius disciplinæ actiones uersantur in prædicendis futuris, ac stellarum ipsarū decretis pronūciandis: aut ad ea forsitan studia, quæ cognitionē afferunt baruspiciæ, auguralis, aut somniorū consiciendorū. Cuius cognitionis propriū officiū est, uoces ac uolatus auū, & quæ in somnis uisa sunt interpretari atq; conijcere, easq; cōsulentibus respondere. Quod autem Mars ac Mercurius accusatores, chirurgos, medicos statuant in actionibus definiendis, ubi ambo simul ad has ita

tucndas

tuendas conuenere, quòd Mars Venuq; myropolas, tonsores, ueneficos, quòd Mercurius ac Venus Poëtas, musicos, cantores, tunc aperiemus, cū de ipsarum erraticarum coniunctionibus ac cōfigurationibus differemus. Etenim ex ijs quæ stellarū copulatio aspectusq; decernunt, iudicari etiā poterit quid societas quoq; decernendarū artium actionumq; portendat.

De collatione signorum in dandis magistrijs.

Caput VII.



Ecce uerò hac præsertim in parte omittenda duximus ea quæ à Ptolemæo traduntur, cū de hac ipsa magistrij traditione in quarto Apotelesmatū libro præcipit, inquit, enim: Signa illa per quæ fertur genitura et tempore actionū distributor, nōnihil pro qualitate sua actionum natiualitatibus conferunt. Etenim signa quibus humanū indiū est nomen, quæq; ipse ^{in ipso} nominat, mirū in modū conferūt ad omnē cognitionē earū scientiarū, quæ propriæ sunt hominū, atq; ab iisdem ipsis ad cōmuniem usum excogitatæ atq; inuentæ. Signa uerò quadrupedū animālū ad effodiēda metallā, ad exercendā mercaturā, ad edificandas domos, atq; ad fabriles artis sequēdas. ^{proxi} aut signa, quæq; æquidalia sunt, cōmutandis mercibus, contrahēdis negotijs, agrisq; colendis, mensuris item, rebusq; geometricis ac sacris. Terrena uerò signa, et item humida magistrijs, quæ in humidis, uel per ea quæ humidæ naturæ sunt, exercentur: quinetiam cognoscendis herbarum naturis, atq; illarū usui, exercendis nauium fabricis, atq; ad ea quæ ad sepulturas pertinent, quæq; ad salis usum, resq; sale contingendas, quæq; item ad saporis uoluptarios subministrādos inuentæ sunt: quarū rerū si suo tempore Apitius magnus fuit artifex, nō minor tamen nostra etate siue magister, siue recitator fuit Bartholomæus Platyna. Sed ad Ptolemæū redeamus. Maximū, inquit, actionū ipsarum indicium faciet Luna, cū à coitu digressa, atq; ad locū ubi Mercurius reperitur, delata cum illo copulabitur. Si enim fuerit in Tauro, aut in Capricorno, aut in Cancro, faciet augures, immolatores, quiq; per patinas uaticinentur. In Sagittario, aut Piscibus, demonū elicitores. In Virgine, aut Scorpio, magos, astrologos, prognosticatorēs, quorū etiam sermo sit plenus grauitatis, autoritatis atq; sententiarum. In Libra, in Ariete, in Leone, numine afflatus, fanaticos, quiq; tum lymphati, tum proceriti dicuntur, somniorum cōiectores, exorcistas. Quæ quidem omnia diligentissimè contemplanda ac metienda esse illud docet, quòd quæ dominatū hūc suscipiunt stelle, ubi eæ fuerint, aut cardinales, actiones decernunt, et quidem cū autoritate, natisq; ipsis primarū in illis locum statuūt. Occi

duæ uerò aut à cardinibus declinâtes, nequaquam primarios, uerum subiectos alijs potius suis in artibus atq; actionibus illos fore annunciant. Quibus si beneficariū stellarū fulgor affuerit, eaq; in apice circuli sui effulserint, artes actionesq; decernentur cum celebritate, lucro, laude, atq; existimatione. Sin malefice offuerint, cum abiectiōe, indignitate, damno ac periculo. Siquidem impugnante Saturno, ob segnitie ac simulationē nocumenta ipsa obuenient, Marte uerò aduersante, per pericula et publicationes. Vtroq; autem simul impugnate, siue ab apice atq; ab eminētia, siue ab humilitate ac deiectione circulorum suorum, euerfio ac tanquam diuastatio quædam indicitur pro situ ipsorum, proq; in partem uel eoam, uel occiduam positura. Hæc itaq; atq; in hanc sententiam à Ptolemæo tradita sunt, ac minus fortasse explicatæ, quàm res ipsa ferebat. Siquidem facta diuisione signorum quadrupedū, post ita subdit æquidialia, ac si Aries quadrupes non esset: subdit etiam signa terrestria post factam mentionem signorum humana specie figuratorum, ac si Virgo non esset ex horum signorum numero, aut tropicorū ē numero Capricornus, cum post adiungat signa terrestria. Quocirca desiderio quodam disciplinæ huius in apertiore atq; compositiore formam uindicandæ, de inexploratione conquerimur. Quamobrem parti huic quæ de artū est datore, illam etiā adiungemus quæ ad inueniendum cognoscendūq; genituræ dominū tota pertinet, quod in sequenti libro præstabimus. Si enim actionum dator artes, actionesq; quas natus ipse secuturus est, indicat, et genituræ ipsius dominus omnes tibi nati propensiones, mores quoque omnes sic exprimet, et tanquā in pictura sua per lineamenta inuibrabit, ut faciliè bis omnibus simul mixtis cōsulcratisq; nati animus per fenestras quasi quasdam introspiciatur. Nec uerò genituræ dominatus tribus duntaxat erraticis permissus est, ut artium atq; actionum, uerum etiam erraticarū cuius suo loco conceditur. Solem tamen ac Lunam sic exceipimus, utpote quos pudeat partis cuiuspiam patrociniū suscipere, cum uite totius ac fortune uniuersæ imperium penes se habeant, quæq; ad corpus ac spiritum pertineant, moderentur omnia.

Septimi libri de rebus cœlestibus finis.

IOAN. IOVIANI PONTA
NI AD PETRUM SUMMON
tium, De rebus cœlestibus Liber Octauus.

PROOEMIUM.



ISTE hic oculos Petre Summōti, in hortis enī
deambulamus, nostra cum Antiniana, germenq;
illud contemplare, quod ab humo prodire iam nē
titur, ut solum superiniectum, tametsi tenaciuscu
lum, passim tamen diffiderit, ut fossoris negligē
tia aggestum etiam lapidem, pedetentim tamen
subleuādo propulerit. Rem profectō, ut pleraq;
omnia naturæ opera, summa etiam admiratione prosequendam. Verū
autem quid pilotenuius? cute rursum ipsa quid densius? quā assidua ta
men propulsione perforat res tenuis admodum, atq; imbecilla: sensim in
crescunt herbæ, frutices, arbores, ipsaq; animātium corpora: incrementū
tamen ipsum nequaquam sentitur. Quid quōd, ut Horatius ē natura ipsa
rerum ait, fama, ut arbor quoq;, euo crescit occulto? Quid quōd animus
ipse qui pueris nobis tā opere rudis atq; etiam ignarus est, paulatim pro
gressūq; ita instituitur, ut ē summa ignoratione atq; inscitia ad summam
tandem rerum perueniat cognitionem atq; scientiam? Quanti uerō, qua
lesq; progressus cognitionis fiant, itemq; scientiæ, singulis neq; horis ne
que diebus, ne ab eodem quidem percipitur animo. Res tamen ipsa, tem
pusq; quod interim delabatur, postmodū declarat, et quæ, et quales cum
incrementi corporei factæ sint progressionēs, tum ac multo fortasse mani
festius sui ipsius animi, institutionis, atq; peritiæ. Quocirca tēporis hæc
omnia naturam sequuntur, quod ē momentorū, ut sic loquar, insensibilita
te prolapsionēq; tam tenui atq; impāribili profectum, pedetentim con
tinuateq; progrediendo motus omneis ita metitur, atq; in numerum redi
git, ut quod initio non sentiebatur, pōst tādē luce ipsa clarius appareat,
claritudineq; etiam splendescat sua. Videmus, cernimus, experimur hæc
omnia in nobis quidem ipsis, ac pauci admodum, quinimō rarissimi sunt
qui ea tamen considerent. Hoc igitur maxime modo stellarum actiones
procedunt. Neque enim earum effectus sentiūtur, donec multum iam pro
fecerint, tametsi commotiones atque impulsus ipsi nunquam desinunt,
quando assidue quidem, atq; insensibiliter agunt, quodq; tempus, aut age
re, aut egisse iam uidetur, sempiternis illæ commotionibus atq; insinuatio
nibus suis agunt. Sentitur palam Solis calor, eiusq; apparet illustratio,

tenebrarum tantarum expultrix. At nō apparent ceterarū erraticarum effectiōnes, scilicet quod nō aequē omnes calidæ, tantāq; luminis maiestate sunt præditæ, differuntq; omnino qualitates ipsæ inter sese, ac si lucerna quidem ipsa ubi primū accensa est, tametsi calor eius nequaquam sentitur, atrū tamen omne non irradiet, siue oleo lumen id pascitur, siue adipe aut aruina. Et quamuis uita ipsius nostræ fundamenta in corde collocata sint, in eiusq; calore ac cōmōtione iacta, scilicet ob hoc pulmones, iecur, cerebrumq; officiū suum nequaquā faciunt. Nec uidemus oculis, nec sensu statim capimus, quia uia uerba per aures ad animum tralata moueāt illum, mouent tamen, atq; adeo quidem et mouent, et afficiūt, ut à tristitia in hilaritatem, à metu in spem, ab ira in tranquillitatem, à duritia oblationemq; in facilitatem placabilitatemq; repente transferant. Quid plura: ut animum tandem maximē scientem reddāt, qui in initio fuerat ignorantissimus. Sentitur quidem, naribusq; hauritur et foetidus et suauis odor. At non sentitur naribus nocens illa uis aëri immixta, è qua pesilentia gignitur. Mortes uerò tam uolentæ ac penē repentinæ declarāt, quantum illi ueneni insit, quantāq; ad interimendū noxa sit indita. Quid uolentius quā uenti? quid magis etiam repentinum, quā status ipsi uēri? Aspiratio tamen illa, è qua uenti fiunt, ipsiq; status effluunt, nullo modo neq; in tenebris, neq; in luce oculis cernitur: res autem ipsa procellarum tantam illam uolentiam, impetusq; demonstrat. Sed quid uentos citamus ad dicendū testimonium? quis nostrum obsecro sentit ubi, aut quomodo aërem attrahit, quem tamen attrahū statim spirat, ac remittit? Quid si hæc ipsa in nobis, nostrisq; corporibus, in cerebro, in uenis, quinetiam in aëre, atq; in aquis fiunt, atq; eueniunt, et quod initio non perficitur, si per se eadem euadit quam clarissimū, quanto tum solertius penetrabiliusq; tum etiam insensibilius censendum est, stellas ipsas efficacissimam illam uim suā in nobis, inferioribusq; his corporibus exercere, in illaq; illabi? Cum corpora ipsa è quibus cōstituti sumus, sint illis prorsus obnoxia, ipsdemq; à natura pareāt, nec tam à seipsis, quā à stellis moueantur: neq; enim aliter rerum ipsarū natura consisteret, frustra q; fulgentissimi illi ignes qui lumen, id est, uita in inferioribus his in animātib; accendūt, coelo illo quā eminentissimo, quod omnia quidem continet atq; complectitur, tanto ordine, meatibusq; tam indefessis ferretur, ni luce sua, suisq; radijs his ipsis uitas inspiraret: quæ quidē inspiratio nec cernitur, nec apparet, nisi postquam res ipse in lucem eam, quæ uita dicitur, prodire. Ad hæc quod semina, radicesq; præstant herbarum atq; arborum, quod cor, quod cerebrum, quod uerba, quod spiritus, ut dictum est, an non celestia præstabūt semina? quæ prima quidē sunt, et à quibus hæc ipsa, quæ naturalia dicuntur

tur semina, perpetua etiā fouentur, ac nequa intereant, assiduū ubiq; agitatio-
 nibus suggeritur, quinetiā ab his ipsis existit seminibus, ut insensibilit-
 ter rerū fiant incrementa, perinde ut celestium illorū corporū momenta
 sunt insensibilia. Id quod ingenium tibi tuū Summontis, quo solertissimo
 prae datus es, declarare melius exactiusq; quam disputatio ulla potest no-
 stra: penetrat enim in initio ad ea quae nulla quidem uidentur, neq; e uesi-
 gio penetratio ipsa sentitur, post uero uires uas suas colligit, suamq; prae se
 fert operam, seseq; intendit adeo, ut magna atq; magnifica inde prodeant,
 quae ante aut re ipsa nulla erant, aut nullo esse modo cernebantur. Quod
 aut ingenium tuū praestat, quod quidem tuo isto continetur tam angusto
 corpore, non praestabunt corpora illa tanta in maiestate constituta: quorū
 opera, ductu, auspicioq; geruntur, quaecunq; in inferiore hoc mundi tra-
 ctu fiunt, administrantur, aguntur, sempiterna cum animantium genera-
 tione, perpetuoq; rerū omnium satū. Atq; ut tuū istud ingenū, animusq;
 ut iste tuus commentandis, atq; efficiendis ijs, sensibus proprijs utitur: sic
 etheri illi ignes, perinde ut instrumentis quibusdam suis, suaq; materia, ele-
 mentis utuntur, ē quibus ipsi cōstamus, intra quae, et per quae uitā quoq;
 ducimus, cū aēre operiamur ipso, ac per illum spiremus: unde dēr spiritus
 à Latinis perquā proprie dictus est, qui quidem illis ipsis quāproximus
 ac cōtiguus est, quicq; tenuitate sua et aquas ineat, et intra densissimum
 etiā terrae corpus sese per rimulas quasi quasdā insinuet. Quinetiā uelut
 supra terras perlatus auras sol agitāt, quae ex agitatione cuncta calfacit,
 hacq; ratione et uia alia exiccat, alia eliquat, ac nunc cogit, nūc relaxat,
 nunc durat, nunc emollit, adhuc alia decolorat, alia candificat, illa fugat,
 haec contrahit: sic stellae quoq; et ipse per spiritum hunc maximē, quē aē-
 rem esse diximus, in humores ē quibus cōstamus, uim quaeq; suā sensim assī-
 duēq; pro sua natura insinuantes, illos continuatē afficiunt, quibus affe-
 ctis uisa ciuntur illa, quae postmodum mentē atq; animos cōmouent et ad
 cōmentandum, et ad agendum, pro uī naturaq; excitantis syderis atq;
 humoris, ut nō modo cōstitutiones ipse corporum naturas cōmotionesq;
 sequantur eas, uerū actiones etiam ipse illas representent: ad quas ubi
 ratio sese nunc ducem, nunc comitem adiunxerit, id efficitur, ut uir ho-
 mo rationale tantum animal et dicatur solus, et habeatur, nec sit in ter-
 ris aliud quippiā, quod deorum immortalium tantā eque similitudine aut
 agendo reserat, aut commentando: quando animal quoq; nullum neque
 cum coelo, neq; cum stellis quae coelo feruntur, tantā omnino cognationē
 habeat atq; contagē. Neq; enim uerebimur contagem appellare eam, quae
 Graecē est, *παραδοξα*, quam Cicero ipse contagionem uocauerit. Quae quo-
 niam ita sese habeant, eo libentius prosequemur quod coepimus, ut et na-

turas commixtionesq; stellarum explicemus, & causas simul naturales illis accomodemus, quantum ars, quantum natura rerum patitur, monstratq; diuturnior solertissimorum hominum observatio.

De domino genituræ. Cap. I.



Eteres, ut uideo, scriptores non una uia genituræ dominum querendū censuerunt, quem uno uerbo Græci *ἀρχή* uocant. Verū alij diurnis in genituris illū genituræ totius dominatū affectū iudicabant, in cuius finibus Sol in nocturnis uerō, cuius in finibus Luna inueniretur. Idq; ea ratione instituisse uidetur, ut cum Sol ac Luna generationis autores sint, particularem hunc dominatum stelle illi tanquam subministræ delegarent, in cuius stelle finibus Sol ipse diurno, Luna uerō nocturno inueniretur tempore. Siquidem diurnū imperium propter lucem ac calorem, qualitatisq; similitudinem, cessit in sortem Soli, nocturnū autem propter opacitatem Lunæ. Alij censuerunt planetam illum genituræ dominum, qui Lunæ latitudinis esset dominus. Cum enim Luna motus sui celeritate, suisq; discursibus ceterarū stellarum affectiones à se acceptas in nostra refundat corpora, & tanquam nutrix quædam alimenta undiq; conquirat, in genituræ dominatu stellam illam tāquam ab educatrice quadam substitui putauerunt, in cuius stelle finibus Lunæ ipsius latitudo inueniretur: plurimi enim referre putauerunt, sub cuius iurisdictione Lunæ latitudo in boream aut in austrum diuertentis esset. Alij uerō, atque in ijs *Julius Maternus*, cuius apud me autoritas tanta est, ut si scripta eius extarent integra, uix aliquid arbitrer in hac ipsa disciplina desiderandum, censuerunt erraticæ illi genituræ dominatum in sortem cedere, ad cuius statim signum Luna progrediretur, post peragratum signum in quo ipsa genituræ tempore inuenta esset. Si enim in Marci genitura Luna Arietem permeabat, permeato Ariete, quia statim concedit in Taurum, quod signum Veneris domicilium est, Venus Marcianæ huius genituræ sibi dominatum assumit, tanquam hospitij merito à Luna concessum. Quæ in re illud mihi uidetur penè contingere, quod in re contingit rustica. Planta enim ab eo in quo nata est loco euulsa, atque aliud in solum tralata, ei cedit solo in quo post effossa succrescit, & alitur. Luna enim ipsa tanquam editi à se foetus mater atq; alitrix, sociam sibi alendo illi quæruntans, in cuius primum stelle domum incidit, eam sibi stellam adiutricem & tanquam cōministram deligit, cum qua labores ac curas educationis partiatur. Omnis autem cœli actio, ut admodū mirifica est, sic ex omni sibi parte quadratissime constiat. Neq; enim tanta prouenire atq; effici ingeniorum, applicatio-

hum, studiorum, morum diuersitas posset, nisi tanta ac tam diuersa etiam
 esset stellarum mixtura, atq; inter stellas ipsas inuicem uirium mutatio.
Mutuatur igitur sibi auxilium Luna, atq; ut nouo utar uerbo, comministe-
rium à domino genituræ: genituræ aut dominus à domino finis, in quibus
ipse inuenitur, et à domino itē signi: rursus signi ac finis domini à stellis à
quibus aspectuantur, uel in quorum errant sinibus, atq; à locis etiam ipsis in
quibus constituti sunt, à coniunctionibus item, atq; à conditione diurna seu
nocturna, à culminatione, atq; eminentia orbiculi sui, ab ingressu, statu, re-
gressu, à regione matutina seu uespertina, à signorum qualitatibus ac pro-
prietatibus: quæ quidem ipsa tantarum sunt uirium, ut ex his atq; ab his
ingeniorum nostrorum uarietas omnis proveniat. Quocirca genituræ do-
mini idē mihi uis uidetur esse in nati uita, quod gubernatoris in nauis ipsaq;
in nauigatione, quādo ab illius gubernatione quæ in mari geritur omnia,
ac pro clauis cui assit moderatio regulam ac legem accipiunt. Siquidem
ministri ipsi data ab illo signa, iussasq; ab eodē operas obcundis in ministe-
rijs et sequuntur, et exhibēt, neq; ab illius moderatioe ac præscriptis re-
cedūt. Felicē itaq; aut infelicē cōstitutionē genituræ domini aliæ quoq; stel-
le in utrāq; seu felicitatis seu infelicitatis partē adiuuāt, atq; adeo quidē cō-
stanter adiuuant, ut bene ipse ac pro autoritate sua collocatus annos uite à
se distribuēdos, integros quidē nato illi impertiat. Pro qualitate igitur
collocationis atq; cōfigurationis suæ cū stellis alijs, proq; natura et sua et
stellarū, à quibus uel fouetur, uel impugnatur, ac signi per quod fertur, et
signi eius ac finis domini, quid nato obuēturū sit in totius uite decursu, per
sedem decernit. Inre q; in prædicēdis nati moribus atq; euēis, genituræ do-
minus in primis obseruandus est, quem ea de qua ultimo loco dixi ratione
facile inuenies. Illud uerō prætereundum non est, Lunam ē signo quod pe-
ragrāt natali die, si in Cancrum domū suam, aut in Leonem Solis hospitium
statim pertranscat, nequaquam aut ipsam patrociniū genituræ suscepturā,
aut Solem propter hospitium. Deditantur enim, cum generationis uite,
animalitatisq; autores sint, ad particulare ministerium ac famulatum quæ
si quendam tanto ē gradu descendere: quam ob rem quod post Leonem in
Virginem transitura statim est, Mercurium signi eius dominum in genitu-
ræ dominatu Luna substituit. Quid igitur singule erraticæ genituræ do-
minatum natiæ decreturæ sint, singillatim ordine suo explicabimus.

De Saturno genituræ domino.

Cap. II.



Ostram quidem uitam metiri, ni fallor, trifariam oportet, et
 per ea quæ ad corporis texturam pertinent, et per ea quæ
 ad animum ac mores, quæq; etiam ad fortunæ ac rerum euen-

ta spectant. Bona enim hominum omnia aut corporis sunt, aut animi, aut fortunæ, dicunturq; externa. Horum autem omnium genitura et dominus denunciator erit, pro natura, collocatione, et configuratione ad alias stellas sua, proq; signorum etiam peculiariter attributa cuiq; ut ac natura, in primisq; pro humorum quibus præ sunt, temperatione ac mixtura. Saturnus igitur hac ratione et uia traditum sibi à Luna genitura et dominatum accipiens, primum in concernendo corpore, tamen si ad hanc cōcretionem plurimum qualitas parentum confert, multis illud ac uitiis humoribus uexabit, præsertim ubi nocturna genitura fuerit, Lunaq; imminuto lumine ad illum feretur: quæ re et pallor multus sequetur, et corporis ipsius non parua debilitas, quod quidem et modicum erit, et propter latentium humorum defluxionem, imbecillū ac ualitudinariū. Quinetiam natus ipse uentre stomachoq; multam laborabit atq; intestinorum doloribus. Ob hanc autem ipsam occultiorum humorum defluxionem et copiam, uitiatō magna è parte corpore, generari tandem consuevit hydrops, et quæ aqua inter cutem dicitur, aut podagra, morbusq; articularis, aut quātum uulgo caducus, tum comitialis uocatur, aut laterum dolor, aut neruorum distentio, aut pulmonū uitium, aut longæ grauesq; ualitudines, quæ natiūm conficiant: morbi autem, egritudinesq;, quarum Saturnus autor est, plerumq; ab atra bile originem ducunt, quāquam non raro etiam à pituita. Nec uero his ab humoribus oculi tui erūt, nam et suffusionibus, lipitudinēq; sepius offenduntur, et ubi uis maior ingruerit, forte etiam illis capientur. Caput quoque non solum doloribus instabitur, uerum etiam aut caluitio, aut depilatione afficietur. Hæc autem uitia magna è parte minuentur, ubi in tradendo domīnātū Luna crescenti ad Saturnum feretur lumine: quippe cum Saturnus ipse crescentis Lunæ familiaritate letetur, ab eiusq; humore tepescit iam de Solis irradiatione refocilletur, atraq; illa bilis, cui præ est, non exiguum adiumentum ab hac ipsa Lunæ irrigatione accipiat, ne frigore ariditateq; nimia occupetur. Minuentur etiam morbi sanabunturq; egritudines, ubi affectus beneficarum stellarū opportuno è loco opem attulerit. Contrā, mala ipsa miserum in modum cumulabuntur, ubi malefica hostilisq; irradiatio Saturnum percussit. Ea deinde quæ ad mores atq; animum pertinent, ita quidem à Saturno supeditabuntur, ut à natura stellæ humorisq; minimè recessura sint. Cum enim Saturno seniles mores insint, multaq; ipse tarditate atq; circumspectione sit præditus, nati cōmotiones, animiq; eius applicationes ac studia naturam hanc sequentur. Quamobrem natus ipse futurus est probus, grauis, cum elabundus, abstīnens, parcus, prudens, graui cōsilio, bona fide, recto iudicio, multa uariāq; cognitione, gaudebit solitudine, sibiq; suæq; rei tantum uacabit,

fua

sua consilia suasq; actiones libenter celabit: nam et taciturnus erit, et sua secreta ut lateant alios studebit, irā continebit in pectore, ac uindictæ tempus expectabit, simulare ac dissimulare aptus, sollicitabitur uarijs atq; assiduis curis, mentemq; ubiq; cogitationibus occupabit, quocirca et tristis erit, et a risu letitiâq; alienus, difficilis, morosus, auarus, potius quàm abo indulgētiôr, cuius deniq; uita laboriosior semper erit, grauiusq; erumne affecta. Nec uerò Aristoteles atræ huic bilis frustra tantum attribuit, siquidem pro temperatura frigidi aut calidi, ac perinde ut in hanc quàm in illam qualitatem uehementius propendet, mores quoq; ingenerat: ubi enim frigidior est, animum formidine multa concutit, calefactior uerò securitate ac robore munit: atque ut humor hic naturaliter tristitiam gignit, sic aliquando pro temperatura atq; admixtione, musicæ atq; cantilinarum studium ingenerat. Cum enim uita nostra calido ita consistat, ut frigido temperetur, atq; inde uita conseruetur, bilis hæc atra per corpus ipsum diffusa ita se tum frigori, tum calori insinuat, nunc plus nunc minus, ut pro mixtura frigidi, aut calidi, alteriusq; aut utriusq; illorum temperatura ad uarios mores applicationesq; diuertat. Harum autem temperationum ac mixturarum princeps causa Saturnus est, perinde nanq; humorem suum et miscet et temperat, atq; ab erraticis ipsis conspectus est, itemq; uti à signo in quo fertur, et ab eius ac finium dominis afficitur. Si enim Luna crescens ad Saturnum fertur, quo tempore genituræ illum præficit, natū efficiet honoris cupidum, animumque eius eriget atq; effert, elatumq; inflabit adeo, ut superbus admodum insolensq; euadat. Luna enim crescens (ut diximus) ac præsertim ubi ad plenitudinem accedit, non solum abundat humido, quo Saturni humectare ariditatem queat, uerum quia tepefit iam à Sole multum irradiata, frigescentis illius uires magnopere refocillat. Atque, ut ante à nobis dictum est, bilis atræ uis ubi concaluit, flatum multum excitat, spiritusq; uehementiores facit. Quocirca animi inflatione, et superbâ, et honoris appetitionem Saturnus Lunæ sic commixtus ingenerat. Contrâ ubi Luna decrescens quidem, atq; imminuto iam lumine ad Saturnum fertur, quia frigidityte atq; siccitate sua Saturni frigus ariditatemq; quodammodo obtorpefacit, atrâq; illa bilis re frigescit admodum, qui hoc in statu in lucē uenit, futurus est sordidus, abiectus, despicibilis, atq; in asiduo ferè luctu squaloreq; uersabitur, atque eo magis si Saturnus ipse à Luna conuentus fuerit, uel in sua Lunæ ipsius domo, uel Martis in domicilio aut finibus. Quod si in Mercurij domo aut finibus hæc contigerint, atrâ illa bilis afficitur adeo permixtione ab hac, Saturnusq; perinde ut peste quadam infectus ita egrotabit, ut nati illius animum peruersis ac maxime corruptis moribus, applicationibusq; inficiat: quippe qui futurus

est perturus, maleficus, ueneniarius, quiq; parietes, fratres, cognatos hosti-
 li etiā animo infectetur. Profecturæ autem ē bonis humorū commotioni-
 bus uirtutes, rectiq; ē propensionibus, mirum in modum augebuntur. B
 malis uerō ac pernitiosis prouētura mitigabuntur uitia, quoties benefica
 rum stellarū aspectus opportuno ac beniuolo ē loco decernentem hæc Sa-
 turnum radijs suis inhibuerint. Tercio autem loco, quoniā de fortuna et bo-
 nis ratio habenda est, si genitura gubernaculū accipienti Saturno, oppor-
 tunoq; in loco collocato, opportuno etiam ac felici ē loco benefice stellæ
 suffragium cōtulerint, sitq; diurna genitura, quoniā die Saturnus gaudet,
 perinde ut atra bilis refocillatione caloris, ipse uerō aut sua in domo, suis-
 ue in finibus, aut in Solis hospitio, aut in domo aut finib. Iouis collocatus
 fuerit, quoniam atra bilis, et quod nigrū fel à quibusdam etiam doctis ui-
 ris uocari uideo, sanguinis, hoc est, humidi calidiq; admixtione uehemen-
 ter gaudet, ipseq; Lunæ, ut dictū est, augecētis societate letatur, natus ille
 futurus est nobilis, præclarisq; in actionibus ac negotijs uersabitur, hono-
 res, dignitates, magistratusq; eos cōsecuturus, quos signa, loca, signorūq;
 ipforum domini, eorumq; cōfigurationes pollicebuntur. Qua quidem in
 parte exacte aduertiūq; tractanda, mathematicū ipsum non minori so-
 lertiā prudentiaq; uti uolumus, quā in egritudine curanda, morbisq; sa-
 mandis, ut sepius à me dictum est, medicum, atq; eo magis, quod medicus
 mathematici opera consilioq; adiuuari plurimum potest. Generaliter autē
 Saturnus ab uxore, ac liberis, nati animum propter frigus, hoc est, lentitia-
 dinem, tristitiam, remissionem, sanguinisq; ipsius relaxatum habitum ab-
 alienat. Itaq; nec alienum ab eius stella est quod fertur in fabulis, Saturnū
 filios uorare solitum, proptereaq; Cybelen uxorem mentiri solitam lapi-
 des se esse enixam. Vitæ autē subsidia aut humidis ē ministerijs, aut aquo-
 sis in totis Saturnus suppeditat, ac quodcunq; præstat, magnum per labo-
rem, nec nisi difficulter præstat.

De Ioue genitura domino.

Cap. III.



Iupiter genitura dominatū sortitus, si diurna genitura
 fuerit, Lunæq; luminosa nati corpus moderata admo-
 dum cōpage formabit, nā et multo illud irrorabit san-
 guine, et membra decora compositione disponet, faciē
 quoq; honestis oculis, et caput multo capillo adorna-
 bit, candorem per totum etiam corpus diffundet, quin pedū quoq; inces-
 sum digna quadam motus compositione nobilitabit. Decorū hunc corpo-
 ris totius statū comitabitur nitida quedam mundities, atq; ab ipso Ioue
 gestus magna cū dignitate concessus. Ipsam autem corporis tam honestæ
 fabrica

fabricam dignæ quoq; fabrica corporis animi proclinationes sequentur,
 quales natura quidem ipsa sanguinis mouet. Siquidem natus ille cuius lu-
 piter patrosinium suscepit, magno erit animo, magna etiam honorū ap-
 petitione, laudis quoq; ac gloriæ permulto ducetur studio, apud quem fi-
 des, rectitudo, integritas primæ semper futuræ sunt. Idem erit amator ho-
 nesti, defensor æqui, publici item boni procurator et autor, cum amplis ac
 primarijs uiris conuersabitur, cuiusq; cōsuetudo ubiq; probabitur, simpli-
 citatem colet, amicitiam seruabit, beneficentiā promiscuè exercet. Idem
 erit in agendo efficax, in præcipiendo imperiosus, in iudicando rectus, ac
 suprageneris maiorumq; facultates seq; resq; suas ostēdet, uxore uerò
 ac liberos incōparabili affectione complectetur. Nam & Iupiter propter
 sanguinē prolis est cupientissimus, quando generatio ex humido calidoq;
 fit, et uxor prolis causa ducitur, nuptiæq; huius rei gratia cōparatæ sunt.
 Hæ autem, ut diximus, animorum propensiones sanguinem sequuntur,
 sanguinisq; temperationem, quem Iupiter pro sua erga stellas alias confi-
 guratione moderatur. Quocirca si in obeundo genituræ magistratu Iupi-
 ter in primis coeli cardinibus, in signo suo, suisue in sinibus, aut in altitudi-
 ne sua collocatus fuerit, aut in domo Solis, seu in Solis altitudine, cuius
 diurnam conditionem sequitur, sitq; genitura ipsa diurna, Lunaq; lumi-
 nosa ad Iouem ipsum feratur, nec aut ipse aut Luna maleficarum stellarū
 aduerso infestetur obtutu, nati illius summa prorsus felicitas futura decer-
 nitur, omniq; è parte cōsummata, nā et quod ipse cupierit, è sententia cō-
 sequetur, & fortuna illi fidelis constansq; futura est, & uita à Ioue decre-
 tos annos integros explebit, & in liberis usq; adeo fortunabitur, ut illo-
 rum etiā meritis ac uirtutibus domesticus honor accrescat. Cōtrā hæc ipsa
 prorsus irritabitur, aut ex parte plus minusue minuentur, si Iupiter aut
 infelicitè omnino collocabitur, aut ex parte, quæcūq; ea sit, dignitas eius
 maiestasq; minuetur. Naturaliter autem Iupiter natum cuius genitura cu-
 ram suscepit, multis animi dotibus adornabit, honestas & generosas ui-
 sionum formas eius in pectore exuscitabit, exuscitatas animo representa-
 bit, multa deniq; cōmendatione ac laude mores eius, actionesq; prosequetur.
 Quas ob res idem mihi de Ioue propter sanguinem dicendum uide-
 tur, ac sentiendum, quod de uerno quidem tempore: qua in anni parte &
 humidum calido moderatissimè consentit, & noctes item concedunt die-
 bus: qua etiam tempestate uenti genitales sunt, statusq;
 maxime temperati spirant, ac terra, aer, aqua ama-
 bili quadam temperatione & fouentur in-
 uicem, & concilian-
 tur.

De Marte genitura domino.

Cap. IIII.



Gnē tradit Aristoteles nihil penitus ex se gignere, quā-
 uis idem ipse sit autor, minutissima quaedam animalia,
 ut ē niue uermiculos quosdā, ararijs in fornacibus Cy-
 pri, in quibus Chalchites lapis excoquitur, enaschicāq;
 extra ignē minimē uiuere. Ex eo autē Romani Vestan-
 eandem et ignis deam et uirginitatis putauere. Igitur ut ab uiltilatione
 illum atq; ab effruescentia maiores nostri sterilem esse arbitrati sunt, sic
 calor ē contrario, quōd tepefaceret, quōd etiā foueret, fecundū, nec ge-
 nerationis solū, uerū etiam alimentariæ decoctionis autorem dixere. Hic
 itaq; ipse ignis incendio demum suo conflagrata cuncta conficit, atq; in ci-
 nerem redigit ac carbones. At calor propter moderationem et gignit, et
 quæ genita sunt, educit, atq; conseruat, cōcoquendo alimenta, sparsimq;
 per uenas et corpus digerēdo eas, eandemq; etiā ob moderationē actiones
 et ipsas hominū ac mores tēperat: quantū namq; ad feruorē a calore pro-
 prius acceditur, tātō longius a moderatione receditur. De remissione enim
 caloris sit tepor ille moderatus et frugi, secus atq; de inflāmatione incen-
 dium raptim cuncta excedēs atq; conficiens. Cum itaq; Mars ob insitum
 feruorem sit intēperatior, quoties genitura cuiuspiam dominatū accipit,
 et corpus corporisq; cōpaginem, et mores qui cōpaginem ipsam corpo-
 ris, humorumq; sequuntur admixtionem, moderari non nisi intemperan-
 ter potest. Quid enim a nimio calore, qui iam effrēuit, ac suapte natura
 uerēdo cuncta conficit, sperari aut expectari nisi immoderatū breuiq; in-
 teriturū potest? præsertim si Luna quo tēpore dominatū Marti permit-
 tit, luminosa, atque eo magis si plena fuerit. Quocirca nati illius corpus
 nimio ē calore feruescet, ac sanguine feruētius accēso multis ægritudini-
 bus ac uitijs subiectum erit, quæ de sanguinis inflammatione generātur.
 Ac nihilominus corpus ipsum ex teriore ui aut igni, aut ferro illata uitiabi-
 tur. Erit hominis eius uultus trux, oculi fœdi ac sanguinolēti, capillus ru-
 fus, color ignitus, stomachus ualentior, quicq; multum etiam cibum facile
 concoquat. Sermo arrogans, impetus uiolentior, quæq; alia uel affectio-
 nes, uel uitia inflammato ē sanguine profiscuntur, eum infestabunt: ui-
 tiosum, intemperantemq; hunc corporis humorem propensiones primō
 ac titillationes illæ, quæ ab humore sensibusq; excitantur, similes deinde
 actiones ac mores subsequuntur: quō fit, ut natus ille futurus sit asper, in-
 clemens, inexorabilis. Ira enim sanguinisq; exandescētia illa quæ iram
 gignit, ac uindicadi libido nihil illū sequi placabile aut suadet, aut patitur.
 Erit etiā impatiens, nec potestati altērius subijci spēte uolet, quin primas
 ubiq; partēis, primumq; sibi occupare locū, primas etiā ciuitatis honores
 iure

iure iniuriarū contendet. Atq; hac de causa erit contentiosus, diuini atq; hu-
 mani iuris contemptor, præposteris cōsilijs atq; actionibus, cupiditate in-
 satiabili, manu rapaci & prompta, audacia perdita, animo uiolento atq;
 imperioso, mente præcipiti, quiq; & periculis temere se obiecit, & faci-
 le capiatur, & propositum sæpe mutet. In tanta enim sanguinis ebullitio-
 ne & æstu nulla retinere moderationem poterit, no in motu corporis, nō
 in uerbis, nō in ipso uultu: ut etiam in uini usu ac Veneris sit non modò in-
 temperatus, uerum etiā bestiarū quā hominū similior. Deniq; non quā
 debet aduersus amicos, uxorem, liberos, affectionē exhibebit. Felix tamen
 tum Iouis, tū Veneris ad Martem figuratio, præsertim ubi is in Iouis fini-
 bus constitutus fuerit, hanc ipsam intemperantiā, immodestiamq; non exi-
 gua è parte mitigabit, perinde ut in austeriori uino usuuenit, si aqua illud
 diluas: austeritas enim illa aut exstinguetur ab aquæ dilutione penitus, aut
 uehementer sedabitur. Eiusmodi aut est erraticarum commixtio inter se,
 ipsiusq; cōmixtionis natura, qualis uini atq; aquæ. Ipsa quoq; morū atq;
 humorū mitigatio tātō maior futura est, si Luna quoq; in benefica stellæ
 finibus inuenta fuerit, & ab ipsis beneficiis amicè conspecta. Iulius Mater-
 nus tradit futurū natum illum ducem exercitus, maximis copijs, pluri-
 mis etiā populis imperaturum, summāq; potestate ac licentia functurum,
 in cuius nocturna genitura Mars in Saturni Iouisue aut domo, aut finibus,
 aut in sua ipsius domo finibusue inuentus fuerit, aut culminans in me-
 dio, aut horoscopans in ortu, aut undecimum, seu quintum locum possi-
 dens, Lunaq; ipsa dominatū exhibens deficiente fuerit lumine, Martemq;
 ipsum deficiens aspexerit, Iouiq; cardinem aliquem tenenti triangula-
 ri se familiaritate cōiunxerit. Ac nihilominus in hac ipsa tam felici radio-
 rum mixtura, si Mars in occasu collocabitur, post multas uictorias, propa-
 gatumq; imperiū natus ille uiolenta morte periturus est, pro natura tamē
 signi illius quod Mars ipse tenuerit. Tanta autem Martis intemperatiā in-
 nati etiam uita actionibusq; manifestissimè ostendetur: nam & ruinis, ca-
 fibusq; præcipitosis illū obijciat, & aut gladio infliget uulnera, aut par-
 tem aliquam corporis franget, præcidetue, aut igne ustilabit, quimetia rei
 familiari, partisq; diuitijs, aut ui hostili, aut incendio, aut furto incōmoda-
 bit. Mortem quoq; uix tandē nisi uiolentam decernit, præsertim si aut à
 Sole, aut à Luna ad hoc ipsum instigabitur. Nam aut laniandum feris ob-
 ijcit, aut iugulandum latronibus, aut plectendum prætoribus, aut hosti
 trucidandum, aut repentina saltem morte conficit. Luna autem crescens
 ac luminosa Martis improbitatem mirificè auget, deficiens uerò lenit, se-
 cus ac de Saturno diximus. Nec ratione quidem caret, Luna enim cre-
 scens ac luminosa redditur à Solis irradiatione calidior, quocirca Martis

rabiem magis magisq; irritat, atq; accendit: deficiens uerò atq; imminuta luce, quoniam refrigeratur, & abunde humecta est, temperamentū feruori illius affert, ut cum aestu laborātes, ora manusq; frigida multa perluiamus. Vniuersim autem quæ à Marte portenduntur, siue prospera, siue aduersa, siue bona, siue mala, per uim, cædem, rapinam, ferrū, incēdia, ruinas portenduntur, mores item intolerabiles, consuetudoq; parum fidelis, aut male probata.

De Venere cum fuerit genitura domina.

Cap. V.



Iuocis humane, de qua oratio nostra prodit, uarietatē considerabimus, quantaq; hominis cuiusq; in uocali sono differentia insit, cum per uocem nō minus quā per faciem alium ab alio internoscamus, mirari profecto desinemus, tantā etiam humorū mixturis, atq; ex eo humanis moribus affectionibusq; diuersitatē inesse: quæ si moribus ipsis inest, ut etiam humoribus insit necesse est. Sūnt autem humores ipsi uariabiles, atq; inuicem conuertibiles, perinde ut elementa: conuersiones autē non sine augmento alterius partis, alteriusq; detrimento contingunt. Augmentā quoq; ac diminutiones sua pro quantitate ita uariant, dum uel additur quippiam, uel demitur, ut omnino difficilima sit differētiæ uarietatisq; huius cognitio, eamq; ob causam mixturarū ē quibus uarietas hæc prouenit, quædam penē efficitur, perinde ut quidē est infinitudo. Quōd si fructuū qui ex arboribus proueniūt, diuersitas tantā est in saporibus, propter terreni succi diuersitatem, Solisq; concoctionem, quid mirū & hanc & maiorem quoq; diuersitatem à cælo, quæq; à cælo agitantur stellis, eorum quæ cœlesti à motu generantur, fieri? Quoniam autem de humoribus, qui à Saturno, Ioue, Marte excitantur, deq; illorum mixturis, quantum hac in parte satis uisum est, diximus, de Venere iam dicamus, ubi genitura alicuius domina effecta fuerit. Veneris autem, ut non semel iam diximus, natura benefica est, quemadmodum etiam Iouis. Atque ut illa Soli in generatione sumministrat ad informādā materiam, sic hæc Lunæ ad suppeditandā illam, formæq; accipiendæ accommodandā. Suggestiur autem à Venere succus, ut ita loquar, humectulus ac frigidulus, ita tamen humectulus, ut irroret magis quā mædificat, sequaturq; roris potius naturam, quā hymbrium: ita etiam frigidus, ut facilimē interperseat. Siquidem tepor quā feruor generationi est accommodator, ac suapte natura magis aptus, unde rerum harum terrestrium prouentus uerē sit, propter teporem, non autem astate, dum ob feruorem penē ardescunt, atq; exuruntur in agris cum **Ga.** Genitura igitur Venus domina, tum nacta corporis nati fabricam, ne-

quis-

Quaquam negligit: nam & illud producit propter humoris ubertatem, & candore suo honestat. Ad hæc oculis letitiam inspirat, ac uenustatem, propter naturam syderis, quod fulgentissimum est, suoq; fulgore letitiam quasi quandam intuentibus affert, capillo etiam multo caput integit, illumq; uenuste ac molliter flexit, stomachum ita munus (est enim appetitionis excitatrix) ut facile cibi genus omne concoquat: gignendæ proli, generiq; propagando multam cupiditatem, multum etiam semen suggerit, potius uero quam cibi appetitum maiorem excitat, humidis enim magis delectatur. Si qua uitia corpus infestatura sunt, ea naturalibus in partibus, quibus præest, potius apparebunt: mortes uero naturales quidem futuræ, eæq; non si ne commendatione & gloria, propter naturæ beneficentiam. Implebit autem natus ipse integrum annorum numerum, si Venus in suscipiendo genitura patrociniò feliciter collocata fuerit, neq; à maleficis stellis ulla ratione irradiata. Mores autem ac simulacra illa, quæ animo ab humoribus ac sensibus offeruntur, naturam ipsam sequentur humorum. Siquidem nati commotiones hilares, iucundæ, ac uoluptariæ futuræ sunt, itemq; delitijs, luxui, rebusq; amatorijs, ac uoluptarijs uacaturæ. Beneficentiam natus hic colet, amicitijs studebit, quarum erit obseruantissimus: propter pietatem, iustitiam, misericordiam, religionem à natura insitam, gratus erit omnibus ac publicè diligitur: quæ enim communem in usum ac publicum conferuntur in bonum, ea populos mirificè delectant: abhorrebit à turpibus ac sordidis, capietur munditijs, leporibus, cultu, ornatu, nitore, elegantia. In uniuersumq; uita eius uersabitur in ijs quæ letitiam ac uoluptatem afferant, Venerisq; in rebus, ac præsertim musicis occupabitur, pro natura tamen signi, in quo Venus ipsa feretur genitura tempore. Felicitas autem nato maxima promittitur, quoties Venus genitura tempore feliciter collocabitur. Itaq; neutiq; pigebit hac in parte ea referre, quæ à Iulio Materno traduntur. Etenim si Venus in medio coeli, aut in horoscopo, aut in quinto, undecimoque loco inuenta fuerit, atq; in domo, altitudine, finibusque suis, & à deficiente Luna dominatū acceperit, fueritq; à Ioue triangulari radiatione perspecta, aut Luna imminuto lumine ad Venerem feratur, Saturno nullum testimoniū perhibente decernit dignitates maximas, utputa præfecturas, præturas, fasces, consulare imperiū. Quocirca primarijs in locis collocata claros atq; illustres eos reddit, quorū genitura patrociniū susceperit. In locis uero deiectis musica studiosos faciet. Quod si Venerem deiectis in locis merenti Saturnus cardinaliter percusserit, Lunaq; ad Saturnum feratur imminuto lumine, aut ad Martem luminosa, natorū animos impure illicitaq; libidinis cupiditate sedabit, asiduisq; calamitatibus illos afficiet. Peruersæ namq; Saturni Martisq; cōmixtioncs, & item Lunæ beneficæ pro-

sus Veneris naturā peruertūt, munditiāq; eius corrumpunt, & corpori, et animo, fortunæ quoq; rebus labem maximā afferunt. Consuevit autē bene collocata, inter cætera bona, prolis quoq; fecunditatem impartiri, magnāq; ē filiabus præsertim letitiam afferre. Optandum autem est in marium genitris, uti Veneris stella matutina sit, in foemellarum uerō, ut uespertina, cum sit foemineus animus emolliendus, uirilis uerō magis ac magis generositate adornandus.

De Mercurio genituræ domino.

Cap. VI.



Mercurius genituræ patrociniū assecutus, gracile nati corpus efficit, illudq; etiā pallore inficiet, propter nigri fellis naturā, honestabit tamen faciem oculorū pulchritudine ob Solarem familiaritatē, mores autē ob cibi potusq; temperantiā cōmendabilis faciet, quando ingenio quā corpori Mercurius uires maiores sufficit. Quia uerō nati corpus atra bile magnopere insperget, ea suscipiendo calori admodū parata est, natus ipse ingeniosus, facundus, & cordatus erit, condiscendisq; sciētijs deditus. Ac mihi quidem atra bilis qua Mercuriales uiri multa abundant, non alia natura prædita uidetur, quā ea quæ hodie à rusticis esca dicitur: adnota enim scintillis percussio ē silice excusis, ignē ē uestigio concipit, sensimq; diffundit, ac diffusum diutissimē fouet. Quocirca Mercuriales uiri & libenter, & facile discunt, & ad quæ contendunt, ad ea proprijs ingenij uiribus perueniūt. Inest autem eorum ingenijs mira sciēdi cupiditas, propter humoris naturam, mirum secretarū rerum cognoscendariū studiū: siquidem sciēdi cupiditate se penumero publicis à negotijs abstinent, sibi tantū uacantes: pleriq; autē solertes sunt ac negotiosi, commerciāq; summa cum fide tractant: iidem amicitijs dant operā, quas constantissimē etiā seruant. Est enim rationis propriū, cui Mercurius præest, tueri ac conseruare quæ sibi quisque iam parauerit, eaq; parare sibi uelle quæ maximē uideantur profutura. Quid autē amicitia utilius? quid etiam conseruari dignius? Fratres, cognatosq; summa beneuolentia complectentur, iustitiam colent, religionibus ita dediti, ut nō nihil etiam superstitione peccent. Frugi uerō admodū atq; utiles erunt. Quārū quidem affectionū ac uirtutū ratio ipsa magistra est, utpote morū nostrorum optima institutrix. Eorum autem census resq; familiaris plerunq; ex literis, ac literarū opera cōparabitur. Quinetiam propter eloquentiam, ac consilium (nam & rationis, & orationis formator est Mercurius) assequētur honores ac magistratus, fungenturq; legationibus, ac publica tractabūt munera, pro natura tamen signis, in quo Mercurius genituræ tempore cōpertus fuerit.

Aspectus

Aspectus quoq; aliarum stellarum ad eum, alios impellit ad Poëticæ studia sequenda, alios ad aduocationes exercendas, alios ad naturales causas inquirendas, alios ad has, aut illas disciplinas adipiscendas, ut in uniuersum quidem Mercuriales ipsi ingenium exerceant, euadantq; in literis ac disciplinis clari. Quorum etiam ægritudines, quæ corpori accident, plerumq; è coactis contingant humoribus, quorum etiam uitio diem illi tandem obeant. Quia uerò Mars, Venus, ac Mercurius artibus etiã natorum, actionesq; dispensant, quoties cõtingat eorum aliquem et artis decernere, et geniturã simul moderari, duplicata magistratus auctoritate uiribus eo pollentioribus utetur in utraq; felicitatis aut infelicitatis partẽ, atq; in utriusq; fortunæ euentum.

De Sole et Luna circa dominatum genituræ.

Caput

VII.



Voniam aut principia generationis, et causæ ad Solẽ refruntur ac Lunã, quæq; ad corpus spiritũq;, id est, ad uitam atq; animalitatem spectant omnia, nõ est hac in parte negligendũ, quid Sol, quid Luna à genituræ domino in socios asciti familiaritate etiã sua confrãt.

Etenim licet uitæ totius auctores sint, licet cuncta moueant, moderenturq; quæ ad corpus ac spiritũ pertinet, se penumero tamen genituræ curã singulari quodam studio cum domino ipso suscipiunt, idq; hospitij iure, cum Sol, Lunãue in signo, finibusue patrocinatoris cõstitit genituræ tempore, aut felici illũ radiatione intuebuntur. E communicatione enim seu finium, seu domicilij, atq; ex familiari illa irradiatione, familiari etiam cura magis magisq; erga dominum afficiũtur. Quocirca decreta ab illo bona, longè ampliora reddent ac maiora. Sol igitur socius et tanquam adiutor (ut ita dixerim) dominatus illius effectus, quoniam ab eo ratio queritur, uti suprà à nobis disputatũ est, natum illũ ratione multa adornabit, quæ ob rem et sapiens, et religiosus erit, multaq; tum fide, tum æquitate præditus, magna item moderatione, humanitate, cõscientia. Ratione enim duce actiones ubiq; suas moderabitur. Precipua uerò erga patrem generatione utetur, atq; obsequijs, siquidem Sol in generatione patris locum obtinet. Quocirca nati etiam ipsius corpus non solum bene, uerum etiam pulchrè formatũ ac constitutum erit, caput flauo adornabitur capillo, huius enim Sol ipse coloris est auctor. Sol aut (nomen enim inde accepti, quod die stellarũ omnium solus, id est, unus appareat) robur, elationemq; eam nati animo infigit, atq; indit, ut propria uirtute honores, censumq; sibi cõparet, proprijsq; uiribus ad omnia peragenda nitatur. Si qua uerò uitia ex

Hb

bac

hac Solis societate corpori obuentura sunt, et in oculis potissimum accidunt. Lux enim à Sole manat, quæ oculis ipsis est ingenita. Pericula uero ab igne proficiunt, at ualitudines de nimio calore, per uenas ac corpus diffusio. Luna quoque ut socia, particepsque patrocini iam suscepti parteis etiam suas aduersus natum illum minimè deseret: ac tametsi in disponendo corpore signi quoque naturam sequitur, tamen corporis statum longiusculum faciet, propter insitam humiditatem, humidis enim in locis, quam in siccis arbores proceriores proueniunt: quin etiam corpus ipsum pulchritudine membrorum, candoreque honestabit, illudque ita afficiet, ut cibo non nisi multo, potu uero permodico contentum sit. Si qua item uitia in nati corpore ex hac communicatione prouentura sunt, ea in oculis similiter proueniunt, siquidè nocturnæ lucis subministra est Luna. Corpus autem ipsum in parte eius aliqua aut noxijs inficiet maculis, aut scabie, forsitan etiam lepra totum occupabit, aut noxiorum humorum defluxione, omni è parte infirmum illud ac tremulum reddet, aut membrum aliquod debilitabit, aut peste demum conficiet. Erit autem natus ipse honoratus, splendidus, compositus, quique agendis in rebus multo ordine, multaque ubique mensura utatur. Matri autem maxime indulgebis, suumque quacumque poterit ratione illi præstabit officium. Luna enim in generatione uicem genitricis obtinet. Fortuna uero nati uaria futura est, atque inconstans. Quid enim Lunæ motu uariantius? Itaque natus ipse nunc diuitijs abundabit, nunc rursus laborabit inopia, ut actiones, resque eius nunquam eodem sint in statu permansuræ.

De quadam generali præceptione.

Cap. VIII.



Non omni aut peruestigatione illud præcipue animaduertendum est, in rebus quidè plurimis, ne dicam plerisque, inesse natura ab ipsa secretiora quædam, ad quæ humanum penetrare ingenium nullo modo ualeat. Etenim siue partes, siue mixturæ, siue insitæ quædam rebus ipsis uires, potestatesque eiusmodi quidem sunt, ut non solum ingenio comprehensæ nequaquam sint, uerum sint omnino incomprehensibiles, propter caligationem ipsam uidendi, causarumque ac permixtionum tenuissimam subtilitatem. Cuius rei diuulgatissimum extat exemplum magnes in attrahendo ferro. Memoria quoque proditum est Antipatrum poetam, qui diutius etiam uixisset, satisque ad longam peruenisset senectam, singulis annis, quo die natus esset, à febre correptum, tandemque eodem ipso natali die, eadem etiam febre mortuum. Vidus Thrasimenus grammaticus apprime ex cultus, quæ tempestate illum audiebam, narrare solebat, grauiterque etiam queri, se super quatuor ac uiginti annos quartana continenter laborasse, etsi continenti

mentissimis

mentissimis erat moribus, summaq; sobrietate. Itaq; in his ipsis de quibus differimus, quorumq; causas exquirimus, nequaquam omni e parte humores ipsi e quibus constamus, ita quidem exprimendi sunt, deq; illorū qualitatibus, naturis, permixtionibusq; ratio sic habenda est, ut non quod in herbis facimus, in lapidibus, gemmisq; itemq; in fontibus, atq; aquis, rebusq; item alijs, obseruamus etiam in stellarum naturis, uiribus, affectionibus, proprietatibus, insitisq; ut sic loquar, à natura uirtutibus. Quarū quidem rerū effectus ipsi sint testes, operaq; oculis ipsis exposita, ad hæc plurimorū seculorū continuata obseruatio, ipsius item obseruationis uigilantissima diligentia et cura.

Octauo libri de rebus coelestibus finis.

IOAN. IOVIANI PONTA. NI AD A. COLOTIVM BAS. sum, De rebus coelestibus Liber Nonus.

PROOEMIUM.



CEANVM qui primi philosophati sunt A. Coloti, rerum omnium parentem dixere, principia generationis ad illum referentes. Arbitrabantur enim aquas, humidumq; omne originem ab illo ducere, atq; ab humido manare generationē. In ipsam autem generationē perinde ac in Oceanum flumina, aërem rebantur influere, quate humidus esset, atq; irriguus: Ad hæc cōuenire etiam generationis gratia cum Oceano terrā, quod uenarum, fontium, fluminum origines perinde ut mater omnium et clauderet intra aluum, et post etiam relaxaret. Nec ineptē, nec insipienter hæc illi et senserunt quidē in scholis, et posteritati tradidere opinanda. Neq; enim terra sine rore, sine pluuijs, sine humecta euaporatione nocturni præsertim temporis, rerum generationi satis esset, neque aut roris, aut hymbrium, aut exhalationis origo absque aëris beneficio esset ulla. Quid quod neque terra, neque aër aut emitendo, aut accipiendo uires exercere suas posset, nisi aqua, id est, rerum pater Oceanus et terræ se conciliaret frigiditate, et aëri humectatione? Ac nihilo quidem minus hæc omnia, perinde ut nauis in alto mari constituta sine flatu non habet quem se in portum prouehat, aut quam in oram applicet: sic ipsa absque Sole, et calore (Sol enim caloris fons est)

est) tanquam duce carerent suo: neq; enim terra aut quid foueat haberet, aut aqua unde foueretur. Cū enim terra sit et aeris et aque receptaculū, ac dolium quasi quoddam, ut familiaris meus Petrus Compater usurpare solet, calorem quoq; externum sic admittit, ut interiores etiā ignes alat. Rectē igitur putauerunt rerum semina propter elementorum cōmixtionē in terra esse abstrusa, uenisq; illius insinuata, eaq; ab humore distillatim irrorata, atq; à calore sensim, ac quātēnerrimē sola, animam postmodum calefactione ab ipsa sibi arcesserent, indeq; hæc omnia, quæ uidentur, quæ sentiuntur, quæ post mente animoq; agitantur, proficisci. Rerū igitur generationi illorū etiā sententia aptissima est terra, quippe quæ ceterorū etiam elementorum receptaculum sit, quoddamq; quasi penu. Ex humoribus aut qui nostro continentur corpore, imō qui corpus nostrum constituunt, nigrum fel, quæq; rectius atra bilis dicitur, terræ est quam simillima. Atque ut è terra omnia per calorem prodeunt, ipsaq; seminarij cuiusdam uicem gerit, sic nigra è bile, ubi concaluit, tanquā seminario è quodam pullulant tum simulacrorū, tum cogitationum germina, quæ deinde in hominū ingenijs in agro quasi quodam fruges ac fructus quam uberrimos proferunt: atq; ut terra ipsa uarietate quidē utitur, diuersas tum herbas, tum arbusculas, resq; alias nō uno gignens modo, seminum diuersitatem ac succi qui solo inest, secuta, sic uaria etiam hominum proueniūt ingenia alijs atq; alijs artibus exercendis, pro bilis ipsius tēperamento ac mixtura. Quid quod ut quidam esse infinitatem uolunt seminū quæ terræ insunt, sic infinita quoq; sunt semina atræ bili naturaliter indita, quæ tametsi finita ipsa sunt, cōmixtione tamen ac temperatura efficiuntur infinita. Hoc autē ita esse docent tot arbores, tot herbæ, tam diuersæ res è terra quæ prodeunt, tot item ingeniorum propensiones, tot artes atq; inuenta, quæ atræ è bile proueniunt, ut non minus fortasse innumerabiles ingeniorum sint, quā arborum, quā herbarum uarietates, rerumq; aliarū. Nec si monstra quocunq; in genere, ut perfectæ terra res procreat, non etiam bilis atra monstrosa quoq; producit ingenia, cum quosdam tum stupidos faciat, tum etiam insanos. Vnusquisq; igitur sana quidem mente præditus, qui terræ naturam cōsiderauerit, mirari desinet, cur tam multa his in libris, ac tam sæpe à nobis de nigra dicantur bile, quippe quæ perinde dicantur atque de fomite uberrimo tum eorum quæ ad sapientiam, rerumq; cognitionem, atque ad artium spectent excellentiam, tum illorum etiam quæ contrario modo ad ignorantiam, insipientiam, furorē mēte pertineant. Non sanguis, non pituita, non chole, quæq; hodie cholera dicitur, firmitudinem, aut soliditatem habet in se ullam, non aer, non ignis, non aqua, quam tamen habet terra ex elementis sola, habet et

bilis

bilis nigra ex humoribus una. Propendit melancholici cuiuspiam ad honores, atque ad imperium dominandi cupiditate mens incita, omnis uiri eius cogitatio, omnis item actio in hoc intendit, totus atque assiduus in eo est, nihil agit aliud, nihil meditatur, unum denique hoc illum delectat. Qualis igitur hic postmodum euadat, Alexander ac Caesar primi, pro mensura ite rei publice in qua orti sunt, alij quoque permulti et olim docuere, et hodie quoque docent. Proclinat quispiam nigri fellis calore incensus ad poetice, aut philosophice, aut rerum celestium studia, sola hęc cura illum agitat, soli huic rei intentus est, solum hoc et cogitat et comminiscitur. Quod autem hęc ipsa cogitando, agendo, comminiscendo peruenitur tandem fit, testes sunt Homerus, Virgilius, Aristoteles, Ptolemæus: nec nostro desunt tempore qui testificari hoc ipsum ualeant. Applicabit aliquis ingenium ad musicam, ad picturam, ad sculpturam, alia uero ad artis, eamque in rem curas, cogitationes, etatem omnem suam conferet, nigra illum bile cogente. Quam uero ingenij, laborumque suorum laudem, studioque suo quam etiam gloriam relaturus sit, Apelles, Lysippus, Praxiteles, Ioclius, alijque in arte sua noti artifices, non pauci declarare abunde possunt, quippe qui non sibi eternum inde comparauerint, et nostra etate attentent idem non rari etiam in diuersis artibus. Hęc igitur ipsa bilis cum firmitate simul, atque assiduitate illa, de qua diximus, cogitationis, studijque, ducit etiam secum comites delectationem, ac uoluptatem: eaque tanta est, ut in eius unius rei adeptione summum ac peculiare bonum collocatum existimet, præterque illud aliud nihil aut ex petat, aut sequatur. Quid quod delectatio, uoluptasque, quam sanguis, chole, pituita aut afferunt, aut sequuntur, plerumque ad ea quę corporis potius sunt pertinet: cum ea quę nigra manat bile, hoc in genere animi solius uideatur propria. Firmitas itaque tanta illa cum assiduitate ac delectatione coniuncta, pertinacem illam nauat operam, quam iure Cicero rerum omnium expugnatricem appellat, quę humori huic a natura est addicta. Atque hoc quidem in campo A. Coloti ius potissimum exercet suum Saturnus ac Mercurius, alter propter naturę similitudinem alter propter applicabilitatem. Ut mihi quidem, quod poëta de Prometheo fabulantur, ignem Ioui subduclum humano inseruisse pectori, cum Sole Mercurius pariter hoc idem uideatur agere, ut acceptum accommodatumque ab illo calorem bilioso ac melancholico illi fomiti radijs suis insinuet, Solaremque quasi scintillam in illum instillet, e cuius accensione ratio sibi lumen accendat, quo tenebras discutiētē abdit, ac penitus abstrusę res in cognitionem prodeant, atque obscurissimis e latebris ueniant in lucem quam apertissimam: quam qui sequuntur, quoniam in luce uersantur, et ipsi quoque euadunt quam luculentissimi.

De constitutione humani corporis. Cap. I.



Humani corporis cōstitutio, membrorumq; inter se tam sibi conueniens fabrica, siue nullū, siue à Deo (ut poët. a cum Christianis simul consentiunt) principium habuerit, ita quidem comparata est, ad quæ tractanda ac peragenda natus est homo, ut tum partes ipse singulæ, tum membra etiam uniuersa affabrefactū sibi respondeant, moueanturq; , quò sentiens uis , quò etiam animus ipse, ratioq; uocauerit, ut membra ipsa sensus primum, atque appetitus qui illi coniunctus est, deinde rationis instrumenta nō iniuria esse dicantur. Membra autem nostra, ut suprà iam docuimus, significo in cingulo collocata sunt omnia. Ac perinde ut significet ipse Ariete Piscibusq; includitur, sic nostrum etiam corpus capite cōtinetur ac pedibus: suntq; sensus nostri quinque, perinde ut erraticæ quinque, oculi duo ad uidendum, quemadmodum duo ad illustrandum orbe luminaria. Atq; ut cœlum ipsum tam multis ac uariantibus tum stellis, tum lineamentis est conspersum, cōplectiturq; sub se illa quæ quatuor dicuntur elementa, sic nostrum etiam corpus eadem illa continet intra se, ac uenis, arterijs, neruiculis quoq; quamplurimis, lineamētisq; dispersum est. Quæ de re factum est, ut hoc ipsum corpus, id est homo, minor quidam mundus ab antiquis sit appellatus. Illustrant, humectant, calfaciunt, animant, fouent, alunt, afficiunt Sol & Luna irradiationibus suis cuncta, quæ etiam ad effectiōnes atque ad opera ceterarum simul stellarum contrahunt ministeria & operas. Prospiciant ac tuētur de capite, e cœlo quasi quodam, oculi singula, quorum ē prospectu obtutuq; cæteri quoq; sensus mouentur ad sua quicq; munera peragenda, quā rationi quoque uiam aperiuunt, quā ingressa ratio animam ipsam sic nobilitat, ut hominē tandem Dei ipsius opificium sint qui dicere ausi & olim fuerint, Et nūc qui Christiani sumus, hoc ipsum ita uerē factum esse pertendamus. Neq; iniuria Cicero ab oculis prospectam esse Philosophiam testatur, & tanquam gratulatur illis. Quemadmodum igitur sensus ipsi omnes, omnes uē corporis partes in ijs cōsentiant, quæ ad conseruandam corporis compagem hanc faciunt, in ijsq; peragendis, quorum gratia procreatus est homo, sic stellæ ipse omnes cum Sole ac Luna simul conueniunt ad illud fabricandum. Nec mirum igitur, nec irrationabile, tam uarias ingeniorum species, tam diuersas etiam hominum effigies gigni: cū tam multæ simul causæ ad cōstitutionem ipsam conueniant corporis, eæq; in motu semper sint, continuisq;, quinetiam innumerabilibus mixturis implicentur. Quoniam autem corporis actiones lōgè prius apparent, quàm quæ sunt animi, siquidem animus pedetētim, progressimq; ac nō nisi multis etiam post genitū-

ram annis ad agendum progreditur, donec instrumenta ipsa corporis ad maturitatem iam peruenerint, de corporis prius constitutione, hoc est, specie, temperaturaq; dicemus: Cum præsertim uideamus liberos ipsos sepe numero ore, naribus, oculis, genis, uniuersa facie, membris etiam singulis suis à parentibus longissime differre, quod nisi à coelo & stellis, stellarumq; commixtionibus euenire nullo modo posset. Quod ut facilius intellegamus, prius hæc consideranda magna etiam diligentia summaq; ratione uidentur.

Diuersitatem corporum proficisci è commixtione stellarum. Cap. II.



Rincipio ut quatuor sunt elementa, quatuor item qualitates naturaliter illis insite, sic annus ipse, sic dies, sic uita etiam nostra qualitates eas sequitur: ut prima & anni et diei et uite nostre pars sit cū primis humida, progressim tamen ad calorem accedens: secunda calida, atq; à calore uergens in siccitatem: tertia sicca, declinansq; in frigidū: quarta frigida, atq; in humidum procliuata. Hæ qualitates quoniam asiduo sunt in motu, alternaq; in conuersione, quo generatio ipsa perpetuitatem sibi continet, nec materia sit unquam informationi defutura, Lunæ decursionibus sic agitantur, ut in orbē abeant, cōuertanturq; alternis. Atq; ut uite nostre quatuor sunt partes, eaq; ætates uocantur, sic lucis atq; illustrationis Lunaris quatuor etiam sunt tempora. Vtq; animantium uite autor est Sol, sic etiam Lunaris illustrationis idem et autor est & causa. Luna igitur pubescens, atq; in prima, & tanquam puellari ætate constituta, donec ad dimidiationem (sic enim appellare placet) peruenit, inferiora hæc sic humefiat, ut à Sole calefacta per singulas dieculas, paulisper tamen & ipsa quoque calefaciat. A dimidiatione autem ad plenitudinem ita calefacit, ut sensim etiam siccitatem inducat. A plenitudine uerò secundam ad dimidiationem sic exiccat, ut pedetentim frigus exsuscitet, inde senile frigus adeo excreuit, ut paulatim etia puerile illud humidū reuocet, suūq; in orbē reuertatur. Qualitates aut hæc et Lunæ et stellis omnibus agēdo quidē insunt, neutiq; aut patiēdo, quippe quæ afficiant, nō aut afficiantur. Quocirca etiam eadē, alternandarūq; qualitatum ratio in erraticis etia stellis tenenda est: siquidem ex quo à Solis conuēlione, atq; ut propriè magis loquar, futura digressæ apparere iam incipiūt, quod mane quidē contingit ante Solis exortū, unde maturimæ à nostris, iuuenæ à Græcis dicuntur: quo tēpore tanquam pubescentes in elementis ipsis, compositisq; ex ijs corporibus humidū uehementius exsuscitat, atq; ad incallescendum inuitant, donec consistere iam incipiant.

cipiant, primamq; in stationem applicent, unde stationaria à nostris, à
 Græcis *supiorre* vocatur. Toto autem hoc stationis primæ tempore et ca-
 lesfaciunt, et sensim calefaciendo ariditatem inducunt. At ubi secundam
 in stationem perlatæ fuerint, tanquam autumnalis qualitatis studiose et
 vehementer exsiccant, et paulatim etiam frigus euocat. Postquam autem
 tum occidentales effectæ sunt, tum etiam uespertine, quas occiduas sunt
 qui uocent, et Græce *Adortie* dicuntur, ac dytica, tanquam inducere sene-
 ctutem rebus his studeant, frigus multum, ac cum ipso frigore pedetentim
 humidum arcessunt: inde ad Solem reuerse, et quasi ab illo renouatæ, ge-
 nitaliq; eius calore solæ, suum in gyrum, orbemq; solitum reuertuntur. Zo-
 diacus quoq; circulus per quem erraticæ discursant, in quatuor etiam qua-
 drantes, hoc est etates quasdam diuisus est. Ipse autem etates à Solis de-
 cursu, qui et dierum, et anni, et temporum autor est, rationem ac legem
 accipiunt. Primus enim quadrans, id est prima ac puerilis annorum etas
 uer constituit, secundus æstatem, tertius autumnum, quartus hyemem: qua-
 rum quidem etatū singule suas etiam qualitates quo iam diximus ordine,
 ac lege sortiuntur. Verum de orbe ipso signifero, quæ officina quasi quæ-
 dam generationis est, per quem medium Sol incedit, rebus his inferioribus
 prospiciens, et item Luna, atq; erraticæ simul quinq;, aliquanto uberius
 distinctiusq; differendum uidetur, quò ratio ipsa commixtionū ad genera-
 tionem tanquam diuersis è fontibus profluentium manifestior appareat,
 magisq; explicata. Quanta uerò commixtionum ipsarum uis sit, quæ etiā
 diuersitas, exemplo cum literarum dictionumq;, tum orationis ipsius ap-
 positissimè declarabitur. E connexionem namq; mixturisq; literarum consti-
 tuuntur syllabæ, è syllabis dictiones, è quibus post oratio ipsa con-
 struitur. Ex literis igitur A. ac B. cogitur Ab, syllaba, suam sibi statim significatio-
 nem apud Latinos adeptæ. Ex E, item et O, uocalibus literis (nā alie con-
 sonantes sunt literæ, alie item mutæ, aut semiuocales) conflatur uerbum
 Eo, quæ dictio suam quoq; significationem constitutione ex hac nancisci-
 tur. Dux hæc dictiones unum in corpus si redigas, constitues uerbū Abco.
 Ab hoc autem uerbo mutandis atq; addendis literis, neq; enim uno modo
 commixtio fit, constituitur dictio Abitus, quæ dictio suam quoq; sibi signi-
 ficantiam cōparat, ab origine ipsa deductam, mutat tamen genus, cū Abco
 uerbum sit, Abitus uerò nomen. Quòd si literæ A, aspirationem adicias, se-
 quetur illico significantiæ commutatio, eriq; Habitus, tum uestitus, tū in-
 stitutio illa animi, quæ exercitatione comparatur ac consuetudine. Quin
 si huius ipsius dictionis secundam literam quæ est B, in L. uertexis, fiet inde
 Halitus, cuius dictionis significatio quā sit à significatione habitus diuer-
 sa, docet ipsa dictionis origo quæ ab halo deducitur. Rursus eandē literā

B, in V. si uerteris, quartam uerò in D, enascetur inde dictio Auidus, cuius significatio diuersissima est ab illis, de quibus dictum est, appellationibus. Ab hoc autem nomine Auidus aliarum cōmixtione literarum fit audior, auditas, audisimus, item Auidius, Auidienus propria hominum nomina, quæ quidem dictiones tum comparatione, superlacione q̃; tum denominatione, & proprietate ipsæ inter se ab origine quidē differūt. Qui si Perauidus dicas, additione ex hac multum etiam roboris addes significantiæ: Contrā si dicas Auidulus, demas atq; imminuas. Inflexiones aut ipsæ, declinationes q̃; uerborum, ac nominum ē literarum quoq; mixturis proueniunt addendo, demendo, mutando, geminando, ut pello, pellebam, pepuli, pepuleram, pellam, propello, impello, compello, expello, repello, Aequus, æqui, æquo, equū, equior, equissimus, iniquus, iniquior, iniquissimus, equitas, iniquitas. Eademq; ratione & uia in cæteris omnibus. His igitur ē syllabarum dictionumq; conglutinationibus fit orationis tanta diuersitas, ut maior esse nequeat, existatq; sermonis humani in infinitatem abito. Hūc itaq; in modum maximē sese habent tum corporū figurarūq; tum etiam ingeniorum, atq; applicationum uarietates, quæ de cōmixtionibus stellarum, radiorumq; ab illis defluentū cōmixtionibus manant, quæ ignotis quasi quibusdam ē meatibus profluunt. Atq; ut ē literarū cōmixtionibus diuersis formæ quædam statuuntur dictionum, ē quibus innuitur actiuitas, passiuitas, neutralitas, communitas, frequentatio, diminutioq; uerborū ac nominum, siue denominatio, apertitudoq; , siue comparatio, ac superlatio, uocum item claritas, obscuritas, lenitas, asperitas, acumen, obtusio, celeritas, tarditas: atq; ut ē dictionum structuris suam in seriem redactarū, auditorum cōparatur impulsio ad hilaritatem, tristitiā, seueritatem, leuitatem, risum, iocum, lachrymas, lætitiā, uindictā, clementiam, atq; ad affectiones alias: Sic ē stellarum ac signorum mixturis, irradiationibus item, configurationibusq; diuersis uariē differenterq; configiantur hominum corpora, proueniuntq; ingenia tam diuersa, pro ea uarietate, quam corpora ipsa referunt. Ne autem à literis ipsis, dictionibusq; recedamus, nomen hoc bonus sonorem nec insuauem, & satis quidē plenum habet. Reddetur aut sonor ipse confestim horridior, si literam R. interposueris, proferesq; hornus. Idem continget in similibus, conus & cornus, tonus & tornus, funus & furnus. Cōtrā lenitur uox, ubi de lerna R. detraxeris, lena enim suauiter sonat: at sonabit asperius, si C. literam præposueris, cīq; aspirans eblenam pronunciaueris. Idem hoc igitur contingit, quoties Veneris stellæ irradiationibus suos Saturnus radios impegerit, quippe qui naturalem Veneris iucunditatē tristitiā sua inficiet, sordēq; sordabit elegantiam. Iouis clementiam ac mansuetudinem Martis ir-

radiatio mutabit adeo, ut quantum ille ad humanitatem nati animum modestiamque inuitabit, tantum hic ad asperitatem retrahat, moresque inclementiores: modicationem enim sanguinis chole in immoderatione inflammatione conuertet sua. Ad eiusdem Iouis candorem per nati corpus diffundendum addet Mars suam etiam ruborem, at Saturnus non parua illum e parte offuscabit. Ad Veneris festiuitatem addet Mars licentia, Saturnus illam rusticitate inficiet. Saturninus enim humor auctor est tristitia, ac rigiditatis, cum Veneris letitiam gignat ac festiuitatem. Sed his iam in hunc modum explicatis ad alia transeamus.

Signiferi orbis quadrantes ita considerandi sunt, ut quod Luna praestat ob Solis irradiationem, et ipsi quoque praestent ob eiusdem Solis peragrationem. In quibus idem illud usuuenit, quod in medicorum potionibus: primum enim quadrans, qui uernus dicitur, quanquam tribus constat e signis, quorum primum est igneum, secundum terreum, tertium aërium, et tamen puerilem representat, humescendo primum, post in calorem proclinando, non tamen ut signa illa qualitatem non retineant propriam, perinde ut quae miscentur a medicis, aliud quiddam efficiunt, quam quod singulorum est proprium, licet suam qualitatem nequaquam abiciant. Quod idem in componendis per sepe dictionibus in Grammatica disciplina usuuenit: ut in uerbo inficior, quod cum de praepositionis commixtione uerbi quoque formetur, aliud tamen significat, quam quod particulae illud constituentes innuit, quando inficiari est negare. Verbum Peto, manifestam habet significationem, idem tamen cum praepositione Sub coniunctum, aliud quiddam significat, ut cum dicit Plautus, Non suppetunt diis data. Deductaque ab illo Suppetiae auxilium significant. Suppedito quoque uerbum, quod e sub, ac pes nomine conflatur, an non idem praese fert quod suggero ac subministro? Haec autem dicuntur a nobis, et afferuntur exempli gratia, quod in ferenda sententia Mathematicus de constitutione corporis, de concretionem eius, de ingenio nati, deque propensionibus plurima simul considerare ac miscere in unum. Nec uero ijs quae supra dicta sunt considerandis contentus tantum erit, quin maiore etiam cum parsimonia signa ipsa expedit, et astutius illorum uires depromet, nec uniuersim solum, uerum etiam per partes signi cuiusque naturam animaduertet: quando signa humana, et quae in signifero collocata sunt, et quae extra signiferum per coeli reliqua sparsa, figurae ipsi, hominumque corporaturae multum etiam conferunt. Nam et membra concinnius disponunt, et quadam cum dignitate, partiumque conuenientiam magis ac magis honestant. Contra ferina, et bruta, quaeque de belluarum appellantur nominibus, et inconcinnant corpora, et membra ipsa ad suorum potius quam hominum conformant similitudinem, praeterita mem-

suræ, ac responsus inter se partium ac membrorum regula. Cumq; species ipsa, corporisq; pulchritudo è membrorum existat inter se conuenientia, deformant planè illud propter inconcinnam partium constitutionem. Ad hæc etiā signorum ipsorū naturæ, potestatesq; acutius inspicendæ sunt, proprietatesq; obseruandæ. Siquidè Leo, Virgo, & Sagittarius ad cōcinnandam corporis, partiumq; eius compositione multum etiā opitulatur. Secus autem Pisces, Cancer, et Capricornus, quippe qui partiū conuenientie, uniuersaq; constitutioni uehementius detrahant. Quid quòd eiusdem signi Leonis partes, quæ priores sunt, item etiā Tauri, atq; Arietis bonum corporis habitum, uiresq; ualentiores promittunt? Contrà quæ posteriores sunt partes, corpus imbecillum reddunt, uiresq; eius infirmant. At Scorpij, Sagittarij, ac Geminorum priora quidem corpus debilitant, multumq; de robore illius remittunt. Contrà uerò posteriora habitum ipsum corporis intendunt, uiresq; suggerunt uegetiores. Quinetiam & Virgo, & Libra, & Sagittarius membrorum conuenientie, æquabilisq; inter se partium responsui magnopere consulunt. Rursus uerò Scorpius, Pisces, ac Taurus constitutionis totius mensuram regulamq; abijciunt, nec in disponendis partibus qui deceat modum retinent: quam ob causam de belluarum nominibus signa hæc appellantur, illa uerò hominū, singulaq; suam sequitur naturam, & qualia ipsa sunt, taleis artus, talem etiam corporaturam moliuntur. Quòd autem Leonis, Tauri, atque Arietis priora ualentius efficiunt corpus, posteriora imbecillius, non recedit ab illorum natura. Siquidem hæc ipsa animalia, à quibus illa nomen ducūt, ualentissima sunt à prioribus, contrà uerò Scorpius, Sagittarius, ac Gemini partibus à posterioribus. Cum autē Leo animal pulchritudinem cum excellentia quadam corporis præ se ferat, uirgineaq; item ætas inter ceteras mulierū ætates præstet, faciesq; humana sit alijs & dignior, & conspectior, an mirum, signa ipsa horum de nominibus insignita, in configurandis corporibus eandem si pulchritudinem, concinnitatemq; representant? si è contrario deformitatem Cancer, Pisces, & Capricornus, tetra in terris atque aquis deformiaq; animalia? id quod de signis reliquis uel humanis uel brutis omnino censendum est, seu ad pulchritudinem, cōcinnitatemq; comparadam, seu contrà ad deformitatem, atq; inconuenientiam. Nec uerò aut signorū ipsorū domini negligendi sunt, aut non etiā considerandum, si quibus à planetis signa insideantur. Parentum quoq; ratio est habenda, quando stellæ ipse pro natura quoque uirilis seminis, mulierisq; suas in generatione uires exercet.

De Capillis. Cap. III.



Voniam aut capillus ad corporis ornatum nō parū adiungit, neq; modi unius est in singulis, quin potius lōgē diuersus, idemq; et canescit, et decidens caluitū inducit: Ad hæc cum oculi inter cætera animalia solis in hominibus tanto pere uariet, nec in eodem illo colore persistat, quem prima obtulit infantia, pauca quædā de his, quoq; differemus, ut cognitis uarietati ipsarū causis, stellarum effectiones facilius ac planius intelligentur. Homo igitur plurimo abundat capillo, nam capite humidissimo est, ac reliquo corpore magna ex parte glabro: neq; enim pilis ex toto uestitur, ut bos, et equus, aries, ut cætera generis eiusdem uestiuntur animalia, neq; aut cornib. instructus est ut bos, aut setis instructus uti sus, in quibus alimentorum excrementa luxuriantur. Itaq; quod alijs animalibus nutrimentu, quæq; inutilis materia, aut in cornua, aut in setas, aut in pilos uestiendis ex toto corporibus abit, homini suggeritur in promittendum capillum integendo capiti, atq; arcendo frigori, calori, et hymbri, nec minus ornatus gratia. Siquidem in cōstituendo humano corpore non minus huius ipsius ornatus, quā roboris natura uisa est habuisse rationē. Quia igitur cornibus ac setis nullis est, sed pilo rarissimo ac tenui, neq; tamē hoc uniuerso uestitur corpore, idcirco capillo plurimo abundat, illūq; promittit: quem mulieres longē etiam amplius atq; extentius, quoniam depili mento sunt, glabriorūq; reliquo corpore. Idem autem capillus alijs in hominibus densior est, in alijs uerō rarior, crassior in alijs, contrā in alijs tenuior. Cuius rei partim maior minōre suppeditandi excrementi copia existit causa, partim quod crassa ē cute crassi, ē tenui tenues capilli prodeunt, quam ad rem meatus quoq; plurimum conferunt, ē cute item rara capilli et ipsi rari, atq; ē densa densi, ē pingui item humore, ut neq; facile decidant. Vniuersim autē, licet cutis ipsius terrena natura sit, in his tamen pinguior inest, in illis uerō liquidior, magisq; aquosa, ē quātum pilis, tum capilli cum oriuntur (neq; enim gignuntur ē carne) ex eo efficitur, ut quod in crassa terreni plus inest, ex illa crassi, ē spissi uerō propter tenuitatem etiā meatuū tenues enascantur. At ex aquosa cute et liquida, in qua scilicet uapor eliquesces abude cogitur, haud facile, quādo uapor ipse facile quoq; siccescit, capilli promittitur, cū ē pingui cōtrā (pinguia enim difficulter exiccantur) in longū abeant. In uniuersum igitur cerebrū humido ab insito capillum alit, proq; illius tum copia, tum temperatione capillus ipse afficitur, qui siue niger, siue flauus, siue rufulus (siquidem ut cæteræ corporis partes consenet) canescit tandem, aut propter nimium rerum Veneris usum refrigerante nimio plus cerebro, aut ob ingrauescentē iam

etatem

etate annis siue refrigerantibus, siue arfacientibus cutē, ut quidā arbitrati sunt. Siquidē et ossa albescent exuſo humore, et lapides excoſti alben-
tem in calcem soluuntur, cera quoq; Solis ad mota feruori candescit deſe-
catīs ab illo humoribus. An nō etiā terra aſtiuis exiccata ſolibus albicat?
id quod et puluis apertissime monstrat. Aristoteles tamen ab ariditate nō
caniti fieri, sed durum potius ac rigidum pilum existimat. Itaq; canities ob
imbecillitatem prouenit, cuius rei maximū indicium est, quod pili qui in
cicatricibus iumentorum renaſcuntur, propter renatē cutis imbecillitatē
incaneſcunt. Gigni aut canitiem Aristoteles tradit ab excremento putre-
ſcente, quod calor aut propter aegritudinē, quae ſeneſtus quēdā est, aut pro-
pter ſeneſcutem ipſam, quae naturalis est aegritudo, parū illud concoquat,
ex eoq; fieri ut capillus quoq; aegrotet aegrotatē cutē: reliquo nanq; corpo-
re laborante ē morbo, cutē quoq; laborare par est. Cruditatē itaq; excre-
menti, eiſdemq; permulti, putreſcendi illius cauſam eſſe, putredinem aut
incaneſcēdū pili. Quocirca rectē canitiē putredinē eſſe quandā existimat:
hoc autem ita ſe habere illud docet, quod qui ob morbum caneſcūt, ubi ua-
letiores facti ſunt, calore augeſcente, eoq; excrementū ualenter cōcoquen-
te, canitiem exuūt. Quod in ſegetibus quoq; euenit, quae locis humidiōri-
bus ac ſecundū lacunas ſub magnis atq; continuīs pluuijs perpalleſcunt:
ubi uerō calor exiccauit humidum illud ſuperfluens, tunc propriam reſu-
munt uiriditatem. Prouenire igitur canitiem arbitratur neutiq; ob aridi-
tatem, ſed quod calor ob ingraueſcentem iam etatem perlatum ad cutem
excrementum nequeat concoquere, fieriq; ut ibidem collectum putreſcat:
ſeneſcutem nanq; frigidam eſſe, calore natiuo paulatim deſtituente iam
corpus. Cutem uerō ipſam ob inſitum colorem, albi aut nigri pili cauſam
non eſſe in homine, ut in ceteris animalibus, indicio illud eſſe, quod qui ho-
mines albi admodum ſunt, pilos tamen abūde nigros habeant, cum in bu-
bus, in equis, in ſiubus alba cutis album, nigra uerō ſeu ruſa nigrum pro-
ducat, aut ruſum pilū. Aquas quoq; ad pilorū uarietatē permultū conſer-
re, calidas enim albos facere, frigidas uerō nigros: alimenti etiam uarian-
tem uim hoc idem efficere ad colorem uariandū, dum cutis ē qua pili gignun-
tur, alimenti naturā ſequitur. Quid quod fontibus ac fluminibus quibus-
dam eadem haec uis ineſt? quemadmodum de Clitumno amne legitur, cu-
ius potandis aquis uaccā grauidā albos progignant foetus. Senilis igitur
canities inopia contrahitur atq; exilitate caloris nequeuntis alimentum
ipſum, unde pili aluntur, deſecatiſ conſequere. Ex quo ſit, ut aegrotantē
cutē aegrotet etiam et pilus, et capillus, etq; aegritudo, imbecilluſq; habi-
tus canities dicatur. Cui quidē uitio flauī capilli magis expoſiti ſunt, quo-
niā flauus ipſe ac ruſus color imbecillitati huic q̄ niger propinquior eſt.

Quod uero qui plerumque promissus esse capillus consuevit, nascatur aliquando crispus, et id quoque de nimio calore prouenit. Insunt enim ut lingue blasitas, ut pedibus imbecillitas, ut oculis cæcutitio, aliæque membris alijs uitia: sic et capillis crispitudo de nimio calore profecta, contortis ob ariditatem meatibus, quibus caput refectum est, humidoque materiam illam superfluentem parce nimis excernente. Etenim capillus promissus et simplex ex humido copioso et profluente prouenit, magis quam stillanti. Atque hinc Germani, et Dacia capillo sunt longo et simplici, quando eorum corpora et abundant humido, et aer ille etiam perhumescit. Contra Aethiopes, quod regionibus utantur uehementer calidis, cerebro autem sicco, et item cælo, crispos habent capillos, et breues. Exhalatio enim ipsa fumosa ob insitum calorem ac siccitatem capillum inflectit: quod enim inest terreni, deorsum ut pendeat cogit, secus calor tollatur ut sursum, quocirca ob imbecillitatem intorquetur, quod uitium crispitudo dicta est. An quod cum parum omnino humidi, terreni autem permultum insit, ab aere illo aestuante contrahitur pilus, ac si ab igne ustiletur? Cuius rei indicium esse potest durities, crispi namque quam recti duriores sunt pili: quæ enim sicca, eadem et dura, id quod re ipsa cernitur. Quodque e capite (æque ac decidua et ramis frondes) quandoque capilli defluant, quod egrotantibus ob maiores febrium ardores consuevit contingere, ut nudata caluaria nitium quod inde nomen traxit, inducatur, calori quoque nimio ascribendum existimant, qui quod humidi nutrimenti inest, exurit adeo, ut excerni ab eo haud ita multum patiat. Aristotelis uero de hoc ipso uitio uerba sunt hæc: Affectus huius causa est calidi humoris inopia, qualis præcipue pinguis est humor: quo fit, uti quæ plantæ pingues sunt, fronde uirescant perpetua. Nec pueros autem, nec spadones caluescere idem tradit, quod alteri id etatis non toierint, alteri quoniam euirati in naturam quæ mulierum est, transierint, muliebrem enim naturam puerilis esse naturæ persimilem. Coitum igitur caluitij potissimum esse causam hinc arguitur, quod ex eo, hoc est, nimiam ob resolutionem calidi in Venerem, cerebrum quod suapte natura frigidissimum est, tanto quidem magis refrigerat, efficiturque hoc ipso imbecillum admodum, ex quo ea imbecillitate, cum sufficere capillis alimentum nequeat, necesse est illos decidere. Est enim capillorum alimentum humor pinguis, qui e cerebro ad cutem permanat. Annon frondes ipsæ e ramis decidunt, ubi humor hic à radicibus non sufficitur? Homo igitur cum sit ipse maximè humidus, ac calidus, nimia ob resolutionem in Venerem imbecillus maximè in cerebri parte redditur, quæ ex imbecillitate, calidique inaniitione caluescit, tametsi alia item inde gignuntur uitia. Fit autem uitium ipsum in parte capitis anteriore, quod scilicet in eam capitis partem

cerebrum promineat. Quod autem ad capillos attinet, medicorum quidem uidetur hæc esse sententia, ut hi cerebri ex excrementis oriuntur et nutriantur, illudque æquabile ubi fuerit, probeque temperatum, gigni ex eo capillum uolunt, qui a teneris quidem annis sit cæsius, post uero ad adolescentem etate rubescat, declinetque magis ad nigredinem, quique etiam mediocritatem inter rectum, crispumque retineat, enascaturque neque serius, neque tempestiuus. Vbi uero cerebrum ipsum calidius fuerit, provenire ex eo capillum omni non nigrum, et quidem tempestiuiter, illumque flexilem, ac per sepe crispum arbitrantur. Quod tamen non multo est ante dictum, mundi regiones ad calorem, crispitudinemque capillorum, ad promissionem item, ac mollitiem plurimum conferunt, quanquam capilli ipsi mutantur etiam ab etate. Contra frigido est cerebro prodire fluxilem ac rectum capillum, eumque parum omnino nigricantem, uel potius flauum, præstoque homini illi canitiem affuturam. Quoties autem cerebrum ipsum humidius fuerit, tardius eius ab excrementis capillum proditum tradunt, eumque fluxilem, serius etiam casurum. At ubi sicciore est compactione constitutum fuerit, tempestiuorem ex eo casariem fundi, canitiemque tempestiuus aduenturam, ipsum autem capillum crassius, ac plerumque crispum. Vbi uero calidum pariter, ac siccum cerebrum ipsum fuerit, tunc capillum et uelocius exoriturum, et maturius etiam casurum, nigrum quidem et crassum, etiamque crispius. De multo namque calore manare putant crassitudinem, humidique superfluentia: flexibilitatem autem et crispitudinem ab utroque, calido uidelicet ac sicco, itemque et nascendi, et decidendi celeritatem. Contra fluxilem, rectum, mollem, fusculumque, parumque deciduum futurum, ubi cerebrum calido humidoque simul temperabitur. Serius autem coma uessiet caput, uixque caluitium timebitur, quoties cerebrum a sicco pariter frigidoque occupabitur. Erunt autem capilli tenuiores, atque, ut hodie medici loquuntur, corticis nucis castaneæ similiores. Quod si frigiditas humiditasque in pangendo simul cerebro conuenerint, uix capillus ipse unquam deciderit. Omnino autem cerebrum superfluentem humidum, aut capillum non excernit, aut eum quam tardissime, quod sit hominis illius corpus sanguine penè uacuum ac cassum. Oportet itaque mathematicum est stellarum configuratione ac positura hæc ipsa metiri in genituris, et quarum commixtionibus et sanguis id est cor, et cerebrum modum mensuramque accipiunt.

Nec uero, quod dictum est, cæli situs ac terrarum non appri-

me circumspiciendus est, et patrum quoque

maiorumque habenda ratio, qui

bus illi capillamentis or

nati fuerint.

De oculis. Cap. IIII.



Diximus quod uisum est necessarium de capillis, dicamus etiam de oculis, qui in bubus, in leonibus, ceterisque in animantibus iidem sunt, id est, coloris unius cuiusque suo in genere, praequam in equino, nullaque ratione inter singulos differunt, cum in homine differant admodum et colore, et habitu, quando etiam in infantibus, primisque illis geniturae diebus color oculorum certus iudicari nequeat propter humorem, qui nondum resedit, cerebri. Ad haec uidemus quosdam lucinos, nonnullos strabones, hos oculis maxime concauis, illos prominentibus: quae uarietas, ut diximus, in hominum fere genere tantum accidit. Constitutio igitur pupulae, de qua radij prodeunt, in quam et illi rursus se insinuant, quoties humido largè referta est, quod humidum spissitudine illa sua nigricat, oculum quoque nigrum reddit. Cui si multus quoque calor immixtus fuerit, quando cerebri natura in multis humida est, et calida, ut iam diximus, calorisque ipsius cum sit proprium rarefacere, ad haec cum sit oculus maxime foraminosus, penetrationisque patientissimus, neque enim aliter lucis fieret irradiatio, coagulum illud humidum ita dispergitur, et tanquam efflatur à calore, ut si uehementior illa quidem fuerit, dissipata iam spissitudine, humidoque eliquato, colorem inducat caesium, qui albo est quamproximus, remissior uero caprinum, quod caprarum oculi sint coloris huiusmodi, siquidem caesus color caprinis in oculis est suffusior. Quocirca color ipse oculorum tum niger, tum caesus, plus minusue intenditur, pro humidi copia, itemque caloris. Humidum autem illud nigrescit admodum, in quo terreni plurimum humoris inest. Quod si mensura, modusque defuerit, ea regula ac ratio, quae generationis est comes, globusque ille pupillaris nimio humido perinde coagmentatus, et tanquam constipatus fuerit, ut calori exigua admodum uia ad irrupendum data sit, pupillae uis adeo imbecilla redditur, ut longius uidere oculus nequeat, propius autem non nisi difficulter, contractis etiam palpebris, demissisque supercilijs: quod uitium etiam accidet, quoties humidi illius pupillaris uis perexigua quidem fuerit, caloris uero tanta, ut humida ui penè extincta, sparsimque exagitata, radij sic attenuentur, ut progredi longius quidem nequeant. Quemadmodum autem humida materia praequam à calore si fouetur, inutilis est omnino: sic calor ipse quidem effluit atque euanesceat penitus, ubi quod se intendat, et in quo exerceatur, humidum nullum habet. Itaque et illa inutilis materia, et hic euanius futurus est autor. Contingit etiam in oculis ipsis uitium, à quo, quibus inest, strabones ij dicuntur. Fit autem uitium hoc, quoties pupula locum suum, qui medius esse debet, non in se derit: est enim necesse in hac pupillae in iuxta collocatione ceteros queri aspectus

cientis oculum, quo & pupilla ut libera, & libero eius ualeat officio fungi.

De opinione Aristotelis. Cap. V.



Voniā autem Aristoteles longē aliter de his sentit, exi-
stimans uidendi sensum ad aquā, ut audiendi ad aërem
referendū, parumq; omnino probat quæ ab Empedo-
cle de igne sunt tradita, non ab re fortasse fuerit, aliū
quædā repetisse, ne aliquid in cōtrouerso relinquatur.

Oculorum ductus ad cerebrum pertinent, de quo purissima humoris pars
secreta per meatus illos defluit, qui ab ipsis ad membranam, qua cerebrum
integritur, deferuntur. Perinde nanq; ut per aërem auditus, sic uisus existit
per aquam, quippe cum perlucida ipsa sit, maximeq; idonea emittēdis ra-
dijs. Itaq; de manatu cerebri, quod maximē humidum ac frigidum est, ocu-
lus ipse & initio constitutus est, & ab eodem post fouetur. Calor autem co-
rum tum niger, tum cæsius, plus minusūc existit ab humore pupulari.
Quatenus enim humor ipse ē cerebro diffusus ad pupulā fuerit, talis ipse
oculorū color redditur. Nigros igitur oculos eos tradit Aristoteles, in qui-
bus multū humoris infideat: huius namq; maior ubi fuerit copia, traiectiones
ipsas uidēdi nō facile admittit: id enim uigrū esse quod nō transluceat:
cæsius uero, in quibus parū omnino humoris insit, cuius inopia traiectiones
eas perfacile quidem suscipiat. Atq; ob hanc rationem die quidem cæ-
sius, noctu autem nigros minus acutē cernere, quod cæsi ob exiguam hu-
moris uim afficiantur à diurna luce immoderatiū, itēq; ab rebus illis quæ
obscure sunt uisui: contrā nigros ob humoris affluentiam minus affici, quā-
do nocturna lux est etiam exilior, & humor ipse noctis tempore minus
facile excitatur. Vtūq; autem, necesse est caligare oculos in maximo ac
splendentissimo fulgore. Vtitur autem marinæ aquæ similitudine, quod in
mari quidem cæsum uideatur id omne, quod per commodē, perq; quāmsat
est, transpicitur: aquilum autem quod & minus commodē, nec etiam quā-
tum satis est, introspicitur: illud uerō opacum, ad quod obtutus ipse ob pro-
fundiorē altitudinem aciem uix traiciat, quo fit, ut tum coerulcum, tum
nigrum id appareat. Inter hæc autem ipsa maris spatia, tractusq; cernendi
longiores magis minusue, coloribus ipsis siue cæsi, siue nigro, aut demi,
aut accedere quippiam, ut re ipsa constat, arbitratur. Hanc etiam ad rem,
perinde ut ad uidendi uim acutiore, obtusoremūc, non parum fortasse con-
fert cuticula, seu tunica ipsa, quem hodie panniculum diuulgatē uocitant,
quæ pupulæ ipsi obtenditur, ubi ea magis minusue tum tenuis fuerit, &
alba, tum etiam perextenta, & nitida. Sed hoc ipsum querere exploratiū,
medicorū est. Cœli etiam ac terrarum situs diuersi, colores quoq; oculorū
peculiares ac suos habēt. Qui enim sub septentrionalē nascuntur cardinem,

corum caesi sunt oculi: qui ad meridiem atq; austrum, nigri. Ac gritudines quoq; ipsas indicio esse ait aut multi humoris, aut parui: Cesios enim pro humoris inopia affici glauconia, eamq; siccitatem esse quādam, senesq; frequentius ea laborare, quorum oculi, ut reliquum etiam corpus, arescant, lucitate uerò nigros ob humorem nimium, eoq; fieri, ut pueri, adolescentioresq; quod humentiori utantur cerebro, sepius ab hac capiantur. Humor igitur in cuius pupula affluētiore sedet, eius color oculi niger existet, aut sufcus: in qua uerò remissior, ac minor, caesus, aut flauescens, qui colores albo sunt finitimi: at cum moderatior, caprimus. Atq; hic quidem color quoniam cerebri quoq; temperamentum indicat, non boni solum usus, sed proborum quoq; morum index perhibetur.

Præcepta cognoscendæ corporeæ constitutionis. Cap. VI.



Ed iam redeat unde digressa est oratio. Ut igitur ea quæ ad cognoscendam corporis constitutionem spectant, plane cōsequamur, hæc quidē diligenter cōsideranda sunt. primūq; horoscopus, atq; ut Ptolemæus ait, orientalis horizon uidendus est, quæq; sit eius natura, deinde si qua ex erraticis collocata in eo fuerit, eadem quoq; ratione horoscopatis signi dominus, hic enim ipse, ac signi in quo Luna fertur, dominus, primas ferē in hac cōsideratione parteis ferunt: deinceps si qua ē fixis stellis oritur cum horoscopo: præcipue autem uidenda est Luna, signū item ac locus in quo constituta fuerit, signūq; ipsius dominus qui sit et qualis, et à quibus ipsa stellis conspicitur, quantaq; uis eius sit, quando corporibus, ut toties dictū est, præsidet. Locorum quoq; ipsorum in quibus erratica consistunt, uires potestatesq; metiendæ. Hac enim obseruatione et uia, cognitis signi ac loci cuiusq; proprietatibus, stellarumq; naturalibus effectiōibus, eas miscendo ac temperando, qualis etiam concretio futura sit, facile colligetur. Hæc enim duo in hac cognitione potissimum querenda sunt. Nam figuratio staturam, membrorumq; inter se conuenientiam indicabit, concretio mixturam humorum, ē quibus corpus constituitur, hoc est, quis ex humoribus in ipso corpore iuris sibi plus uendicet, natusne ipse futurus sit biliosus, an pituitosus, an sanguine redundans, utraq; autem simul colorem.

De Saturno circa corporaturam. Cap. VII.



Voties igitur Saturnus in hac ipsa cōstitutione primas sibi partem assumperit, fueritq; orientalis (utimur autem libere hoc uerbo, quoniam à discipline huius scriptoribus familiarissimè acce-

acceptum est) nati staturam mediocrem decernit, bonūq; corporis eius habitum, colorem autem nigrum, & (ut Greci dicunt) *μυαδὲς* & *χρῶς*. Nec uerò nigrum accipi sic uolumus, qualis est Aethiopum color, qui à cœlo nostro alienus est adeo, ut qui ex Aethiopibus in Grecia, Italia, Germaniaq; nascuntur, omnino illum nō retineat, quorum post liberi in albescent non tantum ore, sed reliquo etiam corpore. Color autem, ut iam diximus, Saturno additus cinereus est, quiq; à Grecis agnominatur Castoreus, qualem hunc de quo dicimus, intellegi colorem uolumus, uidelicet qui in nigrum ab albo uehementius delabitur. Capillum etiam nigrum decernit, crispum tamen, oculos etiam manusculos. Saturnus enim ac Mars propter intemperantiam à conuenientia suapte natura alieni sunt. Concretionem uerò, humorūq; corporis temperaturam pituitosam designat, quæq; à temporis nostri medicis uocatur phlegmatica, quippe quæ in humidum ac frigidum sit declinata: in frigidum quidem propter Saturni ipsius naturam, in humidum uerò, quod orientalis uis, pueritiæq; similitudo suapte natura humectet, frigiditasq; humiditati perfacile cōcilietur. Oculi autem grauiiores, capillusque ipse niger indicio sunt maiorem inesse cerebro humidi affluentiam: qui si occidentalis fuerit, colorem quoq; eundem tum oris, tum oculorum futurum indicat, capillum autem promissum, raram tamen decernit, ac corpus glabrum et penè uulsum, uidelicet propter exiguitatem humidi, cum futura sit concretio frigida & sicca, etatisq; senilis quam similia, quæq; aduersatur puerili. Quamobrem statura erit modica, neq; enim frigidus est & sicci in proceritatem assurgere: namq; ad staturam illam quam diximus, orientalis ipsa humiditas addit quantum satis est ad mediocritatem retinendā. Quod autem Saturnus cum orientalis fuerit, crispus, ut dictum est, capillos faciat, illud est causæ, quod orientalis ipsa cum humiditate simul indat Saturno nonnihil etiam caloris, quo fit, ut capillus crispetur, nec rectus fluat, qui cum è cerebri excrementis humidis in cute generatur capitis, ex eaq; foras prodit, ubi calor ipse remissior fuerit, neq; facile suā ob imbecillitatē impellere illū potest, hinc à calore tunc remissiusculè impulsus, illinc à cutis duritia repulsus, humido etiā deorsum remittente sese, calore aut pro natura sua sursum reuocante intorquetur, contrahiturq; crispitudo illa difficilem ob penetratum flectēte sese capillo: Vt cum tenue atq; imbecillum flagellum in arenarum acerrima inmutimus, neq; enim nisi paulatim flectendo sese, atq; innitibūdum quidem in acerrimū irrupit. Habitū autem illum flexuosum & crispum, quem sensim penetrando capillui contraxit, adhuc etiā post penetratā à se cutem retinet: quod occidentalis quidē nō efficit, siquidē humidi superfluentis causa accedit nulla, cū in occidentali plaga frigus illud suū Saturnus retineat.



Voties autem Iupiter locis ipsis dominabitur, fueritq; orientalis, quoniā calidi, atq; humidi, quā ipse qualitate præditus est, magna ei fiet accessio, nati staturā proceriorem decernit, ac proceritati dignitatem adiungit, propter partū corporis conuenientiam, sanguinisq; temperamentū, cū sit etiam Iouis ipsius ac Veneris propria concinnatio. Itaq; ab illo dignitas, ab hac formæ uenustas tanquā à fonte riuus profluit ac, ne quid uideatur deesse dignitati, oculos quoq; nigros addet, capillūq; promissum, et defluentē, rariusculū tamen, quadaq; cum mediocritate, candorem aut prænitentem illū quidem, per omne corpus diffundet. Atq; hæc quidē omnia ab optima, et maxime ubere sanguinis temperatione proficiſcentur, quā cōcretionē natus ipse præditus erit. Humidi enim calidiq; abundans mixtura, æquabilis tamen inter se, tum oculorū capillūq; nigredinem, tum staturæ, proceritatē ac dignitatem formæ, tum etiā candorem latē magnū naturaliter gignit. Hæc autem ipsa humiditas ab orientali statu Ioui quidem addita, Saturno uerò potius intrusa, sic accipienda est, ut caloris quædam etiam fiat adiunctio: Ioui quidem maior, quoniam ex parte calidus, Saturno autem minor, quoniam suapte natura frigidus et senex est. Atq; in Ioue quidem calor ipse uegetior erit, in Saturno autē imbecillus, et perpeſcens. Glacies autem Soli admota aut igni, cum deliquiescit, calorē necesse est aliquem intra se admittat, quo calſaciente liquitur. Occidentalis uerò Iupiter colorem etiam albū diffundit, nō tamen conitore conspersum, quem orientalis explicat. In occidua enim plaga stellarum omnū, etiā Solis ipsius radij suppalleſcūt, magis quā nūcēt. Quid quod iter mane ingredientēs hilariores sumus, uiribusq; uegetioribus, uesperī autem laſi admodum ac deſecti uiribus domū reuertimur? Capillum quoq; promittit. Vix autem fiet, ut natus ille futurus sit caluus: aut si fortasse contigerit, caluitium ipsum erit omnino modicū. Cū enim Iouis stella maxime temperata sit, non nisi rarissime potest illius radijs immoderatio tanta afferri extrinsecus stellis ab alijs, ut calido, humidoq; (ea est enim propria illius supellex) omnino spoliatur: quocirca si caluitium ipsum tandem aliquando contigerit, neq; erit ipsum magnū, neq; deſormis illa frontis exſpilatio atq; capitis. Staturam autem mediocritate quadam ita temperabit, ut quod ad mediocritatem orientalis addebat, demat illud occidentalis. At corporis totius cōcretioni humidi plusculum adſciat.

Hæc igitur à Ioue domino, et cū orientalis, et cum occidentalis fuerit, de nati forma concretio-
neq; portenduntur.

De Marte circa corporaturam.

Cap. IX.



Mars locorum dominatum obiens, atq; orientalis staturā longiorē pollicetur, calor enim sursum impellit, bonū item corporis habitum ruboremq; albo conspersum, oculos uerò caecos, corpus hirsutum, capillumq; mediocrem decernit, concretionem autē eam quæ calidi, ac sicci plusculum in se habeat: hac enim qualitate Mars est præditus, quo fit ut à cerebri compactione oculorum color sit caecus. Sanguinem quoq; sic falsificet, atq; ut propriè magis loquar, cōcoquet, qui tamen nequaquam erit exiguus, propter orientalitatē ipsam quæ suapte natura humectat, ut rubor ille sanguineus albo conspergatur, referatq; candorem immixtum. Albescere autē sanguinem de calore ac concoctione, lac docet, semenq; genitale. Calor idem Martius, quod excrementi multū ad cutem impellit, nam et ipse humorem quoq; ab orientali, ut dictū est, regione cōtrahit, multos quoq; pilos per totum corpus diffundit. Calida enim et humida corpora sunt excrementosa, quæ diffusionē cum excrementorum longe minus ad caput feratur, capillus ipse mediocri redditur. An eadem fortē causa capillorum prouenit mediocritas, quæ oculorum calor caecus? Idem Mars occidentalis cum fuerit, staturam mediocrem decernit, colorem rufum, capillum flauum, corpus glabrum, oculos minutos, concretionem uerò in qua siccitas præpollcat. Quod enim corpus reliquum glabrum est, capillus non temere sit longior, excrementis illum tantum pascentibus: quod uerò flauus, existit de siccitate mascula: flauum enim ad album accedit, nam et frondes, et folia ex uicō humido flauescunt. An potius à defectu caloris? dum quod humidū excrementi inest, putrescit calore deficiente, ut iam dictum est de canitie. Flauus enim color cano est propinquior. Quod etiam glabrum fiat corpus, ab excrementorum exiguitate profisciscitur: quod mediocri statura, ab ariditate nimia, Mars enim uespertinus mirifice inarescit, demitq; ob uespertinam siccitatem quod addebat ab orientali humectatione madefactus. Deniq; quod color tantum rufus decernitur, à sanguine existit nondum exiccato, atq; rarefacto, propter imbecillitatem caloris. Quod in accensis lignis cernitur, rubescit enim in initio ignis, antequam materie humidū sit exhaustū, quo sensim consumpto tandem candescit. Quod autē antè dictū est, planetae uespertini tanquā senescentes inarescunt, donec in gyrum ad humectationem redeunt, quo interim tempore efficiuntur inualidi, et tanquā effecti uiribus. Quod uerò ad oculorum exiguitatem pertinet, ut non multò ante diximus, Mars ac Saturnus cum sint intemperati, uix aliquid exactè suosq; per numeros concinnatū reddunt. Atq; ut Saturnus oculos crassiores facit, cuius humiditatis exci-

tator idē & coactor quasi quiddā, sic ē contrariio Mars paruos ac minutos, propter nimīā siccitatem caloris sui comitem. Hæc enim tam intensa mar-
tis siccitas causa est, cur cerebri quantitas sit etiam exigua, caputq; etiam
ipsum exiguum. Frustra enim, imo inutiliter, & penē dixerim, monstrificē
natura laboraret in capitis magnitudine molienda, si cerebri exiguitas,
cuius cōmendi gratia facta est testa, minori potest spatio contineri.

De Venere circa corporaturam.

Cap. X.



DE Venere autem, ubi dominatum & ipsa quidem orien-
talis adepta fuerit, nō alia tradentur à nobis, quā quæ
de loue tradita sunt in disponendo corpore, atq; in con-
cretionē tēperanda. Illud tantū admonebimus, quod nō
multo antē demonstratū etiā est, formæ dignitatem à lo-
ue, uenustatem à Venere nascentibus tribui. Quāobrem tamen si Venus in
tenuis formæ corporisq; constitutione louis est imitatrix, similiūq; effe-
ctrix, uenustate tamen sua omnia condit, & à dignitate illa, quæ louis mu-
nus est, ad muliebri gratiā, quod munus suum est, illecebrosiuscule tradu-
cit: nam & colorē, & faciem omnem quadā quasi mollitie sic cōspersgit, ut
blandiri iam uideantur. Oculis letitiā inspirat, & (ut Poëta inquit) letos
honores afflat: siquidem poëti crunt, & ut Catullus inquit, ebrioli atq; il-
lecebrosi adeo, ut ad amādum alliciant, ac uoluptatis deliciarumq; admo-
neant. Deniq; id præstabit, ut ex omni parte gestus, singuliq; etiam motus
addeceant, quæ omnia ab eximia quadam sanguinis humorūq; tempera-
tione defluunt, partiumq; inter se concinnitate.

De Mercurio circa corporaturam.

Cap. XI.



MERcurius et ipse dominus, atq; orientalis concretione
sic moderatur corporis, ut ea ad siccitatē sit declinata
ra, quādo eius stella retorrida est: à statutamen orien-
tali et plusculū caloris et humidi nō exiguum sibi mu-
tuatur, quæ ē restaturam facit moderatā, corpus bene
cōpactum, et quadratū, ut dicūt. Neq; enim temerē palæstre inuētor Mer-
curius dictus est ab antiquis. De siccitate autē q̄ terrenus humor est, muscu-
li, membraq; soliditatem ac robur assumūt. Oculos paruos efficit: siquidē,
ut de Marte iam diximus, & humidum natiuum, & cerebrum haud mul-
tum erit in nati illius temperatura. Capillum autē mediocrem, quod obean-
dem exiguitatem generare eum multum nequeat. Colorem mellis simili-
mum, Græci μᾶλινον dicūt, uidelicet ob sanguinis maiore inflammationem,
humidūq; penuriam, quo fit, ut pallorem quasi quendā; eumq; suberocellū
inducat.

inducat. Cōsuevit tamen pallor fieri ex humore putrido, sanguineq; male concocto. Vbi uerò occidentalis fuerit, colorem itidem croceum, atq; in pallorem aliquanto magis declinantem: Pilum ac capillum uehementer rarum, propter siccitatem uidelicet, quæ ob occidentalem statum Mercurio accrescit. Quæ est re corpus ipsum gracile, ac macilentum, et penè depile reddetur, quando sanguis ipse in are scet adeo, ut carnem creare multâ nequeat, quæ membra ipsa bene uelliat: quamobrem crura pedesq; mali positi, formæq; ineptioris erunt, tenues illi quidem, pelleq; tantû contesti, ac fortasse planci, et ut Plautus inquit, crocodila cryscula: neq; ineptè Ptolemæus eos futuros dicit. Capillum subrufum, oculos autē canos facit, atque intra supercilia immittit, propter cerebri exiguitatem, atq; arefactionem, cum deficiente succo, cerebroq; parcius illum subministrante, oculi ad locum à natura decretum produci, atq; illic collocari nequeant, in ipsoq; ita inere à natura destituti relinquuntur. Horum autem omnium causa est cerebri humorisq; eius penuria, quando Mercurius ipse, suapte natura perquam aridus est, et status ipse occidentalis ac senilis longè amplius illum exiccat.

De luminaribus circa corporaturam. Cap. XII.



Vemadmodū autē oculorum omnis ac capitis temperatio ad cerebrū refertur, sic caloris ad cor: cumq; erraticas ceteras Solis, Lunæq; subministras in generatione dixerimus, generationemq; ipsam Soli, Lunæq; omnino delegauerimus, ille namq; formā inducit, hæc materiam præstruit, in hac ipsa quoq; formandorum corporū constitutione temperaturaq; consideranda, cū primis luminarium ipsorum status, habitusq; animaduertendus est, quo uidelicet è loco et ipsa aspiciant, et aspiciantur ab alijs. Si enim feliciter signis ipsis ac dominis signorum cōfigurabūtur, corpore et cōstitutioni plurimū fauore suo cōferet: siquidē statum ipsi longitudo, cōpactioni partium decorē, membris robur, membrorum ac partium collocationi responsum adicient, bonumq; habitum per corpus uniuersum diffundent, deniq; corpus ipsum in quadrum ita redigent, ut id sibi parte ex omni conuenientissimè respondeat. Cum primis autem Sol proceritati corporis, ac formæ dignitati consulit, bonumq; habitum cōstituit, quippe cum calore suo cuncta foueat, fouendoq; robur adiungat. Luna uerò nō parum etiā ipsa cōferet partium ac membrorum responsum, munus tamē eius potius est humectare: quod enim calore proprio uacua est, et, ut prisca Latini locuti sunt, cassa, suapte natura nec magnitudini adiecit quippiā, nec amplitudini, quando caloris est propriū sursum prouehere ac producere, quæ è productione longitudo primū cōstituuntur: ac deinde in latum diffun-

dere,

dere, quæ è re latitudo extenditur: quo fit, ut Luna in cõstituendo corpore moderationem quandam potius quàm longitudinem, et macilentia prius quàm obesitate portendat. Quamobrem cursus illius, defluxionesq; diligentissime obseruandæ sunt, et cum sola locis, ac locorũ dominis affuerit, et cum à Sole in sociã ascita uires uterq; suas simul illis cõtulerint. Illud uerò certum est, corporis affabrefactionem, partiumq; ipsarum probatã illam, æquabilemq; conuenientiam à Sole potissimũ Lunaq; proficisci: de quibus quidem illud mihi dicendũ uidetur in cõstituendis, ac disponendis corporibus, quod de sale in condiendis dapibus, quarũ quidem commendatio omnis à salis condimento proueniat, eiusq; temperatione.

De maturatione stellarum circa corporatum.
ram. Cap. XIII.



Tque ut ad erraticas quinq; etatesq; illarũ reuertamur ac tempora, ubi eæ maturatione fuerint, hoc est, ubi à Solis complexu, futuraq; digresse apparere mane cœperint, atq; ante solis exortũ radijs suis liberius utentur, uniuersim quide staturas ipsas magnas, corporaq; etiã magna decernunt. Etenim, etas illa stellarũ penè puerilis, atq; in adolescentiam uergens permulto humido corpus irrorat, quod à calore etiã abundantiore fõtum, uehementius illud producit. Siquidẽ stelle ipse à Solis cõiunctio ne digresse, perinde ut fõtus in luce uenientes materna ex aluo maximã secũ humidi uim suo cum calore afferunt, magisq; in dies concalescunt, donec ad primæ stationis locum perueniant. Stationariæ autem effecte, quoniam adolescentiam iam impleuerunt suam, corpora decernunt uegetiora, magisq; robusta, quibus uires etiã maiores insint, eæ demq; contentiores. Actas enim hæc stellarũ quæ iuuentam refert, calore multo abundat, à quo siccata illa humidi superfluentia, et cutem et ossa et neruos uehementius indurat, quæ de re robur enascitur. Mollia enim cedunt, contrã dura subsistunt, contentiusq; aduersata repugnant. Nec uerò ineptè poetæ sinxerunt Hæben, hoc est, iuuentã Herculis uxorem fuisse, quando corpora fortitudo etati huic attribuitur. Vbi aut ab hoc statu deturbatæ repedare, progrediq; retro cœperint, tanquam reiecta fabrilis regula suũ nec numerũ retinent, nec mensuram, tum in collocandis artubus, tum distribuendis partibus, modi mensuræq; oblita: quem enim seruare modũ, aut retinere mensuram potest, qui aduerso nature modo proficiscitur, et tanquam auersa fronte incedit? Itaq; membrorũ coagmentationem, partiumq; inter se coniunctionẽ inæqualem, maleq; sibi responsurã decernunt, quo fit, ut corporatura ipsa inconcinna et rudis futura sit. Vbi uerò secundã

ad stationē peruenere, cum uirilem iam, prouectioremq; etatem referunt, quod etas illa exhausto magna ē parte humido, ac penē à calore exucto in siccitatē uergat, corpora imbecilliora decernunt, quod fore necesse est propter humidi ipsius inopiam, ac sanguinis. Neq; enim statura produci, neq; membra ipsa euadere robustiora possunt, si foetus ipse ab initio iam arefceret: quod in arboribus ubi gēmare iam, ac deinde pullulare uere incipiunt, facile cernitur. In hoc enim statu erratica constituta imbecillior est, quandoquidem recto cursu nondum incedit. Vespertina tandem effecta, ac senescentes necesse est pro natura etatis illius, quae deformis est, corpora etiam deformia fabricentur: quippe cū senectus ipsa humido cassa sit, atq; à calore destituta, ac propter siccitatē frigūq; aduentās artus ipsos neq; fouere ualeat, neq; perficere. Deformitas enim ipsa corporis ē uitiosis, ac male cōpactis, imperfectisq; ē partibus manat, deq; carentia sanguinis maximē, quod et hyems declarat, quae senectutis quam simillima est: quid enim hyeme deformius, ac brumali tempestate sordidius? Nil mirū igitur, si in hoc planetae statu corpus non modo deforme, maleq; in partes distributū fuerit, uerum etiam si uitiosis occultisq; oppleatur humoribus, multisq; ægritudinibus obnoxium fiat. Quocirca etates quoque, et status planetarum, qui dominatū sortientur constituendorū corporū, cum primis cōsiderandi sunt. Medici quoq; non solū tempora, statusq; ægritudinū distinguunt, uerū etiam ægrotorū: neq; enim eadem ratione puerū ad senem, adolescentem atq; etate iam prouectiorem curant. De erraticis igitur in hac parte haecenus. Reliquum est, uti de signiferi quoq; orbis quadrantibus præcipiamus, quorū naturae, potestatesq; corporūfigurationibus, concretionibusq; multum quoq; conferunt.

De quadrantibus circa corporaturā. Cap. XIII.



Rimus aut quadrās, qui uernus dicitur, quiq; ab æquinoctio uerno in æstiuā Solis conuersionē producitur, quod etatē et ipse puerilē sequatur, humido calidoq; abundat, concretionē quoq; corporis huiusmodi futuram decernit, staturā etiā procera, bonūq; totius corporis habitū, oculos etiam honestos, ac colorem iucundū, et floridū. Atque haec quidem quae à quadrantibus portenduntur, componenda ac coparanda sunt cum erraticarū significationibus: ubi enim simul cōuenerint significationes ipsae, utrinq; augebuntur: sin repugnauerint, temperatione utendum erit, pro natura repugnationis ipsius. Quadrans secundus qui ab æstiuā Solis conuersione in autumnale portenditur æquinoctium, quae re æstiuus dictus est, iuuenilisq; etatis naturam ac uigorem refert, quae

LI calido,

calido, siccoq; abunde prædita est, concretionem ipsam corporis calidiorē, minus tamen humidam futuram portendit, suiq; ipsius per similem: staturam mediocrem, neq; enim ultra iuventam corpora in longum protenduntur: habitum bonum, pilos densiusculos, capillos plerumq; flexiles, oculos grandiores, colorem uerò qui non satis delectet intuentes, Græcè est *μικροχρ*, neq; enim iucundus et floridus, qualē iam diximus, esse poterit, propter humidæ subductionem. Color enim ille uernustus, et blandus à calido, humidoq; exactius temperato redditur, existitq; è proba sanguinis moderatione. Qui tertius est quadrans, atq; autumnalis dicitur, ab æstiuæ conuersione in autumnale per latus æquinoctium, perinde ut autumnus ipse arido, frigidusq; exuberat, concretionē ipsam corporū ipsedem his siccis, frigidisq; humoribus refert. Colorem autem croceum, atq; ut hodie dicūt, melleum, capillū mediocrem, oculos pulchros, gracilemq; corporaturam denuntiat. Qui numero quartus est, atq; ultimus, quiq; ab hybernæ conuersione hybernus uocatus est quadrans, quòd etiam frigidus, humidoq; refertus est, concretiones quoq; corporum frigidiores, atq; humentiores indicat, staturā mediocrem, capillum promissum, corpus subglabrum, ac penè uulsum, compagemq; ipsam membrorū partiumq; concinnationem satis accommodatam: colorem autem subnigrum, ac fuscum significat. Atq; hæc quidem generali quadam regula, præceptioneq; traditur. Quadrantes enim ipsi orbis signiferi proprietatem, ac naturas habent quisq; suas, quemadmodū regiones ac terrarum situs ad ortum occisumue, aut meridiem, septentrionemue inclinantes.

De stellis fixis, et signis circa corporaturam.

Cap. XV.



Am uerò signa ipsa, et quæ in zodiaco, et quæ extra collocata zodiacū sunt, particulatim, atq; alia quadratione animaduertenda sunt, eorūq; potestates metiedæ. Primū quòd earū alia humana, ut Virgo, ut Gemini, ut Andromeda, ut Cassiopea: alia bruta, ut Aries, Taurus, Cygnus, Canicula. Et humana quidē signa artus ipsos, membrorūq; informationem ad humanorū similitudinem, æquabilitatēq; cōstituunt: at bruta, qualia ferarum sunt, membra fabricantur, ac per similia illorū humano in corpore molliūtur, siue ad robur, imbecillitatēue, siue ad crasitudinē, aut gracilitatem, siue ad longitudinem, aut breuitatem, siue ad pulchritudinem, turpitudinēue, siue ad rectitudinem, uel obliquitatem, aut ad decorem in lecentiāue: qualia animalium ipsoꝝ sunt. Siquidem nonnulla etiā signa ad robur, ad pulchritudinem, ad longitudinem, ad amplitudinē, quali-

qualitatesq; ad alias corporis non parum adijciunt, qualia sunt, Leo, Virgo, & Sagittarius, cōtrā Pisces, Cácer, et Capricornus demūt. Nā & Leo quod ualentissimū animal est, robustioriq; corpore præditum, addit ad uires, ad membrorum uegetationem, uigorem, amplitudinem. Virgo, quia humanam formam representat, multū confert ad pulchritudinem, ad formam ipsam, qualis humana est, reddendā, suasq; per parteis decēter concinnandam. Sagittarius qua parte homo effingitur, idem hoc præstabit: at qua equus, & robur adiunget, & artus maiores statuet, atq; amplificabit membra. Dement autem de robore, uigore, magnitudine, pulchritudine, qualitatibusq; alijs humane corporaturæ proprijs Cancer, Pisces, & Capricornus, belluæ quidem ipsæ deformes, incompositæ, imbecillis uiribus, membris male compactis, statuq; corporis totius inualido, atq; inconcinno. Si enim parentes ipsi, atq; item patria, erraticæ quoq; bene collocatæ librorum egregiam formam, corporisq; cōstitutionem eximiā promiserint, nimirum adiment hæc ipsa signa nō parum de parentū, patriæ, erraticarumq; pollicitis, ubi unum aliquod eorum aut ascenderit, præsertim ferino alio cooriente, aut dominus ascendentis seu loci Lune Solis uel in eorum aliquo fuerit collocatum. Quinetiam signa quædam sunt, quæ prioribus à partibus bonum corporis habitum inducunt, uiresq; maiores corporibus induunt, membraq; confingunt uegetiora, qualia sunt Aries, Taurus, Leo, quādo hæc ipsa animalia à ceruice, pectore, atq; armis, quæ priores sunt partes, longè maxime præstant. Secus autem Gemini, Scorpium, & Sagittarius prioribus à partibus sunt imbecilliores, cum à posterioribus magnopere ualeāt. Posteriora enim Sagittarij sunt equina, præcelluntq; humanis, Scorpium ualet à clunibus, homo autem ipse (nam Gemini humanum est signum) in humeris ac lumbis uires suas, roburq; præcipuè collocatū habet. Quocirca si aut horoscopus constitutus ualentiori bus in partibus fuerit, aut dominus signi horoscopātis, siue dominus signi Lune ibidem collocabitur genituræ tempore, magna ex hac collocatione corporis uiribus, bonoq; eius habitui fiet accessio. Sin imbecillioribus cōstituentur in partibus, magna rursus fiet ademptio & uirium & habitus boni. Virgo item, Sagittarius, ac Libra (quod humana signa, quod bonam integramq; membrorum dispositionem, partiumq; inter se conuenientiā retinent) ad concinnationem partū ipsarum, formæq; decorem adiumenti plurimum afferunt. Contrā Pisces, Scorpium ac Taurus dispositionem ipsam membrorum, ac partium conformationem, corporisq; totius statū redigent ad inæqualitatem, atq; inconuenientiam, ut parum aptè, ut ne, quod dici solet, ad lineam sibi respondeant. Sunt enim signa incomposita, Pisces, & Scorpium, formaq; illorū sordida, si nostram respexeris. Quæ an

tem Tauri cervicis, ac palearium ad caudam clunesq; proportio? Itaq; illis in corporibus partes ipsæ, totaq; compactio proportionem, responsumq; parum utique suum retinebunt. Est profe^{ct}o res hæc difficilis admodū cognitu, iudicatuq; propter multa ac diuersa quæ ipsa inuicem aduersantur. Nam pulchritudo, aut deformitas parentum parū sepe numero cum cælo conuenit, non raro patria: cum alibi corpora hominum proceriora, ut in Germania, alibi breuiora nasci soleant, ut in Hetruria, in Carthaginensi agro fusca, in Lugdunensi candida naturaliter oriantur: sepe numero etiam signa ab erraticis, erraticæq; ipsæ inter se dissentiant, quin partes etiam signorum longè differāt, priores à posterioribus. Per sepe etiam horoscopi dominus, lociq; Lunaris, stelle item aspicientes diuersarum sunt uirium, atq; effectuum. Nonnunquā etiam tum planetæ horoscopantis, tum domini horoscopi longè alia est natura. Quid quòd non raro auorum, proauorumq; semina repullulant in nepotibus ac pronepotibus? Quo igitur iudicatu res est difficilior, eo maior atque elaboratior in commiscendis ac temperandis in uniuersum ac per partes decretis significationibus, potestatribusq; stellarum. Ac præsertim luminarium adhibenda diligentia ac perpensio est.

Noni libri de rebus cœlestibus finis.

IOAN. IOVIANI PONTANI

NI AD ALDVM MANVTIVM

De rebus cœlestibus Liber Decimus.

PROOEMIUM.



VERVNTVR Alde Manuti, à remotissimis etiam seculis non ineruditi quoq; uiri, terrā consensescere, tanquam effœtam, quod in mulieribus usuuenit. Cui opinioni Aristoteles quoq; consentiat. Ego uerò & uetustatem ipsam suā cū eruditione deriderem, & Aristotelem, licet eminentissimum Philosophū, nō sine irrisione demirarer talia dicentē, si de nostra ipsi senescute loquerentur, ac si elementa ipsa prorsus essent tandē aliquādo interitura. Quid enim est aliud cōsensescere q̄ ad interitū properare? Nam nec terra prorsus est interitura, quanquā Christiani.

stiani sumus, neq; in nihilū abitura: nec si generationi finis quandoq; statuendus est, futura tamen est terræ, elementorūq; ipsorū ac coeli ruina, in nihilūq; abitio. Verum terra ipsa sic cōsenescit, ut per partes, regionesq; perq; regionū fines nudum amittat de ueteri ubertate, soliūq; opulentia: quemadmodū ē cōtrario aliæ atq; aliæ regiones ac loca nouas uires ad fecunditatem suscipiant, nouaq; alimenta ad frugū procreationem, ac rerum copiam. Quod non solum in ubertate contingit agrorum ac soli, uerū etiam in potētatibus, atq; imperijs, id quod Aethiopū, Persarum, Græcorū, Carthaginensium, Romanorū, itemq; Gallorum, Germanorum, ac Gotorū docent imperia, quiq; maximè nūc formidolosus est Turcarū dominatus in maxima Asiæ parte, Europæq; nequaquam exigua. Nec igitur interitura est terra, nec ita consenescit, hoc est, uariāt eius uires, naturalesq; effectio nes, ut sit ipsa in nihilum reditura, uerū ut per uices quasi quasdam nūc hæ, nunc illæ regiones, ac terrarum tractus uires aut maiores suscipiant, aut multum ipse amittant de ueteri fecunditate, ac germinandi robore. An non ætates quoq; nostræ et secula ipsa uariant? Quis igitur dubitet uariare suis etiam ætatibus ac seculis cœli ac stellarum uires, significatio nes, effectus? cum et motus ratio aliter atq; aliter mutetur, licet una atq; eadem ipsa sit, et partes ipsæ fines non eosdem retineant, uerū stelle loca mutant suas, et cœlum per partes undique uariet, atq; à seipso minutatim differat. Quæ res efficit, ut hæc ipsa disciplina, cœliq; ac stellarum obseruatio coniecturalis et habeatur, et sit, perinde ut est res militaris, naualis ac medicina, quodq; maximū inter homines est ac pulcherrimum, rei publicæ administratio, propter rerum, ac temporū uarietatem, euentūq; successum. Quibus in hunc modum explicatis, ad ea quæ reliqua sunt, transeamus. Hæc autem ita dicuntur à nobis, ut cōmonefaciamus syderalium rerum studiosos, quæ de stellarum cœliq; prospectibus, ipsiq; configurationibus traduntur, ea nequaquam perpetuum tenorem seruare, omniq; ē parte necessitatem inducere, tum propter ea quæ dicta sunt, tum quia inferiores causæ superioribus persepe aut parum conueniant, aut aduersa etiam fronte repugnent.



Voniā aut ita natura comparatū est, ut humana corpora quando corruptibilia sunt, externis affectionibus sint exposita, neq; enim mortale corpus est ullum, cui non etiam permulta necesse sit accidere, diuersisq; illud modis ac rationibus affici: de hac quoq; parte, quæ ad corporū uitā, ualitudinesq; pertinet, dicendū relinquitur. Vitia uerò ac ualitudines, quoniam corpus afficiunt, affectionū appellatione compre-

bendi uolumus: uitium autem intellegi, cum aliqua corporis pars uitata est, ut cum aliquis aut oculo captus est, aut os habet cicatricosum: ualetudines uero, quibus certo quodam tempore corpus uexatur, ut febres, ut laterum dolores, ut tusses, sanguinisq; profluuiū. Ac uitia quidem ferè perpetua sunt, ualetudines uero et sanantur post suum tempus, et rursus uexare corpus aut uniuersum, aut in parte aliqua consueuere. Ad hæc uitia ipsa pleraq; externa ui, fortuitōne inferuntur, ut ferro, igne, ruina, casibus, cū ualetudines humorū ē corruptione oriantur, deq; malo corporis ipsius, aut aëris aut aquarum habitu. Harum autem affectionū principia, et cause à cœlo quoq; proficiscuntur, cuius motibus inferiora hæc corpora subiecta sunt. Neq; enim una est corrumpendi uia. Quod si corruptio existit à cœli motibus, et media per quæ corruptio inducitur, inde quoq; existit. Atq; ut motus quidam sunt qui ab humoribus corruptis morbos prouentu ros portendūt, sic etiam qui ab aliqua ui externa. Etenim homo cum à cœlo constitutus ita sit, ut artium plurimarum inuentor sit, atq; exercitator, uiuendi necessitate ex gratia, sitq; illi ingenta tutandi corporis sui cura, instrumenta quoq; sibi ipse adinuenit, quibus seq; suaq; tueatur, qualia sunt tela, enses, iacula: atq; ubi hæc defuerint, non defunt sustes, lapides, torres, atq; ut Poëta inquit, faces, et saxa uolant, furor arma ministrat. Ad hæc cum sit homo natura irascibilis, necesse est ab ira quandoq; ut commoueat, et iniuriā quæ infertur, quibus potest artibus propulset: in qua propulsanda instrumentis illis utitur, quorum natura tutandi sui causa inuētrix fuit. Armavit hæc cetera animalia suis quoq; genus armis, cornibus, dentibus, unguitibus, rostris: hominem naturalibus his armis destitutum, arma uit industria, per quam arma sibi extrinsecus preparauit. Quid igitur mirum, si à cœli motibus hæc ipsa immuuntur, quorum cause à motibus eius manent? Quin signa quædam cœlestia ea natura sunt prædita, ut ad arteis huiusmodi faciendorum armorum homines inuitent: quædam, quæ ad curanda uulnera, externa ui, gladij sq; ab arte inuentis illata. Quocirca et uitiorum et egritudinum significationes in cœlo repositæ sunt, atq; illarū notæ motibus illius insitæ, de quibus hæc quidem tradimus obseruanda.

De locis inferentibus uitia, aut egritudines. Cap. I.



Rtus et occasus, ut alibi dictū est, alter lucis, id est uitæ, autor est, unde qui nascuntur, uenire in lucem traduntur: alter tenebrarum et mortis, quo factum est, ut qui moriuntur, obire diem dicantur. Ut igitur ab ortu queruntur ea, quæ ad uitam atq; animalitatem, quin etiam ad for-

mam ipsam, corporisq; constitutionem pertinent, de quo paulò est ante di-
 ctum, sic ab occasu, qui luci, hoc est uitæ, opponitur, quæ eda sunt illa, quæ
 et uitæ obsunt, et mortem minitatur: quædo ægritudines, uulnera, quæq;
 uis aut uniuerso corpori, aut membro cuius exteriorius affertur, media quæ-
 dam sunt ad mortem inferendam. Iure igitur in eorum qui nascuntur ge-
 nituris occasus ipse diligentissime inspicendus est, num quæ stella præse-
 rit malefica illum insideat, aut aduersis radijs hostilem in modum feriat,
 seu de quadrangulo loco, eoq; aut dextro, aut sinistro, seu de opposito, ac
 diametro, id est, ab ipso exortu, in quo uitam constitutam esse diximus. Si-
 quidem pro stellarum ipsarum naturis ac minitationibus uitia futura sunt,
 morbi item, ac mortes ipsæ, ubi minæ lethales fuerint. Verum nunc de ui-
 tijs, ac uoletudinibus, quibus indagandis tria sunt loca consideranda: horo-
 scopus, id est quæ ascendit cœli pars ab exortu: occasus, id est aduersa horo-
 scopo cœli pars ea, quæ deorsum inferius in hemisphærium deiicitur: ac
 sextus locus, qui occasum antecedit, nomenq; à uoletudinibus acceptum, Mar-
 tiq; addictus est, nullamq; cum horoscopo coniunctionem habet, unde à
 Græcis ἡλιον et dicitur: quibus in locis maleficæ ubi inuentæ fuerint, ma-
 lignitatem suam facilius exercent. Siquidem septimus locus propter situm,
 nam horoscopo opponitur, et inde tenebræ erumpunt, uitæ quoq; nati, cui-
 us quidem horoscopus significator, est, et corpori, cuius constituendi ius
 magna sibi è parte idem uendicauit, hostilem aduersatur in modum. Sex-
 tus uero, quoniam nulla nō ratione ab horoscopo disiunctus est, nubilq; cum
 illo familiare, aut amicum habet, uitæ incolumitati, bonæq; corporis uale-
 tudini insidiatur, et tanquam è latebris bellum parat. Sin stellæ locorum
 horum neutrum insederint, uerum è quadrangulo, oppositoque loco, aut
 utrunq; aut alterum saltē radijs suis percusserint, hac quoq; irradia-
 tione et uitæ et corpori damnum moliuntur. Malefica quoq; in horoscopo
 collocata, præsentia sua locum ipsum inficit, quæmetiam septimum in locum
 ab aduersa fronte radios mittit. Quocirca iure tria hæc loca consideran-
 da sunt, et quæ uero ratione configurentur, diligenter uidendum. In qua
 quidem consideratione illud quoq; pensitandum, num stellæ ipsæ partili-
 ter illic aut insideant, aut loca ipsa percutiant (aspectus enim partilis maxi-
 mas atq; efficacissimas uires habet) an platice, ut Iulius Maternus usurpat,
 qui aspectus longè minorum est uirium, efficaciq; imbecillioris. Partilem
 uocamus aspectum, cum ascendente ab ortu prima Arietis parte, ab occasu
 præcipitat se inferius in hemisphærium pars Libræ prima, in qua malefi-
 ca constituta sit, aut fortasse in parte haud ita multum distante: Platice
 uero, cū ascendente parte eadē Arietis, malefica inueniatur se deiiciens è uē-
 gesima quinta Libræ parte, aut in alijs eiusdē signi partibus, quæ à prima

longiusculè absunt. Vt autem priorem illum aspectum partilem, sic posteriorem hunc qui Græcè est *ἡ ἀπὸ τοῦ ἀπὸ τοῦ*, nōno, sed proprio tamē nomine appellare sepositum, ac remotiorem, quin etiam laxiorem placuit. Quæq; stellæ ratione hac sese uiderint, tum sepositæ, ac remotæ, tum etiam è signo intueri se dicemus, quod non ex ipsa parte, uerum sepositis, atq; interiectis cōpluribus signi eiusdem partibus inuicem se conspiciant. Erratica igitur stella constituta in ipso puncto, atq; ut Græci dicūt, centro, siue ut recētiore La-tini, in ortus, occasusue, hoc est primi, aut septimi loci angulo, firmioribus ac uehementioribus utetur uiribus, et ut sagittarij loquuntur, certius figet: ex ea enim parte longè acrius ferit, quàm cum è partibus remotioribus, magisq; à puncto distantibus, quanquam signi, lociq; illius spatio partes illæ continentur. Quadrangula quoque irradiatio, aut opposita angulum ipsum partiliter feriens, multo etiam magis noxia est, quàm quæ loci eiusdem partes remotiores, quæq; ab angulo longius recedūt, percusserit. Itaq; uis illi maior, ac significatio uehementior, huic autem irradiationi minor inest, ac remissior. Beneficæ quoq; stellæ à locorum contagione inficiuntur, non aliter quàm regio pestilens inficere incolumes ac bene ualentes consueuit. Siquidem Venus quamuis benefica, septimo tamen, aut sexto in loco constituta, et à malefica stella minaciter percussa, uitia ægritudinesq; decernit, ac diuersa malorum genera. Quemadmodū enim mors nō à bile tantum rufa, nigraue infertur, uerum etiam à sanguine, ac pituita, sic etiam ualetudines. Quocirca beneficæ etiam stellæ uitiosorum locorū contagione infectæ, humores quoq; quibus præsunt, inficiunt, ualetudinesq; ingenerant, maxime si à maleficis quoq; uexabuntur. Etenim Venus genitura cuiuspiam tempore, septimo in loco tropicis in signis, aut squamosis constituta, si à Marte de quadrangulo, oppositoue loco percussa fuerit, aut uterq; simul coniungentur, natum illum impurissimæ libidinis sorde fedabit: quibus ubi Saturnus aspectu, præsentiaue coniunctus fuerit, muliebrisq; genitura ipsa fuerit, eam mulierem Venus in genus suum inflammabit, cogetq; crissari, atq; abuti puellis, quod de Sappho poëtria traditū est. Eadem Venus sexto in loco posita, si muliebris genitura fuerit, ob solā loci ipsius malignitatem, portendit mulierem illam de partu sepiissime laboraturam, enixuramq; magno cum uitæ suæ periculo, aut fortum immaturum edituram, aut etiam lacerū illum, ac membratim à medicis discerpendum. Quod de Veneris infectione, idem illud etiam de Ioue dicimus. Siquidem hoc eodem in loco constitutus Iupiter mala etiam plurima decernit. Vix enim fiet, quin exponatur is qui in lucem ueniens Iouem sexto in loco collocatum habuerit, fueritq; Iupiter ipse horoscopatis, aut culminantibus signi dominus, genituraq; nocturna. Quod periculum eo erit inuitabilius.

lius, si aut Saturnus, aut Sol, aut Mars Ioui è fronte aduersabuntur, aut deficiens ei Luna quadrangulabitur. Neq; enim temere loco huic ab antiquis discipline huius scriptoribus, male fortune cognomen est inditum, quando nulla non erratica ex eo loco ad malefaciendum cōpellitur. Quid plura? Venus ipsa quæ uxores tribuit, quæq; tāto pere genitalis, ac secūda est, in quorum genituris locum hunc tenuerit: si mas fuerit, uxorem illi et serius decernit, et aut uiduam, aut ualitudinariam, aut male institutam, aut uiro ipsi male audientem dabit: sin mulier, magnas illi difficultates, magna etiam minuitur è partu pericula, nunc enim abortus faciet, nunc foetum edet aut acerbum, aut lacerum, præterquam si medio è cœlo aspectus aliquis benignus arriiserit. Sed iam ad uitia, ualitudinesq; ueniamus, quæ nobis tribus his à locis potissimum innuuntur, ac præsertim à sexto, ac septimo.

De uitijs, seu ægritudinibus, et primo de oculis. Cap. II.



Rincipio loca ipsa uidenda sunt, an simul tria, an duo tantū, an unus solus, an nullus ab erraticis sit infessus, sin' ne erraticæ quæ insedere, beneficæ, an maleficæ, an partim beneficæ, partim aut maleficæ: adhæc sin' ne ambo luminaria, an alterū tantum, an neutrum in ipsis locis: præterea sit' ne Mercurius et ipse ex infessorū numero, an fortasse solus. Quod si nulla omnino erratica insederit, uidendū est an è loco quadrangulo seu septimū, seu sextum impugnent locū, an fortasse utrunq;. His autem cognitis, atq; in numerum redactis, uidenda sunt signa ipsa, à quibus loca occupantur, et item signa, quibus erraticæ impugnates feruntur, eorumq; qualitates ac naturæ exactius perquirendæ. Cū primis aut uidendum est, an erraticæ ipsæ, seu quæ impugnant, seu quæ insident, sint orientales, an occidentales. Siquidē matutinæ, quod ualidioribus præditæ sunt uiribus, uitium afferūt, uespertinæ ualitudinem. Cū enim uitia perpetua sint, potētiore à causa proficiantur necesse est, ualitudines ab imbecilliore, quia breuiores, uoq; desinunt tempore, tamen si aliquando fortasse reuertuntur. Itaq; stellæ matutinatō uitium indicat, uespertinatō ualitudinem. Erunt aut uitia ac ualitudines pro natura signorū ac stellarū, et in partibus illis corporis, quæ tum stellis, tum signis ipsis subiectæ sunt. Vtiq; de luminariis primū loquamur, quoniam oculi obtutusq; ipse Soli, Lunæq; ascribuntur, ut iam diximus, ubi utrunq;, aut alterū ijs in locis, aut una simul, aut seorsum reperiētur, uitū aut oculorū alteri, aut utriq; inferetur: ut autem distinctius loquamur, ubi Luna in ortu, occasu, aut

sexto in loco partiliter constituta fuerit, atq; à Sole opposita è parte conspecta, natus ille in cuius hoc genitura contigerit, altero capietur oculo: si tamen Martis, Saturniue presentia alteri eorum astiterit, aut quadrangulatio affuerit. Idem quoq; continget, si Sol in eorundem locorum aliquo partiliter inuentus hac eadè radiatione pulsetur: quinetià si Mars, aut Saturnus in ortu, aut occasu partiliter cõstitutus, Solem Lunamue quadrangula, oppositãue radiatione percutiat, natus ille eadem ratione altero capietur oculo: si uerò ambæ maleficæ aut simul iunctæ, aut seorsum collocatæ, utrũq; luminare percutiẽt, siue luminaria ipsa copulata sint, siue seorsum permeent, utriusq; nimirũ oculi orbitas timenda est. Orbitas aut ipsa, cum Saturnus fuerit illius autor, à uitiosis humoribus, perniciosaq; suffusione ortu ducet. Quod si eius causa ad Martem referretur, uitium ipsum aut ferro, aut igni, aut ictu, aut externa quapiã ui inferretur. Mercurij aut stella, cuius promiscua potentia est, si et ipsa iaculum suũ de quadrangulo, oppositoue loco ita in Lunã contorserit, ut orbitatis autor effectus sit, uitium hoc patrabitur gymniciis, palestricisq; in certaminibus ac ludis, aut exercẽdo pugillatu. Luna quoq; in aliquo locoru ipsoru collocata, præsertim in cardinib; si nebula cõiuncta fuerit, quæ est in Cæcro, aut Pliadibus, quæ sunt in Tauro, aut iube Leonis, aut urnæ Aquarij, aut in fronte Scorpij collocata, aut in eõ Sagittarij spatio, quod ab octaua parte ad decimam protenditur, aut in lineolis Piscium, siue in ipso Arietis capite, atque à Sole oppositis è regione radijs percussa, alteri prorsus oculo lucem adimet, præsertim si Martis, aut Saturni inimica uis sese sociam addiderit. Quod si Solem alter, alter uerò Lunam partili radiatione petierit, nimirũ natus ille utroq; oculo capietur. Itidem quoq; utriusq; oculi luce orbabitur, qui Lunam ex toto ferè lumine suo orbatam, in aliquo signorum horum, atq; in partibus quas diximus collocatã, in cardineq; aliquo præfidentẽ, Martẽ uerò ac Saturnũ, aut alterũ eorum saltem illi aduersantẽ habuerit. Quod si plena iã fuerit, euitabit fortasse cecitate, uitio tamẽ aliquo laborabit oculoru, aut ualetudine, seu fortè cicatrice, et nota aliqua in ea ipsa aspectus parte scindabitur. Ad hæc aut, aliãq; uitia infligenda multiũ confereat, cũ erraticæ pro Solis cõfiguratione malitiæ fuerint, pro Lune aut positura uespertinæ. Quinetiam inierunt oculis eius uitia, aut illis capietur, in cuius genitura Sol partiliter in horoscopo, Luna uerò in summo cardine partiliter etiam collocabitur, maleficarum autem stellarũ altera in anaphora Solis, hoc est succedente loco, altera in Lune reperietur anaphora, neq; beneficarum præsidium aliqua è parte affuerit. Laborabit et ille aut cecitate, aut oculorum graui morbo, qui in lucem ueniens, Lunam Solemq; partiliter simul iunctos habuerit, aut in anaphora horoscopi, hoc

est succedente in loco, qui ordine secundus est in figura constitutione, aut in epicataphora, id est in octauo, qui locus succedit septimo, Saturnum uero, ac Martem partiliter in ortu, si luminaria fuerint in anaphora, contra in occiduo partiliter eardine, si luminaria fuerint in epicataphora constituta. Est aut anaphora locus horoscopo finitimus, poneq; illum sequitur: ex eo dicta, quod planeta illic positus, postquam locum illum in quo est, permensus fuerit, sursum ad illum statim se transferat. Quocirca secundus figuræ locus anaphora est orientis cardinis. Ascendente namq; Ariete, si Taurum Sol peragrabit, dicitur Sole esse in anaphora horoscopantis cardinis collocatus. Quocirca proprio, ac Latino uerbo dici a nobis Successio potest, quod cardini statim succedat, inferiori ex hemisphærio accedens ad superius. Epicataphora uero dicitur Decessio, isq; erit octauus locus, è quo decedens planeta occiduum declinat in cardinem, uersus inferius hemisphærium. Itaq; planeta octauo in loco positus, dicitur esse in epicataphora, et decessione occidui cardinis. Hæc autem successio, ac decessio progreditur secundum eum motum, qui est ab ortu in occasum: rapitq; secum et mundum, et sydera. Quæ ratione commodè ac perappositè etiam dicemus, undecimum quidem locum anaphoram, hoc est successionem esse culminantis cardinis: quintum uero locum epicataphorâ, id est decessionem imi, ac recubantis. Maleficæ igitur in ortu occasuue constitutæ, præsentia sua perinde ac pestilenti quodam contactu loca illa inficiunt: ad quæ loca ubi luminaria de octauo, aut secundo è loco se cõtulerint, quadâ quasi contagione inficiuntur. Quocirca humorum corruptio in nati illius corpore futura decernitur, quinetiam oculi decreto iam tempore suffusione graua buntur adeò, ut faciliè inde cæcitas subsequatur. An non intrantes homines loca foetida, et ipsi foetore afficiuntur? Quid enim inter mortales contagione perniciosius? Signorum tamen qualitates, naturæq; examinandæ sunt, ut humorum quoq; qualitates, temperaturæq; intellegantur, è quibus sit uitium eluenturum. Hæc autem ratio efficit, ut oculi tuti nequaquam futuri sint, quoties Sol et Luna in successione maleficarum copulati inueniuntur cuiuspiam genituræ tempore. Periclitabitur et ille quoq; oculis, qui Martem, Solem, ac Lunam partiliter iunctos in aliquo genituræ suæ cardine sortitus fuerit, ac præsertim in ijs de quibus locuti sumus cardinibus ortus atq; occasus. Sol quoq; in ortu cum Saturno partiliter collocatus, si Martem ab opposito aut è quadrangulo minitantè conspexerit, oculi alterius, ac dextrî fortasse oculi futuram decernit orbitatem. Est autem nonnihil difficile iudicatu, an ob suffusionem à Saturno excitatam, an ob Martiam uiolentiam. Vtrancq; autem ad rem signorum naturæ plurimum conferunt. Vbiq; autem adueriendū est, num benefica ipse, atq; è loco quidē

superiore presidium suum conferant. Sol quoq; cum Marte ac Mercurio in occasu partiliter positus luscus efficit: quod profecto uitium à cerebri imbecillitate proficiscitur, à quo et oculi temperantur. Mars igitur ac Mercurius Soli copulati cerebrum inficiunt, atq; imbecillū reddunt illustrandis oculis, luciq; abude hauriendæ. Orbabitur fortasse dextro et ille oculo, in cuius genitura Sol in cardine partiliter positus Martē Saturnūue aut simul utrunq; sua in anaphora, locoq; subsequenti collocatum habuerit. Progressi enim è loco illo ad locum quem pridem Sol tenuerat, statim eum presentia sua inficiunt, causasq; naturales excitāt, quibus uitium affertur nati illius oculo, qui dexter quidem potius erit, quando dexter quidem Soli, Luna uerò sinister addicitur: qui et ipse uitabitur, si Luna in cardine similiter collocata Martem, aut Saturnum, aut utrunq; simul in anaphora, suauē in decessione habuerit. Decernitur etiam cæcitas eius, qui Solem ac Lunam quamuis diuersis in cardinibus collocatos habuerit, siue cardines illi quadranguli inuicē fuerint, siue oppositi, atq; in alterius quidem cardinis successione Martem sortitus sit, in alterius uerò successione Saturnū. Sole ac Luna partiliter in cardine coeuntibus, si Mars ac Saturnus, alter mediū, alter inum tenuerit, aut copulati luminaribus iisdem in partibus uterq; aut alter ipsorum fuerit: ex hac quoq; cōfiguratione cæcitas portēditur, è suffusione quidem si Saturnus, externa uerò ui si Mars solus. Alterius quoq; oculi calamitas innuitur, ubi Mars ac Saturnus octauo in loco, hoc est in septimi decessione constituti, regredientesq; Lunā quadrangulo aspectu uiderint, cumq; hac luminis calamitate debilitas quoq; corporis timenda est. Quā si Luna fuerit dextro in quadrangulo, dextri oculi amissio, dextraq; partis debilitas indicatur: sin in sinistro, et oculi sinistri, et partis sinistrae infortunium. Quoties inter Solem ac Lunā, antequam coeant, malefica interiecta est, quāuis signa ipsa diuersa sint, cæcitatē similiter discrimen timendū est. His etiam cōfigurationibus uidendū est, addatur, nec ne domorū inter stellas cōmutatio, alteraq; alterius accipiatur hospitio, quæ res stellarū potestati, ac decreto uirū nullū adiecit. Quoniā autem uitia, atq; offensiones, quæ externa ui minimè inferuntur oculis, ab humorum defluxione ortum ducūt: quæ ubi minor fuerit, suffusiones, atq; ophthalmias, ubi maior, magisq; continua, uitium cæcitatē infligit: mirū neutiquā est, si Luna nebulosis in locis, de quibus dictū est, posita, præsertimq; deficiēs lumine, atq; ad coitū Solis properās cæcitatē indicat. Siquidē Luna ipsa ea tempestate frigido, humidoq; hoc est, hyberno humore referta est, quodq; loca illa nebulosa magnopere etiā humescunt, uim profecto maximam humiditatis euocat, quæ assiduo manatu deflues, ac propter frigus aliquanto coactius ac lentius, lucem tandem extinguit.

Eadem

Eadem Luna in Arietis capite collocata, id est in partibus tertia, quarta, et quinta, quæ caput constituunt, nam prima et secunda cornibus insigniuntur, sexta autem ac septima faciem designant in qua oculi collocantur, quod Homero contigit, cæcum faciet, atque eo certius, si Saturno fuerit ibidem copulata, cerebrum namque usque adeo humeflabit, ut in oculos perinde ac uena est quadam humor continenter distillet. Cum enim Aries capiti præsideat, cerebrumque quod capite continetur, collocetur in partibus, quas diximus, Luna deficiens plus æquo cerebrum humeflabit, reddetque intemperatius, quam intemperantiam Saturnus etiam contagione sua adaugebit, atque infestabit. Vehemens autem assiduamque intemperantia non ualitudinem modo, ac morbum, uerum etiam uitium afferre consuevit. Nec uero alienum fuerit, hac præsertim in parte in qua de oculorum uitii agitur, referre quæ ab antiquis scriptoribus, præsertimque à Iulio Materno traduntur obseruata, quæ generis sunt huiusmodi. Sol et Luna tropico in signo ipsdem in partibus copulati, si Mercurius quoque copulationi huic accesserit, cæcitatem obnunciant. An uero tropica signa uidentur malo huic accommodatiora, quod in illis fiat noctis ac diei uariatio? Nam et dici diminutio lucis est ex parte ademptio, quæ quoniam adimi in Cancro incipit, signum hoc cum sit etiam Lunæ domicilium, inferendo luminibus uitio, quam Capricorni signum longe uidetur opportunius. Luna in horoscopo partiliter constituta, si Martem, aut Saturnum in successione habuerit horoscopi, qui secundus locus est, fueritque nocturna genitura, oculo sinistro uitium minatur: Sol uero dextro, ubi in horoscopo positus eandem hanc maleficam in successione collocatam habuerit, minatur etiam cæcitatē uitii: hoc idem quoque Sol in horoscopo constitutus, si Luna infimum cardinem, Saturnus occidui cardinis decessionem, qui locus octauus est, teneant. Portendit et idem malum Luna sexto è loco, si Sol ac Saturnus in decessione occidui cardinis constituti simul fuerint, Mars uero in culminis successione, qui locus undecimus est, in imo item Luna constituta, si Sol, Mars, ac Saturnus in eadem occidui cardinis decessione inuenientur. Licet autem aspectus hic sit triangulus, ac suapte natura bonus, loci tamen, coniunctionisque improbitas, et quod octauus locus ab horoscopo prorsus alienus est, trianguli aspectus superat benignitatem, illumque contaminant: ut cum arma, quæ de fensionis gratia inuenta sunt, homini farioso permittuntur: aut cum remedia quæ salubritatem promittunt, ab ægritudinis peruersa uis superantur. Nec uero ex hac configuratione solum cæcitatē periculum timeendum est, uerum etiam corporis debilitas, ac bonorum fortunæ iactura non exigua. Sol enim proximus et Martem exurit, et Saturnum arefacit, et ipse quoque illorum contagione sic inficitur, ut humorum commixtio ipsa futu-

ra sit maxime noxia, ac praesertim oculis, quorum ipsi praesides. Sol quidem hac in configuratione, coniunctione, Luna uero aspectu maleficorum, contagione quasi quadam, uterque inficiuntur. Eadem oculorum, corporisque incommoda Luna minuitur, si Sole ac Marte in occasus decessione constitutus, ipsa in signo humano cum stella Saturni simul, oppositusque in loco, atque in horoscopi successione collocata ab illis oppugnabitur. Maximum quoque oculis periculum timendum est, cum Luna in ortu, Sol autem in occasu constituti partiliter fuerint, itaque cum Luna fuerit sexto in loco collocata, Sol in secundo, Mars uero in ortu, ac Saturnus in occasu confliterint. Idem imminet cecitatis periculum, ubi Saturno duodecimum locum tenente, atque in ortus declinatione constituto, luminaria ipsa cum Marte in imo simul cardine, aut octauo in loco inueniuntur, Sol in ortus successione positus, Luna in decessione occasus, hoc est, Sol quidem in secundo, Luna uero in octauo loco constituti, quae est constitutione luminaria sibi inuicem opponuntur, uitium cecitatis moliantur. Hoc idem, si Mars infimum locum teneat, Saturnus autem undecimo est loco quadranguletur luminaribus. Sol quoque in ascendente cardine inuentus, Saturnus in imo, oculis insidiatur, si tamen Luna nono fuerit in loco constituta, licet ipsa est triangulo afficiat: quippe quae decimum statim in locum progressa quadrangulabitur Soli, frontemque Saturno hostiliter obiciet. Est enim Luna tum defluxio, tum progressio diligentissime obseruanda. Easdem oculis parant insidias Saturnus ac Luna, tropico est signo tum Solem, tum Martem opposita radiatione contuentes, aut Sole, ac Marte octauo in loco positus, si in imo ipsi cardine constituti fuerint: plus enim ad uitium patrandum habent uirium Luna et Saturnus imo est cardine horoscopum ferientes, Solis item ac Martis in loco auerso, atque inconiunctio peruersa coniunctio, quam trianguli aspectus benigna irradiatio, ut paulo est ante dictum. Omnino autem timendum est oculis, cum Sol horoscopum, Luna infimum cardinem, Saturnus horoscopi successione, Mars uero undecimum locum tenuerint: siquidem maleficarum altera succedit horoscopo, id est ex orienti cardini, altera culminanti. Quod si duodecimum Mars locum tenuerit, quia Soli circumuento utraque malefica insidias struit, periculum quoque hac est configuratione imminere portenditur. Similem in modum si fiat Solis, ac Saturni locorum commutatio. Nec minus si diurna in genitura Sol ac Luna secundo in loco, horoscopi que in successione constituti, Martem octauo est loco, octauoque cardinis decessione radios sibi aduersos iaculantem aspexerint. Nec uero traditum non est, aut inobseruatum, oculorum aciem, pupillaeque ipsius globulum peruertendum (quo uitio affecti Strabones dicuntur) cum Luna ac Mercurius iisdem in partibus copulati, Martem Venere-
 remque

remq; eadem ratione sinistro in quadrangulo collocatos uiderint: tamen si configuratio hæc non minus capiti, aut collo deformatem minuitur, ut aut collum, cui Venus præsidet, propter Taurum in alteram humerorum partem tortuosius propendeat, aut caput, in quo Mars quoq; propter Arietem ius suum exercet, acuminetur, deformiusq; sursum uersus protendat. Hæc autem configuratio propter Venerem, quæ Martem lenit, cæcitatem nequit infligere: Martis tamen improbitas Venerem sic labefactat, ut deformatas hæc inde subsequatur, utq; è qua commixtione uitium non potest cæcitatis prorumpere, prorumpat colli capitisue deformatas propter eas quas diximus, Tauri, Arietisq; rationes. Velle autem completi singula, neq; huius est, neque alterius cuiuspiam discipline. Quid enim esset aliud quam infinite uelle progredi, atq; in ipsa luce caligare? Satis autem sit hoc persuasum habere, è stellarum, signorumq; commixtionibus tam diuersis hinc uitia deformatemq; illinc decorem dignitatemq; corporis proficisci, tamen si parentum quoq; natura his ipsis utranq; in partem non parum opitulatur. Hoc autem huiusmodi esse ipsa nos docet natura: siquidem uix unius atq; alterius tanto è numero hominum corporaturam, effigiem, mores, atq; commotiones ita similes uidemus, ut non multum etiam inter se differant: quod profectò à motionibus ipsis coeli ac stellarum sempiterna orbiculatione proficiscitur, quæ semper sibi ipsa dissimilis est, uariaturq; ubiq; donec post consummatam illam perannosam orbium omnium conuersionem, res ipsæ ad illum ipsum statum regrediantur, à quo primum aliàs atque aliàs cœpere. Quæ consideratio, itemq; cognitio primos illos tum Chaldeos, tum Aegyptios mouit, uti arbitrarentur mortalium resurrectionem futuram. Ad hæc naturæ rerum studiosi, ac præsertim medici ne quaquam aut ingenio assequi, aut usu possunt omnia. Quæ è re factum est, ut ab illis, et quidem nō paucis, tum in perscrutationibus, tum etiam quæ suonibus dicatur à natura, uiq; propria comparatum sic esse, rei q; illi de qua queritur peculiariter attributum. Nauseabat familiaris meus Ioannes Spina, quoties eius naribus casei obijceretur odor: isq; ubi in mensa apponeretur, compescere uomitū haud poterat. Alter etiam familiaris rutam ubi sensisset, inhibere fugam nequibat. Mihi ipsi et fauces delibescunt, et in horrescunt artus, non modo si, quæ Persica nux dicitur, manu tractetur, uerum si ab alio tractari eam uiderim, adeò me cortex ille attactu commouet. Eodem etiam afficiunt horrore P. Summontium nostrū poma omnia, quæ cortice sint pilosiore. Idē quoq; ego neq; balarū tuillatione moueor, et plantarum perfrictione maxime delector, mirificamq; scabenda illis uoluptatem capio. Sunt qui frictionem illam nullo modo patientur. Harū rerū ratio sua et quidē certa, peculiarisq; existit, nec fuit ab Aristotele præterita.

terita. Impigrū et fortem nouimus militem, qui repente obiecta sibi ex improviso lacertula, fugā perinde atq; cōsternatus arriperet, retentusq; uisa ea exanimaretur. Itaq; qui neq; ab hoste armato, neq; ab angue de terre retur, lacertulā exanimis fugitabat. Diximus igitur de oculorū uitijs, ac nō modō de sexto, septimo, et primo loco differuimus, deq; luminaribus, ac maleficis stellis, uerū etiam de cardinibus, cardinumq; ipsoꝝ successio- nibus, ac decessionibus, hoc est anaphoris, et epicataphoris. De ualetudi- nibus uerō, ac morbis alijs corporis satis est unū hoc admonuisse, eos ijsdē à stellis pro natura signorū, ac sua, ubi uestimenta fuerint, ijsdēq; potissi- mum à locis indicari. Sed neq; omittendū hoc uidetur, easdem illas de qui- bus dictum est, configurationes, ubi neq; prorsus ualide, neq; partiles fue- rint, sed imbecillae potius, aspectusq; sepositi, beneficorumq; syderum ra- dijs temperabūt, tenues offensiunculas, leuioresq; pericula potius quā uitia decreturas. Et Mars quidem ac Sol oculorum lippitudines, quippe qui humores calfaciant, Saturnus uerō ac Luna suffusiones, obnubilatio- nesq; albuginosas ingenerabunt, quae lucem impediunt. Quamobrem ad alia iam corporis uitia, morbosq; transeamus.

De sterilitate et abortu, deq; uitijs circa pu-
denda. Cap. III.



On oculorū autem modō, sed et corporis totius, ac par-
tium eius uitia, ualitudinesq; ab humorum intemperan-
tia, perniciosaq; cōmixtione originem ducunt, quippe
cum naturae cōpactionisq; corpore sequantur semina,
ut febres, dolores, hulcera: uerū etiam ex ijs quaedam
externa inferūt a ui, ut uulnera, ut osium fracturae, quae corpori quoti-
die uidentur extrinsecus accidere, iureq; appellantur uiolenta. De utrisq;
igitur dicemus, quodq; de maleficis, ac luminaribus, deq; tribus locis, pri-
mo, sexto, et septimo, maximeq; de oculorū affectionibus differuimus, de
beneficis quoq; eadē ratione explicabimus, quae de maligna perniciosaq;
locorum natura infectae, atq; à maleficis laesitae, morbos offerunt, diuer-
saq; corporib. uitia. Venus igitur in ortu, aut in occasu, sed in occasu prae-
cipue, qui suapte natura noxius est, cum Saturno partiliter posita, aut ab
illo cōspecta de loco uel quadrangulo, uel opposito, aut domiciliorum in-
uicem cōmutatione facta, ut alterius stella in alterius sit hospitio recepta,
si à Marte aut à superiore loco, aut à regione infectetur, suam illam genita-
lem uim amittit ob configurationem tantopere iniquam. Quo fit, ut qui
uiri genitales in constitutione uenerem ratione hac obsecram habuerint, ste-
riles omnino sint, genitalesq; illorū semen infocundum reddatur: Mulie-

res uerò tametsi uirile semen genitalem fortasse intra locum admiserint, ipsam tamen admissione infelicem experiatur. Foetum enim aut intempestiuū eijcient atq; immaturum aut frustilla, quasdamq; carunculas magis quàm foetum eruentur, aut foetus ipse ex utero lacet, disceptusq; unco distrahatur: maxime autem si cōfiguratio ipsa fuerit in Cancro, Virgine, et Capricorno, uidelicet quòd Venus languescat in Virgine, in qua deijcitur ut pote in signo altitudini suæ opposito, quodq; Cancer, et Capricornus signa sint tropica, uiribusq; maioribus, pluribusq; prerogatiuis praedita: quæ mihi quidem propter augendæ ac minuendæ lucis iurisdictione, temporisq; uariandi, à quo cœlestis motus dimensionem quasi quandam, seu potius dinumerationem circumlabentiū cōtinuè momentorū accipit, uidentur inter signa reliqua tribunal à meridie, septentrioneq; obtinere, ac perinde ut tribunalia magistratibus, sic ipsa planetis illic insidentibus autoritatem cōtribuere. Causa uerò certa sterilitatis hinc à nobis conijci-
 } or, quòd stella Veneris præter alias, tum suapte natura, tum ob commix-
 } tiones, quas plurimas accipit, inuestigabiles quodammodo uires et ha-
 } bet, et suscipit: quæq; definiri uix queant: nec mirū, cum sit materiae in
 } generatione apparatrix: neq; enim tanta rerū quæ gignuntur, esset diuer-
 } sitas, nisi materia ipsa tantopere uariaret. Quando autem monstra in ge-
 } neratione ipsa animalium fieri uidemus, an non sterilitas monstri quasi
 } quoddam genus est? Quid enim monstrosius, ac tam naturæ aduersum,
 } quàm hominem ipsum aliquando genitum, nunquam tamen geniturum?
 } Tum semen igitur uirile accusandum est, perinde ut generationis conci-
 } liamentum, tum mulierum menstrua, quæ Venere male se habent: e, ut ipsa
 } quoque male se habeant necesse est: quæ uia nec materia, cui Venus præsi-
 } det, nec semen conuenire aliqua inter se ratione possunt. Saturnus igitur
 } copulatione, Mars uerò aspectu incompotissimi in generatione socij, in
 } cardinibus cœli primarijs positi, moderatam illam, appositeq; fermen-
 } tatam undiq; Veneris naturam conturbant, et calamitate quasi quadam
 } obiecta corrumpunt, indeq; sterilitas ipsa sequitur, quæ tamen (ut paulò
 } post dicemus) pluribus de causis potest contingere. Neq; enim tantarum
 } uirium Veneris sydus est, tantæq; autoritatis, tametsi Veneris amator à
 } poetis Mars decantatus est, ut eius, Saturniq; præsertim aduersante car-
 } dine, possit intemperantiam cobibere. Quæ autem in maribus futura est
 } sterilitas, ea erit in foeminis foetus egerendi ac parturiendi quædam infeli-
 } citas: quâuis enim uiri semen intra uterū admiserint, infelicitè tamen
 } conceptio ipsa cedet, quando perniciofa malefica utriusq; uis et locum
 } ipsum genitalem, et muliebres humores adeò infecere, ut conceptio perfi-
 } ci prorsus nequeat, minimeq; sit ad frugem uentura. Eadē Venus eodem

in statu Marti Saturnoq; configurata, si Mercurius quoq; socius acceſſerit, uel eunuchos atq; euiratos faciet, uel hermaphroditos. Mercurij naq; ſocietate addita, commutatio hæc cōtinget, in qua Venus quidem gignendi uim propriam retinebit, ſocij uerò maleficientiam non abijcient ſua, peculiaſemq; ad naturam Mercurij uterq; abducent, cum ſit ſtella cunctantopere uerſatilis. Quod ſi Sol quoq; in ſociū aſcitus cōfigurationis huius fuerit, luminariaq; cum Venere unā maſculeſcent, ac Luna (ut dictū eſt) acriter fuerit à maleficis infeſtata, locisq; è ſuperioribus, mares quidē euirabuntur, aut eorum teſtibus uitium inferetur, aut ipſi hernia laborabūt, uixq; obſcenarum partium aut uitium, aut ualeitudinem euitabunt; quādo ex hac tot planetarū colluuiōe, tantāq; cum hoſtilitate coacta neceſſe eſt id eueniat, quod in conuentu plurimorū ſimul cōuenarum ſolet accidere, ut rixæ, turbæ, ſeditiones, ciuiliaq; odia publicè, priuatimq; oriantur. Ipſe uerò mulieres infocunde, ac ſteriles futuræ ſunt. Hæc aut uolentia, impetusq; tam incōpoſitus acrius ſeniet, ſi cōfigurationes hæc contigerint in Ariete, aut in Aquario, quorū alter Martis domus eſt, alter Saturni, dominorūq; ſuorum improbitatem augebunt, atque eo magis quod Venus ipſa moeret in Aquario, quippe qui deſcenſus ſit, atque apoclima propriæ altitudinis, quam Venus habet in Piſcibus; in Ariete uerò langueſcat, utpote in deſcenſione, atque prolapſu domicilij: eſt enim Taurus Veneris domicilium, cuius Aries eſt apoclima. Nec uerò cōfiguratio hæc propter luminaria à maleficis percuſſa, nō oculis etiam uitū miratur. Quocirca eadem ipſa Venus in imo quoq; cardine atq; in Aquario conſtituta, ſi aut Lunam ſecum ſociam habuerit, aut fortè aduerſantē ſibi è quadrangulo, oppoſito uel loco, id eſt, ab ortu uel occaſu, ſeu de culmine, ſterilitatem portendit. Quinetiā ſexto in loco genituræ tempore collocata propter loci malignitatē mulieri minitatur ex partu, nam aut ante diē ſcēlū eiſciet, aut propter partus difficultatem in mortis periculum incidet, aut foetus ipſe diſcerptus extrahetur ex utero. In occaſu quoq; aut in cardine inſimo copulata Saturno, Ioui, ac Mercurio, iſdemq; in partibus mulieres quidem ſteriles, uiros autem à coitu alienos, ac frigidos facit. Quæ cōiunctio ſi tropico fiet in ſigno, Marsq; ſocius acceſſerit, mares euirabit, foeminarum autem loca genitalia uinciet adeo, ut earū natura glutinetur, aditūq; ad ſe uiri minime permittat. Hoc uitio affectas mulieres Campani incaſſidatas uocāt, clauſas alij, quòd naturæ os, ut Celfus inquit, glutinum ſit. Septimo etiam in loco, mundi q; in occaſu Venus poſita, ueſperitumq; ortū faciēs, ſi Saturnus ei ſuperiore è loco, atq; è culmine quadrangulabitur, uiros item frigidos, atq; à coitu alienos, nec minus etiam mulieres faciet. Eiſdem Veneris ſtella cū Saturno cœli in medio collocata partibusq;

libusq; ipsdem, si Luna ex imo, atq; aduerso coeli loco radios suos contra obiecerit, filios uiro nullos promittit, aut propter sterilitatem, aut quod minus ei uxor atq; effecta futura sit. Hæc enim cōfiguratio quadrāgularum a dextra, sinistraq; occasui, qui uxores dare consuevit, ac propter Saturnum futura est uxor aut infœcunda, aut anicula. Venus itē cū Mercurio se ptimo in loco, hoc est occiduo in cardine posita, mares eunuchos, atq; ex ceteros decernit, mulieres uiragines prolemq; nunquā suscepturas, quibus si Mars conciliabitur, aut cōiunctione, aut aspectu, hermaphroditos. Eadem Venus eodem in occasu cū Marte, ipsdemq; in partibus posita occultas decernit uoletudines, quæq; ab iecinore proficiunt.

De causis sterilitatis. Cap. iiii.



Es ipsa uidetur exigere, ut quoniam de sterilitate loquimur, quibus ē causis sterilitas ipsa proueniat, quid item ab antiquis in hac ipsa obseruatione traditum sit, referamus. Sobolis propagatio, et ea quæ generatio dicitur, generi animalium est omni, a natura tributa. Nam et mulas aliquando peperisse compertū est, raritas tamen hæc mulorum genus reddere fecundum nequit. Nihilominus et uiri, et mulieres (ut de hominū loquamur genere) reperti sunt, et quotidie reperiuntur steriles, quique prolem suscipiunt nullam. Quod tum in uiris, tum in mulicribus non una solum ē causa euenire certum est, cū nonnunquā sterilitatis causa sit corporis obœitas, quæ excrementitiam illam seminalemq; materia ad se trahit omnem, quæ in uirile semē, menstruaq; muliebria conuercere natura consueuerit. Interdum ob morborū grauitatem, tum uiri semen, tum mulieris menstrua illæ purgationes uitiantur adeo, ut uis illa manca omnino efficiatur. Aliquādo loca ipsa genitalia, partesq; Veneris rebus accommodatæ obliuiscuntur, meatusq; ipsi obstruit: et si persæpe medicorū opera remedium adhibetur. Ebrietas quoq; uictusq; intemperans quandoq; flaccescere naturam ipsam cogunt, atq; imbecillam reddunt. Verū ab ipsa sæpe ortu maris sterilitas, sceminaq; proficiunt, cū uidelicet menstrua mulieri nullā profluunt, uiro autem semen aut nullum liquitur, aut summum in modum frigidum, ne modo aliquo sit generando. Rei autem huius signa sunt, quod maris barba, scemina pubes neutiq; nascitur. His dictis ad obseruationes ipsas ueniamus.

De configurationibus facientibus sterilitatem et hermaphroditos. Cap. v.



Attenuatus secundo in loco, id est in horoscopi successione positus, si Lunæ copulabitur, aut de quadrangulo, oppositōne loco sibi inuicem aduersabuntur, liberos denegat, cogitq; alie-

nos sibi adoptare. Idem Saturnus quocumq; in cardine positus si à Mercurio percutiatur ab opposito, sobolem nullo modo promittit, præterquàm si alicunde præsidium sit allatum. Iupiter item in occasu constitutus, si aduersos habeat Martem ac Mercurium in horoscopo iisdem simul in partibus collocatos. Idem etiam efficit Iupiter cum Mercurio in occasu positus, si eis Saturnus ab ortu minabundus obstitit, aut si illi in ortu, hic uerò in occasu cõstitierint. Mars quoq; prolem minimè promittit, ubi ipse quinto in loco positus Lunam ab opposito uiderit oppugnantem, præterquam si Iupiter alicunde prospexerit. In medio item cælo, aut alio quocumq; in cardine constitutus, nocturna in genitura, signoq; foemino, nec minus etià seipso cardinem tenente, si pars, locusq; liberorum in altero è proprijs domicilijs repertus fuerit: uel si dominus signi eius in quo filiorum pars constituitur, fuerit ei copulatus, aut perniciofa radiatione percussus. Mercurius itè cardinalis, si Saturnū aduersum se, aduerso in cardine constitutū habuerit, sterilitatem obnunciat. Ad hæc Saturnus in culmine positus, ac Mercurio partiliter coniunctus, si dominus genitrix, aut uirile dator aduersabitur, malaq; Martis irradiatio accefferit, præterquàm quòd paralyticos, gibberos, atq; incuruos facit, faciet aliquando etiam hermaphroditos. Quoniam uerò dictum est à nobis Veneris effectiones esse penè infinitas, nō poenitebit retulisse ea, quæ nostra tempestate de hermaphroditis et ipsi uidimus, et perquam cognita etiam ab eruditis uiris habemus. Caietana muliercula uiro piscatori nupta, cū quo annos complures Veneris res miscuerat, ut Antonius Panhormita piscatoris amicus referre adolescentibus nobis solitus est, post quartumdecimum annū è muliere in uirum transiit, exorte repete in muliebris naturæ loco uirili penè. Quo facto, quòd conditionis perpueret suæ, ut qui à uiris pariter, mulieribusq; rideretur, è ciuili uita ad uitæ genus religiosum transiit, uixitq; in monasterio, in quo ipsi eum nouimus, uirile suæ reliquū, sepultusq; est Romæ in Mariæ ad Minervam templo. Malier altera nomine Acmylia nupsit Antonio Spense cui Ebulano, postq; duodecimū nuptiarum annum in Melium mutata est, hodieq; cum uiris cõuersatur, arteisq; uiriles exercet in patria: utq; relatum nobis est, nuper etiam uxorem duxit. Masius Aquosa, cū quo uetus mihi consuetudo est, exorta inter eos de restituenda dote controuersia, testificatur, Ferdinandi se regis iussu prospexisse restitutioni. Biennio antequàm hæc scribimus, ut ab Umbro nostro A. Colotio grauissimo quidem uiro accepimus, puellæ rusticanae quæ uillico nupserrat, ubi puerū ex illo genuisset, uirile membrū intra muliebrē naturā sese extulit, ineratq; illi, quæ non multis post mensibus diem obiit, ex eo partu maris atq; foemina natura promiscua. Hos naturæ cœlestiūq; aguitio

atque effectus mirari magis possumus, quam quomodo fiant, eorum rationem singillatim reddere. Quae de re ab Aristotele dicta sunt, quae dici pro disciplina illa naturali possunt. Quod igitur ad hermaphroditos, atque androgynos perinet, quando Mercurij stella uersatilis, ac penè dixerim, promiscua est, siue quod Veneri copulata uires eius augeat ad progignendam foeminam, siue quod in illarum fauorem proclinet stellarum, quae masculinam sobolem meditantur, de coniunctione profecto, ac commixtione radiorum eius, quod semini ac materiae genitali uberiorè, ualentiorèque uim adiungat, haec naturae duplicitas manat, ut dum utriusque fauet æquo studio, non tamen ut geminos ualeat gignere, aut alteri, ne omnino succubat, fert suppeditas, foetus haec sexusque siue incertitudo, siue communitas proueniat. Nec mirum prætereundum est quid Physici hac ipsa de re sentiant.

Opiniones Physicorum de hermaphroditis et
geminis. Cap. VI.



Volunt autem calorem, à quo existat generatio, moderatum illud quidem esse, et sua quadam certaque mensura contineri: urere autem, ac supra quam generatio ipsa exigat, exiccare, ubi uehementior fuerit, aduersarique propterea generationi: aquam namque aethero contentam temperato ab igni non secus quam à feruentiore calefieri, eo tamen differre, quod ab hoc ipso effruescente fiat euaporatio et maior, et resolutior, ut penè repente ab oculis aqua euanescat omnis. Oportere itaque tum genitale ipsum uiri semen, tum mulieris excrementa illa menstrua modum suum retinere, certosque intra fines cogi. Ni enim et eius qui agit, et eius qui patitur, uis intra praescriptum coarceatur, frustra utrumque niti. Vbi uero accessio facta est aliqua, et ea quidem tanta, quae geminationi satis sit, foetus ipsum in utero ob accessionem eam geminari, idque quod rarum sit, quod parum omnino solidum, iam pro monstro haberi, iudicarique portentosum. Eandem quoque accessionem in parte quidem aliqua factam, esse causam aut membri cuiuspiam agnati ac superuacanei, aut naturalis magnitudinis regulam praetergressi, quod uidelicet in concipiendo foetu materiae ipsius plus confluerit, quam quod necessarium esset parti illi constituendae. Atque inde fieri, ut membra interdum ipsa maiora formentur, quam pro sua ipsorum natura, corporisque reliqui constitutione. Quinetiam usuuenire ab hac ipsa causa, ut nonnunquam uterque sexus insit foetui, maris scilicet ac foeminae, etsi è duobus alter est ferè semper imbecillus, inefficaxque, et ut ita dixerim, clandestinus, contingatque nonnunquam alterum aut mutari, aut potius aboleri, ut quae prius foemina coierat muliebriter, post in marem uersa uiri coeat

more, agatq; quæ solita erat pati. Assueverat igitur agentem uim illam et procreantem cum æquabiliter sese ad alterutrum habuerit, ut aut prorsus superet, aut ut rursus superetur, eodem quidem aut uirili, aut muliebri sexu geminos nasci. At ubi partim uicerit, partim succubuerit, tunc in diuersum remgeri, atq; alterum marem, alteram feminam gigni: quod rarius tamen audio contingere, ac plerumq; parum diu uiuere. Vtq; propter materie interdum ubertatem in procreatione adnascuntur præter naturæ præscriptam membra non necessaria, ut sextus digitus, ut auris agnata auri, quod uidelicet materie plus insit, quam quod aut digitali, aut auriculari satis est parti: Sic è contrario minus aliquando inest, ut cum in femineo foetu conglutinetur pars illa genitalis, quæq; feminam discernit à mari: in masculinis autem, mari haud omnino prodeunt testes, neq; uirili modo propendunt ab inguinibus. Gigni autem geminos tradunt, quoniam et cor duplex generetur, cum simplex, id est, unum tantum sit in androgyno: quo fit, ut perfici nisi unus foetus nequeat. Prouenire hæc igitur in geminis procreandis à materia, et ui eiusdem duplicata, et præualida ad utrilibet sexum consummandum. In hermaphrodito autem secus, quod polleat ad neutrum, imò ad utrumque, ad alterum tamen, ut dictum est, clandestinum, atq; irritum, quando ambo sexus nequeant in eadem æquabilitate agendi, patienti q; simul in uno consistere. Natura enim in hominum omnino genere marem discruit à femina. Itaq; in eodem simul corpore uterq; sexus, suo in gradu nequit consistere. Proficisci autem hoc ostenti genus à stella Mercurij, eiusq; cum Venere commixtione nomen ipsum hermaphroditi docet, à re ipsa inditum: causam uerò afferri à materie ubertate maiore, ostendit etiam fructus arborei. Antonium Panhormitā, cum aliquando me præsentē de rebus his sermo incidisset, assueverantem audiui, compertum sibi fuisse, Francisco Philelpho, cui ipse fuisset perquam familiaris, a rebus testiculos esse ingentos. Referentem quoq; non semel audiui Andream Maurem summā fide, summāq; autoritate uirum, allatum sibi à coco suo, in oppido suo Bitonto agentem, arietem exenteratum, cui et præcordia, et intestina omnia essent geminata; cor uerò unum inesset tantum. Nimirum si materia, usq; illa fuisset satis procreando cordi, geminatus etiam aries in procreatione fuisset.

De lingue uitijis. Cap. VII.



Ed pergamus ad reliqua: In quorum genitura Saturnus ac Mercurius cum Sole pariter conuēcti cardine aliquem tenuerint, præsertim ortus, aut occasus, Lunaq; cōfigurabuntur, ipseq; Mercurius occidentalis erit, is in lingua uitium meruit: aut enim balbutient, aut blesc, hesitant terne

feruē loquentur. Cū enim linguæ atq; orationi Mercurius præsideat, hinc
 à Saturno Solq; conflatus, illinc à Lunæ radijs male habitus, hunc &
 ipse malum habitum in lingua nati referet. Lingua enim ipsa hebescit ita,
 ut nisi ægrè per os agitari, ac trahi inter loquendum queat: Idq; ab hebe-
 tudine, imbecillitateq; proficisci Mars docet: si enim coniunctione sua ob-
 stiterit, Lunæq; obuiarit, propter insitā celeritatē atq; uigorē natus ipse
 à uitio liberabitur. Quem admodū autē pedes, lingua quoq; uitijs laborat
 suis: namq; ut illi claudicant, sic hæc & balbutit, & hesitat, & blæsa est,
 & paulatim, ut illi, etate ipsa perficitur: serius enim infantes loquuntur.
 Quinetiā postquā etate lingua perfecta est, uitio quodam naturæ segnior
 nonnunquā, atq; ad efferēda uerba ineptior redditur. Videmus enim alios
 inter enuntiandum, quod lingua tanquam in cursu retenta sistat, impedi-
 taq; offensaculo hesitet, nunc literam quampiam, nunc syllabam, hoc est
 duarū triumue literarum copulationem prætermittere, hiq; balbi plerūq;
 dicuntur: alios qui aut hæc, aut illas literas efferre prorsus nequeant, qui blæ-
 si uocantur, quod blæsa illis, ut est in obscenis carminibus, lingua sit. Sunt
 etiam qui præter hæsitationem alias alijs literas coniungere, ac simul con-
 tinuare nequeant, hiq; ab hæsitatione ipsa nomē ducunt hæsitationes. Quam-
 uis & animi quoq; sit hæsitatio, ut cum dubijs in rebus constituti, quid po-
 tissimum eligamus hæremus. Hæc autem ipsa uitia ab hebetudine, imbecil-
 litateq; eueniunt, quod lingua idonea parum sit illis, quæ animus & intel-
 ligit, & concipit, exprimendis: cui, ut officio suo liberrimè uti ualeat, cele-
 ritate ac uolubilitate maxima opus est. Nimia uerò humiditas ei rei cum
 primis noxia est propter motus tarditatem. Namq; ut moderata humidi-
 tas, quod in arborum flagellis cernitur, flexibilitatis est, atq; agilitatis cau-
 sa, sic nimia eneruat, nec patitur elabi, quod in tenerrimis ramulis appa-
 ret, iacent enim magis quàm flectuntur, uentoq; agitati decidunt. Acta-
 met si lingua ipsa humoris arcula est, & quoddam quasi penus, de nimio
 tamen humore prostermitur. Quo fit, ut neque motari per os, succidentibus
 neruiculis, neque ipsa festinare ad frangendam uocem, atque in arcibus
 suos redigendam possit. Quippe quæ à natura rerum magistra pulmo-
 ni superimposita est, quo spiritum ab illo efflatum informet, informa-
 tumq; atque impressum statim exprimat. Acrotis tamen, ac febris ar-
 dentiore laborantibus accidit linguæ deprauatio nimiam ob siccitatem.
 In hac itaque configuratione Luna, Saturnusq; superfluentia humidi à
 se concitati, Mercurium usque adeo madesciunt, ut in constituenda
 lingua uitiosus futurus sit artifex. Quoniam autem uidemus ebriorum
 quoque linguas halitare, atque intercipi, eorum item quos ardentior fe-
 bris uexat, maior uerget distillatio, uiliq; ipsa, aut de superfluentia
 profla

proficiſcuntur atq; exceſſu, aut à defectu atq; penuria: fieri etiam poteſt, uti ab humidi inopia, nimiaq; ſiccitate areſcēta lingua inhaſitet, neruiculi; illi ab humore defecti & ſubiſtāt in motu, & lingua ſeſe inculcet, atq; ubi ſtetit, motari atq; impelli uix queat. Siquidem hebetudo, ſegnitiesq; omnis à tarditate motus exiſtit, quòd lingua ipſa agilis nequaquam eſt, ut nimia fortassis exiccatio non minus quàm humidi exuperantia cauſam bleſitati afferat. Quocirca (quoniam Sol, ut antè dictum eſt, neruorum curam ſuſcepit, Mercurius lingua, Lana pituitæ, cuius etiam ciendæ Saturnus eſt autor) diligentiffimè uidendum eſt in hac ipſa configuratione qui ſint ualidiores, pluribuſq; prærogatiuis ornati: ſigna etiam ipſa quid portendant, in ariditatem ne, an humiditatē proclinent: ut ferri ſententia penſitatum queat, utra eſt cauſa uitia ipſa ſint proſectura. Fieri etiam poteſt, ut quòd uel breuior quàm oportet, uel anguſtior lingua ſit, propter breuitatem latitudinisq; arctationem complecti, ac frangere ſuo tempore uocem articulataſ nequeat, quod nihilominus ad malum Mercurij habitum referendum eſt. Quòd uerò ad Saturnum utpote phlegmatis pituitæq; conciliatorem attinet, ſtella eius cum ſit arida, ſummumq; in modum frigida, propter frigidi ipſius, humiditq; inter ſe communicationem & trahit ad ſe humidi plurimum propter ſiccitatem, & tractum frigore ſuo cogit, coactumq; addenſat: quo poſt calefacto neceſſe eſt pituitæ, lentitq; humoris riuos hubertim fluere, ut expreſſa eſt ſpōgia uicem, que aridiſſima cum ſit, humidum plurimum rapit, atq; in ſeſe retinet.

De alijs quibuſdam uitijſ.

Cap. VIII.



On ſolum autem in lingua, uerum etiam in alijs corporis partibus uitia, malumq; in eſſe habitum perſepe cernimus, ut capitis à collo in pectus proclinationem, ut pedum claudicationem, ut ſpinæ, lumborumq; gibbum, et peſtoris, ut neruorum ſolutiones, contractionesq; ac debilitates, ut uertebraſ nimiam deformemq; prominentiam, ut mutilationes quoq;: quæ quidem uitia pro ſignorum naturis eueniunt, maxime autem ubi in illis locus, hoc eſt uitij, ualetudinisq; pars ceciderit. Hæc autem ſigna quæ uitiorum, ac ualetudinis locum in genituris ſortiuntur, à Græcis uocantur *uaxia*, quòd uidelicet uitio, ac ualetudini cauſam dent, nobis tum uitioſa, tū ualetudinaria placet appellare, è recentioribus nonnulli egrotantia uocauere, quidam ineptiuſculè defectiua, quod uitium uocent defectum. Cum igitur *ambe malefica*, Mars ſcilicet ac Saturnus, in aſcendente cæli cardine cū Sole Lunaq; ſimul conſtituti fuerint, aut luminariis ipſis in horoſcopo inſiditibus, utraq; malefica, oppoſito de loco, cardinē;

cardineq; ab occiduo aduersabitur, Lunaq; ipsa in nodis, seu flexibus re-
 perta forte fuerit, aut in Ariete, in quo uitijs etia locus constitutus sit, aut in
 Tauro, Cácro, Scorpio, seu Capricorno: natus ille, in cuius genitura figu-
 ratio hæc cōtigerit, uitiors de quibus diximus, aliquo laborabit pro signi
 natura: atq; à primis quidem diebus ipsaq; statim genitura, si luminaria
 partiliter cum maleficis copulata incedunt. Hæc autem ipsa signa, que si-
 præ expressimus, uitijs iam explicatis maxime apposita sunt, quod memo-
 ris præfideant, in quibus illa contingunt. Locus uero ipse nodorum, ac
 flexuum, flexuram quoq; atq; incuruationem, distortionemue membroru
 in malo Lunæ habitū decernit. Quam autē deterior esse habitus Lunæ
 potest, quam ut à Sole exusta, ab utraq; etiā malefica, aut ex opposito, aut
 è propinquo, ac coniuncto situ, omni è parte labefactetur? Quod si lumi-
 naribus ipsis in ascendente cardine simul positis, Mars ac Saturnus supe-
 riores quidem effecti, uerū inuicem digressi de culmine, hoc est, è signo coe-
 li mediū tenente quadrangulabuntur, grauioribus cum periculis, maio-
 req; consternatione mala hæc que decernuntur, inferentur aut à casibus,
 præcipitiibusq; locis, aut à latronibus, quadrupedibusue, aut ex igni, ser-
 ro, uulnere, contentione, rixa, quorum quidem malorum Mars autor atq;
 illator fuerit, ubi ob prærogatiuam autoritatem iurisditio hæc illi obti-
 gerit. E mari uero, aut à fluminibus, stagnis ue, aut è spasms, nervorumq;
 distentionibus, aut ruinis, ubi Saturnus illorum inferendorum ius sibi po-
 testatemq; uendicauerit.

De utiligine scabie, et alijs uitijs compluribus, siue
 ægritudinibus. Cap. IX.



Quoniam aut uitia ipsa potissimum decernuntur, Luna
 æquinoctialibus in signis, aut solstitialibus collocata, si
 Arietem ipsa permeabit, quod æquinoctiale signum
 est, utiligines decernet, atq; albis maculis nati corpore
 asperget, cui uitio nomen est nūc Morphea. Sin autem
 per Cancrum feretur, quod Solstitiale est atq; æstiuum signum, lichenas
 minatur: at in Capricorno posita lentigines, in Libra uero tetram illam
 scabiem, que lepra dicitur. Itaq; pro humorū natura atq; intemperantie
 anni quadrantes sequentiū, uitia hæc aut his similia portenduntur. Future
 autem sunt ægritudines magis quam uitia, si fiat commutatio status atq;
 conditionis, ut scilicet maleficæ configurentur, Soli quidem uestertino in
 statu, Lunæ uero in matutino. Status enim uestertinus Lunam delectat,
 quoniam luminare nocturnum est, matutinus aut Solem, quod est diurnū.
 Diurna namq; cōditio, quæ matutinatō sequitur, quia pollentior est, uitijs
 inducitur.

inducit: nocturna uero, cuius particeps est uesperitatio, quod imbecillior est, ualeitudinem. Hæc igitur conditionis permutatio, uel potius contrarius status, uitia in ualeitudines mutat. Generaliter autem & mali habitus, & ægritudines, ac uitia quæ à Saturno decernuntur, à frigore, ac pituita, occultisq; generantur humoribus, ut uentris, atq; intestinorum dolores, quicq; morbi inde proveniunt, ut etiam qui è pituita affluetia & à reumate, distillatione, grauedine, ut tussis, uomitus, stomachiq; eiectione, ut corporis totius macilentia ac tabes, ut debilitas ac languor, ut leuitas intestinorum, aluiq; solutio, ut colice, elephantia, icteros, quicq; morbus arquatus dicitur, muliebris etiam naturæ mala affectio: à Marte uero mala pulmonum affectio, sanguinis excreatio, bilis commotio, scabies, ac prurigo, quæq; mala ferro igniq; curantur, quæq; aut uruntur, aut cæduntur, ut tubercula, hucera, anthraces, fistula, quæq; etiam uitia, morbiq; erumpunt in occultis locis, ut mariscæ, pustulæ, deniq; cuncta serpentina, abortus quoq; muliebres, ac foetuum truces illæ descriptiones in utero. Quocirca uitia, ægritudinesq; conditionem sequuntur, easq; inestabunt corporis partes, quæ à sanguine innuuntur, in quibus tum uitij, ualeitudinisq; locus inuentus fuerit, tum cardinalis ipsa fiet configuratio. Quodq; Mercurij stella tamopere uersatilis est in utranq; partem boni ac mali, quoties aspectus eius, aut societatis accesserit, tum Saturni malignitas, tum Martis augebitur. Siquidem in mouendis humoribus, illisq; exagitandis, atque ad fauces, pectus, stomachum diffundendis, perq; nervos distinendis, excitabit Saturni tarditatem, Martem autem & irritabit ad effervescentiâ acrius, adustiusq; excitandum, & ad inflammadum multo etiam uehementius: ut flagrante sanguine, bileq; arefacta, atque incensa, totoq; æstuante corpore intumescant passim hucera, fiât abscessus, ac uomica, serpat ignis sacer, furieturq; insaniam, ac mens delirio capta sese ipsa ignoret, præceptsq; rapiatur. Nec uero signa non & ipsa in quibus configurationes hæc fiunt, & cardines obtinent, de quibus diximus, suas uires, ac suam unumquodq; præ se ferunt naturam, in malis & corporis & animi discriminebus. Etenim Cácer, Capricornus, ac Pisces, demum terrena, aquea, ac piscifera signa, quæ per corpus serpunt, ægritudines excitant, Lichenas item, quas supra dictum est mentagras uocari, tetram quoque scabiem, & scrofulas & elephantiam, atq; eius generis ægritudines, fouent enim humorem illum terrenum ac salsum, & in squamas uertunt, curæq; inficiunt. Sagittarius, ac Gemini, autem, hoc est, comitalem morbum inducunt. In uniuersum autem male fitæ in extremis signorum partibus constitutæ uitia ac morbos excitant. (quod genus ægræ Græci uocant à cutis exasperatione) qualis scabies asperior.

mor, quæq; uehementius prurit: quales etiam papule nonnullæ, quas Cor-
 nelius ferus uocat: quales item pustule, quæ et rubent et rodunt, et cutē
 exasperant simulq; exulcerant. Humores enim ad extimas atq; eminen-
 tes corporis partes euocatos, ut ad articulos defluat, cogunt, atq; ad par-
 tes ite exteriores, cuiusmodi ægrotudines, siue uitia sunt elephātia, poda-
 gra, chiragra, morbi articulares, quæq; alia mala in extimis, atq; extati-
 bus oriuntur corporis partibus. Quales autem ualetudinum ipsarum fu-
 turus sit exitus, beneficæ indicabunt: si enim nulla ratione aut maleficis
 configurabuntur, aut luminaribus in cardine constitutis, multos quidem
 grauesq; tum dolores ac molestias, tum ualetudines ipse secum afferent:
 demum mala ipsa curationem non recipient, erunt enim morbi omnino
 incurabiles. Tantundemq; eueniet, si quanquam configurantur, ipse ta-
 men inferiores, atq; imbecilliores omni e parte maleficis succumbunt, au-
 thoritate, prærogatiuis, ac uiribus ab illis superate. Quod si beneficæ ma-
 leficis configuratæ uiribus superiores, autoritateq; pollentiores fuerint,
 fauore, suffragijsq; id præstabunt suis, ne fœda, opprobriosaue uitia ipsa
 sint, quinetiā suo uti tempore curationē admittāt, neue ægrotudines ipse,
 ubi beneficæ orientales fuerint, tātopere molestæ ac laboriosæ sint. Quod
 si beneficæ maleficæq; æquis ac paribus munitæ fuerint uiribus, uitia ipsa
 nunc minuuntur, nunc augetur, ualetudinesq; temporali quadam inter-
 missione et abibunt et regredientur. Quocirca si opitulatur Iupiter sue-
 rit, ægrotudines sedabuntur, morbiq; mitescent: et uitia, uti Ptolemæus exi-
 stimat, quo minus turpitudinem afferant, occultabuntur, hominum bene-
 ficio ac pecuniarum, et dignitatis gratia. Cui si Mercurius astipulabitur,
 nec ueneficorū decrit, nec peritorū medicorū opera. Sin Venus patrociniū
 susceperit, decorum immortalū utetur ope, ut et uitia honesta quadam ui-
 tæ ratione occultantur, et ægrotudine sedentur, siue decorum oraculis adi-
 uis, sine uotis nuncupatis, siue inspectis sortibus, siue cōiectis somnijs, sen-
 deniq; sacerdotū opera, sacrisq; piacularibus, aut exorcismis, atq; exca-
 nationibus. Cui si etiā Mercurius attestabitur, et uitia, et ualetudines tan-
 tum inde leuamentū accipient, ut fortasse etiam per sese tandem curetur.
 In hac igitur maleficarū improbitate si ferendæ opis optiolouis fuerit,
 primum id præstabit, ut uitia occultantur, ne e diuulgatione turpitudinis in-
 famiaq; oriatur: deinde ut morbi leuationem accipiant, hominum quidem
 opera, consilioq; nec minus pecuniæ, ac dignitatis gratia. Cui si Mercu-
 rius astipulatus fuerit, non medicorum solum operam, uerum etiam uenefi-
 corum, sagarumq; opem sumministrabit. Sin Venus suffragabitur, sub ho-
 nestâ specie et uitia occultabuntur, et morbi sedabuntur adeo, ut magna
 e parte leuati uideantur. Cui etiam uirgū honestamento, ægrotudinesq;

leuationi, dii ipsi immortales aderunt, nunc oraculis, responsisq; nunc fo-
 minorum, uisionumq; representationibus, nunc etiam aut sortibus, aut
 incantationibus, aut uotorum nuncupationibus, aut sacerdotum opera, sa-
 erisq; ut dictum est, piacularibus. Forsitan mala ipsa aut hominum opera
 industriaq; curabuntur, aut ubi consenuerint, per se tandem desinent, si
 Mercurius quoq; Veneri suffragator affuerit. Nec uero frustra haec ab an-
 tiquis scriptoribus, praesertim Ptolemaeo, Maternoq; traduntur: siquidem
 Scamoneus monstrata sibi in somnis herba sanatus legitur, quae ab ipso po-
 stea nomen cepit. Tradit etiam Galenus admonitum in somnis, uti cuius-
 dam, qui dolore laboraret hepatis, uena feriretur, ea quae est inter manus
 pollicem atq; indicem, quae percussa, est uestigio fuisse illum à dolore libera-
 tum. Paucis ante annis familiaris mei Lancilai Rubidi non imperiti medi-
 ci neptis, quae nulla medicorum ope sanari poterat, multos postquam lan-
 guere coepit annos, monstrato sibi in somnis remedio cum omnium admira-
 tione curata est. His ipsis annis Nola, quae tempestate Vrsus Vrsinus eam
 urbem moderabatur (fuit autem princeps tum prudens, multiq; usus, tum
 à superstitione omnino alienus) puella tredecim annos nata, atq; à natali
 die inutilis ob neruorum contractionem, ad templum à matre delata est,
 quò diuertisse audierat Iacobum Marchianum, religiosum quidem homi-
 nem, ac de quo summa etiam esset integritatis ac sanctitatis opinio. Ia-
 cobus rogatus uti pateretur puellam ad se deferri à parentibus, quòd à
 Deomoni facere hoc essent, subdubitauit, ne aut stultitia, aut nimius in-
 filiam amor illos moueret: tandem uero expugnatus matris praecipue
 precibus, hortatu quoque antistitis ad templi fores matri flenti, genibus
 se aduoluenti, ac roganti, ut languenti manum filiae admoueret, sese ob-
 tulit, fore enim mater assuebat, manu admoda, uti filia statim malo li-
 beraretur. Hoc Iacobus ubi fecit, est uestigio puella confirmatis neruis sa-
 na effecta domum incolumis rediit. Quae res praeterquam quod nobis ab V-
 so ipso relata est, multi mortales, qui eò cōuenere, praestantissimiq; in his
 uiri et testificati idem tūc sunt, et nūc diuulgatim praedicant. Nec uero
 superuacuum laborem hunc nostrum fore ducimus, si etiam configura-
 tiones ab antiquis traditae, atq; obseruatae, est quarum significationibus
 uicia ualitudinesq; decernantur, subdiderimus. Quinetiā quòd haec
 ipsa quae à nobis traditur, apertiora fiant, naturā, causasq;
 uitiorum atq; egritudinum, breuiter tamē, ac nutu
 quasi quodam significabimus, ne qui legunt,
 caligare prorsus uideantur, naturis
 ac causis penitus igno-
 ratis.

De claudicatione pedum, et alijs quibusdam mor-
bis. Cap. X.



Claudicatio propriū uitium est pedū, hominumq; ipsorū
maximè peculiare. Idq; ex eo fit, quòd et quadrupedū,
et autē crura osibus, ac neruis tantū constāt: hominis
uerò crus multa carne uestitur, quoq; mollius est, eo ma-
gis iniuriæ exponitur, facileq; (dum in utero mouetur
foetus) laedi potest, ob tēneritudinemq; infringi, atq; eo facilius in iniuriā
sepe crus incidit, quòd foetus ipse diutius immoratur in utero, antequā
absolutus in lucem ueniat. In cuius creatione si aut Aquarius, aut Pisces,
aut Capricornus infestabuntur à Marte, Saturno, aut ab utroq; aut in
ipsa fortè genitura, foetus illius genua, crura, pedes uel iabuntur in ute-
ro quidē, quoties malū in creatione portenditur: si in genitura, postquā
in lucem ex utero prodierit, eo quidem tempore, quod à malefica stella de-
cretum fuerit. Mars igitur in quocunq; cœli cardine positus, nascente ali-
quo, ubi cardinis illius anaphoram Saturnus possederit, aut aliū quemuis
genituræ cardinem, luminaria uerò aut quadrangulantur illis, aut oppo-
nuntur, aut cum altero ipsorū partiliter coniunguntur, nati illum clau-
dum, fortasse et paralyticum faciet. Ex infestatione namq; aut irradiatione
Martis, Saturniue præsertim cardinalis signa ipsa acrius inficiuntur: hæc
aut infectio membris illis maximè, quibus signa ipsa præsidet, mimita-
tur. Quinetiā aduertendū est cum primis, sinē ne signa ipsa eorum ex or-
dine, quæ agnominantur curua. His minis accedit etiam Luna aspectus in-
fensor, et quibus altera quidē corpori, alter uerò spiritui dominatur, uterq;
aut animalitati. Quocirca nō nisi male actum iri cū membris illis corpo-
ris, quæ uitio huic subiiciuntur, existimandum est. Euenit aut claudicatio
plerunq; uel propter aliquod uulnus acceptū, uel quod ossa loco suo mota
sint, aut quòd aliqua externa uel cōfracta, aut fortasse propter uitiosos hu-
mores eo loci cōtinenter defluentes. Igitur si Mercurius, Saturnus, et Sol
pariter in cuiuspiā genitura occasum, hoc est, septimū ab horoscopo locū
tenuerint, Luna uerò et Mars octauo in loco, iisdemq; in partibus collo-
cati fuerint, natus ille aut claudus futurus est, aut certe mutilus. Sol enim
à Saturno, Luna uerò à Marte, omnes autem à locorum pariter malignita-
te inficiuntur. Quinetiā quòd Mercurius et ipse rationis dator inficitur,
mentis quoque uitio, morboū comitali fortasse laboraturus est. Claudus
quoq; et ille futurus uidetur, in cuius genitura Saturnus cardini cuiuspiā
presidens, in sua Martem anaphora successorem habuerit, ipse uerò aut
Lunam uiderit, aut illa à Marte usa fuerit. In hac configuratione ambæ
maleficæ admodū potētes sunt, quòd altera cardinalis est, altera alterius

succedit loco, à quo noxiam etiam mutuatur uim, quam in sessione sua ante
 cedenti loco indiderat, quarum noxia obitu Luna percussa non potest cor-
 pori cui praeest, ex hoc malo habitu nisi male consulere. Pro natura autem
 signi uitium inferetur, aut à quadrupede, aut è lapsu precipiti, ruinâue, for-
 tè et perniciosus ab humoribus continuatè defluentibus, ac uitiatissimis
 in eorum aut distentionem aut resolutionem incidet. Erit fortè natus ipse
 aut claudus, aut uitiatissimis neruis imbecillus, ubi Marti parititer in aliquo
 coeli cardine constituto Saturnus successerit ab anaphora, aut quicquid aliud
 coeli cardinem possidens, aut opponetur illi, aut quadrangulabitur, Luna
 uerò aut alteri ipsorum pariter coniuncta fuerit, aut utrumque ab opposito, qua-
 drangulouè loco intuebitur. In hac autè cōfiguratione Luna multo infe-
 stius quàm in priore à maleficis laceßitur. Generaliter autem Mars sexto
 in loco ab horoscopo constitutus, quo è loco uires sibi multo maiores ad ma-
 lefaciendum mutuatur, ualitudines ac uitia decernit, pro signi tamen natu-
 ra. Si enim incuruum fuerit signum, aut claudos aut gibberos reddit. Signa
 namque curua eiusmodi uitia corporibus inferunt, quando non temere hac co-
 gnominatone notata sunt. Idem Mars in Cancro, aut Capricorno positus,
 aut in Scorpio, aut Piscibus, aut Tauro, dum quem tamen cardinem coeli te-
 neat, Lunaque aut quadranguletur, aut opponatur, aut cum illa coniunctus
 sit, aut claudos faciet, aut gibberos, aut contortis ceruicibus, aut certe mem-
 brum aliquod uitiat, ob nimiam atque assiduam noxiorum humorum ad illud de-
 fluxionem. Saturnus quoque cum Mercurio in culmine pariter collocatus, si
 geniturus illius dominum, aut is qui uitae dator est, aduersum se constitutum
 habuerit, fueritque à Marte minaci radiatione pulsatus, aut gibberos faciet,
 aut paralyticos, aut fortasse incuruos. Idem in occasu positus, matutinaque
 prerogatiua aditus, latentes corporis dolores nato indicit, neruosque tan-
 dem contrahet. Quod autem de Cancro, Capricorno, Tauro, Scorpio, Pisci-
 busque dictum est, sic uidetur intellegendum, Cancrum atque Capricornum, quo-
 niam solstitialia signa sunt, excitandis istis malis multum adijcere. Que-
 rum ab seipsis, tum à planetis aut insidentibus, aut afficientibus portendun-
 tur. Ad haec Mars in Capricorno positus altitudinis etiâ suae suffragio adiu-
 tus, Lunam in Cancro positam, oppositamque consistetem in parte, cum loco,
 domoque, etiam ipsa pessime afficit. Nec minus etiam et Luna domum, et
 Lunam ipsam infestat, ubi in Cancro, Capricornouè constitutus aduersan-
 tem sibi Luna è Capricorno intuebitur: nam et infessu suo Luna domum
 inficit, et Lunam in sua ipsius Martis altitudine deprebentem acrius pul-
 sât. Hec autem ipsa infectio, uitiosaque radiorum commixtio eadem ratio-
 ne fiet, cum Mars ac Luna pariter coniuncti, cardinalem utrumque, aut orita-
 tem in genitura excutiant. Quod si eadem haec aut cōiunctio, aut oppo-
 sitio

fitio fiat in Tauro, aut in Scorpio, ubi coniunctio fuerit, deprehensam in Scorpio, hoc est propria in domo, Lunam Mars in seſſu ſuo tanquam captiuam ſua iniuria trahet, altitudine etiam Luna quæ in Tauro eſt, aduerſa irradiatione tentata. Cum uerò oppoſitio & Lunam, & Luna ipſius altitudinem proteret, atq; interturbabit, quoties aduerſantem illam ſibi in Tauro adeptus fuerit, ſua præſertim è domo radios perinde ac tela in Lunam iaculatus, ac nihilominus & Lunam & Luna altitudinem inficiet, diuerſo tamen aſpectu, cum quadrangulantem ſibi illam alio è cardine intuebitur. Quocirca cum Cácer præſideat peſtori, quæ pars corporis præcipuè ſubieſta eſt gibbo, Taurus autem ceruici, & collo, qui locus ſtrumis, incuruitati, contortioniq; maxime expoſitus eſt, quaq; parte capiti coniungitur, tū inde nerui per totum diffundantur corpus, Capricornus uerò cum præſideat genibus, ubi eſt crurum iunctura, neruiq; ad pedes inde protenduntur, cui membro ab incuruitate, contortione, claudicatione, ac neruorum imbecillitate, diſtentioneq; maxime timendum eſt. Cumq; Piſces pedibus præſint, quæ pars corporis non à claudicatione modò, uerum etiam à podagra pernitiſiſq; humoribus ſe piſſimè petitur, quid mirum, ſi cõfiguratio huiusmodi malorum horum in genitura inflex ominatrix uidetur, atq; in nate progreſſu etiam importatrix?

De neruorum uitijſ ac morbis. Cap. XI.



Voniam autem in neruorum mentionem incidimus, de illorum reſolutione ac uitijſ ſtatim dicemus. Ipſa uerò neruorū reſolutio, quæ Græco uerbo eſt τὸ ἀποπληξίς, τὴν παράλυσις, perinde ut uel totū corpus, uel membrū aliquod occupauit, de latentium humorum fluore cõtinuo fit, raroq; ad ſanctatem peruenit, maxime ubi totum corpus infeſtat: quippe quæ ſi nō peremerit, aut incomitalem uertetur morbum, aut in paralyſim. Verū ex apoplecticis ij quos Latine attonitos dicimus, quod iſtū ſulminis obſtupēſciti ſint, euadūt, quod uerbum ipſum indicat, cum ſit à tonitru deductum. Qui uerò ui morbi à ſtupore occupantur, hi reſtē dicuntur apoplectici, rariq; morbus hic perhibetur, cum neceſſe ſit repente occupato à pernitiſiſ humoribus uniuerso cerebro, mouentem, atq; ſentientem uim omnem etiam repente ſimul corripī atque tabeſcere, membraq; identidem omnia conſopiri. Contra membrorum reſolutio, quæ ſuo nomine paralyſis dicitur, ubiq; admodum frequens eſt. Horum origo morborum ad malum cerebri habitum reſertur à medicis, ubi nimio humore occupatum eſt, cui humori piſuita multa miſit, eaq; craſſa admodū, ac lenta, & ut hodie loquuntur quæ medicina proficiuntur, uifcoſa. Frigida enim ac glutinoſa

à motu alienis sunt. Nonnūquam etiam pituita ipsi atræ bilis multum im-
 fedat, quæ cum suapte natura frigida sit, ubi modum excesserit, hominem
 ipsum aut attonitum reddere, aut obtorpescentem consurcit, aut fatuum,
 aut perquam meticulosum, atq; ignavum. Sæpe etiam origo ipsa mali duci
 tur è sanguine admodum crasso, atq; glutinoso, quocirca morbus hic in spe-
 cies plures diuiditur: siquidem inter morbum comitalem, et hos, quos di-
 ximus, magna quedam cognatio est. Subtilius autem hæc quærere medico-
 rum est proprium. De nimia igitur humectatione, eaq; male fermentata
 occupatum cerebrum, uim illam, cuius proprium est mouere, atq; agitare,
 quæq; à recentioribus motiua dicitur, sic impedit atq; obtundit, ut sensus
 quandoq; ipsos omnino sopiat, quæ re corpus, mensq; ipsa simul etiam
 obstupefcant. Cerebri autem à male temperati humoris superfluentia occu-
 pati signum illud est, quod per sputum ac saliuam etiam spumofam eijcere
 illum natura atq; expurgare nititur, quodq; pueri quoq; propter humidi
 immoderatam affluentiam comitali morbo frequentissime laborant, cum
 senes propter siccitatem uix hæc mala sentiant. Non semper tamen à super-
 fluëtis, glutinosiq; illius humidi copia occupato uniuerso cerebro, meatus
 omnes, unde mouens uis ac sentiens defluit, obstipantur, uerum natura
 ipsa cum euomere quod humidi exuperat, utique contendat, distillatim,
 cõinuatq; in partem unam aliquam corporis humidum ipsum impellit,
 quo assidue defluët, qui obuiam facti sunt nerui, debiles admodum atq; im-
 becilli redduntur: quæ ex imbecillitate ac languore, cū fluor ille noxius usq;
 increfcatur, tremor post inducitur mēbri illius, quem magnopere auget tum
 Veneris immoderatus usus, tum etiam uini, ac cœnarum. Erunt autem pa-
 ralytici, in quorum genitura Sol in sexto ab horoscopo loco, Saturnus uerò
 in duodecimo constituti, inimica radiatione sese inuicem impugnaverint
 è locis istis, qui suapte natura malefici sunt. Ex hac autem impugnatione
 portenditur, Saturnū quidem, quod pituitæ excitator sit, quodq; atræ præ-
 sit bili, his humoribus simul mixtis, cerebrum cui Sol præcipue præsidet,
 assidue infestaturum: quæ ex infestatione nerui postea elanguescant, ac tre-
 morem contrabant. Laboraturi eadem quoq; neruorum resolutione indi-
 cantur illi, in quorum genitura Luna, Mars ac Saturnus iisdem in parti-
 bus coniuncti, duodecimum pariter ab horoscopo locum occupauerint. So-
 le illos opposito è loco aduersis radijs impugnanter. Cum enim Sol ac Lu-
 na cerebri, cordis, uitæ atq; animalitatis ipsius præsidet, à maleficis simul
 stellis, maleficisq; è locis parimodo inficiantur, necesse est illorum quoque
 corpora perniciosus ab humoribus infici adeo, ut uitato cerebro, ad quod
 illi perinde atq; exhalationes è terra sursum in aëra feruntur, indeq; di-
 stillatim, continenterq; per corpus sese diffundant, compages ipsa neruo-

rum resoluitur, utq; corpus ipsum à membris partibsq; destitutū suis, expugnatumq; à concutientibus humoribus, per partes demum ipsas labascit, & corrumpit.

De morbo comitiali. Cap. XII.



AB eodē hoc cerebri uitio, ut medicis tamen hæc subtilius discutienda permittamus, manat comitialis morbus, qui caducus à plerisq; nūc dicitur, Græco nomine, ut diximus, est *ἰκταῖς* + *ία*, quo ubi quis capitur, ē uestigio cōcidit, oreq; spumas agit, post uerò interiecto tempore quo iacuit, excitatis sensibus ad sese redit, seq; ipse solo tollit. Generatur autē nō una ē causa, neq; una eius species est. Siquidē ubi homo repente concidit, oreq; spumas agit, perinde euenit, ac si spasmus, hoc est, neruorū dissentio uniuersum corpus occupet. Verū, ut diximus, medici, quorum cognitio hæc propria est, subtilius atq; exactius hæc querant. Illud tradi uniuersim à nobis potest, mala hæc omnia de pueris, maleq; affectis, atq; contaminatis humoribus cōtrahi, dum uel quātitas superfluens, uel qualitas, pernitiōsa à cōmixtione deprauata, uel ipsemet humor à principio male cōstitutus est, progressūq; habitū, deteriore m induit. Laborabit autē morbo comitali, efficieturq; epilepticus is, in cuius genitura Luna horoscopus tenens, aduersum sese, atq; in occasu constitutos habuerit pariter Saturnū atq; Mercuriū. Neq; enim Luna Saturnusq; propter humorū maiora incrementa cerebrum tantū uitiant, quo ē uitio natus is comitali morbo laborabit, uerū etiam ingenium obtundent, corrupto Mercurio, uitiat isq; mentis instrumentis, quam se dem in capite suam habere iam creditum est. Quōcirca idem hic natus futurus est etiā lentus, ignauus, stultus, fatuus. Eodem quoq; morbo laboraturus uidetur, qui in lucem ueniens hinc Martem, illinc Saturnum solidis ē signis, atq; ex oppositis locis inuicem aduersantes expertus fuerit, alterū scilicet ab ortu, alterū ab occasu, siue ab imo alterum, atq; alterū à culmine. Eundem etiam morbū ingenerabunt, ubi in tropicis constituti signis eadem sibi radiatione aduersabuntur, quodq; tropica signa maioris sint prerogatiue, morbus ipse sanari uix poterit. Quod si eadem hæc cōfiguratio duplicibus in signis fiet, ad morbū ipsum corporis accedet animi quoq; egritudo, ac uitium: quippe cū homini huic nullus futurus sit in Deū metus, nulla religio, crudelitas uerò etiam summa. Nam Gemini, Sagittarius, et Virgo humana sunt signa, ex his autē ac Piscibus quadrangularitas integra cōstituitur, ijsq; ē signis, quæ duplicia uocantur, quæ quidem Iouis ac Mercurij domicilia sunt, cunctaq; simul uitiatur, quibus uitiat is, animus quoq; uitictur oportet. Mars itē & Iupiter

inuicem sese percutientes, alter scilicet è cœli culmine, alter ab imo eundem hunc morbum uitiatil humoribus offerent, qui tamen sanabitur, præsertim si in finibus uterq; suis, aut alter in alterius reperietur finibus: uincet enim Iouis tãdem salutaris benignitas, sed post duodecimũ, aut quintumdecimũ nati annum, quæ tempora utriusq; diuisim sunt stellæ. Vbi enim Iupiter in ea configuratione potentior fuerit, succedet sanitas post annũ duo decimũ, ex quo morbus iam coeperit: si autem Mars, post quintumdecimũ, hi enim sunt Martis anni, Iouis autem illi: Mars item ac Saturnus duplici aut tropico in signo pariter positi, atq; in cardine cœli aliquo constituti, aut in sexto fortasse ab horoscopo loco, aut in duodecimo, quæ loca sponte sua malefica sunt, si Lunã aut cum Sole coeuntem uiderint, luceq; omni uacuam, aut Soli aduersam, atque omnino plenam, uitiatil ex omni parte humoribus, ijsq; perniciose fermetatis, indeq; uitiatil etiam cerebro, non epilepticum modò illum efficiet, in cuius genitura configuratio hæc contigerit, sed, quod magnopere timendum est, insanum. Eundem quoque morbum comitalem, eandemq; insaniam minatur Saturnus, cum genitura et tempore in occiduo cardine constitutus Lunam alio in cardine siue è quadrangulo, siue ex aduerso loco constitutam uiderit, præsertim si huic ipsi configurationi illud quoque accesserit, ut Mars Mercuriusq; tropico in signo partiliter coniuncti, Lunã Saturnũq; quacunq; radiatione respexerint. Vbiq; enim his in configurationibus Mercurius maleficis à stellis uerberatus, cui præsidet mentem infectus ipse inficit. Quod si Iupiter superiore è loco Martem afficiens, illius rabiem moderabitur, Lunamq; ad se proficiscentem benigne aut acceperit, aut iamiam sit accepturus, nimirum morbus ipse curabitur, uitio ipso per uomicam expurgato. In graui enim periculo constituto, morboq; ex hoc laborãti, ratione hac illi Iupiter suppetias feret. Mars item ac Saturnus iisdem simul in partibus copulati, ipsoq; in horoscopo collocati, in signo quidem seu tropico, seu duplici, si Iouem ab oc casu sibi, horoscopoq; aduersantem conspexerint, eum qui hac sub configuratione in lucem uenerit, comitali morbo infestabunt. Neque enim Iupiter liberare illum poterit, cum septimi loci peruersa uis, Martis Saturniq; improbitati ad ita salutarem eius naturam conficiat, forsitan etiam in furorem agent: quippe cum Mercurij, ac Iouis domicilia, quæ quidem duplicibus in signis constituta sunt, configuratione ab hac corrumpantur. Luna quoq; mediũ cœli possidens, si ex ipsa duplici in signo posita, Martem in imo positum, in signo etiam duplici contra se stantem uiderit, Saturnusq; ab occasu utriq; quadrangulabitur, comitali morbo eum qui tunc nascitur, utique afficiet, exagitatis multifariam, uitiatilq; humoribus, qui morbum ipsum excitabunt. Rursus Luna Soli ac Marti partiliter copula-

tā, cumq; his simul in coeli pariter culmine collocata, eundem morbum
 ingenerabit, uitiatō ab humorum excessu cerebro, si tamen aut Saturnum
 secum in culmine coniunctū amplectetur, aut illi in occasu posito quadran-
 gulabitur, quinetiam mentem ita turbabit, ut fortē à recto illum uitae ordi-
 ne retractum in furorem impellat. Ad hæc Sol, Luna, Mars, et Saturnus
 duplicibus in signis cardinaliter constituti, ea tamen ratione, ut Sol in Ge-
 minis positus orientem coeli partem teneat, Luna in Piscibus culmine, et
 Mars in Virgine imum, Saturnus in Sagittario occasum occupet, comitia-
 lem morbum portendunt. Idem Sol eundem portendit morbum, ubi in
 Martis, aut Saturni domicilio constitutus, horoscopus partiliter cum Mer-
 curio occupauerit: aut si fortunæ locus in aliquo maleficarū domicilio in-
 uentus fuerit, Sole ipso ac Mercurio pariter horoscopum tenentibus, atque
 in aduerso loco, id est, in occasu Martem ac Saturnum constitutos intuenti-
 bus, quinetiam præter comitalem morbum uiolentam mortem obnuntiat.
 Ad hæc nō comitalis modò morbus innuitur, uerum etiam insania, morsq;
 ipsa uiolenta portenditur ei, qui Saturnum, aut Martem in undecimo ab ho-
 roscopo loco, dum ex utero matris prodit, sortitur: aut altero undecimum
 locum tenente, alterum Lunæ copulatum, aut illi quadrangulante nati-
 fiscetur, dum tamen siue Saturnus, siue Mars quauis Mercurium radiatio-
 ne pulsauerit. Eundem quoq; morbum comitalem, animiq; languorē quen-
 dam, ac fatuitatem decernit Luna in horoscopo cōstituta, si Saturnum ac
 Mercurium ab occasu hosticum in modum secū agentes intuebitur. Quine-
 tiam uiolenta mors portenditur, si Mars hac in configuratione aliquem et
 ipse cardinem occupauerit. Futuri etiam cum Lunatici, tum insani uiden-
 tur, in quorum genituris Luna Soli partiliter coherēs, aut rursus Soli ad-
 uersa, ac plena cardinem quempiam sortita Marti quadrangulabitur, Sa-
 turnumq; aut è quadrangulo, aut ex aduerso loco intuebitur. Qua in con-
 figuratione illud forte cūenit, ut utraq; malefica cardinē sibi aliquem uen-
 dicet, ad maleficā uim acrius exercendam. Eodem etiā morbo capientur,
 quicumq; Iouem in ortu, Martem in occasu collocatos genituræ suæ tempo-
 re sortiti fuerint, dum tamen Mars Solem, ac Lunam quacūq; radiatione
 repperit. Futuri quoq; sunt aut lunatici, aut insani, aut languido saltē cor-
 pore, quicumq; in lucem uenientes nocturno tempore Saturnum in culmi-
 ne habuerint, Lunam uerò ab ipso Saturno ad Martis coniunctionem fue-
 rint proficiscentem sortiti. Mars quoq; in imo, hoc est in quarto ab horosco-
 po loco positus in diurna genitura, et languore, et comitali morbo affice-
 re consuevit: quo tempore si horoscopus Sol tenuerit, in Martis quidem
 domicilio collocatus, locusq; fortunæ similiter in Martis domo constitu-
 tus fuerit, insanos, ac lunaticos illos faciet, qui tunc è matris utero prodie-

runt. Sol item in octauo ab horoscopo loco situs, si Luna et quidem plena diametrabitur, aut illam coniuncta partiliter eodem ipso in loco secum habuerit, Mars aut ac Saturnus aut cum iisdem copulati fuerint, aut rursus illi oppositi, aut quadrangulati, eius qui tunc nascetur, caput ita grauabit humoribus, cerebrumque uitabit adeo, ut inde lunaticus, ac comitalis morbus erumpat, natusque ipse sepius eo morbo intercipiatur, desipiatque interloquendum. Quanquam autem insania mentis est potius quam corporis uitium, malaque animi affectio: nihilominus quoniam explicandi ratio sic fert, de ea quoque subsequenti in loco dicemus.

De insania. Cap. XIII.



Insaniam species ea, quae Graece dicta est *μανία*, acutis inter febribus aegros desipere, et loqui et agere aliena cogit, mentemque uanis quibusdam imaginibus per sepe addicit. Verum est phreneticorum numero alij quidem hilares, alij tristes sunt, alij inter loquendum desipiunt, alij furore aguntur, alij simulationem atque artes adhibent, ut post custodibus inferre manus ualeant. Est et altera species, quae ferè incipit sine febre, post uero, ut Celsus ait, febriculas excitat, consistitque in tristitia, quam uidetur bilis atra contrahere. Tertia species eorum est, qui aut non falluntur mente, uerum imaginibus, quae obijciuntur, ut de Aiace, de quo Alcmaeone Poetae tradunt, aut et animo quoque desipiunt. Quocirca insania ipsa uaria est, perinde ut ebrietas, quod aliam diximus: quando, ut Aristoteli placet, atra bilis perquam simile uinum est: ut enim à uino ebrietas, sic ab atra bile ciatur insania. Euenit autem hoc ex eo, quod natura ipsa calore utitur ac frigore quibusdam quasi ministris, calorem autem moderatum esse oportet, frigus uero caloris est priuatio. Ab horum igitur intemperantia defectus excessusque in generatione proficiuntur. Ex atra itaque bile uarij generantur morbi, perinde ut ipsa aut frigida, aut calida multum in se habuerit, cum utriusque suscipiendo sit quam aptissima, tamen si suapte natura frigida est. An non aqua quoque cum frigida ipsa sit, à calore sic afficitur, ut et ferueat, et quam flamma acrius etiam torreat? Eadem quoque à frigore nonne sic cogitur, ut in glaciè utique rigentem concreseat? Quod obrem qui ab ea excitantur morbi, naturam quoque eius, affectionemque sequuntur. Itaque insanorum alij furij agitantur, terrenturque imaginibus, alij solitudines quaerunt, alij in risum soluantur nimium, aut nimiam rursus in tristitiam deiciuntur, alij denique alij rapiuntur excessu: Cum sint etiam qui Deos esse se sibi ipsi persuadeant, alij qui se mortuos existiment, atque ex hoc etiam humore Sibyllae uatesque futura praenuntiet. Ad quam intemperantiam, diuersitatemque gignendam plurimum

plurimum conferunt Martis ac Saturni habitus in hominum genituris, quorum alter ruse quidem, alter uero atræ præsidet bili: cum etiam Mars sanguinem calore suo inflamment, Saturnus autem pituita euocet propter frigus. Mercurij quoque status, qui et rationi præsidet, et cuius effectiones atræ bilis quamvis similes sunt, cum primis considerandus uidetur. Quoties igitur in alicuius genitura Mercurius in Virgine, quæ et domus, et altitudo eius ipsius est, constitutus, aut in aduerso signo, hoc est in Piscibus, quibus ipse subirasceatur, positus, horoscopus partiliter tenuerit, atque à Marte, Saturnoque, è quadrangulo percussus fuerit, natus is ab insania uexabitur. Hæ namque tres stellæ hostilem hunc in modum, atque è cardinibus sese impugnantes, atram bilem sic exagitabunt, ut mentis inde intemperantior agitatio subsequatur: cum præsertim signū, in quo tribunal suum Mercurius exercet, ipsum quoque infestetur eadem ipsa maleficarum impugnatione. In deiectione autem sua, quæ in Piscibus est, positus, tanto facilius de gradu, autoritateque deiicietur sua, cū illinc et domus, et altitudo, hoc est, rebus ipse suis aduersetur. Agitabitur insania et ille quoque, qui in lucem ueniens Martem ac Saturnum habuerit, alterum in culmine, alterum in imo consistentem: à qua sanabitur tandem, si Mercurius irradiationem illis suam obiecerit. Quod si aspectus ipsi maleficarum partiles omnino fuerint, uix unquam sanabitur: quæ si suis in finibus collocatæ fuerint, aut commutata sede Mars in Saturni finibus, Saturnus in Martis fuerit finibus collocatus, atque, ut dictum est, alter imum, alter summum cardinem obtineat, tunc liberabitur, cum Mars quintumdecimum, Saturnus uero trigesimum annum confecerint, ex quo insania ipsa coeperit. Quæ in re aduertendum est, uter horum sit in configuratione ipsa potentior. Mars quoque ac Mercurius in occasu, septimoque in loco ab horoscopo constituti genituræ cuiuspiam tempore, si Venerem quoque eodem illo in loco secum copulatam habuerint, consuecere non modò iecinoris uitia decernere, occultamque aliquam ualetudinem (præsidet enim Venus iecinori) uerum et insaniæ, et atræ bilis uitia, morbosque inducere, delirij quoque, mentisque alienationem, et eam quæ phrenesis dicta est, forsan et cardiacum morbum pro natura signi adducet Sol in octauo ab horoscopo loco positus in genitura cuiuspiam, si tamen Martem, aut Saturnum secum coniunctum habuerit, aut è quadrangulo, oppositoue loco uiderit hostiliter insultantem. Quod si Luna octauo in loco cū Sole coeat, aut contra illam plena, atque aduersa fronte constituerit, hisque ipsi luminaribus hunc in modum constitutis, si Mars Saturnusque aut copulentur illis, aut diametrentur, aut forte quadrangulentur, non solum perniciose ualetudines indicantur, uerum caput ipsum ac cerebrum noxiorum humorum superfluentia, continuamque illorum exagitatione infestandum

decernitur, ut qui sub hac configuratione natus fuerit, aut lunaticus fuerit, aut sit, aut mente captus à recto uiuendi ac loquendi ordine, rationeq; detorqueatur, aut uiliginosus impetiginosusue, aut phthisicus, aut hydropticus, aut elephanticus, forsàn etiã paralyticus, aut claudus, aut gibber, aut mutilus fiat, pro natura uidelicet signi. Eadem hæc uitia ualitudinesq; portenduntur, si hæc Solis, Lunæq; configuratio contigerit in secundo, aut sexto, aut duodecimo ab horoscopo loco, perinde ut dictum est ab octauo portendi.

Decimi libri de rebus coelestibus finis.

IOAN. IOVIANI PONTANI

NI AD COSMVM PACCIVM

Præfulem Florentinum, De rebus coelestibus

Liber Vndecimus.

PROOEMIUM.



GNEM Physici tradūt Cosme Pacci, nullo modo putrescere, ceterū terrā, aquā, aërem, materiā quasi quandā esse illi à natura subiectam, in qua ius suū exerceat: Aërē quoq; ipsum et terras ambientē et aquas, à quo et foueamur ipsi, et hauriamus spiritū, ita quidē affici, ut modò calor in eo exuperet, modò tenuetur, adeò ut quasi statim de suo decidat, eijciaturq; à frigore, quod absq; caloris minime existit penuria. Porro calorem cõtendunt, ac frigus, cū agendi ius, atq; autoritatē retineāt, ubi in exuperantiā abeūt aliquā, feruuntq; in excessum, animantium corruptionis esse causam, scilicet cū ab aëre ipso plus æquo calefacto in situs ille animantibus calor longē nimium exagitatus atq; incensus humescēt ipsam uim à qua uitalis calor foueatur, ita quidē exiccatur, exhauritq; ut exueto, aut potius exhausto humido, inarescat adeò corpus, exicceturq; uitalis uis, ut uerso in feruorē calore, exusta corporis compage, mors sequatur, atq; gignentium interitio: aut rursus cū nimio plus à frigore occupato aëre, ita quidem uitalis deijcitur calor, externo à gelu uictus, prostratusq; ut paulatim hinc concreto humido, illinc destituito à calore corpore.

corpore, animal extinguatur. Itaq; genus hoc corruptionis quod externo aut à calore inducitur, aut à frigore in immensum aucto, ad aërem phisici referunt, qui pro tempore uehementiorem in modū ab illis afficitur: quippe cuius natura est, patiēdo affici. Intemperantissimè igitur affectus aër aut humidū exhaurit omne, ad auctis in excessum innati caloris uiribus, cum nullum ei pabulū relinquatur, aut summam ob caloris ipsius inopiā, concreto tandem humido immoderanterq; grassante frigore inerudescit adrō, obtorpescitq; , ut caloris primo ingeniuit, et mox animantium sequatur interitus. Hec igitur ē phisicorum sententiā aëris est natura; uti caloris imperijs subiectus ac frigoris, nūc in hunc, nunc in illum sese uertat excessum, cum uis hæc passiuā sit eius, ut alterius pro tempore, proq; coeli motu alterius imperata faciat. Quod si calori ac frigori materiæ loco aër sese exhibet, non corrūpendis modō, uerum etiā generandis rebus (sit enī generatio cōuertendis inuicem, perinde ac rebus ipsis insunt, potentijs, agente calido ac frigido: contra uerō perpetiente humido, atq; sicco) quanto campus eius et Soli et Lunæ, et erraticis stellis debet esse patentiore? Cum aër ipse penu quasi quoddam sit, ac receptaculum exhalationum omnium, siue exeuntū in uaporem, siue in fumū, caliginemq; aspirantium. Igitur siue ad generationem respexeris, siue ad corruptionem, summo etiam phisicorum consensu, aër hic pro materia sese calori cum exhibeat ac frigori, necesse est tum ad salubritatem, tum ad malā corporis ualetudinem sese Soli ac Lunæ, stellisq; alijs pro materia tractabilem ut exhibeat: quandoquidem in aëre ipso stellæ perinde ac in agro quodam, quod agricolarum proprium est officium, semina spargunt sua, quæ ubi coaluere ueneruntq; ad maturitatem, fructus tunc suos, hoc est, effectus proprios in hominum corporibus pro diuersitate profirūt seminis, proq; insita ipsis qualitate, siue simplici, siue mixta, siue excedente, siue contra deficiente, quibus ē causis ægritudines plerūq; eueniunt, siue etiā modū retinente ac pensum, quod salubritati causam præstare est solitum. Quis autē inficiabitur calori rebus ipsis insito, ac frigori alternis fomentum à Sole, Lunāq; et stellis subministrari, pro anni temporibus, significariq; orbis conuersione, et motu? Testatur hoc ipsum hyems quidem frigus, æstas uerō caloribus augendis. Atq; ut humorum concoctio, consummataq; illa digestio sanitatem gignit, sic ē contrario cruditas ægritudinem, languentemq; ac ualetudinariū corporis habitum. Quod si hæc ad res tantopere, quod phisicis placet, cōfert aëris, in quo uiuimus, et à quo spiramus, affectio, qualis fuerit, qualisq; eius habitus, huius uerō ipsius et habitus, et affectionis primaria causa à stellis, ut pote superioribus ē corporib. manat, qualitates ipsas inducētibus, easdemq; et uersantibus et

alternantibus: quid mirum si egritudinum quoque causas mathematici ad
 stellas referunt, cum frugum quoque uitia ad temporum plerumque qualita-
 tes referantur, quæ à Sole stellisque temperantur? An non Aristoteles, cuius
 studiosi qui sunt, è scriptis hoc eius abunde nouere, ad orbem significum
 longè plura refert, quàm ipsi etiam mathematici, et ad Solem item ac Lu-
 nam, quam minorem quoque Solem appellare non dubitat? Itaque ut elemen-
 tis ipse quatuor, qualitates etiam quatuor inesse tradit, has quæ agant qui-
 dem, calorem sanè, ac frigus, illas uerò quæ patiuntur, humidum, ac siccum,
 sic è stellis septem mathematici alias masculam præ se ferre uim, alias fo-
 mineam uolunt, aliasque calorem auclare, alias frigus, has humidum, illas sic-
 cum fouere, ijsque ex effectiõibus eam quam uidemus, animantium ac re-
 rum existere tantam tum uarietatem, tum copiam. Verum ut ad egritudi-
 nes reuertamur, quæ de corruptionis sunt genere, earum alie corpus tan-
 tum afficiunt, alie mentem quoque, animamque, ipsam uexant, quæ corporis
 est perfectio, utiturque ratione: quædam ex ijs adeò quidem mentem exagi-
 tant, labefaciuntque; rationis usum, ut uitia rectius dicantur, quàm egritudi-
 nes, quæ tamen ipse de malo siue stellarum statu, siue ob agri naturam, so-
 lique male constituti malitiam, siue utranque ob causam enascantur, stellis ipsis
 cum primis ascribendæ sunt: de quibus à nobis et dicta sunt satis multa,
 et dicentur libro hoc haudquaquam pauciora.

De uiligine siue morphea.

Cap. I.



Uiligine, quæ hodie apud uulgus est morphea, præterquam
 quod sceda ipsa est, è malo fit corporis habitu, serpitque la-
 tius, et altius descendit. Tres eius à Celso species tradun-
 tur, due albidæ, tertia subnigra, et umbræ similis, quo
 morbo homines soli ob cutis tenuitatem, quippe qui serè
 soli ex animantibus apertissime canescunt, corripì consueuerunt, atque ubi cu-
 tis laborat, pilum quoque laborare necesse est, atque inde desuere, quacumque
 uis illa serpat, quam natura ipsa ob corruptionem seceruit, eamque ut è cor-
 pore exigat, ad cutem propellit, cutemque ipsam aspirando ad illam uitiat.
 Oritur autem è sanguine, quem pituita crassior uitiat: quodque nunc remis-
 sius, nunc uehementius agitur, due inde species existunt, utraq; tamen al-
 bida. At quæ subnigra, oritur è uitio, quod rubra bilis in atram de nimia in-
 flammatione uersa, sanguini ipsi attulit, cutemque sic afficit, ut ex ea fia-
 res, et quæ à Celso squamule dicuntur, resoluantur. Mercurius autem in
 sexto ab horoscopo positus loco, Lunaque iam crescenti copulatus, uitiosae
 contrahere uoletudines solitus est, corpusque nati illius in cuius genitura hoc
 euenierit, albis maculis et inficere, et uariare. Etenim Luna exagitata à
 se pituita

se pituita illa crassiore, de qua dictum est, sanguinem uitiat, cui etiam uitio accedit Mercurialis humoris pernitiōsa contagio: quā ē re infecto sanguine, cum excernere natura ipsa quod inest corruptū studeat, ad cutem illud excutit, indeq; uitiata cute ac pilis, macule illic inalbescunt, eo foediores futuræ, si natura signi ad malum hoc sese adiunxerit.

De impetigine. Cap. II.



Imile uitium est impetigo, quæ in cute quoq; gignitur, nunc rufa, nunc nigra, pro sanguinis ipsius corruptione, qui aliās de nimia inflammatione, aliās ab nigra bile, aliās ab humenti, salsaq; pituita infectus, hoc euaporationis genere expurgare se nititur, atq; hac uia cutē uitiat. Quos it, ut Celsus quatuor eius species esse dicat, quæ rubescat, quæ sit etiam aliquāto rubicundior, quæ nigrescat, quæq; subalbida sit, quā deterrimā dicit, uidelicet ob sanguinis inflammationē, ac pituitæ, aut atræ bilis cōmixtionem ac uim. Nonnunquā etiā in impetiginē transire medici tradūt papulas quasdā, quas Græci ueteres ἀγρία, hoc est feras, uocauerunt: quod uitij genus denūtiari à stellis solet, quoties in genitura Mars in Cancro, aut Scorpio, aut Capricorno, aut Piscibus inuentus Luna ē fronte oppositam uiderit. Ex his enim signa tropica, ut dictum est, maiore quadam auctoritate prædita sunt, quorū etiam alterum triangularitas Martis est, ac Lune domicilium, alterū Martis ipsius altitudo, cum Scorpium peculiare quoq; ipsius hospitium sit, Pisces autē sint squamosi, et hi morbi squamulas uagando ac serpendo in summa cute resoluāt. Itaq; cum sit natura feruentiore Mars præditus, atq; hinc proprio à signo foueatur, illinc à Luna oppugnetur, sanguinē ita infestaturus uidetur, ut ex infestatione hac turbulentia nascatur ea, quæ aut impetiginem, aut porriginē, aut fortasse scabiem etiam tetrā contractura sit. Quinetiam si Luna, Saturnus, et Mars nascente aliquo æquinoctialibus in signis pariter constiterint, nati illius corpus, sanguinemq; ita inficiant, ut is futurus sit aut uutiliginosus, aut impetiginosus, aut leprosus, uitiāq; ipsa cō maiora et acriora erūt, quod stelle ipse potentiorē cœli locum ad malefaciendū natiæ fuerint: sepe etiā id efficiant, ut corporis ipsius cutis asperior effecta et pruriat ubiq; et squamulas ferē assiduas stringat. Et quoniam in scabie ac lepræ mentionem incidimus, non alienum uidetur paucis explicare, de cuius humoris corruptione, aut pernitiōsa mixtura, mala hæc oriuntur.



Scabies igitur fit, quoties sanguis cui rufæ bilis multæ inest, ac pituita, quæ salsior est, unâ cōmīscetur, quæ cōmixtione humor ille salsus, quem natura excernens ad cutem propellit, pruritu illic excitat, unde scabies dicta est: quod si tenuior humor fuerit, in pruriginem abit: sin crassior, pustulas gignit: qua ratione et uia humor ipse ab interioribus ad exteriora propulsus, nunc priuando expurgatur, nunc putrescendo. Sordes quoq; tibi item, potusq; intemperantia, necnon et cōtagio scabiem per sepe ingenerat. Lepra uerò, quam tetram scabiem non semel uocauimus, non solū contagiosa, uerū etiam hereditaria est, quippe quæ à parentibus in filios transfundatur, ob genitale semen uulto illo infectum. Oritur aut atra è bile, quæ frigidity ac siccitate nimia sanguinem ipsum conficit, alimentaq; quibus enutritur corpus corrumpit, exiccataq; uehementius, cūq; his semen quoq; genitale, quod è sanguine ipso manat. Hæc igitur ipsa tetra scabies ubi ex atra illa bile contracta est, quæ quidè rubra maiorè in modum incensa defecit, lacertos, atq; artus ipsos paulatim exest ob innatam sibi abiem. At ubi bilis ipsa è feculentia subseedit sanguinis, extremas corporis partes minimè tægit, quippe quæ in initio plerūq; curationem recipit. Ignis etiam sacer ab eodem ferè fonte ducit ortum, cū pustulis ijs cognatus sit, quæ crasso fiunt è sanguine, isq; sanguis multum in se nigræ bilis habet. Cū autem duo sint eius genera: alterū quidem exasperatum per pustulas, ut Celsus tradit, cōtinuas ac plurimas, quarū nulla sit maior altera, sit maxime in pectore, aut in lateribus, aut eminētibus in partibus, præcipueq; in plantis: alterum uerò in summa cutis exulceratione, sed sine altitudine. Atq; ut illud est subrubicundum, aut pallore, ac rubore mixtum, sic hoc est subliuidum, cumq; medium sanescit, extrema procedunt. Scabiem Celsus esse ait cutem rubicundam, è qua pustule oriantur quædam humidiores, quædam sicciore, ut è quibusdam tamen sanies quoq; exeat, fiatq; cōtinuata exulceratio, quæ et pruriat, et nonnunquam cito serpat, quoq; asperior ipsa est, quoq; prurit magis, eo difficius tollatur, quæ à re ægyptiā, id est ferā, à Græcis appellatam existimat. Sæpe etiam licet ex toto desierit, anni certo tēpore reuertitur. Humores igitur è quibus hæc morborū genera oriūtur, à Marte ac Saturno Lunam percutiētibus præcipue excitātur: excitati aut nūc de nimia inflammatione, ac calefactione sanguinē uitiāt, nūc de nimia frigidity ac siccitate, ali quando de pituita, quæ et crassa, et salsa admodum sit. Quarum rerum denuntiatio sit genituræ tempore à statu configurationeq; præcipue triū harum stellarū, quæ humoribus his præsidet, atq; à natura signi, in quo

stellæ

stellæ ipse reperitur: æquinoctiali namq; in signo simul collocatæ, cum æquinoctialia signa magnæ autoritatis sint, atq; è quadrângulo solstitialia percutiant, nati corpus aut albis dedecorabunt maculis, aut serpentibus vitijs, aut squamulis minutioribus exasperabunt, aut scabie diuturna vexabunt, aut etiam lepræ teterrimo morbo inhonestabunt, pro stellarum ipsarum inter se prærogatiua et uiribus.

De Elephantia. Cap. IIII.



St etiam morbus quem *ἰλιπάρια* Græci uocant, quiq; in Italia olim ignotus penè fuit. Is totum corpus afficere, ossa quoq; uitare consueuit. Summa itaq; corporis, ut Celsus ait, cutis crebras maculas, crebrosq; tumores habet. Hæ macule rubescunt primo, post in atrum uertuntur colorem: cutis autè inæqualiter uariat, quippe quæ nunc mollis, nunc dura est, nunc crassa, contra nunc tenuis, quinetiã squamulas quasdam resoluit, exasperaturq;. In initio elephanticon corpus macie quidè afficitur, ceterũ os, suræ, pedes intumescunt: post ubi morbus ipse conuenit, manũ ac pedum digiti sic intumescunt, ut sub tumore ipso condantur, demũq; exorta febricula, facili obrutus tot malis homo emoritur. Portenditur autè hoc morbi genus, cũ Luna in culminis successione, hoc est, in undecimo ab horoscopo loco constituta, ibidem cum Sole coit, Iupiterq; cũ ipsdem eodem pariter in loco inuenitur, Saturnus uerò ac Mars horoscopum percutiunt, alter è quadrângulo, alter ex opposito loco: Præsertim si aut Mars aut Saturnus æquinoctiale signũ insident, hoc est Mars Arietẽ, in quo domicilium obtinet, Saturnus Libram, quo in signo altitudinem habet suam, cum etiã Mars in Libra collocatus domicilio opponatur suo, Saturnus in Ariete altitudini. Hæc etenim cõfiguratio ob aspectus tam infensos necesse est humores ipsos ac præsertim sanguinem ex omni parte labe faciat, in qua Iupiter suo præsertim, hoc est, undecimo in loco à Sole uritur, Lunaq; cũ Sole deliquescit. Mars uerò ac Saturnus loca opportunissima nasci sunt ad hoc ipsum mali genus perpetrandũ. Idem etiã elephantie morbus portenditur diurna in genitura à Marte, Venere, ac Luna, ubi tropicis in signis positæ inuicẽ sibi diametrabũtur: Dum tamen Saturnus easdẽ ipsas stellas de Leone uideat, seu de Tauro, Sagittario, aut Piscibus, quãdo in seßu suo et Taurũ inscit, Veneris domũ, et Venerem etiã ipsam intuitu suo lacescit, et Pisces eiusdem altitudinẽ, cũ etiam succedat Taurus Arieti, Pisces uerò descensionẽ eius teneãt, ad hæc in Leone collocatus sucensionẽ tropici signi, hoc est Cæcri, in Sagittario aut Capricorni descensionẽ occupat. Quid quòd Sagittarius à Cæcro illinc sextũ, binẽ octauũ sibi

locū uēdicat, Leo iū à Capricorno, uterq; aut locū disiunctus, atq; perniciosus est, in quorū altero, quā in utroq; Saturnū inueniri diuersam operationē necesse est, Venere, Marte, ac Luna partim è Cācro, partim, è Capricorno sese impugnantibus. Pisces quoq; sextū à Libra locū obtinent, Taurus octauū, Itaq; ratione eadem Venere, Marte, ac Luna è Libra, Arietēq; sese laceffentibus, si Saturnus inuentus fuerit in Piscibus, descensionē quidē Arietis, sextū uerò à Libra locū nanciscetur: sin in Tauro, Arietis succeffionem, octauū à Libra locū obtinebit. Rursus Luna in Tauro comperita natali tempore, si Saturnū sibi è Scorpio aduersantem uiderit, aut mutata sorte Luna Scorpion, Saturnus Taurum obtinuerit, nec benefica stella radijs suis Lunam ab hostica Saturni irradiatione protegerit, elephanti uitū minuitur. Hec enim ipsa Lunæ, ac Saturni tā aduersa radiorū cōmixtio, atq; è signis, in quorū altero Luna extollitur, in altero cōtrā deicitur, hinc multū crasse, salsūq; pituitæ, illinc multū nigre bilis de fluxurum indicat, quā ob causam uitiatu sanguis elephantiā inducet.

De Calculis. Cap. V.



Calculi uitio solus homo uexatur, quod eius uesica in qua gignitur, angustū admodū os atq; canalē habeat. Ea et pisces plerūq; et aues carere cōpertum est: et quibus inest animatibus, ut quadrupedibus, ea meatus laxiores ipsūq; canalē sanē quā amplū atq; adaperitū habet, unde facilis est qui in illam influxerint, humorū emissio. Terreni igitur humoris quicquid in illā intrusum est, ubi se creuit sese, atq; subsedit, quod in matula cernitur, uitreisq; urinarijs, nec propter canalē angustias excernitur, paulatim concrefcit, arefactūq; à calore fit crassius. Siquidem particule ipse sibi inherentes dum ab exitu prohibentur, in calculi formam sensim coactæ transeunt, dolorq; inde oritur, dum natura emitte illum nititur, contrā angustie canaliculi, ne exeat, prohibent. Totum aut hoc uitium Saturno uidetur imponendū, quoniam tum uesicæ, tum humori terreno præsidet, ac suapte natura maleficus est. Erit igitur calculosus, laborabitq; hoc uesicæ uitio, quisquis genituræ suæ tempore, modò ea diurna fuerit, Saturnū cū Mercurio simul octauo in loco ab horoscopo, hoc est, in occasu decessione sortitus fuerit: forsā uentris quoq; uitio laboraturus est, locus enim octauus cum sit gratuito noxius, ut dictū est, Saturnusq; ac Mercurius cum bilem, quæ atra est, summū in modū excitent, ipseq; Saturnus diurno letetur tempore, efficiaturq; ad malefaciendum potentior, nimirum morbū hunc ingeneraturi uidentur. Siquidem calculi, ut dictū est, concrefcunt ex humore terreno, qui in uesica subsederit.

De quibusdam siue uitijis, siue ægritudinibus in
generali. Cap. VI.

Minimo autem Saturnus, præsertimq; perniciosus in locis constitutus, perniciosos latere isq; humores excitat, eosdemq; continuos, atque eo magis, si Mars uires illi suas ad nocendum porrexerit. Etenim quocunque in signo simul positi (tanta est utriusq; malignitas) occultos corporis dolores excitant, ac tum neruos, tum etiam stomachum, intestinaq; instant: iidem in sexto, aut duodecimo loco simul positi, præsertim in signo duplici, aut tropico, aut si in eodem ipso signo fortunæ quoque locus partiliter inuentus fuerit, non solum uitia ægritudinesq; corporibus minantur, uerum etiam animo ac menti, præsertim si et illud accesserit, ut Lunam Solemq; quadrangulo, aut opposito è loco feriant. In hac enim configuratione tum Sol et Luna, uitæ nostræ duces maleficarum irradiatione noxia instantur, tum fortunæ locus illarum in seissione ex toto inficitur, ut necesse sit animum quoq; nedum corpus male affectum iri. Fit magna quoq; malis his accessio à locis inconiunctis, atq; auersis propter insitam noxam, et à signis tropicis, propter magnitudinem autoritatis, aut duplicibus à signis. In Piscibus enim Saturnus ac Mars constituti Virginem ab opposito loco uerberant, humanum quidem signum, Mercurijq; qui rationis dator est, domicilium, atq; altitudinem. In Sagittario Geminos lace ssunt, eiusdem quoq; Mercurij hospitium. In ipsis autem Geminiis aut Virgine, in se ssu suo longè illa uehementius corrumpunt. Denique partim in se ssione sua, partim è quadrangulo, aut diametro irradianes, signa ipsa duplicia undiq; instant, ut non temere duplicium signorum ratio hac præsertim in configuratione habenda uideatur. Mars quoq; uitia, ægritudinesq; decernit, ubi duodecimo, aut sexto in loco collocatus, à Sole Saturnoque conspectus fuerit. Locus enim gratuito noxius, et Solis aut Saturni aspectus, Marti stimulos ad male faciendum adiungunt. Saturnus in occasu collocatus, si luminaribus ipsis cardinem cœli aliquem aut simul aut separatim tenentibus diametabitur, aut quadrangulabitur, stomachi uitia, malumq; decernit habitum, ob frigus, perniciososq; humores, cum ipse stomacho, intestinisq; præsideat. Idem Saturnus in secundo loco, id est, in ascendente successione, aut in quarto loco, imoq; in cardine genitura inuentus, ei qui tunc nascitur, graues, ac nonnunquam diuturnas minatur ualeitudines, ad hæc horrores corporis stomachiq; præsertim dolores: è duodecimo etiã loco, horoscopi; descensione ægritudines et quidè grauissimas, si aut Luna ibidem copulatus fuerit, aut Luna ipsa cardinem aliquem tenuerit. Erunt aut ægritudines multo grauiores, si genitura ipsa nocturna

ra fuerit, quo tēpore & Luna est potentior excitādis humōrū fluoribz
 & Saturnus conditionē contrariā sortitus, ex hac indignatione magis ac
 magis ad nocendū irritatur. In sexto etiam loco, occasusq; descensione Sa-
 turnus cōstitutus, qui locus gratuitō m^{us} est, ægritudines portēdū, si aut
 Luna deficiens ad eū applicabit, aut ē quarto, oppositōe loco hostiliter se
 se inieubūt. Etenim Saturni perniciosā uis deficiet a Luna mirū in mo-
 dum augetur. Mars itē quinto in loco ab horoscopo positus, si diurna geni-
 tura fuerit, prosternatā loci illius benignitate, in se sū suo, atq; ob aduersam
 conditionē, cū stella Martis nocturna sit, Lunāq; crescenti lumine undeci-
 mo ē loco sibi aduersariē uiderit, in se sū etia radijs suis undecimo loco, quā
 per se benignus est, febres ardentissimas minitatur, quæq; insaniā uidean-
 tur allaturæ. In duodecimo etiā loco collocatus Mars ægritudines quāgrā-
 uissimas decernit, quod itidē quocunq; ē cardine minitatur, præcipuē ubi
 diurna genitura fuerit, neq; benignus aspectus aliquo ē loco affulserit. Idem
 Mars sexto ē loco et propter loci maleficā naturā, & quōd similitudine la-
 tatur, ualetudines portendit. Signi tamē in quo reperitur natura diligētē
 aduertenda est: siquidē signū ipsum ubi incuruū fuerit, consuevit uitii po-
 tius afferre, facietq; aut claudū, aut gibberū. Sol quoq; sexto in loco cōstī-
 tutus graues ac lōgos morbos denūciat, quōd si Mars horoscopū uitauerit,
 etiā uulnera infliget: septimo item in loco, hoc est, occiduo in cardine posi-
 tus tū uitia, tū ualetudines maximas, siquidem horoscopū minaciſimē op-
 pugnat, in quo uitæ ipsius fundamentū est iactū. Quōd si Mars Soli cōiun-
 ctus fuerit, aut quauis irradiatione Sol a Marte percussus, ualetudines futu-
 re sunt uehemētē calidæ atq; ignitæ. Si Saturnus aut copulabitur Soli,
 aut illū irradiauerit, ualetudines futuræ sunt Saturninæ. Sol quoque duo-
 decimo in loco ab horoscopo cōstitutus, & uitia decernit, & ægritudines
 etiam maximas, ob loci perniciosā naturā. Saturnus ac Mars ubi in cardī-
 nibus ita collocati fuerint, ut diametrentur inuicem, Lunāq; aut ē qua-
 drāgulo in cardine constitutā uiderint, aut ē diametro, qua ratione necesse
 est alteri eorū cōiungi, pedū debilitatem, ac languorem portendūt, præſer-
 tim si Luna ipsa in nouissimis inuenietur Libræ partibus, aut Capricorni,
 aut Arietis. Vbi enim Luna in Libra cōstituta fuerit, necesse est Saturnū ac
 Martē, quō eidem quadrangulētur, sibiq; inuicē opponātur, alterū in Can-
 cro, alterū in Capricorno tropicis uidelicet signis constitui, quibus ē locis
 Saturnus illā in eius altitudine, propriāq; sub iurisdictione constitutam mi-
 rum in modū infestabit, ac sua ē domo, si in Capricorno collocatus fuerit,
 sin in Cancro, nō ipsam tantum Lunam, sed Lunæ ipsius domicilium infe-
 ctum præſentia sua reddet, quo tempore Mars aut ex altitudine sua, aut ē
 triangularitate radios quoque in illam suos iaculabitur: nam Capricornus

Martis

Martis altitudo est, Cancer triangularitas: cumq; Lunæ domus sit, presentia quidem sua domum corrumpet, quadrangularitate uero Lunam, domus ipsius dominam infestabit. Idem autem hoc continget, si Luna fuerit in Ariete constituta: sin in Capricorno, et Saturnus Libram teneat, Mars Arietem, alter ex altitudine, alter è domo sua illam flagellabit, Mars sibi altitudinis iure subiectam, Saturnus domicilij. Quod item continget, ubi Luna in Cancro fuerit constituta, Saturnus uero in Libra, Mars autem in Ariete. Sed nec minor corruptio signorum futura est, si Mars Libram, Saturnus Arietem, et se inuicem ex opposito loco, et Lunam è quadrangulo infestauerint: quibus è rebus utraque malefica maximas sibi uires ad impugnandam Lunam à dextra sinistraq; accumulabit, atq; eo magis, quòd ultimi signorum fines maleficis ipsis addicti sunt, quippe qui suapte natura malefici quoque sint et ipsi. Videntur autem pedes ipsi debilitandi ob plurimos humores, eosdemq; continuos, ac lentos, quos Mars, Saturnusq; excitabit, Lunaq; subministrabit, ijq; gravitate, ac multitudine deorsum sua assidue defluent, qua è defluxione debilitas ac lāguor exorietur pedū, Mercurius etiam Saturno copulatus, occasumq; cum illo nactus nocturna in genitura natos ipsos uitiosos, atque imbecillos decernit propter malam humorum permixtionem, qui et lenti erunt, et continuati multumq; in se atræ bilis habebunt. Conditio quoque nocturna, quæ Saturno aduersatur, malignitatem illius eo acrius irritabit. Corporis etiam membrorumq; imbecillitatem Mars ac Saturnus denuntiant ijs, quorum in genitura Saturnus quidem culmen, Mars uero imum coeli occupauerit. Idem hoc malum et in etate quidem tenera Saturnus ac Mars excitabunt, si uterq; simul iisdem in partibus Soli, Lunaq; coeuntibus applicauerint. Sol item ac Luna duplicibus in signis positi, cardinemq; aliquem occupantes, si à Marte ac Luna quadrangula radiatione infestentur, idem mali genus portendunt. Ex hac enim configuratione illud efficitur, ut signa omnia duplici inuicem digladiantur. Si enim Sol in Geminis constitutus fuerit, Luna in Sagittario, maleficarum altera è Piscibus quadrangulabitur, altera è Virgine, aut ab altero signorum ipsorum, in quo simul posita illis quadrangulabuntur: hac enim ratione alterum è duplicibus signis in se suo, aduersis alterū radijs inficiet: quæ cōstitutio cum maxime perniciofa sit, perniciosissimos quoque humores excitabit, quorum mixtura perquam noxia futura est: quo fit, ut mirum minimè uideatur, ex illorū exagitatione atq; affluentia imbecillitatē ingenerari: Neq; enim nisi à noxiorū humorū copia, eaq; male fermentata prouenire membrorū imbecillitas potest, uitiatis ab assidua infestatione neruis, affatimq; defluētibus in eos humoribus, qua è defluxione tū hūlcera, tū abscessus ibidē fiet, utuq; ipsos male habebūt.

De uitijis siue morbis in locis pudendis.

Cap. V II.



Nus quoq; morborū expers non est, in quibus enumeratur uitijū illud, quod fit, ubi circa eū ora uenarū quibusdam quasi ē capitulis sanguinem fundūt. *αἱμορροΐς* Græcè nomen est, quod uerbū à nostris ita receptū est, ut uix aliud sit in usu: tamen si purgatio hæc magis quàm morbus nonnunquā et in quibusdā uidetur, ut medicis placet. Gen eratur autē ferē nimio iecinoris sanguine, cui atræ bilis permultum immixtum est: is autē sanguis ad inferiores partes excretus, ibiq; sese colligens, per ora uenarum quibusdam ē capitulis, ut dictū est, profluit, ab hacq; sanguinis profusione hæmorrhoides dictæ. Portenduntur autē in natuitatibus à Luna cū Marte in occasu, id est, septimo ab horoscopo loco constituta. Ad hæc nocturnis in genituris Saturnus, Mars autē in diurnis occidū cœli cardinem tenens hæmorrhoidas decernit, sanguinisq; profusionem. Idem hic Saturnus eundem decernit morbum, ubi Lunæ diametrabitur, dum tamen ea neq; in sua, neq; in Saturni ipsius domo posita sit, fortē et fistulas ingenerabit. Mars quoq; cardinalis hæc eadem mala decernit, ubi Veneri diametrabitur. Consueuit etiam Saturnus in occiduo cardine positus, si matutinus fuerit, hæmorrhoidas, si uespertinus, aut hæmorrhoidas, aut fistulas circa anū inducere, præsertim Marti qualicūq; ratione configuratus. Hæ autem stellæ maleficæ cum sint, et alter sanguinem accendat, alter nigræ bilem foueat, Lunamq; corporis dominam infestent, præsertim noxijs à locis, aut ē cardinibus, sanguinem hac ratione uitiant, præsertim ubi Venerem iecinori præsentē maleficæ ipsæ offenderint. Quoniam autē in fistularum mentionem incidimus, hæ ipse non in ano solū, uerū in qualibet ferē parte corporis fiunt, et, ut Celsus inquit, genera earum plura sunt, oriunturq; etiam ē minoribus abscessibus, diuersisq; huiusmodi generibus, suntq; altæ, angustæ, callosæ.

De hydropisi. Cap. VIII.



Recē morbus est *ὑδρῶσις*, hunc præsci Latini aquam intercutem uocauerunt, eius que tres sunt species: in omnibus autē inest humoris abundantia nimia. Fuit qui censeret morbum ipsum iecinoris tantum esse, eoq; uitato, aut male affecto, aquam ipsam enasci: contra qui dicerent etiam splene, pulmone, stomacho male affecto fieri, totiusq; etiā corporis malo habitu. Sæpe autem per se incipit, sæpe alteri uetusto morbo, maximeq; ut Celsus tradit, quartanæ superuenit. Putant autē medici, modō fieri

ex mala iecinoris affectione; cum nimiam ob frigiditatem cibum non concoquit, indeque generari sanguinem nequire, corruptaque corporis consistit. one aqua inter cutem fieri: modò è malo stomachi habitu, cū frigiditate sua cibū ipsum crudū iecinori transmittit, illumque male concoctū in pituitam uertit, eamque inter pelliculas uentris atque intestinorum cogi, atque diffundi, sepe ex pulmone, aut liene, sepe ex renibus male affectis, aut menstruorum, hæmorrhoidum uicinitio. Quandoque autem, quod perniciosissimum esse hydropis genus uolunt, post diurnas atque ardentissimas febres lecur ita exesitare, ut urat magis quam concoquat, eaque ob exustionem sanguinem nullū gigni. Hec aut inuuisse hac in parte satis sit: qui ea cognoscere expressius uolunt, medicos ipsos consulant. Futuri aut uidentur hydropici, in quorum natiuitatibus Mars ac Saturnus tropicis in signis constituti, Luna quadrangulis simul radijs hostiliter pulsauerint. Mars enim aut sanguinem uitiat ob calorem nimium, febresque ardentiores, aut Saturnus ob frigus febresque diuturniores, perinde ut in configuratione ipsa alter altero ualētior fuerit, fauoribusque maioribus instructus. Ac nihilominus sanguinem uterque male afficiet, cum etiam Saturnus ac Luna uideantur magnā pituitæ uim excitaturi. Signa aut tropica, quod tam sepe dicimus, maxime autoritatis sunt, uiriumque plurimarum.

De cardiaco. Cap. - IX.



Cardiacū per sepe morbum incidunt, quos ardentioribus laborantes febribus, dum medici implere nolunt, ne insaniant, ieiunio ita conficiunt, ut ij ob imbecillitatem hoc ipso morbo afficiantur. Tamen si, ut Celsus tradit, ad hunc ipsum per sepe morbum phrenitici transseant. Fit itaque morbus hic è nimia imbecillitate corporis, ac languente stomacho, quod pulsus ipse imbecillus sudorque potissimum declarat. qui toto prorūpit corpore, pedibus tantūmodo ac cruribus siccis atque frigentibus. Vno autem tādē succurrendum tradunt. Illis itaque morbus hic portenditur, in quorum genituris præsertim diurnis Mars aliquem cardinem tenuerit, itemque Mercurius, quæ ratione inuicem aut diametrabuntur, aut è quadrangulo sese fient. Sol quoque in octauo ab horoscopo loco positus, si Martem, aut Saturnū sociū sortitus ibidem fuerit, aut forte illis quadrangulabitur, diametrabiturque, deliros faciet, aut insanos, aut cardiacos pro signi naturarum indicant enim febres ardentissimæ, è quarum nimio assu aut delirium oritur, aut infamia, aut hic ipse cardiacus morbus, de quo nunc loquimur.

De torminibus. Cap. X.



Si Græco nomine morbus intestinorū *Ανομις*, Latī-
no sunt tormina: exulcerant aut intus intestina, unde
Græcū nomen ductū est, dolor quoq; multus est in ano,
frequensq; deiciendi cupiditas, et quod deicitur, utiq;
exiguū est, ob hoc tormina à torquendo dicta. Ipsam autē
ob exulcerationem cruor quidā excernitur modō cū stercore liquescere,
te, modō cū mucosis quibusdā, ut Celsus ait, modō cum carnosīs. Ipsorum
aut torminū non una est ratio: siquidem malū ipsum nonnunquā ad ab-
scissum aliquem ac uomicam quæ in intestino facta sit, referendū est, ali-
quando ad iecur, cum sanguine nimio laborās ad intestina illū deiecit, aut
dum imbecillitate sua cibum male cōcoquit, neq; ad membrorum transmi-
tere alimoniā potest, quo fit, ut quæ male concocta sunt, ad intestina deie-
cta, ea ipsa exulcerent: quandoq; etiā uenæ quod multo intumescant san-
guine, rumpuntur, isq; sanguis post ad intestina defluit: sepe autem ob hu-
morū nūmiā copiam, qui ad intestina delati illic simul computrescunt,
intestinaq; ipsa uitiāt. Decernuntur aut tormina, ubi Luna in occasu, hoc
est septimo in loco aduersus horoscopū constituta fuerit, Saturnus autem
cum Mercurio unā sextū locum infederit, et illud quoq; accefferit, ut for-
tune locus, aut Lune, aut Saturni domicilium sortitus fuerit. Ex hac autē
configuratione, cum Saturnus intestinis præsideat, decernitur ijs in locis
ægritudo futura, atq; ex uitiatis humoribus, præcipueq; ex atra bile pro-
pter Saturnum ac Mercuriū, necnon ex pituita, quæ multa sit, et salsa
propter Lunā horoscopo minitanti, itemq; ob Saturnū pituitæ excitati-
onem loco maligno. Signi quoq; ascendantis natura, in quæ humore mor-
bus ipse inclinaturus sit, non parū indicabit. Quodq; fortune locus ma-
gnæ autoritatis est etiā ad illa quæ ad corpus pertinent, et ipse quoq; in-
fectus à signi domino, pernicioso in loco constituto, excitabit plus nimis
ac uitiabit humore illū, quā ab ipso quidem signo excitabitur. Idem quoq;
Saturnus cū Marte sexto in loco positus, uel à Marte ipso è quadrangulo
oppositiōe loco percussus, quoniā occultos corporis dolores, atq; humo-
res mouet, consuevit quoq; torminosos facere, quiq; dysenterici dicuntur.

De mutilatis. Cap. XI.



Ecce uerò rarò accidit, quod humanarū rerum euentus
runt, ut corpus ipsum hominis parte aliqua mutiletur
cuius mali causa ad Martē potissimū referenda est. Neq;
enim corpora ipsa nostra, ut explicatū est, externis sunt
à periculis libera, quod res ipsa quotidie declarat. Amp-
li-

tabitur itaq; aut pes, aut manus, aut membrū aliud pro natura signi nato illi, in cuius genitura Mars Saturno coniunctus, atq; horoscopus partili ter occupans, Solem ac Mercuriū in occiduo cardine aduersum se cōsistens intuebitur. Ambae namq; maleficæ cōiunctis simul uiribus horoscopo, id est, corporis minantur compagini, alter ferro, alter ruinis, uterque autē uolēter, Sol ac Mercurius itidem minantur ab occasu. Ad hæc Martis, Mercurijq; irradiationes simul mixtæ perniciose admodum sunt, atq; eo amplius, cum exustus à Sole Mercurius retorrescit. Indicatur igitur externa uis, quæ corpus aut cædendo, aut præcipitando parte ab aliqua cōminuat. Quid quod Mars ac Mercurius infestis animis in rixas, contentiones, pugnasq; hac è configuratione progrediuntur, quod etiā oppositio ipsa indicat. Idem Mars in occiduo cardine cōstitutus, partem aliquam corporis excindet, pro natura signi in quo Mars ipse constiterit, dum tamen Luna octauum locum occupet, quippe quæ statim in locum Martis decessura sit, & ab ipso occasu signum illud infestatura in horoscopo, quod paulō ante ab octauo loco aduersis radijs in secundo, atq; in ortus successione infestauerat, fortē pars illa corporis ex toto non excidetur, uerū confringetur potius. Luna quoq; aut pedem, aut manū excisura se minatur, quoties in Ariete, aut Libra, in Cancro, aut in Capricorno constituta Martem è quadrangulo loco gladium sibi porrigentem assekerit. Sunt autē signa tropica ad omnes effectiones mirifice autoritatis, quæ ex hac configuratione, cuncta aut quadrangulo, aut opposito è loco inficiuntur. Cum autē Luna corpus ipsum potissimū moderetur, ubi à Marte hostica irradiatione percussa fuerit, atq; ab illo afflicta, corpus quoq; affuget. Magnum etiā periculum nato illi imminet, in cuius genitura Mars ac Saturnus pariter aut in Capricorno, aut in Piscibus, aut in Ariete, aut in Tauro inuenti fuerint, ne membrum aliquod amputetur pro natura signi. Pisces namq; pedibus, Capricornus genibus, Aries capiti, Taurus ceruici, & collo præsidet. Hæc autem signa commissuras corporis obtinent, quæ primum parte caput ceruici connectitur ac collo, deinde quæ ceruix ipsa collumq; humeris, spinæ, costis, deinceps quæ genua coxis cruribusq; postremo quæ pedes subnectuntur cruribus. Quid quod ubi ambo Mars ac Saturnus Pisces obtinent signa ipsa duplicia, partim è quadrangulo, partim ex opposito loco inficiuntur simul ab illis omnia: si in Tauro, solida quoque omnia, in Ariete autem, & Capricorno, tempore eodem & equi noctitalia, & solstitialia. Ad hæc si ambo in Capricorno constiterint, primum in scissione sua Capricornum ipsum, in quo Saturni domus est, Martisq; altitudo, corrumpunt è quadrangulo Arietem ac Libram, alterum Martis ipsius domum, alteram Saturni altitudinem, & tunc Cancrum

Luna domicilium ex opposito: quod idē rursus mutatis continget sedibus, ubi in Ariete, aut Libra uterq; simul constituti fuerint: sin in Tauro, et Luna altitudinem in seſſu suo inſciunt, & Scorpionum Martis domicilium ē diametro, & Aquarii Saturni ē quadrangulo. Mercurius item cum Saturno, ac Sole pariter in occaſu poſitus, Luna uerò Marti pariter coniuncta, octauumq; locum obtinens, conſueuere aut manus amputare, aut pedes, aut illas, illosue imbecillos reddere, aut claudicationem inducere, aut ſaltem mentis uitium aliquod, pro natura uidelicet ſigni. Cardo enim ipſe occidens cum aduerſetur orientis plagę, in qua corporis, animęq; conſtitutio collocata eſt, atq; inde Sol, Mercuriusq; minuetur ortui, octauus uerò locus, qui ſuccedit occaſui minuetur ſecundo, qui ſuccedit ortui, indeq; occaſus, id eſt ſeptimus locus delabatur in ſextū, ortuq; id eſt primus, atq; aſcendens locus in duodecimū. quę loca admodū perhibentur nocua, octauus uerò in ſeptimum, atq; inde quod ſignū percufferat ab octauo, rursus ac uehementius quidē percutiat à ſeptimo, qui locus cardinalis eſt, neceſſe eſt partem aliquā corporis, aut animę labefactari, plagamq; aliquam accipere, aut ex abſceſſione, aut fractiōe, aut imbecillitate, aut abſceſſu ſtulisue, aut delirio, fatuitate, inſaniatue. Neq; enim harū quinq; ſtellarū cōmixtio altercatioq; ſine corporis animumq; detrimentio, labefactioneq; poteſt contingere, præſertim in locis tantopere noxijs, cum neq; Iupiter, neq; Venus aut uim externam probibcant, aut humorum improbitatem tantam irradiatione ſua temperent.

De Tabes, ſiue Phthiſi.

Cap. XII.



Abis, quam Græci πείσις nominant, tres à Celſo ſpecies traduntur. Una, cum corpus ipſum non alitur, atq; quotidie decedit ab eo aliquid, propterea q; ſumma etiā macies oritur, quę, niſi diligēter occurratur, ſtatim interſcit. Ea oriri conſueuit, ubi quis aut auaritia nimia plus quàm debet, aſſumit, quā ē re quod ſuperat corrumpitur: aut minus quā debet, quę res corpus ipſum infirmit, ac propterea qui eo uitio laborat, facile ē uita tollitur. Altera ſpecies non niſi malus quidā corporis habitus eſt, cum aut quę alere corpus debent, ea corrumpuntur, propter uitium longiore ē morbo contractum, quo fit, ut refici corpus ipſum nequeat, aut cū propter malam curationē medicamentaq; male tentata peſſimē affectū eſt, aut cum neque uſitatos, neque utiles cibos quis aſſumpſit, ſimilēue aliquid, ut ipſe Celſus ait, incidit, quinetiam aut exaſperari cuius aſiduis puſtulis, aut intumeſcere partes quędam corporis conſueuerunt. Hęcq; tria uocat aſt. Tertia longēq; periculoſiſſima, quę ſuo nomine phthiſis eſt,

sis est. à capite oritur, indeq; in pulmonem distillans, illumq; exulcerat
 fibriculam excitat, eamq; leuem, ac lentam cui et tussis frequenter adiun-
 gitur, & excreatio, quæ cruentum aliquid habeat, quod in ignem iniectum
 male oleat, idq; phthisis ipsius signum esse uolunt. Omnino autem tabes
 pauxillatim quidem membrorum, corporisq; totius humectatione absum-
 mit, quæ è re ⁹¹⁰¹² à Græcis ob huiusmodi consumptione nominata est.
 In decimo itaq; ab horoscopo loco, id est, in ipso mundi culmine constitu-
 tum Saturnus diurnis in genituris, si Mercurium secum copulatum habuerit,
 ipseq; deficientis Lunæ cornu extrema inheret: ab opposito uero, qua-
 dranguloue loco Martem sibi repugnantem uiderit, nimirum phthisicos
 faciet, qui hac sub configuratione nascentur. Quod si Luna ab eo recedens,
 ad Martis coniunctione festinauerit, aut lunaticos reddet, aut languidos.
 Et enim Saturnus decimo in loco propter culminis maiestatem, diurnæq;
 auctoritatem conditionis efficitur excitandis nocuis humoribus longè ua-
 lentissimus, præsertimq; Lunæ coniunctus, eidemq; imminuta. Luna enim
 corniculata a minuto est lumine: quæ è re nocua Saturni uis mirificè auge-
 tur, indeq; distillationes & quidem continuatæ, propter Saturni naturam,
 atq; è summo, hoc est, ab ipso capite excitatur. Humorum aut ipsorum tum
 distillationem, tum exitiosam uim, quæq; nigra bilis multum habeat, Mer-
 curius & excitat, & exacuit, cõuersus & ipse in maleficam Saturni natu-
 ram. At parte alia Mars calorem excitat, sanguinemq; incendit, radijque eius
 Saturninis Mercurialibusq; immixti id præstant, ut è commixtione ipsa
 ea manet humorum fermentatio, quæ tandem ac suo tempore & exedat
 propter Martem, & pedetentim ac continuatè defluat propter Saturni
 lentitudinem, & penetret propter Mercurium, ac distillet, quippe quæ
 nequeat quiescere, Lunaq; ipsa suppeditatione sua humorem assiduum
 subministrat. Nō temere igitur tabes, id est, corruptio uitalis roboris, con-
 sumptioq; hinc sequitur: cū tot simul ad malum cōueniant, corruptio san-
 guinis, uenarū arefactio, uitiatio arteriarū, pulmonumq; exulceratio.
 Ipsum aut nomen, morbi ipsius proprietatē indicat, quod sensim uidelicet,
 cōtinuatèq; absumat: cuius exemplū est tū nix, tū cera Soli obiecta, utraq;
 namq; paulatim deliquescendo absumitur. Poëtæ quoq; tabescere amantes
 dicunt, quod assiduo dolore, ac cura ob amatoriam cōficiantur cupiditatem.
 Idem quoq; Saturnus Marti immixtus, ac sexto in loco cum illo positus,
 quo è loco uitia, ualitudinesq; maxime pullulant, modò phthisicos, modò
 dysentericos facere consuevit. Nec secus aut ubi eodem hoc in loco consti-
 tutus Martem aut è quadrangulo, aut ex opposito loco militantem intue-
 bitur. Quid quod Saturnus ac Mars inuicem oppositi, scq; è regione hosti-
 liter lacescentes, hominū promouere cōsueuerunt, quidem sanguinolentū?

Siquidem Saturnus propter malum stomachi habitum uomitum ciet, Martē sanguinem reiecit. Forsan et ambobusim mouebunt, excreatusq; cruentos, ac putaeliam cruenta.

De Podagra.

Cap. XIII.



*T*he *Podagra*, id est, articulorum, iuncturarumq; doloribus laborantes, quod uitium in pedibus, ac manibus ori consuevit, unde *πὸ δάκρυα* et *χερσὶνα* Græcè nominantur, Mars, Venus, Lunaq; efficiunt nocturnis in genitibus, cardinalibusq; in signis positi, seq; inuicem aduersis radijs laceffentes: dum tamen Saturnus illos sic positos aut è Leone, aut è Tauro, aut è Sagittario, Piscibus uel affexerit. Signa enim cardinalia summa sunt autoritate prædita, seq; inuicem aut è quadrangulo, aut opposito aspectu intuentur. Quo fit, ut quatuor cœli cardines ex infectione unius inficiantur simul omnes. Si enim Luna, Venusq; constitutæ simul fuerint in Cancro, quo Mars illis diametretur, necesse est eum in Capricorno constitui: quæ è constitutione et altitudinem simul inficiet suam, et Luna domum cum ipsa Luna, Venereq; ibidem collocatis. Uidem si ipsæ in Cancro, illæ in Capricorno collocatæ fuerint, nam et Luna domum in sessione, et altitudinem suam oppositione, et Arietem ac Libram quadrangulatione uexabit, siue Venus cum Luna fuerit coniuncta, siue cū ipso Marte, ni forte tres hæc stellæ singillatim cardinē quæq; suū obtineāt. Quæ ratione Mars diametrari utriq; minime poterit, cū alteri necesse sit quadranguletur uel in Ariete, uel in Libra constitutæ. Luna igitur cū Venere in Cancro posita, Marte uero in Capricorno, si Saturnus in Leone constitutus fuerit, inuenietur in anaphora quidē, hoc est, in successione Veneris ac Lunæ, à Martis uero loco octauo. Quod si Saturnū in Sagittario reperiri cōtigerit, locus ipse Saturni à Cancro sextus erit, à Capricorno duodecimus, quæ loca maxime pernitiosa sunt. At ubi diametratio stellarū harū fuerit à Libra in Ariete, rursum uel ab Ariete in Libram, si Saturnus in Piscibus cōpertus fuerit, à Libra sextum, ab Ariete duodecimum obtinebit locum: sin in Tauro, erit in Arietis successione, in octauo uero loco à Libra, in quibus contingit stellarum ipsarum diametrationem fieri. Atq; hac quidem ratione uidetur configuratio hæc consideranda, hoc est, ut Saturni situs, posituraq; hac uia colligatur. Neque enim hac in diametracione si Saturnus inuentus fuerit in Leone, aut Sagittario, cum Libram è sexangulo, Arietem è triangulo aspiciat, usque ad eò uideri exitiosus debet, ut malignus hoc exuscitet. Similem in modum si diametrantibus illis è Cancro, Capricornq; inuentus fuerit Saturnus in Piscibus, hoc est, sexangulo quidē à Capricorno, trian-

gulo.

Gulo uero à Cancro, aut diametranlibus in Cancro et Capricorno, Saturnus comperiat in Tauro, qui sex angulo iungitur cum Cancro, triangulo autem cum Capricorno. Mars igitur sine oppositus Veneri ac Lunæ, siue alteri earum cōiunctus, utranq; ita calfacit inficitq; ut exiccet magna è parte, uicetq; atq; acuat earum humectā uim, ac salam reddat: cum Saturnus nocuus è locis nocuus, et ipse uenenum illis suum inspergat, quod è tereno humore instillatum, et salsedinem simul, et grauitatem humoribus adiungit, qui ab illis excitantur. Quo fit ut deorsum, atq; ad extrema superioribus, intusq; è partibus grauitate detrudantur sua. Efficitur autem hac in configuratione, propter nocturnā conditionem, qua gaudent Mars, Venus, ac Luna, multo ualentiores. Contrā Saturnus tanquam irritatus à contraria cōditione, magis magisq; liuescit. Quibus è rebus efficitur, ut in articulis dolores, ualitudinesq; suscitentur, ut qui neruis pluribus colliguntur, in quibus Saturni uis magnopere ostendatur. Conditio autem ipsa nocturna, diurnaq; tantum in erraticis ipsis pollet, ut si configuratio hæc diurnis in genituris cōtingat, elephāticos potius faciat, quàm podagricos: cū alia quidē ratione sanguinē afficiat, exciteq; uiliu aliterius grauitatem,

De Hernia. Cap. XIII.



Ecce uero partes genitales tute sunt à uitijs, cum secarē se penumero mares contingat, aut propter externam uim aliquam, aut propter malum intus conceptum: quo efficitur, ut loco motæ partes ipsæ deorsum decident, herniamq; inducāt. Tametsi moris etiam fuit, ut qui iniuri Cybeli Deum matri, ut putatum est, uellent, sponte secarentur. Hodie quoq; apud Turcas inueniuntur qui colem sibi et testes ferro uinciāt. Hec igitur mala obnuntiantur illis, in quorum genituris Saturnus in occiduo cardine constitutus, Luna in aliquo item cardine constituta aut quadrangulabitur, aut opponetur: nati enim illi aut ad genitalia secabuntur, aut in abditis corporis partibus cædentur. Qua in constitutione figuræ si Luna fuerit imminuto lumine, uix fiet quin è sectione ipsa moriantur, præterquam si Iupiter Lunam præsidio suo tuebitur. Luna enim imminuta, quod sæpius dictum est, Saturno male conciliatur. Saturnus quoque et Mars in oriente, atq; ascendente coeli parte, hoc est, in horoscopo simul copulati, in signo uidelicet foeminino, aut in ipso forē coeli culmine partiter exultantes in signo item foemineo, si Venerem Mercuriumq; foemine quoq; signum pariter calcantes uiderint, genitalia minantur se excisuros, natosq; ipsos curaturos, omnino tamen cinædos facient. Quod si genitrix mulieris fuerit, pudicitia eius in propatulo habebitur, quippe quæ publicæ

publicè proſtabit. In hac coeli figuraq; conſtitutione Mars & Saturnus co-
 gitantibus inter ſe de maris, ac ſceminæ natura Mercurio, ac Venere è pri-
 mis ſe coeli cardinibus contrarios illis exhibent. Quocirca cum ſceminis
 in ſignis collocati pariter ſint, ſi qui tunc foetus in lucem venit, mas fuerit,
 Saturni, Martisq; exitioſa uis ex cœlis genitalibus effœminabunt illum, ſe-
 xamq; uirilem contaminabunt: ſi mulier fuerit, pudicitiam, quæ potiſſi-
 ma mulierum laus eſt, peruulgatam proſternent. Superiore autem in con-
 ſtitutione Saturnus Lunaq; uidentur pernicioſos, atq; abditos potius hu-
 mores ſuſcitare, ob quorum nocentem uim chirurgi opera adhibenda ſint.
 Sol ac Luna uitæ, & generationis præſides, ſceminæ in ſigno ſimul co-
 pulati, Mercurius quoq; & ipſe in ſigno ſceminæ, atq; in horoſcopo cœli
 tutus, natum ipſum exagitant ad eod, cuiusq; perturbant animum, ut
 ipſemet natus ſponte, ſuis etiã manibus uirile membrũ amputaturus ſit.
 aut cauſam caſtrationi daturus. Etenim Mercurius in horoſcopo conſtitu-
 tus nati animum ad hoc ipſum inuitabit: cum parte alia Sol ac Luna ſimul
 coeũtes, quorum coitus rebus inferioribus tam inſenſus eſt, atq; exitio-
 ſus, meditentur ſceminæ è ſigno, qua uia uirilis illa nati informatio ſexuæ
 proprij ruinam ſactura ſit aliquam.

De difficultate partus.

Cap.

XV.



Am uerò foetus ipſe in lucem ubiq; nõ prodiſ, ſed aliquã-
 do in utero extinctus inde medici opera fruſtillatim ex-
 trahitur, quæ trucidatio, aut mors quã partitudo po-
 tius dicenda eſt. Euenire aut hoc cõſuevit, quoties Luna
 in horoſcopantis coeli parte poſita, atque à maleficiſ
 circumdata, hinc Saturnum ſuccedentem horoſcopo ex anaphora, ſecun-
 doq; è loco, Solem autẽ quocunq; intuentem aſpectu, illinc Mariem in duo
 decimo collocatum habuerit, quod ſignum paulò antè horoſcopum ipſum
 obtinuerat, locum inde duodecimum obtineat ſuapte natura pernicioſum.
 In hac enim configuratione Luna foetus ipſius domina, quæq; partum eo
 è loco maturare uideatur, circumuenta ab exitioſis, ac paricidalibus ſtel-
 lis, quarum altera oriã ipſum ante Lunæ ad illum aduentum inſecerat,
 altera poſt Lunæ diſceſſum ab ortu, ſtatim ſubeat eundem illum inſectu-
 ra, præſtare quod promittit nõ poteſt: cũ Sol etiã ipſe uitæ dator à Satur-
 no improbè laceſſitus, Lunæ auxilium nullum afferat, contra uerò male-
 ficæ ſtellæ uires ſibi ipſæ ſexangulo è loco adiungant, & ab illò mal. ſtern-
 tiam mutuentur. Quo fit, ut ex hac Lunæ circumuentione, maleficarumq;
 tã exitioſis conatibus foetus in utero exanimetur; ac neceſſe ſit, quò mæker
 ſalua fiat, concuſum illum in utero artuatim à medicis inde extrahi. Illud

etiã

etiam uidere hac ipsa in configuratione oportet, aspectum Solis ac Saturni forte sua perniciosum esse, si fuerit à quadrângulo, sin à sexangulo illud subsequi, ut Sol quadranguletur horoscopo, Lunaq; ibidem constituta. Est enim necesse Solem in imo constitui, ut Saturnum in secundo positum aspiat à sexangulo, aut in duodecimo collocari, ubi et Mars ipse constitutus est. Quadrangulatio autem hæc ab imo, et quidem cardinalis, quam sit potens, malæq; conciliationis, res ipsa indicat. Solis item duodecimo in loco constitutio, Martisq; copulatio quid inde minuitur, quid tandem etiam patret, trucidatio ipsa docet. Idem hic Saturni ad Solem aspectus si fuerit è diametro, Solem ostendit octauum locum occupare: sin è triangulo, sextum, loca utiq; ab horoscopo, ubi Luna posita est, aliena, naturaliterq; officiètia. Quocirca non aspectus modò ipse, uerum etiam loca perniciem machinantur. Mars quoque siue sexto, siue duodecimo in loco ab horoscopo collocatus, si Solem, Lunamq; pariter quadrângula radiatione respexerit de loco quidem superiore, masculinoq; è signo, tum è uitio loci, ac suo, tam è malignitate aspectus, signiq; maiore ui aut abortum faciet, aut foetum intra uiscera lacerabit, cum perpetua quadã matricis ualetudine, aut matrè ipsam in difficilimum inducet partitudinis periculũ, quinetiam quod natum fuerit, et uitij, et ualetudinibus grauioribus ad obscenos partus uexabit. Eadem futura est foetus mors, ac dilaceratio, ubi Mars, Saturnusq; in ortu constituti, Lunam in ortu etiam ipso constitutam, deprehensam quoq; in medio, suas ipsi inter copias circumuenerint, Sol uerò ac Mercurius in occasu, cardineq; in aduerso collocati, inuicem tela hostilem in modum iaculantes, hinc atq; illinc sibi ipsi aduersabuntur, hiq; Lunam opposito è loco, illi in medio interceptam crudeliter uexabunt, ut minime mirum sit, foetum in utero tot ab iniurijs statim intercipi: cum horoscopus ipse per quem est in lucem ab utero exitus, tam ualidè infestetur, pugnent inter se Sol ac Luna, ut penè dixerim, materia et forma, sensus item ac ratio, nullumq; aut à Venere, aut à Ioue, aut ab utroq; unà præsidium offeratur.

De præcipationibus, et casibus. Cap. XVI.



Asus quoq; ac præcipationes è curribus, equis, quadris pedibus alijs, edictoribus item è locis, pedũ quoque prolapsus ruinaq; collabentũ edficiorum malificis à stellis Marte Saturnoq; portenduntur, utpote à quibus et uitia, et ualetudines corporibus infligantur. Quocirca in quorum genituris Saturnus cardinalis fuerit, Marsq; in eius successione collocatus, Luna uerò alteri eorum aduersa, qua è res illud efficitur, ut Luna si Marti diametretur, octauum à Saturno locum obtineat, ab ipso ui

delicet in Lunam numerando. Rursus si à Luna in Saturnum numeres; sextum ipse à Luna locum possideat: sin autem diametretur Saturno, sextum ab ipso Marte, cum ab eo numeraueris, Luna locū retineat, octauū uerò, si ab ea in Martem proficiscare: hi inquam in quorum genituris hæc contigerit figuratio, aut ruinis pressi, aut ex ædificijs prolabentes, aut excussi curribus, aut è quadrupedibus deiecti, inter uē ambulandum prolapsi uita pericula corporisq; damna accipient, similibus uē discriminibus uexabuntur. Mars item ac Saturnus occasum insidentes, signisq; in duplicibus constituti præcipitia minantur ac ruinas, multò autem uehementius, si Lunam in horoscopo constitutā aduersa radiatione pulsauerint. Sole quoque ac Luna partiliter culminantibus, si Saturnus inum tenuerit, aduersoq; è loco illis se opposuerit, Marsq; ortum utiq; matutinum tunc faciat, quo tempore admodum potens est, qui hac sub cœli constitutione nascentur, uitio etiam mentis agitati altioribus forte è locis semet præcipitabūt, quod tum propter phrenesim, tum ob furorem euenire consuevit. Luna quoque in successione horoscopi collocata, beneficisq; à stellis nulla irradiatione fota, solidisq; in signis posita, diurno præsertim tempore, eiusmodi etiam casuum pericula minuitur, qualia etiam et Mars in occasu positus, dum Luna tamen plena ad eius copulationem feratur, aut Saturnus de culmine, horoscopo uē diametretur, in signo præsertim solido constitutus: signa autem solida ruinam portendunt potius quàm casum, è cōtrario duplicia. Quamquam autem casus, editisq; è locis deiectiones, quæ ab infania furorēq; proficiscuntur, uitiatas ab humoribus ortum ducunt, ceteri tamen casus, præcipitationesq; neutiq; à corruptione humorumq; prauitate oriuntur: quippe cum inter fortuita, hoc est, externa numerentur mala. Quoniam autem, ut dictum est, corpora ipsa nostra euentis quoq; nedum ægritudinibus sunt exposita, malefica ipse stellæ, ut ægritudines, id est corporis mala, perniciosumq; humorum habitū agitationibus suis et uocant, et ingenerant: sic etiam quæ corporibus ipsis inferuntur, extrinsecus improbitate sua moliuntur. Quid enim absurdius, quàm id existimare fortuita non esse ad stellæ referenda, cum corruptio ad illas omnino referatur? ac si externa non etiā periculosius corrumpan, quàm humores ipsi, quippe quæ repente, atq; ex imparato uires suas exerceant, etiam puncto temporis interimentia, aut partes aliquas corporis abscedentia. Neq; enim natura ipsa hominem ita constituit, ut non etiam perinde ut clementia, è quibus constat, sempiternis illis agitationibus subdiderit, ac si ferro, naufragijs, casibus, ruinis, nō bona etiam mortalium pars intereat. Hæ igitur stellæ, Mars scilicet ac Saturnus, malis his exuscitandis præpositi sunt, ut corruptionem non tantum nimio aut à frigore, aut à calore exacer-

tent, uerumetiam per alia atq; alia mala, quorum autores ipsi sunt. Itaq; ut bella & pestes, sic fortuita, repentinaq; moliantur mala, casusq; inopi nos, quibus nostra corpora tum uexantur, tum opprimantur, ut quotidie & uidemus & experimur. Et hi quidem suapte à natura non recedunt corruptionum causis excitandis, cum sint intemperati, & nocui, quibus ut ager alendis frugibus, ita signa materiam, & succū quasi quendam suum ministrant moliedis malis. Aedificia quidem ualida ipsa per se sunt, uis tamen externa demolitur ea. Signa etenim solida soliditatem illis suam obijciunt, in qua stellæ ipsæ se uiuant, ac per illam ruinam tandem pariant. Ac duplicia, quòd communia cum sint, uiribus non ita ualidis utuntur, casus II, my, & magis denunciant.

De frigidis & glutinatis.

Cap. XVII.



Ecuerò cum genere hominū ita bene agitur, ut nō et ma-
res frigidi ad coitum, et mulieres conglutinato generen-
tur sexu, cuius rei mala Veneris constitutio causa est po-
tissima. Quocirca Venus in occasu collocata, ortūq; ue-
spertinum faciens, si à Saturno medio è coelo quadrangu-
lariter uerberetur, & mares & foeminas frigidos ad coitum reddit, atque
à libidine alienos, peneq; consopitos. Venus enim parum feliciter septimo
in loco sese habet, quippe cum eo è loco orientem percutiat cardinem, qua
è percussione, quodq; Saturno ob culminationem plurimum adiungatur uē-
rium, frigoris hinc tanta sit incussio, ut appetitus ille Venereus in uiris,
mulieribusq; pene extinguatur, cogaturq; relanguescere. Eadem quoque
Venus cum Saturno, Ioue, & Mercurio, iisdemq; in partibus pariter in oc-
casu, imòue constituta, qui hoc in statu nascentur, maribus quidem omnem
coeundi cupiditatē adimit, mulieres autem steriles facit. Quòd si tropico
in signo copulatio hæc cōtigerit, nimirū propter tropici signi prerogati-
uam, cardinisq; potestātē, quadrangulationeq; , aut diametrationē ad ho-
roscopū, que tum in lucē uenerit puella, cōglutinata natura prodeat oportet.
Siquidem cōmixtio hæc nō generationem solū uidetur inhibitura, ue-
rumetiam naturam ipsam, per quam generatio fit, obstruenda. Quòd si
Mars sese bis socium adiunxerit, uirileis partes excisurum minitatur, ut
non generandi modò uim homini illi auferat, uerumetiam signa uirilitatis.
Quid quòd permixtio ipsa radiorum adeò interdum perniciosa est, quod
è Venere potissimum afflicta, Mercurioq; male se habente fieri consuevit,
atque è signorum tum masculinis, tum foemininis qualitatibus, ut aut ex-
terna ui, quod natum est, euitetur, quod in eunuchis contingit, aut
ob commixtionis diuersam, parumq; consentientem, aut potius sibi ipsi
repugnantem naturam, neutrum teneat sexum, uel magis utrumque
ss 2 simul

simul, imperfectum tamen, habeat, quod in hermaphroditis contingit. Venere igitur in Mercurij domo, aut finibus posita, Mercurio in domicilio Veneris, aut in eius finibus, Luna uero in Virgine, aut Capricorno, aut Tauro, aut Leone collocatis, ceteris autem erraticis masculinae qualitatibus foemineis in signis, foemineae uero in masculis positae, quod hac sub coeli constitutione natum fuerit, bisforme prorsus erit. Prae mala autem Veneris, Mercurijque constitutione, habituque, genitalis ita colluctatur uis, ut neutrum in partem maris foeminae ue declinet. Qua de re uocati sunt hermaphroditum, mixto Veneris ac Mercurij nomine. Videtis primum domorum, aut finium commutatio quid praestet, quid etiam stella mascula in signis foemineis, foemineae in masculis collocatae: haec enim contentio tam controuersa nec masculas permittit stellas uires proprias, nec muliebres uicissim excere suas. Deinde animum aduertite ad Lunam, quod in Virgine posita faciet hinc Mercurio, illinc in Tauro Veneri propter domesticam coniunctionem. Quod si Mercurio Taurum, Venere Geminos tenete, Luna fuerit coepta in Virgine, Venerem quidem de foemineo signo respiciet quadrangulariter, at Mercurium triangulariter: si in Leone, est signo masculino atque est successione domus suae quadrangulabitur Mercurio, sexangulabitur autem Veneri. Rursum si Mercurius constituatur in Libra, Venus in Virgine, Luna uero in Capricorno, est signo quidem tropico ac foemineo, domui tamen suae aduerso, Luna Mercurio quadrangulabitur, triangulabitur autem Veneri. Illud quoque, principe loco considerandum est, Taurum, Virginem ac Capricornum constituere triangularitatem eam, quae terrena est, cui etiam Venus, Lunaque simul praesideant, in qua Mercurius quoque domum, altitudinemque habeat suam, proptereaque Luna ipsam bis in signis hanc ad rem polere quamplurimum. Fient etiam eunuchi, quoties Luna sterilibus in signis posita, Saturnoque coniuncta Venerem quacumque radiatione percusserit: dum tamen nec Venus in Saturni finibus, nec Saturnus in Veneris finibus sit coepta, nec Iupiter ulla Lunae radiatione iungatur: haec enim in constitutione et Luna sterilecit propter Saturni frigentem naturam, signique qualitatatem, ex Venus in Saturni finibus inuenta contorpescit, Saturno etiam ipso Veneris fines frigore suo inficiente. Quo fiet, ut natus ille uirilem sit uirum ob hanc tam perniciosam commixtionem amissurus. Quod si Saturni, Lunaeque copulatio haec terrenis in signis successerit, Venusque ac Saturnus fines inuicem commutarent, Iouisque aspectus accesserit, secabuntur quidem, tamen ut etiam coeant. Signa enim terrena, ut dictum est, triangularitatem constituunt eam, quae terrena dicitur, Lunae, Venerique additam. Quod obrem omnis haec triangularitas copulatione ex ipsa, praesides item omnes triangularitatis ipsius una inficiuntur. Iupiter autem cum nonni-

hil faueat, quamuis prohibere malum nequeat, id tamen praestat, ut coeun-
di uis saltem aliqua relinquatur. Eadem etiā Venus in editissima coeli par-
te cum Saturno collocata, aut ab eodem Saturno aspectu aliquo irradiata,
si aut quadrāgulos, aut oppositos crescentis Lunae radios foemineo ē si-
gno exceperit, Marsq; aut illā minaciter percusserit, aut fortē foeminino
in signo copulabitur, eoq; uel tropico, uel squamoso, testes abscuram mi-
natur, natumq; illum aut prorsus euiraturam, aut saltem impulsurā cum
ad mullebria patiendā, forsitan hermaphroditū faciet. Venus enim hac in
constitutione à Luna, Marte Saturnoq; tum aspectu, tum copulatione in-
feliciter affligitur, quodq; in culmine posita est, si Mars, Saturnusq; copu-
labuntur, aut quadrangulabuntur ei, necesse est illos quoq; aut culmina-
re cum ea, aut cardinem tenere aliquem: quā ē re uires utriusq; ad male fa-
ciendum mirifice augeantur, cum praesertim alter eorum, quem aut diame-
trari contigerit, aut quadrangulari, Lunae copuletur, quā cum iunctis si-
mul uiribus Venerem hostiliter infestetur. Signū autem foemineum Mar-
tis adiuuat atrocitatem, quo acrius masculinā in naturā seuiat, quod itē
praestabūt signa tropica. Signū aut squamosum, id est Pisces, Veneris qui-
dem altitudo, quod Mars in seffione inficit sua, genitale uim Veneris, mem-
brumq; quo uis illa exercetur, cui quidem Mars praesidet, uitabit. Ad haec
Venus ipsa cardinem quemuis sortita, dum foemineū id sit signum, si à
Marte, Lunaq; cardinalibus etiā ē locis partiliter infestetur: quā infesta-
tio, ut aut quadrāgula sit, aut opposita propter cardines, necesse est. Atq;
in hac ipsa constitutione si Sol ac Luna foeminea signa teneant, aut una co-
pulati, aut separatim incedentes, in signis item foemininis, natū ipsum aut
spadonem faciet, aut fortē hermaphroditum, uiriles parteis exercere ut
nequeat. Signa enim foemina configuratione in hac Solem, Lunaq; sic
infringūt, Veneremq; adeo labefaciūt, ut uirilem pene uim Marte grassan-
te extinguant, aut dum Sol ac Mars masculinū meditatur sexū, Venus ac
Luna, signa itidem, in quibus Luna, Sol ac Venus cōstituūtur, foemininū,
neutri sibi inuicem cedētes foetū duplici, imperfectaq; natura cōstituunt.
Futuri etiā sunt spadones, ubi Venus in domo Martis posita siue in ortu,
siue in culmine, Martem, Saturnūq; in domo ipsa sua permutatis hospitij
hostiliter, atq; æquatis partibus cōstitutos cōtrā ē diametro stare uiderit,
aduersosq; in se radios iaculari. Etenim Libra domus Veneris aduersatur
Arietis, quod domiciliū Martis est, Taurus item Scorpio. Erūt etiā aut steri-
les, aut fortē spadones, hermaphroditi ue, ubi Venus à Saturno de qua-
drangulo percussa, latereq; à sinistro Lunam, Martemq; sibi inuicem dia-
metrantes aduersum se quoq; infestis radijs irasci uiderit, Mercuriusq;
ipsum coeli culmen tenuerit. In hac aut configuratione non Mars solum ac

Luna sese impugnant è regione, uerū etiam Saturnus ac Venus: quo fit, ut quadrangulariter constituti cœlū ipsum hostiliter infestent. Quod si contigerit quadrangulationē hanc in cardinibus fieri, infestatio ipsa erit tanto potentior, cū præsertim ratione hac Mercurius ei stellæ iungatur, quā cōtingit culminare. Itaq; tam atroci ab infestatione Veneris genitilis uis aut sterilefcet uitiatō semine, aut ui ab aliqua grauiore natus euitabitur, aut propter Mercurium, nec uirilis omnino, nec muliebris futurus est, uerum mixti, aut potius neutrius sexus. Venus item cū Sole, Saturno ac Mercurio occiduo in cardine posita, hosticaq; hac ui cōsuetata, foetū euitabit, aut sterilem reddet. Eodē quoq; malo afficiet, si Sole ac Saturno occasum tenentibus, ipsa cum Mercurio simul sexto in loco, id est, in occasus ipsius descensione, aut in descensione horoscopi, duodecimoq; in loco inuenietur. Quibus si copulatus Mars fuerit, aut aliqua eis irradiatione cōciliabitur, foetū duplici sexu scdare molietur: hac enim in constitutione angulus is cœli occidui à Sole, Saturnoq; uexatus, oriētis etiā cœli angulū hostili radiatione laceſsit, Venere ac Mercurio languētibus, siue in sexto ab horosco po loco, siue in duodecimo, qui tamen etiā ab ipso occasu sextus est, itemq; à Solē, Saturnoq; illic præſidentibus. Quod si locorū horū improbitati Martis quoq; improbitas aut per cōſeſſionem, aut per aspectū acceſſerit, Mercurio ac Venere ibidem deicctis, utriusq; uires ad informandum sexū impedit, reddetq; imperfectas, ut (quod Poëtæ dicunt) neutrumq; et utrumq; quod nascetur uideri possit. De Venere igitur male constituta potissimū tum sterilitas, tum duplicitas, sexusq; imperfectio aut euitatio de cernitur: cuius quidem stella multarū est, occultarūq; effectio num ac uirium, quaq; etiam definiri uix queant.

De Foetidis. Cap. XVIII.



Am quamuis ab hac ipsa manet elegantia, mundities, unguentatio, ac nitor, nihilominus indigna etius constitutio natū foetidū, maleq; olentem reddet, cuius aut in naribus, aut in halis hircus cubet, ut Horatius increpat, aut sudor mephitim (ut Poëtice loquamur) exhalat. Siquidem ea in lucem ueniēte aliquo, in Capricorno, quod Saturni domiciliū est, constituta, atq; ab ipso Saturno opposita è regione infesta, natū illius humores et inficiuntur ob cruditatem, et corrumpuntur adeo ut male prorsus, ob inconcoctionem eorum, grauitercq; oliturus sit, Saturno præsertim impugnante, à quo male cōcocti humores, iidemq; terreni, maleq; resolubiles excitantur. Quid quod et Venus odoribus præſidet, et Capricornus nō frustra nomen id est consecutus. Etenim caper olidum est animal.

animal. Itaq; Venus odorum artifex et à signo, et à signi ipsius domino corrupta foeteat necesse est, quando odores ipsi corruptis ac foetentibus rebus immixti foetorem ipsum augent. Quinetiā eadem hęc cōfiguratio mulierum odium prouocat, coitusq; infames decernit.

De Caluitio. Cap. XIX.



Isdem etiam Veneris stella partiliter suoq; in domicilio culminans, caluitiū portēdit. Luna quoq; aliquo in cardine posita, dū per eas incedat signi partes, quę glabra ac leues sunt in animali, aut Sagittariū perambulet, nocentes uerò stelle per signa ferantur seu tropica, seu solida, dum tamen uitij, ualetudinisq; locus in ipsis illis reperiatur signis, caluitiū quoq; minatur. Cur autem hęc eueniāt, ratio quærenda est, quę naturę ipsi cōsentiat. Neq; stardones, quiq; eunuchi dicuntur, neque pucros caluēscere, quod neutri cōeant, putat Aristoteles, eaq; re abundare cerebro. Etenim in cōeundo per spinam, lumbosq; liquorē illū ē cerebro defluere, cerebrūq; ipsum ratione hac eliquēscere manifestum est: quoq; usus rerū Veneris frequētiōr fuerit, eo illud magis ac magis imminuitur. Bubus quoq; certū est post malleo subtritos testes, cornua uehementius crescere, ob eandē hęc causam, quod scilicet in illorū incrementū trāseat quod demptū est Veneri. Venus igitur tum sua in domo posita, ubi dominatur, nam à domo est dominor, tum in cœli culmine, quā ē re uires ingeminantur eius, natū ipsum in libidinem procliuore faciet, eaq; ex intemperatiā, nimiaq; appetitione ad usum Veneris uia illum compellet, ut refrigerante magis ac magis cerebro, quod suapte quidē natura frigidissimū est, ob resolutionem caloris, humidiq; in coitu, de sit capillo alimentū, quo deficiente decidat oportet. Secus atq; ex arboribus frondes, ubi humidus ille, ac pinguis humor, qui a calore foueri solitus est, deficit. Verū de caluitio, causisq; eius explicatiūsuprà diximus. Luna quoq; partium signi glabrarum, quę uidelicet absq; pilis sunt, naturā secuta, Marsq; ac Saturnus tropicis in signis positi, in quibus ipsorū augetur improbitas, aut in solidis, a quibus utriusq; firmitus stabiluitur uires: quippe quę robur adiungunt ac firmitudinē, cū præscriptū uitij uoletudinisq; ibidē inueniatur locus, ubi malefica insidet, locumq; ipsum infestat, uidentur uitii illud portēdere, quod tum à leuitate, ac glabritudine signi partiū, per quas Luna deferitur, atq; à maleficis locū ipsum inficientibus excitatur, tū a loco uitij. Si quidē partes ipsę depilate atq; extersę capillorū uitii inducēt, quod uitii fit in capite, dictūq; est caluitiū, datūq; deformitati. Quod uerò ad Sagittariū pertinet, ubi Mars ac Saturnus in Capricorno cōstituti fuerint, quod signū alterius do-

rius domus est, alterius altitudo, Lunariq; opponitur domicilio, cū Luna ipsa in Sagittario cōstituta cardinē tenuerit aliquē, necesse est Martem ac Saturnū in anaphora, hoc est, in succeſsione Lune ipsius inueniri, si horoscopātem, aut culminantē cardinē Luna teneat: sin occidū aut imū Luna tenuerit, oportet illos in epichaphora, decessioneq; Lune cōstitui. Sin maleficæ in Cancro cōstitutæ fuerint, Luna Sagittariū tenente, & Lune domum inscient, & in octauo à Luna loco, qui noxius est, reperientur, si à Luna in illos computaueris in sexto uerò, si ab illis in Lunam. Quòd si se paratim altera maleficæ in Cancro, altera in Capricorno collocabitur, diatrabuntur ipsæ quidē inter se, alteraq; constituetur in Lune ipsius succeſsione, decessione uē, altera in octauo ab illa loco. Sin Mars ac Saturnus, Luna Sagittarium cardinaliter peragrante, solidis in signis usgabuntur, aut ipsi quadrangulabūt inter se, aut sibi inuicem opponentur, dum ne fuerint simul copulati. Siquidē Taurus ac Leo, & hic idē Leo Scorpiusq; quæ solida signa sunt, quadrangulantur inuicem, eademq; quadrangulatio inter Scorpionem Aquariūq; existit, atq; inter hunc ipsum Aquarium ac Taurū. Aduersantur autem, scq; è regione laceſsunt Taurus & Scorpius, Leo itē atq; Aquarius.

De Canitie, & Surditate.

Cap. XX.



Vm autem homo aut solus, aut cū animalibus perquam paucis apertē canescat, uitiumq; hoc senectus ipsa seclī afferat, quidā tamen in ipsa pene adolescentia à canitie occupantur, præsertim ubi Saturnus inier Solem ac Lunam perinde ut circumuentus ab hostibus inercipitur.

Cōtingit autem canities ipsa, quòd cum hominis pilicec annis singulis de cidant, nec mutantur, ut denuo renascentur, cūq; homo ipse diutius uiuat, necesse sit & capillū cum ipso quoq; corpore cōsenescere. Et si non rarò canitiem morbi efficiunt, atq; in nonnullis repente exortari cōstat, de qua quidem quòd ea sit pilorū imbecillitas quædā, abunde à nobis antiq; Aristotelis sententia disputatū est, quocirca dicere de ea plura deſinemus. Saturnus igitur à Sole, Lunaq; circumuentus, neutriusq; à luminaris aspectu fatus, excrementum ad cutem perlatus sic uiriāt, ut ex eo putrefacto necesse sit capillū ac pilos reliquos ante diem inſepestiuusq; albescere. Huius aut stellæ uis ad malefaciendū tāto quidem pollet opere, ut auditiū quoq; maximeq; dextræ auri, cui præest, surditatis afferat uitū, ubi Mercurium in domo ac finibus, qui Saturni ipsius sint, constitutū, octauūq; peragrante ab horoscopo locum uiderit. De malitia quidem octauī loci dicta satis multa sunt, de surditate autem dicendum aliquid, quod uitium

auditus

auditus est, sitq; in auribus, quæ natura in capite constituit, ita tamen ut ad cerebrum aditum habeant nullum. Et in intima ac profunda sui parte concaue cum sint, concauitate in ipsa natura quæ auditum ærium meditabatur, ærem inclusit, illūq; membrana quasi quadam obsepsit, ad quæ ær exterior per aurium amfractuosos, et (ut ita dixerim) cocleares meatus perlatos perinde in tympanum impingit eam. Etenim ut oculi pupula tunica sua occultitur, unde oculus dictus est, sic et auris concauū membrana sepitur, quam ær exterior tanquam per cuniculos ingressus percutit, hauritq; unde auris dicta, quæ est percussione auditus constituitur, quem auditum Saturni peruersa collocatio in creatione potest omnino eripere. Concauitate illa auriculari peruerse concinnata, aut completa penitus, potest et post genituram in uita perniciosis, latentibusq; humoribus, quorū ipse fons est, uitare. Quodq; humidum auribus maximè nocuū est, præsertim ubi crassum est et lentū, quodq; etiam frigus illis permultū obest, cū et frigidorum, non minus quam humidorū sit Saturnus humorū excitator, non temerè auditionis uitium, ac surditas ad Saturnum, qui auditui præsedet, estq; sponte sua maleficus, refertur. De Mercurio autē dicere hoc tantum possumus, cum ipse rationi præsit atq; orationi, ex hac mala affectione, perniciosoq; eius statu detractum iri et rationi et orationi sensum audiendi, per quem tum uerba in mentem illabuntur, tum disciplinæ discuntur, et quarum perceptione et cognituratio humana perficitur. Nec uerò prætereundū est, audiēdi sensus cū sit ærius, Mercurij stellam mouendis æris affectionibus ualere plurimum. Dicere autem de aurium ualetudinibus, et quot aut modis oriatur, aut à causis proueniant, medicorū est proprium: nobis hac in parte satis sit pauca hæc attigisse. Nec uerò in parte ea, quæ ad canitiem spectat, non et illud uidendum est, quod cum à Sole, Lunaq; Saturnus eodem in signo circūueniatur, necesse est Lunā ipsam aut ad Solis coitū properare, atq; interim Saturno coniungi, aut à Solis coitu antè digressam, post Saturno ipsi coniunctam inde aliò proficisci. Huiusmodi autē coniunctiones, quod humores corporis intemperantius misceant, necesse est malum aliquem habitum inducere, unde uitium possit aliquod erumpat. Hoc autem illorum gratia attigimus, qui opinantur de nimia cerebri humectatione enasci canitiē, quæ humectatio uideri possit his et coniunctionibus suscitari.

Nec uerò mirū uideri cuiquā debet, his et radiorum commixtionibus tam multa uitia, tot etiam ægrotudines, ac mala tum corporis, tum animi, tot etiam uirtutes ac dotes hominū, tam uaria etiā bona cū externa, tum propria emanare, si ad ea animum aduerterit, quæ illorum et cōmixtionibus, quæ hominū operis ac caris subiecta sunt, proficiscuntur. Hominum

quidem ipsorum opera coquuntur in fornacibus saxa, quæ post asperſione aquæ uertuntur in puluerē, quæ calx dicitur, cui post arena adijcitur, è quibus unà mixtis, eliquatisq; multa aqua, cōstruuntur parietes, quibus nihil est firmitus, magisq; diuturnū. Contritis itē salignis carbonibus, atq; in puluerem uersis, ac factitio nitro addito, sal nutrū id hodie appellant, rursus ipsa unà bene cōtritis, cōficitur tandem puluis ille, quo tormentis æneis incluso, post igne immisso nihil est uiolentius, quippe cū lapideis, aut ferreis pilis è tormentis ipsis, hoc succenso puluere emissis, mœnia quamuis affabrefacta diruntur, ac prostrata solo ingenti ruina subuertuntur. Quis ante hoc uisum reū; ipsi comprobatū, credidisset posse fieri? Nihil tamen homines terribilius hactenus sunt cōmenti. Quam multa miscētur à medicis, quorū ante mixturā ipsam uis ea neutiq; existit, quæ post manifesto apparet, siue sanandis morbis, siue egerendis humoribus, siue purgandis, aut glutinādis uulnēribus atq; abscessibus. Hoc idem igitur ubi usuenerit in nostris, et è quibus ipsi constamus corporibus, stellis id cōmimſcentib; atq; molientibus, mirari cur quis debeat, cum ab illis, ac per illas existant hæc omnia? Quid admirabilius quàm rerū futurarū inter mortales prædictio? uaticinatæ sunt tamen Sibyllæ, quæ multis etiā post seculis euenere, eiusmodiq; tum mulieres, tum uiri sæpius reperti sunt, et singulis pene seculis reperiuntur. Non arte, non institutione hæc cōparantur, uerū à cœlo ea uis existit per stellas ipsas, humorūq; cōmixtiones, quas illæ suis irradiationibus moderātur: eas tamen temperationes quis penitissimè ex totoq; deprehendat? cū ne in uerbis quidem nisi usu ipso, effectioneq; deprehendi omnino queant, quarū succis uires eæ insunt, quas usus quidem ipse ante cōpertam rationem homini monstrauerit, effectusq; ipsi manifestæ fecerint. Quodcirca circumuentio hæc Saturni, de qua dictū est, cuiusmodi sit, usu effectioneq; cōprobatū magis est, quàm ut ratione prorsus assequi ualeamus, ipsoq; ex humorū aut intemperamento, aut habitu, hoc est, aut ex humidi subductione nimia, aut potius ex incremento, aut quod à Sole uehementius Saturnus concalescat, propter coniunctionē paulò antè præteritam, quæ uē breui post futura sit, aut è contrario, quod de Lunæ copulatione magis ac magis refrigeat, quæ quidem paulò antè præterierit, aut statim est secutura. Si enim Saturnus in medijs fuerit Arietis partibus cōstitutus, Luna autē in primis, Sol uerò in ultimis, necesse est Lunā ipsam statim ad Saturni copulationē, ad Solis inde coitum confestim proficisci, ipsum tamen Solem paucis antè diebus Saturno copulatū exitiisse. Sin matatis Sol Luna partibus, ipse in Arietis primis, illa in ultimis collocata fuerit, ut cum Sole prius, posterius uerò cum Saturno Luna coierit, necessum est, cū quo Sol ipse coiturus inde nō multos est ad dies. Illud itaq; ipso

ex usu, observationeque affirmare tantum possumus, Saturnum hac est configuratione affecturum nati corpus intemperatone non modica, quando circumuentionis sue tempore, neutro à luminari conspicitur, atque ob coniunctiones ipsas, alteram quidem paulò antè præteritam, alterà uerò non multò post futuram, eum habitum induat, uti ex hac ipsa affectione, atque intemperantia, canities, de qua querimus, sit ante diem obuentura, cumque illa si mul alia fortasse mala. Siquidem erraticis à stellis, deque earum comixtionibus conceptus, ac genitus tempore perinde ac in disponenda panificia massa, fermentatione ab ipsa stellarum foetu induitur ea, per que post aptè sit, commodeque progrediendum ad illa, quæ quidem euentura decernuntur ex ijs ipsis, quibus inest ab initio potestas. Post uerò est potestate, eque ea quæ potentia dicitur, cum idoneum fuerit tempus, ad actum, ipsumque effectum aduenitur, perinde ut ad fructum, frugemque seminibus ac segetibus.

Libri undecimi de rebus cœlestibus finis.

IOAN. IOVIANI PONTA NI AD PAVLVM CORTESIVM

De rebus cœlestibus Liber Duodecimus.

PROOEMIUM.



IOANNES Picus, uir summa nobilitate, maximo etiã ingenio, Paule Cortesi, dum et nobilitati plurimum, et ingenio suo non iniuria tribuit, in Astrologiã acriter est inuectus. Verum enim qui uiuentem illum ego laudandis extollendisque ingenij eius uiribus honestauerim, in secler ne increpado mortuum? Absit ab ingenio institutisque meis, et ab summa beneuolentia in illum, dum uixit, mea. Quin magis magisque indies et laudabo mortui eius suauitatẽ, et admirabor ingenium. Nec minus etiã honesto ob id afficiar desiderio industriæ eius indagationisque temperandæ. Quid enim indignius, quam ea uia, ijsque gradientẽ uestigij, contra disciplinarum assertores inter se dissentientes acriter discerẽdo, id demum conari, ut ob dissensiones autorum, ostenderet quasi clanculum disciplinas eas esse nullas, illarumque cognitionem prorsus inanem? Priscianus grammaticæ artis professor, et doctor egregius, ueteres aduersum Grammaticos multa

Tt 2 quidem

quidem et sensit acutè, et contra eos disseruit. Tantū uerò absuit ab eam
tendē Grammaticæ consilio, ut firmioribus iaciēdis fundamentis illam ma
gis magisq; stabilierit. Nuper Laurentius Vallenſis multa aduersus Pri
ſcianū, non pauca aduersus Ciceronem cum diſſeruiſſet, nam contra Ari
ſtotelem pleno quidem locutus eſt ore, nec minore quidem uehementia in
quibusdam aduersus Theologos nostros locis, ita quidem modū retinuit,
tamq; adhibuit tēperatiōē, ut diſciplinās ipſas et ſuſpiceret, et magnifi
care illas quoad poſſet contenderet. Ariſtoteles et ipſe, qui phyſicis ante
ſe de rebus ſcripſerant, eorum in locis plurimis opiniones perquam ſtre
nuè quidem et coarguit, et labefactauit, ut qui tamen naturæ ipſius patro
ciniū ſuſcepſiſſe uideatur, diſciplināq; eam conaretur perficere. Boethius
Scurinus, Latine Philoſophiæ magiſter, facileq; eiſdem princeps, ni ſe
uitia temporū, dominorūq; peruerſi mores eiſ obſtituiſſent inceptis, erus
que Ariſtotelem inter Platonemq; uertuntur cōtrouerſiæ, modeſtiæ ſuæ
temperamento adhibito eas compoſiturus. An, quod penè uidemus quot i
die, in natura ipſa rerū quia contingunt per multa uaria, diuerſa, nō raro
etiam contraria, ob hanc ipſam inconstantiam contrariarūq; effectiōes, il
lam ipſam naturā nullam eſſe dicemus, nullumq; eiſ ſine conſilium, ſine
propoſitum? nulla deniq; indagatiōis eiſ atq; cognitiōis habendā eſſe
rationem? Accuſatur quotidie Deus optimus maximus, quædam quòd cō
tempſerit, alia quòd parū curauerit, aut omnino etiam neglexerit, pluri
ma quòd tanquā ignauus paterfamiliās aut inſolens nimis, ne uidere qui
dem ipſe illa uoluerit, aut ſuperbè fuerit dedignatus. Qui Deū tamen eſſe
neget, eſt nemo. Dixeritq; fortāſſe quiſpiam minimè illū curare mortalia,
quæ tamen dum dicit, illum quoq; ipſum eſſe, etiam nō curantē mortalia
uel nolens dicit. Nam etſi caſu fluitant omnia, illud tamen neceſſe eſt di
cat, quando fluitatio hæc nunquam deſinat, uim proſectò eſſe aliquā, quæ
fluitationem hanc nunquā deſtituat, nunquā effluere uniuersam, aut eua
neſcere ex toto aliquando patiatur. Quinetiam quòd plura in rebus ipſis
uaria contingūt ac diuerſa, eò naturā ipſam rerū conſiſtere. Deūq; rebus
ipſis præeſſe, hæc ipſa maniſeſtius declarāt. Nam quæ tum uaria eueniūt,
tum contraria, eorum ratio aliquid eſſe declarat, cuius cauſa illa ipſa eue
niunt. Nam et naturā ipſa ut artiſex etiam ſolertiſſima exiſtit contraria
rum rerum et autor, et moderatrix. Sed progrediamur etiam aliquantū
longius: Rerū cognitiōem naturalium doctiſſimi pariter ac probatiſſimi
uiri ſcientiam eſſe arbitrati ſunt. Atqui diſciplina in alia ſerè nulla opinio
nes exiſtere tam diuerſe de ipſis ſiue principijs ſiue cauſis. An hæc ipſa
indagantium Philoſophorum tāta inter ipſos diſſenſio id fortāſſe effectit,
ne ulla omnino naturalium eſſet rerū ſine cognitiō, ſiue diſciplina? Quia
eo ipſo

to ipso plures multo et incensi olim fuisse, et passim nunc ad perscrutanda nature abdita incenduntur. Nec idcirco physica ipsa cognitio coniecturalis est habita. At coniecturalis maxima est e parte medicina, signa enim sequitur, et quae prognostica dicuntur: coniecturalis est item Astrologia. Nullus igitur erit medicinae usus, nulla eius cognitio, quod ea ipsa uel sepius ad sanitatem non perducatur, uel quod medicum prisci maxime, tum etiam recentes sint in longè plurimis ac maximis rebus alius ab alio dissentientes? Videlicet in moderanda republica, in gubernandis regnis, quod prae ter eorum qui eam moderantur consilia, euenire multa consuevere, nulla idcirco existimanda est regendae reipublicae administratio, nulla rectorum sapientia, nullum administrationis eius existimandum studium, nulla administratoribus ipsis adhibenda autoritas aut fides? Nulla item nauigandi aut gerendi belli ratio, quod gubernatores, quod duces sentiant quandoque cōtro uersa? Quota est autem ualeitudinis cuiuspiam grauioris curatio, in qua medici non et dissentiant inuicem, et digladiaturi interdum altercentur, non de curandi modo ratione, uerū etiam de morbi ipsius causa, qualitate, genere? Mirum igitur, si coelestium scriptores rerum inter se alius ab alio diuersa sentiunt: quasi non et Democritus et Empedocles, et Aristoteles et Plato et sentiant inuicem in physicis, et dicant omnino contraria in curationibus uerò, et morborum perscrutationibus Heraclitus, Hippocrates, Aesclepiades, Galenus, Auicenna. Sunt nihilominus tum rerum naturalium, tum medendi praecepta in uniuersum tradita, eaque in artem redacta ac disciplinam. Idemque hoc ipsum in syderali cognitione, ut si huius nulla sit disciplina, ne et aliarum quidem prorsus sit ulla. Quo fiet, ut reliqua penitus inuestigandi opera et cura, neglectaque animae intelligentia, quae diuina in nobis pars est, ad ferarum nos uitam, moresque transferamus, curandis solum corporibus dediti, quae uel pessime quidem curabuntur, uel curari nullo modo rectè poterunt, ubi rationalis illa, diuinaque pars animae neglecta deseretur, iacebitque inculta. Noli hoc in loco, hacque in dissertione ac tractatu, de religione, cuius cognitio et studium ad Theologos potissimum spectat, aliquid omnino loqui: quae penè totidem habet uel altercatores, et quidē uehementes, uel rixatores potius cum primis acerbos, quot discipline magistros. Quocirca missum iam, amice tamen, suis ipsum cum sectatoribus Picum faciamus, nimirum alioquin tum morum ciuiliū suauitate, tum ingenij magnitudine mirifice etiam laudandum, atque eo magis suspiciendum, si in disceptatores ipsos inuectus, quod ingenij disciplinaeque eius intererat, fuisset disciplina tutatus, disciplinarum omnium maximam, quae à coelo, stellisque, coelestibusque à motibus ducat originem. Vsuuenerunt autē diuersitates hae, uariaeque opinioniones, quod uerum sit ipsa, rerumque certa cogni-

tio in abditiis deliteſcat, quodq; rerū tū euēta, tum euentus ipſi non raro quādem euadunt contrarij, uidelicet quia principiorū mixturæ, cauſarūq; conuentus quaſi quidam & neceſſitudines tam multe ipſæ quidem ſint, ut earum ſiue cognitio, ſiue ſcientia haberi particulatim nulla quidem perſcrutatione queat, aut ſciſcitandi ratione. Quo effectū eſt, ut in uniuerſum modo ſpectare rerum cognitio, & ea quæ proprio nomine ſcientia dicitur, & peritis iudicetur exiſtimatoribus. Quocirca Ptolemæus coeleſtium ſignificationum diligentiffimus obſeruator, atq; inſpector bene acutus, particularem futurorum prædictionem ad numine afflatoſ relegauit, qui Græco ſunt nomine ſiue ἰατροί, ſiue Λαμπροκροί. Motus enim ipſe, cui mundus hic rerumq; natura omnis paret ac ſubiecta eſt, ita quidem agit, conuertitq; elementa, ac rerum omnium ſemina, eaq; ſic commiſcet inter ſe, & quaſi fermentat, ut ignoratiſ ipſiſ fermentationibus, ignorare neceſſe, ſit quales inde prouenturi ſint effectus, qualia etiam opera. Quo ſit ut non raro multa ſecus accidunt quā eueniſſe aliā eſt perſpectum: ut in generatione animalium, ut in frugū prouentu, atq; agrorum redditu, qui cum maximè certuſ eſſe ſoleat, interdum tamen ita decipit ac fruſtratur agricolas, ut fameſ inde ſequatur, generiſq; hominum labes, uarietasq; regionum. Quis igitur ſtellarum effectiones particulatim, omninoq; cognitāſ habeat? cum inferiorum etiam rerū naturāſ, uires, cauſas cōprehendere particulatim utiq; nemo queat. Inſinitæ penè ſeminum ſunt inter ſe temperationes ac rerum, inſinitæ quoq; ſtellarum uires atq; efficaciz. Quis igitur aut haſ, aut illaſ, aut utraq; ſimul minutatim comprehendat, & quaſi in ſinu complicataſ habeat? Fatentur medici, declaratq; reſ ipſa, morboſ quodaſ arte nulla curabiles, uidelicet ob eorū ignorataſ cauſaſ, atq; ignorata remedia. Atqui in illiſ quoq; ægri tudinibus, quæ notæ ab eiſ dicuntur, contingunt, et quidēne haud rarenter præter morborū ipſorum naturā ac medicorū opinionem per multa nullo quidem modo aut prouiſa priuſ, aut cognita. Adcō uix eſt aliquid ita certum, aut hominum mentibus perſuaſum, quod nō quandoq; fallat, obſeruata licet fuerit etiam diutius uis illiūſ atq; efficaciz. Dierum, menſium, annorum, ætatum, ſeculorum inconstantia ac diuerſitaſ, nōnne ipſæ palām faciunt, quod de ſtellarum effectionibus, rerumq; ſeminibus nunc dicimus? Queruntur agricolaſ terrā iam conſenuiſſe. At nec terra tamen conſenſcit, ut ipſa tandem intereat perinde ut animalia quæ ab ea aluntur. quāuis mutantur ſuiſ quibuſdaſ temporibus regionum ſituſ ac qualitateſ, multoq; minus quā terra ipſa cœlum ſenſcit. Verū mutationeſ ipſæ qualitatū, ſeminūq; alternationeſ terræ tum ſterilitatem, tum aëriſ, atq; aquarum uitia multa produciunt, quippe quæ & ipſæ aliter atq; aliter afficiantur, ex eoq; diuerſiſ ut etiam modis ſeſe habeant neceſſe

esse est, perinde quidem ut cœlum ipsum à stellarum motibus suoq; affici-
 tur, atq; illarum inter se permixtionibus conformatur, afficiq; atq; infor-
 mat inferiora. Itaq; laboretur necesse est singulariū ignoratione rerū, cū re-
 rum ipsa genera uniuersim etiā quādoq; laborent, periclitantibus penē ex
 toto singularibus. Inspectat ægroti urinam medicus, aliq; excrementa,
 ac nonnunquam etiam uersat ea, percutat digitis arteriam, ac percussa ue-
 na explorat sanguinem, deniq; commotiones illius singulas, ora, oculos,
 linguam, labra, etiam unguēs, et tamen non rarō fallitur, nouam ob ali-
 quam, ac repentinam humorum commotiuiculam. Habet agricola certos
 ac suos ferendi dies. seritq; suo tempore, soloq; bene subactio et cultio, cer-
 tisq; colendi operas certis etiam temporibus satis ipsis impartit, promit-
 tunt demum omnia felicem prouentum, quem aut repente exorta uredo,
 aut dissipata ē cœlo grādo, aut maior aliqua ficitas, pluuiā ue intēperan-
 tior ē uestigio aliquādo intercipit, et quod uisum etiam non semel à me est,
 locustarum, ac bruchorum repentinus incurfus. Sæpenumero itaq; luditur
 et agricola, quamuis operosus et diligens, non est tamen agricolam qui
 insectetur maledictis, quin miserantur hominis potius labores, indolentq;
 solertiam frustra eius esse habitam. Nulla ars, nulla scientia tam est quā
 Astronomia certa, quod eclipsium prædictiones tam multos etiā ante an-
 nos, stellarumq; cōiunctiones inter se longē prius dinumeratæ declarāt.
 Quæ tamen ipsis ex eclipsibus, cōiunctionibusq; indicantur, apparentq;
 futura, falsum Mathematicum persæpe habent, propter commixtionū neq;
 probē omnino perspectam naturam, neq; planē cognitam defectus copula-
 tionisq; eius efficaciam, quodq; etiam fermentatio ipsa aliam atq; aliam
 ob causam, aliterq; quā consueuit affecta uariat. Quod ubi accidit, decre-
 to etiam publico Mathematici pelluntur ex urbibus. Nec tamen nos ij su-
 mus, qui in summa etiam uersari ignoratione Mathematicos ac deceptione
 negemus, tum propter agitationes cōtinuas stellarum omnium, cœliq;
 ipsius, quæ res incertitudinem suapte natura et gignit et auget, tū quia
 ex prædictione futurorū uera, tāta existit pōst laus et hominū admiratio,
 ut huius studiū, intēperantiorq; cupiditas præcipites plerūq; Mathemati-
 cos ad prædicendū agat, trahatq; ad significationes singulati enūciandas.
 Interdū quoq; lucri cupiditas, aut assentādi gratia. Cū prædicere etiā uni-
 uersim sit uel cū primis difficile. Ad hæc, quota est fixarū stellarū pars Ma-
 thematicis bene cognita? quasi nō inferiorū quoq; rerū cause sint in præ-
 dicēdis euentis uel diligētissimē animaduertēde, qualitates iīē, situsq; regio-
 nū, leges, mores, insitutaq; ciuitatū. Ut enim ad humani generationē fos-
 titus atq; conformationē, mulieris quoq; multū conferūt excrementa, et quæ
 dicuntur mēstruas, sic ad stellarū roborandos, aut irritandos effectus, ea quæ
 à no-

à nobis sunt de natura locorum ac situ, deq; urbium legibus, atq; institutis dicta. Nam quotus est, obsecro, his è Mathematicis, qui hæc aut moderatur, aut moderari ea omnino sciat? cum sint, ut dixi, tam multa abstrusa & abditæ, eaq; penitus ignorata in ipsa rerum natura. Ac mihi quidem uidetur Ioannes Picus ad ea quæ aduersus illos differuit, potissimum tractus; quod uideret Romæ quosdam aut Bononiæ, in alijs uel Italiæ urbibus, Philosophiam ac Medicinam profitentes, salarioq; à ciuibus conductos, annis singulis facta stellarum ac cœli cōuersione de uniuerso terrarum orbis statu, urbiumq; ac regum euentis tum in uniuersum prædicere, tum etiā per partes, & quidem minutatim. Rem sanè non absurdam modò, uerū etiam edictis publicis cōuercendam. Nec cœlum profectò, nec stellæ naues edificant, quibus merces transportentur, nec secures quibus facinorosi percutiantur ciues, nec lanam omnino curant, nec linum, è quibus panni texantur, nec item poenas statuunt aut supplicia, quibus puniuntur fontes ac malefici homines, nec regna constituunt aut præfekturas: quæ quidem cuncta homines ipsi, ob uitæ maiorem usum ac commoditatem publicè ac priuatim initio sibi constituere, & pro tempore etiam constituunt. Et quamquam multa sæpe mutantur, eundem tamen nunc sequuntur tenorem uiuendi & securius & abundantius. Quinetiam domos quoq; edificare & oppida, ad hæc et decreta et leges & ceremonias & magistratus statuere, quod æquabilius uiuerent, minusq; obnoxij casibus ac necessitatibus. Motiones quoq; & ipse stellarum ac cœli, pro natura humani seminis atq; excrementorū, in generatione fermentat atq; afficiunt humorū ipsorū commixtionem, atq; ut ita dixerim, massam: qua quidem è commixtione atq; affectu post & gignūtur et excitantur sensuum titillationes, è quibus etiā ipsis existunt uisa, & applicationes animorū ac studia ad has illasue potius siue artes siue facultates atq; exercitationes. Idq; eo magis, si natura regionis, si leges, institutaq; auxiliabūtur patriæ, si domesticæ etiā opes ac parentū accesserint institutiones. Quæ ubi defuerint, idè continget quod statuario, cui uis illa, peritiāq; fingēdi ubiq; quidè etiā cœnati inest. Quod si nulla illi ad fingendū materia subministretur, euanesceat illa prorsus & uis & peritia. Sin uerò male apta illa quidè suppeditabitur, inepta & ipsa profectò euadet effigatio. Quid quòd per se pe natura quos ad literas ediscēdas apparauit, ij quòd barbara, aut agrestis eorū est & terra, & patriæ parentibus etiā ipsis inuitatibus, conuertūtur pastoralia ad mūnera, atq; ad agrestis operas? Contrà uerò nō paucos primarijs è familijs ortos natura ab ipsa quæstuosas ad artes accommodatos, maiorū ac patriæ nobilitas adhibita parentū diligentia retraxit ad gerēdos magistratus. Itaq; nō ineptè fortasse dictum est in Vrania à nobis nostra, quòd stellæ ipse

Sensibus afficiunt uarijs, uariosq; agitatae
 Dant animis, unde et uarios formantur ad usus,
 Estq; suum cunctis studium, et sua cuiq; uoluptas.
 Saepe tamen uis firma animi, resq; externa, lex ue
 Alternant fata, et Genio aduersatur egestas.
 Stat fatum tamen, et sati uis insita perstat,
 Nec natura suas unquam inficiabitur arteis,
 In rectum, prauum ne uocet, uel stigma seruat
 Vsq; sua, et facilis per munera nota recusat,
 Si qua forte locum dedit aduersata potestas.

Renatū Masiliensiu ac provinciae Narbonensis Comitē, quiq; aliquan
 do Neapoli regnauerit, domestica gentilitas ad Comitātū primo, post ad
 Regnū etiam Neapolitanū extulit: Naturalis tamen eius applicatio, ani
 miq; innata perpersio illa, quæq; à Liuiō dicitur inclinatio, summa quidē
 ac penē tota erat in pictura, ducendisq; coloribus. Ferdinandus Neapolita
 norum Rex, in maximis nō regni modō Neapolitani, uerū Italiae totius
 negotijs ac periculis, domandorum curā equorū nunquā omisit, nihilq;
 adolescenti ei aut prius fuit aut uicinius, quam equitatio, quam ferocissi
 morum etiā equorum mansuetudo, illorumq; instituendorū cura. Nico
 lao Picinino fortissimo temporis sui duci, lamionis tamen filio, ad eas quæ
 natura eius animo infixisset applicationes et studia, quantum contulit,
 quantum, inquam, contulit Perusia patria: Ea enim tempestate nobilitas nō
 modō Perusina, uerū uniuersa propē ciuitas, nobiles simul atq; ignobi
 les rei bellicæ summo cum fortunæ ac temporum fauore incumbabant. Re
 gnant supra septingentos annos in Assyria atq; Aegypto Reges, qui suā
 ipsius gentis lingua Soltani dicuntur, illi quidem initio serui, quorū tamen
 liberi patri ne succedant in regno, publicis institutis cautū est, et obserua
 tum. Quāuis igitur Soltanorū liberis et cœli et stellarū et naturæ ipsi
 opitulari uideatur fauor, à regni tamen successione, quæ hactenus constā
 tissimē quidem seruata est, lege penitus arcentur. Aduersus quā Mahome
 tes bis ipsis temporibus, qui supra triginta regnasset annos, precio atque
 largitione corruptis quos ipse euexerat, filij successionem cū procurasset,
 uanam deniq; eam expertus est. Nā non ita multos post menses successor
 filius militū fuit consensu cæsus, stetitq; lex integra. Gallorū gens una tan
 tum e familia Regē sibi cōstituit, ea etiā lege, ut filius natus maximus succe
 dat patri. Igitur eam post cōstitutionem Reges apud Gallos non cœli, aut
 stellarū constituūt decreta, sed leges, maiorumq; instituta, cœlo fortē ipso
 consentiente, legemq; ipsam cōprobante. Quod autē regium nomen, pote
 stasq; uē regia esset antiquissima, ex eo introductū à primis illis est Ma
 V H thematicis.

thematicis, quoties eiusmodi stellarum constitutio esset in alicuius gentura, ut maximum ei inter ciues locum, maximamq; promitteret autoritatem in populis, Regem fore illum dicerent. Cuiusmodi ciues Florentie nunc si nascantur aut Venetijs, non reges quidem ipsi futuri sunt, sed aut primi in administranda republica, aut inter primos. iidem si nascantur in Gallia, erunt aut magna fortasse apud regem autoritatis, aut suis in populis clari atq; eminentes, pro patriæ tamen atq; urbis, familiæq; magnitudine aut humilitate. Qui si in oppidulo aut uico nascantur aliquo, exurgent utique atq; effrentur inter oppidanos, quantum loci eius ac parentum ratio permiserit. Tamen si interdum coeli decreta, ubi ualidiora quidem fuerint, supra natalis soli conditionem illos extollunt, militiam præsertim ubi, præclarasq; sequentur artes atque actiones. Quod in Mutio Sfortia contigit, quem natum constat Cotiniolæ sordidissimo per id temporis Acmilie uico: contigit item in Catamelata, furnarij ac maxime inertis hominis filio ex Narnia oppido, qui puer a militibus raptus post euasit. Veneti Dux exercitus maxime inclutus. Extulit patria, extulit Cornelia familia, extulit militaris educatio ac disciplina, paternaq; ite institutio P. Cornelium Scipionem. Que quidem, aliaq; suffragia defuere ijs, qui forte eadē genitura conditione fuere tunc in lucē educti, humilibusq; in oppidis atq; obscuris ē parentibus, aut Romæ forte nō ijs suffragijs ac prærogatiuis geniti. Habent igitur et coeli et stellarū denunciationes nūc legum fauorem, humanarūq; cōstitutionū suffragia, nūc illas aut parū propitias, aut maxime aduersas, dum inferiora hæc superioribus illis causis aut minimè congruunt, aut amice admodū suffragantur. Nec coelū rursus ipsum, nec stellarū cōstitutio a uis quenkūq; uel suspendio afficit, uel percutit securi, aut nauē frāgit in scopulo. Qui tamen Mathematici in initio hæc ipsa obseruauere, quoties peruersam stellarū constitutionē aliquā in ortu cuiuspiā cerneret, quæ uiolentam minaretur mortē, pro natura legū atq; institutorū regionis aut urbis, in qua ipsi uersabantur, uiolentā illā mortem prædicere futurā, aut ē securi, aut ē iugo, aut ē cruce, aut de saxo, aut ē tortura, alioue prætorio ē iudicio, secuti etiam naturā stellæ, quæ crimen ipsum, hoc est, mortis causam inueneret. Hæc igitur prædicendi, atq; (ut hodie dicūt) iudicandi ratio introducta ab illis cū esset, eandē ipsam et rationem et uia secuti sunt eorum possi fieri. Quocirca mirari nemo quidem debet, ubi Mathematicus ex iugo mortem alicui pronunciauerit, in ea aut urbe aut regione, in qua hoc poenæ ac mortis genere prætores minimè utantur in animaduertendis criminibus, nec uaniam ducere aut stellæ significationem, aut prædictionem Mathematici: neq; itē si prædixerit naufragiū, aut suffocationē, qua in regione nec flumina sunt ulla, nec lacus aut maria, nec ea gēs libèter peregrinatur, Hæc

enim prædictionum genera fuisse ab illis eadem ratione introducta, qui maritimas aut fluuiales incolerent regiones. Quæ tamen mortes fortasse contingunt, si non peregre, saltem è niuium suffocatione, aut grandinum, aut pluuiarum, aut de nimio potu, nimiaue cerebri exundatione, pro stellæ decernentis significatione ac uiribus. Ac nihilominus si humanæ persepe (ut dictū est) leges decretis aduersantur cœlestibus, quid mirum, si rerum inferiorū potentior uis aliquando causis obstet remotioribus, nec tātōpere ualidis? Itaq; satis quidem fuerit, mortē significari ex humido superfluente, et nimio. Habuit olim Assyria fortes ac bellicosos homines. At nūc Solitanorū ex edicto neq; Syris, neq; Assyrijs militiā sequi licet, quippe cū militare ijs in regnis seruiijs tantū, ac precio emptis militibus sit permissum. Igitur Alexādrīe si nascatur nunc quispiā, quem stellæ innuāt militē fore, tribunū uel militārē, nū cœlū mentietur? minime hoc quidē. Verū quod cœlū innuit atq; annunciat, regia lex, quæq; uiuēs dicitur, mortis etiam proposita prohibet poena. Adeo in rerum natura uariant non inferiora hæc solū inter se, uerū hæc ipsa inferiora, dū ea superioribus male consentiūt, existūtq; etiā ualentiora. Apud eas gentes quibus nullus est omnino lane usus aut līni, quæ uis potest esse astrorū ad decernendū lanificiū, aut pannorum texture? Vanus erit igitur illis in regionibus cuiusmodi cœli innutus, quem admodum erit in Sarmatia et uanus et nullus in significanda in alicuius genitura ex serico, aut sparto textura, quotiesq; etiā natura hæc inferior uires minimē socias suggesserit superiori. Fuisse Aegyptij disciplinarū penē omnium inuētores quondam et magistri. Postea uerō quā Mahometes ea, quam nunc Aegyptij sequūtur, religione eos imbuit, ab omnī prorsus abhorruere disciplinarū studijs, bonarumq; literarum cognitione. Videlicet quod constitutiones illæ, stellarumq; significationes utiq; euenerint. Quin eadem quoq; suo quoq; tempore et portendunt, et significāt. Verum mutata sunt, ut quotidie mutantur, hominum instituta, mores, leges, uiuendi quoq; artes ac rationes, quæ quidem mutationes et ipse quoque à stellis fortasse originem ducunt, quarum tamen obseruationū in longissimis ætatibus quis est qui non obliuiscatur? Nulli sunt apud fortunatas insulas rhetores, aut iurisperiti, scilicet quod nullæ ijs in insulis sint respublicæ, literæ nullæ, leges itē quæ scripto sanciant nullæ, neq; alijs quā naturæ ipsius institutis uiuant insularū earū incolæ. Nec tamē Mercurius qui elocutioni præest, nec Iupiter qui æquitati et iuri, nec Mars qui lites excitat aliq; eas insulas, eosq; homines è cœlo nō ut Hispaniam, ut Africam, ut eiusdem climatis inhabitatores radijs suis intuetur, atq; afficit. Atqui è fortunatis insulis quæ pelago nūc demersa iacet Atlanta, unde Atlanticū mare, et cū quondā fuit in occasu potita. Et uerō si nulli sint hominū coetus,

nullæ res publicæ, legeq; sociati cōuentus, cœlū quo modo decerneret seditio-
sum, aut legum contemptorē ciuem? quæ etiā uia pœnam seditioso statuet,
aut patrie proditoris? Atq; ubi patriæ legibus cautum sit, pœna cōstitutā,
sororem ijsdem ortam parētibus fratri nullo pacto iungi (etsi olim apud
Persas, licebat inter filiū ac matrē nuptias statui) cœlum ne decerneret cuius-
modi matrimonia? minimē profecto: uerū eo ab cœli ac syderū statu in-
nui potius nefariū dicemus concubitū. Scimus in Cāpania, agroq; Neapo-
litano hyeme quidē tonitrua & multa & horrenda fieri, an in Gallia aut
Germania prædicit Astrologus hyemem fore tonitruosam? cū alibi quā-
m in Campania uix hyeme tonitrus bi cōtingant. Neque igitur ubiq; inces-
sendus est Mathematicus, cum prædictiones euentorum eiusmodi minimē
succeedant, & ipse ijs debet à prædictionibus cōtinere, cū primisq; leges,
mores, artes, studia, uita genus, quæstusq; hominū regionis cuiusq; consi-
derare. Omnino uerō et in re quaq; à prædicendis abstinebit particulari-
bus, & in quocunq; euentorū genere: quod cum fecerit & uindicabit se ab
insectantiū detractationibus, & disciplinā stellarum in autoritate, præcioq;
conseruabit suo. Voluit Paule Cortesi his, & fortasse quā opus est plu-
ribus affari, antequā ea quæ dicenda restant, aggredior. Nanq; accusare
te persepe haud iniuria quidem audio Mathematicos, uel de illorū potius
ignorantia conqueri. Nihilō te tamen minus disciplinarū omniū non ama-
torem solū, uerumetiā admiratorem satis esse scio, & cōpertum maximē
habeo. Idq; eo feci consilio, quo tutemet intelligas, etiā me uel suasore, uel
admonitore quid iure accusare, quid etiā laudare in hac disciplina, cuiusq;
professoribus, & possis & debeas, omni non modō liuoris suspitione ua-
cuius, uerumetiā maledicentiæ. Scias igitur & à motu stellarum & cœli
excitari elementa, ab elementis uerō tum uegetantem, tum etiam sentiens-
tem uim foueri, agi, diuersis modis affici, etiam mutari, uerti, rationem au-
tem in ijs uersari quæ subiecta partim nobis ipsis sunt, partim nos illis: in
ijsq; quæ subiecta quidem sunt nobis, posse nos illis adhibita ratione aut
ubiq; præscribere, aut plerunq; at quibus ipsi subijcimur, partim aduer-
sum ire nullo modo nos posse, ut senecluti, ne suo adueniat tempore, nisi
fortē inferre nobis manū uoluerimus, natura inuita, partim eorum mode-
rari impetum, atq; ex parte minuire, aut si nō penitus auertere, lenire sal-
tem furorem, ut in fame, in tempestatibus, in aduersis casibus, in corporis
ideniq; perniciosis affectibus. Nō pauca quoq; ab his ipsis minimē disiden-
tia libellum hunc legens animaduertes, quæ confirmare animū tuum ad
ea quæ dicta sunt, & iure poterunt, & ipse minimē abnues, homo ijs præ-
scriptis moribus præditus, tantāq; cognitione, ac plurimo rerum usu.

Libri duodecimi de rebus cœlestibus finis.

IOAN. IOVIANI PONTA

NI AD ANTONIVM GEVARAM

Comitem Potentinum de rebus coelestibus li-
ber Tertiusdecimus.

P R O O E M I V M.



QUAM è niue liquescentem sitim non extingueret, uel augere illam potius, Antoni Geuara, è medicorū primis sunt q̄ asseuerent: etsi suapte natura aquae potus ē sedat illā mediocrior, et maior etiam extinguit. Saltem quoq; tradunt cū uino cibitum ebrietatem inducere, eundem si à ie iuno sumatur, prohibere eam. Lactucam item ex aceto caliginem oculis offundere, eandem illinendo medicamento adhibere, calidæ muliū conferre ophthalmiæ oculorūq; suffusioni. Arcet pestilens illud uirus cū caricula nux, cumq; pauculis rutæ folijs ieiuno præbita. Eadem nux cum cepa & sale remedium est etiā ualentissimū sanando rabidi canis morsui. Ne aut huiusmodi consuelemur multa, è rebus simul mixtis, atq; in unum coactis, non alij modo atq; alij effectus manant, uerum etiā ipsæ ipsi è rebus aliter atq; aliter seorsum adhibitis atq; admistratis. Aliud olei munus est inuncti extrinsecus, aliud cū cibo sumpti, aliud etiam dum aluius inferius subducitur. Vini quoq; ratio est non una, tum e poti ad sedandam sitim, atq; alendum corpus, tum exterius adhibiti, aut fouendis neruis, aut exiccandis tumoribus. An nō aer ipse exagitatus refrigerat, immotus aestuat, inclusus male afficit? Putrescit utiq; stagnans aqua, eadem decurrens salubris efficitur. Natura enim ipsa, rerū omnium magistra, ita quidem comparatum est, seq; ea sic instituit, uti rerum cōmixtionibus accedat plerunq; tertia quædam uis. Tertiā uocouim illam scilicet, quæ post rerū simul ipsarum cōflationem enascitur, quæ neq; prius omnino inerat in materia, neq; in ipsa quæ materiam cōcinnauit, atq; in unum redigebat forma. Eadem quoq; natura comparatum est, uti rerum differentius usus ipse maximè pro diuersitate sua & ostendat & probet. Vtimur ferro ad cædendum, ad fodiendum, ad frangendum. Idem etiā ferum adhibemus ad suendum dissuendumq; ad includendum atq; reserandum. Vtimur etiam lapide ad struendos parietes, ad molendum triticū, ad excoquendā calcem, ad effigiendas imagines, ad sternendas uias. Ligneâ necrō materiam tam multos ad usus uertimus, ut difficile sit enumeratu. Ex

hoc itaq; usu rerum tam diuerso ac multiplici, et earum inter se cōmixtione tam uaria, uita ipsa nostra, hominumq; societas constat, siue artes inspiciantur, ne de corporis loquamur cōstitutione, siue ciuiles consuetudines, totiusq; reip. administratio, siue etiā sermo ipse humanus locutioq; cōsideretur, qua nihil est neq; prius neq; melius, præter rationē, nobis à natura, dono dei munereq; cōcessum. Sermo igitur ipse noster totus ē literarū cōmixtione constituitur ac syllabarum, ē quibus uoces ipsæ cōstant, eaq; sermōnem conficiunt. Vsus autem ipse uocum qualis fuerit, qualis etiam oratio, auditorem nunc ad iram inflammabit, nunc inducet ad risum: hic exci-
tabit ad uindictam, illic inuitabit ad misericordiam: aliās dolore afficiet, aliās delectabit. Demum quid quisq; sentiat, et quo sit modo affectus, oratio ipsa indicat, pro dicētis ipsius gestu, explicatione, habitu. Quod si in his quæ cœli et stellarum sunt, rerum nostrarum exemplis uti, eaq; cōponere cum inferioribus his licuerit, hoc maxime modo, hacq; etiam uia cœlestium sese cōfigurationū cōmixtiones habent et ad informandū, et ad decernendum: inest enim stellæ cuiq; sua ac peculiaris uis, cuiq; etiam affectui atq; cōfigurationi. Vires autem ipsæ, ac facultates, multiplicem suscipiunt tum diuersitatem, tum uarietatem, pro mixturarū natura atq; cōfigurationū. His accedunt similitudines dissimilitudinesq; atq; contrarietates qualitatū, conditionū, locorū, status item atque habitus stellæ cuiusq; accessus item atq; recessus, cœliq; ipsius acclimationes atq; declinationes. Quarum rerum quanta sit uis, unius Solis obseruatio docet, ē cuius motu progressionēq; austrum uersus ad septentrionem, cuiusq; per signum quodq; diuagatione eueniunt hæc quæ uidentur omnia in herbis, in stirpibus, in animalibus, in aëre, aquis, terris. Ex ipsa itaq; cōmixtione, ne à nobis recessisse uideamur, ē cōmixtione, inquam, ipsa effectuum iecinoris, lienis, pulmonis, cerebri, ac moderantis cuncta cordis, cum animalium ceterorum, tum hominis imprimis constituuntur suæ cuiusque animalis partes ac munera. Eadem etiam opera, si, quod dictum est, cōparatione ac similitudine uti liceat, stellæ cuiusque effectuum mixtura, ipsiusq; imprimis Solis, à quo perinde atque à corde fouentur omnia, statum quæq; suum inferiora hæc sortitur. Et qua etiam ratione quæ diximus membra sensus motusq; suscitantia utuntur uenis, arterijs, neruis, fibris, chartilagine, sic Sol cum planetis alijs utitur cœli signis, singulorūq; ministerio atque opera. Pro quorū quidem diuersitate, natura, officio, uariant etiam ea quæ ab illis statuuntur. Quæ ē re tanta existit cum corporum tū ingeniorū diuersitas, iteq; applicationū, multiplexq; illa sermentatio, ē qua uarietas ipsa proficiscitur, ut res à primis illis nature rerū obseruatoribus dictum sit, et creditum, hominem ipsum minorem quendam mundum

mundum esse, superiorisq; illius referre imaginem, ad quem commotiones ipse nostræ, atq; applicationes sint etiā referendæ: Et si nequaquā eas omni ē parte aut cognitio ea, quæ scientia dicitur, metiri, aut observatio deprehendere particulatim ualeat: id quod in rebus his inferioribus passim quidē euenit, ut euenire idem in rerū celestium inuestigatione minimē mirandū sit, quarū et inspectio sit quāremotissima, et inuestigatio maximē omnium abstrusa. Quis enim ad exactū differere de coeli stellarūq; effectibus ualeat, earūq; inter se temperaturis: quæ sint propemodū infinitæ: ut inquirendis rebus quæ physice dicuntur, hac in parte non minus quā in celestibus caligent inquirentium ingenia. Quocirca quæ a nobis traduntur, eorum ad unguem omnium, expressēq; ac minutatim ratio nequaquam redditur: Cū præsertim sapores quosdā, quos artificis cōcinnaui manus, ita aut probemus, aut improbemus, ut quisq; ē palati sui loquatur sententiā, certā tamē causa probationis improbationisq; ignorata, quæ tamen ipsa certa quidem ac uera subest, aut in nobis, aut in illis, aut in utrisq;. Itaq; et medicis, et minorū artium professoribus meritō cōceditur, ut in quibusdam standum sit observationi atq; experimentis. Quod dari etiam celestium rerū, syderalisq; scientiæ studiosis tāto quidem æquius postulatur, quanto de his quā de illis difficilius est sententiam ferre.



Homo igitur cū sit mortalis, et uoletudines in uita, et uitia ei permulta accidunt, nō in ea duntaxat parte animæ quæ aut uiget aut sentit, sed quæ etiā intelligit, ac ratione utitur, et à qua rationale est animal appellatum. In parte igitur et uegetante, et sentiente qui contingant morbi, quæ etiā uitia, medicorū declarat industria ac disciplina: de quibus nō pauca quoq; sunt à nobis iā dicta. Animi uerō morbi atq; affectus, quas passionēs etiā dicere, Græco præsertim exemplo, non est cur quis recuset: etsi nō sunt fortasse quā qui corporis rariōres, tamē eo pauciores, quōd corporis ægritudinū curatores ac medici ob lucrū inueniuntur permulti: animi uerō morborū aut omnino nulli (quis enim aut stultū se fatetur aut insanū?) aut omnino perquā rari. De uitijs itaq; animi uoletudinibusq;, ac morbis, dicturi hoc in libro statim sumus, non illis quidem seu uitijs, seu morbis, qui mediocres habentur, et quorū uita cōmunis abunde est plena, uerū de illis ipsis, qui hominē de statu prorsus hominis, suōq; deiciūt, graduq; rationali, quales sunt lymphatiōes, furores, insanie, cū homo ipse deprauatis sensib. mente etiā captus aut desipit delirās, aut insanies firmit. Post quæ de affectibus etiā quibusdā dicemus alijs, qui hominē ipsum inquināt quidē, præterq; modū intemperatē faciūt, cōtaminatis moribus,

siue morbi affectusq; illi sint animi, siue hominis ipsius, ex animo qui ex-
 stit ac corpore. Quæ de re argutus differere loci est alterius ac discipli-
 næ. Vitia uerò atq; affectus in hac ipsa dissertatione accipi sic uolumus, ut ui-
 tia quidē intelligantur ea, per quæ aut delirat quispiā, aut insanit. Affectus
 uerò, per quos ad intemperantiā delabitur moresq; impuriore; neq; enī
 raro mens ipsa ob imbecillitatem deprauationem ue, nec intelligit quæ ra-
 tionis sunt, et ab illa quadam quasi obtorpescentia, sensuum ue imbecillo
 habitu aberrat distrahiturq; de uia, unde delirare ductum est, et hi qui-
 dem homines desipientes habentur ac deliri. Alij uerò rationē ita abiecere,
 ab illiusq; deflexere curriculo, ut non modo errent de uia, uerūq; ab omni
 prorsus hominis officio alieni rationiq; aduersantes, ab eaq; extorres facti
 insania agitentur ac furore, quos diuersis quidem appellare nominibus,
 fanaticos, procerrimos, laruatos, demoniacos, lymphatos, firentes, serio-
 sos, uno tamen omnes nomine insanios. Insaniam tamen hac in parte intelli-
 gi uolumus non eā quidē, quæ à medicis phrenesis est appellata, quæq; ab
 illis in lecto curatur, sed quæ aut incurabilis ipsa est, aut non nisi post mul-
 tos sanatur annos, habitaq; est interim ostētui. De quibus singulis, et qui-
 bus manēt à cōfigurationibus, et quo etiā inter se differāt, hæc tradēda esse
 duximus, à cœli syderūq; cognitione, diurnaq; ab obseruatione profecta.

De insania ex morbo comitali. Cap. I.



Orbo igitur comitali qui correpti sunt, ab eoq; subin-
 de continēterq; uexātur, quiq; Græcè sunt *μηνιαστικοί*,
 è nostris, ut uideo, sunt qui caducos eos appellarint: hi
 plerunq; morbi ipsius urgente absidue ui grauitateq;
 mente tandem consternantur atq; animo, à rationeq;
 abalienantur, quo fit, ut nōnunquam in pericula conijciantur multa, eaq;
 graui ac pernitiōsa, ut miseris deniq; exagitentur modis, clamitando, uo-
 ciferādo, fœdādo sese. Quē morbū quod diuturnitas ipsa uisq; incurabilis
 uitium tandem efficit, Ptolemæus putat illis plerūq; accidere, in quorum
 genitura Luna nullam cum Mercurio copulationem ac familiaritatem ha-
 buerit, nulla illi fuerit ratione coniuncta, aut modo aliquo, ut ipse inquit,
 colligata, ut qui sint uterq;, Luna scilicet ac Mercurius, non disiuncti mo-
 dō ab sese, nulla utiq; connexionē deuinclī, uerum etiam orientali à finito-
 re omnino alieni, præsertim ubi illud ijs etiam accesserit malis, ut Satur-
 nus diurna quidem in genitura, in nocturna uerò Mars, quibus uterq; sepa-
 ratim condutionibus gaudeat, cardinem cœli teneat, ubi collocatus ipse su-
 periore ē loco uolētus respiciat. Ne autem nostro ab instituto recedamus,
 rei huius illa uidetur esse ratio: quia cum Luna corpori dominetur, corpo-

risq;

risq; humoribus, ac præsertim cerebro, quod motū quidem Lunæ ipsius sequatur, ac naturam, Mercurius uerò rationi cum præsideat, ut abunde iam ostensum est, nulla prorsus esse possit humani corporis aut cōstitutio aut fermentatio, in qua locum ratio suum retineat, cum humorū ipsorum corporis rationisq; rectores ac duces nullo prorsus inter se societate ac societate, nulla inuicē omnino cōnexionē, nulla deniq; oriētali cū finitore copulatione iūgantur, imò ab ipso potius abalienentur horoscopo. Quādo hic ipse horoscopus nascentis hominis cōstitutionē maxime indicat, totiusq; cōcretionis statum ac qualitatem: quæ perinde quidem futura est, ut rationis in se ipsa semen nullo pacto sit admissura, aut illud quidem potius auersura, quod in agris quibusdam cōtingit: neq; enim, quod ait Virgilius, Terra ferre omnes omnia possunt. Ipsorū autem humorum, corpore eiq; cōcompositionis, ac cerebri præsertim incomposita uis cō amplius exagitatione, distraheturq; ab omni rationis usu ac familiaritate, ubi Saturni, Martis uel perniciosæ, potensq; irradiatio sese adiunxerit à cardine, Saturni quidem diurno tempore (fit enim conditio ab ipsa temporis ualidior, ut qui lætetur die) Martis uerò nocturno, quippe qui nocte gaudeat. Humores enim ipsos cōfiguratio hæc magis magisque exagitatione, reddetq; indies maligniores, præsertim uitiatō cerebro, quod uitiō mala hæc proficiuntur omnia: à maleficarum enim intemperantia, peruersaq; effusione manat omnis humorum malignitas, cerebriq; indigna affectio. Siquidem egritudines illæ, quæ inexplificabiles sunt, habenturq; ostēti, à maleficis oriūtur. Quod si maleficarū ipsarum temporalis mutata fuerit conditio, ut noctu quidem Saturni stella, die uerò Martis genitura ipsius cōfigurationi dominetur, locū utiq; superiorem nacta, uiribusq; planè suis prædita, potissimūq; in Cancer, aut Virgine, aut Piscibus, ex hac profectio tam deprauata cerebri, humorūq; exagitatione insania gignetur illa scilicet, quæ Græcè est *μανία*, quo morbo correpti qui sunt, à Græcis *μανιακοί*, furiosi à nostris dicuntur, quod cōrū mentes ratione ab ipsa penitus alienentur, sintq; à furore percitæ. In hac uerò ipsa de qua loquimur, cœli genitura eiq; cōfiguratione, ubi aut Lunam coire cum Sole cōtigerit, quo in coitu Saturnus eam peruersa irradiatione afflixerit, aut Soli aduersari, ac pleno contra illum ferri lumine, qua in plenitudine ex statu Mars Lunam hostiliter uexet, oppressamq; radijs suis male habeat, maxime in Sagittario, aut Piscibus, nimirum quibus hoc nascentibus contigerit, ij fanatici erunt ac procerriti, quasi numinis alicuius ira exagitati, quos Græci *Λαμιανοί* uocant, deq; nimia capitis humeflatione, cerebriq; humorum exuperantia etiam *Hydrocephalos*, unde à nostris quoque maioribus lymphationis nomen ductū est, uitioq; hoc affectui uocati sunt lymphati. Nec uerò hæc ipsa uitia pro beneficarum quoque

stellarum situ irradiationeq; non alias etiam atque alias qualitates susci-
piunt, quippe quæ sanari morbum ipsum tandè aliquando decernant, id est,
humores ipsos aliquando temperatū tri, quæ è temperatione sanitas tandè
restituitur pristina. Si enim Iouis illis aspectus, aut Veneris sese aduixerit,
sintq; maleficæ ipse libycis in partibus, ut Ptolemæus ait, hoc est, occiduis
positæ, beneficæ uero in apelioticis sub solarisq;, eiq; cardinem teneant;
morbi quidem sanabiles decernuntur, qui nihilominus ostentui futuri sint
atq; in exemplificabiles. Sanitas autem ipsa, ubi Iupiter suffragator astute-
rit, hominum opera medicorūq; curatione ac remedijs restituenda decer-
nitur. Sin Veneris adimiculabitur stella, ueneficijs sortibus, oraculis, nu-
minis, uel cuiuspiam beneficio ac fauore. Contrà nullā admittent morbi cu-
rationem, nullum remedium, ubi maleficæ cardinem tenuerint sub solaris
in partibus constitutæ, beneficæ contrà in libycis diuersabuntur. Ad incur-
abilitatem illud quoq; accedet malū, ut futura sint uitia peruulgatissima, no-
bilitenturq; infamie nota. Hoc igitur in statu cœli morbus ipse comitalis
futurus est non modò manifestus ac diuulgatus, uerum etiam, ut paulò antè
dixi, cum animi consternatione, mentisq; ipsius compressione, ac cum cla-
more et uociferatu, multiorūq; ac letalium periculorū iactatione. Furoris
aut comites erūt mentis à ratione ipsa omni è parte abalienatio, motus cor-
poris, animiq; incompotiti atq; inordinati, rerū familiarū dissipatio ac ia-
ctatio, uestium discissio. Ipsi uero sic affecti nūc per loca maxime frequen-
tia, nunc à cultu destituta nudirapiuntur, execrantes deos, incessentesq;
homines male dictis, uerberando, cædendo, lapides iaciendo, ut necesse sit ui-
culis eos ac carceribus cohibere. Itaq; furor ipse nō ostentus modò, uerū
etiam miserabilis futurus est. At lymphationem, et quos fanaticos uocari
diximus, numinū comitantur afflatus, et hi quidem ipsi sunt, hodie qui Spī-
ritati uocātur. Vulgo enim passimq; spiritus dicūtur, qui Græcè sunt *δαί-
μονες*, iidem Græco uerbo *ἀστυνέμοι*, nam et futura uaticinātur, et con-
silia maxime secreta detegunt ipsos adeuntium, ac nunc occulta scelera,
nunc peruersas illorū cogitationes produnt, futuraq; seu bona, seu mala
annunciant, cuiusmodi Sibyllas fuisse proditū est memorie, quales nos ipsi
penè pueri cognouimus mulierculā singulari pudicitia, uiuentem in agro,
ac manū opera parantem sibi uictum: nam plerunq; mulierculas morbus
hic inuadit propter maiore cerebri humectationē. Eodem hoc morbo cor-
repti quandoq; etiā pectus tundūt pugnis, ora oculosq; cōtorquent, ac fa-
ciem uerberāt. Itaq; nō temerè Virgilius de Deiphobe illa sua furente ait:

— Cui talia fanti

Ante fores subito non uultus, non color unius,

Non comptæ mansere comæ, sed pectus anhelum.

Etrabie fera corda tument, maiorq; uideri,
Nec mortale sonans. Nec multo post:
At Phoebe nondum patiens immanis in antro

Bacchatur uates. His enim uerbis habitū furentis declarauit.

nam huiusmodi uesania correptos, suo nomine maiores nostri furcentes uocare. Huius autem insanie non unam speciem loca, situsq; erraticarum, quæ cōfigurationem constituunt, pro natura sua pariunt. Comitialē enim ad morbum ingenerandum, status collocationesq; Iouis et Mercurij, eorūq; domicilia conferunt plurimū, Solis ac Martis ad furorē, Veneris ad nūm dum afflatus ac uaticinia, Saturni Lunęq; ad lymphationē, eāq; ad uexationē, quæ de nimia ac peruersa capitis humectatione suscitatur. Siquidē saticorū, ac lymphatorū genus est duplex: alterum quidem quod uaticinatur, prædicatq; futura, et secreta aperit: alterū uerō quod uesania tantum agitatur, habeturq; ostētiui. Itaq; pro uarietate locorū, aspectus, cōfigurationesq; stellarū, ipsa quoq; uariatur insania, isq; animorū morbus, de quo nūc agimus, quicq; mentem de suo prorsus statu deijcit, eueritq; de gradu. Ptolemæi hac ipsa de re enunciatiū extat numero septuagesimum: In furentibus Luna Mercurio nō copulatur, neuterq; ascendenti in demoniacis. In hac figura Saturnus quidam noctiu, Mars uerō interdū cardinem tenebit, maximiq; in Cancro, Virgine, et Piscibus. Cui enunciato adijcere non recusabimus ea, quæ in commentationibus dicta sunt à nobis: ea uerō sunt hæc. In genitura eius qui numine afflatus est, quæ Græci διῦλ' οὐδ' αὐτοῦ, unde Sibilla ista est dicta, inuenies Lunam nulla prorsus cum Mercurio copulatione coniungi, nullo simul cognationis genere colligari. Simili etiam modo in genituris laruatorum, procerritorūq; quos hodie Græci nomine σαυονιακῶν dicimus, inuenies Mercuriū Lunamq; nullam cū horoscopo copulationem habere, nullo ei uinculo iungi, nulla denique ratione horoscopum complecti. Quinetiā in genitura ipsa siue furentis, siue demoniaci, si nocturna fuerit, Saturnū: si diurna, Martem cardinalem inuenies, critq; uterq; longē potentior ad furorē, lymphationemq; excitandam, si tunc in Cancro, aut Virgine, aut Piscibus collocatus fuerit. Si enim uis dictum est, rationi Mercurius præest, Luna corpori, quis consilio, aut rationi esse in eo homine locus potest, in cuius genitura Luna Mercuriūq; nullo simul uinculo colligantur? nec horoscopum, qui corpoream nati illius fabricam significat, ullo pacto complectuntur: imò quod perniciosius est, Saturnus noctiu, quod tempus propriæ Saturni conditioni aduersum est, Mars interdū, cuius stella nocte gaudet, cœli cardinem tenens, in corpore nati eius perniciosos, et insaniam excitaturos humores ingenerat, cū uterq; planeta, alter atræ bili, alter rubræ præsit, et utraq; bilis, id est.

cholericus melancholicusq; humor, ubi uebementior fuerit, in infaniā uer-
 gat. Cur uerò in Cancro, Virgine, aut Piscibus magis quàm in alijs signis?
 an quia Mars, Saturnusq; pessimè se habent in Cancro in quo positus Mars
 altitudinē suā, Saturnus propriæ domui aduersetur: in Virgine, quod illic
 constitutus Saturnus cadat ex Libra, in qua exultat: in Piscibus uerò Mars
 positus ex Ariete, id est, ex domicilio suo decidat. An fortasse quod cū Lu-
 na, Mercuriusq; nulla inter se, nec cum horoscopo colligatione iungantur,
 hoc etiam Saturnus noctu, Mars interdū, quando nocentiores sunt, ad ma-
 lum utriusq; habitum adiungant, ut Cancrum Lunæ, Virginem Mercurij
 domum infidens magis ac magis infestet? Cumq; in tam pernitiōsa cōfigu-
 ratione necesse sit Iouem, Veneremq; male affici, ad malum etiam Iouis do-
 mum, Veneris altitudinem, Cancrum item Iouis? An quod in Cancro ac Pi-
 scibus humores plurimos excitent: cum lymphati maximè humidum cere-
 brum habeant, inde enim lymphati dicti mihi uidentur. in Virgine uerò bi-
 lem illam maximè exultam, cuius alumna uidetur infania. An potius dicen-
 dum erit, ab insita naturaliq; quadam potestate hoc fieri, idq; ita se habē-
 re obseruatio ipsa docuerit? Qui locus uti fieret aliquanto illustrior, ac di-
 stinctior, placuit Ptolemæi ipsius uerba ex tertio Apotelesmatum libro af-
 ferre, quæ sunt hæc: Epileptici namq; plerūq; sunt, qui Luna, Mercurioq;
 nec aut inuicem colligatis, aut cū orientali finitore Saturni quidē stellā in-
 terdiu, Martis uerò noctu cardinalem habent, quæ superiore è loco figuram
 despicit. Cū uerò contrariū in his accidit, ut Saturnus noctu, Mars inter-
 diu figure dominator sit, ac maximè in Cancro, Virgine, aut Piscibus, insa-
 ni sunt. Vexatos à demonibus qui humido capite sunt, malefica faciūt, cū
 ita se habentes Lunam Soli configuratam obtinebunt, Saturnus quidem in
 nouilunio, Mars in plenilunio, præsertim in Sagittario, ac Piscibus. Sole
 itaq; malefica stelle quo dictū est modo, figure suscipientes dominatum,
 et incurabiles, et latentes, et quæ ostentui sint, quas diximus passionēs,
 et animæ morbos in ea parte quæ intelligit, faciunt. Quibus si beneficariū
 stellarum Iouis ac Veneris societas accesserit, atque ipse quidem malefica
 occidui cardinē tenuerint, benefice uerò orientālē, quæ ostentui sint, passio-
 nes faciunt, curabiles tamen medicorum remedijs, hoc est subductione, et
 potione, et hoc propter Iouem, sortibus uerò, ac deorum ope propter Ve-
 nerem. At cum malefica in orientalibus cardinales fuerint, benefice in oc-
 ciduis, morbos faciunt incurabiles pariter ac diuulgatissimos, maximeq;
 nobilitatos. Morbum autem comitalem consequuntur compressiones, cla-
 mores, pericula etiam letalia. Infaniā, mentisq; externationem, motus in-
 compositi, rerum familiarium dissipationes, corporum denudationes, exe-
 crationes.

trationes, et alia huiusmodi. Lymphationem, et humidi exagitatione consequuntur furie, numinum afflatus, uerberationes, quæque huiusmodi ostentui sunt. Priuatim autem et continentium locorum figura confert. Loca enim Solis ac Martis ad insaniam maximè conferunt, Iouis Mercurijque ad morbum comitiale, Veneris ad demonum uexationes, Saturni Lunæque ad humidi exagitationes ac lymphationes. Videamus quid de his quoque Iulius Maternus dicat. Saturnus et Mars solidis in signis positi, si diametra se radiatione respiciant, aut unus in horoscopo sit, alter in occasu, aut unus in imo, alter in medio, epilepticos faciunt. Si uero in tropicis signis constituti hac se radiatione respexerint, caducos efficiunt, et qui nulla possint ratione sanari. Itè si Mercurius in Virgine, aut in Piscibus constitutus in horoscopo sit partiliter positus, et cum Saturnus, et Mars quadrata radiatione respiciant, insanos efficiunt. Si Mars et Saturnus ita sint collocati, ut unus ipsorum in medio caelo sit, alter in imo, ex prauis humoribus uitiosam aegritudinem faciunt. Sed si hos Mercurius quadrata radiatione respexerit, Deorum illis praesidio sanitas comparatur. Si uero his in locis positi partili sint radiatione coniuncti, ut æquas partes possideant, insanos efficiunt, et qui nunquam possint ab his criminibus insanie liberari. Si uero in finibus suis sint positi, aut in Saturni finibus sit Mars, et in Martis finibus Saturnus, et sint in quibus diximus locis, in initijs insanie constituti liberantur, posteaquàm Martis quintusdecimus annus, aut Saturni trigesimus completi fuerint. Sed et cum Iupiter et Mars simili se radiatione respexerint, epilepticos faciunt. Si uero sic, ut diximus, positi in suis partibus fuerint collocati, aut Iupiter in finibus Martis et Mars in finibus Iouis, in initijs eius uoletudinis constituti liberantur. Sed quando prima stellæ tempora trāsierint, id est, aut Martis quintusdecimus annus, aut Iouis duodecimus, si Iupiter in horoscopo fuerit inuentus, et Mars in diametro eius collocatus, Sol et Luna qualibet radiatione respiciant, aut insanos efficiunt, aut lunaticos. Sed et si Luna aut synodica, aut plena in cardinibus posita Martem quadrata radiatione respexerit, et Saturnus ei per quadratum, aut per diametrum iugatur, eadē uitia decernuntur. Si in signo Saturni, uel in signo Martis horoscopus fuerit inuentus, aut certè locus fortunæ. Sol uero in horoscopo sit partiliter constitutus et cum eo Mercurius æquis partium societatis iunctus, Saturnus uero et Mars in septimo sint ab horoscopo positi, epilepticos faciunt, sed biathanatos. Si Mars aut Saturnus in undecimo ab horoscopo loco fuerit inuentus, aut si unus coram in ipso sit loco positus, alter uero cum Luna sit collocatus, aut eam quadrata radiatione respiciat, et Saturnus aut Mars Mercurio qualibet radiatione iugatur, facit insanos, epilepticos, biathanatos. Sed hoc penitus erit, si Mars in undecimo ab horoscopo loco fuerit inuentus, et Saturnus in sexto. Ad

causae etiam supra iam dictas et illa quoque accedunt, quod est Cancro et per
 dia netram, et per quadrangulam irradiationem signa utraque; tum equi-
 noctialia, tum solstitialia, quae coeli uidentur obinere praetoria, inscium
 tur à malefica, in quouis eorum collocata: è Piscibus uero ac Virgine signa
 omnia bicorpora, quae humana dicuntur, per easdem quoque irradiationes
 corrumpuntur, ut uideantur parte ex omni quae hominis ipsius sunt ex-
 gitata labescere. In deprehendendo igitur geniture tempore insani, et cu-
 iusmodi ea quantaque futura etiam sit, curationem ne admissura, ac suo quo-
 dam tempore sananda, an potius futura sit incurabilis, semperque ostendi of-
 hendit ipsa uidentur à Mathematico animaduertenda: status uidelicet Lunae,
 quae principe loco corporis ac sensuum curam habet, praecipueque humorum
 ac cerebri, status uero Mercurij, in manu cuius ratio reposita est omnis qua-
 litas ite ac natura horoscopi, cuius ius potestasque eminet in constitutione cor-
 pora, corporisque ipsius concretionem. Vbi enim Luna Mercuriusque amice
 inuicem familiariterque se habuerint beneque collocabuntur, ratio in eo qui
 nascitur locum ubique suum retinebit, neque de qua nunc loquimur timenda
 erit insania. Hoc idem eueniet, ubi cum finitore, hoc est ipso cum horosco-
 po, bene familiariterque coniungentur. Vbi uero secus, ut neque amice inuice,
 neque ullo se familiaritatis genere amplectantur, imò et opprimantur igno-
 biliter et deiectione, utque malefica horoscopus orientalemque finitorem de su-
 periore afficiant loco, illum uero aut insideant, aut è regione impugnent,
 neque hostiliter gerant, cerebri profecto ipsius uel animi potius insania de-
 cernunt habitum. Etenim malefica ad malam illam morbi qualitatem, quae
 deprauata è collocatione Lunae Mercurijque, decernitur, configuratione ex
 ipsa momenti tantum afferrunt, ut irradiatione atque hostilitate sua excessum
 illum, qui insaniam pariat, medietur. In animi enim quemadmodum in cor-
 poris aegritudinibus excessus contingunt pariter ac defectus. Furor igitur,
 et haec de qua nunc loquimur insania, illorum est è morborum genere, qui
 non solum excedant lineam uerum etiam sint ostentui. Ad haec signa ipsa ani-
 maduertenda sunt, ipsorumque signorum qualitates ac naturae, maxime autem
 quam habeant in caelo praerogatiuam: sint ne tropica, an solida, an bicor-
 pora. Siellae item signorum domine consideranda, quibus in signis tum ma-
 lefica, tum Luna Mercuriusque collocabuntur. Iura enim hospitij plurimum
 hanc ad rem conferunt: languente enim hospitij domino, quem nos liben-
 ter hospitatore dicimus, qui Graece plerumque est οἰκονομος, necesse est
 illum quoque ipsum hospitio qui accipitur tristari: afficietur enim animo ob in-
 firmum ac malum hospitatoris sui habitum. Quocirca non ipse tantum aduer-
 tendae sunt maleficae, quo uidelicet hospitio accipiantur ac signo, et quo
 etiam ab hospitatore, uerum etiam qualis tunc sit hospitatoris, ac signi ipsius
 domini

domini status atq; collocatio. Cum primis etiam attendendum num stelle ipse sint orientales an occidentales, matutine an uesperinae, incedant retro an retrouersu gradu, primamne an secundam forte stationem faciant. Hec namq; plurimum ad mali tum magnitudinem, tum etiam ad diuersum faciunt illius habiitū. Qualia uero haec sint, exēplis cōfigurationibusq; ante oculos positis aperiendū est: Et si cum de morbo comitiali insaniaq; supra differuimus, satis multa uideri possunt esse à nobis hac in parte tradita.

De configurationibus facientibus morbum comitalem. Cap. II.



Vna igitur in horoscopo collocata, si Mercurium in occasu aduersum se atque horoscopum constitutum uiderit, morbum comitalem ei qui tunc nascetur portendit, ad hęc illum ipsum fatuum futurū, atq; ingenio crasso. Hęc quidem figura solam habet Luna Mercurijq; considerationem, maleficarum uero stellarum nullam. Itaq; morbum tantum comitalem in generat, cuius ea causa est, quod Mercurius cum sit in occasu positus, hoc est, in loco qui aduersatur horoscopo, et Lunam et horoscopum irradiatione sua laceſcit, Lunaq; Mercurij aduersis radijs laceſcitur, horoscopum quoq; ipsum corrumpit, uexatq; multo perniciosius. Quae re innuitur cerebrū, cui Luna praesidet, itemq; humores, qui corporis concretionem ipsam constituunt, immoderatus exagitandos. Quae ex immoderatione atq; exagitatione, de nimiaq; humidi superfluentia, cuius Luna excitatrix est, morbus ipse comitalis gignetur. Etenim Mercurius morbo huic generando quammaximē idoneus est, quodq; ipse Mercurius septimo à loco malitiam contrahit, hostiliterq; à Luna percutitur, ita quidem humor ille, cui ipse praesidet, obtunditur, à quo etiam ratio ipsa suggeritur, ut ingenij acumine obtuso, natus ille futurus sit fatuus ac bardus. Eundē morbum animiq; siue fatuitatē siue obtorpescentiam, proculdubio indecentiorē pariet Luna in horoscopo cōstituta, si ab occasu aduersum se Saturnū simul ac Mercurium seuentes cōspicata fuerit. Saturnus enim humido illi superfluenti magnū adijciat cumulum, morbumq; ipsum multo grauiorem reddet, Mercurium uerō sic obtundet, ac refrigerabit, ut nati illius animus torpore capiatur. His ē figuris aperte cernitur, quid Luna Mercuriusq; male collocati, horoscopumq; uexantes afferant tum animo, tum corpori mali ac uitij. Videamus nunc quid domicilia ipsa praestent etiam mali, et in quo etiā mali genere. Luna in horoscopo partiliter posita, si Saturnū ab occasu minitantem uiderit, aut ē quadrangulo hostiliter ferientem, Mars uerō ac Mercurius ē tropico simul signo Saturnum quomodocunq; percussit.

ab horoscopo, qui suapte natura nocuus est, nullaq; horoscopo societate iungitur. Quod si Sol horoscopo auctus in Scorpio, locusq; in eodem fortunæ inuenerit, eundem in modum et exuretur à Sole, et à Marte exagitat bitur ex imo cardine, atq; ab domo Saturni, id est ab Aquario. Sin fortunæ pars constituatur in Ariete, sextum incidet in locum ab horoscopo alieni, ac suapte natura perniciosum. Itaq; et fortunæ locus, qui est Lunæ horoscopus, affligetur, et nulla cū horoscopo genituræ societate copulabitur. Illud quoque animaduertendum est, cum huiusmodi configurationis genitura sit diurna, Sole quidem in horoscopo atq; in Ariete constituto, si pars fortunæ fuerit in horoscopo cum Sole, Lunam quoque Soli necesse est copulari. Itaque et à Sole ea uritur, et à Marte è quadrangulo uulneratur, et Luna partis ipsius domina cum ipsa parte undiq; affligetur. Sin fortunæ locus statuatur in Scorpio, Sole ipso ab Ariete exurgente, Lunam necesse est in Scorpio cum ipsa fortunæ parte, octauoq; in loco reperiri. Itaq; et ipsa ab orientali finitore cū parte fortunæ simul erit omnino aliena, et à Sole Marteq; hostiliter affligetur. Id quod etiam contingit, cum pars fortunæ horoscopante Sole ceciderit in sextum locum, in quo Lunam quoq; et ipsam necesse est constitui. Hoc igitur illud est quod ait Ptolemæus, Lunam atque Mercurium horoscopo non colligari. Quod quidem contingit, quoties in sexto inuenientur, aut in octauo, aut duodecimo ab horoscopo loco genituræ tempore. Ex hac itaq; figuræ explanatione fit notum et clarum quod erat prius obscurum, siquidem nullo modo apparebat Lunam in ea positione infelicitè constitui, in qua etiam uel infelicitissime quidem constituatur. Vt igitur ad rem ipsam redeamus, signa quoque hac in parte uehementius ad malum conferunt, cum Martis domicilia, in quibus Sol ac fortunæ locus constituitur, domini sui suffragentur malitiæ, uiresq; ei clanculum subministrant. Sol item cum Mercurio horoscopum pariter tenens in Martis aut Saturni domicilio, morbum quoq; gignit comitalem, uidelicet quia, ut dictū est, Mercurius, humorq; ab illo excitus, male quidem temperabitur, ueneno enim Saturnino delibutus, aut rabie Martia exagitatus, coërematusq; à Sole, humidum illud cerebri male omnino inficiet. Martia namq; Saturninaque domicilia, in quibus cum Mercurio pariter Sol constituitur, dominorum intemperantiam in humoribus ipsis referunt, uitiosamq; illorum naturam: Quum uideamus ouum aut halij, aut cepe, quæ se gallina paucrit, saporem in cibo referre.

Signa igitur suapte natura, signorumq; ipsorum domini, quid in utranque partem sanitatis aut egritudinis, felicitatis aut infelicitatis conferant, iam uidemus.

Alia configuratio faciens comitalem. Cap. III.



C nihilominus figuram etiam aliā subiiciemus, quā traditur à Mathematicis insanum illum futurum, cuius in horoscopo Mercurius inuentus fuerit, siue Pisces horoscopent, siue Virgo, dum tamen Saturnus ei Marsq; quadrangulentur. In hac positione primum Mercurius, qui rationi praesidet, contunditur Martis Saturniq; uerberibus: quorū alter aut è cœli culmine irradiat, alter ab imo, aut ab eodem utroq; simul cardine. Deinde quia horoscopante Virgine culminant Gemini, consistitq; in imo Sagittarius, signa humana pariter inficiuntur cuncta. Virgo enim est domus, et altitudo Mercurij ipso cum domino affligitur à maleficis quadrangulantibus, Gemini quoq; altera eius domus, Sagittariūq; Iouis hospitium, aut ab infessu utriusq; maleficæ, aut alterum ipsorum signū ab infessione, alterum ab irradiatione quadrāgula infestatur: Piscium item signū in occasu eadem ab irradiatione affligitur. Quia ratione utraq; simul, et Mercurij et Iouis affligantur hospitia, totaq; simul bicorporum signorum quadrangularitas. Idem quoq; eueniet, si Mercurius horoscopauerit in Piscibus, signorū situ mutato. Quāobrem gignendam ad insanā, tum signa ipsa natura sua, tum etiam loci (quaterina enim simul hac in configuratione cardinantur signa, atq; unā simul corrumpuntur) mirum in modum conferunt. Quod in re quoq; militari accidit, ut comparandam ad utriusq; tum miles ipse qualis sit, tum etiā situs ac locus in quo pugnatur, maximum momentū habeant. Ex hac enim ipsa Martis Saturni, Mercurijq; collocazione et bilis atra sic excutitur à Saturno, et à Marte rufa, ut ratio ipsa his ab excussionibus omnino labefactetur. Videamus adhuc etiā, quid locus, quid signorum natura polleat, quid item prerogatiua. Neque enim caducus modò futurus est, uerum etiā insanus, qui in lucem ueniens Martē Saturnūq; pariter cardinem cœli aliquem tenentes habuerit in signo aut tropico, aut duplici, aut in sexto forte, aut duodecimo loco constitutos, dum tamen aut Luna Solemq; partiliter coeuntes uideat, aut Luna ipsam pleno lumine Soli partiliter aduersantem. Examinemus obsecro positionem hanc diligentius. Si Mars Saturnusq; simul cardinetur in Cancro aut Capricorno, quæ sunt tropica, necesse est signa etiā æquinoctialia corruptū iri, ut æquinoctialia simul et tropica uno pessundentur tempore, quatuorq; unā mundi cardines à uolenta et pernitiosa tum infessione, tum oppositione, aut forte quadrāgulatione maleficarū stellarū, necnō à Solis ac Lune exioso habitu quos necesse sit aut quadrāgulari maleficis ab altero æquinoctialiū signorum si coeant, aut ab utroq; si luminaria inter se diametretur. Et signorū igitur uires prerogatiuæq; et locorum

cardina-

cardinaliū autoritas ad malum simul coniurant. Quod si coniunctio hæc Saturni, ac Martis sexto fuerit, aut duodecimo in loco, primum loca ipsa sunt horoscopo incoñe xa, penitusq; ab eo aliena, ac suapte natura peruersa, & nocua, irritantq; maleficas stellas ibidem collocatas ad exitum inferendū nato. Dehinc si diametrentur Soli, Lunæq; cōiunctibus, necesse est alteras ex eis stellas in sexto, alteras duodecimo in loco cōstitui, cōfigurationē profecto omni ē parte grauem, atq; erumnosam. Sin luminaria quadrangulentur inter se, nonum ab altero cœli locum, ab altero tertium occupari necessum est, ubi coniunctio maleficarū fuerit in sexto: cum autē in duodecimo, parimodo & tertium, & nonum locū, quæ duo loca horoscopo maxime cognata, & corrumpūt à maleficis ē quadrangulo, & male habentur à luminaribus ibidem afflictiis, eodem etiā à quadrangulo, uel à coitu ipso, si copulatio amborū contigerit, uel ab oppositione, si contigerit plenilunium. Paratur igitur & cerebro, & rationi exitium à locorum situ, deprauataq; natura. Nec uerò octauus ab his malis immunis est locus, in quo si contingat Solē Lunamq; coire in genitura, aut Lunā ipsam pleno lumine Soli aduersari, maleficis pariter aut diametrantibus eisdem, aut quadrangulantibus, imo partib; ē loco, nimirum natus ille mente capietur, tametsi fieri poterit pro natura signi, ut aut gibber fiat, aut bydropicus, aut phibisi sit laboraturus. Si enim cōiunctibus octauo in loco luminaribus maleficæ diametrentur, inficient in seffu suo anaphorā, id est, secundum ab ascendente cœli parte locū, quā aduersatur octauo. Sin erit plenilunium, ratione hac Sol cum maleficis secundo in loco reperietur. Quocirca tanto deterius utraq; inficientur loca. Quod si quadrangulabūtur maleficæ luminaribus aut simul positis, aut ē regione, hoc pacto necesse est aut undecimū ab ijs cœli locum, aut quintū insidere: quo fit ut loca hæc et à superiori hemisphærio, et ab inferiori tam arcto uinculo horoscopo cōiuncta, perniciosissimē affligantur. Loca igitur cœli ad futurū insanie malum, & ad alia itē uitia, ut libris superioribus est ostensum, mirificū in modum per se cōferunt, quod à Mathematico summa est cura pensitandum.

De statu & conditione planetarum cum Sole considerandis. Cap. IIIL.



Vid igitur signa, quid loca ipsa cōferant, iam docuimus; quid item Lunæ, Mercurijq; in ijs quæ ad insaniam ac furorē pertinent, collocationes. Nūc ad planetarū status, conditiones que explicandas transeamus. Est autem conditio (ut dictum est) alia diurna, alia ē contrario nocturna. Vtraque autem pollet plurimum, tum in maleficarum,

tum etiam in beneficarum stellarum effectioribus. Namq; in configuratio-
 ne comitalis morbi à Ptolemæo posita, Mars quidem nocturnus, Satur-
 nus uerò diurnus morbum ipsum exascitant: contrà uerò diurnus qui-
 dem Mars, Saturnus autem nocturnus furorem, quæq; ab eo suo nomine
 uocatur passio. In ijs enim quæ temporale ad conditionem spectat,
 uel mirifice ualent contrarij conatus, quæq; à Peripateticis dicta est *arrata*
passio. Status autem planetarum hac in consideratione sic est iudicandus,
 ut stelle ipse aut orientales sint, aut occidentales, aut matutinæ, aut uesper-
 tinæ, & (ut Ptolemæi uerbis utamur) aut *in ortu*, aut *in occasu*, recte cursu
 incedant, an retrogrado, an fortè cursum sistant, primamq; aut secundam
 stationem faciant: rursumq; aut orientales, matutinæq; aut simul matuti-
 næ atq; occidentales: seu uesperinæ simul & occidentales, aut uesper-
 tinæ & orientales. Dicuntur autem matutinari, cum ante suos ab ortu ra-
 dios efferunt, quàm Sol ipse oriatur: contrà uesperinari, cū occasum post
 Solem ostendant sese. Matutinantur igitur, cum non multis quidem grad-
 bus orientali in parte, mane quidem ante lucis exurgiscuntur exortum,
 quo tempore & recto incedunt cursu, & tanquam adulescentes exultant:
 contrà uesperinantur, cum occaso Sole illum secute radios suos exerunt
 imbelles quidem, & penè iam senescentes. Vtq; de Saturno, Ioue, & Marte
 seorsum à Venere Mercurioq; habeatur sermo, ubi tribus Sol signis digres-
 sus ipse ab eis fuerit, hæc sub mediâ noctem ab oriente radiare iam incipiunt,
 quadrangulariter illum intuentes, oriente aut Sole culminant, quo tempo-
 re etiam pollent plurimum, propter cardinem progressionisq; rectitudi-
 nem, Soliq; ob quadrangulationem male conciliantur. Quæ res hac in cõ-
 sideratione diligenter aduertenda est. Eadem stellæ ubi centum uiginti Sol
 gradus, hoc est, signa quatuor digressus ab eisdem fuerit, ipsi illi triangu-
 lantes sistunt tam cursus, ac Sole ex oriente præcipitate iam è cœli culmine,
 nonnum permeant locum: Sole uerò occidente tertium. Hic itaq; status ma-
 gno etiam in genituris studio circumspectandus est: post hanc enim statio-
 nem & repedant obuerso motu, & non multò post Soli diametrantur ab
 opposito loco, ut ex oriente quidem Sole occasum teneant, occidente uerò
 horoscopus. Quod huiusmodi quidem est. Fuerit Solis Saturniq; copula
 ito in Arietis initio, non multis post diebus quasi Saturnus à Solis radijs
 liber fuerit, manè ante Solis exortum conspicui iam incipiet, eaq; matutino
 matutino ab exortu dicta. Itaque ubi ad Taurum Sol transferit, eo exorien-
 te Saturnus duodecimo in loco ab horoscopo reperitur, qui locus est in ho-
 roscopi declinatione positus, suapte quidem natura permittosus, atque ad
 malum procliuus: occidente uerò Sole Saturnus reperietur in sexto, qui
 locus exitiosus item est, atque ad malefaciendum idoneus. At culminante

Sole Saturnus nonam tenebit locum, declinantem quidem ab culmine, respicientem tamen horoscopus triangulariter. Eodem autem Sole inum, hoc est, quartum locum permeante, Saturnus occupabit tertium, qui horoscopus sexangulariter intuetur amico et grato aspectu. Post uero ubi ad Geminos Sol transierit, eo ex oriente Saturnus undecimum peragrabit locum, qui et succedit culmini, et sexangulariter intuetur ascendentem locum. Sole autem occidente Saturnus quintum permeabit locum, qui horoscopus partem triangulariter irradiat. Eodem quoque Sole coeli medium peragrabante, Saturnus in octauo atque in Ariete constitutus reperietur, qui locus qualis sit, abunde iam dictum est. Idem Saturnus comperietur in secundo, hoc est, in ascendentis signi successione, qui et ipse piger est atque ab horoscopo alienus, ubi Sol in Geminis positus inuicem coeli cardinem permeabit. Postquam autem praeteritis Geminis Sol ad Cancrum iam peruenit, quocumque in cardine Sol constituatur, necesse est Saturnum quoque cardinari in antecedente coeli angulo: nam ex oriente Sole culminabit: culminante autem illo ipse occidet: rursus occidente Sole inuicem ipse tenebit cardinem, quo rursus a Sole occupato ipse ab horoscopo sese exeret, inuicemque hoc in statu ubique quadrangulantur. At cum Leonem Sol transierit, quo loco Saturnum triangulariter conspiciat, pedetentim Saturnus ipse progrediens gradum sistet, incipietque stationari. Neque enim uerbimur (uti ab horoscopo Graeco uerbo deductum est horoscopo, et a culmine ac turbine et turbine et culmino) sic a cardine cardinor, atque a statione stationor deducere. Quo tempore ex oriente Sole in Leone, Saturnus in Ariete positus, per nonum feretur locum, culminante feretur per sextum. Rursus Sole occidente in Leone, per tertium. In eodem item Leone Sole inum coeli locum tenente, Saturnus tenebit duodecimum. Itaque Sole gradatim procedente ad Virginem repedare Saturnus incipit, Soleque horoscopus est Virgine, Saturnus in octauo constituitur. Idem culminante Sole quintum permeat, eodem illo occidente in Virgine Saturnus secundo in loco residet, at residet in undecimo Sole inum locum peragrabante. Cum in Libram Sol peruenerit, Saturnus ei opponetur ab oriente repedans altitudinis suae aduersus, nec multum aberit temporis cum occidente iam Sole, Saturnus apparere uesperis ab exortu incipiet, quae apparitio ab ipso tempore dicta est uespertina, ut a mane matutina. Quo fit, ut Sole iam occaso, Saturnus appareat ab exortu. At ubi in Scorpio se Sol transfulerit, quoniam Sole in Scorpio occidente Taurus a secedit ab exortu, Saturnus duodecimo tunc reperitur in loco, quo apparere uesper euidetius incipit. Quae re uespertinatio est dicta: et qui antea Solem precedebat, nunc sequitur, situmque eius mutatur, et item loca. Nam in Scorpio culminante Sole, Saturnus Arietem permeans tertium

locum possidet: possidebit uero sextum horoscopante Sole, nonum autem Sole inum coelum peragrante, duodecimum occidente. At ubi Sol ad Sagittarium profectus occidet, ascendet ab undecimo Saturnus, paulatimq; repedationem iam sistet, donec in Capricornu Sol perlatu, ipse direflo cursu occidente iam Sole culminet in Ariete. Sole autem profecto in Aquarium eoq; occidente, ac sub terras iam delato, Saturnus uesperu nonu obtinet locum, transiq; pedtentim ad occidentalem regionem: quiq; prius fuerat matutinus atq; orientalis, cum undecimum ac duodecimum retinebat locum, maneq; conspiciebatur, nunc nonum atq; octauum peragrans uesperinus efficitur atq; occidentalis. Sole autem profecto in Pisces, eoq; occidente, ac sub terras iam delato, Saturnus uesperu in occidua regione, octauoq; in loco conspicitur, donec Sol in Arietem transgressus radijs illum suis occultat. Quod aut de Saturno dictu est, idem in Ioue ac Marte sequendu habita motus tam ratione, praesertim in Marte, cuius cursus est celerior. Hoc est igitur quod ab antiquis praecipitur, statum planetaru cum Sole animaduertendum esse. Veneris autem ac Mercurij ratio aliter habenda est, quippe cum cursus ita suos peragant, ut cum Sole iungi nulla quidem configuratione queant, praeterquam sola copulatione, dum eode in signo una corporatim coniunguntur. Quocirca quod de Saturno dictum est, neque u Sole horoscopate culminare, aut culminante illo, ipsi ab ortu exurgere: quando nec Mercurius integro a Sole signo digreditur, nec duobus integris signis Venus. De quibus ita quide praecipendu uidetur. Cu Mercurij ac Veneris stelle eode tempore et matutine fuerint et orientales, no aliter polleere suis in effectiombus, quam si horoscoparent: cumq; matutinam stationem faciunt, perinde ac si culminarent: ubi uero cursum direxere, aeque ac si in occiduo cardine. At cum statio earum uespertina fuerit, ac si in imo coeli loco constitutae essent. Venus igitur ac Mercurius matutinari tum dicuntur, cum ante Solem mane apparent in regione orientali: uespertinari uero, quoties uesperu post Solis occasum apparent in occidentali. Erraticae tamen omnes esse possunt et in regione occidentali etiam matutine, et in orientali uespertinae, ut cum Sole culminante in Ariete, matutina stella, id est, Solem antegressa reperitur in occidua regione, hoc est in Aquario aut Piscibus, et cum ipsa uespertina Sole culminante existens in orientali tractu Taurum peragrat, aut Geminos. Quamobrem erraticarum status omnium erga Sole summa est diligentia obseruandus, ut quantae cuiusq; uires sint, exactius intelligatur: siquide pro statu ipso effectiones futurae sunt aut ualide, aut imbecilles, aut mediocres. Huic obseruationi illud quoq; accedat, ut hospitatoru ratio habeatur, sit ne unus idemq; hospitator Luna ac Mercurij, an duo ac diuersi: qualis etia sit utriusq; status in coelo atq; habitus.

bitus, qualis etiam natura atq; conditio: Malefica ne an benefica stella, diurna an nocturna hospitium præbeat. In hac autem ipsa cōquisitione, quid item situs possit, docent Ptolemei uerba, cum ait insanabiles futuros morbos, ubi beneficæ occidue quidem fuerint, maleficæ uero ab ortu cardinabuntur: contrā ad sanitatem tandem redigendos, ubi ad ortum beneficæ, ad occasum aut maleficæ collocabuntur. Ab ortu enim quæ beneficæ sunt, vires longè ad benefaciendū ampliores suscipiunt, quæ sua ipsarum natura est. E cōtrario insita illis beneficetia à loci septimi, horoscopoq; aduersantis malignitate aut omnino eripitur, aut magna è parte imminuitur.

De uitijis, siue ægitudinibus intemperantiæ.

Cap. V.



Diximus de grauioribus illis, maximeq; infestantibus animum ægitudinibus, et, ut Græci dicūt, passionibus, quæ ratione subuersa hominem ipsum de statu suo deiiciunt. Itaq; ijs de ægitudinibus dicendum relinquitur, quæ hominem intemperantem reddunt, quæ moralis quidem pars est. Loquimur autē hoc in loco ea de parte temperantiæ, quæ ad libidinem spectat atq; ad rerū Veneris usum, quæ affectio homini cum belluis est communis, perq; eam mares discernuntur à fœminis. Quocirca ut in comitiali morbo, itemq; in furore prima ratio habenda est Lunæ, ac Mercurij, sic in hac cōsideratione Lunæ ac Solis, itēq; Martis ac Veneris. Vtraq; enim stella appetitioni huic præposita est, excitandæq; libidini. Quinctia ad augendam insaniam, furoremq; exagitandum, ut momentum tantū habent maleficæ, quantum iam ostensum est, sic Martis ac Veneris stellæ ad intemperantiam hanc nobilitandam pro natura etiam signorū quæ ipse permeant geniture tempore, humani sexus, itemq; signorum ipsorum ratione habita. Quam ob rem hæc quoq; ad ea quæ à Sole decernuntur ac Luna, diligentissimè obseruandæ sunt, si quid aut addant, aut fortè demāt. Luna igitur ac Sol cum sensibus præsideant, atq; animalitati, quippe quorum opera materia una coeat ac forma, sintq; res Veneris homini cum belluis communes, utriusq; nimirum status temperantiæ intemperantiæq; qualis futura est, indicabit. In ipsa autem intemperantia duplici peccatur via, et cum uiri, mulieresq; suo in genere ac sexu exercebunt res Veneris et uebementius et indecētius quam par est: et cum ad ea mulieres transferint, quæ sunt mariū, mares uerò ad ea quæ mulierū. Vtriusq; autē excessus Sol Lunaq; pro natura signi, in quo reperientur, indicium facient, Venus item ac Mars sua pro constitutione. Signa itaq; masculina indicant ea quæ uirorum sunt, fœminina quæ mulierum. Status quoq; ac situs obseruandi tam signorum quam etiam planetarum, ut paulò ante in ijs quæ de insaniam dicla

fuerint ac matutine, uirilem ad usum, eiusq; diuulgationem permultū ad
 iicient, foediorēq; inurent notam, et abutendo masculino sexu, et con-
 temnenda fama. Occidentales uerò ac uespertine in ijs quæ mulierū sunt,
 quæq; foeminei coitus, ac secundū naturam, compressius tamen atq; occul-
 tius idem hoc præstabunt. Omnino aut̃ hec Martis cōfigurationes di-
 uulgant, uespertine potius occulunt. His aut̃ in hunc modū se habentibus
 Saturnus quoq; si se illis accommodauerit, atq; addiderit sociū, ad impuden-
 tiā impuritatemq; atq; ad augendū opprobriū operā suā cōferet in utran-
 que partē et agendi et patiendi. Contrā Iupiter moderabitur, modū illis,
 cautionemq; adhibendā suadens, atq; pudoris admonens. At Mercurius et
 coeundi impuritātē, usumq; promiscuū ac frequentem, et fame contem-
 ptum, cōtaminationisq; labem omnem adaugebit, quippe qui et uirū et
 mulierem Veneris in rebus tū pudoris honestatisq; tū rationis immemo-
 res faciet, agetq; trāsuersos, dum ipse in illorū mores applicationesq; cō-
 uertitur. In omni aut̃ hac consideratione momenti plurimū habet tum in-
 stitutio in ætate tenera qualis fuerit, tū leges ac mores patrij, habitusq; re-
 gionū. Nā apud Turcas exoleta prostant publicē, apud Germanos in id
 flagitiū morte animaduertitur: ciuiles etiam in bene constitutis Italiæ ur-
 bibus leges, iurāq; municipalia igne plerunq; puniunt. Hodie apud Tar-
 taros, gentesq; illas Scythicas, inuenias mulieres quæ ex uoto prostent.
 Apud Romanos capitale olim fuit, militem Romanū in castris secum ha-
 bere mulierē. Neq; ignotū est, quæ apud Græcos esset cohors sacra. Quid
 apud Mauros minus aut turpe, aut uetitū, quā habere puerū in delitijs?
 At puellæ Christianæ quæ deo imitantur, uirginitatē uouent. Itaq; patrij
 mores ad hæc ipsa uitia uel coercenda, uel fouenda plurimū etiā cōferunt.
 His hunc in modū explicatis, nō pigebit, quasi exempli gratia, maiorum
 obseruationes quasdam, quo notiora quæ iam dicta sunt fiant, carptim
 referre. Eæ autem sunt huiusmodi. Futuras quidem meretrices, atq; infā-
 mes mulieres eas, quarum in genituris Martem, Lunamq; uno in cardī-
 ne, iisdē quoq; in partibus, cūq; his simul Venerē ac Mercuriū cōstitutos,
 Saturnus summo ē cœli cardine aduersans despexerit. Prostituent itē cor-
 pus, et (ut Maternus inquit) pudorem nundinabūtur, quæ in lucē uenien-
 tes foemina et partiliter, et iisdem simul in partibus Martem, Venerem
 ac Saturnū culminātes habuerint, accedente his Mercurij testimonio atq;
 cōsensu. Nec pudori suo parcent, nec fame futuræ sunt satis studiose, quæ
 Martem, Venerem, ac Mercuriū, cumq; his Lunā pariter in solstitialibus
 habuerint signis, aut quadrangula sese radiatione ferientes: quæ quadrā-
 gulatione ubi cōtigerit, necesse est signa quoq; æquinoctialia labe hac infici.
 Erūt illæ quoq; et libidinosæ, et intemperātes admodū, quibus nascenti

bus Saturnus & Venus matuino in ortu inuenientur, contra Mars in uespertino, aut quadrāgulans illis, aut ē regione aduersans, si illud quoq; accesserit, ut masculinis omnes constituentur in signis. Vendet simul & pudorem & corpus mulier ea, in cuius genitura Saturnus & Mars foemino in signo horoscopantes sibi ab occasu foeminioq; ē signo Venerem ac Mercurium aduersantes conspiciabuntur, aut Mars ac Saturnus simul, ut dictū est, culminantes Venerem uidebunt ac Mercurium in imo cœli cardine colluctari. Eadem hæc natalis configuratio si uirilīs fuerit, cū eum illum futurū decernet, uitioq; ex hoc infamem. Erūt t̄c̄ē d̄s, Græco nomine, crissabunturq; quoties qua mulierē hora nascētur, fueritq; nocturnū tēpus, Venus Marsq; unā tropicis, squanosis' ue in signis positi, atq; occasum, id est, septimā ab horoscopo regionē tenentes, Saturnū aut quadrangulāntem ipsis, aut opposita ē regione aduersantē conspexerint, aut si unā tres simul eodem in occasu coiuerint. Eo aut̄ tetrius futurū est uitū, si coitus iste in Ariete fuerit, aut Capricorno, quæ signa et masculini sunt sexus, & alterū Martis, alterum Saturni domicilium: cum etiam in altero extollatur Mars, deprimatur in altero Saturnus. Futuri sunt masculini sexus abusers, puerorumq; capientur amoribus, in quorum genituris Mercurius ac Mars simul ac partiliter quidem, iisdemq; in signi momentis, præsertim si alienum id fuerit, collocabuntur: habet enim Mercurius puerorū significationem. Eodem quoq; inquinabuntur uitio, in quorum genituris Venus in domo Mercurij reperta fuerit, Mercurius uerò ipse abieciē collocatus in sexto, aut octauo, aut duodecimo loco, aut fortē in ascendētis signi successione. Idem quoq; Mercurius masculino in signo, atq; in cardine constitutus in pueros excitabit adeo natum illum, in cuius natali configuratione coniugij locus in Mercurij ipsius domum partiliter incidit, ubi nix unquā foemini coitus cupiditate capiatur. Erunt eodem quoq; morbo corrupti, qui in lucem prodeuntes, Martem, Mercuriumq; in deiectione ab horoscopo locis habuerint: ea quidem ratione, ut alter alterius accipiat hospitio, aut ut Aries, Scorpius ue utrūq; simul accipiat. Mars igitur cū sit libidinosus, Mercurius uerò puerorum curator, genus hoc libidinis hæc ē commixtione exuscitant. Euadent adulteri & uir & mulier, in cuius genitura Mars & Venus pariter septimum ab horoscopo tenuerint locū, aut si Venus in finibus Martis, Mars uerò in finibus Veneris positi quacūq; se radiatione respexerint. Quibus si Mercurius ab opposito, aut quadrangulo se ē loco obiecerit, ex æquatis quidē partibus, nimirū in adulterio decernit deprehendēdos. Quoties Venus cū Marte pariter ac Saturno atq; in Saturni ipsius domicilio posita occasum tenuerit, & mulierē quæ tūc nascetur, ad publicandum corpus suū impellet, & uiram ad in puros marū coitu

coitus, qui ue meretricem fortè, aut infamem matrimonio sibi iungat. He autem locorum constitutiones, signorum conditiones ac qualitates, erraticarumq; mixturæ commotionibus atque exagitationibus suis mentem sic uersabunt, ut animum ac uoluntatem ad se trahant, impellantq; ad obscœna, atque flagitiosa, concubitusq; nefarios. Futuri autem molles sunt ac cinædi, qui genituræ tempore Venerem, Martem ac Saturnum simul in deiclis habuerint ab horoscopo locis, scemininisq; in signis collocatos. Quæ in collocatione si contigerit Venerem meliuscule se habere, clanculum uitium ipsum patrabitur. Eadem Venus sceminino in signo, septimoq; ab horoscopo in loco cum Saturno simul posita, mares decernit cinædos, si Mars, si Sol, si Iupiter ac Luna, si unà hi omnes per deicla ab horoscopo serantur loca. Quæ in configuratione si Iouem contigerit, reliquis ita ut dictum est, constitutis, aut horoscopum tenere, aut culminare in edito, hæc ipsa mollities et auctoritatem illis comparabit apud principes uiros, et munerum administrationem et gratiam: Quando uitium hoc ferè in principum illustratur aulis, quibus amplas quoq; diuitias adijciat Luna, si reliquis cum Ioue simul erraticis, deiclis in locis agentibus, ipsa aut horoscopabit sola, aut culminabit. Et illi quoque futuri sunt cinædi, tamen haud diuulgati, in quorū genituris Venus ac Mars scemininis in signis constituti, aut è quadrangulo, aut opposito è loco se impugnabūt. Eadem labe afficientur, in quorum genituris Venus cum Mercurio in Martis aut Saturni domo reperta, et Martem ipsa, et Saturnum hospitio suo accipiet, quemadmodum et ipsa in utro accipitur. Exedabuntur eadem quoq; nota, non tamen palam et peruulgatè, quorum horoscopus scemininum fuerit signum, ipsa autem Venus cum Saturno pariter aut radijs occultetur Solis, aut inuicem quadrangulabuntur, Luna ipsa sceminino in signo constituta. Quod si Venus, Saturnusq; matutinum facient exortum, nota ipsa futura est publica, atq; è uulgatior, si uespertina ab exortu Mars aut quadrangulabitur illis, aut diametrabitur. Laborabunt eodem etiam morbo, in quorum nascentium occasu Venus, Saturnusq; simul constituti Lunam è quadrangulo percusserint, aut in Arietis facie, aut Leonis constitutam, aut fortè in Tauri facie, seu Capricorni. Eadem item mollitie afficiet Venus in Tauro, Leone uel, seu in Virgine, aut Capricorno posita, si à Marte tamen ac Saturno qualicumq; fuerit radiatione conspecta. Idem quoq; Venus efficiet in septimo ab horoscopo loco posita, suis quidè in finibus, dum tamen nocturna in genitura Luna duodecimū, aut sextū peragret locū, in diurna uerò Sol, atq; in Veneris ipsius finibus constitutus. Idè hoc Venus patrabit, quoties genituræ dominatū sortita, scemininoq; in signo cū Marte collocata deiclos ab horoscopo locos tenuerit, atq; à Saturno masculinū

signū tenente quadrato ferietur aspectu, si & illud quoq; accesserit, ut Luna etiā per deiecta feratur cœli loca. Et animū simul & corpus foedabunt libidinis impuritate Venus, Saturnus, & Luna pariter occasum sortientes, si Mars imo illis ē cardine radios suos impegerit. Quod si Iupiter et illis ad occasum, & huic ad inum quadrāgulabitur, ad cetera impuritatis opprobria illud addet, ut puerorū quoq; natus ille cōtaminetur amoribus, ac nihilominus propter locū septimum uxorem quoq; impurē cognoscet: adeo ex omni parte & mollis & impurus futurus est, atq; à uiro alienus. Tradit Iulius Maternus, omnem libidinis impuritatem, postremāq; corporis effœminationem, decerni à Luna Soleq; in Capricorno, aut Tauro, aut in Ariete Leone ue ita quidem horoscopantibus, ut in eorū signorū aut facie cōstituuntur aut dorso, in omni etiā genitura Lunā in cauda Leonis in uentā, id est in trigesima eius parte, cina dos efficere: in facie uerō eiusdem Leonis, itemq; Capricorni, Arietis ac Tauri, libidinosæ impuritatis genus omne decernere. Arietis aut ac Capricorni faciem sexta septimāq; simul pars constituūt, Tauri uerō ac Leonis tertia, quarta, et quinta. Leonis itē & Capricorni dorsum tres simul partes cōstituunt, hoc est, uigesima prima, uigesima secūda, et uigesima tertia. Eiusdem Materni uerba sunt hæc: Capricorni sexta & septima ponuntur in facie: octaua, nona, & decima quæ sunt, per ordinem in ore Capricorni constituūtur. In ijs partib. quæ sunt in ore Capricorni si quis habuerit Lunā, licet illa sit beneuolarū testimonij adornata, impuro ore uiros faciet, muliebris libidinis labe pollutos: mulieres uerō, si in his partibus habuerint Lunam, omni erūt impuritatē uitio posse. Hæc Maternus. Quod reliquū est, Arietis dorsum cōstat ex his ordine suo partibus, hoc est, uigesima tertia, uigesima quarta, et uigesima quinta. Tauri uerō ē sextadecima ac decima septima. Labe faciet aut tum uiri, tum mulieris impurissimū & os et animū Venus cū Mercurio in decima nona Arietis parte sita. Eadem ipsa Venus in trigesima cuiuscunq; signi parte posita, si partiliter aut quadrangulabitur Lunæ, aut diametrabitur eidem: simili ratione in ultima cuiusq; signi parte posita, eandem decernit impuritatem, clandestinā tamen: quæ quidem futura est uulgatissima, abrupto omni pudoris freno, si domini signorū, in quorū potestem partibus Luna Venusq; constituūtur, qualicūq; easdem radiatione respexerint. His in configurationibus uidere licet, à Martis stella libidinis excitationem, à Saturno turpitudinem, atq; impuritatem coitus portendit, à Mercurio fieri utriq; additamentū cū diuulgatione et infamia. Quid quod Venus undecimū ab horoscopo locū nacta, culminisq; in successione cū Saturno collocata, si alterū ē domicilij eius horoscopet, & cū eo Iupiter, Mercurius ac Luna pariter ad hos ferantur, Mars uerō imū cœli car-

dinem teneat foeminino in signo positus, incestos decernit, nefariosq; contubitus cum matre nouercaue, aut cū materteris. Cū sororibus autem, ubi Venus in imo cardine constituta Lunā partiliter intuebitur in ipso cœli culmine peragrantem. Forsitan et sororem sibi matrimonio iunget, atq; hoc nomine, ut poëta inquit, culpam prætexet. Iaq; diligenter admodū uidentū est, num Luna in ortus sui cōfiguratione seratur ad Venerē, et à quibus etiā stellis aspiciatur: ex hoc enim accessu progressionēq; cōeundi, usus præposterus summa cū intemperantia infāmiāq; decernitur, forsā et uio lenta atq; opprobriosa mors. Etenim ubi Luna sic ad Venerē feretur, uti diurna in genitura cardinem teneat, uti Mars uel culmen occupet uel occasum, uix fiet quin incestū ob ipsum infāmis mors cōtingat, ferroq; illata. Hæc autem genitura si fuerit mulieris, ea utinam id cuitet, ne aut cū fratre coeat, aut fratris filio, aut cū patruo, siue patui filio, aut cum priuigno, aut ex affinibus aliquo: Sin uiri, ne is aut sororē cognoscat, aut sororis filiam, neue patui uxorem, aut filij, aut priuigni, aut ne fortē nouercam, aut quam pater habeat in delitijs. Quid quod aut nouercis iungetur, aut matribus natus ille, in cuius genitura Venerē ac Ioue in Saturni aut domo, aut finibus pariter constitutis, ipso etiā Saturno à Ioue mutuo accepto, in eius seu hospitio, seu finibus Luna et Mars pariter quadrāgularibus illos radijs impetuerint. Cui configurationi si Mercurius quoq; accesserit, timenda est aut filiæ, aut priuignæ corruptio. Fortē etiam non aberit, quin filius aut matrem noscat, aut nouercam, aut filia iungatur patri, ubi Luna cum Ioue, Saturno et Marte in domo fuerit Saturni inuenta. Et cū matre, et cū filia nature uidetur iura polluturus, in cuius genitura Venus, Luna, et Iupiter aut simul cardinabuntur, aut ipsis ē cardinibus inuicem se diametris, quadrangulisue irradiationibus affligent, dum tamen Saturnus omnes pariter radiatione aliqua uerberabit. Latebit tamen facinus tam nefarium, si Venerem duntaxat ac Lunam Saturnus cōspiciabitur. Quæ genituræ ubi mulieris fuerit, ac Lunæ locū Sol subierit, in eā cōfiguratione mulier hæc et patrem uidetur, et filium cognitura. Mulier et illa cū patre cōsuescet, quæ in lucem dum prodijt, Venerem in Iouis habuit finibus, in finibus uero Iouis Venerem, Martem autem utranq; stellam ē quadrangulo diametrōue intuentem. Fratres et illi nefariē, pollucētēque sese cognoscent, qui nascentes Solem, Lunam, Venerem ac Iouem simul copulatos, aut Soli ac Lunæ cōeuntibus, Venerem ac Iouem quadrangulantes sortientur, ita tamen ut commutatis finibus, Iouis fines Venus, Veneris autem fines Iupiter possideat. Omnino autem Lunæ Venus in natiuitatibus aut copulata, aut quadrāgulo illam cōtuta, nefarios decernit coitus, nec puerorum modò amores, uerū qui cognationis ac sanguinis iura pol-

luant: præsertim ubi copulationes ipsæ quadrangulationesq; in bicorpō-
ribus signis, solstitialibusue contingent. Non temerè igitur à ueteribus tra-
ditum est, Lunā Veneremq; liuore quodā se mutuo insectari. Abhorrebūt
à forminco coitu, quorum in natiuitatibus Venerem Saturni fines occupan-
tem nulla penitus stella intuebitur, solam quidem, aliarumq; à stellarū o-
mnium cōspeditione desertam, Luna tamen ipsa in Leone, aut Virgine, aut
in Capricorno Saturni fines possidebit. Sunt autē ultimæ cuiusq; signi par-
tes maleficis attributæ. Hæc nos ab antiquis tradita scriptoribus referi-
mus, quæ quidem suas habēt omnino causas: Sed nec uideri uolumus, dum
rationem singulorum consecramur, detrachere obseruationi. Ipsi memini-
mus Florentino à prætore publicè affectum supplicio fabriū lignariū, qui
filiam uxoris loco plures iam annos habuisset. Intelleximus et Neapoli
agētes annis superioribus, Panhormi in Sicilia delatam prætori à filio suo
matrem, cū quo illa in tenebris sæpius sub alterius specie consueffet, tan-
demq; cognita abominatus filius ad prætorem illam, ut dictū est, detulit.
Temporibus nostris Pontificem Maximū secutū fortasse Lothi exemplū,
de quo Hebraicis in historijs fit mentio, filiam suam et cognouisse, et gra-
uidam fecisse opinio est et aule totius, et urbis Romæ uniuersæ. De quo
tamen parcius, propter sedis Pontificiæ maiestatem, in qua tot sanctissimi
sacerdotes, tanta cum integritate, et penè dixerim, diuinitate et olim se
dere, et, ut mihi persuadeo, etiam sūadebunt.

• Libri decimī tertij de rebus cœlestibus finis.

• IOAN. IOVIANI PONTANI
AD PAVLVM PRASSICVM
De rebus cœlestibus Liber quartusdecimus.

PROOEMIUM.



ENERIS rerū, atq; imprimis hominū, Paule
Prassici, tanta quidem inter eos ipsos diuersitas,
ipsiusq; diuersitatis tā multiplex item uarietas,
quanquā alijs atq; alijs proficiſcūtur è causis, ad
cœlitamē stellarūq; aspectus, atq; ad ipsum terra-
rū sitū sunt potissimū referendæ. Per magni enim
interest, qui terrarū tractus cui cœli tractui sint
sub-

subiecti, cui etiā erraticæ stellæ: positura quoque ipsa terræ qualis sit, quo etiā solo, natura, facie, atq; habitu prædita. Utq; de rebus nunc taceamus alijs, effigies non solū habitusq; corporū, uerū applicationes ipsæ constitutionesq; animorum, locutio quoq; pronuntiatioq; uerborū palam hoc faciunt. Quæ in re duo etiā consideranda sunt, positus ipse scilicet terræ, quo à coeli circumductu temperetur, et qualis sit eius constitutio, sit ne sit ipse planus an montanus, humido solo an arido, frequens an à coetu cultuq; hominū destitutus, in mediterraneis ne an secundū mare. Hæc enim, aliæq; huiusmodi, ad quam quisq; sit artem applicaturus, plurimū momenti habent. In montibus enim sitæ regiones, saltuosissq; in locis, aut palustribus, propter ubertatē pastus accommodatiores sunt gregibus atq; armetis. Itaq; plerunq; uidemus earum regionū incolas pecuariam exercere atq; armentaria: qui apertos colles, aut plana magis incolunt loca, agro eos colendo dare operā, conserēdisq; arboribus, aut disponendis uitis oleis uic; qui ad lacus aut mare habitant, piscatui et nauigationi: quibus loca obtingere steriliora, ij plerunq; manuarijs dediti artibus atq; operis uitam inde sustentāt, aut famulatu, aut militia, aut hinc atq; illinc cōportandis mercibus: quibus patria est nobilior aut opulētior, artes ij præstantiores exercent, mercaturamq; locupletiozem, et, ut Cicero ait, undiq; apportantē, moribus lautioribus, ac perurbanis instituti. Quocirca situs ipse non ille modo qui cœlum suū sequitur, sed qui eodem est sub coeli tractu positus, uariante quidem locorū ac soli natura, mores quoq; et artes ut uariant plerunq; efficit, illudq; persæpe præstat, uti finitimæ etiā regiones propter dissimilitudinē positus, dissimiles quoq; sequantur uitæ institutiones. Siculi propter camporum ac colliū latitudinem pleriq; omnes, præterquā qui ad mare agunt, aratorie atq; armentaria sunt dediti, ut non temerē diuulgatum sit, Cicerem inde profectam, terræ cultum, ac serendæ frugis mortales primam docuisse, eosq; à pastu uocauisse ad aratriū. Apuli colendis ferētantū agris, ac faciendis mēsubus, Montana Pelignorū ac Marforū oppida pascēdis præcipuē pecudibus, aut exerceō lanificio, atq; cōtexendis panis. Alij quæru rerum terra quam incolunt est ferax, in ijs sese exercēt, ut colendis oliuetis, atq; amygdaleis, moretis uic ad usum atq; contextū sericorum, aut croco etiā, aut cumino, bombicine intenti. Nullas Nomades urbes habent, itaq; palantes agunt. Scytharum item pars maxima aut pecoribus, aut raptō uiuūt. Galli Germaniq; suas quiq; populi sedes habent, ac certos et definitos agros. Et in ijs quidē ipsis, præter illud quod tractus ipsius propriū est, gentiq; incolenti propemodū naturale, regionatim tamen sunt suæ cuiq; diuersæ ab alijs institutiones, uitæ item studia et artes, quas peculiarijs sequantur, ut eæ magis uideantur à natura ipsa quam ab electione

electione profectæ. Dedit nomē Ichthyophagorū genti pisciū in uisū usq;
 Struthiophagis uerò ē struthijs cibus, dedit Ambronibus atq; Anthropo-
 phagis, quòd carnibus uescerētur humanis. Est mihi domi Aethiops seruus,
 qui per sanctē affirmet, morē illis esse, uī ab actos infantes saginent, quibus
saginata post uescantur in cornis lautioribus. Refert Tacitus id quod ita
 quidē sese habet, Britannorū hominū corpora uaria esse, corūq; qui Calido-
 niam habitant, quòd Germaniam prospectent, rutilus esse comas, magnos
 artus, ac Germanorum gentis similitudinem referre: Silures uerò torto es-
 se capillo, colorato uultu, atq; Hispanorum similes, quòd ea pars Hispani-
 niæ sit obiecta. At qui Gallis sint proximi, eos esse Gallorum similes, quòd
 procurrentibus in diuersa terris, cœli positiones habitum corporibus suū
 dederint. Horū igitur admonuisse, ab instituto hoc nostro minimē fortasse
 uideatur alienū: quamobrem distinctius ac particulatim magis de ijs post-
 hac diffremus. Quæ enim in uniuersum spectant, ea utpote generaliora
 cum primis obseruanda sunt. Nam & in urbibus bene cōstitutis, & in qui-
 bus lege uiuitur, publicum bonum priuati ciuis commodis antefertur.



Mne igitur hoc terræ spatium, quod æquinoctiali à cardine
 Solisq; ab ortu per mediterranei orbis tractum ad oc-
 casum portenditur, atq; ab ipso occasu in septentrionem
 indeq; in ortum colligitur, duabus lineis ab oriente cœli
 parte in occidentem protractis distinguitur, æquinoctiali
 uidelicet una, solstitiali altera, quæ Græco nomine est *τροπικὴ*. Et in
 æquinoctiali quidem linea bis anno dierum ac noctium æqualia contin-
 gunt spatia, uere scilicet atque autumnus, in solstitiali autem semel, idq;
 æstate euenit, diem summum ad incrementum produci, noctem uerò ulti-
 mum pati detrimentum. Nam de solstitiali illa linea, quæ hiberna ac
 brumalis dicitur, non uidetur hac in parte præcipiendum aliquid, quan-
 do si qua sub illa est hominum habitatio, nihil ad nos attinet, nullaq;
 habetur eius à nobis cognitio. Tametsi ultra æquinoctialem lineam aliquan-
 tum terræ habitatum constat, quibus in locis umbra sic uariet, ut nunc se-
 ptentrionem uersus, post autumnum scilicet, nunc in austrum æstate diuer-
 tat. Illud autem de brumali affirmare tantum possumus linea, ubi Sol ad il-
 lam accefferit, maximas inde noctes, dies contra breuissimos nobis cōtin-
 gere. Igitur quæ gentes quæq; nationes tractum inhabitant, æquinoctiali
 ac solstitiali hac linea comprehensum, illæ quidem ē signifero contegun-
 tur, Solq; singulis ueris atq; æstatis diebus iter suum uarians, supra uer-
 ticem illorum capitaq; progreditur. Incolentibus uerò tractum cum qui à
 solstitiali æstiuq; linea uergit in septentrionalem cardinem, Sol ubiq; ac
 toto

toto anno obliquus apparet, signaq; illa zodiaci orbis etiam obliqua. Nunquam enim supra caput eorū Sol per illa incedens circumfertur, nec rectis illos radijs ferit. Peritiū igitur atque elucubrātē admodum à Lucano dictum est:

Sed neq; in Arctoo sedem tibi legeris orbe,

Vnde tuam uideas obliquo sydere Romam.

Rursus autem duos hos terre tractus maioribus nostris ita quidem uisum est distinguere, uti à puncto æquinoctialis lineæ æquis quidē ac dinumeratis partibus, inter ortū atq; occasum, ac sub ipsum coeli medium cōstitūto, lineam rectam ad cardinem ipsum septentrionis duceret, qua ducta totum hoc spatium ab ortu in occasum, æquinoctiali q; lineæ ab austro discretum, in partibus distribuerunt quatuor, siue quadrantes eas uocare quæ maluerit, siue quadras. Quarū due ita constitutæ sunt, ut altera quidem à septentrione atque ab latere uergat in ortū, altera uerò latere ab altero in occasum: cum ē duabus reliquis altera in meridiem ab occasu sese diffundat, altera uerò ab ortu.

De septem climatibus. Cap. I.



Vrsus latitudinem hanc omnē de qua diximus, atq; hūc ipsum terrarū orbem ab æquinoctiali lineæ, ortu, occasu, atque à septentrione cōprehensum alia ratione dimensum sunt, septemq; in climata, ducto inde nomine, quod ab æquinoctiali fiat tractu in septentrionē ascensio, distinguere. Ac primū quidem spatium ipsum, quantum maximū ac uastissimum illud est, ipsaq; omnem latitudinem una ac uiginti lineis partiti sunt, suam in unaquaq; distributione rationem secuti. Deinde ab ipsius æquinoctialis lineæ punctis, id est, ab oriente atq; occidente cœli cardine, æquo dīgressi tramite, primū clima, mundi q; acclinationem ita cōstitunere, horariū quoq; aduertentes spatia, uti cū sub æquinoctiali ipsa lineæ duodecim semper horarum dies pariter ac noctes essent, primū ipsum clima eō usq; prolatauerint, quod maximus quidem dies tredecim integris cōstitueretur ex horis. Quodq; plaga hæc Meroē, notam ac maximē clarā insulā peruaaderet, quæ à Nilo, Astabora q; fluminibus efficitur, Αἰθιοπία à Græcis est dicta: nobiscam appellare Meroēsem placet. Ceterum cum inter unum quodq; clima ab initio eius ad exitum interlabatur horæ dimidiatē tempus, uisum est priscis autoribus, ac præsertim Ptolemæo, quod spatium ipsum temporis appareat distinctum, interfecare singulas plagas singulis æquidistantibus lineis. Partitus est autem omne illud tempus horæ dimidiatæ in quadrantes duos, id est in duplices, ut hodie loquuntur, quartas. Quodq;

ab æquinoctiali linea, quæ duodecim semper est horarum, fiat digressio ad horas tredecim, quod primæ quidem plage tēpus est, interiecit lineas tres, quarum prima, æquinoctiali; quamproxima horarum esset duodecim, et quartæ alterius horæ partis: secunda quæ esset horarum duodecim et alterius dimidiata: tertia quæ ad horas duodecim ac dimidiatam alteram adijceret etiam quadrantem partē, quæ ratione lineæ quartæ, quæ primæ claudit acclinationem, existit horarum tredecim integralium. Caput autem æquinoctialis lineæ ab ortus Solaris cardine principiū, quæ parte Sinarum in Indico mari sinus incipit, hoc est, à Satyrorum post Ichthyophagos promontorio, auream inde pertransiens Chersonesum, oppidum; eius Calipolim ac fluium Attaban, inde; per Indicū excurrit pelagus, pertingit; Tabrobanam insulam, Azanū tranans flumen, oppidum; mediterraneū Nagadumam, et Nubartam, quod est in ora maritima: ac rursus in Indicum irrumpens mare Aethiopiā inde interfecat, dirimens interiorē Aethiopiā ab ea quæ est sub Aegyptiū, per; Azaniā feracem elephantorū regionem profectā, itē; per Struthiophagos, scindit Coloā paludem ac Pyleon mōtes, secundum; Arangam montē digressa interiorē Libyam interiorē ab Aethiopia diuidit, iustam; illam latitudinem, quæ albos gignere elephantos traditur, permeat, donec ad alios peruenit Ichthyophagos, qui sunt in ea parte Aethiopiæ, ad illū; oceani sinū, qui ab antiquis Hesperius dictus est, regio; ipsa Hesperia uocata, unde à Grecis ἡσπερία dicitur stella, quæ nostra lingua sunt occidua aut uespertina. Quo sinu tempestate nostra ab Hispanis enauigato, occupatis insulis, quæ Fortunatæ olim, nūc Canariæ ab illarū dicuntur maxima, loca permulta ad aperta sunt antea quædem ignota nostris hominibus. Ab hac igitur lineæ digressi in septentrionē orbem hunc nostrū una et uiginti (ut dictū est) lineis secuire. Primæ itaque plage, et ut Græca loquamur appellatione, ὠκεανῶς, tantū attribueretur terrarum ac marium, quantum lineæ quatuor complectuntur, id est, quousque

dies in tredecim integras excreseat horas. Ac prima quidem et secunda lineæ attribuenda fortasse esset æquinoctiali tractui,

quo septem climatum unumquodq; uarietur horæ dimidiata spatio. Nostamen uniuersum tra-

ctū ab æquinoctiali lineā usq; ad quartam,

tam, primæ plage attribue-

mus.



Deesse permulta faciunt arguere.
Libri dechniquarti de rebus celestibus finis.

IOAN. IOVIANI PONTA NI DE LVNA LIBER AD AEGI- DIVM EREMITAM.

PROOEMIUM.



Cademia Salernitana quādiu floruit, Aegidi Eremita, rerū naturalium, eiusq; discipline, quae quere
à Græcè dicitur, ita quidem tutata est partes, ut
Latine quoq; orationis curā minime abiicisse
uideatur, multiq; ex ea schola medicas res satis
etiā ornate literarū tradiderint monumentis, tū
prosa oratione, tum carmine: appareatq; magis
illis bona defuisse tempora, quā suis ipsos defuisse temporibus. Et profē
tō pars ea Campaniæ, in qua Neapolis sita est, maritima item Lucaniæ
ora, Brutiaq; ac Calabriæ cum insula Sicilia ita quidem cognitioni rerum
incubere, ut Philosophia illic initio nata putaretur, atq; apud eiusdē gen-
tis homines educata et culta. Quod et Eleates, et Locrenses, Tarenti-
næq; scholæ, Siculusq; maxime Empedocles docet, Empedocleaq; dogma-
ta clarum fecere. Nam si Homeri de Sirenibus ad Vlyssē dicta rectē acci-
piantur, cū tenere se profiteretur illæ cūcta quæ alma tellus, eademq; mul-
tigenia pareret, educaretq; quid hæc aliud dicta magis innuunt, quā
rerū quæ in terra gignuntur suntq; cognitionem ac scientiam: quæ Phy-
sicorum quidem est propria. Quid? quod eadem quoq; cognitio perdit a-
uit, percrebruitq; ut pleræq; artes bonæ, Romanorū temporibus ad auos
usq; nostros summa cū celebritate et gloria, cōtinuatis etiā eloquentiæ stu-
dijs, ut Virgilius Neapolim nō temere florere his ipsis dixerit. Ultima igi-
tur Salernitana studia et philosophandi, et Latine quidem philosophan-
di laudem amisere. Non tamen ut aut Salernitanis, aut Neapolitanis meis
bona hodie quoq; mens non asit uoluntasq; illa, quæ senserint, ea cum or-
natu et copia differendi. Quā ad rem nos quoq; pro uirili excitare nō de-
sinimus, atq; adhortari ciues nostros, si tamen per Gallorum insultationes
licuerit quod intendimus assequi, dum pacatissima olim regio, et bonis ar-
tibus dedita, illorum nunc armis afflictā ac prostrata iacet, languentq; ho-
minum ingenia, tātumq; à studijs ijs deterrentur humanitatis ac naturæ,
quantum Galli ipsi ac Germani excitantur ad prædam, expergiscunturq;
ad cædes ac latrocinia. Tulit olim Pythagoras Samius laudem hanc secum,
quod oram illam Italiæ docuisset, quæ mihi quidem non minus ab inge-
norum excellentia et flore Magna quondam uidetur Græcia appel-
lata, quā à frequentia maximarum urbium ac populorum, exultissi-

misq; diuitijs: cum tamen studia præclarissimarum artium pluribus etiam ante Pythagorã seculis hic floruissent. Itaq; fama hæc nõ magis uera fuit, quàm Numam Romanorum regem Pythagoræ eiusdem auditorem fuisse, quippe qui Metaponti docuerit regnante Seruio Tullo, qui fuit à Numa ipso Romanorum rex quintus. Nec uerò hanc nos laudem Pythagoræ inuidisse uideri uolumus. Et dum naturali disciplinæ, dicendiq; facultati con-
sulimus, uetustissimi philosophi, eiusdemq; optimi uiri nomini ut detrahamus, absit ab ingenio institutisq; quãlongissimè nostris. Docuerit itaq; uir Samius, et bonus et doctus uir, Italiam primus, institueritq; nostrateis homines non ad disciplinas modò, uerùm ad religionem ac dei cultũ, fueritq; auditor eius Pompilius rex, dum nos ab infita moderatione, prosecutioneq; uel admiratione potius maximorum ingeniorum minime recedamus. Nec tamen Salernitano illo instituto desinamus aut eloquentiæ physicae res adiungere, aut rebus ipsis naturæ explicandis ornamentũ et com-
ptum. Ne te igitur pigeat coelestis inter cogitationes tuas, studiãq; diuinarum rerum, Christianæq; religionis confirmandæ atq; illustrandæ, no-
stratia hæc legere, quæ sunt de Luna, corporisq; eius maculis, quibus le-
gendis, quòd pleraq; physicorũ quorundã aduersentur opìmoni, satis scito te magis admiraturũ esse inquisitione de ea re nostram, q̃ arbiturũ nos uel liuore aliquo, uel maledicẽ studio incitationeq; ad hæc ipsa tractum, quippe qui ueritatis indagandæ gratia moueamur, non odio, minime uerò aut inuidia impulsĩ, aut insectandi cupiditate aliorũ ue gloriæ detrahendi.



Vnam Aristoteles minorem esse Solem ait, secundumq; ab illo locũ obtinere, atq; auctoritatem tum calorĩs, tum lucis. Cumq; calor, et Solaris quidem calor, generationis prima sit atq; appositissima causa, nimirũ Luna secundo illi succedet in loco, quando minor ea Sol à maxi-
mo rerum naturæ indagatore iudicatur. Itaq; nec me ipsum puduerit uita-
riam esse eam Solis dicere, et in calfaciendo genitalem ad operam et illu-
minandis nocturnis tenebris, luceq; terris subministranda. Ipsam tamen suapte natura opacam esse docent menstrui eius discursus, illuminationisq; quotidiana uarietas: quippe quæ pro recessu aut accessu ad Solem suo, nũc corniculata appareat, nunc dimidia: modò autem tumentior, modò per-
quam plena: hæc uarietates formæ bis illi accidant singulis mensibus, bis etiam contingat nullam uideri, paulò antè quàm Soli congredditur: et postquam ab illius coitione digressa, nouam cursus auspicatur rationem. Itaque ueteres Græciæ poëtæ non abre sinxerunt sub Apollinis ac Dianæ nomine, fratris eos inter se ac sororis uinculo iungi. Quòd igitur suapte na-
tura

tura opaca sit, Solaribusq; à radijs pro interiecta intercapedine illa
 strctur, Lunam pleriq; Latiorum dictam uolunt, tanquã luce lucentem
 aliena, cum lumine caſa ſit proprio. Cui opinioni etſi aſſentiendũ uidetur
 propter ſcriptorũ autoritatem ac temporum, tamen quòd ea fortaffe am-
 bitioſior eſt, nobis magis placet, nocturna ab illuminatione Lucenam ini-
 tio uocitatam, poſt uerò ſubtracta ſyllaba, quod cõpluribus in diſtionibus
 uſuuenit, pro Lucena Lunã in ore hominũ percrebuiſſe, nomenq; ipſum
 integrum ſiue Lunoni ſiue Dianæ, una tantum cõmutata litera perman-
 ſiſſe. Lucere tamen eam dimidiã ubiq; ratio ipſa docet. Semper enim dimi-
 dium corporis eius Solari expoſitum eſſe illuſtrationi ita cõſtat, ut ex in-
 tegris dimidijs, altero ſemper luceat, qua in Solem proſpectat: altero, qua
 uidelicet parte illi aduerſatur, opacet. Nam corniculatam cũ intuemur in
 ſuperiore quidem à parte, tũc uerò à ſuperiore pertumefcit, ut corniculatio
 illa inferior ſuperiori coniuncta tumori, dimidiationem integrã Lunaris
 corporis impleat: è contrario cum inferius intumefcit, ſuperius inſinuat
 cornua. Cumq; mortalibus lucet dimidiata, quæ tamen quarta pars eius
 pro obtutu noſtro eſt, altera quidem pars, quæ integram dimidiationem
 cõſtituit, lucet immortalibus: et cum nobis nulla quidem cernitur, illis exi-
 ſtit plena, hoc eſt, ex dimidio toto ſuperiori à parte illuminatur: cũq; illis
 nulla, nobis proſus eſt plena. Quo fit, ut uarietas illa figurarum è diſcuſ-
 ſu eius exiſtat ad oppoſitam nunc Soli regionem, nunc rursus ab oppo-
 ſita regione ad Solis congreſſum. Non deſunt tamen, qui aſſeuerent
 Lunam ipſam ubiq; luceſcere dimidiã plus corporis ſui parte, quòd ea na-
 tura ſit corporum illuminantium, cum longẽ maiora atque corpulentio-
 ra ſint: quæ uerò illuminantur, minora. Quod nos ipſi minimẽ quidem
 inficiamur, ſed aliã potiùs ſequendam in ijs eſſe rationem ducimus. Quã
 tamen antequam explicamus,

Reliqua deſiderantur.

P. SUMMONTIVS LECTORI.

Opus hoc de Luna in Pontani ſcriptis ita ut uides, manẽ inuenimus;
 cuius reliquum, ut alia etiã nõnulla, poſt autoris obitum amiſſum eſt hæ-
 redum incuria. Nec ex his proſectò quæ nunc habemus, eadem non incu-
 ria obuiſſet, niſi nos idipſum timentes, periculo ſtatim occuriſſemus, ere-
 ptisq; tanquam è naufragio archetypis, ſalua per nos res fuiſſet. Quare
 diſcant præcauere ſibi quicunq; literis aliquid mandant, nec ſe temerẽ, ſi
 ſapiunt, poſteritatis committant negligentia. Vale.

EPISTOLAM HANC IOVENIS

olim Pōtanus super Herodoto scripsit, per Laurentiū Val-
lensem in Latinum conuerso.

IOVIANVS PONTANVS PETRO SALVA
TORI VALLAE, ET IOANNI
FERRARIO S.




Tsi uerecundia mea uix dignū esse arbitror, ut alieno labori
meum nomen inscribam, tamen Petro Saluatori Vallae, et Ioan-
ni Ferrario aliquid à Iouiano postulātibus, difficile dictu esset,
non concedere. Efflagitastis enim, ut quoniā Halicarnassei Herodoti histo-
rijs mirum in modum delectaremini, quas nuper Laurentius Vallengis in
Latinum cōuertisset, sed morte praeuentus, incepto operi ultimā nequie-
rit manū imponere, id breui saltem testarer epistola, ne tantus labor à quo
susceptus fuerit, id posteris esset incognitū. Feci itaq; nō inuitus, ut rogatu
uestro eruditissimi hominis famae consulcrem, quem et uiuū amauī, et mor-
tuum etiā lachrymis sum prosecutus. Huius autē suscepti operis ratio haec
fuit, quod cū ille Neapolim se aliquādo cōtulisset, salutādi regis Alphonsi
gratia, cui multos ante annos esset cognitus, et de rebus Persarū ac Grae-
corū multus inter eos sermo esset exortus, rogatus est à studiosissimo prin-
cipe, ut Herodotum, quē ea diligentissimē cōplexum esse sciret, sibi Latinū
redderet. Quod cū ille Regi de se benemerito, ac honesta praesertim petitiō
non denegasset, ne operā suā, ut erat pollicitus, omnino praestaret, immatu-
ra mors effecit. Quo mortuo Rex libros eos, ut erant, Roma sibi deferen-
dos curauit, et in bibliotheca sua diligenter asseruari iussit. De hac autē to-
ta conuersione, quod meum sit iudiciū, nouistis. Mallem enim unumquēq;
sua, quā aliena ad nos afferre. Equidem et Ciceronem existimo, si uiue-
ret, grauato id animo esse laturum, si quis Oratorem suū Graecē loqui face-
ret, et Demosthenem stomachaturum, si quē ipse Atticē scripsisset, alia
quispiam lingua eloqui uellet. Quod autē ad Herodotū ipsum attinet, sanē
id est, ut existimem tanti uiri ingeniū non parum omnes admirari debere,
qui res uarias, ac tanta diligentia conquisitas, ea suauitate artificioq;
explicauit, ut nihil omnino sit, quod eius laudibus rectē detrahi possit, ni-
si forte id aliquis calumniari uelit, quod nonnulla apud eum ita legantur,
ut ficta quā facta potius esse uideantur: quae culpa non magis scriptoris,
quā temporum illorum est existimanda, quā ego uel potissimā reor
esse causam, cur nouem ille Musarum nominibus libros suos inscripserit.
quasi ipsa operis inscriptione apud posteros id testatum relinquere cupe-
ret. Nam et temporibus nō omnino re pugnari potest, et Musis aliquanto
etiā

etiam liberius, ut scitis, loqui concessum est. Sed de hoc licet alij quoque suū
 afferant iudiciū, nihil enim obsisto. Satis feci, ut opinor, cupiditati uestre:
 quod si breuior fortasse sum, quam erat uestrum utriusque auditas, id oc-
 cupationibus meis attributis. Ad hæc et Laurentij nostri, et Herodoti
 ipsius laudes maiores multo sunt, quam ut eas brevis epistola complectatur.
 Reliquum est, ut uos ad legendas historias adhorter, ex quibus si ani-
 mi queratur uoluptas, non est unde maior percipi possit: si uitæ commodi-
 tas, haud ferè inuenietur, ubi plura melioraq; exempla reperiantur.
 Valete, Neapoli, Calendis Ianuarijs. Anno M. CCCC. LX.


PONTANI EPISTOLA, QVA DE VETÈ
 rum libris iudicat, per Asciū Syncerū inuentis. Hæc ne sine dolore
 legas, ultimā lector scias, post innumerabiles alias, quas tū
 publicis, tum priuatis de rebus, immortalitate dignus
 uir ille olim diuinitus scripserat.

PONTANVS SYNCERO ANIMI
 FIRMITATEM D.

 Væ ad Pudericum scripsisti, ea me mirificū in modum delecta-
 runt. Sūt enim plena pietatis tue erga uetustatem ac diligen-
 tiæ. Quocirca uel auentissimè expecto uidere Ouidianos illos
 pisciculos in Euxino lusitantes, Meotideq; in palude. Quod uerò ad uena-
 tionem attinet, uisus est mihi uates ille lepidus, numerosus, et cultus: deq;
 eo, si rectè memini, sit ab Apollinare mentio in hendecasyllabis. Rutilia-
 ni illi uersiculi enodes sunt et nitidi: cultus uerò ipse peregrinus potius
 quam urbanus, ne dicam arcesitus. Sed de his omnibus cuius erit iudicium
 rectius aut probatius quam tuum? Ego, ut dixi, mirificè expecto Ouidia-
 nos illos ἰλυπας, nobis incognitos, presertim sub Quadragesimale ieiun-
 nium. Tu uale, et in isto uoluntario exilio, seu potius peregrinatione di-
 gnā nobilitate tua fortitudinem retine. Neapoli, Idibus Februarijs.
 M. CCCCC. III.

BASILEAE, PER HAEREDES
 Andreae Cratandri, Mense Augu-
 sto, Anno M. D. XL.





Index Pontanum in Polonium

Aedificatio quanto facienda. f. 100.

Annusque et eorum ratio que. 146.

Anticipatio ratio eorum que. 134.

Azotele modestius cum et ventent 27.

Ascendens quanto facienda. 13. Regno-
rum boundingque Picibus, et flora.

68. Principis erga duos quales. 83.

oppressus a malicia. 74. proque
sunt corporis considerantur. 131.

Aures a septima domus querenda. 149.

Comes 111. 161. 164. genera 168. 170.

Concordia inter duos significata. 61.

Coniunctione centum et decem regem
de Planetis. 86. feminarium 150. 115.

Conspicuo quales. 29. 114. annis. 157.

Dantis affectus et animus quales. 144.

Demonia eorum significatores. 121.

Deconit et Decurionum. 158.

Despici obervant. 109.

Directio Ascendentis et Mercurij. 44.
Dodecatemoria et significationes. 133.
Domorum edificatio quando fiat. 68.
Eclipses Astrologice qualis. 13. 23. 25.
Eclipses Luminarium 42. et 15 qda.
Eratosthenis et Longiue signa. 125.
Existentium hominum significatores. 121.
Genitura Domini Paretis per decennium. 79.
Genitum figure contrarie. 77.
Gorgonius quicquid. 126.
Honor fructus, lucet impletus. 14.
Hors. Horatius assignatque. 151.
Horoscepus cognatus. 31. Hor. Ascensu.
Imagines, Decemoria et facierum. 158.
Infirmis quicquid quatenus nota. 153.
Inquisitionis perum ratio qualis. 150.
Interrogatio, uide Consultatio.
Itineratio intro et per qualis. 78.
Interioris seu exterioris Domini. 103. 64.
Luminaria conditio quid. 125.
Luna fons naturalis potentis. 144.


Luna in purgatione 35. in unctione man-
br 36. ut configurata stellis 38.
Lunae in genitura et ascensionem
conceptu q2 mutatione cum sole 104.
Iuxta Taber latera 109. signific-
cat res corporis 110. et connexionem
corporis cum anima, et affectus. 131.
Macilentia et pinguedinis cause 99.
Medicus quando mutandus. 125.
Magistratus administratio qualis. 141.
Medium sicut ares inflatur. q. proas-
sionibus. 131. Principi erga vultus. 83 &
Mors in Ascendente licet in facie.
q29. in Trineia ipse ferus. 136.
ut intus in possessione rei prima 442.
Mensis lunaris et solaris differentia 145.
Mercurius q2 facit uget et ares. 70.
Mors graues periculi et deorum. 76.
Mortis medicum et prognosticis q2. 117.

lunium genitura) et predictio. 142.
lunium procedens genituram. 140.
nocrator est finium Domini. 152.
et fortune. 81. ratio eiusque. 147.
abire ad septima) quarende. 149.
Laret influxu variis & invadendi
nem. 12. combusti. 153. quibus
honoribus prout. 17. Beneficium
Octava. 32. Maleficium in Ascen-
dente 83. in terrare) faciunt la-
etorem, et contra) 45. qui re-
perit, et contra) 113. potentis
singulorum enumerat. 148.
lunium procedens genituram. 140.
Perseus quando malecata. 142.
Rigatio coniuncta) tunc et luna. 35.
Regum et successorum ascendens. 30.
37. qui habent Martem in Medio
(s. Indecima) et in secunda. 33.

Signa cœlestia, pices. 21. humana, et e
contra 80. sexus, et effectus. 124.
Saturnus culminans, qui influat. 130.
Saturnus longa et brevis undabit. 97.
Sol fomes et vitalis potentis. 144.
Stellæ corruptis 27. fixæ sunt felici-
tatis admirabiles, sed breves. 50. ali-
quot ex prædictis stellis notatis. 53. &c.
Tempora eventuum ut quærat. 137.
Tomarij de Trincio prædicto. 5.
Traiectiones quæ significata. 162.
Trigonorum et huius triplicitatis. 126.
Venus, in fluxu, 40. & oritur. 136.
Vestis quando incidenda, aut cri-
men incidenda erit. 137.
Vini, & omnia significata. 120.
Vestium significatio quando fiat. 66.

finis.

Handwritten text in a cursive script, likely a ledger or account book. The text is written in a dark ink on aged, slightly discolored paper. The entries are organized into columns, with some numbers and names visible. The text is written in a cursive script, likely a ledger or account book. The entries are organized into columns, with some numbers and names visible. The text is written in a cursive script, likely a ledger or account book. The entries are organized into columns, with some numbers and names visible.



Handwritten signature or name at the bottom of the page, written in a cursive script. The signature is large and stylized, with a prominent initial. It is written in a dark ink on aged, slightly discolored paper.

7. 10. 1880

24. 10. 1880

25. 10. 1880

26. 10. 1880

27. 10. 1880

28. 10. 1880

29. 10. 1880

30. 10. 1880

31. 10. 1880

1. 11. 1880

2. 11. 1880

3. 11. 1880

4. 11. 1880

5. 11. 1880

6. 11. 1880

7. 11. 1880

8. 11. 1880

9. 11. 1880

10. 11. 1880





